


Ex lib. Spi.

Ex Libris Alexandri Berniglierii
anno Domini 1794. J. B. 17. Xb.

Caj. = 50. =



ONVPHRII

PANVINII. VERONENSIS

FRATRIS. EREMITAE

AVGVSTINIANI

REIPVBLICAE. ROMANAE

COMMENTARIORVM

LIBRI. TRES

Et alia quaedam quorum seriem se-
quens pagella indicabit



VENETIIS Ex Officina Erasmiana
apud Vincentium Valgrisium,
M D LVIII

Indignus Scriba

Vrbis Romae descriptio	pag. 1
Sex. Rufi	pag. 222
P. Victoris	pag. 244
Rutilij Claudij Numatiani itineraria duo	pag. 259
De sacerdotijs	pag. 319
De tribubus	pag. 476
De magistratibus	pag. 581
De comitijs	pag. 307. 560
De prouincijs populi Romani	} libro III
De colonijs, & municipijs	
De legionibus populi Romani	

IMP. CAESARI. FERDINANDO

AVSTRIO. PIO. FELICI

PERPETVO. AVGVSTO

ONVPHRIVS. PANVINIVS. VERONENSIS

FRATER. EREMITA

AVGVSTINIANVS. S. P. D



VID caussae fit Ferdinan
de Auguste, cur vt quae
que ars maxima, maxime-
que laudanda sit, ita maxi-
mo sui studio omnium ho-

minum mentes inflammet, & iure quae-
ri, & quaesitum haud difficile a nobis in-
ueniri fortasse poterit. Etenim quū non
solum in ijs rebus, quae a natura procrea-
tae, sed etiam in his quae ab hominibus
gestae sunt, veritatem ipsam exquirere
difficile sit, difficillimum autem quidq;
constantissimo omnium hominum testi

monio gloriosissimū habeatur, quid est,
quod miremur ad honestissimas artes
huius laudis cupiditate plurimos quot-
tidie homines incitari? Adde quod quū
in his disciplinis tantum ad dignitatem
praesidij constitutum esse illi intelligāt,
non mediocre in ijsdem ad vtilitatem e-
tiam positum esse momentum, quod ea
vix ab honestate seiungi possit, existi-
mant. Quae igitur studia incredibilis
spes gloriae, ac non minima commodo-
rum expectatio excitauit, ea deinde ae-
mulatio, ac quaedam etiam principatus
cupido confirmauit. Siquidem hoc ho-
mini a natura tributum est, vt quocunq;
in studio elaborarit, is in eo, modo libe-
ro, atque ingenuo animo sit, se lōge ante
cellere ceteris uelit. Itaque non modo
in his praeclaris doctrinae studijs nobis
primas ingenij cupidissime vindicamus,
sed in rebus etiam bellicis periculorum
quoque nobis, si ita res tulerit, principa-
tum

tum deposcimus. Atque haec vna res
hoc tempore bonarum litterarum stu-
dia, quum iam pridem afflicta erexit, tū
etiam erecta corroborauit: quum multi
interea sese ad ea celebranda, rerum om-
nium quae maiores suos oppresserat ex-
pulsa barbarie, conuertissent, atque veri-
tatis indagandae studio, nouas ipsi sem-
per aliquas inferre sententias studuis-
sent, alienas vero, vt res postulabat ipsa,
repudiassent. Quam ob rem eorum in-
genio, quantum ad antiquam litterarum
gloriam progressus factus sit, nemo est
tam ignarus rerum, qui nō facile etiam,
me tacente perspiciat. Hoc in alijs disci-
plinis nostra, aut patrum memoria fa-
ctum; vt ab excellentibus ingenio viris,
qui eiusmodi studia coluerunt, multae
incognitae artes inuentae, multae ex an-
tiquitatis tenebris erutae, atque in lucē
productae sint; modo autem in antiqui-
tatis Romanae studio fieri coeptum ui-

demus. Quod quidem ad illustrandum,
quam multi præclaro ingenio præditi vi-
ri, his decem annis se contulerint, quan-
tum eorum industria subleuarint, diffici-
le dictu est. Horum igitur & ego praecla-
ro exemplo adductus, non gloriae, cui
quidem in tanta singularium uirorum
copia, vix locum esse posse videbam, in-
census studio, sed incredibili rerum Ro-
manarum, quibus ab ineunte adulescen-
tia deditus fui, cupiditate quadam inflā-
matus, ad huius me excellentis, liberalis-
que doctrinae studium applicui. Itaque
quum in magistratum & triumphorū
Romanorum Fastis digerendis summo-
pere aliquot annis ante laborarem, ad
eum laborem hunc quoque mihi non in-
utilem, ut sperabam, adiungendum esse
existimaui, in quo breuem reip. Roma-
nae a multis quidem tractatae, non ta-
men ita ab omnibus explicatae descri-
ptionem, tribus libris comprehenderē.

Vno

Vno enim labore, & res præclare gestas,
& earundem auctores colligebam. Fa-
ctis publicatis, nunc quo ab antiquitatis
studiosis maiorem gratiam ineã, hos ip-
sos tres libros, quos etiam eodem fere
tempore expleui, in lucem edere consti-
tui; quorum primo priscae urbis imagi-
nem, idest vetusta aedificia, sum com-
plexus: vrbisque originem, situm, po-
merium, portas, vias, montes, & postre-
mo regiones breuissime digessi; altero
ciuitatis rationem, id est populi Roma-
ni publica tam sacra, quam profana insti-
tuta collegi; tertio imperium ipsum ex-
tra urbem vniuersum explicui. Me au-
tem, ut hoc facerem illa res praecipue
adduxit, quod Romanam antiquitatem,
quam merito omnes gentes tantopere
admiratae sunt, me subleuaturum esse
maxime arbitrabar, quum nihil ex his
quae alij scripserunt praetermitterem;
multa ab alijs praeterita adderem; & nõ

pauca quae hi praue, aut obscure scripserunt, emendatius, atque apertius traderem. Libro constituto, quum diu cogitasset, sub cuius praecipue nuncupatione eum in lucem ederem, dubiusque aliquando fuisset, in eam postremo deveni sententiam, ut unius potissimum mihi nomen deligerem, quod diutissime & vivere, & florere posse mihi persuaderem, cuius beneficio, liber ipse ornamentum, splendorem, & si fieri posset, aeternitatem consequi valeret. In quibus mihi cogitationibus versanti, Maiestatem tuam huius potissimum operis patronum deligendam esse existimaui. Quod cur facerem multas omnino causas habui: quarum praecipua, quod imperij Romani breuiarium, non nisi imperatori Romano dicari oportere duxi. Lux enim quaedam orbi terrarum affuisse visa est, quum percrebuit Maiestatem tuam in pientissimi, omniumque saeculorum

culorum memoria digni fratris tui Caroli Augusti abdicantis locum, summa omnium voluntate, incredibilique plausu, ad supremum imperii fastigium euectam esse. Quo exoptatissimo nuntio orbis terrarum recreari visus est, cui humanitas, beneficentia, animi magnitudo, iustitia, religio, & excellentes in omni genere virtutes tuae cognitae sunt, & perspectae: qui litteris omni tempore a tua Maiestate cultis praemia amplissima futura esse confideret. Tibi enim summam iuuandi humanum genus voluntatem, & maximam cum voluntate deus tribuit facultatem. Quare quum nihil exoptatius mihi contingere potuisset, existimaui me neminem conuenientius deligere, posse, quam Maiestatem tuam, cui mea haec ingenij monumenta nuncuparem. Considerabam enim eum librum, qui veteris illius omniumque maximi Romani imperij gesta continet

tineret, nulli praeterea magis conuenire potuisse, quam ei qui eidem imperio dei voluntate praefectus esset. Qui hoc praesertim tempore ad supremae istius dignitatis apicem euectae, tanquam gratulatum adueniret. Cuius lectioni, si quandoque a grauissimis tanti imperij curis animus paulisper auocatus vacare poterit, minime vereor, quin Maiestas tua, quam veterum monumentorum studiosissimam esse ab Antonio Augustino, & Martino Gusmano viris sanctissimis, iisdemque eruditissimis accepi, voluptatem aliquam non percipiet, quum in iis multa vetustae purioris illius, sanctiorisque antiquitatis arcana euulgaue- rim, et in lucem produxerim. Quare Maiestatem tuam supplex oro, vt meum hoc audacius fortasse erga illam studiũ, in optimam partẽ accipiat, & benigno Augusti nummis tui nutu laborem hunc meum comprobet, sic enim me & ma-
ximum

ximum ex hac mea industria studium tu
lisse putabo, & ad maiores etiam res,
quas iam dudum in manibus habeo per
ficiendas vehementius incitabor.

Venetiis Kal. Augusti ∞ DLVIII

IN . LIBRVM . PRIMVM

PRAEFATIO



VLTOS tam nostra, & auorum, quam prisca aetate fuisse constat, qui vrbis Romae situm, aedificia, & imaginē litteris prodiderunt. Quorum scripta quum ego partim vetustate, uel consumpta, uel deformata, partim non omnino perfecta, nec satis diligenter confecta animaduertissem, in eam opinionem ueni, ut haec ipsa maiorem lucem desiderare existimarē. Quam his rebus hoc breui commentario, me afferre posse non disidebam. Cuius antequam rationem reddam, omnes & ueteres & recentiores scriptores enumerabo, quos integrae urbis, uel eiusdem partium descriptionem litteris persequutos fuisse didicerim. Vetustissimus igitur omnium est M. Varro, qui de tribubus, de aedibus sacris, de ludis theatralibus, & scaenicis libros, qui interciderunt, scripsit. Neruae imperatoris tēpore de aquaeductibus Romanis duos libros edidit Sex. Iulius Frontinus v. c. & ab eodem Augusto aquarum curator creatus. Extat Aristidis Smyrnæi rhetoris, qui sub Hadriano Augusto uixit, de Romae laudibus oratio satis ieiuna. Atque hi carptim potius, quam in uniuersum, tantam rem tractarunt, quum urbs florens & integra, aeternum eo statu mansura existimaretur. Verum quum & lapides, & metalla, quae omnium durissima sunt, quaeque uix hominum

hominum uis frangere potest (his enim praecipue vr-
bis ornamenta constabant) consumi, & confici a ue-
rustate, & quicquid ex partibus aliquando coijt, & cō-
cretum est, id easdem in partes aliquando dilabi ac
disipari necesse esse, ueteres illi animaduertissent; sub
Valentiniani maioris imperio, in quo vrbs hominum
eius saeculi fatali ignauia, & negligentia, pristinum
splendorem amittere cœperat; fuere qui ex instituto
accuratam eius descriptionē uicatim propemodum
facerent, ut quod tempus consumebat, ipsi litteris re-
nouarent: quales fuerūt Sex. Rufus, & P. Victor; quo-
rum monumenta tenebris uetustatis eruta, in hoc li-
bro extremo suggeram. Qui quam ratione hoc
argumentum tractarint, infra demonstrabo. Post eos
neminem longissimo temporum intervallo fuisse co-
gnoui, qui de vrbe eodem, uel diuerso exemplo quid
litteris traderet, quum non solum antiquitatis stu-
dium, sed omnes artes liberales, optimasque scien-
tias, quas nusquam magis quam in Italia honor alue-
rat, atque auxerat, ea aetas afflixerit; qua Romani im-
peratores praecipua imperij sede Byzantium transla-
ta, Italiam barbaris nationibus diripiendam, ac deua-
standam reliquerunt. Quo tempore vrbs non anti-
quum solum decus, sed etiam imperium ipsum pror-
sus amisit. Quod felicissimis auspicijs ortum, lac-
tissimis rerum successibus auctum, uiris clarissimis,
& fortissimis instructum, quorum consilijs, & uirtu-
te ad amplissimum in terris fastigium euectum fuit,
legibus & institutis publicis priuatisque, deūmque
summa pietate celeberrimum, concidit tamen & om-
nino euersum est, & ut quemadmodum id de toto
terrarum

terrarum orbe triumphos rettulerat, sic nulla fere ho-
die in terris gens agat, aut egerit, quae non aut auitas
iniurias, aut suas illi rependerit, ut demum mortales
intelligant, nihil esse inconstantius, cladibus, rui-
nis, mutationibusque magis obnoxium, his ipsis re-
bus, quas tantopere tanquam aeternas miramur. Qua-
re etiam illud factum est, ut breuissimo temporis in-
teruallo urbs ipsa, ueterem splendorem, & faciem; de-
formis ipsa, incondita, & in parietinas, barbarorum
immanitate, & temporis edacitate disiecta, omni ex
parte amiserit. Vnde quum trecentis annis antea, quo
tempore omnia iam obscurissima facta tenebris ue-
tustatis oppressa erant; extitissent, qui ueteres illius
ruinas litteris illustrare uoluissent, quae tum agnitio-
nem sui omni ex parte perdiderant, in aniles fabulas,
& meras nugas inciderunt. Ceterum centesimo post
eos anno, Franciscus Petrarcha paulo certe meliori
fato in epistolis suis urbis ruinas deplorauit, potius-
quam descripsit: acris enim uehementisque ingenij uir,
rei difficultatē primo statim in limine haerens, cogno-
uit; quare mirari coepit, quae se ignorare intelligebat.
Non longo tempore post, quum Latinae Graecaeque
linguae purior, synceriorque usus, quem perpetuae
multorum annorum tenebrae, quasi nox quaedam
obscurauerat prorsus, atque extinxerat, artesque in-
genuae iacentes, barbarie pulsa renouari, & recrea-
ri coepissent, antiquitatis quoque studium paulatim
excitatum est. Quare centesimo & uicesimo anno
ante, primus omnium ex recētoribus, Blondus Fla-
uius descriptionem urbis ex instituto facere aggres-
sus est. Qua in re id omnino fecit, quod in tanta re-
rum

rum obscuritate praestare potuit is, qui primus eam
prouinciam suscepisset. Vt enim nullam artem eodē
tempore, & inuentam simul esse & absolutam con-
stat; nam omnes humili tenuique ab initio profectae,
paulatim quasi per gradus ascendentes, ad id quod
summum uidetur esse perueniunt, ita hoc & in litte-
ris accidit, maximeq; quibusdā in rebus, quae eiusmo-
di sunt, ut semel atq; iterum descriptae, & auctae locu-
pletari tamen, atque ornari deinde possint. Quo ex
genere antiquitatis studium est, quod a Blondo ex-
citatum tenue a principio & obscurum, nunc multo-
rum doctorum hominum labore, studio, atque indu-
stria longe clarissimum factum est. Post Blondum
Iulius Pomponius Laetus, Ioannes Tortellius, Caro-
lus Poggius, eodem fere tempore; & ijs posteriores
Raphael Volaterranus, Fabricius Varanus, & Fran-
ciscus Albertinus ad hoc idem studium animos suos
contulerunt. Deinde patrum memoria, Andreas Ful-
uius multis libris carmine, & soluta oratione urbem
celebrauit. Post hos Bartholomeus Marlianus a su-
periorum vestigijs non discedens, & ipse nostra aeta-
te urbis topographiam accurate scripsit. Nouissime
Benedictus Aegius, & Pyrrhus Ligorius antiquitatū
omnium peritissimi urbis ruinas explicandas & illu-
strandas susceperunt. Hi, quamquam adhuc integra
ingenij sui monumenta nondum publicarint, quan-
tum tamen ex diuturna eorundem familiaritate co-
gnoui, omnes qui haecenus hoc argumentum tracta-
runt, longe post se reliquisse mihi uisi sunt. Accura-
tiore enim diligentia antiquitatem omnem recondi-
tā inuestigarunt, & inuentam iudicarunt; ueterumq;
antiqua-

antiquariorum infinitos pænè errores diligenter prudenterque animaduenterunt. A quibus ego multa me didicisse fateor, eorum quae primo hoc libro digessi. In quo vrbis originem, originis tempus, pomerium, vias, portas, colles, & regiones noua quadam scribendi ratione descripsi; atque hoc tempore in communem antiquitatis studiosorum gratiam publicauì. Post quem haud multo post commentariũ ipsum edam, quẽ in XIII. vrbis regiones a me descriptas feci; in quo singillatim omnia examinabo, atque cur singula ita concinnauerim rationes, citatis ueterrum scriptorum testimonijs, reddam. Interim amice lector, hunc laborem boni consule, & aequo animo dum longe praestantiora adornem; his frui

2

ONVPHRII. PANVINII
VERONENSIS. FRATRIS
EREMITAE. AVGVSTINIANI
ANTIQUAE. VRBIS
IMAGO

De ijs, qui loca vbi Roma nunc est, ante urbem
conditam coluerunt



PRIMOS omnium Siculos barbaros,
gentem indigenam, Latum, et ea, in
quibus post urbs condita fuit, loca te-
nuisse, memoriae proditum est. Quae
ante culta an inculta fuerint, incom-
pertum. Eorum deinde partem pri-
mo, postea omnia, Siculis longo bello uictis, atque demum
in insulam Trinacriam, quae et Sicania dicebatur exactis
(a quibus postea Sicilia appellata fuit) occuparunt Abori-
gines. Qui quum prius uicatim, et sine moenibus passim in
montibus habitarent, atq; à finitimis nationibus uexari coe-
pissent, complura oppida munerunt; omniaq; longo tamē
temporis interuallo, tandem obtinuerunt loca, quae in occi-
dua Italiae parte, Apennino, mari Tyrreno, Lyri, atque
Tiberi amnibus clauduntur, semper Aborigines uocati, us-
que ad belli Troiani tempora, quibus a Latino eorum rege,
cum plerisque alijs gentibus, quas in patrij soli communio-
nem acceperant, omnes Latini uocitari coepti. Horum re-
ges fuisse Ianum, Saturnum et Creta insula profugum, Pi-
A cum

cum, Faunum, & Latinum, quos posterī tanquam deos cō-
luerunt, fama est. Aborigines autem, alij indigenas Italiae,
& ideo quasi sine origine; alij errone, & sine certis sedi-
bus uagos, quasi aberrigines; alij Ligurum Vmbris confi-
nium colonos (Ligures autem an Itali an Galli fuerint, in-
certum); alij & Romanorum doctissimi, ut M. Porcius Ca-
to, & C. Sempronius, qui de conditoribus Italicarum ur-
bium scripsere, Graecos eos fuisse affirmant; qui multis
ante Troianum bellum aetatibus, quas Dionysius XVII.
fuisse, ex Antiocho Syracusano scriptum reliquit, hoc est
annis CCCCLX. (septem enim & uiginti annos, in
singulas aetates coniungere solet) in Italiam, classe Ionio tra-
iecto, uenerunt

Dionysius uero Halicarnassensis uetustissimorum scripto-
rum auctoritate ductus, eos primo Arcadas fuisse refert,
qui Oenotro & Peucetio fratribus Lycaonis Arcadum re-
gis filijs, ex genere Phoronei, ducibus, ex Arcadia in Italiā
cōmigrarūt, quū agri paterni portio quae illis cōtigerat, nō
sufficeret. Nam quum Lycaoni duo & uiginti filij fuissent,
in totidem quoque partes diuidere paternum imperiū opor-
tebat. Ex ijs autem Peucetius eam Apuliae partem occupa-
uit, quae Iapygia dicebatur, a quo etiam ij populi Peucetij
dicti. Oenotrus autem occidentalem Italiae partem inua-
sit, quae a barbaris Siculis tenebatur, & nunc Latium di-
citur, quae mari Ausonio uel Tyrreno alluitur, quam ijs
pulsis obtinuit, atque Oenotriam de suo nomine appellauit.
Hinc Virgilius libro Aeneidos III. ita scripsit

Est locus Italiam Graij cognomine dicunt
Oenotrij coluere uiri, nunc fama minores
Italiam dixisse ducis de nomine gentem

Porro inter Oenotri reges successores fuerunt Italus,
Morges

Morges, & Siculus, a quibus Oenotrij ipsi, aliquando Itali, Morgetes, & Siculi appellati sunt. Oenotrij itaque qui a Graecis Aborigines dicebantur, primi omnium fuerunt, qui ex peregrina gente Latium tenuere, a montanis sedibus, ut Arcadibus mos fuit, Aborigines dicti; neque enim antiquiorem hac ipsa classē ex Graecia, uel alibi in hanc occidentalem Italiae partem aduenisse, adhuc compertum est. Horum multae magnaeque urbes fuerunt, in agris Siculo- rum ab eis captis conditae, uel restitutae; inter quas praecipuae erant Lista metropolis, Palantium, Trebula, Vesbula, Sune, Mephyla, Oruinium, Corfula, Issa, Maruuium, Vatia, Tiora, Cutylia, Antemnae, Tellenae, Ficulnea, Corniculum, Tibur, & aliae multae, quarum nostro tempore uix nomina supersunt

Aliquot post Oenotrios aetatibus, annis circiter C. ante bellum Troianum, Pelasgi ex Thessalia in Italiam ueniētes, Oenotrijs adiuncti, iureque cognationis suscepti, Aborigines omnes dicti sunt. Qui una Siculos Umbrosque bello petentes, Siculos quidem patrijs sedibus omnino eiecerūt, Umbros uero magna agri parte multarunt. Porro autem Pelasgi ex Peloponnesso & Argis oriundi, a Pelasgo Iouis et Niobes filio eorum rege nomen acceperunt, qui ob multitudinem relicto patrio solo, ad nouas quaerendas sedes in Aemoniam, quae & Thessalia dicebatur, commigrarunt, Achaeo, Phthio, & Pelasgo Larissae & Neptuni filijs peregrinationis ducibus. Quam barbaris pulsus, per annos plus minus XL. summa cum felicitate tenuerunt. Sexta uero aetate post, a Curetibus & Lelegibus, qui Aetoli postea & Locri dicti sunt, duce Ducalione pulsus, quum per diuersas orbis partes diuisi, sine certis sedibus errarent, eorum maior pars ad Dodonaeos primo, mox in Italiam ad Pa-

di ostia, postremo ijs relictis ad Oenotrios se contulerunt, bello tunc cum vicinis Siculis laborantes, quibus (ut dixi) adiuncti Siculos Italiae indigenas bello diuturno fessos, tandem octuagesimo anno ante res Troianas autis sedibus eicerunt, communique Aboriginum nomine cum Oenotrijs per aliquod tempus permansere, multaque in Vmbrorum, & Siculorum exactorum regionibus noua oppida condiderunt, uel diruta restituere. Inter quae praecipua fuerunt Aegylla, Pisa, Saturnia, Alsium, Phalerium, Cortona, Fescennium, Larissa, & alia complura. Verum non longe post eorum in Italiam aduentum, anno plus minus L. ante bellum Troianum, Pelasgorum genus ob oracula neglecta multis magnisque calamitatibus oppressum, ad nihilum fere redactum est, eorumque urbes pene habitatoribus destitutae a Tyrrenis postea occupatae. Hinc accidit, ut saepius Pelasgorum et Tyrrenorum nomina apud ueteres scriptores indistincte accepta sint

Sexaginta deinde annis ante bellum Iliacum, Fauno in Aboriginibus regnante, Graecorum tertia duarum nauium classis, domesticis seditionibus, intestinisque discordijs pulsa, ex urbe Arcadiae Palantio, duce Euandro Mercurij & Themidis nymphae (quae & Carmenta dicebatur) filio, in Italiam ad nouas sedes quaerendas uenit; Qui a rege Aboriginum Fauno iure cognationis benigne & hilariter suscepti, locoque & agris ubi nunc Roma est, eis assignatis, Palatinum montem prope Tiberim, condito paruo oppido, hortatu Carmentae, munierunt, Palantium ab urbe, ex qua oriundi fuerant appellantes; quod postea corrupta uoce Palatium nominatum est

Paulo post Arcadas, quarta Graecorum classis, in hanc Italiae partem uenit, Hercule duce, qui Hispania domita

reuer

reuerteretur in patriam; quorum maior pars aut senio, aut longo labore confecta, aut ob alias causas, missione impetrata, ibidem remansit; quae Capitolino colle (is tunc Saturnius dicebatur) munito, ibidem sedes, paruo oppido condito, posuit. Hos autem Peloponnesiacos, Phaeneatas, Epacosque, qui ex Elide egressi sunt, fuisse constat; quibus nullum erat amplius desiderium reditus ad proprios lares, eorum patria iam pridem ab Hercule bello excisa: ijs quoque admixti erant plerique Troiani, qui sub Laomedonte captiui bello Iliaco priore, ab eodem Hercule facti fuerant. Hi aliquandiu rem suam separatim administrarunt. Ceterum non multo post, uictum, leges, ac sacra cum Aboriginibus communicantes, perinde ac Arcades & prius Pelasgi fecerant, uno nomine Aborigines omnes appellati, eiusdem facti sunt participes ciuitatis

Post Herculis uero digressum, secunda aetate, anno circiter quinto & quinquagesimo, Latini uero Fauni filij Aboriginum regis regni trigesimo quinto, Troiani exciso a Graecis Ilio Aenea Veneris & Anchisae filio duce, quinto loco in hanc eandem Italiae partem post multos errores facto uenerunt. Qui quum statim ui & armis ab Aboriginibus arcerentur, & Aeneas propterea exercitum in aciem eduxisset, antequam comitteretur proelium, ad colloquium a Latino rege fuit euocatus. Qui uerbis & corporis praesentia tantam sui admirationem regi Latino praebuit, ut in societatem imperij receptus, Lauiniaque filia ei in matrimonium collocata, gener adscitus sit. Post haec haud procul à Tiberis ostijs in littore maris Tyrreni Laurentino accepto a rege Latino agro, urbem in colle quodam condidit, quam de uxoris nomine Lauinium appellauit. Hinc Aborigines Troianique ipsi mixti, antiquam mutantes appella-

lationem, Latini omnes a rege eorum Latino deinceps nominati sunt. Qui postea Lauinio migrantes, Albam condiderunt longam, Latini regni per longa tempora sedem. Ex qua hi orti sunt, qui multas alias urbes, quae priscorum Latinorum dictae sunt extruxerunt. Qui postremo quadringentis & triginta duobus annis, post Ilium captum, colonis in Palantium & Saturniam missis, ubi Arcades & Peloponnesiaci primi sedem posuerant, multique adhuc eorum generis supererant, circumdato muris Palantio, ita ut tunc primo urbis formam acceperit, urbem condiderunt, quam Romam ab eorum duce, & coloniae deductore Romulo appellarunt; Romulus autem ab Aenea originem XVII. loco natus, ducebat

Variae veterum scriptorum de urbis primis conditoribus, sententiae

Quum multae uariaeque sint ueterum historicorum sententiae, a quibus, & quo tempore urbs ipsa condita sit, & cur Roma appellata; quum multi ante ipsum Romulum eam aedificatam fuisse scribant; nunc rei ipsius ordo, institutaque mei ratio postulare uidentur, ut omnium quas uiderim uetustissimorum auctorum, de his qui urbem condiderunt, sententias diligentissime collectas afferam, & postea eam quae communi omnium gentium, populi Romani, & maioris scriptorum partis consensu tanquam uerior, accepta est, demonstrarem. Quae res historiarum Romanarum studiosis, & utilis & iocunda erit

Romam igitur (ut a remotissimis incipiam) Antigonus Italicae historiae peruetustus scriptor, in Palatio conditam fuisse, a quodam Romo Iouis filio scripsit, quem etiam urbi

Romae

Romae a se dedisse nomen refert

Is qui historiam Cumanam composuit, cuius nomen intercidit, alijque tradunt: Pelasgorum complures Sicyone Thespiaque Graecis ciuitatibus ob domiciliorum inopiam profecto s, terrarum orbem longo errore peruagasse, plurimisque bello domitis nationibus eam tandem Italiae partem tenuisse, ubi nunc Roma est, eosque a multo errore nominatos Aborigines. Hi in monte cui nunc Palatium nomen est, quo frequentissimi conuenerant, urbe condita eam ob pugnandi robur Romin appellarunt: a iuuentute uero Latina Valentia a uiribus gentis appellata est. Quod nomen aduentu Euandri & Aeneae in Italiam cum magna Graecae loquentium copia interpretatum est, seruataque significatione impositi prius nominis, Roma iterum pro Valentia dici coepta est

Aristoteles Stagirita philosophus, Heraclides cognomine Lembus, & plerique alij asserunt, Troia capta a Graecis, quosdam ex Achiuis Ilio discedentes classem nactos, & circum Malea nauigantes hyberno tempore actos, uetorum ui, tempestatibusque multis, diu in mari pererrasse, atque ad extremum in eum locum Etruriae peruenisse, cui tunc Opice nomen erat, Tyrreno mari adiacentem, deinde per Tiberim uectos in ea loca ubi nunc Roma est consedissee, ibique extractis ex amne nauibus aliquantulum mansisse, paratos quidem ineunte uere cursum persequi, uerum ab eorum mulieribus iam longam pertaesis nauigationem, & à mari abhorrentibus, suadente nobilissima & prudentissima captiua rum Roma, quae ijs comes erat, scrututemque si Achiui in patriam reuerterentur timente, noctu classem incensam esse; quod factum uiris moestitiam primo attulisse, deinde necessitate coactos, circa Palatiū positis sedibus struxisse moe

nia; & oppidum ab eius potissimum nomine appellasse, quae eius rei auctor fuisset, cuiusque consilio eas sibi firmassent sedes

Xenagoras autem historicus antiquus; Vlixis (ait) & Circes fuisse tres filios, Romum siue Romanum, Antium, & Ardeam, qui quum tres urbes aedificassent, ipsis a se nomina indiderunt

C. Salustius Crispus in principio Catilinarij; Urbem (inquit) Romam, sicut ego accepi condidere atque habuere initio Troiani, qui Aenea duce profugi incertis sedibus uagabantur, cumque ijs Aborigines genus hominum agreste, sine legibus, sine imperio liberum atque solutum. Hi postquam in una moenia conuenere, dispari genere, dissimili lingua, alius alio more uiuentes, incredibile memoratu est, quam facile coaluerunt. &c

Damastes Sigaeus, alijque nonnulli; Aeneam dicunt Troia capta in Epeirum, & ex Epeiro in Italiam, post Vlixem uenisse, ipsiusque urbis fuisse conditorem, nomenque Romae, ab una Iliensium mulierum, cui Romae nomen erat indidisse

Agathocles Siculus Cizicenarum rerum auctor, uaticinio Heleni Priami filij, impulsus Aeneam ait; eumque Italiam terram cum nepte Roma Ascanij filia petijisse, qua ut Phryges sunt potiti, & ijs praesertim regionibus, quae nunc urbi finitimae sunt, Romam Ascanij filiam, Aeneae neptem primam omnium consecrasset in Palatio Fidei templum, in quo monte postea condita urbs, Roma ab ea quae Fidei templum ibidem dedicasset, appellata est

Cephalo Gergithius scriptor uetustissimus in libro quem de Aeneae aduentu in Italiam conscripsit; secunda post Troianum excidium aetate Romam conditam fuisse refert, ab

ijs qui Ilio euerso, cum Aenea in Italiam profecti sunt, eiusque conditorem & coloniae ducem, asserit Romum quendam Aeneae filium. Quatuor enim Aeneam filios habuisse scribit. Ascanium, EuriIcontem, Romulum, et Romū ipsum, qui occupato monte, qui nunc Palatium dicitur, urbem condidit, quam a nomine suo Romam appellauit. Sex. tamen Pompeius Cephalonis sententiam referens; Romam non ab Aeneae filio, sed comite exstructam scribit

Apollodorus in Euxenide ait: Aenea & Lauinia Latini filia, natos Maylen, Mullum, Romumque, atque ab Romo urbi tractum nomen

Alij Romam dicunt Telepho Herculis filio genitam, Aeneaeque nupsisse, & filium genuisse, qui urbem a se aedificatam a matris nomine Romam nominauit

Callias uero qui res gestas Agathoclis conscripsit, arbitrat, e manu Troianorum Ilio capto fugientium, quandam foeminam nomine Romam fuisse, eamque quum in Italiam uenisset, Latino Abooriginum regi nupsisse, duosque ex ea natos filios Romulum & Romum, qui condentes urbem, ipsam a matris nomine Romam uocitarunt

Galathas scribit mortuo Aenea, quum regno Italiae Latinus Telemachi, Circesque filius potitus esset; isque ex Roma uxore suscepisset filios Romum, Romulumque, urbemque in Palatio exstruxisset, eam ab uxoris nomine Romam appellasse

Sunt, qui Romam dicant a Romo filio Itali, & Leucariae, siue Leuctrae Latini filiae conditam, atque a se Romam nominatam

Dionysius Chalcidensis conditorem urbis Romum quendam fuisse Ascanij Aeneae filij, uel ut alij uolunt Emathionis filium, à Diomede in Italiam ex Troia missum

Al-

Alcinius uero ex Tyrrenia & Aenea natum filium Romulum refert, atque eo ortam Albam Aeneae neptem, cuius filius nomine Romus, condidit urbem Romam

Alij Romum Latinorum tyrannum, eum qui Tyrrenos quum ex Thesſalia in Italiam ueniſſent eiecerat, urbis auctorem fuiſſe ſcribunt

Variae veterum ſcriptorum, quis Romulus urbis conditor fuerit, ſententiae

Aliorum poſtremo uerior ſententia eſt, & uulgatior, urbis conditorem fuiſſe Romulum ipſum, ſed nec illi qui in ipſum (quod ueriſſimum eſt, & omnium gentium populique Romani opinione firmatum) huius nominis originem reſerunt, de illius genere ſatis conueniunt

Quidam etenim ipſum Aeneae filiũ ex Dexiſthaea Phorbantis filia dicunt, infantemque in Italiam transportatum, una cum eius fratre Remo, atque in fluuiio exundanti ſubmerſis alijs ſcaphis, ea in qua erant pueri ad fluminis ripam depulſa, eos inſperato incolumes ſeruatos, atque quum adoleuiſſent Romam quod robur ſignificat condidiſſe

Alij Aeneam ex Roma tres ſuſcepiſſe filios Aſcanium, Romulum, & Anchifeſem. Quo mortuo, Latinorum Aſcanium; Campanorum Romulum; alteriusque Italiae partis Anchifeſem regna ſuſcepiſſe, atque ab ipſo Romulo urbe in fratris imperio condita, a matris nomine ipſam appellatam fuiſſe

Alij uero dicunt Romam Romae Troianae filiam Latino Telemachi filio nuptam, Romulum edidiſſe, qui urbe condita, ipſam a matris nomine Romam appellauit

Nonnulli ex Aimilia Aeneae, & Lauiniae filia a Mar-

te compressa, conditorem urbis Romulum genitū scribunt

Quidam ex filia Aeneae natos Romulum & Remum produnt, datosque Latino regi obsides eo tempore, quo Aeneas in Italiam uenit. Latinoque rege sine mascula prole mortuo, eius regni successores extitisse, urbemque extruxisse Romam

Promathion quidam Italicae historiae scriptor, & quidam alij fere fabulosa de Romuli ortu referunt. Quem cum fratre Remo Tarchetij cuiusdam saeuissimi Albanorum regis ancilla & incerto patre genitum, fluuioque expositum, atque a lupa lacte nutritum, donec a nescio quo bubulco inuentus, cum fratre Remo seruatus sit, eumque ubi primum per aetatem licuit, Tarchetio occiso urbem aedificasse Romam

Non omittendum aut duxi hoc loco lectores monere, me in referendis opinionibus ueterum scriptorum, tam de conditoribus urbis, quam de ipso Romulo non sequutum fuisse eum ordinem quo ab auctoribus referuntur, sed ex antiquissimis ad recentiora tempora, ut omnia clariora essent passim deuenisse

De antiquis igitur urbis conditoribus, iuxta uarias ueterum scriptorum sententias, me satis dixisse existimo. Quorum opiniones quum nec refellere, quod antiquissimae sint, nec affirmare audeam, quum tot accuratissimos & nobilissimos scriptores habeamus, qui certiora & ueriora de Romulo ipso prodidisse uidentur, ea quae probabiliora sunt, & plurium historicorum testimonijs confirmata, de ijs qui urbem condiderunt breuiter in medium afferam

De Romulo urbis conditore

Illo itaque, ut ad rem (quae certa existimata est) redeam, a Graecis capto, Aeneam Troianum cum magna Phrygum manu, post longos errores in Italiam uenisse, easque partes ubi nunc Roma est tenuisse, ex Dionysii Halicarnassei, T. Liuij, Plutarchi, Eutropij, & aliorum ueterum scriptorum testimonijs satis constat. Is altero post Troiam captam anno, Lauinio urbe in Latio condita, Latinorum gentis commune cum socero Latino imperium aliquandiu tenuit. Postea uero utrisque bellum aduersus Turnum Rutulorum regem propter fraudatas Lauinae nuptias fuit, in quo Turnus & Latinus occubuerunt, Aenea tamē uictoriaposito. Qui soceri regnum suscipiens, quarto imperij sui ex quo in Italiam uenerat anno, tertio uero post obitū Latini, bello aduersus Mezentium Tuscorum regē decesit. In cuius locum Ascanius eius & Creusae filius, cui Iulo cognomen fuisse ferunt, successit. Is Lauinio quod regni Latini tūc sedes erat nouercae Lauinae relicto, XXX ab eius aedificatione anno iam exacto, Albam longam, quā regni caput deinceps esse uoluit, condidit: obiitque anno regni XXXVIII. superstite filio Iulo adhuc adulescentulo, quem auctorem nominis sui Iulia gens habuit. Ascanio mortuo, Postumo Siluiio fratri, Aeneae ex Lauinia filio Latinorum imperium traditum est, tanquā filio mulieris quae regni haeres erat: a quo omnes postea Albani reges Siluij nominati sunt. Is autem ideo Siluius appellatus est, quod eū mater Lauinia post Aeneae mortem, priuigni Ascanij insidias timens, in siluis latitans enixa esset, ibique educasset. Hic quum unde triginta regnasset annos successorem habuit

fi.

filium Aeneam Siluium . Cui imperij anno XXXI. mortuo successit filius Latinus, qui annos LI. regnavit . Post quem Alba eius filius XXXIX. & huius filius Capetus XXVI. mox Capis duodetriginta . Calpetus XIII. & Tiberinus VIII. annis rerum potiti sunt in Latio, filius semper patri succedens. Tiberinus autem quum in amnem Albulam cecidisset , ei Tiberis nomen dedit . Post eum Agrippa XL. Romulus XIX. Auentinus XXXVII. annos regnarunt, & hic in Auentino sepultus colli nomen suum reliquisse dicitur. Auentini filius Procas regnum annos XXIII. obtinuit . Is Numitorem atque Amulium Siluios filios procreavit. Ex quibus Numitor, quum in duas partes haereditatem partitus fuisset pater Procas, diuitiasque & aurum regno adaequasset , regnum Latinorum , maior enim natus erat, sortitus est: aurū, opesq; Amulius uir uapher. Hic opibus paternis fratrisq; inertia fretus, Numitore non longe post regno exacto , imperium inuasit, quod per annos duos & quadraginta obtinuit . Addensque sceleri scelus, stirpem fratris uirilem interemit , eiusque filiam per speciem honoris Vestalē legit, & perpetua uirginitate spē partus ademit, ueritus ne liberi ab alterutro eorū exorti aut iniurias aliquādo uindicarēt. Eam aut alij Iliam, alij Rheam Siluiam appellant. Quae haud multo post ui compressa , quum geminos edidisset infantes , seu ita rata , seu quod auctor culpae honestior erat, Martem incertae stirpis patrem dixit. Verum nec deus, nec ipsi homines illam , aut filios a regia crudelitate uendicarūt , ipsa enim secundum aliquos iuxta legē uiua defossa , uel ut alijs placet , perpetuo carceri condamnata , & filij in profluentem mitti iussi . Dionysius autem ita ait : quum Ilia Vestalis uirgo ad Martis lucum isset, aquae purae hauriēdae gratia in templo compressa est. Sunt qui

qui putent ab aliquo ex procis; nec desunt qui dicant ab Amulio ipso patruo armato, qui quū amore eius captus esset, Martis specie armatus & incognitus cum ea rem habuit. Alij a genio loci, alij uero a sacerdote aliquo seu pontifice eam cōpressam asserunt. Ego uero Romulū ipsum militis cuiuspiam filium fuisse credo, & quia milites sub Marte esse existimantur, idcirco Romuli pater Mars dictus est. Ceterum quis quis ille fuerit, certum est ipsam uirginitatis amissae poenas dedisse, filiosq; in amnē mergi iussos. Quos prope Tiberis ripā expositos regionū armentorū pastor Faustulus inuenit, atque ad uxorem suam Accam Laurentiam, nutriendos detulit. Hanc uulgato corpore inter pastores lupam uocatam scribunt Lactantius, Eutropius, & D. Augustinus, quam nos meretricem appellaremus, unde & nostro quoque saeculo scortorum cellulae lupanaria nuncupantur, unde fabulae de lupa Romuli & Remi nutrice initium ortum creditur. Haec ut breuissime, ita elegantissime secundum Fastorum iis uerbis explicat Ouidius

Silvia fit mater, Vestae simulachra feruntur

Virgineis oculis opposuisse manus

Ara deae certe tremuit pariente ministra

Et subiit cineres territa flamma suos

Hoc ubi cognouit contemptor Amulius aequi

Nam raptas fratri uictor habebat opes

Amne iubet mergi geminos, scelus unda refugit

In sicca pueri destituuntur humo

Lacte quis infantes nescit creuisse ferino?

Et picum expositis saepe tulisse cibos?

Hī autem pueri Romulus & Remus, ut quidam scribunt ideo appellati sunt, quod lupae mamma nutriti sint, quam rumen antiqui dicebant, Graece quoque rumadicitur, a qua

qua Romum primum deinde blandiendi causa Romulum dictum, quod paruulus & lactens uberibusque lupinis inhians, cum fratre sit inuentus. Alii à romula arbore, idest ficu, sub qua quum expositi fuissent inuenti sunt, cum lupa praebente infantibus rumen, idest uberem, quae arbor ideo ruminalis dicta est, uel quod aestate sub ea pecora frigora captantia, herbasque uellentia ruminabant, uel a rumine id est mamma, quod sub ea pueri Romulus & Remus lupae rumina sugabant, unde Ouidius II. Fastorum

Arbor erat remanent uestigia, quaeque uocatur

Romula. nunc ficus, rumina ficus erat

Adulti autem inter pastores, ob quotidiana certamina, uires & perniciatē auxere. Igitur quum latrones arripina pecorum ui arcerent, Remus ex improviso ab eis captus, regi Amulio offertur, criminiq; ei datum, quod greges Numitoris infestare solitus esset. Tunc a rege in ultionem Numitori traditur puniendus, qui robore & regia iuuenis adolescentia permotus, in suspicionem expositi nepotis adducitur; & quum eum nunc lineamentorum filiae similitudo, nunc expositi tempus anxium teneret, Faustulus cum Romulo superuenit, a quo cognita iuuenum origine, ualidaq; inter ipsos coniuratione facta, Amulium obtruncant. Quo occiso & in regnum restituto Numitore, sequenti eius recuperati regni anno, post Troiam captam CDXXXII. Romulum Remumq; cupido caepit, in ijs locis, ubi expositi et educati fuerant, urbem condere, maxima uicinarum Albanorum, Graecorum, pastorum, & latronum multitudine, ad eos in dies confluente. Quod ubi ex sententia cessisset, ne aliqua de principatu inter fratres contentio suboriretur, iureiurando conueniunt, ut is urbi praecesset, eique nomen imponeret, cui in angurio plures aues apparuissent, sex prius

prius uisae Remo in Auentino auguranti uultures, sed paulo post XII. apparuere Romulo in Palatino auguria captati; quum utraque multitudo augurium ex sua parte traheret, utraque regem suum consalutauit; tempore illi praeccepti augurii, hi uero numero auium maiore regnum trahentes. Tunc post altercationem ad foedum (ut solet) certamen uersi, ibi in turba ictus Remus concidit. Licet uulgatior fama sit, Remum ideo extinctum, quod nouos contra fratris edictum transilire muros ausus fuisset. Quare solus imperio potitus Romulus; conditaq; urbs conditoris superstitis nomine appellata est, a qua & Romanis nomen quoque inditum. Romam autem & non Romulam idcirco urbem Romulus nominauit, ut ampliore uocabuli significatu prosperiora patriae suae ominaretur. Alterum quoque urbs nomen proprium habuit, ut Plinius & Solinus scripserunt, quod publicari uetitum est: quando quidem quo minus id enuntiaretur, caerimoniarum arcana sanxerunt; ut hoc pacto notitiam eius aboleret fides placitae taciturnitatis. Valerium denique Soranum, quod optima atque salutaris fide abolitum, atque contra interdictum euulgare id ausus foret, ob meritum profanae uocis poenas luisse. Inter antiquissimas sane religiones sacellum colitur diuiae Angeronae, ob hoc maxime silentium institutum, cui sacrificatur in Curia ante diem XII. Kal. Ianuarii. Haec est diua praesul silentii, quae simulachrum ore obligato obsignatoque habet. Hos igitur gemellos ita genitos, hac ratione educatos, Urbem Romam condidisse, Dioclis Piparetii, qui primus litteris Graecis urbis originem exposuit, L. Cincii, Q. Fabii Pictoris, Eratosthenis, Polybii Megalopolitani, M. Catonis, Q. Lutatii Catuli, Cornelii Nepotis, L. Taruntii Firmiani, M. Varronis, Pomponii Attici, M. Tullii, Dionysii Halicarnassici,

licarnassei, T. Liuii, C. Solini, Plutarchi, Sex. Pompeii, Eutropii, & aliorum ueterum grauiſſimorum ſcriptorum teſtimoniis ſatis confirmatum eſſe exiſtimo

De anno, & die quo vrbs condita eſt

SICUT uariae ſunt ueterum ſcriptorum de ijs qui urbem condiderunt, et de Romulo ipſo ſententiae, ita etiam diuerſae ſunt opinionones de anno in quo condita fuerit. Quas quum iuxta inſtituti mei rationem omnes prius enumerauero, poſtea ea quae mihi uera, uel uerae proximior uidebitur, accurate breuiterque exponam

Timaeus Siculus, ut ab ijs qui communi aliorum ſententia remotius eam conditam fuiſſe ſcripſerunt, incipiam; nescio quae ductus ratione, urbem ipſam a Romulo aedificatam rettulit, eodem fere tempore quo a Tyrijs Carthago in Africa, octauo & trigeſimo ante primam olympiadem anno

L. Cincius uir ſenatorius, anno quarto duodecimae olympiadis

Q. Fabius Pictor rerum Romanarum grauiſſimus, & antiſſimus ſcriptor, anno primo octauae olympiadis

Polybius Megalopolitanus, & Diodorus Siculus, olympiadis ſeptimae anno ſecundo

Apollodorus, Q. Lutatius Catulus. C. Cornelius Nepos, Eratosthenes, M. Porcius Cato, Dionyſius Halicarnaeſus, & Theophilus Antiochenus, olympiadis ſeptimae anno primo

M. Verrius Flaccus auctor tabularum Capitolarum, T. Liuius, C. Iulius Solinus, Clemens Alexandrinus, & alij olympiadis ſextae anno quarto

L. Taruntius Firmanus, M. Terentius Varro, T. Pomponius Atticus, M. Tullius Cicero, Auguſtus Caefar, C. Velleius

Paterculus, Ti. Claudius Caesar Augustus, C. Plinius Secundus, Plutarchus Chaeroneus, Domitianus Caesar Augustus, P. Cornelius Tacitus, Cassius Dio, A. Gellius, L. Septimius Seuerus Augustus, Censorinus, M. Iulius Philippus Augustus, Eusebius Pamphili Caesariensis, Eutropius, Paulus Orosius, Paullus Diaconus Longobardus, & post C. Caesaris dictatoris tempora communis populi Romani sententia, quam nos quoque sequimur, olympiadis sextae anno tertio conditam urbem uolunt. Illud autem non ignorandum, quod etiam in commentarijs in Fastos explicauimus, me annorum olympicorum initium a solstitio aestiuo, circa Kal. Iulias ordiri. Quam ratione fit, ut quum dicitur urbem tertio, uel quarto anno sextae, aut primo uel secundo septimae olympiadum, conditam, id intelligi debeat circa finem illius anni olympici, hoc est XI Kal. Maij. Anni enim sequentis principium proximo solstitio futurum erat. Primumque urbis conditae annum, si tertio sextae olympiadis constructam asseuerauerimus, concurrere fere totum cum quarto eiusdem sextae olympiadis anno, duobus mensibus, & aliquot diebus exceptis, qui sunt extremi anni olympici tertij eiusdem olympiadis in quo aedificatam urbem credimus: sic quoque dicendum de ceteris annis olympicis, quibus urbs condita secundum scriptorum uarias opiniones dicitur

Quibus uero rationibus persuasi singuli harum de urbe condita opinionum auctore sententias suas confirmauerint, superuacaneum hoc loco esse existimo demonstrare, tum quod hoc alterius sit negocij, speculari, tum etiam quod id accurate sane a me factum est in ijs commentarijs, quos in Fastos consulares conscripsi

Dies autem quo urbis fundamenta iacta a Romulo fuerunt, fuit XI. Kal. Maij. Qui Parilia uel Palilia appellabatur. Haec autem erant Pales pastorum deae festa, quae a pastoribus XI Kal.

Kal. Maij in agris celebrabantur, ad lupos arcendos, morbosque a pecore pellendos, seu pro partu pecorum, unde & Palilia dicta. De hac re Propertius libro IIII

Vrbi festus erat dixere Palilia patres

Hic primus coepit moenibus esse dies

Ovidius quoque IIII. Fastorum ait

Apta dies legitur qua moenia signat aratro

Sacra Pales aderat, inde mouetur opus

Idem confirmant M. Tullius, Solinus, Plutarchus, & alij. Palilia autem celebrari solita fuisse XI. Kal. Maij habetur ex antiquis marmoreis Romanis Kalendarijs, iisdemq; quos citaui auctoribus

De primis vrbis moenijs, & ijs qui pomerium protulerunt, vsque ad Augustum Caesarem

QVVM de conditore urbis Romulo, & tempore quo condita est iam uerba fecerim, rem non inutilem antiquitatum Romanarum studiosis me facturum existimo, si quae quanto ante anno de ijs qui populi Romani pomerium protulerunt, item de muris, portis, uijs, collibusq; Romanis edidi, hic subiicerem. Quod & si ab instituto meo paululum abhorreat, quippe quod breuissime omnia describere deinceps mihi proposuerim; tamē hac tantum in re minime lectorem fallere ueritus sum, quum nō dubitem, me non parum commodi ei hoc uno commentariolo esse allaturum; simulq; aliquod specimen daturum, qualis futurus sit commentarius, quem in uniuersum hoc opus adorno. Porro autem quum in hoc libello, de ijs qui pomerium protulerunt sim disputaturus, necessarium esse primo arbitror, quid pomerium apud ueteres fuerit demonstrare; postea uero reliqua de quibus differere institui, persequi. Pomerium itaque lo-

cus erat, tam intra, quam extra urbis murum, quem antiqui in condendis urbibus augurato consecrabant, neque in eo ullum fieri aedificium patiebantur. Dictum est autem pomerium, ut auctor est Varro libro IIII. de lingua Latina, quasi post merium, nam quem antiqui merum dicebant, nos murum dicimus. Vnde ita nonnulli apud Virgilium legunt libro X

Atque ipsis proelia miscent

Aggeribus merorum. Varro autem sic: Oppida condebant in Latium, Etrusco ritu multa, id est, iunctis bubus tauro, & uacca interiore aratro circumagebant sulcum. Hoc faciebant religionis causa die auspiciato, ut fossa, & muro essent munita. Terram unde excalpsent, fossam uocabant; & introrsum factum murum. Postea quod fiebat orbis, urbs. Principium, quod erat post murum, pomerium dictum; eiusque ambitu auspicia urbana finiuntur. Cippi pomerii stant circum Romam. Quare & oppida, quae prius erant circumducta aratro ab orbe, & urbo urbes: & ideo coloniae nostrae omnes in litteris antiquis scribuntur urbes; quod item conditae ut Roma; & ideo coloniae ut urbes conduntur, quod intra pomerium ponuntur. Liuius quoque libro primo, de Ser. Tullio loquens: Aggere (inquit) fossis, & muro circumdat urbem. Item pomerium profert. Pomerium uerbi uim solam intuentes, post merium interpretantur esse. Est autem magis circa moenium locus, quem in condendis urbibus quondam Etrusci, qua murum ducturi erant, certis circa terminis inaugurato consecrabant, ut neque interiore parte aedificia moenibus continuarentur, quae nunc uulgo etiam coniungunt, & extrinsecus puri aliquid ab humano cultu pateret soli. Hoc spatium quod neque habitari, neque arari fas erat, non magis quod post murum est, quam quod murus post id, pomerium Romani appellarunt. Et in urbis incremento semper quantum moenia processura erant, tantum termin

mini ij consecrati proferebantur . Ita ut pomerium proferre nihil aliud sit, quàm ampliare moenia urbis. Augures autem populi Romani, ut est apud M. Messallam in libro quem de auspiciis scriptum reliquit : Pomerium sic definierunt : Pomerium est locus intra agrum effatum, per totius urbis circuitum, pone muros regionibus certis determinatus, qui facit finem urbani auspicii . Sex. Pompeius libro XIII. Pomerium (inquit) ubi pontifices auspicabantur, dictum est quasi pomurum, id est proximum muro. Alij pomerium quasi post moenium interpretantur, quod post moenia locatum sit. Is qui primo urbem condidit, pomerium etiam urbi addere solebat, ut Romulus qui urbi nouae a se figura quadrata cum tribus portis conditae, pomerium more Etrusco addidit, ut auctores sunt Dionysius, Solinus, Plinius, & Plutarchus . Cuius tamen pomerium, quo ambitu, quibusue terminis clauderetur, uarie auctores prodidere. Gellius Romuli antiquissimum pomerium tantum Palatii montis radicibus terminatum fuisse scribit . Liuius quoque libro primo: Palatinum (inquit) Romulus primum in quo ipse educatus erat muniit . Horum sententias confirmat Cornelius Tacitus libro XII. Qui etiam Capitolium forique Romani partem a T. Tatius Sabinorum rege urbi addita his uerbis docet : Sed initium condendi, & quod pomerium Romulus posuerit noscere haud absurdum reor. Igitur a foro Boario, ubi aereum tauri simulachrum aspiciamus, quia id genus animalium a ratro subditur, sulcus designandi oppidi coeptus, ut magnam Herculis aram complecteretur . Inde certis spacijs interiecti lapides, per imma montis Palatini ad aram Consi, mox ad curias ueteres, tum ad sacellum Larum; Forum enim Romanum, & Capitolium non a Romulo, sed a T. Tatius additum urbi creditur. Quibus uerbis conijcio T. Tatium, posteaquam aequo iure in regnum a Romulo adscitus est, Sabinique post foedus ra-

ptarum precibus cum Romanis initum in ciuitatē recepti sunt, ambitum murorum urbis una addita porta, ut quattuor essent, hoc modo ampliassse. Capitolij primum eam partem quae nunc nouam urbem, & Pantheum aspicit, ubi extat statua equestris M. Aurelij imperatoris, muro circumdedit, deinde ductis moenibus a rupe Tarpeia, ultimaque Capitolij parte, ubi paulo ante noxij plecti solebant, in occasum ad uiam qua itur ad circi maximam partem extremam Tiberim uersus, se extendit. Inde ad aliam circi maximi nouissimam partem uersus Septizonium reuertens, mox in orientalem partem parum ultra Titi amphitheatrum se conuertit, hincque uersus Septentrionem paulo ultra uiam sacram usque ad Naruae forum reuersus est, postremo paruo tractu flectens ipsum murum cum altera Capitolij parte coniunxit : atque hac ratione Palatium primo, mox Capitolium urbi addidit. Huic autem antiqui pomerij descriptioni, & si eam ex optimis grauissimisque scriptoribus acceperim, Dionysius tamen, Liuius ipse, Plutarchus, Strabo, & plerique alij nobilissimi rerum Romanarum auctores repugnare uidentur. Liuius enim, Dionysius, & Plutarchus in Romuli uita Sabi-
 binorum, atque T. Tatij in urbem aduentum, Capitolium a Romulo munitum fuisse scribunt, arce Romana ibidem locata, quam quū Tarpeiae prodicione postea Sabini cepissent, ex eo loco nunquam a Romanis pelli potuere. Strabo quoque ait. Priusci namque Capitolium, & Palatium, collemque Quirinalem sic munire muris, ut uenientibus aliunde, exterius facilis foret ascensus, adeo ut T. Tatijs primo aduentans incursu, locorum potitus sit, quum raptarum uirginum ulcisceretur iniuriam. Dionysius quoque libri II. initio : Romulum Palatium & Capitolium muris & fossa communisse scribit, ante T. Tatij aduentum, & post eius in urbem receptum : Romulus (inquit) & Tatijs urbem statim maiorem effecere, duos ei colles alios adijcientes.

ciētes, Quirinū & Coeliū separātesue habitationē, alter ab altero, in proprijs locis utrique uitam agebant. Romulus quidem Palatium occupans & mōtem Coelium, Palatio propinquum; Tatiū uero Capitolium quod ab initio ceperat, & Quirinalē collem. Si igitur iuxta horum historicorum sententias, Capitolium, & Quirinalis ante Tatiū aduentum muniti fuerunt, necesse est, ut eos non nisi a Romulo munitos fuisse dicamus. Non ergo Romulus tantum Palatium tenuisse uidetur. Quas controuersias, una hac responsione tolli posse existimo. Dicerem enim Romulum quidem quum urbem conderet tantum Palatium munisse, idque solum primo pomerio clausisse, uerum ne qua uis externa urbem adoriri posset, atque finitimi colles, hostium aliquando arces essent, ex quibus Romam uexarent, non quod ijs locis indigeret, perinde ac etiam Ancus Marcius rex de Ianiculo fecit, Capitolium primo, mox Quirinalē & Coelium colles, qui urbi erant proximiores, & ex quibus urbs ipsa magis oppugnari poterat, fossa siue aggere, aut muro firmasse, praesidioq; locato tanquam arces munisse, quum nihilominus extra urbis ipsius moenia, pomeriumque essent. Quod etiam idē Strabo affirmare uidetur. Qui colles urbi uicinos ideo munitos fuisse scribit, ne hostes eis occupatis, castellisque factis, ciuitati negotium facerent. Illud adde, quod quum arcem Tarpeiam captam a Sabinis scribant, nō tamen urbem ipsam captam fuisse dicunt, sed Romanos (inquit) Liuius cum Sabinis post arcem Tarpeiam occupatam pugnantes, hostes usque ad portam Palatiū fugarunt, quae urbis tunc erat. Eos postremo colles, extra urbis pomerium, quamquam munitos, fuisse, exemplo esse potest Auentinus mons, qui quum totus habitaretur, atq; ab Augusto una ex XIII. regionibus, quibus urbem diuisit factus esset, tamen usque ad Ti. Claudij imperatoris tempora, a quo primum intra urbem locatus est, extra urbis pomerium

fuit. Palatino igitur colli, in quo primum a Romulo urbs condita est, T. Tatius Sabinorum rex Capitolium, forumque Romanum addidit, & auctis moenibus intra urbis pomerium inclusit. Quod non obscure etiam Liuius innuere uidetur, qui Palatium tantum a Romulo munitum scribit, & quum in urbis ampliatione post Romulum, quid unoquoque tempore, et a quo rege additum fuerit enumerat, nullam de Capitolio facit mentionem. Porro autem si duo illi colles Quirinalis & Coelius sub Romulo urbis pomerio clusi essent, sibi ipsis repugnarent iidem scriptores, qui eos sequentibus regibus postea additos fuisse scribunt. Nec ulla ratione uerisimile uideri potest, pastores, aduenas, hominesque inopes, rebus adhuc angustis tantum campum, in tanta hominum paucitate intra urbis muros complexos, quum Plutarchus tantum mille domus, Dionysius uero non nisi tria millia peditum, trecentosque equites ueterem Romam habuisse scribant. Urbis autem pomerium pro incrementis rei publicae postea saepius prolatum est, multique colles additi. Ius autem proferendi pomerij habebat, qui rempublicam agris de hostibus captis auxerat. Tacitus libro XII. Mox pro fortuna (inquit) pomerium auctum. Idem refert in Aureliani imp. uita Fl. Vopiscus. Post Romulum (inquit libro II. Dionysius) adaucto urbis ambitu Quirinalem collem Numa rex urbi addidit, eoque enim muris septus non fuerat. Eum autem primo munitum a Romulo scribit Strabo; mox a T. Tatius idem Dionysius, quae nunc contra omnium auctorum sententiam scribit a Numa pomerio inclusum fuisse, quum alij id uel Romulo ipsi, uel T. Tatius, uel quod uerius est Ser. Tullio adscribunt. Tantam autem inter auctores uarietatem, hinc ortam existimo, quod aliqui reges primi adiecerint aut habitarent, reliqui aedificijs alijsue rebus ornarent, aut auxerint; uel pars ab uno reliqua, ab altero addita forte fuerit. Tertius a Romulo, Albanis uictis, Alba euerfa, ipsisque in ciuitatem adscitis,

scitis, addito urbi Coelio monte, quem Romulus primo munierat, pomerium protulit Tullus Hostilius rex Romanorum tertius; unde Liuius libro primo: Roma interim crescit Albae ruinis, duplicatur ciuium numerus, Coelius additur urbi mons. Et quo frequentius habitaretur eandem sedem Tullus regiam cepit, ibiq; deinde habitauit. Et Dionysius lib. III. At ne ullus sine domicilio esset, eū collē qui Coelius dicitur, muro cōmuniēs, urbi addidit, ubi quidem quicunque erant sine laribus Romani, ex eo loco sortiti quod satis esset, sibi aedes construerent, ipso quoque in eodem colle habitante. Eutropius idem confirmat, & Plinius in libello de uiris illustribus. Hunc porro montem urbi adiectum fuisse ab Anco Marcio, non a Tullo Hostilio scribit Strabo. Ancus (inquit) etiam Marcius montem Coelium, & Auentinum, & iacentem inter hos campum assumens inuicem disiunctos, ab alijs ante muro cinctis aedificijs, urgente necessitate prioribus copulauit, colles enim adeo munitos extra muros illis permittere, qui incumbētia superne castella cupe-
rent, nequaquam recte se habebat: totum etiam explere circuitum usque in Quirinalē minime ualuit. Quem quidem locorum defectum Seruius redarguit, nam suppleuit ipse adiecto Esquilino & Viminali. Cor. uero Tacitus; eum a Tarquinio Prisco additum fuisse innuit: quum ait libro IIII. Eum montem Coelium fuisse dictum a Coele Vibenna, qui dux gentis Etruscae, quum auxilium appellatum ductauisset, sedem eum acceperat, a Tarquinio Prisco, seu quis aliorū regum dedit; nā scriptores in eo dissentiunt; cetera non ambigua sunt magnas eos copias per plana etiam ac foro propinqua loca habitauisse: unde uicum Tuscum e uocabulo aduenarum dictum. Quartus Ancus Marcius rex, ut auctores sunt libro III. Dionysius, & libro primo Liuius, Strabo libro. V. Plinius de uiris illustribus, & Eutropius, morem regum priorum sequutus, qui rē Roma-
nam

nam auxerant, hostibus in ciuitatem accipiendis Politorio urbe Latinorum ui capta, uictorum multitudinem omnem Romam traduxit. Et quum circa Palatium sedē ueteres Romani, Sabini Capitolium, Quirinalem, atque arcem; Coelium uero montem Albani implessent, Auentinum montem nouae Latinorum multitudini datum, additi eidem haud ita multo post Tellenae, Ficanaeque captis noui ciues; & paulo post: Ad ultimum omnibus copijs connixus Ancus acie primum uicit. Inde ingenti praeda potitus, Romam redijt. Tum quoque multis millibus Latinorum in ciuitatem acceptis, quibus ut iungeretur Palatio Auentinus, ad Murciae data sedes. Ianiculum quoque adiectū urbi, non inopia loci, sed ne quando ea arx hostiū esset. Id nō muro solū, sed et ob itineris cōmoditatē, pōte sublicio tū primū in Tiberi facto cōiūgi urbi placuit. Et Strabo: Ancus Marcius montes Coeliū, & Auentinum, & iacentem inter hos campum urbi coniunxit. Plinius de uiris illustribus: Auentinum & Ianiculum montes urbi addidit. Noua moenia oppido circumdedit. Quod autem hi scriptores ducunt Ancum Auentinum nouae multitudini concessisse, non propterea eum intra pomerium recepisse significant. Multa enim erant loca ut (inquit) Dionysius circum urbem extra moenia, proximis collibus & uallibus habitata, & praesertim Auentinus. Quem extra urbis pomerium quoque fuisse refert. Liuius item libro XLI. Aediles (inquit) extra portam Trigeminam in Auentinum porticum silice strauerunt. Gellius quoque libro XIII. hoc idem docet quum ait: Dein autem quaesitum est, diuq; in quaestione fuit, quam ob causam, ex septem urbis montibus, quem ceteri sex intra pomerium sint Auentinus solus, quae pars non longinqua, nec infrequens est, extra pomerium sit. Huius rei M. Messalla augur aliquot causas uideri scripsit, sed praeter eas omnes, ipse unam probat; quod in eo monte Remus urbis con-

dendae

dende gratia auspicauerit, auesq; irritas habuerit, superatusq; in auspicio a Romulo sit. Idcirco (inquit) omnes qui pomerium protulerunt, montem istum excluderunt, quasi auibus obscenis ominosum. Dionysius quoque libro III. Primum quidem Ancus Marcius non paruum urbi partem addidit, cingens muro eum collem, qui Auentinus dicitur. Est enim mons modice editus, & in orbem stadia fere XVIII. ambiens, qui tunc ingenti silua omnis generis arborum plenus erat, tum uero plurima ac pulchra lauro, a qua locus quidam eius a Romanis Lauretum dicitur. Segregabatur autem a Palatio, circa quem urbs prima condita est, profunda & angusta ualle. Et paulo post: Hunc igitur collem uidens futurum aliquando propugnaculum urbis, si quis superueniret ex insperato exercitus: muro fossaq; communiuit. Et traductos ex Tellene & Politorio, alijsq; urbibus quas ceperat, ibi collocauit. Quae tametsi dicat Dionysius, eum tamen non pomerio urbis inclusisse scribit. Vnde Strabo: Ne colles (inquit) adeo munitos extra muros hostibus permetteret, qui incumbencia superne castella desiderarent. &c. Ipsum enim clausisse collem illum ea puto causa, quo multitudo, quam in ipsum capta Politorio traduxerat, ab hostili incurstone esset tuta, non ut obseruaretur intra pomerij fines, aut urbis terminus esset; Et idcirco Dionysius non dixit urbi addidit, sed muro cinxit. Quum enim esset malis auspicijs ominosus, neque intra urbem receptus fuit, neque totus habitabatur, ita ut M. Valerio Maximo, & Sp. Virginio Coelimumtano Cos. anno urbis CCXCVI. adhuc publicus, & siluarum plenus esset, ut prodit idem Dionysius. Quamuis autem Ancus Auentinum extra pomerium esse uoluerit, illud tamen Ianiculo & Transiberina regione urbi adiunctis, quartus a Romulo protulit. Dionys. Muniuit item muro eum quem Ianiculum uocant montem aeditum, Transiberim positum, praesidiumq; idoneum ei imposuit, pontemque

temq; ligneum super amnem fecit. Quod confirmant Plinius, et Eutropius. Urbem quoque in planioribus locis maxima & ingenti fossa muniuit, quae quod plebis Romanae manibus facta esset, Quiritium fossa appellata est, ut scribit Sex. Pompeius quum ait: Quiritium fossae dicuntur, quibus Ancus Marcius urbem circumdedit, quas secundum ostium Tiberis posuit, quo etiam Ostiam; & quia populi opera eas fecerat appellauit Quiritium. Et Liuius: Quiritium quoque fossa haud paruum momentum a planioribus aditu locis, Anci regis opus est. L. autem Tarquinius Priscus rex quamuis perduellibus uictis, multoque agro de hostibus capto imperium populi Romani propagauerit, pomerium tamen uetere contentus non auxit. Qui quum extremo imperij sui tempore urbem amplioribus muris dilatare coepisset, saxis magnis ad regulam formatis adductis, prius enim ruderibus uilibusque structuris aedificati fuerant, mortuus est. Quare eius successor Ser. Tullius rex sextus quintus a Romulo pomerium protulit, Urbisque muros a Tarquinio inchoatos perfecit, ut auctores sunt Dionysius libro IIII. Liuius libro primo, & libro decimotertio Gellius, Plinius de uiris illustribus, & Eutropius, Liuius enim muro (inquit) Priscus lapideo circumdare urbem parabat, quum Sabinum bellum coeptis interuenit. Et paulo post: Pax deinde facta. Maiore inde animo pacis opera inchoata, q̄ quāta molle gesserat bella, ut non quietior populus domi esset, quā militiae fuisset. Nā & muro lapideo cuius exordium operis, bello Sabino turbatum erat, Urbem qua nondum munitur attingere parat. Quod opus tamē eum non perfecisse refert. Quum autem Seruii gesta describit. Ad eam (inquit) multitudinem urbs quoque amplificanda uisa est. Addidit igitur Seruius duos colles Quirinalem, Viminalem. Inde deinceps auget Esquiliās, ibique ipse ut loco dignitas fieret, habitat; aggere fossis, & muro circumdat urbem. Item pomeria

pomerium profert &c. Dionysius autem, & Strabo duos tantum colles a rege Ser. Tullio additos fuisse scribunt Viminalem uidelicet, & Esquilias. Quippe quod Quirinalem alter a Numa, a Romulo alter adiectum existimauerunt. Quod Liuius, Tacitus, Eutropius, & alij antiquis scriptoribus, quorum ego sententias sequor, repugnare uidetur. Quam contradictionem etiam hac ratione tolli posse existimo; si dicamus Numam partem Quirinalis Capitolio olim adiunctam, quam postea Traianus imp. ut forum exaedificaret complanauit, Ser. uero Tullium reliquum montis, quod supererat pomerio cluisse. Dionysius: Tullius urbi duos colles addidit Viminalem, & Esquilinum. Quorum uterque urbis habet magnitudinem, diuisitque eos ijs qui sine laribus Romani essent, ad aedes in his construendas, ubi ipse sibi quoque habitationem fecit in illustri Esquiliarum loco. Idem prodit & Strabo lib. V. Plinius autem, & Eutropius Liuij sententiam sequuntur, qui tres colles ab eo urbi additos scribunt Quirinalem, Viminalem, & Esquilias; adduntque aggeres, fossasque fecisse. Muros autem a Tarquinio Prisco inchoatos, ab ipso uero perfectos ex ingenti quadrato saxo ad regulam formato Gabino, Albano, Tiburtino, & Praenestino firmissimis, ignique imperuijs fuisse constat. Muro autem lapideo sex colles complexus, primus in quatuor tribus urbanas urbem diuisit, Palatinam, Suburanam, Esquilinam, & Collinam: de quibus latius paulo post uerba faciam. L. uero Tarquinius Superbus rex VII. Latinorum, ceterorumque hostium incursores, quibus urbs ipsa uexari poterat, ueritus, urbem ab oriente ingenti aggere muniit. De quo Plinius libro III. cap. V. Clauditur (inquit) urbs ab oriente aggerem Tarquinijs Superbi, inter prima opere mirabili, namque cum muris aequauit, qua maxime patebat aditu plano, cetera munita erant, praecelsis muris, aut abruptis montibus, nisi quod
expa

expatiantia tecta multos addidere orbes in prima regione. Ad-
 huc ij aggeres parum ultra Diocletiani thermas uisuntur, ab
 eo loco usque ad arcum Gallieni fere porrecti. De hoc quoque
 aggere Strabo: Quem quidem (inquit) locorum defectum Ser-
 uius redarguit, nam suppleuit ipse adiecto Esquilino colle, &
 Viminali, ea uero loca aduentantibus hostibus facile capi po-
 terant, quocirca profundiore exterius ducta fossa, & accepto
 solo stadiorum sex, aggerem porrexerunt super fossae superci-
 lio interiore, murumque cum turribus e Collina porta usq; ad
 Esquilinam imposuerunt; in aggere autem medio tertia est por-
 ta eiusdem nominis cum colle Quirinali. Haec autem fossa cu-
 ius Strabo meminit, forte est ea quam Liuius Quiritium appel-
 lat, ab Anco facta, ut scribit Sex. Pompeius. Ambitum autem
 urbis ea aetate hunc fuisse existimo. Muri haud longe a ponte,
 qui nunc dicitur Xystus uersus Farnesiorum palatium inchoa-
 bāt, ex aduerso murorum ab Anco Marcio rege in Transiberi-
 na regione structorum, & portae, quae nunc Septimiana dici-
 tur, qui per mediam urbem planam circa campos Florae Ago-
 nalemque, & Pantheum usque ad Quirinalis radices, ea parte
 in qua cardinalis Carpensis horti sunt collocati protendeban-
 tur; gyrabantque paulo ultra thermas Diocletiani, & circa
 basilicam S. Mariae Maioris secundum ipsos Tarquiniij agge-
 res, prope arcum Gallieni, aediculam S. Matthaei, & basili-
 cam Lateranensem, hinc per dorsum Coelij montis paulo ultra
 formas aquae Claudiae, prope templum S. Stephani in Coelio
 monte, & S. Mariae in nauicula, Piscinam publicam, thermas-
 que Antoninianas, usque ad circum maximum ducebantur: eo-
 rumque finis erat haud longe ultra pontem Sublicium, e regio-
 ne murorum Transiberim, qua naualia sunt positorum. Tran-
 siberinae uero regionis moenia ab Anco Martio condita ad-
 huc uisuntur, quae etsi saepius restituta esse credendum sit, pau-
 lulum

lulum tamen ab antiquis sedibus mutata fuisse constat. Atque hic, uel non multo diuersus fuit urbis ambitus extremis regum, & primis reip. temporibus. Quibus portae urbis Romuli, quas tres, uel ut alijs placet quattuor fuisse constat, paulatim cum usu & nomen amiserunt antiquum, una Carmentali excepta, quae diutius ueteris nomen obtinuit. Post Ser. uero Tullium regem, usque ad Sullae Felicis dictatoris tempora pomerium amplius prolatum fuisse Dionysius negat: Post Seruium (inquit) Tullium urbis ambitus non processit, numine (ut aiunt) prohibente, sed sunt omnia circa urbem habitata loca, multa ea & magna exposita facillimaque, ut aduenientibus hostibus praedae essent obnoxia. Quod si quis haec spectans uoluerit urbis magnitudinem exquirere, is errare cogetur, nec ullum signum certum quo dignoscatur habebit, quousque sit haec urbs progressa, aut unde esse non amplius urbs incipiat, ita urbi cōtexta est regio, praebetq; spectantibus opinionē extensae in infinitum urbis. Si uero muro uix perscrutabili propter aedes cōplectentes eum undique, uestigia autem quaedam locis multis seruanti structurae ueteris, metiri idem eam uelit, Athenarum urbis circuitu non multo maior est urbis ambitus. A Gallis autem Senonibus urbe capta, atque incensa, quum Galli caesi fuissent, muri eius Capitoliumque lapide quadrato refectioni sunt, ita tamen ut pomerium nunquam ampliatus sit, quamuis & numero ciuium, & ambitu ualde creuisset. L. autem Cornelius Sulla Felix bellis ciuilibus uictor, & lege Valeria dictator factus, reipublicae constituendae causa, Mithradate potentissimo Ponti rege uicto, multisque Asiae & Graeciae populis bello domitis, factione Mariana ad internicionem usque caesa, prius post Ser. Tullium urbis pomerium protulit, ut Seneca, Cornelius Tacitus, & A. Gellius prodidere. Tacitus enim libro XII. Nec tamen duces Romani (inquit) quamquam magnis nationibus

tionibus subactis, ius proferendi pomerij usurparunt, nisi L. Sulla, & diuus Augustus, regum in eo ambitio, & gloria ualde uulgata. Ceterum omnes qui post Sullam urbis muros, uel ampliauerunt, uel restituere curarunt, eos deinceps lateritios fecisse existimo, neque enim facile lapides quadrati in hoc murorum circuitu lateritio uideri possunt, qui uel ex antiquis sunt, uel ex eorum reliquiis fabricati. Iulium uero Caesarem dictatorem, post Sullam pomerium protulisse auctores sunt Dio, & Gellius. Qui libro XIII. capite XIII. ait: Neque id Ser. Tullius rex (de Auentino loquitur) neque Sulla, qui proferendi pomerij titulum quaesuit, neque postea diuus Iulius, quum pomerium proferret, intra effatos urbis fines incluserunt. Apud Ciceronem quoque libro XIII. epistolarum ad Atticum legitur, sub Caesare dictatore ampliandi pomerij mentionem factam. De urbe (inquit) augenda, quid sit promulgatum non intellexi, id sane scire uelim. Et paulo post in alia tamen eiusdem libri epistola ait: Sed casu sermo a Capitone de urbe augenda a ponte Miluio, Tiberim duci secundum montes Vaticanos, campum Martium coaedificari, illum autem campum Vaticanum fieri quasi Martium campum. Quem extra urbem fuisse eo tempore constat, ut ostendunt etiam Appiani uerba qui ait: Sullam ulterius progressum in campo Martio exercitum ante urbis portas statuisse. Satis autem liquet, antiquos quum uellent urbis moenia, quae Collinam non excedebant portam, ad Miluium pontem usque perducere ab haruspibus prohibitos fuisse, quod in urbe comitia facere, uel milites legere, non licebat. Martium autem campum Aureliani imp. temporibus urbi additum fuisse existimo, praesertim quum sub Seuero imperatore, ut est apud Herodianum, adhuc extra urbem fuerit. Aurelianus enim pomerium ea urbis parte protulit. Sed haec paulo post: Diuus uero Augustum pomerium protulisse docet Cor. Tacitus libro

bro XII. cuius uerba supra citauī, idem quoq; confirmant antiqui lapides, ex ijs qui pomerij cippi a Varrone dicuntur, haud procul a Tiberi extra Flaminiam portam inuenti, quorū exempla sunt haec

C. MARCIUS. L. F. L. N
CENSORINVS

C. ASINIVS. C. F. GALLVS
C O S

EX. S. C. TERMIN

item

IMP. CAESAR. DIVI. F
AVGVSTVS

PONTIFEX. MAXIMVS

TRIBVNIC. POTEST. XVII

EX. S. C. TERMINAVIT

R. R. PROXIM. CIP. PED. CLXI

item

C. MARCIUS. L. F. L. N

CENSORINVS. ET. C. ASI

NIVS. C. F. GALLVS

C O S

EX. S. C

FIN. POMER. TERMIN

Hos autem consules Augusti tempore fuisse, Fasti docent consulares. Quos autem pomerij terminos, seu quam urbis partem Sulla primo, deinde Iulius Caesar, postea Augustus ampliauerint, incertum: quantum tamen coniectura consequi potui; Sullam eam urbis partem, quae est uersus hortos Salustianos, portasque Collinam & Viminalcm ampliassse crederem, quum hortos ipse Salustius intra urbem emerit, qui postea dicti sunt Salustiani, quorum locum si ad antiquum urbis pomerium ante Sullam aspiciatur, extra urbem fuisse constat. Iulius autem Caesar, si is modo pomerium protulerit, (ambiguum

C

enim

enim est) & Augustus eam murorum partem, quae est inter portas Collinam & Capenam produxerunt. Liquet enim ante Augusti obitum, eum murorum ambitum, qui est a Collina ad Capenam adiectum esse, idque duabus rationibus collegi: primo quia Tiberius Caesar post Augusti obitum Romae (ut auctores sunt Tacitus & Tranquillus) castra constituit, quibus praetorianae cohortes vagae ante id tempus, & per hospitia in urbe dispersae, continerentur. Haec autem castra prope muros urbis locata fuisse, referunt Plinius libro III. Herodianus VII. & Iulius Capitolinus in Maximi, & Balbini imperatorum uitis. Compertum autem est paulo ante hos dies, eum locum quem hactenus superioris aetatis antiquarii ex loco Procopij male intellecto, Viuarium appellauerunt, castra praetoria esse, ut inferius disseram, quae si muris urbis coniuncta erant, eos ad eum locum ubi nunc castrum praetorium uidetur, protrahere fuisse necesse est, uel a Sulla, uel a Iulio, aut Augusto Caesaribus; nam ante Sullae tempora moenia urbis aggerem Tarquinij non excedebant, a quo orientem uersus longo intervallo distat castrum praetorium. Deinde, quum Tranquillus in Augusti uita dicat, ipsum urbis spacium in XIIII. regiones diuisisse, multaque a Sex. Rufo, & P. Victore in ijs libris, quos de regionibus urbis Romae scripserunt, enumerentur quae Augusti imperio intra urbis muros aedificata fuerunt, atque nunc paulo intra hunc murorum ambitum contineantur, necesse est urbem ipsam, ea parte ante ipsius Augusti excessum ampliatam fuisse. Nihil autem accuratius praeterea quod in hac re asseram habeo. Si qui meliora habent ea prodant, nos interim ad institutum reuertamur

De castro praetorio

Quum Augustus providentissimus princeps, sibi uni imperium populi Romani confirmare studeret, inter cetera multa-
que tanto imperio stabiliendo saluberrime excogitavit, novem
quoque militum cohortes urbis praesidio, & ad sui corporis
custodiam legit, hae praetorianae appellatae fuerunt. Post cu-
ius obitum Ti. Caesar, ut Tranquillus capite XXXVII. eius
vitae scribit, Romae castra constituit praetoria, quibus ipsae
cohortes praetorianae vagae ante id tempus, & per hospitia di-
spersae continerentur. Quod etiam libro IIII. historiae Augu-
stae Tacitus refert, quum de praetorij praefecto Seiano loqui-
tur his verbis: Initium & causa penes Aelium Seianum co-
hortibus praetorij praefectum, cuius de potentia supra memo-
ravi. Is vim praefecturae modicam antea intendit, dispersas
per urbem cohortes, una in castra conducendo, ut simul impe-
ria acciperent, numeroque & robore, & usu inter se fidu-
cia ipsis in ceteros metus crederetur. Praetendebat lascivire
militem deductum. Si quid subitum ingruat maiore auxilio pa-
riter subueniri, & seuerius acturos si uallum statuatur, procul
urbis illecebris. Ut perfecta sunt castra, inrepere paulatim mili-
tares animos, adeundo, appellando simul centuriones, ac tribu-
nos ipse deligere, &c. Haec autem castra prope urbis muros
locata fuisse docet Plinius libro III. cap. V. Herodianus libro
VII. & Iulius Capitolinus in Maximi & Balbini imperatorum
uitis. Compertum est uero proximis diebus eum locum, quem
huc usque Viuarium appellarunt forma quadrata, inter portas
Viminalem & Tiburtinam situm, urbisque muris coniunctum
castrum praetorium fuisse. In uineis enim aliquot in eius medio
sitis plures inuenti sunt plumbei tubuli, & fistulae, quibus a-

qua Marcia, ex proximo castello in eum deriuabatur, cum ijs inscriptionibus

L. IVN. CLARO. ET. AVR. SEVERO. COS
CASTRVM. PRAETORIVM. P. LXX

Item in alio

CLARO. ET. SEVERO. COS. QVADRAT. SER. FEC
CASTRVM. PRAETOR. P. CC

Item in alio

T. VESPAS. AVG. VII. FLAV. DOMIT. VI. COS
Q. CLAVD. SER. OFF. FEC. CASTR. PRAET

Et in alio

Q. AQVILLIO. SABINO. II COS
SEX. AVR. ANVLLINO
CASTR. PRAET. L. VRVAS. OFF. PED. CCCLXXXIII
AQA. MARC

Item in antiqua figulina

CASTRVM. PRAETORIVM
EX. PR. VINI. QVAD. ET. ANT. OP
EX. FIG. SEX. AT. SILV. F. VI

item in alia

CASTR. PRAET
L. SILVINI
HELPIDIANI

Porro autē de his aquae Marciae fistulis quae castrī praetorij usui erant, mentionem facit Herodianus libro VII. Vbi de seditione inter milites praetorianos, & populum Romanū orta sub Maximi & Balbini imperio loquitur, ijs uerbis. Postremo quando castrorum oppugnatio parū procedebat, uisum ducibus interuertere omnes riuos, qui in castra peruenirent, ut milites

milites aquarum penuria, sitique conficerent. Igitur abscinden-
do obstruendoq; cunctos e castris aquarum riuos auertebant.
Sed intellecto periculo milites, ac rebus desperatis erumpunt
uniuersi patentibus portis, congressique multitudinem fugien-
tem in urbem usque persequuntur. & Iulius Capitolinus in
Maximo & Balbino Augustis: Inter haec Romae iterum sedi-
tiones inter populū et milites exortae sunt, & quū mille edicta
Balbinus pponeret, nec audiretur, ucterani se in castra prae-
toria contulerunt cū ipsis praetorianis, quos coepit populus ob-
sidere, nec unquā ad amicitia esset redacti, nisi fistulas aquarias
populus incidisset. Porro aut ea parte castra praetoria quoque
fuisse confirmari potest Tranquilli auctoritate in Neronis uita,
ubi de eius destitutione, & morte uerba facit: Sed reuocato (in-
quit) rursum impetu aliquid secretioris latebrae ad colligendū ani-
mū desiderauit, & offerente Phaonte liberto suo suburbanū su-
um inter salariam & Nomentanam uiam, inter quartum milia-
rium, ut erat nudo pede, atque tunicatus, penulam obsoleti co-
loris superinduit, adopertoque capite, & ante faciem obtena-
so sudario equum infedit, quattuor solis comitantibus, inter
quos & Sporus erat. Statimque tremore terrae, & fulgure
aduerso pauefactus, audiit ex proximis castris clamorem mi-
litum sibi aduersa, & Galbae prospera ominantium. Non lon-
ge ergo a porta Viminali erant castra praetoria, qua Nero per
Numentanam uia egressus clamorem militum audire potuit. De
ijs autem castris saepissime Herodianus in Commodi, Pertina-
cis, Iuliani, Seueri, Caracalli, & aliorum imperatorum gestis
mentionem facit, sed unum eius locum non omittam, quo aedi-
culae quae in medio castrorum erat meminit, ait enim: Antonia-
nus inrupto fratris Getae cubiculo, nihī cum tale expectantem
supra matris pectus multo undantem sanguine saeuus obtrun-
cat. Quo facto exiit statim, ac per totam regiam currens cla-

mitat, magnum se periculum effugisse, uixque euasisse incolamen. Simul imperat militibus regiae custodibus, raperent ilico se atque in castra deducerent, ubi tutius asseruaretur, periturum dictitans, si diutius in aedibus moram trahat. Illi pro ueris ea dicta accipientes, simul ignari quae intus gesta, currentem eum currentes & ipsi comitantur. Fit ingens populi tumultus raptim agente se sub uesteram principe per mediam urbem: ut castra attigit, aediculamque eam intra quam signa ac simulachra exercitus adorantur, procidens humi gratias agebat, uotis quasi pro salute susceptis. & c. Huius uero aedicularae aliquot figulinae iisdem in uincis inuentae sunt, cum hac inscriptione

EX. AEDICVLA. AVGVSTORVM. OPVS. DOL
EX. FIG. C. PANISEI. HERMETIANI. ET. VRBICI

Castrum autem praetorium exauctoratis praetorianis, euerit Constantinus Magnus imperator, quando Maxentio tyranno, quem contra se imperatorem praetoriani appellauerant, uicto, & mortuo urbem Romam cepit, ut refert libro historiarum secundo Zosimus. Qui eam castrorum muri partem, quae intra urbem erat, castrumque ipsum ab urbe diuidebat, substulit: militum quoque stationes & cellulas uastauit. Quo facto, urbis ambitum ampliorem fecit, castrum praetorii muri tribus reliquis partibus relictis, forma enim quadrangula castra erant, & idcirco nostra quoque aetate urbis moenia eo loco in formam quadrangulam adhuc extra porriguntur, qui nunc dumis sepibus, & uinetis plenus est; atque a rusticis & eius loci incolis adhuc castrum custodiae appellatur. Viuarium autem circa eum locum fuisse Procopius Caesariensis libro primo de bello Gothico ijs uerbis demonstrat: Vitiges acie instru

cta

cta circa portam Praenestinam, ad eam muri partem mox ducit, quam Romani Viuarium dicunt, unde & expugnari moenia perquam facile poterant. Et paulo post: Bessas interea Paraniusque, Vitige ipso e regione Viuarij, ualidissime his insistente, eodem ad se Belisarium uocant. Ille uero, ut qui ei muro minus confideret, his opem laturus mox aduolat, & quum milites in Viuario, id loco nomen, offendisset, ex inuadentium ingenti multitudinem hostium insultu nimio trepidantes, statim ijs ipse animos facere, atque ut hostes paruifacerent commonere. Erat nimirum ea ex parte planior locus, atque adeo ad inuadentium insultus peropportunos. Ad hoc accedebat, quod ea e regione, murus ita dissoluebatur, ut uel lateres ipsi haud sat multum in sua compage subsisterent. Huic muro alterum & breuē forinsecus, ueteres quondam Romani modico interuallo adiecerant. sed non ad tutelam, ut qui sine propugnaculis fuisset extructus, sed ad delitias factus haud satis decentes; & ut leones eo in loco coercitos, & bestias alias asseruarent, unde & Viuarium is locus est dictus. Quae uerba non recte intellecta, occasionem dederunt antiquarijs ijs, qui ante nos fuerunt, ut castrum ipsum Viuarium esse affirmarint, quod turribus et propugnaculis cōtra Procopij dicta, adhuc munitum cernitur. Viuariū uero haud procul a castro praetorio extra castrum muros erat, ubi nunc parietinae quaedam fenestratae altissimae uidentur, ea ratione aedificatae, qua Procopius scribit fuisse Viuarij muros; quae ipsis olim castrorum nunc urbis moenibus adhuc propinquae sunt. Haec autem satis sint de castro praetorio dicta, nunc ad Ti. Claudium Augustum reuertamur, qui prius post Augustum pomerii terminos protulit

De iis, qui post Augustum pomerium
urbis adauxerunt

*Claudius enim admissio intra pomerium Auentino monte, ur-
bis ambitum auxit, quo tempore portam Trigeminam, eò ubi
nunc est translata fuisse existimo, quum prius nō longe ab ae-
de S. Mariae Scholae Graecae fuisset. Ceterum Claudium impe-
ratorem urbis circuitum propagasse, testantur antiqua tam la-
pidum, quàm librorum monumenta. In lapide Tiburtino anti-
quo effosso prope cloacam S. Luciae, est eiusmodi inscriptio*

TI. CLAVDIVS
DRVSI . F . CAISAR
AVG . GERMANICVS
PONT. MAX. TRIB. POT
VIII. IMP. XVI. COS. IIII
CENSOR . P . P
AVCTIS. POPVLI. ROMANI
FINIBVS . POMERIVM
AMPLIA. IT. TERMINA. IT. Q

*Item in tabula aenea basilicae Lateranensis, in qua imp. Cae-
saris Vespasiani Augusti priuilegia ei a senatu conlata conti-
nentur*

VTIQUE. EI. FINES. POMERII. PROFERRE
PROMOVERE. CVM. EX. REPVBICA. CENSEBIT
ESSE. LICEAT. ITA. VTI. LICVIT
TI. CLAVDIO. CAESARI. AVG. GERMANICO

Cornelius uero Tacitus libro XII. Pomerium urbis (inquit) auxit Claudius Caesar more prisco, quo ijs qui protulere imperium, etiam terminos urbis propagare datur. Et quos tñ Claudius terminos posuerit facile cognitu, & publicis actis perscriptum. Gellius quoque libro XIII. cap. XIII. ait: Sed de Auentino monte praetermittendum non putauit, quod non pridem ego in Elidis grammatici ueteris commentario offendi. In quo scriptum erat: Auentinum antea sicut diximus extra pomerium exclusum, post auctore diuo Claudio receptum, & intra pomerij fines obseruatum. Quos uero terminos Claudius posuerit nusquam inueni. Quum igitur tot pomerij prolationibus, urbs adeo aucta sit, uerum demum erit, quod libro III. cap. V. refert Plinius: Moenia (inquit) urbis collegere ambitu, imperatoribus, censoribusque Vespasianis, anno conditae DCCCXXIX. passuum XIII. ∞ CC. (quae mensura stadijs plus minus X. hac nostri temporis maior est.) Complexa montes VII. ipsa diuiditur in regiones XIII. Compita earum CCLXV. eiusdem spatij mensura currente à miliario in capite Romani fori statuto ad singulas portas, quae hodie numero sunt XXXIII. alias XXIII. ita ut XII. portae semel numerentur, praetereanturq; ex ueteribus VII. quae esse desierunt; efficit passuum per directum XXX ∞ DCCLXV. ad extrema uero tectorum cum castris praetorijs ab eodem miliario per uicos omniū uiarū mensura colligit paulo amplius LXX ∞ passuum. Quò si quis altitudinem tectorum addat, dignam profecto aestimationem concipiat, fateaturque nullius urbis magnitudinem in toto orbe potuisse ei comparari. Pomerij autem terminos non nisi augurum consilio poni, mutari, ac restitui potuisse satis constat, innuitque haec inscriptio

COLLEGIVM
 AVGV RV M. AVCTORE
 IMP . CAESARE. DIVI
 TRAIANI. PARTHICI. F
 DIVI. NERVAE. NEPOTE
 TRAIANO. HADRIANO
 AVG. PONT. MAX. TRIB
 POT. V. COS. III. PROCOS
 TERMINOS . POMERII
 RESTITVENDOS. CVRAVIT

Post Claudium, imperatorem Neronem Ponto Polemoniaco, et
 alpibus Cottijs imperio populi Romani adiectis : & post eum
 Traianum Augustum Dacia in prouinciae formam redacta, po=
 merium urbis protulisse, auctor est in Aureliani imp. uita Fl.
 Vopiscus. Pomerio autem (inquit) nemini principum licet ad=
 dere, nisi ei qui agri barbarici aliqua parte Romanam remp.
 locupletauerit ; Addidit autem Augustus, addidit Traianus, ad=
 didit & Nero, sub quo Pontus Polemaniacus, & alpes Cottiae
 Romano nomini tributae. Quos autem fines Nero & Traia=
 nus posuerint, incertum. Post Traianum autem nullum Ro=
 manorum principum, usque ad Aurelianum pomerium protu=
 lisse legi, qui ut Fl. Vopiscus, Eutropius, & Zosimus libro pri=
 mo auctores sunt, ex S. C. muros urbis Romae ampliauit. Iis
 actis (inquit Vopiscus) quum uideret posse fieri, ut aliquid ta=
 le iterum, quale sub Gallieno euenerat provenire, adhibito consti=
 lio senatus muros urbis dilatauit, nec tamen pomerio addidit eo
 tempore, sed postea. Eutropius uero ait : Aurelianus muris
 ualidioribus, & laxioribus urbem sepfit : eos uero Zosimus
 ab Aureliano quidem imp. inchoatos, uerum ab eius successore
 Tacit

Tacito Augusto perfectos fuisse scribit. Aurelianum autem urbis moenia a porta Collina per collem hortulorum usque ad Tiberim, ut nunc uisuntur, campumque Martium deduxisse existimo, uetere paulatim labante disciplina, quae eum extra urbem esse uolebat: praesertim quum hoc neminem nec superiorum, nec posteriorum principum fecisse legatur; satisque constet diu ante Belisarij & Theoderici regis Gothorum tempora, eam murorum partem conditam fuisse. Nā quod Vopiscus dicere uidetur, Aurelianum muros urbis sic ampliasset, ut quinquaginta prope millia passuum eorum ambitus tene-
ret, ingenue fateor me ignorare. Existimarem autem, uel in numeri nota mendum esse, uel ipsum errasse, nec quid diceret intellexisse: Fieri enim nullo modo posse arbitror, ut urbis ambitus L. passuum millia unquam fuerit, idque quibus mihi persuadeā rationibus, alio loco disseram. Hinc quidam Vopisci uerbis, uel ueris, uel deprauatis, tanquam oraculo Pythio fidem adhibentes, dum eum uera scripsisse contendunt, leuia quaedam et puerilia afferunt. Alius enim more iurisperitorum, urbis nomen accipi debere censet, alius usque ad primam portam urbis ambitum adauctum fuisse existimat, alij alia dicunt, quae an uera sint, uel uerosimilia doctioribus uiris iudicāda relinquo. Tamen si scribat Tranquillus, Neronem Ostia tenus urbis moenia promouere, atq; inde fossa mare urbi inducere uoluisse; sed facile est loqui Nero, difficile praestare quae loqueris. De urbis uero magnitudine Aristides Smyrnacus in panegyrico de eius laudibus ait: Descendit haec usque ad mare, ubi commune emporium, communisque omnium, quae terra proueniunt dispensatio. Quacunque in parte eius urbis constiterit quis, nihil prohibet, quo minus sit pariter & in medio. & infra: Quicquid nunc Italiae restat, completum iri uniuersa mihi uidetur, unaque futura urbs perpetua in Ionium mare protensa. Haec Aristides.

stides. Quē tamen de suburbijs urbis, non de ambitu murorum intelligas oportet, quandoquidem feratur uiam Flaminiam totam ab urbe Otriculum usque aedificijs ex utraque parte plenam fuisse: Itidē de Ostiensi uia Ostia usque dicatur. Hinc est, quod Dionysius ait, si quis uelit Romae magnitudinem exquirere, nullum habebit certum signum, quo cognoscatur, quousque sit haec urbs progressa, aut unde non esse amplius urbs incipiat. Post Aureliani tempora Constantinus imperator, diruto castrō praetorio, ea qua diximus ratione urbis ambitum latiorē fecit. Qui non longe post translato in Thraciam populi Romani imperio, uiribus, & fortuna, urbem ipsam barbarorum saeuitiae exposuit, adeo ut muri eius partim uetustate, partim barbarorum ui & iniuria saepe multis in locis disiecti fuerint, & demoliti, a posterioribusq; principibus saepe restituti; inter quos ipsa urbis moenia uetustate disrupta instaurarunt, post Aurelianum, Arcadius, & Honorius imperatores Theodosij Augusti filij, ut indicat eiusmodi inscriptio Tiburtino lapide super portam Portuensem incisa, quam proxima pagina, quo integram eam, & non concisam uno aspectu subiicerem, exarauit. In qua quamquam Flauī Stiliconis nomen ita erratum sit, ut uix cognosci queat, id tamen ex his quae supersunt litterarum fragmentis accurate restitui

S . P . Q . R

IMPP. CAESS. DD. NN. INVICTISSIMIS
 PRINCIPIBVS. ARCADIO. ET. HONORIO
 VICTORIBVS. AC. TRIVMFATORIBVS
 SEMPER. AVGG

OB. INSTAVRATOS. VRBLAETERNAE
 MVROS. PORTAS. AC. TVRRES. EGGESTIS
 INMENSIS. RVDERIBVS. EX. SVGGESTIONE
 V. C. ET. INLVSTRIS

MILITIS. ET. MAGISTRI. VTRIVSQ. MILITIAE
 FL. STILICONIS. AD. PERPETVITATEM
 NOMINIS. EORVM. SIMVLACHRA
 CONSTITVIT

CVRANTE. FL. MACROBIO. LONGINIANO
 V. C. PRAEF. VRBIS. D. N. M. Q. EORVM

Post Arcadium, & Honorium moenia urbis partim a barbaris Gothis, & Vandilis, Alarico, & Genserico regibus, partim uetustate consumpta, instaurata sunt Theoderici regis Gothorum tempore, posteaquam totius Italiae principatum, occiso Odouacre Herulo tyranno, a Zenone imp. adeptus est: ut auctor est in epistolis Cassiodorus, qui S. P. Q. R. tradit Theodericum Gothorum regem quum Romae & in Italia imperaret, rogasse, ut marmora amphitheatri dissipata, ac iacentia, sibi ad muros urbis, partim uetustate collapsos, partim a barbaris disiectos, instaurandos concederet, idque facile obtinuisse. Post Theodericum magnam murorum urbis partem quae a Vitige primo dissipata, mox ab eius successore Totila Gothorum regibus bello Gothico Italico omnino eversa fuerat, restaurarunt Belisarius, & Narses VV. CC. patricij, & Iustiniani imp.

in

in Italia contra Gothos copiarum praefecti, ut auctor est Procopius Caesariensis, qui per ea tempora uixit, atque Belisarius a secretis fuit, in ijs libris quos de bello Gothico Italico scriptos reliquit. Libro enim III. Quibus (inquit) cognitis Totilas, Romam in primis ad solum prosternere decernit, & maiore exercitus parte ibidem relictâ, cum reliqua aduersus Ioannem in Lucanos contendere. Sed muri tantum, & diuersis in locis hic diruit, quantum totius partem esse hanc tertiam, coniectura quis consequi poterit &c. & non longe post: Belisarius interim audacissimum aggreditur facinus, quod ferme tunc primum spectantibus, & audientibus multis, furentis est uisum non sani hominis esse, quum alias tamen egregium & excellentius esset. Paucis namq; in Portus custodiam relictis militibus, ipse cum ceteris Romam peruenit. Hanc enim animo destinarat omni conatu in potestatem redigere, a Gothis muris euersis, relictam. Quum itaque minime posset eam moenium partem quam Totilas diruerat, breui instaurare, lapides qui in proximo erant, in unum coaceruatos nullo ordine componebat, nec ulla prorsus, intermixtos materia, ut cui cementi nil praesto esset, nec eiusmodi aliud quidpiam, sed id duntaxat efficere nitebatur, ut aedificij saltem facies seruaretur. Exteriori uero parte ingentem uim sudium fixit. Ad haec accedebat, quod fossam, & hanc quidem profundiore circa muros produxerat, unde totius exercitus incredibili promptitudine operantis, per dies continuos XV. quod muri fuerat per Totilam disturbatum reficitur. Romani praeterea, qui circumiecta urbi incolerent loca in patriam reduces cogebantur, desiderio partim Romam rursum inhabitandi, partim rerum necessariorum inopia, cum omnium in urbe copiam inuenissent, quam Belisarius completis omni commeatum genere nauibus, & in urbem inuectis iam fecerat. Totilas interim his auditis profectus statim cum uniuer-

so exercitu aduersus Belisarium ad urbem peruenit. Nondum enim Belisarius poterat, ut muris reficiendis intentus, prae opifi cum raritate, portis seras imponere. Belisarius interim foribus ubique ad portas impositis ferro coniectis, clauis iterato imperatori transmisit. Haec Procopius: Quae postea moenia, bello Gothico per Narsen finem imposito, ab eodem Narse addito cemento & calce ijs locis, quibus ea Belisarius primo statuerat, commode postea firmata. Anienis pontes a Gothis disiectos restituit. &c.

A condita autem urbe usque ad Belisarii tempora, semper urbs ampliorem murorum ambitum, nouo adiecto pomerio adquisiuit, nec unquam muri restituti sunt, quin uel superioribus ampliores, uel saltem aequales redderentur. In ea uero murorum quae a Belisario facta est restitutione, urbis circuitus ita distortus, & incomptus factus est, ut nunc conspiciamus; nam etsi tot pomerij prolationibus urbs antea aucta fuerit, ut ex forma ferre circulari & pulcherrima, ad aliam satis distortam, Martio campo, castris praetorio, & monte Auentino additis, reddita esset, murorum tamen compago, ambitus, & ordo, semper apposite ornateque extructa fuerunt. Quum autem tertia eius murorum pars hinc inde a Totila euersa fuisset, ut superius ex Procopio accepimus, atque discedentibus Gothis a Belisario recepta urbs fuisset, ipse eam murorum disiectorum a Gothis partem restituere aggressus est. In qua restitutione, antiquae murorum concinnitatis & elegantiae, ueterisque pomerij rationem habere non potuit ob temporis celeritatem; Totilam enim denuo cum ingenti exercitu ad urbem uenientem uerebatur; Quare inter ipsam murorum instaurationem modo maiorem, modo minorem orbem, quam antiquus fuerat, prout occasio aliqua antiqua aedificia amplectendi se se offerebat, fecit. Intra eos enim urbis muros tumultuario opere a se excitatos, palatia,

me=

metas, amphitheatra, aquarū castella, aquaeductus, et alia ple-
raque publica antiqua aedificia, non longe ab antiquo pome-
rio, intus extraque existentia, quò celerius muros perficeret
inclusit, antiquumque pomerij ordinem necessitate belli coactus
turbavit, quod nunc adhuc extra portas Populi, Maiorem, S.
Sebastiani, & S. Paulli uideri potest, ex quibus porta Maior
olim erat aquaeductus forma, S. Sebastiani uero aquae castellū.
Ita quoque amphitheatrum castrense prope S. Crucem in Hie-
rusalem, sepulchrum C. Cestij pyramidis specie, aliquot aquae-
ductuum formae, & alia similia uisuntur murorum compagini
instita. Ita ut noster murorum urbis ambitus, aliquot locis anti-
quo maior, aliquot uero minor, aliquot autem antiquis adhuc
fundamentis situs credi possit. Quam sententiam confirmant ua-
riae atque diuersae murorum species, quibus conditi sunt, alicu-
bi enim opere reticulato, alicubi lapidibus quadratis, alibi late-
ritia strue, alibi muro arcuato, alibi alia ratione fabricati uiden-
tur. Omnino autem hunc murorum urbis circuitum paulo mi-
norem eo esse existimo, qui ante Belisarij tempora fuit, & prae-
sertim a muro castri praetorij ad Tiberim usque uersus portam
Ostiensensem

Post Belisarij & Narsis tempora, murorum urbis circui-
tum motum non fuisse creditur, & si saepissime a uarijs ponti-
ficibus Romanis, aut uetustate, aut barbarorum uì disiectum re-
nouatum fuisse constat. Inter quos Gregorius secundus, & Ha-
drianus primus ambo Romani, pontifices maximi, magnam ur-
bis murorum, propugnaculorum, & portarum partem resece-
runt, ut auctor est Anastasius Bibliothecarius in eius uitis.
Leo uero III. patria item Romanus XV. nouas turres urbis
muris adiecit, ex quibus una adhuc sub Ianiculo ad Tiberis ri-
pam erecta in murorum urbis fine conspicitur, e regione cui-
us sub Auentino alteram quoque erexerat, quae uetustate de-
lapsa

lapsa est . quibus Sarracenorum , aliorumque piratarum & praedonum , per Tiberim subeuntium uis arceri posset . Eam quoque urbis partem , ubi in colle Vaticano sita est basilica principis apostolorum Petri , muro ueteri , qui circa Hadriani molem & S. Spiritus Xenodochium tantum protendebatur , producto , urbis moenibus inclusit , urbemq; Leoninianā de suo nomine appellauit : quam Corsis a Sarracenis patrijs sedibus pulsus habitandam tradidit . Eam autem ideo muro cinxit , ut Sarracenorum incursiones , qui eo tempore Italiam omnem uexabant , euitaret , qui basilicā ipsam , eo interregno , quod ante eius creationem fuerat , captam , omnibus ornamentis spoliauerant . Urbanus V. Nicolaus V. & Alexander VI. Romani pontifices , urbis Leoninianae , quā nunc Burgum uocamus , muros uetustate dilabentes restituerunt , ut eorum insignia ijs affixa testātur . Primus Romanorū pontificū Bonifacius IX. pont. max. Hadriani molem muniuit , atque ea pro arce ad pontificum custodiam usus est . Quam Alexander VI. additis latioribus muris , & propugnaculis , fossaque & aggeribus tutiorem reddidit . Nouissime Paullus Papa III. additis amplioribus propugnaculis , prope inexpugnabilem fecit . Qua ratione autem , uel forma fuerint ueteres urbis muri circa molem Hadriani , inferius quum de portis Triumphali & Aurelia loquar , quae ijs locis erant , disseram . Porro post Leonem papam III. uariis temporibus urbis muros hinc inde uetustate dilabentes , refici curarunt Martinus V. Nicolaus V. Pius II. Paullus II. Xystus III. Alexander VI. & plerique alij Romani pontifices . Nouum murorum urbis ambitum , & quidem sumptuosissimum aetate nostra aliquot locis , sed praecipue prope Auentinum montem , & S. Spiritus aedem inchoauit Paullus papa III. Farneſus Romanus , ingentis animi , & spiritus pontifex , uerum eum uix inchoatum imperfectum reliquit . Nouissime Paullus III.

D

pont.

pont. max. additis per totam urbem terreis propugnaculis, & aggeribus, urbem proximo bello muniuit

Vrbis moenia aetate nostra uix XIII. millibus passuum complectuntur. Turres habent uel integras, uel semis fractas CCCLXVII. portas XX. ex quibus XIII. sunt urbis Romae. VII. Vrbis Leonianae, quae nostro tempore Burgus S. Petri appellatur, pontificum Romanorum perpetua sede, & toto orbe augustissima, atque celebratissima principis Apostolorum Petri basilica clarus. Atq; haec de urbis pomerio

Breuis epilodus omnium, quae de urbis pomerio dicta sunt

Vrbis Romae fundamenta auspicato a Romulo iacta sunt Parilibus, ante diem XI. Kal. Maij. sextae olympiadis anno tertio. Ex quo tempore, hoc die, qui est Kal. Iuli. Anno à partu uirginis ∞ DLVIII. agitur annus urbis conditae ∞ ∞ CCCX. Ex proximo XI. Kalend. Maij die inchoatus

Romulus Silvius rex primus urbē quadratam in monte Palatino condidit. Montes Saturnium, post Tarpeium, qui & Capitolinus dictus est, ac Quirinalem additis praesidijs muniuit, non tamen urbis pomerio incluserit

T. Tatius Sabinorum rex, qui Romae cum Romulo regnauit, ueteris urbis pomerio Tarpeium montem adiunxit; quem Sabinis qui secum Romam commigrauerant habitandum dedit, ipseque habitauit. Quirinalem quoque addita custodia firmauit

Romulus uero post Capitolium urbis pomerio adiunctum, eumque T. Tatio cum Quirinali concessum, Coelium montem Palatio uicinum militum praesidio adposito muniuit

Numa Pompilius Pomponis F. rex secund. si Dionysio Halicar-

licarnasseo credere uolumus, Quirinalem collem urbis circuitu inclussit

Tullius Hostilius Hosti F. rex tertius, Alba lōga diruta, Albanisque in ciuitatem receptis, montem Coelium, quem pomerio addidit, colendum assignauit. Quem montem pomerio inclussisse

Ancum Marcium regem, Strabo; uel L. Tarquinium Priscum Tacitus produnt

Ancus Marcius Numae filius rex quartus, Politorio Latino-
rum urbe excisa, Latinisque in ciuitatem adscitis, montem A-
uentinum habitandum concessit, quem tamen tanquam ominosum urbis pomerio non inclussit

Idem rex fossas circū urbem fecit, quae Quiritium appellatae sunt; Ianiculum, quem facto super Tiberim ponte Sublicio, muro cinxerat, urbi addidit

L. Tarquinius Damarati filius Priscus rex quintus, urbis muros ruderibus uilibusque structuris ad eam diem aedificatos, primus coepit saxis magnis Albano, Tiburtino, & Praenestino ad regulam formati extruere, quos Ser. Tullius rex perfecit

Ser. Tullius Ser. F. rex sextus Esquilias, Quirinalem, & Viminalem mōtes urbis pomerio adiunxit, Romam aggere, fossis, & muro lapideo circumdedit

L. Tarquinius L. F. Superbus rex VII. immenso ab oriente aggere addito, Romam tutiorem fecit

L. Cornelius L. F. P. N. Sulla Felix dictator primus post reges urbis pomerium protulit

C. Iulius C. F. C. N. Caesar dictator } urbis ambitum adau-
Imp. Caesar diui F. C. N. Augustus } xerunt

Ti. Iulius diui Augusti filius, diui nepos Caesar Augustus castra praetoria urbis muris inter portas Viminalem, & Gaiusam, alias Tiburtinam adiunxit

Ti. Claudius Drusi F. Caesar Augustus Germanicus Auentinum montem urbis pomerio inclusit

Nero Claudius Caesar Augustus Germanic. } Urbis pome-
Imp. Caesar Nerua Traianus Augustus } rium protu-
lere

Imp. Caesar L. Domitius Aurelianus Augustus murorum urbis ambitum, campo Martio incluso ampliavit

Imp. Caesar Fl. Constātinus Maximus Augustus, castro praetorio exciso, urbis ambitum ampliorem fecit

Impp. Caesares Flavi Arcadius & Honorius Augusti, muros urbis uetustate dilabentes restituerunt

S. P. Q. R. urbis moenia temporum iniuria collabentia ex auctoritate regis Italiae Theoderici Amali refecit

Fl. Belisarius patricius V. C. sub imp. Iustiniano Augusto, tertiam murorum urbis partem, bello Gothico a Totila rege dissectam, refecit

Fl. Narses V. C. Urbis moenia uetustate et ruinis quassata, sub Iustiniano, & Iustino iuniore Augustis, quorum in Italia exactis Gothis praefectus fuit, firmavit

Gregorius II. } Pontifices maximi, muros urbis temporis
Hadrianus I. } diuturnitate consumptos, additis turribus
restituerunt

Leo papa III. moenia urbis refecit, XV. turres addidit, Vaticanum montem, in quo sita est basilica principis Apostolorum, aucto murorum ambitu cinxit. Quos postea temporis iniuria conlabentes uarijs temporibus sua impensa restituerunt

Urbanus V. & } Pontifices maximi
Nicolaus V. }

Martinus	V.	} Pontifices maximi urbis moenia hinc inde conlabentia restituerunt
Nicolaus	V.	
Pius	II.	
Paullus	II.	
Xystus	III.	
Alexander VI.	J	

Paullus III. pontifex maximus nouum murorum urbis ambitum inchoauit, quem imperfectum reliquit

Nouissime Paullus papa IIII. additis tota urbe aggeribus, terreisque propugnaculis Romam muniuit

Bonifacius IX. pontifex maximus primus mole Hadriani munita, Romanorum pontificum ditionem stabiliiuit. Quam postea

Alexander VI. pontifex maximus additis fossa, aggeribus, latioribusque propugnaculis tutiorem fecit. Postremo proximo anno Paullus IIII. pont. maximus additis amplioribus propugnaculis tutissimam reddidit

De portis & uijs Romanis. Et primo de portis vrbis Romuli

Vrbem (inquit) Plinius libro III. cap. V. treis portas habentem Romulus reliquit, aut (ut plurimas tradentibus credamus) quattuor. Qui tamen earum nec locum, nec nomina ponit; quae ego ex Varrone, Sex. Pompeio, & alijs antiquis scriptoribus, coniecturisque aliquot explicare conabor. Primam igitur fuisse existimo portam Mucionis dictam; de qua sic Varro libro IIII. mentionem facit: Praeterea intra muros uideo portas dici, in Palatio Mucionis a mugitu, quod ea pecus in Bucitatum antiquum oppidum exigebant. Hanc etiam fuisse crediderim, quam Verrius Flaccus Trigoniam dixit, a tribus

D 3 angulis

angulis cognominatam. Quam in urbe Romuli uersus arcum Titi Caesaris fuisse, ex loco Dionysij liquet, & ex aliarum descriptione manifestū erit. Dionysius enim lib. II: Ioni quidē Statori Romulus templum dedicauit, apud portam Mucionis uocatam, qua in Palatium ex sacra uia itur. & c. Altera Palatij porta fuit nomine Romanula, de qua sic Varro: Alteram Romanulā, quae est dicta ab Roma, quae habet gradus in naualia ad Volupiae sacellū. Et a Sex. Pompeio Romana appellatur: Romanam (inquit) portam uulgus appellat, ubi ex epistyllo defluit aqua, qui locus ab antiquis appellari solitus ē staturae Cinciae, quod in eo fuit sepulchrum eius familiae. Sed porta Romana instituta est a Romulo in infimo cliuo Victoriae, qui locus gradibus in quadraturam formatus est; appellata autem Romana a Sabinis praecipue, quod ea proximus aditus erat Romam. Hanc autem ex hoc loco ea urbis parte fuisse oporteret, qua nunc Titi arcus est, quo in Sabinos iter erat. Tamen Dionysij & Varronis uerba accurate considerata sunt, quibus etiam magis credendum est; qui hanc portam, (si modo ea est, quam Sex. Pompeius Romanam uocat) gradus in naualia habuisse scribunt; quae Tiberim uersus, & non amphitheatrum erant: Atque eam alio loco, prope Velabrum fuisse affirmat Varro ijs uerbis: Hoc sacrificium fit in Velabro, qua in nouam uiam exitur, ut aiunt quidam, ad sepulchrum Accae: qui locus extra urbem antiquam fuit, non longe a porta Romanula, de qua in priore libro dixi. Hoc autem peritis antiquarijs discutiendum relinquo, satis mihi sit, controuersias scriptorum annotasse. Tertia porro Palatij porta forum uersus Ianualis appellata fuit. De qua sic Varro: Tertia est Ianualis dicta ab Iano: & ideo ibi positum Iani signum, & ius institutum a Numa Pompilio, ut scribit in annalibus L. Piso, ut sit clausa semper, nisi quum bellum sit. Nusquam enim traditum est

est memoriae fuisse apertam: & post T. Manlio cos. bello Carthaginensi confecto, & eodem anno apertam. Haec Varro. Quam quidem caerimoniam prius in urbis porta obseruatam fuisse arbitror, post ampliato pomerio, portaque loco mota, id institutum fuit, ut in portis templi Iani, quod uicinum huic portae erat, obseruaretur. Hoc autem manifeste ex nummis aereis Neronis, Dione, & Procopio colligitur. Haec autem porta in foro Romano erat, appellaturque a Liuiio libro primo, porta uetus Palatij, ijs uerbis: Vt Hostius cecidit, confestim Romana inclinatur acies (erant autem in foro) fusaque est ad ueterem portam Palatij. &c. Quo nomine etiam in Fastis ab Ouidio appellatur. De hac loqui puto Macrobius in libris Saturnalium, quum ait: Quum bello Sabinorum, quod uirginum raptarum gratia commissum est, Romani portam quae sub radicibus collis Viminalis erat, claudere festinarent, quia in ipsam hostes inruebant, postquam est clausa, mox sponte patefacta est. Quumque iterum, ac tertio idem contigisset, armati pluri mi pro limine, quia claudere nequibant, custodes steterunt; quumque ex alia parte acerrimo proelio certaretur, subito fama pertulit, fusos a Tatio nostros, quam ob causam Romani, qui tuebantur territi profugerunt. Quumque Sabini per portam patentem irrupturi essent, fertur ex Iani aede per hanc portam, magnam uim torrentium undis scatentibus erupisse, multasque perduellium cateruas, aut exustas feruenti aqua, aut deuoratas rapida uoragine deperiisse, ea re placitum ut belli tempore, ueluti ad urbis auxilium profecto deo, fores referarentur. Piso etiam in annalibus memoriae prodidit, Ianualem dictam ab Iano, & ideo ibi positum Iani signum, & ius institutum a Numa Pompilio, ut esset semper clausa, nisi quum bellum foret. &c. Quod autem sub Viminalis collis radicibus fuisse scribit, non intelligo: magis Varroni assentior, qui eam Palatij por-

tam prodit, non Viminalis.

Has autem treis portas fuisse ex Varrone ipso liquet, quae primis muris urbis Romuli fuerunt, ab eodem institutae. Qui numerus in urbe adhuc parua publico usui satisfacere posse uidebatur. Portas Pandaniam, Mugionam, & Carmentalem a primo Romuli murorum ambitu, ex Varronis sententia exclusit. Sabinis autem cum eorum rege T. Tatius in ciuitatem a Romulo adscitis, quum aucto pomerio, Capitolium urbi inclusum fuisset, quartam demum sub Romulo portam urbi additam fuisse constat; quae Carmentalis nuncupata fuit: atque hac ratione tolli poterit contradictio inter eos auctores, qui a Plinio citantur de urbis Romuli portis, quum alij de primo, alij de posteriore Romuli pomerio loquantur. Carmentalis autem porta ab Euandri matre Carmenta nominata, sub Capitolio sita fuit, inter saxum Tarpeium, et Tiberim, uersus circum Flaminium. Quod his uerbis declarat Liuius lib. XXVII. Ab aede Apollinis boues foeminae duae albae, porta Carmentali in urbem duetae. Post eas duo signa cupressae Iunonis reginae portabantur. A porta Iugario uico in forum uenere. & c. Iugarius autem uicus ea Capitolij parte erat. De ea Virgilius

Et carmentalem Romano nomine portã. Plutarchus in uita Camilli. Ad Carmentalem (inquit) portam Pontius contendit, ut quid ageretur per silentium specularetur, nam huic maxime directo Capitolium incumbit. Et Solinus: Pars infima Capitolini montis habitaculum Carmentae fuit, ubi & Carmentale fanum nunc est, a quo Carmentalis portae nomen est. Eadem ratione Sex. Pompeius, qui templum aliud Iani fuisse extra portam Carmentalem prodit. Haec postea (ut inquit idem Sex. Pomp.) Scelerata porta dicta est, quod per eam sex & trecenti Fabij, cum clientium millibus quinque egressi, aduersus Etruscos ad amnem Cremeram omnes sunt interfecti.

Vnde

Vnde Ouidius in Fastis

Carmentis portae dextro est uia proxima Iano

Ire per hanc noli, quisquis es, omen habet

Illa fama refert, Fabios exisse trecentos

Porta uacat culpa, sed tamen omen habet &c.

Haec ab alijs Tarpeia, & Veientina solet appellari. Atq; haec
nus de portis urbis, quam Romulus decedens reliquit

De reliquis urbis Romae portis

Tēporis ratio exigere uidebatur, ut expleto de portis urbis
Romuli sermone, de reliquis deinceps uerba facerē; quae singil
latim post eum diuersis tēporibus, singuloq; pomerij auctu adie
ctae sunt, perinde ac feci de ijs qui pomerium protulerunt, usq;
ad nouissima tempora. Quod quum ob rei difficultatem, atque
ignorationem, me omnino facere posse diffiderem, commodissi
mum mihi, lectoribusque fore existimaui, si de portis quae nunc
in urbis moenibus sunt, primo differerem, et postea ad antiqui
ores deuenirem. Quum quod ante millesimum annum iisdem in
locis fuerint, tum etiam quod ijs quae modo supersunt portis
cognitis, facilius in ueterum, uetustissimarumque urbis porta
rum notitiam deuenire poterimus. Quae & si iisdem in locis,
quibus antiquissimae primo, mox recentiores portae fuerunt,
non sint; iisdem tamen uijs incumbunt, atque non multum ab
antiquo situ distant, rectaque eo deducunt, quo & antiquae
portae. Procopius itaque Caesariensis libro primo de bello
Gothico, quem ante mille annos scripsit XIII. portas suo tē
pore urbem Romam habuisse ijs uerbis docet: Habet autem
circumiectus urbi murus portas. XIII. portulasq; alias quas
dam, unde & Gothi quum minime possent, cum uniuerso exer
citu longiorem moenium ambitum circumplecti, senis postis

castris portarum intercapedines infestabat. Quae omnes praeter unam tantum Aureliam, quae urbi Leonianae inclusa est, adhuc iisdem fere nominibus supersunt. De quibus uerba facturus, aliorum scriptorum exemplo, a porta Flumentana Tiberi uicina, atque ea parte in ordine prima, initium sumam

De porta Flumentana, alias Flaminia

Prima post Tiberim in ordine portarum urbis est porta antiquitus Flumentana, postea Flaminia, nunc Populi dicta. Cuius sic meminit Sex. Pompeius: Flumentana (inquit) porta, Romae appellata, quod Tiberis partem ea fluxisse affirmant, Haec antiquitus, non eo loco erat, quo nostra aetate est porta Populi, alioqui Martius campus intra pomerium fuisset clusus, quod dicere absurdum est. Erat igitur ad Tiberis ripam, circa loca ubi nunc sunt ades Farnesiorum, uel haud longe a campo Florae, ad Tiberis ripam, e regione murorum, quos Ancus rex in Ianiculo erexerat; Vnde Liuius: Tiberis (inquit) infestiore quam prius impetu illatus urbi, duos pontes, aedificia multa, maxime circa portam Flumentanam euertit. Extra quam portam lucum Petilinum fuisse testatur idem, ijs uerbis: Ita praedicta die in Petilinum lucum, extra portam Flumentanam, unde conspectus in Capitolium non est, concilium populi indictum. Hanc autem eo loco ubi nunc est, transtulisse credo Aurelianus, quando ea parte urbis moenia propagauit, quae postea a uia Flaminia nomen obtinuit. De ea Procopius sic scribit: Inter portam namque Flaminiam & Praenestinam cis Tiberim, castra una locauerant. Et alibi: Belisarius Praenestinam portam Beesae tradiderat custodiendam, Flaminiae Constantianum praefecerat, quae tamen prius impositis foribus, et ingentium lapidum mole inaedificata, ita obstruxerat, ut uix ullo molimine aperiri per

per quempiam posset, ueritus maxime ne ex tam propinquis hostium castris, ea insidiae fierent, ceteras portas peditum ducibus custodiendas permisit. Et non longe post: Nec portam quidem Flaminiam Gothei tentarunt, ut loco praecipiti sitam, atque adeo ut adiri non facile queat. Haec porta nunc uiae Flaminiae, a qua (ut dixi) nomen obtinuit, imposita est

De vijs Romanis extra urbem

Maximam priscis temporibus senatus diligentiam, in faciendis, sarcientiisque uijs tam intra, quam extra urbem fuisse constat. Nulla enim gens unquam fuit, quae publicae ciuium commoditatis, urbisque ornamenti studiosior extiterit, quam Romana. Hinc tot uiae, templa, aedes, delubra, circi, theatra, amphitheatra, fora, basilicae, aquae, pontes, thermae, lacus, balinea, pistrina, & alia sine numero publica aedificia. Optimis enim reipublicae temporibus, quibus maximus paupertati, parsimoniaeque honos extitit, ueteres illi Romani, non privatae rei augendae, sed publico decori, ciuiumque commodis mirum in modum studuere. Quare inter cetera praeclari exempli gesta, reipublicae utilissima ab eis excogitata, fuit uiarum tota Italia stratarum magnificentia; quarum potissimum rationem semper habuere. Vnde merito Dionysius tria in Romanis fabricis admirabatur; aquae ductus, uias, & cloacas. Quibus uel faciendis, uel sarcientiis nobilissimos primariosque ciues praeposuisse. Porro autem uiarum curandarum munus primo censoribus a senatu commissum fuit. Deinde quum censores alijs rebus pro officio occupati, huic muneri solcite uacare nequirent; ex S. C. magistratus alius speciatim ob eam causam creatus est: Ii quattuor uiri uiarum curandarum uocabantur. Postremo crescente uiarum numero, quum hi non sufficerent,

Singu

singulis, uel duabus, aut tribus, pluribusque uijs restituendis
 sarcindisq; , pro ut temporis necessitas exigebat, singuli ciues
 praepositi fuerunt, qui curatores earum uiarum appellabantur.
 Quorum magistratus, quum prius incertus esset, nec nisi ad
 tēpus crearetur, tandem eū ordinarium fecit Caesar Augustus.
 Quae omnia antiquis monumentis ita fuisse disseram. Vias igitur.
 S. Postumio Albino Paullulo, & Q. Mucio Scaeuula cos.
 anno urbis DXXC. Q. Fuluium Flaccum, & A. Postumium Al-
 binus censores sternendas silice in urbe, glarea extra urbem
 substruendas, marginandasq; primos omnium locauisse auctor
 est T. Liuius libro XLI. Postea autem, tam extra quam intra
 urbem, silice stratas fuisse, earum quae adhuc tota Italia super-
 sunt uestigia indicant. De quibus Procopius libro primo belli
 Gothici, loquens, de uia Appia, ita disserit: Appius siquidem ex
 alia & lōginqua tunc regione (ut reor) excisos lapides, & hos
 quidem siliceos, & suapte natura durissimos, in hanc uiam ue-
 hendos curauit. Quos complanatos, & leues postea redditos,
 quadratosque circuncidendo factos, inuicem collocauit, me-
 talli nihil, uel rei alterius interserendo. Sunt autem ita conne-
 xi, & inter se tam ualide condensati, ut speciem prae se ferant
 uiscentibus, non compositos esse, sed natura sic editos; & quā-
 uis diuturno hī tempore atterrantur, plaustriisque frequentia-
 bus, & quibusuis animantibus continenter peruij sint, suo
 tamen ex nexu ne parumper quidem discedunt, uel comminuti
 frāguntur, nec sui quicquam amittunt nitoris, & cet. Ad
 cuius postea formam, iisdem lapidibus silicet ceterae quo-
 que uiae stratae fuerunt. Quidam porro referunt duos se mon-
 tes in Campania uidisse: ex quibus saxa illa coloris duritieque
 ferreae excindi essent solita, alterum prope Sueßam, alterum
 ad mare inter Puteolos & Neapolim: qui silices lati sunt quā-
 que uersus ternos, quaternos, & aliquando quinos pedes. Ve-
 teres

teres autem vias, C. Gracchum certis regionibus direxisse, & passim lapide strauisse, partimque munivisse, aggeribus iniqua adaequando & quantum ualles torrentesque abrumpebant, pontibus aequali altitudine cōiungēdo, tradit Plutarchus. Qui Gracchus dimenso quoque uiarum spacio, singulis interuallis columnas lapideas signum milliariorum praeseferentes, constituit. Hinc origo manauit pro tertio, uel quarto milliario tertio uel quarto ab urbe lapide dicendi. Pomponius Tit. II. de origine iuris; post creationem duorum praetorum urbani uidelicet & peregrini: Constituti sunt (inquit) eodem tempore & quattuor uiri, qui curam uiarum agerent. Quorum in antiquis inscriptionibus frequens mentio est ita

C N . D O M I T I O . S E X . F

A F R O . T I T I O . M A R C E L L O

C Y R I N O . L V C A N O

C O S . P R O . C O S . P R O V I N C I A E . A F R I C A E

L E G A T O . E I V S D E M . P R O V I N C I A E . T . V I

F R A T R I S . S V I . S E P T E M V I R O . E P V L O N V M

P R A E T O R I . L E G A T O . P R O V I N C I A E . A F R

I M P . C A E S A R . A V G . P R A E T . A V X I L I O R V M . O M N I V M

A D V E R S V S . G E R M A N O S . D O N A T O . A B

I M P . V E S P A S I A N O . A V G . E T . T . C A E S A R E . A V G . F . C O R O N I S

M V R A L L V A L L A R I . A V R E I S . H A S T I S . P V R I S . I I I .

V E X I L L I S . I I . A D L E C T O . I N T E R P A T R I C I O S . P R A E T O R I

T R . P L . Q V A E S T . P R O . P R A E T . P R O V I N C I A E . A F R I C

M I L . L E G . V . C L A V D . I I I I . V I R . V I A R V M . C Y R A N D A R V M

P A T R O N O

Item

PRAED. CER. Q. PROVINC
 CYPRI. PRO. PR
 TRIB. MIL. LEG. II. AVGVST
 III. VIRO. VIAR. CVRAND
 PATRONO. COL
 D. D. P

Item

IMP. CAESARI. DIVI
 TRAIANI . PARTHICI
 FIL. DIVI. NERVAE. NEP
 TRAIANO. HADRIANO
 AVG. PONTIF. MAX. TRIB
 POTEST . COS. II. P. P
 III. VIR . VIAR
 Q. TAMVDIVS. Q. F. PALAT
 GRAIVS. VIENNA,
 L. AVRELIVS. L. F. OV
 TYRANNVS. INTERAMN
 NAHAR. TI. IVLIVS. TI. F. STEL
 VERECVNDIANVS. BONONIA
 Q. TAMVDIVS. SEX. F. ARRIVS
 REATE. FAC. CVR

Item

Item

CERERI . SACRVM
 L . AP PAL . ET
 P . STATIVS . P . F . PAL . AVRELIVS . II . VIR
 CVRATORES
 Q . LARONIVS . Q . F . HOR . QVADRATVS
 L . MEMMIVS . SEX . F . PAL . PETRONIVS
 L . MEMMIVS . L . F . PALAT . GALBIVS
 MENSOR . ITER . HONOR . IN . CVR . FVNCT
 IIII . VIR . VIAR

*Item in antiquo epigrammate, quod Romae adhuc extat in hor
tis Gentilis Delphinij sine principio ita*

• • • • •
 DACICVS . GENTEM . DACORVM . ET
 REGEM . DECEBALVM . BELLO . SVPERAVIT
 SVB . EODEM . DVCE . LEGATVS . PR . PR . AB
 EODEM . DONATO . HASTIS . PVRI . VIII
 VEXILLIS . VIII . CORONIS . MVRALIBVS . II
 VALLARIBVS . II . CLASSICIS . II . AVRATIS . II
 LEG . PR . PR . PROVINC . BELGICAE . LEG . I
 MINERVIAE . CANDIDATO . CAESARIS . IN
 PRAETVRA . ET . IN . TRIBVNATV . PLEB
 QVAESTORI . PROVINCIAE . ACHAIAE
 IIII . VIRO . VIARVM . CVRANDARVM
 HVIC . SENATVS . AVCTORE . IMP
 TRAIANO . AVG . GERMANICO . DA
 CICO . TRIVMPHALIA . ORNAMENT
 DECREVIT . STATVAMQ . PECVN . PVBLIC
 PONEN . CENSIVIT

Item

C.RVSTIVS.C.F.FLAVOS.ITER
L.OCTAVIVS.L.F.VITVLVS
IIII. VIR . D . S . S
VIAM.INTEGENDAM
CVRAVERE

De curatoribus uero uiarum, Cicero epistola prima ad Atticum, meminit: Thermus (inquit) curator est uiae Flaminiae, quae quum erit absoluta, sane facile eum Caesari consulem addiderim. Et Plinius iunior, libro V. epistola ad Pontium: Recefferam in municipium, quum mihi nuntiatum est Cornutum Tertullum accepisse Aemiliae uiae curam. Expressere non possum, quanto sim gaudio affectus, & ipsius & meo nomine. Quod tamen munus prius non perpetuum fuisse crediderim, sed temporaneum: quod Tranquillus in Augusti uita cap. XXXVII. ita dicat: Quoq; plures partem administrandae reip. cape rent, Augustus noua officia excogitauit, curam operum publicorum, uiarum, & aquarum, aluei Tiberis, ac cloacarum, frumenti populo diuidendi, praefecturam urbis, triumuiratum, legendi senatus, & alterum recognoscendi turmas equitum, quotiescunque opus esset. Extantq; eiusmodi inscriptiones,

L.FABRICIVS.L.F.CVR.VIAR.FACIENDVM.COERAVIT
IDEM.QVE.PROBAVIT
Q.LEPIDVS.M.F.M.LOLLIVS.M.F.COS
EX.S.C.PROBAVERVNT

L.AP-

R O M A

item

L. APPVLEIVS

C.F. ANI. NIGER

II. VIR

CVRATOR. VIARVM

STERNENDARVM

PEDVM . DECEM

MILLIA . VIAM

SVA. PECVNIA

FECIT

Item

L. VARRONIO . L. F

PAL. CAPITONI

SCRIBAE. AEDILIC

ACCENSO. VELATO

II. VIRO. QVINQVENN

CVRATORI. VIARVM

PATRONO. COLONIAE

ORDO. REGALIVM

QVORVM. HONORE

CONTENTVS. SVA. PECVN

POSVIT. L.D.D.

Viarum autem quaedam extra urbē quaedam intra, initium habuerunt; ut Flaminia, Praenestina, Laticana, Campana, Appia, & Ardeatina. Reliquae uero omnes ab ipsis portis incipiebant, atque extra urbem protendebantur. Nomina autem a uarijs casibus sortitae sunt. Aliae enim ab auctoribus; ut Flaminia, Aemiliae duae, Cassia, Clodia, uel Claudia, Annia, Augusta, Quinctia, Iunia, Sempronia, Valeriae duae, Appia, Numicia, tres Traianae, Vitellia, Aurelia, Cornelia, Domitiana,

E

Pos

Postumia, Flauia, Pompeia, & Domitia. Aliae ab urbibus ad quas deductae erant, ut Collatina, Numentana, Tiburtina, Gabina, Praenestina, Labicana, Laurentina, Setina, Ardeatina, Ostiensis, Portuensis, Amerina. Aliae a prouincijs, ut Campana, Ausonia, quae & Latia, uel Latina, Gallicana, & Gallica. Aliae a diuersis euentibus, ut Cimina, Salaria, Asinaria, Triumphalis, Tiberina, Sacra, Noua, Lata, Fornicata, Recta, Alta. Aliarum uero etymologiam ignoro, ut Patinariae, & Laticulensis. Quaedam autem ex ijs, tam latae fuerunt, & praesertim Appia, ut plaustra duo ex aduerso inuicem occurrentia caperent: tam longae, ut prouinciarum terminos attingerent. Primum (ut dixi) in urbe tantum silice sternebantur, extra uero glarea, ut ex Tibullo quoque & Plinio constat; posterioribus uero temporibus omnes silicibus stratae sunt. Viarum autem nomina enumerabo ad rationem portarum, quibus perducuntur. Quod autem interdum inter se scriptores, de ijs loquentes discrepent, id accidit, quod non uno tempore omnes sint stratae, & una in alteram saepe exiguo, saepe longiore intervallo incidens, nomen alterius immutat

De via Flaminia

Via Flaminia, quae a porta Flumentana initium habuit, a C. Flaminio iterum cos. qui apud lacum Trasimenum cū XV. Romanorum milibus, bello Punico secundo ab Hannibale caesus est, ex hostium Gallorum, de quibus triumphauit, manubijs, in censura, quam cum L. Paulo, anno urbis DXXXIII. gefcit, strata fuit. Quam tamen Strabo contra Liuij, & Sex. Pompei, ac Cassiodori sententias, ab eius filio stratam fuisse scribit ijs uerbis: Eodem in consulatu M. Lepidus, & C. Flaminius collegae fuere, uictores autem Ligurum strauere, hic quidem Fla-

Flaminiam e Roma per Tusciam, & Vmbriam, usque Ariminū; alter reliquam porro usque Bononiam, & ex ea Aquileiā prope alpiū radices, ducto per gyrū circa paludes opere. L. uero Florus ex L. uio in epitoma libri ab urbe condita XX. huius patrem fuisse scribit, quum ait: C. Flaminius censor, uiam Flaminiam muniuit, & circum Flaminium extruxit. Et Festus: Flaminius circus, & Flaminia uia a Flaminio cos. dicta sunt, qui interfectus est ab Hannibale, ad lacum Trasimenum. Et Cassiodorus: L. Veturio, & C. Lutatio cos. qui fuit annus urbis DXXXIII. Via Flaminia munita, & circus factus, qui Flaminius appellatur. Fieri autem potest, ut a patre, inchoata, a filio uero perfecta fuerit, uel partem eius a patre & partem a filio factam. Quod indicare ijs uerbis uidetur lib. XXIX. L. uius. Liguribus domitis, Flaminius cos. pacem dedit finitimis, & quia a bello quieta ut esset prouincia, effecerat, ne in otio milites haberet, uiam a Bononia perduxit Arretium. &c. Huius curatorem Q. Marcium Thermum fuisse, refert Cicero epistola prima ad Atticum. Et Tranquillus in Augusti uita capite XXX. Quo autem facilius (inquit) undiq; urbs adiretur, desumpta sibi Flaminia uia Arimino tenus munienda, reliquas triumphalibus uiris ex manubiali pecunia sternendas distribuit. Martialis libro X

Totaque Flaminia Roma uidenda uia

Huius uiae adhuc per Vmbriam, & inter Otriculum, & Romam multa uestigia apparent. Crebra eius apud Cornelium Tacitum mentio est, qui Flaminiam uiam ponti Miluio impostam etiam scribit; de eadem quoque & uno ex eius curatoribus mentio est in inscriptione hac antiqua Tarraconensi

L. OVINIO . L . F . QVIR
 RVSTICO . CORNELIANO
 COS . DES . PRAET . INTER
 TRIBVNICIOS . A D LECTO
 CVRAT . VIAE . FLAMINIAE
 LEG . LEG . VII . MYS . INFERIOR
 CVRAT . VIAE . TIBVRTINAE
 CVRAT . REIP . RICINENSIS
 RVSTICA . OVINIA
 CORNELIANA . FILIA
 PATRI . PIENTISSIMO

In hac uia p'urima cernuntur sepulchra , quae uetustate cōsumpta uix cognosci possunt . Hac uia ad nonum lapidem fuit , uilla Caesarum , quae ad Gallinas dicebatur , ut auctor est Plinius ; qui eius nominis rationem reddens , sic ait : Gallinam cōspicui candoris sedenti Liuae Drusillae aquila ex alto abiecit in gremium inlaesam , intrepideque miranti accessit miraculum , quoniam tenentem rostro laureum ramum onustum suis baccis ; conseruari alitem , et sobolem iussere haruspices , ramumque eum feri , ac rite custodiri ; quodque factum est in uilla Caesarum fluuio Tiberi imposita , iuxta nonum lapidem Flaminia uia , quae ob id uocatur ad Gallinas . Et Tranquillus capite primo in Galba : Progenies Caesarum in Nerone defecit . Quod futurum compluribus quidem signis , sed duobus euidentissimis apparuit . Liuae olim post Augusti statim nuptias Veientanum suum reuisenti , praeteruolans aquila gallinam albam ramulum lauri rostro tenentem , ita ut rapuerat , demisit in gremium , quumque nutriri alitem , pangi ramulum placuisset , tanta pul-
 lorum soboles prouenit , ut hodie quoque ea uilla ad Gallinas
 uoces

uocetur. Tale uero lauretum, ut triumphaturi Caesares, inde laureas decerperent; fuitque mos triumphantibus, alias confestim eodem loco pangere, & obseruatum est, sub cuiusq; obitum arborem ab ipso institutam elanguisse. Ergo nouissimo Neronis anno, & silua omnis exaruit radicitus, & quicquid ibi gallinarum erat interiit. In eadem uia erant Clitellae, de quibus Sex. Pompeius: Clitellae (inquit) non tantum hae quibus sarcinae colligatae mulis portantur, dicuntur, sed etiam locus Romae per similitudinem, & in uia Flaminia loca quaedam de uexa & accliuia. Via Flaminia quoque locus erat Saxa rubra appellatus; de quo mentio est apud Cornelium Tacitum. In hac uia fuit sepulchrum pantomimi Paridis Aegyptij Neronis liberti, de quo Martialis libro XI

Quisquis Flaminiam teris uiator

Noli nobile praeterire marmor

Item Glauciae liberti Melioris, de quo idem Martialis lib. VI

Hoc sub marmore Glaucias humatus

Iuncto Flaminiae iacet sepulchro

Et de eodem Statius II. Siluarum

. . . Plebs cuncta nefas & praeuia flerunt

Agmina Flaminio, quae limite Muluius agger

Transuehit. Fit quoque eius uiae mentio in libello

Velij Fidij Iubentij. Nostra aetate paulo extra urbis moenia uia Flaminia Iulius III. pontifex maximus, mirabili in primis atque sumptuosissimo opere uillam Iuliam exaedificauit, de qua alio loco disseram. Inchoabat uia Flaminia ab urbe porta Flumentana, inde ut inquit Antoninus, hac ratione Ariminum usque pertinebat

Ab urbe

Rostratam uillam, hinc

Vtriculum, deinde

Narniam, post
Interamnam
Spoletium
Forum Flaminij
Heluillum

Callem
Forum Semproni
Fanum Fortunae
Pisaurum, & postremo
Arimini desinebat

De via Aemilia Lepidi

Due viae Aemiliae fuerunt, altera Lepidi, de qua nunc sermo est, altera Scauri, de qua paulo post scribam. Hanc strauit M. Aemilius M. F. Lepidus, qui pontifex maximus, iterum consul, censor, & princeps senatus sexies lectus fuit, in primo consulatu, quem cum C. Flaminio, eius, qui ad Trasimenum cecidit filio, anno urbis DLXVII. gessit. De hac Strabo: Eodem in consulatu M. Lepidus, & C. Flaminius collegae fuerunt, uictores autem Ligurum strauere hic quidem Flaminiam e Roma per Tusciam & Umbriam usque Ariminum. Alter reliquam porro usque Bononiam, & ex ea in Aquileiam, prope alpium radices, ducto per gyrum circa paludes opere. Liuius quoque libro XXIX. commemorat M. Aemilium consulem subactis eisdem Liguribus uiam a Placentia productam Flaminiae commisisse, ijs uerbis: Cos. Aemilius pacatis Liguribus, in agrum Gallicum exercitum duxit, uiamque ab Placentia ut Flaminiae committeret Ariminum perduxit. &c. Quibus uerbis liquet Aemiliam uiam initium habuisse ab Arimino, Ariminum enim usque Flaminia pertinebat: hincque ducto in gyrum opere circa radices alpium, hac ratione Aquileiam usque perductam esse, ut ex Antonini Pij imp. itinerario liquet

Ab Arimino
Caesenam, deinde
Forum Liui, post

Fauen-

Faurentiam, post	Mediolanum
Forum Corneli	Bergomum
Clacerinam	Brixiam
Bononiam	Syrmionem
Mutinam	Veronam
Regium	Vicentiam
Tannetum	Patauium
Parmam	Altinum
Fidentiolam	Concordiam, & postremo
Placentiam	Aquileiae desinebat
Laudem	

Martialis libro III. alloquens librum suum de hac uia sic scribit

Romam uade liber, si ueneris unde, requiret

Aemiliae dicas de regione uiae

Si quibus in terris, qua sumus in urbe rogabit

IX Corneli referas me licet esse foro

Idem de eadem uia libro VI. & Plinius libro primo, agens de portento agri Mutinensis: qui in eadem quoque Faurentiam positam fuisse, significat libro XIX. & Plinius Iunior in epistola ad Ponticum. Mihi nuntiatum est Cornutum Tertullum accepisse Aemiliae uiae curam. Ab hac uia ea Galliae togatae regio, Aemilia appellata est, sicut etiam Flaminia ab alia uia

De alijs vijs incidentibus in Flaminiam,
& primo de uia Cassia

Cassiam uiam a Cassio, qui eam strauit dictam fuisse, auctor est Sex. Pompeius. De qua Cicero Philippica XII. Tres uiae sunt ad Mutinam a supero mari Flaminia, ab infero Aurelia, media Cassia. Haec a Flaminia extra pontem Miluium diuisa

*Sutrium, Vetrallam, Viterbiumque, & Vulsinios mittebat, cuius
ius rudera quaedam inter ipsa oppida adhuc extant. Huius,
& aliquot aliarum uiarum mentio est in hac antiqua Auxima
te inscriptione*

C . OPPIO . C . F . VEL
SABINO . IVLIO . NEPOTI
M . VIBIO . SOLLEMNI . SEVERO

C O S

ADLECTO . A . SACRATISSIMO . IMP
HADRIANO . AVGVSTO
INTER . TRIBVNICIOS . PR . PEREGR
CANDIDATO . AVG
LEGATO . PROV . BAETHICAE . CVR . VIAR
CLODIAE . ANNIAE . CASSIAE
CIMINAE . TRIVM . TRAIANARVM
ET . AMERINAE . LEG . LEGION . XI
CL . P . F . LEG . AVG . PR . PR
PROVINCIAE . LVSITANIAE
PRO . COS . PROV . BAETHICAE
PATRONO . COL
LEONAS . LIB . ADCENSVS . PATRONI
ET . IN . DEDIC . STATVAE
COLONIS . CENAM . DEDIT

De uia Clodia, uel Claudia

*† Et haec in Flaminiam incidebat, ut ijs uersibus testatur On
uidius libro primo de Ponto*

*Nec quos pomiferis postos in collibus hortos
Spectat Flaminiae Claudia iuncta uiae*

Eius

Eius quoque mentio est in supra relata Auximate inscriptione, in qua Clodia appellatur. Inchoabat a Roma atque Lucam usque hac ratione, ut ex Antonini Pij itinerario didici, perducebatur

Roma

Baccanas, deinde

Sutrium

Forum Cassi

Vulturnus

Clusium

Ad statuas

Arretium

Ad fines siue Casas

Caesarianas

Florentiam

Pistorium, & postremo

Lucam

De via Annia

Hanc quoque uel Faminiae coniunctam, uel ab ea incepisse testatur ordo, quo hae uiae referuntur in inscriptione Auximate iam posita uidelicet. Curator uiarum Clodiae, Anniae, Cassiae, Ciminae, trium Traianarum & Amerinae. Nā hae parte, has omnes uias fuisse, praeter Traianas, constat. Idem quoque sequenti antiqua marmorea inscriptione confirmatur, quae nunc in horto ecclesiae cathedralis urbis Castellanae in Faliscis adhuc extat, non longe eò translata

H O N O R I

IMP. CAESARIS. DIVI. F
 AVGVSTI. PONT. MAXIM
 PATR. PATRIAE. ET. MVNICIP
 MAGISTRI. AVGVSTALES
 C. EGNATIVS. M. L. GLYCO
 C. EGNATIVS. C. L. MVSICVS
 C. IVLIVS. CAESAR. LISOCHRYSVS
 Q. FLORINIVS. Q. L. PRINCEPS
 VIAM. AVGVSTAM. AB. VIA
 ANNIA. EXTRA. PORTAM. AD
 CERERIS. SILICE. STERNENDAM
 CVRARVNT. PECVNIA. SVA
 PRO. LVDIS

De via Augusta

*Hanc in Faliscis fuisse, non procul a Flaminia, & in An-
 niam incidisse testatur superior inscriptio, de qua nihil praeter
 rea compertum habeo*

De via Cimina

*Haec Cassiae & Flaminiae propinqua fuit, colles, lacusque
 Ciminus, haud procul a Viterbio sitos petens, a quibus & no-
 men accepit. Virgilius: Cimini cum monte lacus, camposque
 Velinos. Siluae Ciminæ meminit libro IX. ab urbe condita
 Linius. De ea quoque mentio est in Auximate inscriptione*

De via Amerina

Amerinam viam cuius Auximas inscriptio meminit, ijs subieci, quod ex via Flaminia discedens, Ameriam ducat.

De vijs Sempronia, & Postumia

Viam demum Semproniam a Flaminia oriri Fulginei in Umbria, & usque ad Forum Sempronij protendi, a quo nomen accepit, quidam scribunt. De Postumia mentionem facit ijs verbis Tacitus: Sistere tertiam legionem in ipso viae Postumiae aggere iubet. &c. haec autem in Gallia togata fuit, non procul a Bebriaco, uico Veronensium Hostilia, & Cremona, quam hic adposui, quod uersus Flaminiam, & Aemilianam strata esset.

De porta, & via Collatina

Post Flumentanā portam, proximo loco est Collatina collis hortulorum imposita, de qua Sex. Pompeius: Collatia oppidum fuit prope Romam, eo quod opes aliarum ciuitatum ibi fuerint collatae, a qua porta Romae Collatina dicta est. Liuius quoque libro primo: Collatia & quicquid circa Collatiam agri erat Sabinis a rege Tarquinio ademptum. &c. Seruat quoque aetas nostra morem appellandi in Collatia, quicquid e regione eius portae habet ager Romanus. Haec antiquitus moenibus a Collina porta uersus Tiberim ampliata, cum Flumentana cōiuncta fuit, non longe a campo Florae collocata; postea pomerio ampliato ad eum locum ubi nunc est super hortulorum collem cū Flumentana ipso forte Aureliani Imp. tempore translata fuit.

Quam

Quam a proximis Pinciorum aedibus Pincianam libro primo
 de bello Gothico Procopius suo tempore appellatam fuisse scri-
 bit. Belisarius (inquit) interim quae ad urbis custodiam facerēt,
 praeparare, moliri que omnia. Pincianam is ferme, & proxi-
 mam huic ad dexteram Salariam portam tenebat, ut iussit etio-
 res & necessarias; ea namque parte oppugnari facile poterat
 murus &c. Et nō longe post: Nec portam quidem Flaminiam
 Gothi tentarunt, ut loco praecipiti sitam, atque adeo ut adiri
 non facile queat. Inter hanc portam, & alteram ad dexteram
 huic proximam portulam, porta alia est quae Pinciana uoca-
 tur. Huic proximi muri pars quaedā, lapidum laxata iam pridē
 compage, seiuncta spectatur; non tantum a solo sed a medio ad
 summum fastigium scissa. Nec sane collapsa, nec alias resolu-
 ta, sed utrinque sic inclinata, ut cetero muro extrinsecus par-
 tim prominentior esse appareat, partim retractior. Hanc muri
 partem quum demoliri tunc primum Belisarius niteretur, &
 iterato aedificare instituisset, obstitere Romani, Petrum Apo-
 stolum pro indubitato se comperisse asseuerantes, eius loci tu-
 endi pollicitum curam se suscepturum, quod utique Romanis ex
 uoto successit, quandoquidem nec eo die, quo per Gothos sunt
 moenia oppugnata, nec per omne id tempus, quo urbem obsē-
 derunt barbari, hostilis uis ulla ad hunc locum peruenit, nec
 plane unquam eodem tumultuatum. Et sane me admiratio su-
 biit, nec Romanis, nec hostibus ipsis in ea tam diutina urbis
 obsidione, in memoriam uenisse muri hanc partem: quae res
 quum miraculi postea loco sit habita, nec sarcire quidem in po-
 sterum quisquam, nec de integro restituere ausus est, sed ad hūc
 diem, ea e regione seiunctus permanet murus. Haec Procopius
 Quae uerba ideo adposui, quod usque ad nostra tēpora, adhuc
 ea muri pars supersit, ut a Procopio describitur, appellaturq;
 a Romanis murus inclinatus. Porro autem ea portula quam
 supra

supra Pincianam fuisse scribit idem Procopius, omnino esse desijt. A porta Collatina exijt uia eiusdem nominis, de qua Frōtinus libro primo de aquaeductibus sic ait: Aquae Alsietinae Augustae ramus proxime uiam Collatinam accipit fontē &c. Item concipitur aqua Virgo uia Collatina ad milliarium octauū palustribus locis etc. Haec autem uia non procul ab ipsa porta incidit in uiam Salariam

De porta Collina, & via Salaria

Collatinam proxime sequitur porta antiquitus Agonensis, post Quirinalis, deinde Collina, postremo Salaria appellata. Sex. pompeius: Agonia (inquit) sacrificia, quae fiebant in mōte; hinc Romae mons Quirinalis Agonius, & Collina porta Agonensis. Et alibi Quirinalem eam quoque uocatam fuisse his uerbis docet: Quirinalis porta dicta, siue quod ea in collem Quirinalem itur, siue quod proxime eam est Quirini sacellum. Agonensem autem idcirco appellatam scribit, quod inundato circo Flaminio, agonales ludi, qui in eo celebrabantur, extra ipsam portarentur, ludosque ipsos ideo agonales esse dictos, uel quia locus in quo initio facti sunt, fuerit sine angulo; uel quod ijs ludis rex hostiam immolare solitus esset, quam antiqui agoniam uocabant, uel quod in montibus, quos agones dicebāt, fierent. Ex Quirinali autem uel Agonensi, Collina a collibus Quirinali, Esquilino, & Viminali; uel ab urbis tribu, & regione in qua sita erat, quae Collina dicebatur, deinceps longo tempore appellata est. Per Collinam portam scribit Liuius libro V. Gallos Senones urbem ingressos, eam incendisse, de qua saepissime etiam alibi mentionem facit. Et alio loco: Quum murus (inquit) & turre quae sunt inter portam Collinam & Esquilinam de coelo essent tacta. &cetera

Ouidius

Ovidius IIII. Fastorum

Templa frequentari Collinae proxima portae

Et Iuuenalis Satyra VI

Proximus urbi

Hannibal, & stantes Collina in turre mariti

Haec posterioribus temporibus a uia, cui imposita erat, Salaria appellari coepta. Procopius libro primo de bello Gothico: Belisarius interim Pincianam & proximam huic ad dexteram Salariam portam tenebat, ut suspectiores & necessarias. Et paulo post: Apud Salariam autem portam, uir quidam procerae staturae Gothus crebrius sagittando propugnacula infestabat. &c. Salariam autem uiam a Collina porta initium habuisse, refert Tacitus L. XIX. ut transuersis itineribus per agrum Sabinum, uia Salaria urbem introirent. Et paulo post: Tertium agmen per Salariam portae Collinae appropinquabat. De hac Sex. Pompeius: Salaria uia Romae est appellata, quia per eam Sabini sal a mari deferrebant. Et Strabo: Rerum (inquit) scriptor Fabius auctor est, Romanos tum primum diuitiarum sensus accepisse, quā Sabinorum potiti sunt gentis, per ipsos uia Salaria; in quam apud Heretum Sabinorum uicum supra Tiberim iacentem Numentana incidit, non magnae longitudinis strata est, ex eadem Collina porta inchoans. Martialis

Illic Flaminiae Salariaeque

Gestator patet effedo tacente

Plinius libro XXXI. cap. VII. Sal (inquit) magna apud antiquos auctoritate, sicut apparet ex nomine Salariae uiae, quoniam illa sal in Sabinos portari consueuerat. Prope hanc portam fuit templum Veneris Brycinae; cuius Liuius, Strabo, Plinius, & alij ueteres scripores meminerunt. Extra eam uero fuit templum Honoris, de quo sic Cicero secundo de legibus: Nostis extra portam Collinam aedem Honoris? & a-

ram

ram in eo loco fuisse memoriae proditum est. Ad eam quum lamina fuisset inuenta in qua scriptum ; domina Honoris ; ea causa fuit aedis eius aedificandae : sed quum multa in eo loco sepulchra fuissent , exarata sunt, statuit enim collegium locum publicum non potuisse priuata religione obligari . Via quoque Salaria ad secundum lapidem; fuit insigni, & magnifico monumento sepultus Augusti tonsor Licinus, uir ijs temporibus ditissimus, quem satyrici insectati sunt, & Varro hoc epigrammate , ut est apud Cornutum acerbissime perstrinxit

Marmoreo tumulo Licinus iacet , at Cato paruo

Pompeius nullo, credimus esse deos

In eadem uia prope Anienis ripas fuit etiam C. Marij VII. cos. sepulchrum. Eadem uia ad tertium lapidem supra Anienem extat pons eiusdem cum uia nominis , quem cum ceteris Anienis pontib. a Gothorum rege Totila (ut refert Procopius) dissectum , restituit Narses. Quod etiam hae duae inscriptiones, ab utraq; eius parte incisae demonstrant. In dextra enim est haec, quam ne concisam ponerem sequenti pagina integram concinnavi

IMPERANTE. D.N. PISSIMO. AC
TRIVM FALLIVSTININIANO. PP. AVG

ANNO. XXXVIII

NARSES. VIR. GLORIOSISSIMVS. EX
PRAEPOSITO. SACRI. PALATILEX CONS
ATQVE. PATRICIVS. POST. VICTORIAM
GOTHICAM. IPSIS. ET. EORVM. REGIBVS
CELERITATE. MIRABILI. CONFLICTV
PVBLICO. SVPERATIS. ATQVE
PROSTRATIS

LIBERTATE. VRBIS. ROMAE. AC. TOTIVS
ITALIAE. RESTITVTA. PONTEM. VIAE
SALARIAE. VS

QVE. AD. AQVAM. A. NEFANDISIMO
TOTILA. TYRANNO. DISTRVCTVM
PVRGATO. FLVMINIS. ALVEO
IN. MELIOREM. STATVM. QVAM
QVONDAM. FVERAT. RENOVAVIT

A sinistra uero leguntur haec carmina

QVAM. BENE. CVRBATI. DIRECTA. EST. SEMITA
PONTIS

ATQVE. INTERRVPTVM. CONTINVATVR. ITER
CALCAMVS. RAPIDAS. SVBIECTI. GVRGITIS
VNDAS

ET. LIBET. IRATAE. CERNERE. MVRMVR. AQVAE
ITE. IGITVR. FACILES. PER. GAUDIA. VESTRA
QVIRITES

ET. NARSIN. RESONANS. PLAVSVS. VBIQ. CANAT
QVI. POTVIT. RIGIDAS. GOTHORVM. SVBDERE
MENTES

HIC. DOCVIT. DVRVM. FLVMINA. FERRE. IVGVM

Salaria autem ex urbe in Sabinos sic exibat, Antonino Pio in itinerario auctore

Ex urbe	Interocream
Heretum	Falacrine
Vicum nouum	Vicum Badies
Reate	Ad centesimum
Cutylias	

*In hac uia ad XIII. lapidem ut Vibius, uel XI. ut Liuius, prope Alliam flumen uictoria contra Romanos potiti sunt Galli Senones. Quare inter eam, & Tiberim fuit lucus perma-
gnus, in quo Romani Lucaria festa celebrabant, pro eo quod uicti a Gallis ad Alliam, fugientesque e proelio ibi se oc-
cultauerunt, ut auctor est Sex. Pompeius. Allia autem flumē e Crustuminis montibus praealto defluēs alueo, haud multo in-
fra hanc uiam, Tiberi (ut prodit Plinius) miscetur. De hac uia mentio est in antiquo hoc epigrammate ita*

L.RANIO.OPTATO.C.V.COS
CVRATORI.REIP.MEDIOLANENSIVM
C V R A T
REIP.NOLANORVM.PRO.COS
PROVINCIAE
NARBONENSIS.LEGATO.AVG.ET
IVRIDICO
ASTYRIAE.GRAECIAE.CVRATORI.VIAE
SALARIAE.CVRATORI.REIP.VRVINATIVM
METAVRENSIVM.LEGATO.PROVINCIAE
ASIAE.PRAETORI.TRIB.PLEBEI
QVAESTORI.PROVINCIAE.SICILIAE

De uijs Quinctia, & Iunia

Viarum Quinctiae, & Iuniae meminit libro primo anti-
quitatum Dionysius Halicarnasseus. Quas idcirco hic adpo-
sui, quod eas e regione huius viae fuisse aperte innuat, quum
ait: Palatium quidem quinque & uiginti stadijs (haec urbs
Aboriginum erat) a Reate distans, urbe nunc etiam a Roma-
nis habitata, viae Quinctiae proximum. Hinc ipsam, ex anti-
quo P. Victoris manuscripto codice eandem cum Nomentana
esse quibusdam uisum fuit, quum tamen ex eius uulgatis codici-
bus diuersam fuisse cōstet. Ad haec, Dionysius a Reate (inquit)
rursus stadijs LXXX. uia Iunia eundo iuxta Coritum mon-
tem Cursula est nuper diruta. Quibus uerbis colligitur, uiam
quoque Iuniam iisdē regionibus fuisse. De ijs aut uijs quid prae-
tereā afferam, non habeo. De uia Quinctia mentio est in hac
uetusta inscriptione

C. CVRTIVS. P. F. PAL. NERVA. IIII. VIR
P. SILIVS. P. F. ARNIEN. PAETINVS. IIII. VIR
C. RVSTVS. C. F. QVARTVS. VEL. IIII. VIR
T. FLAVIVS. T. F. ARN. SABINVS. IIII. VIR
ARAM. ET. SIGN. VIA. QVINCT. D. D

De porta Viminali, & uia Nomentana

Viminalis porta Collinae succedit, eiusdem cum monte, in
quo sita est nominis, a quo & nomen sortita est. Sex. Pompe-
ius; Viminalis (inquit) & porta, & collis appellabantur, quod
ibi uiminum silua fuisse uidetur, ubi est & ara in uimino con-
secrata. Hanc regum tempore in aggere Tarquinij fuisse Stra-
bo

bo ijs uerbis prodit : In aggere autem medio tertia est porta , eiusdem nominis cum colle Viminali . Tertiam autem dicit , quod Flumentana , & Collina tum ea priores essent . Collatina enim tunc non erat , quae postea in ampliatione murorum urbis fuit interposita . Huic portae nunc S. Hagnetis , a proxima eius diuuae aede nomē est . A Viminali autem porta incipit uia Nomentana , qua iter erat Nomentum Sabinorum oppidum . Haec alio nomine Ficulnensis appellata fuit . Liuius libro III . ait : Via Nomentana , cui tam Ficulnensi nomen fuit , profecti , castra in mōte sacro locauere . Haec , ut Strabo refert , in uiam Salariam apud Heretum Sabinorum oppidum supra Tiberim iacens incidebat . Ouidius IIII . Fastorum

Hac mihi Nomento Romam cum luce redirem

Obstitit in media candida turba uia

Extra portam Viminalem Naeniae deae sacellum fuit dedicatum , ut refert Sex. Pompeius . Naenia autem est carmen , quod in funere laudandi gratia cantabatur ad tibiam . Sunt etiā qui eo uerbo finem significari putent . Quidam uolunt naeniam indeo dici , quod uoci similior querimonia flentium sit . Haec autem dea cantu querulo , a praeficis mulieribus aduocari , ut funeribus adesset , putabatur . Deorum enim quos obesse arbitrabantur templa secundum stationis decorem extra urbem ponebantur . Et si autem in Palatio febris aram , in Esquilijs malae Fortunae ad Auentini radices Scordiae templa locata fuerint , ea tamen non ut opem ferent , sed ne obessent numina colebantur . Ea uia ad secundum lapidem uisitur adhuc templum sphaericum , quod quidam Bacchi esse scribunt , sepulchris Constantini familiae inlustre . Quod nunc in eius sororis Constantiae honorem dedicatum est . Non longe ab hoc templo alius pons Anieni impositus est , a uia nomen habens , quem scuti Salarium a Totila bello Gothico confractum restituit Narses , ut

Procopius prodit. Inter Salariam, & Nomentanam vias quae
 ab urbe lapide, fuit suburbanum Phaontis Neronis liberti;
 quod ut Tranquillus, & Eutropius scribunt, Nero fugiens, quum
 a senatu hostis iudicatus esset, se ipse interfecit. Huius viae men-
 tio est in hac vetusta inscriptione sic

C N . M V N A T I V S . M . F . P A L
 A V R E L I V S . B A S S V S
 P R O C . A V G
 P R A E F . F A B . P R A E F . C O H . I I I
 S A G I T T A R I O R . P R A E F . C O H . I T E R V M . I I
 A S T V R V M . C E N S I T O R . C I V I V M
 R O M A N O R V M . C O L O N I A E . V I C T R I
 C E N S I S . Q V A E . E S T . I N . B R I T A N N I A
 C A M A L O D V N I . C V R A T O R
 V I A E . N O M E N T A N A E . P A T R O N V S
 E I V S D E M
 M V N I C I P I . F L A M E N . P E R P E T V V S
 D V V M . V I R A L I . P O T E S T A T E
 A E D I L I S . D E D I C A T O R . I I I I

De porta Gabina, alias Gabiufa; & vijs
 Tiburtina, & Gabina

Prope castrum praetorium inter portas S. Hagnetis, &
 S. Laurentij adhuc extat porta clausa, quam aliquot rationibus
 adductus Querquetulariam, vel Querquetulanam fuisse
 olim crediderim: de qua, quum tam nostro, quam etiam Proco-
 pij tempore, ante millesimum annum, in usu esse desierit, postea
 verba faciam, quum de eis portis loquar, quae esse desierunt;
 atque ad eius portae descriptionem veniam, quae ab antiquis
 Gabi

Gabina, uel Gabiusa, nostro uero saeculo S. Laurentij appellatur. Gabiusam autem portam fuisse Romae testatur Lilius: qui eam de coelo tactam fuisse scribit. Hanc autem Gabiusam fuisse, ut credam adducor, quod in antiquo codice manuscripto P. Victoris, quem in communem antiquitatis studiosorum gratiam, cum hisce commentarijs publicavi, Tiburtina uia, quae hac porta incipit, eadem esse cum Gabina dicatur. Gabina autem uel Gabiusa porta, non nisi a Gabijs nomen habuisse liquet, sicut etiam et uia, quae ex hac porta dextera parte uersus Praenestinam uiam deducta, recta Gabios, quibus nunc Gallicanum nomen est, perducit, Tiburtina interim uia a laeua relicta. Viā autem Tiburtinam hac porta initium habuisse satis liquet, quae etiam nunc Tibur deducit. De qua uia praeter P. Victorē, et antiquam Tarraconensem inscriptionem, mentionem quoque facit Horatius primo sermonum

Quum Tiburte uia praetorem quinque sequuntur

Hac uia intra primum lapidem fuit sepulchrum Pallantis Ti. Claudij Caesaris Augusti liberti, splendidum, cum hoc arrogantisimo titulo

TI . CLAUDIVS . AVG . L
P A L L A S
HVIC.SENATVS.OB.FIDEM
PIETATEM.QVE . ERGA
PATRONOS . ORNAMENTA
PRAETORIA . DECREUIT
ET.H-S.CENTIES.QVIN
QVAGIES.CVIVS.HONORE
CONTENTVS . FVIT

De quo Plinius epistolarū libris VII. et VIII. ad Montanū multam mentionem facit. Ab una autem porta, plures uias deduci, atque eas in diuersa loca diuidi manifestum est. Nam ab hac quoque porta Gabinam uiam exire demonstrat P. Victor; quū Gabinam eandem cum Tiburtina uiam facit, quod ob loci uicinitatem aliquando fieri solet. Quod hac una demum ratione confirmatur, quia Gabios perducit. De Gabina uia Liuius libro V. iustiore altero deinde proelio ad octauum lapidem Gabina uia quō se ex fuga contulerant, eiusdem ductu, auspicioq; Camilli Galli uincuntur. Item libro II. P. Valerius T. Herminum cum modicis copijs ad secundū lapidē Gabina uia in occultum confidere iubet. & paulo post: Ad tertium lapidem uenire Gabina uia. Hanc uiam breuem fuisse, incidisseque in Praenestinam significat Strabo, quum ait: Sunt & Romanorum oppida a sinistra Latinae inter eam & Valeriam, sane Gabij extant in Praenestina uia sita. &c

De porta Esquilina, & viis Praenestina,
& Labicana

Proximam Gabinae fuisse Esquilinam portam multis ueterrum scriptorum auctoritatibus demonstrari potest, cuius nunc Maior porta, uel locum obtinet, uel non longe a loco, in quo antiqua Esquilina quondam fuit, nostro tempore sita est. Ceterum multum mihi laboris esset, & male mecum agerem, si omnes ueterum antiquariorum errores nunc uel reprehendere, uel explodere uellem, quos in hisce rebus describendis admiserunt, ut de amphitheatro Statilij Tauri, basilica Caij & Lucij, foro Romano, templo Saturni, & aerario, porta Gabiusa, templo Mineruae medicae, carceribus populi Romani, & alijs eiusmodi sexcēsis, quae loca contra antiquorum scriptorum auctoritatem

ritates, male & nimium inepte collocarunt, perinde ac etiam fecerunt de porta Esquilina, de qua mihi nunc sermo est. Ego autem ijs reprehendendis quoties occasio se se offeret, tempus non conteram, sed quae illi male dixerunt, nulla eorundem mentione facta, emendare, rationibusque adductis restituere curabo. Quis igitur non est, ex ueteribus antiquarijs a Blondo usque ad Marlianum, qui nouissimus Urbis topographiam (quod sciam) scripsit, qui portam quae nunc Maior dicitur, Naeuiam non uocet? Quam aperte P. Victor in regione XII. Piscinae publicae, inter portam Capenam, & Ostiensem collocauit, quum uicos portarum Naeuiae & Raudusculanae in ea regione fuisse prodai? Varroque ipse libro IIII. de lingua Latina, eas portaeque Lauernae uicinas scribat, atque extrema urbis regione fuisse aperte innuat? quamquam enim is locus mancus sit, aperte tamen colligitur, eum portarum omnium descriptionem eo loco fecisse, atque a Flumentana inchoasse, quae prima erat, desisseque in Lauernalem portam, quae non procul a Trigemina fuit, cui uicinas fuisse Naeuiam, & Raudusculanam exponit. Cui rei maxime quadrat, quod ante Naeuiae portae descriptionem dicit, ubi paginae tres desunt: * Religionem Porcius designat, quum de Ennio scribens dicit: Eum coluisse Tutilinae loca. Quae ea parte fuisse alibi demonstrabo. Quod etiam libro II refert Liuius de portis Collina, Esquilina, Coelimontana, & Naeuia meae huic sententiae maxime conuenit, ut paulo post ostendam. Ex quibus rebus manifeste uideri potest, an porta Maior, quae longissimo interuallo distat a regione Piscinae publicae, ubi erat porta Naeuia, haec porta esse possit? Quam Esquilinam fuisse, uel Esquilinae potius locum tenere, aperte ijs uerbis Strabo indicat: Porro in unum cadit Labicana, a porta quidem Esquilina incipiens, a qua & Praenestina; a sinistra uero & hanc, & Esquilinum omittens cam

F 4

pum,

pum, ultra centum & XX. stadia pergit. Quum autem Labi-
co uetusto sane oppido, ceterum disiecto, & in sublimi sito pro-
pinquat, & hoc, & Tusculum reliquit a dextra. Videant igitur
hi, qui portam S. Laurentij Esquilinam faciunt; an La-
bicana, & Praenestina uia, Gabina simul & Tiburtina ea u-
na porta incipiant? quum manifeste constet a porta Maiore
duas nunc exire uias, quarum altera Labicos, altera Praene-
ste recta deducit. Quo fit, ut hanc pro indubitato potius Esqui-
linam olim fuisse credam. Confirmatur etiam mea haec senten-
tia Ciceronis auctoritate, qui Esquilinam & Coelimontanam
portas propinquas fuisse demonstrat, quum ait: Quum ego
Coelimontana porta introiisse dixissem, responsione me inimi-
ca, Esquilina introiisse homo promptissimus lacepsit, & cet.
Quod ei proximior esset. Haec autem Liuij uerbis non aduer-
santur, qui non semel ait: Castra inter Collinam Esquilinam-
que posita. Nam Viminalē & Gabiusam eo tpe aut non fuisse,
aut has duas tantū, quod notiores essent, nominasse existimo.
Huius autem, & aliarum quarundam portarum ordo ex uer-
bis Liuij facile apparebit, quae ideo subiunxi: Porsenna (in-
quit) primo conatu repulsus, consilij ab oppugnanda urbe ad
obsidendam uersis, praesidio in Ianiculo locato, ipse in plano,
ripisque Tiberis castra posuit, naubus undique accitis, & ad
custodiam, ne quid frumenti Romam subuehi sinerent, & ut
praedatum milites trans flumen, per occasiones alijs atque a-
lijs locis traicerent. Breuique adeo infestum agrum Roma-
num reddidit, ut non cetera solum ex agris, sed pecus quoque
omne in urbem compelleretur, nec quisquam extra portas pro-
pellere auderet. Hoc tantum licentiae Etruscis, non metu magis
quam consilio concessum est. Namque Valerius eos, intentus
in occasionem, multos simul & effusos improuisos adoriendi,
in paruis rebus negligens ultor, grauem se ad maiora uindicem
serua

seruabat, itaque ut eliceret praedones, edicit suis, postero die frequētes porta Esquilina, quae auersissima ab hoste erat (erāt enim in Ianiculo) expellerent pecus scituros id hostes ratus, quod in obsidione & fame seruitia infida transfugerent: & sci ere perfugae inditio, multoq; plures ut in spem uniuersae prae dae flumen traiciunt. P. Valerius inde T. Herminium cum modicis copijs ad secundum lapidem Gabina uia, (quae laeua portae Esquilinae proxima erat) occultum considerare iubet, Sp. Lartium cum expedita iuuentute ad portam Collinam stare, donec hostis praetereat, inde se obijcere, ne sit ad flumen reditus. Consul alter T. Lucretius porta Naeuia, quum aliquot manipulis militum egressus, ipse Coelimontana (tanquam medio loco sita, ut omnibus, si opus esset praesto esse posset) delectas cohortes educit, hique primi apparuere hosti. Haecenus Liuius. Quibus uerbis innuitur Coelimontanam portam mediā inter Esquilinam, & Naeuiam fuisse, Collinamque Gabinae proximam, atque haec Esquilinae. Flumentanae autem non meminit, quia etsi Etrusci recta per campum Martium transire potuissent, tamē quia inter urbis moenia abruptosque montes inter erat, ne in aliquod discrimen inciderēt eam portam non inuaserunt, simulque quo propinquiore a nauibus cursu ferrentur in pecus, ad eum forte Tiberis locum deuenere, qui medius est inter pontem Miluium & Anienis ostia. Quare non oportuit ad portam Flumentanam militum stationem locare. Collatinae & Viminalis eum non meminisse existimo, uel quia adhuc non erant, uel forte eo bello clausae, usum amiserant, ut in bellis fieri consuetum est, uel quia alijs portis satis fuerat & struere insidias, & exponere pecus, ac turmas presidiaque emit tere. De hac porta multa apud omnes auctores ueteres mentio est. Hanc autem aliquando Maeciam uocatam fuisse ex Plauto conijci potest, quod idē de porta Maecia scribat Plautus, quod
de

de Esquilina Horatius : utriusque sententiam confirmat Cornelius Tacitus, qui libro II. historiae Augustae ait ; Sumptum more prisco extra Esquilinam de nocentibus supplicium. Plautus uero in Casina

Illum Aedepol uidere ardentem te extra portam Maeciam
Credo e castor uelle

Horatius uero V. epod

Post insepulta membra deferent lupi

Et Esquilinae alites

In quem locum annotauit Porphyrio in regione aggeris extra portam Esquilinam solita fuisse pauperum corpora uel comburi, uel projici: combusta fuisse indicat Plautus, proiecta Horatius. Hanc portam a uia quae per eam exibat, Plinius libro XXXVI. cap. V. Labicanam ijs uerbis uocat: Mars est etiamnum sedens collofseus eiusdem in templo Bruti Callaici apud circum eundem ad Labicanam portam eunti. Quam ab altera quoque uia Procopius Praenestinam appellat. Inter haec (inquit) Bessas, qui Praenestinam portam custodiendam acceperat, ad Belisarium misit, qui nuntiaret teneri ab hostibus urbem, per portam aliam introgressis, quae supra Tiberim est. Et paulo post: Praenestinam portam Bessae tradiderat custodiendam. Et alibi: Acie instructa circa Praenestinam portam, ad eam muri partem mox ducit, quam Romani Viuarium dicunt, unde et expugnari moenia per quam facile poterat. etc. Haec porta nunc porta Maior dicitur, forte ab aedificij magnificentia, cui supposita est, id est aquae Claudiae castellum, Hancque ibi locatam fuisse a Belisario crediderim eo tempore quo urbis muros a Gothis disiectos restituit, atque e proximo loco ibidem translatam, neque enim mihi uerisimile uidetur ueteres portam urbis aquaeductuum formis, uel castello subiecisse. Ab hac autem porta etiamnum exeunt uiae Labicana quidem a dextra

a dextra, & Praenestina a laeuā, quae Praeneste, & Labicos deducunt. Praenestina autem per Gabios Praeneste, Labicana uero, Tusculum, & Labicos a dextera relinquens, per Quintanas ad Pictas perueniēs, in Latinam uiam terminabantur: ut ex itineralio Antonini Pij constat. Porro autem in Praenestina incidit uia Gabina. Gabij enim Praenestina uia sita sunt, ut prodit Strabo rursus haec a Praeneste Anagninam usque deducta ibi in Latinam incidēbat. In Praenestina uero uia fuit sepulchrum Q. Attae togatarum scriptoris secundo lapide situm. In Lauicana autē, sepultus fuit Didius Iulianus imp. ut in eius uita scribit Aelius Spartianus, in sepulchro proauū sui Saluū Iuliani, quod quinto ab urbe lapide situm erat

De porta Coelimontana, & uijs Campana, Tusculana, Albana, & Valerij duabus noua, & uetere

Proxima Esquilinae, ut innuerē uidetur Cicero, fuit porta Coelimontana, nunc S. Ioannis appellata, a monte Coelio, in cuius parte sita est, olim Coelimontana dicta. Quam L. Cornelio, & Q. Minucio tactam de coelo narrat Linius. Hanc posterioribus saeculis Asinariam fuisse dictam referunt Procopius libro primo de bello Gothico, & Anastasius Bibliothecarius in uita Siluerij papae. Procopius quidem: Contigit autē ut die una, eodemque tempore, & Belisarius cum Imperatoris exercitu per portam quam Asinariam dicunt (Neapoli enim ueniebat) urbem iniret, & per Flaminiam Gothi excederent. Et libro III: Quum itaque per pauci, ut diximus, admodum ad murorum custodiam relinquerētur, & hi quidem iam fame cōfecti, quaterni custodes quidam, & Isauri genere ad portam Asinariam custodias nacti, excepturos se intra urbem Gotho-

rum exercitum pollicentur. Et alibi saepius eius portae meminit: quam Bibliothecarius Lateranensi basilicae proximam fuisse scribit. Per hanc Alarico primū, postea Totila ducibus, ingressi Gothi urbem captam diripuerunt. Mirandum autem quod quum Sex. Pompeius viae Asinariae mentionem faciat, eā lōge ab hac porta fuisse scribat, quam inter Latinam Ardeatinamque fuisse tradit, ut inferius explicabo. Hanc uero Coelimontanam fuisse illud etiam confirmat, quod mons ipse nullam aliam praeter hanc habeat portam. Ab hac autem porta incipit uia Campana, cuius Suetonius in Augusto, & aliquot antiquae inscriptiones meminerunt

HVIC. MONVMENTO. ITVS. ADITVS
 AMBITVS. DEBETVR. EX. SENTENTIA
 EROTIS. AVG. L. IVDICIS. A. VIA
 CAMPANA. PVBLICA

Et Neapoli alia inscriptio

M. BASSAEO. M. F. PAL. AXIO
 PATR. COL. CVR. R. P. II. VIR. MVNIF
 PROC. AVG. VIAE. OST. ET. CAMP

Ab hac etiam porta, uel non longe ab ea ex uia Campana, exibat uia Tusculana, quam una cum Albana instaurauit M. Messalla sub Caesare Augusto: Vnde Tibullus libro. I

Nec taceam monumenta viae quae Tuscula tellus

Candidaque antiquo detinet Alba lare

Namque opibus congesta tuis hīc glarea dura

Sternitur, hic apta iungitur arte silex

Vias Valerias duas fuisse nouam uidelicet et ueterem prodit P. Victor, de quarum altera Strabo sic scribit: Praeclarissimae sunt uiae Appia, & Valeria, una quidem ad mare Latinae partes

tes superans, usque Sinuessam protenditur; altera in Sabinos usque ad Marfos. Inter has media Latina est. & ceter. Quam idcirco hic subieci, quod Latinā huic proximam, mediam inter eam & Appiam fuisse scribat Strabo. Alterius meminit Plinius

De porta Latina, & viis Latina,
& Albana

Coelimontanam sequitur porta Latina ante mille annos appellata, quae quod in Latium mitteret nomen obtinuit, quod etiam nunc manet. Quo autem nomine antiquissimis temporibus uocaretur, incertum. Verum quum Strabo uia Latina Ferentinum urbem fuisse afferat, crediderim portam hanc eam esse, quam Plutarchus Ferentinam nominauit in Romulo. Nam Romulus (inquit) expiationibus ciuitatem expurgauit, quas adhuc etiam Ferentinam ad portam obseruari tradunt. Sicque appellatam existimo, quod ea iter esset ad Ferentinos Hernicorum populos. A Latina autem porta initium habet uia eiusdem nominis, in Latinos populos ducens, quae modo Latia, modo Ausonia dicitur a Martiali. Libro enim IX

. . . . simili uenerandus ab Hercule Caesar

Confecrat Ausoniae maxima fana uiae

Et alibi eodem libro

Herculis in magni uultu descendere Caesar

Dignatus Latiae dat noua templa uiae

Qua Triuiuae nemorosa petit, dum regna uiator

Ostauum domina marmor ab vrbe legit

De hac uia mentio est in antiquo epigrammate sic

L. ANNIO. FABIANO
 III. VIRO. CAPITALI
 TRIB. LEG. II. AVG
 QVAEST. VRBAN TR. PLEB
 PRAETORI. CVRATORI
 VIAE. LATINAE. LEG
 LEG. X. FRETENSIS
 LEG. AVG. PROPR. PRO
 VINC. DAC. COL. VLP
 TRAIANA. ZARMAT

Cicero pro Cluentio cauponem quendam de uia Latina nominat. Strabo uero praeclarissimae (inquit) uiae sunt Appia & Valeria, una quidem ad mare Latinae partes superans, usque Sinuensem protenditur, altera in Sabinos usque ad Marjos. Inter has media Latina est, quae ad Casinum coniungitur Appiae a Capua XIX stadiis distans. In Latina porro uia fuit templum Fortunae muliebris, eiusdemque deae simulachrum, quod nefas erat attingi, nisi ab ea quae semel nupsit. Sex. Pompeius. In eadem uia fuit suburbanum Phylidis nutricis Domitiani, in quo ipsum funeravit, sed reliquias templo Flauiae gentis clā intulit, cineribusque Iuliae filiae Titi, quam & ipsa educauerat, commiscuit. Auctor Tranquillus. In eadem sepeliri uoluit Sempronius Tuditanus. Ex uno uero sepulchrorum uiae Latinae, hoc epigramma refert Ausonius

Non nomen, non quo genitus, non unde quid egi

Mutus in aeternum, sum cinis, ossa, nihil

Nec sum, nec fueram, genitus tamen e nihilo sum

Mitte, nec exprobres, singula talis eris

Latia

Latina autem ab urbe ad oppidum Cassinum pertinebat sic, ut ex Antonini Pii itinerario didici

Ab urbe	Fabrateriam
Ad Decimum	Aquinum, & postremo
Roborariam	Cassini, inde
Ad Pictas	Beneuentum, sic
Compitum	Venafrum
Anagniam	Theanum
Ferentinum	Allifas
Frusinonem	Telestam, deinde
Fregellas	Beneuentum

De uia autem Albana, quae hac parte ex urbe exibat, mentionem feci superius ex Tibullo, quum de Tusculana uerba facerem

De porta Capena, & via Appia

Non longe post Latinam extat porta Capena, cuius etymologiam refert Solinus: qui Italum regem ex Sicilia ad Ianum uenisse scribit, tum in Italia regnantem, ac eius auxilio, consilioque ciuitatem iuxta Albam condidisse Capenam nomine, & ab ea post modum denominatam portam Capenam. Seruius uero grammaticus super Virgilij locum, lucosque Capenos, aliter dicit, ait enim: Vnde hoc est a Capenis lucis, & porta Capena, quae iuxta Camoenas est, nomen accepit. Asconius enim Pedianus, Victor, & Sex. Rufus, extra hanc portam aedem Camoenarum fuisse referunt, proptereaque Camoenam a nonnullis olim fuisse appellatam. Nunc a proximo templo S. Sebastiani dicitur, quam olim Capenam fuisse hac confirmari potest ratione. Eam enim in uia Appia fuisse ostendit Frōtinus ijs uerbis: Appius Censor uiam Appiam a porta Capena, usque Capuam

puam muniuit. Quum autem uia in qua Septizonium Seueri adhuc extat tendens ad portam S. Sebastiani uia Appia a Spartiano & Iulio Capitolino uocetur, non est quod dubitari possimus, portam quae nunc in uia Appia extat fuisse Capenam, quae apud poetas & historicos celeberrima est.

Propertius libro IIII

Armaque cum tulero portae uotina Capenae.

Et Iuuenalis Satyra III

Substitit ad ueteres arcus madidamque Capenam.

Quam idcirco madidam dixisse opinor, quia uel inter ceteras portas depresso esset loco, uel propter aquaeducti prope ipsam deriuati formam. Priorem sententiam Cicero confirmare uidetur, quum ad Q. Fratrem scribens dicat: Romae & maxime Appia, ad Martis mira proluues, Crassipedis ambulatio ablata, horti, tabernae plurimae, magna uis aquae usque ad Piscinam publicam. Martialis uero posteriori innuit, quum ait

Capena grandi porta qua pluit gutta.

Ab hac porta, quum Caesar Augustus urbem in XIII. regiones diuideret, primam regionem nominauit. Porro a Capena porta, uel ut Spartianus & Iulius Capitolinus scribunt, intra urbem a Septizonio Seueri, Appiam uiam omnium maximam, & laudatissimam exisse, uel principium habuisse docent Sex. Pompeius, & Frontinus. Sextus quidem: Appia uia & aqua, ab Appio Claudio est appellata, cuius initium est a porta Capena. Et Frontinus: Appia aqua (inquit) inducta est ab Appio Claudio censore, cui postea Caeco fuit cognomen, M. Valerio Maximo, & P. Decio Mure cos. Anno XX. post initium belli Samnitici, qui & uiam Appiam a porta Capena usque ad urbem Capuam muniendam curauit. Sed Tacitus & Auctor libri de uiris illustribus aliter sentire uidentur; qui eam Brundisium

sum usque pertinuisse affirmant. Viam (inquit alter) Brundisium usque stravit lapidibus, unde illa Appia dicta. Tacitus uero refert Libonem Drusum coniurationis aduersus Tiberium reum, aliquando consuluisse, an habiturus esset opes, quis uiam Appiam Brundisium usque pecunia operiret. Certe Augusti temporibus eo usque pertinuit, si Horatio credimus, item Tiberij principatu si Straboni, & hoc ipsum sub Nerua ignorare potuit Frontinus: nisi dicamus ab Appio quidem Capuam usque perductam, hinc uero a C. Caesare dictatore Brundisium; praefertim quum in eius uita Plutarchus dicat; C. Caesarem quum illi huius uiae cura esset commissa, ingentes prodegisse pecunias, quod ut magis credam facit; quod Appij tempore Romanorum ditio, non ad Brundisium, sed uix usque Capuam se extendebat, ad quam usque uiam stratam fuisse ab Appio scribit Frontinus: Longitudine autem est millium passuum circiter CCCL. Quam ob rem recte Statius ad Pollium scripsit

. Quam limite noto

Appia longarum teritur regina uiarum

Haec prope Romam deflectens inter Tusculum & Albam, per montes deducit Ariciam, Algidum, Pictas, Pandochiam. Hinc ad maritima peruenit Terracinam, Fundos, Formias, Minturnas, Sueffam, Capuam, Neapolim, hinc Brundisium usque; pro tenditur. Linius de hac uia: Memoriae (inquit) felicitatis nomen Appij fuit. Qui & uiam munuit, & aquam Appiam deduxit. Et Cicero pro Milone: Hoc enim saepe ab istis dicitur, perinde quasi Ap. ille Caecus uiam munierit, non qua populus uteretur, sed ubi impune sui posterij latrocinarentur. Huius uiae praeter hos meminerunt idem Cicero alibi saepius, Diodorus Siculus, Strabo, Pomponius, Eusebius, Eutropius, Cassiodorus, Beda, & plerique ueteres scriptores. Eam, ut prodit Dio, restituit Traianus, disiccatisque paludibus Pontinis, excisis colli-

bus, aggeratis uallibus, saxis constratis, ac pontibus extructis permeabilem fecit. Antoninus quoq; Pius imp. Capuā uersus eā restituit, ut inscriptio pontis supra Vulturnum amnem demonstrat. Eam accurate sane describit libro primo de bello Gothico Procopius. Tum ille (inquit) uia Latina exercitum duxit, Appia ad laeuam dimissa, quam Appius censor nongentis ante annis construxerat, exque se illi indiderat nomen. Appiae uiae longitudinem quinque dierum spacio emetiri expeditus uir aliquis poterit, ab urbe Roma haec Capuam pertinet, sed ea latitudine patet, ut plaustra duo ex aduerso inuicem occurrentia libere hac queant peruadere, & sane haec est praeter ceteras omnes uia quidem spectatu dignissima. Appius siquidem ex alia & longinqua tunc regione (ut reor) excisos lapides, et hos quidem siliceos, ac suapte natura durissimos, in hanc uiam uehendos curauit; quos complanatos, & leues postea redditos, quadratosque circumcidendo factos, inuicem collocauit, metal-
li nihil, uel rei alterius interfutando. Hanc uiam intra urbem principium habuisse haud procul a Piscina publica, demonstrat Spartianus in uita Getae, quū ait: Occisus Geta illatus est maiorum sepulchro, hoc est Seueri, quod est in Appia uia euntibus ad partem dextram, specie Septizonij extructum, quod sibi ille uiuus ornauerat. Hoc autem sub Palatio fuisse demonstrat idem Spartianus in Seueri uita: Quū (inquit) Septimius Pertinax Seuerus Septizonium faceret, nihil aliud cogitauit, quā ut ex Africa uenientibus suum opus occurreret; & nisi absente eo per praefectum urbis medio simulachrum eius esset locatum, (additū Palatinis aedibus id est) regium atrium ab ea parte facere uoluisset perhibetur. Quod etiam post Alexander, quum uellet facere, ab haruspici-
bus dicitur esse prohibitus, quum hoc sciscitatus non litasset. Eius Septizonij adhuc pars superest cum hoc epigrammate

G. TRIB. POT. VI. COS. FORTVNATISSIMVS
NOBILISSIMVS. QVE

Porro paulo extra portam Capenam, uia Appia fuit elegans et magnum Martis templum, quod Martis extramuranei dicebatur, de quo sic Liuius: Quum omnes extra portam Capenam ad Martis aedem conuenire iuniores armatos iussisset. Et alibi: Semitamque saxo quadrato ad Martis aedem a Capena porta strauerunt. Idem alibi: Viam censores sternendam a porta Capena ad Martis templum locauere; & Ouidius

Lux eadem Marti festa est, quam prospicit extra

Appositum rectae porta Capena uiae

Hoc templum a Sulla Felice restitutum, ampliaturumque, ac supra C. columnas positum ferunt. Iuxta hoc templum extra portam Capenam, ut refert Sex. Pompeius, erat manalis lapis, quem cum propter nimiam siccitatem, in urbem deferrent, sequebatur statim pluuia, eumque quod aquas manaret, manalem lapidem dixere. Martis signum uia Appia Cn. Seruilio. C. Flaminio cos. sudasse testatur Liuius. In eadem uia, fuit Bonae deae sacellum, apud quod P. Clodius a Milone, ut refert Peditianus interfectus est. Vicus etiam, & aedes Camoenarum extra eandem portam fuerunt, quae a M. Fulvio Nobiliore cōdita est; in qua fuisse statuam Attij poëtae, ita prodit Plinius: Notatum ab auctoribus, & L. Attium poetam in Camoenarum aede maxima forma statuam sibi posuisse, quum brevis admodum fuisset. Via quoque Appia fuerunt aedes Honoris & Virtutis, item Tempestatis dedicatae a M. Marcello, ut referunt Valerius Maximus, & Ouidius. Cicero in L. Pisonem. Et Peditianus: M. Marcellus nepos eius Marcelli, qui bello Punico secundo Syracusas uicit, & quinque consulatus adeptus est, qui nau-

fragio ad Africam perijt , paulo ante coeptum bellum Punicū
tertium; Idem cum statuas sibi, patri, auoque poneret in monu-
mentis aui sui, ad Honoris & Virtutis aedem, scripsit

III. MARCELLI. NOVIES. COS. fuerat aut auius eius quin-
quies, pater semel, ipse ter; itaque neque mentitus est, & apud
imperitiores patris sui splendorē auxit. Extra Capenam lapide
II. fuit templum Ridiculi, ibi excitatum quod eo loco Hannibal
castrametatus, retrocesserit illusus. Hac uia erant horti Te-
rentiani XX. iugerum, item adhuc supersunt reliquiae cuiusdā
circa, prope templum S. Sebastiani, quem Antonini Caracalli
fuisse plerique, sine certa tamen auctoritate, tradunt. Fuit quo-
que hac uia locus Mercurio sacer, & aqua Mercurij dicta, ad
quam quum populus conuenisset, unusquisque lauri ramo alte-
rius caput ea adspergebat aqua Mercurium inuocantes, qua lu-
stratione periuria dilui credebant. Hinc Ouidius sic inquit

Est aqua Mercurij portae uicina Capenae

Si iuuat expertis credere numen habet. & reliqua

Fuere uia Appia tabernae Caediciae, de quibus Sex. Poma-
peius sic: Caediciae tabernae in uia Appia, domini nomine sunt
uocatae. Item lucus Egeriae, quem Camoenis Numa sacrauit.
Forum quoque eiusdem cum uia nominis, & tres tabernae, de
quibus Cicero ad Atticum meminit, & D. Lucas in actis apo-
stolorum. Fuit hac uia monumentū Basilij; de quo Pedianus
in Miloniana: Via Appia est prope urbem monumentum Basili-
ij, qui locus latrocinij fuit per quam infamis. Multa demum
in hac uia fuerunt nobilissima sepulchra, quarum uestigia ad-
huc supersunt, quod etiam significat Cicero quum ait: An tu
egressus porta Capena, cum Calatini, Scipionum, Seruiliorum,
Metellorum sepulchra uides, miseros putas illos? Quae om-
nia quum suis ornamentis, & titulis praeter unum spoliata
sint, quorum fuerint ignorantur. Vnum autem ex ijs adhuc in-
tegrum

tegrum parum ultra Caracalli circum, diciturque caput Bo-
uis, adhuc superest, habetque hanc inscriptionem

C A E C I L I A E
Q. C R E T I C I . F
M E T E L L A E . C R A S S I

Haec autem fuit Crassi diuitis, qui contra Parthos bello pe-
rijt, uxor. Fuit quoque in hac uia sepulchrum Horatiae sororis
Horatij illius, qui ex Tergeminorum pugna superstes, ipsam ne
cauerat. Item ad quintum lapidem sepulchrum Q. Caecilij a-
uunculi Pomponij Attici fuit, in quo ipsum Atticum sepultum
fuisse scribit Cornelius Nepos in eius uita. Ad nonum lapidem
hac uia eodem sepulchro conditi sunt Gallienus imperator, &
Seuerus Caesar Galerij sororis filius a Maxentio occisus, ut au-
ctor est Sex. Aurelius Victor. Item tumultatus est in eadem
Thessalus Neronis medicus, ut ait libro XXIX. Plinius. In
hac ipsa uia fuit sepulchrum corui auis, ut idem Plinius refert,
qui duorum Ethiopum humeris elatus est, praecedente tibicia-
ne, & praelatis coronis omnium generum, de qua alite libro
X. miranda refert. Cicero etiam Archiam poetam gentilibus
Scipionum monumentis, hac uia stis conditum fuisse scribit. Et
Liuius Africanum (inquit) alij Romae, alij Linterni & mora-
tuum & sepultum, utrobique monumenta ostenduntur, & sta-
tuae, nam & Linterni monumentum, monumentoque statua
super imposita fuit, quam tempestate disiectam nuper uidimus
ipst. Et Romae extra portam Capenam in Scipionum monu-
mento tres statuae sunt, duae P. & L. Scipionum esse dicun-
tur, tertia Q. Ennij poetae. XLV. tamen libro Linterni esse
sepultum asserere uidetur. Quod & Strabo affirmat his uer-
bis: Prope mare post Sinuessam Linternum oppidum est, ubi

prioris Scipionis cognomento Africani sepulchrum iacet; ibi enim extremam consumpsit aetatem. In Ennij uero poetae staturae basi, cuius ex Liui modo meminimus, haec fuerunt mearina

ASPICITE.O.CIVES.SENIS.ENNI
IMAGINIS.FORMAM
HIC.VOSTRVM.PANXIT.MAXVMA
FACTA.PATRVM
NEMO.ME.LACRVMIS.DECORET
NEQVE.FVNERA.FLETV
FAXIT.CVR.VOLITO.VIVVS
PER.ORA.VIRVM

Ab urbe Neapolim usque sic uia Appia producta erat, ut ex Antonini Pij itinerario liquet

Ab urbe Albanum, &	Sinuëssam
Ariciam	Capuam
Tres tabernas	Nolam
Appi Forum	Neapolim
Priuernum	Nuceriam
Terracinam	Salernum
Fundos	Ad Calorem &c. usque
Formias	Brundisium
Minturnas	

Detribus uijs Traianis

Appiae uiae pars uersus paludes Pontinas a Traiano restituta, ut refert Dio, Traiana appellata est, de qua P. Victor memi

meminit. Extat sane argenteus Traiani nummus cum hac inscriptione

VIA. TRAIANA

De reliquis uero duabus Traianis, nihil certi quod afferam habeo, praeter superius citatam Auximatem inscriptionem, quae trium uiarum Traianarum meminit

De uijs Numicia, & Setina

Via Numicia Appiae uicina fuit testimonio Horatij libro primo Epistolarum

Brundisium Numici melius uia ducat an Appi
Prope uiam Appiam, fuit etiam Setina, quae in eam incidebat,
a Setia urbe Campaniae nominata, de qua P. Victor

De uia Domitiana

Viae Domitianae in Campania Neapolim uersus, meminit Statius Papinius in proemio IIII. libri Siluarum, quum ait:
Tertio uiam Domitianam miratus sum, qua grauissimam harenarum moram exemit, cuius beneficio tu quoque maturius epistolam meam accipies, quam tibi in hoc libro a Neapoli scribo. Eam uero in Appiam incidisse his uersibus refert

VIA. DOMITIANA

Quis duri silicis, grauisque ferri
Immanis sonus aequori propinquum
Saxosae latus Appiae repleuit? &c.

De viis Asinaria, & Ardeatina

Viam Asinariam inter Latinam, & Ardeatinam fuisse refert Sex. Pompeius ijs uerbis : Cato in ea quam scribit oratione, quum ediffertauit Fuluij Noblioris censuram, significat a quam eo nomine quae est supra uiam Ardeatinam, inter lapidē secundum & tertium, qua irrigantur horti infra uiam Ardeatinam, & Asinariam, usque Latinam. Quum autem Ardeatina esset inter uiam Ostiensem, & Appiam, & post Appiam Latina, oportuit inter has Asinariam positam esse. Post Asinariā erat uia, quae ab Ardea, quo protendebatur, Ardeatina dicta est. Haec intra urbem sub Auētino iuxta Thermas Antoninianas principium habebat

De Via Laurentina

Et haec prope Auentinum inchoabat, Laurentum usque, a quo nomen accepit deducta, de qua Ouidius II. Fastorum

Est uia quae populum Laurentes ducit in agros

A. Gellius libro X. hanc uiam inter Ardeatinam & Ostiensem ponit, Laurentinamque & Ostiensem uias tanquam propinquas inter se coniungere uidetur. Plinius iunior (cuius in epistolis frequentem mentionem facit) in epistola quadam libri II. ad Gallum : Miraris (inquit) cur me Laurentinum, (uel si mauis) Laurens meum tantopere delectet, desines mirari, quū cognoueris gratiam uillae, oportunitatem loci, littoris spaciū. Decem & septem millibus passuum ab urbe secessit, ut peractis quae agenda fuerint, saluo iam & composito die, possis ibi manere, aditus non una uia, nam & Laurentina & Ostiensis eodem ferunt, sed Laurentina a XIIII. lapide,

de, Ostiensis ab XI. relinquenda est. Vtrinque excipit iter ali qua ex parte harenosum, iumentis paulo grauius & longius, equo breue & molle. In hac uia Augustus Caesar ancillae suae quinque liberos uno partu enixae monumentum fieri iussit, ut prodit Gellius libro X

De porta, & via Ostiensi

Novissima citra Tiberim porta, quae nunc S. Pauli a proxi mo templo dicitur, antiquitus Trigemina dicebatur, quod ea contra Curiatios Tergemini Horatii egressi sint, quamquã is qui superstes fuit, porta Capena redierit. Haec antiquitus ad Auentini radices non longe ab aede S. Mariae in Cosmedin, uel Scholæ Graecæ ut refert Liuius, fuit: qui ait: Aediles extra portam Trigeminam in Auentinum porticum strauisse. Et quã bello Punico secundo, Romae ortum incēdium narrat, hoc idē innuit: Quod incēdium omnia aedificia quae erant in uico Iu gario, sub Capitolio, Aequimeliūq; comprehendit, mox extra Carmentalem portam, per ripam Tiberis in Fortunae, ac Ma tutae tēpla debacchatum est, usque ad portam Trigeminam. Et Frontinus: Ductus aquae Appiae habet longitudinem a capite usque ad Salinas, qui locus est ad portam Trigeminam. Et alibi: Cacus habitauit locum ubi Salinae nomen, & ubi Trigemina porta. Multa demum huius portae apud ueteres auctores mētio est. Quam eo loco olim fuisse satis liquet. Recepto autem intra pomerium Auentino ab imp. Claudio, ad radices eiusdem mō tis, ubi Testacij planicies primum ingredi incipit, translata est. Postremo a Belisario eò ubi nunc est, locata fuit. Quae à uia ab Ammiano Marcellino, Procopio, & ceteris eius aetatis scriptoribus, etiam Ostiensis appellatur. Extra hanc portam quandā quoq; porticū fuisse refert in libris de bello Macedoni

co Liuius quum ait : Aediles alteram porticum extra portam Trigeminam inter lignarios fecisse. Plinius quoque scribit extra hanc portam populum Romanum statuam posuisse Minucio Augurino, qui ad asssem pretium farris redegerat. Extra hanc etiam tenues stipem petere solitos significat Plinius libro XXXIII. inquiēs : Extra portā Trigeminam unciaria stipe collata : Et alludit eodem Plautus in Captiuis, apud quem sic loquitur parasitus

Vel extra portam ire Trigeminam ad sacculum licet

Quod mihi ne eueniat nonnullum periculum est

Ab hac porta initium habuit uia non admodum longa, quae quod Ostiam duceret, Ostiensis uocitata est. In qua ad XII. lapidem diuerticulo a milliario VIII. in agro Solonio, Pomonal fuisse scribit Sex. Pompeius : de quo agro Cicero ad Atticum mentionem facit. Huius uiae frequens mentio est apud Procopium in libris de bello Gothico. Eius quoq; meminit Neapolitana inscriptio, quam superius quum de uia Campana uerba facerem, adposui

De portis Transtiberim, & primo de Portuensi porta, & uia

Portam, quae nunc Portuensis dicitur, quod ad Portum Romanum perducatur, antiquitus Naualem dictam fuisse a proxima nauium statione, docet Sex. Pompeius : Naualis (inquit) porta a uicina naualium dicta. Ab hac exijt uia quae Portuensis appellata est. Haec ad Portū Ostiensem totius orbis amplissimum ducebat. Ante Claudij uero tempora, qui hunc Portum excitauit, quo nomine uocaretur, non inueni. A Procopio, & eius aetatis scriptoribus Portuensis uocatur. Per hanc uiam secundum Tiberim fuerunt horti Caesaris dictatoris

De

De porta Ianiculensi, alias Pancrátiana,
& via Vitellia

Quo nomine apud antiquos uocaretur porta quae in dorso Ianiculi est, atque nunc a proximo templo S. Pancratij appellatur, haftenus non inueni. Ego eam a Ianiculo, quum alium nomen non habeam, sicut & pons, Ianiculensem uocatam fuisse existimo. Cuius portae multa mentio est apud Procopium, quam modo Pancratianam, modo S. Pancratij nominat. Inter haec (inquit) Besas qui Praenestinae portam custodiendam acceperat, ad Belisarium misit, qui nuntiaret teneri ab hostibus urbem, per portam aliam introgressis, quae supra Tiberim est, & S. Pancratij dicitur. & ceter. Et paulo post : Ad portam uero Pancratianam quae Transiberim est, quum hostium copiae peruenissent, ob loci difficultatem nihil per eos gestum memoria dignum est, namque locus accliuus, & ea e regione murus ad inuadendum difficilis. Hanc autem portam Aureliam non fuisse, ut omnes fere ueteres antiquarii affirmarunt, paulo post ostendam. Ab ea autem exibat uia Vitellia, de qua Tranquillus : Indicia Vitelliae stirpis diu mansisse constat. Viam Vitelliam ab Ianiculo usque ad mare, itemque coloniam eiusdem nominis. & c.

De porta Septimiana

Tertiam & ultimam Transiberim portam, quae nunc Septimiana dicitur, Fontinalem priscis temporibus dictam fuisse, aliquot ueterum scriptorum auctoritatibus demonstratur. Sex. Pompeius. Fontinalia (inquit) fontium sacra, unde & Romae Fontinalis porta. Linius quoque ; Aediles alteram porticum ad portam

portam Fontinalem, ad Martis aram, qua in campos iter esset perduxere. Per campos autem Vaticanos intelligit ex eo quod Plinius scribat Vitellium CCH-S condidisse patinam cui faciendae fornax in campis exaedificata erat; Videmusque etiam nunc in campis Vaticanis fornaces esse, eamque terram argillam esse, ad fictilium fabricam commodissimam. Cicero: Campum (inquit) Vaticanum fieri quasi Martium Campum. Hanc autem quidam eandem esse cum Capena dixerunt, sed Liuius primo, & tertio de bello Punico II. de Capena; quinto uero & XXX. de Fontinali ita loquitur, ut diuersas eas esse oporteat. De hac mentio est in uetusto hoc epigrammate ita

DIS . MANIBVS
A . A P I D I
M A I I O R I S
T A B E L L A R I
A . P O R T A
F O N T I N A L I

Haec postea ab imp. L. Septimio Seuero, Septimiana appellata est. Ait enim Spartianus ipsum extruxisse thermas in Ianiculo ad portam sui nominis. Ibi quoque erat Ianus Septimianus, cum ara, quae non paruum huius rei argumentum sunt. Porro autem ab hac porta initium habebat uia incerti nominis, quae in triumphalem non longe a basilica S. Petri incidebat

De eo murorum urbis ambitu , qui erat prope
molem imp. Hadriani Augusti, &
de porta Aurelia

Quum a Procopio porta Aurelia haud procul ab Hadriani ponte, & sepulchro; Triumphalisq; iuxta pontē & uiam sui nominis eadem regione a Tranquillo, & Iosepho fuisse referantur, necesse fuit aliquam Leonianae urbis, quae nunc Burgus S. Petri dicitur, partem, antiquis Romanis moenibus cinctam fuisse, alioqui urbs uno ponte & duabus portis eò trās mittentibus hostium incursionibus peruia fuisset. Quātum autem coniectura consequi potui, ex ueterum auctorum sententijs, & ijs quae nunc supersunt uestigijs, murum urbis tunc sic fuisse crediderim: Ab una parte Tiberim uersus, muri principium erat, haud longe ab Hadriani sepulchro, & ponte Aelio, qui in eum desinebat, e regione uidelicet aedis S. Mariae Transpontinae, qui mox producebatur uersus locum illum, ubi nunc est porta S. Angeli moli ipsi uicina, deinde deductus paulo infra medium Burgum (ut uocāt) gyrabat uersus Xoenodochium S. Spiritus, atque ad eius portam prope Tiberim terminabatur, Basilica principis Apostolorum, eaque montis Vaticani, quae nunc muro clausa est, parte exclusis: atque hac ratione duas comprehendebat portas, alteram quidem Triumphalē e regione eius pontis, cuius nunc pilas et uestigia prope S. Spiritus aedem in Tiberi uidemus; alteram uero Aureliam uocata, quae prope eiusdem Hadriani sepulchrum fuit, quāque iter erat ponte ipso triumphali. Quo modo uero sepulchrum Hadriani muris annexum fuerit, paulo post ex Procopio aperiam. Aliquando autem mihi in mentem uenit Triumphalē portam, diu ante usum amisisse, Aureliamque solam eò portam fuisse,

se, donec ampliatis a Leone IIII. muris usum & nomen & ipsa amitteret. Nam Procopius non omisset mentionem facere de Triumphali, in ea quam describit urbis oppugnatione, si eo tempore fuisset, quum Aureliae non omittat; ea enim parte Gothi maxime in obsidione laborarunt, unde illum crebrius locorum meminisse oportuit. Adde quod si Triumphalis porta eo tempore fuisset, non XIII. portas, ut scribit Procopius, tunc circumiectus urbi murus; sed XV. habuisset, nam Aurelia XIII. est decem enim portae urbis, III. uero Transiberim fuerunt. Quae omnes praeter hanc Aureliam, ad nostram usque aetatem perdurarunt. Porro autem ex Aureliae portae descriptione, quam Procopius facit, egoque hic subiiciam; locum portae, murorum ambitum, & quale fuerit Hadriani sepulchrum cognoscemus. Gothi (inquit) septima castra extra fluvium Neronianis in campis fixere, ita ut castris omnibus esset pons intermedius, unde peractum, ut & portae aliae duae infestae ab hoste essent; Aurelia scilicet, quae S. Petri, ut ei templo propinquior, nuncupatur, & altera quae Transflumen est sita. (intelligit autem S. Pancratii.) Quibus uerbis eas diuersas fuisse liquet. & alibi: Dum haec peraguntur Aurelianam portam, ex altera parte Gothi hoc modo inuadunt; Hadriani Romanorum quondam imp. sepulchrum extra portam Aureliam extat, & ad lapidis iactum a moenibus procul extructum, spectatu procul dubio dignum: Pario namque ex lapide aedificatum est, saxa quadrata illi inuicem nexa, alia nulla intermixta materia, & quaternis partitum pari dimensione lateribus, tam porrectis in latitudinem, ut iactus ex angulo lapis, alterum fere pertingat, altitudine autem haec urbis moenia superant; staturae quoque ex eodem pario marmore uirorum, equorumque miro artificio factae desuper insident. Sepulchrum id priscae homines illi, quum uelut moles et arcis in speciem urbi impositum uide-

videretur, brachiis duobus a moenibus ipsis ad sepulchrum id usque porrectis, inaedificatisque complexi sic sunt, ut murorum sit perinde pars quaedam effectum, apparet namque altissimae id turri per simile, & ea e regione imminet portae. Erat itaque peroportunum & munitissimum eo loco praesidium. Cuius custodia per Belisarium tradita Constantiano obtigerat, cui iniunctum, ut & contigui muri curam susciperet asseruandi, ut leuiori & non magni momenti custodia indigentis, si quidem ea ex parte haudquaquam murus flumine subterlabente poterat oppugnari. Constantianus autem, quum ei nuntiatur, hostes transitum per flumen tentare, muro illi diffusus, qui ad fluuium erat, cum paucis ipse statim opitulatum contendit, maiore militum multitudine iussa portam in primis, & in sepulchro ipso praesidium diligentius custodire. Gothi interea Aureliam portam, Hadrianique molem sine ullis machinationibus confestim inuadunt, scalas tamen ingenti manu inferentes, multitudine sagittarum immissa, facile indubium hostes deducere, & trepidationem inferre, atque adeo ut paruo molimine prae custodum paucitate, potiri se praesidio posse existimarent. Praelatis itaque scutis Persicis, nihil inferioribus ad moenia succedebant, & hostes frustrati quam proxime subierunt. Sub porticum namque ad sacram beati Petri apostoli pertinentem tum aedem, latitantes hi uenerant. Inde quum de improviso comparuissent, rem ita aggrediuntur, ut nec balista quidem Romani custodes uti in hostes possent, non enim in nimium subeuntes telum immittere, tormentum ue poterant, nec illis ut scutatis obeffe. Sed postquam ualidius Gothi incubuere, & creberrima sagittarum immiissione propugnacula infestando admoturi iam erant aedificio scalas, unde quaque fere circumuentis iam omnibus, qui de mole pugnando se iuebantur. Aliquandiu Romanis iniectus est terror, de salute
iam

iam desperantibus, quando quidem se se ac moenia defensare ut erat necesse, haud quaquam iam possent, communi tamē consensu, diffractis marmoreis illis vastisque simulachris, ex eorum fragmentis ingentia saxa in hostium capita superne deuoluunt, Gothi uero perculsi oppugnationem remittunt, iisque sensim cedentibus, uictoria potiti Romani, hos demum ut uictos propellunt. Iamque & Constantianus perterrefactis, fugatisque qui transitum fluminis pertentassent, redierat, non enim praesidium illud hostes, ut ipsi rebantur neglectum prorsus, uel incustoditum inuenerant. Itaque factum ut circa Aureliam portam omnia in tuto iam essent. Ad portam uero Pancratianam quae Transiberim est, ob loci difficultatem nil memoria dignū ab hostibus gestum est. & c. Haec Procopius. Pontis autē Aeli, & eius sepulchri meminere Dio, & Spartianus in Hadriani imp. uita. Portam uero Aureliam, uel a via eius nominis, quae per eam exibat, uel a tribunali Aurelio, nomen accepit, de quo Cicero mentionem facit sic in L. Pisonem; Perseuante connexos his funeribus dies, pro Aurelio tribunali, ne conniunte quidem te, quod ipsum etiam scelus. & c. Quae postea locum cum nomine amisit Leonis III. Papae pontificatu, quando is prolatis muris Vaticanum & Basilicam S. Petri apostoli cinxit

De uis Aureliis duabus

Via Aurelia uetus ab hac porta exiens per maritima Tusciae ora, agros, & siluas Pisas usque extendebatur. Hanc quidam Consularem, & Traianam aliquando dictam fuisse nullo adducto ueteri testimonio, scribunt: eamque ab Aurelio uiro consulari denominatam ferunt. Alij uero ab Aurelio tribunali prope eiusdem uiae principia collocato dictam autumant. De quo

quo Cicero mentionem facit, quum dicit, se homines in tribuna
li Aurelio palam conscribi, centuriarique uidisse. De hac uia i-
dem Cicero Philippica XII. Tres uiae sunt ad Mutinam, a su-
pero mari Flaminia, ab infero Aurelia, media Cassia. Et in Ca-
tilinam. Eutropius quoque: Etruriae (inquit) per Aureliam
usque ad alpes maritimas ingentes agri sunt, hique fertiles &
siluosi. In hac uia fuerunt priuati horti Galbae imperatoris,
ubi ipse (ut refert Tranquillus) sepultus est. In hac, ut in Flami-
nia, Appia, Latina, & alijs uijs, plurimi loculi, urnae, & an-
tiqua sepulchra uetustate fere consumpta adhuc uidentur. In-
ueni autem in antiqua marmorea inscriptione mentionem fieri
uia Aureliae sic

M. F. GAL. PRIMVS. X. VIR. STL
IVD. TRIB. LEG. VII. GEM. FELICIS
HISPAN. CITERIORIS. Q. VRBANO
AEDILI. CVRVL. PRAETORI. CVRAT
VIAE. AVRELIAE. PRO. COS. LY
CIAE. PAMPHILIAE. COS
POLIMVS. LIB

Item in alia uiarum Aureliae, ueteris & nouae, quarum altera
forte ab auctore, altera a reparatore dicta fuit. Lapis est Tibu-
re, quem paulo post adponam. Haec uia ab urbe exiens Aurelia-
tem, usque sic producta erat, ut ex itineralio Antonini Pij con-
cinnaui

A Roma	Martham
Loriam	Forum Aureli
Ad Turres	Cosam
Pyrgos	Ad lacum Aprilem
Castrum nouum	Salepronem
Centum cellas	Manlianam

H

Popu-

Populoniam
 Vada Volaterrana
 Ad Herculem
 Pifas
 Papirianam
 Tune
 Boaceas
 Bodecias
 Tecolata
 Delphinas
 Genuam
 Libanum
 Dertonam

Aquas
 Crixiam
 Canalicum
 Vada Sabatia
 Pollupue
 Albingaunum
 Locobormanum
 Costa ballenae
 Albintimilium
 Lumonem
 Alpes summas
 Arelatem

De vijs Cornelia, & Triumphali

Viam Corneliam, cuius non nisi in marmoreis inscriptionibus, & apud P. Victorem mentionem extare uidi, mediam inter Aurelias & Triumphalem hac regione fuisse ex ijs inscriptionibus conficio

Romae in domo Caesia

C . SALLIO . ARISTAENETO . C . V
 SEPTEM . VIRO . EPVLONVM
 SODALI . AVGVSTALI . IVRIDI
 CO . PER . PICENVM . ET . APVLIAM
 CVRATORI . VIARVM . AVRELI
 AE . CORNELIAE . TRIVMPHALIS
 PRAETORI . K . TVTELLARIO . QVAESTORI
 DESIGNATO . ET . EODEM . ANNO . AD . AEDI
 LITATEM . PROMOTO . X . VIRO
 STILITIB . IVDICAND . ORATORI . MAXIMO
 DECVRIONES . ET . PLEBS . COLONIAE
 ASCVLANORVM . ANCONITANORVM
 PROPTER . HVMANITATEM . ABSTINEN
 TIAM . EFFICACIAM

Item Tibure in pariete aedis S. Paulli

C . POPILLIO . C . F . QVIR . CARO
 PEDONI . COS . VII . VIRO . EPVLON
 SODALI . HADR IANALI . LEGATO
 IMP . CAESARIS . ANTONINI . AVG
 PII . PROPR. GERMANIAE . SVPER . ET . EX
 ERCITVS . IN . EA . TENDENTIS . CVRATOR
 OPER . PVBLICOR . PRAEF . AERAR . SATVR
 CVRATORI . VAR . AVRELIAE . VETERIS . ET
 NOVAE . CORNELIAE . ET . TRIVMPHALIS
 L E G A T O . LEG . X . FRETENSIS
 A . CVIVS . CVRA . SE . EXCVSAVIT . PRAETORI
 TRIBVNO . PLEBIS . Q . DIVI . HADR IANI . AVG
 IN . OMNIBVS . HONORIBVS . CANDIDATO
 IMPERATOR . TR . LATICLAVIO . LEG . III
 CYRENAICAE . DONATO . DONIS . MILI
 TARIBVS . A . DIVO . HADR IANO . OB
 IVDAICAM . EXPEDITIONEM . X . VIRO
 STLITIBVS . IVDICANDIS . PATRONO
 MVNICIPI . CVRATORI . MAXIMI . EXEMPLI
 S E N A T V S . P . Q . T I B V R S
 OPTIME . DE . REPVBICA . MERITO

De via Triumphali

Via Triumphalis initium habebat a ponte, cuius nunc uestigia, & pilas medio Tiberi uidemus prope Xoenodochium S. Spiritus, qui a P. Victore Triumphalis, sicut & uia appellatur; haec deinceps pone basilicam S. Petri, & obeliscum, qui uulgo la Guglia dicitur, protendebatur: ubi adhuc multi filices eius uiae strati uidentur. Hanc autem uiam S. Hieronymus, &

Damasus papa in uita S. apostolorum principis Petri Triumphalem uocant, prope quam in Vaticano eundem apostolum cruci affixum, & sepultum fuisse scribunt; ubi postea in eius honorem maximum ab Augusto Constantino templum conditum est. Ab hac uia, porta de qua mox loquar Triumphalis uocitata est

De via Aemilia Scauri

Viae Aemiliae alterius quae Scauri dicebatur, meminit Strabo ijs uerbis: Hic ille Scaurus, qui per Pisas & Lunam usque Sabatios uiam strauit Aemiliam, hinc per Dertonam. & ceter

Hanc uiam M. Aemilius Scaurus, qui consul, censor, & princeps Senatus fuit, de hostium manubijs strauit, triumphauit enim de Gatisceis, & Liguribus, quos bello uicerat, & magnis cladibus afflictos, in populi Romani ditionem redegerat. De ea praeterea nihil compertum habeo

De vijs Pompeia, & Domitia

Viae Pompeiae in Sicilia, Cicero contra Verrem meminit. Viae quoque Domitiae in Gallia, idem pro M. Fonteio mentionem facit

De reliquis vijs extra urbem quarum loca ignorantur

Referuntur a P. Victore, in libello de regionibus urbis Romae uiae Patinaria, et Tiberina, forte quod esset prope Tiberim dicta; Gallica, & Gallicana, quod in Galliam ducerent; Latitculensis, & Flauia. Quarum adhuc loca uel situs inuenire non potui

De mancipibus viarum

Curatores viarum uestigalia earundem certis hominibus locabant, quae qui redimerent mancipes sunt dicti, unde mancipationum fraude, & magistratuum incuria viae saepe interruptae, & imperviae factae sunt, de qua re conqueritur Cornelius Tacitus. De eiusmodi mancipe est Romae in domo Cardinalis Carpenfis haec inscriptio

D . . M . . S
 CN . CORNELIO
 CN . F . SAB
 M V S A E O
 MANCIPI.VIAE.APPIAE
 HERENNIA.PRISCILLA
 CONIUGI
 BENE . MERENTI
 FECIT

Mancipes quoque, ut in diuinatione scribit Asconius, fuerunt publicanorum principes, Romani homines, qui quaestus sui causa, si decumas redimerent decumani appellabantur; si portum aut pascua publica; portitores, aut pecuarij; quorum ratio scriptura dicebatur. Hi omnes exigenda a socijs suo periculo exigebant, & reipublicae repraesentabant, prouidentes tamen in illa redemptione commodis suis. Licebat autem si moderate fiat aestimare in cellam praetori frumentum, mancipi pro frumento ab aratoribus pecunias accipere non licebat. etc. Viarum munitio ac restitutio antiquis Romanis maximae curae fuit, atque in primis C. Graccho, ut Plutarchus, item ex imperatoribus Augusto, ut Tranquillus, Tiberio ut Tacitus, Vespasiano ut

Sex. Aurelius, Traiano ut Dio tradidere; probantque hae marmoreae inscriptiones antiquae. In Capitolio sub porticu Palatii conseruatorum urbis

IMP. CAESARI
VESPASIANO. AVG
PONT. MAX. TR. POT. III
IMP. IIx. P. P. COS. III. DES. III

S. C

QVOD. VIAS. VRBIS. NEGLENTIA
SVPERIORVM. TEMPORVM
CORRVPTAS. INPENSAS. SVA
RESTITVERIT

*Item Allifis in angulo parietis cathedralis
Ecclesiae*

IMP. CAESAR. M. AVRE
LIVS. ANTONINVS. PIVS. FE
LIX. AVG. PARTHIC. MAX
BRITANNICVS. MAXIMVS. P. M. P. P
COS. III. DES. III

VIAM. INVNDATIONE. AQVAE
INTERRVPTAM. RESTITVIT

Ad vias autem exaedificatae fuerunt aedes, domus, arcus, hippodromi, praedia, horti, tabernae, & sepulchra tanta frequentia, atque splendore, ut exterarum gentium legati per suburbana uenientes, longe ante urbis portas, iam in ipsa urbe se esse existimarent. Hae itaque sunt XIII. urbis portae, quae ante millesimum annum fuerunt, quaeque omnes praeter unam Aureliam, adhuc supersunt. Quibus nomina antiqua quanta maxime potui diligentia asserere curavi. Eas enim omnes antiquitus quoque iisdem locis, uel et si ab eis procul, at tamen iisdem

uijs fuisse manifeste demonstraui. Quibus etiam uias omnes ex eis exeuntes, quarum apud ueteres auctores, uel antiquas inscriptiones memoriam extare uiderim, adiunxi, ut uno intuitu, & porta & uia cognosci posset. Porro autem si XIII. his portis decem alias addiderimus, (quas forte Procopius portulas quasdam alias praeter illas XIII. appellauit) quarum apud ueteres auctores mentio est, uerum demum erit quod libro tertio cap. V. refert Plinius; Urbem Romam suo tempore XXIII. portas habuisse. Quae quemadmodum urbis circuitus uarios terminos habuit, sic idem habuerunt & portae, quarum quaedam in pomerij ampliatione in media urbe remanentes, usum & nomen amittere, quadam saepe hinc inde iisdem tamen uijs translatae, pristinum nomen retinuerunt, quaedam etiam uarijs temporibus antiquis interpositae, nouam consequutae sunt appellationem. Decem autem portarum nomina praeter ea, quae superius adposuimus, sunt haec

De porta Querquetulana

Porta Querquetularia, uel Querquetulana, de qua Plinius sic libro XVI. cap. X. Siluarum certe distinguebantur insignibus, Fagutali Ioui etiam nunc ubi lucus fageus fuit, porta Querquetulana, colle in quem uimina petebantur. Si igitur in Viminali colle extat uiminum silua a qua collis est denominatus, necesse fuit hanc portam in Viminali fuisse. In quo Varro Querquetulanum sacellum, P. uero Victor, ac Sex. Rufus lucum fagutalem ponunt. Quare etiam portam Querquetulanam eam olim fuisse portam, quae nunc clausa est, crediderim, prope Castrum praetorium, uel non longe ab eo. Quamuis non me lateat Cornelium Tacitum scribere montem Coelum Querquetulanum prius uocatum fuisse. Vtunque autem sit, Varro

ni, Plinio, P. Victori, & Sex. Rufo magis credendum, qui eam in Viminali fuisse uel innuunt, uel aperte demonstrant. Hæc autem eandem fuisse existimo portam, cum ea quam Sex. Pompeius Querquetulariam appellauit. Querquetularia (inquit) porta Romæ dicta, quod querquetum intra muros urbis iuxta se habuerit. & alibi: Querquetulanae reputantur significare nymphae, præsidentes querqueto uirescenti, quod genus siluæ indicat fuisse intra portam, quæ ab eo dicta sit Querquetularia

De porta Piaculari

Piacularis (inquit Sex. Pompeius) porta Romæ appellatur, propter aliqua piacula, quæ ibidem fiebant, uel ut ait Cloatius ex sacro per aliquē piaculo soluitur, aut aliqua piædi propitiandique causâ immolatur

De porta Catularia

Idem Sex. ait: Catularia porta Romæ est dicta, quia non longe ab ea ad placandum Caniculæ sidus frugibus inimicum, rufæ canes immolabantur, ut fruges flauescerent ad maturitatem perducerentur

De porta Minucia

Minucia porta Romæ est appellata, eo quod proxima sit sacro cello, alias aræ Minucij, quem deum putabant. Auctor Sex. Pompeius. Forte de hac porta loquitur in Commodi uita Lamprius, quum ait: Herculis signum æneum sudauit in Minucia per plures dies

De porta Mugiona

Idem quoque etiam Mugionae portae his uerbis meminit. Mugiona porta Romae dicta est a Mugio quodam, qui ei tuenda praefuit. Hanc non procul a uia Noua uersus Auentinum fuisse scribit Solinus

De porta Sanquali

Sanqualis (inquit Sex. Pompeius) porta appellatur proxima aedis Anci. Sanqualis autem auis nomen est, quae ossifraga dicitur. Quidam Saginalem portam ab aede Sangi legendum putant. Quod si textum aliquem antiquum adducerent, non improbarem

De porta Naeuia

Hanc, ut duas sequentes inter portam Capenam, et Tiberim fuisse, elicitur, ut etiam supra exposui, ex P. Victore, et M. Varrone libro IIII. de lingua Latina, qui de ea loquens sic ait: Sequitur porta porta Naeuia. quod in nemoribus Naeuijs, Naeuius enim loca ubi ea sic dicta, coluit. Hanc omnes superioris aetatis antiquarij inepte nimium Maiorem nunc esse dixerunt

De porta Rauduscula

Deinde (inquit Varro) porta Rauduscula, quod aerata fuit. Aes raudus dictum, ex eo in ueteribus mœcupijs scriptum, raudusculo libram ferito. De hac porta mentionem etiam facit Valerius Maximus lib. V. cap. VI. Dignam (inquit) pietatē, quae quod ad solidam gloriam attinet, septem regibus praefertur,

tur, cuius testandae rei gratia capitis effigies aereae portae qua excesserat inclusa est, dictaque Raudusculana, quod olim rauda aera dicebantur. Vicum portae Raudusculanae P. Victor cum uico portae Naeniae in regione XII. Piscinae publicae enumerat

De porta Lauernali

Hinc porta Lauernalis ab ara Lauernae, quod ibi ara eius deae fuerit. Auctor Varro

De porta Libitinensi

Portae Libitinensis meminit in Comodi imp. uita Lamprius: Galea eius (inquit) bis per portam Libitinensem elata est. Haec a Libitina dicta fuit, quod per eam cadauera mortuorum ad sepulchrum efferrentur. Libitinam autem & pro dea ipsa, & pro Libitinariorum opera accipi solet. Libitina autem dea erat in cuius templo uendebantur, & locabantur ea, quae ad sepulturam pertinebant, de qua fusius disputabo, quum ad eius templi quod Romae fuit, descriptionem deueniero

De porta Feneſtrali

Fuit quoque Romae etiam porta Feneſtralis appellata, de qua sic scribit Plutarchus problemate XXXV. Quid est quod portam unam Feneſtram appellant, apud quam fortunae thalamus positus est? an quia Seruius rex cum secundissima fortuna rem habuisse creditus est, quum per fenestram ad eum penetraret; an hoc fabulosum, illud aut uerum; Tarquinio Prisco Romae regnante, quum is a pastoribus esset occisus, Tanaquil
eius

eius uxor, mulier sane prudens & fortis, per fenestram populæ
allocuta, multitudini persuasisse dicitur, ut Seruium regem de-
clararent, ex quo factum est, ut ille locus ita appellaretur. Et
Ouidius libro Fastorum VI

Lux eadem Fortuna tua est, auctorque locusque

Sed superinictis quis latet iste togis?

Seruius est, iam constat enim, sed causa latendi

Discrepat: & dubium me quoque mentis habet

Tum dea furtiuos timide profitetur amores

Coelestemque homini concubuisse pudet

Arsit enim magna correpta cupidine regis

Caecaque in hoc uno non fuit illa uiro

Nocte domum parua solita est intrare Fenestra

Vnde Fenestralis nomina parta tenet

Nunc pudet & uultus, uelamine celat amatos

Oraque sunt multa regia tecta toga

Ceterum hanc portam non Urbis, sed Palatii fuisse crediderim.

Urbis enim Ser. Tullij regis tempore latius se extendebat quam
ubi porta Fenestralis fuisse describitur

De porta Triumphali

Portam Triumphalem fuisse (ut existimo extra ceterarum
numerum Transiberim) sub Vaticano, iuxta uiam, & pontem
sui nominis docet Iosephus libro VII. de bello Iudaico cap.
XXIII. Vbi triumphum Iudaicum Vespasiani imp. & T. Cae
saris describit. Die (inquit) triumphi principes, qui non in Pa
latio, sed prope Idis templum nocte illa quieuerant, prima iam
aurora incipiente procedunt, lauro quidem coronati, amicti ue
ro patria ueste purpurea, & ad Octauianas ambulationes (por
ticum credo Octauiae in campo Martio sitam intelligit) trans
eunt.

seunt. Ibi enim senatus ducum procures, & honorati equites eorum praestolabantur aduentum. Tribunal autē ante porticus factum erat, sellaeque eburnae in eo praeparatae, quò quū ascendissent considerunt. Ibi quum milites allocutus fuisset, solemnibusque uotis susceptis, soluiisset, imp. ipse cum Tito Caesare, ad portam recedit quae ab eo quòd per illam semper triumphorum pompa ducitur, nomen accepit. Ibi triumphalibus uestis amicti, dijs ad portam collocatis, caesa hostia inter spectacula transeuntes, triumphum ducebant. &c. Quibus uerbis constat eos extra urbem tum in campo Martio fuisse, eosque traiecto Tiberi, per eam portam introiisse, de qua Tranquillus quoque in Augusti uita sic mentionem facit cap. centesimo: Senatus & in funere ornando, & in memoria honoranda, et studio certatim progressus est, ut inter alia complura censuerint quidam, funus Triumphali porta ducendum, praecedente Victoria quae est in Curia, canentibus naeniam principum liberis utriusque sexus. Et Tacitus libro primo historiae Aug. Tum consultatum de honoribus, ex quibus maxime insignes uisi, ut porta Triumphali duceretur funus &c. Hanc autem portam diu ante Procopij tempora esse desiisse superius demonstravi: Eratque in ea murorum urbis parte, quae ab Hadriani sepulchro ad S. Spiritus portam olim producti erant. De hac porta sic mentio est in antiqua inscriptione

FORTVNAE . SANCTAE
 ATINIA . TYRANNIS
 SEMINARIA . A . PORTA
 TRIVMPHALE
 P . TERENTIVS . FORTVNATVS
 VIR . CARISSIMVS
 CVI . GRATIAS . . MAXIMAS
 SEMPER . EGI
 C V M
 T E R E N T I A . F A V S T I N A
 F I L I A
 D O N V M . . D E D I T
 L . D . D . D .

*Ab hac porta Triumphalem viam exiisse paulo ante explicavi
 Si igitur decem has portas, quas ab ijs XIII. diuersas fuisse
 liquet ipsis adiuxerimus, erunt XXIII. vrbis Romae portae,
 ut Plinium dixisse existimo, quum ait: Vrbs Roma complexa
 est montes septem, diuiditurque in regiones XIII. Compita
 earum. CCLXV. eiusdem spatij mensura currente a miliario
 in capite Romani fori statuto, ad singulas portas, quae sunt
 hodie numero XXIII. (nam quod vulgati codices habent
 XXXVII. mendum procul dubio est ex adiectione numerorū
 aliquot ortum) ita ut XII. portae semel numerentur, praeter
 reanturque ex veteribus VII. quae esse desierunt*

De tribus alijs portis vrbis Romae

*Portas autem septem, quas Plinius suo tempore esse desiisse
 scribit has fuisse existimo: Primo quattuor vrbis Romae uete
 ris portas, quas Romulum reliquisse superius scripsi; deinde
 porta Saturnia, quae & Pandana, de qua sic Varro mentionē
 facit*

facit: Capitolium, ante Tarpeius dictus, quem antea etiam Saturnium dictum prodiderunt: Et antiquum oppidum in hoc fuisse Saturniam scribitur. Eius uestigia etiam nunc manent tria, quod Saturni fanum in faucibus; quod Saturnia porta, quam Iunius scribit, quam nunc uocant Pandanam; quod post aedem Saturni in aedificiorum legibus parietes postici muri sunt scripti. Et Sex. Pompeius: Pandana (inquit) porta dicta est Romae, quod semper pateret. Hanc autem sub Capitolio fuisse non longe a templo Saturni, refert Varro. De eadem porta mentionem facit Solinus, quam prope Capitolium fuisse scribit

De portis Ratumena, & Salutari

Porta Ratumena (ut inquit Sex. Pompeius) a nomine eius appellata est, qui ludrico certamine quadrigis uictor, Etrusci generis iuuenis a Veijs. Is consternatis equis excussus Romae periit, qui equi feruntur non ante constitisse, quam peruenerint in Capitolium, conspectumque fictilium quadrigarum quae erant in fastigio Iouis templi. Quas faciendas locauerat Romani uenienti cuidam artis figlinae prudenti, quae bello sunt recuperatae, quia in fornace adeo creuerant, ut eximi nequiret, idque prodigium portendere uidebatur, in qua ciuitate eae fuissent, omnium eam futuram potentissimam. Et Plinius libro VIII. cap. XLVII: Maius augurium apud priscos, plebeis circensibus excusso auriga, ita ut si staret, in Capitolium cucurrisse equos, sedemque ter lustrasse. Maximum uero eodem peruenisse a Veijs cum palma et corona effuso Ratumena, qui ibi uicerat, inde postea nomen portae est

Porta Salutaris appellata est ab aede Salutis, quae ei proxima est. Sex. Pompeius. Hanc autem in Quirinali fuisse constat, sicut et aedes Salutis fuit

De porta Stercoraria

Stercoraria uero porta non urbis sed Capitolii fuit, de qua idem Sex. Pompeius : Stercus (inquit) ex aede Vestae XVII. Kal. Iulias defertur in angiportum medium fere cliui Capitolini, qui locus clauditur porta Stercoraria, tantae sanctitatis maiores nostri esse iudicarunt. &c. Has igitur septem portas eas fuisse existimo, quae Plinij tempore iam esse desierant. Portae autem quae nunc extant Romae in uniuersum sunt XX. antiqui nominis & loci XIII. recentioris uero urbis Leonianae uidelicet VII. de quibus paulo post dicam. Ad septemtrionem sunt Flaminia, & Collatina; ad ortum uernum Collina, & Viminalis; ad ortum aestiuum Gabiussa, & Esquilina; ad ortum hyemalem Coelimontana, & Latina; ad meridiem Capena, & Trigemina; ad occasum Naualis, Ianiculensis, & Septimiana: reliquae septem urbis Leonianae sunt. & ceter

Epilogus Portarum omnium
urbis Romae

Portae urbis Romuli IIII

Porta Mucionis, alias Trigonia
 Porta Romanula, post Romana
 Porta Ianualis, post porta vetus Palatij
 Porta Carmentalis, post Scelerata, alias Tarpeia

Quattuor:

Quattuordecim portae urbis Romae; quae ante millesimum annum, Iustiniani imperatoris tempore fuerunt.

Quae praeter unam Aureliam, etiam nunc extant

Porta Flumentana, post Flaminia, nunc Populi
 Porta Collatina, postea Pinciana
 Porta Agonensis, post Quirinalis, deinde Collina, po-
 Porta Viminalis, nunc S. Hagnetis (stea Salaria
 Porta Labiufa, nunc S. Laurentij (Maior
 Porta Esquilina, alias Labicana, post Praenestina, nunc
 Porta Coelimontana, post Asinaria, nunc S. Ioannis
 Porta Ferentina, postea Latina
 Porta Capena, post Appia, nunc S. Sebastiani
 Porta Trigemina, post Ostiensis, nunc S. Pauli
 Porta Naulis, post Portuensis
 Porta Ianiculensis, post Pancratiana, uel S. Pancratij
 Porta Fontinalis, post Septimiana
 Porta Aurelia, prope molem Hadriani, quae nunc esse desijt

Aliae decem portae, quae forte tempore C. Plinij erant

Porta Querquetularia, vel Querquetulana in Viminali
 Porta Piacularis
 Porta Catularia
 Porta Minucia
 Porta Mugiona
 Porta Sanqualis
 Porta Naeuia
 Porta Rauduscula, alias Raudusculana.

Porta

Porta Lauernalis

Porta Libitinenfis

(numerum

Porta Triumphalis sub Vaticano, Transiberim extra

*Tres portae, quae quattuor urbis Romuli portis addi-
tae, forte erunt illae septem, quas Plinius suo tẽ-
pore esse desiisse scribit*

Porta Saturnia, post Pandana

Porta Ratumena

Porta Salutaris in colle Quirinali

Porta vero Stercoraria nõ urbis erat, sed Capitolij

Porta quoque Feneſtralis Palatij non urbis fuit

*Portae VII. Urbis Leonianae, alias
Burgi S. Petri*

Porta S. Spiritus

Porta Poſterula, alias Turrionis

Porta Pertuſa

Porta Palatij

Porta Viridaria, alias Iulia

Porta S. Peregrini, vel S. Petri

Porta S. Angeli prope molẽ Hadriani, alias P. Caſtelli

Viae antiquae Romanae extra urbem

Via Flaminia incipit a porta Populi, Ariminum vſque
progreditur

Via Aemilia Lepidi initium habet ab Arimino, Aequi-
leiam vſque protenditur

I

Via

- Via Cassia extra urbem initium habet a Flaminia
 Via Claudia, vel Clodia extra urbē iungitur Flaminiae
 Via Annia } extra urbem incidunt in Flaminiam
 Via Augusta }
 Via Cimina extra urbem initium habet a Flaminia
 Via Amerina incipit a Flaminia, Ameriamq; protēdit
 Via Sempronia in Umbria incipit a Flaminia (lia
 Via Postumia in Gallia togata, haud procul ab Aemi-
 Via Collatina initium habet Romae a porta Pinciana
 Via Salaria exijt Romae a porta Salaria
 Via Quinctia } extra urbem in Sabinis, haud longe a
 Via Iunia } Salaria
 Via Nomentana incipit Romae a porta S. Hagnētis
 Via Tiburtina } initium habent Romae a porta S.
 Via Gabina } Laurentij
 Via Praenestina } Romae a porta Esquilina, nunc
 Via Labicana } Maiore incipiunt
 Via Campana Romae incipit a porta S. Ioannis
 Via Valeria noua } prope urbem, vel Romae initium
 Via Valeria vetus } habebant, aut a porta S. Ioannis,
 Via Tusculana } aut prope eandem portam a via
 Campana
 Via Latina } Romae a porta Latina
 Via Albana }
 Via Appia Romae a porta Capena Brundisium usq;
 Via Traiana } (protena
 Via Numicia } a via, uel prope
 Via Setina } viam Appiam
 Via Domitiana }
 Via Alinaria inter Ardeatinam & Appiam
 Via Ardeatina Romae initium habebat

- Via Laurentina } Romae a porta
 Via Ostiensis } S. Pauli
 Via Portuensis Romae a porta eiusdem nominis
 Via Vitellia Romae a porta Ianiculensi, alias S. Pan-
 Via Aurelia vetus } Romae a porta (cratij)
 Via Aurelia noua } Aurelia
 Via Cornelia inter Aurelias, & Triumphalem
 Via Triumphalis
 Via Aimilia Scauri Pisis, per Tusciam usque Dertonā
 Via Pompeia in Sicilia
 Via Domitia in Gallia
 Viae duae Traianae }
 Via Patinaria }
 Via Tiberina }
 Via Gallicana } Viae incertae
 Via Gallica }
 Via Laticulensis }
 Via Flauia }

Viae intra urbem

- Via Sacra
 Via Noua
 Via Lata
 Via Noua alia
 Via Fornicata
 Via Recta
 Via Alta, quae & Alta semita

De uia Sacra

Sex. Pompeius, ex Verrio Flacco annotauit, in uiarum nominibus substantiuum in sermone praeponendum, ut dicatur uia Sacra, & uia Noua, non Sacra uia, aut Noua uia. Viae autem urbis interdum semitae dicebantur, ut Alta Semita, improprie uero plateae, ut ab Aelio Spartiano in Caracalli uita. De uia autem Sacra, quae inter urbanas nobilissima erat, & celeberrima, sic Varro libro III. scribit: Ceroliensis a Carinarum iunctu dictus Carinae, postea Ceronia, quod hinc oritur caput Sacrae uiae ab Streniae sacello, quae pertinet in arcem, qua sacra, quot quot mensibus feruntur in arcem, & per quam augures ex arce profecti solent inaugurare. Huius Sacrae uiae pars haec sola uulgo nota, quae est a foro eunti proximo cliuo. Et Sex. Pompeius: Sacram uiam quidam appellatam esse existimant, quod in ea foedus ictum sit inter Romulum & Tatiū. Quidam quod continue utantur sacerdotes Idulium sacrorum conficiendorum caussa. Itaque neque eatenus quidem ut uulgus opinatur sacra appellanda est a Regia ad domum regis sacrificuli, sed a regis domo ad sacellum Streniae, & rursus à Regia usque in arcem, nec appellari debere ait Verrius, * Sed distinctiue, ut ceteras uias Flaminiam, Appiam, Latinamue, ne nouam uiam quidem, sed uiam nouam. His uerbis appareret hanc uiam prope amphitheatrum principium habuisse, & per uicinos hortos S. Mariae nouae iuxta templum Pacis, & Faustinae recta in Capitolium tetendisse per arcum Seueri. In hac uia fuit Regia Numae, ut prodit Asconius. Summa quoque Sacra uia habitasse Ancum Marcium regem refert Solinus; Iuliumq; Caesarem in ea domū habuisse, prodit Tranquillus. Per uiam Sacram triumphantes in Capitolium aliquando ascendere sole.

solebant. Vnde Propertius libro II

Actiaq; in Sacra currere rostra uia

Idem quoque docet Horatius. In eadem, ut fit animi caussa, homines deambulare solebant. Vnde Horatius in sermonibus

Ibam forte uia Sacra, sicut meus est mos

Item populo se ostentabant aurae popularis studiosi, ut de Meana Pompeij Magni liberto, idem poeta in epodis

Vides ne Sacram metiente te uiam

Cum bis ter ulnarum toga

Vt hora uertat huc & huc euntium

Liberima indignatio.

Et de puella populo se praebente Propertius

Cui saepe immundo sacra conteritur uia socco

Nec sinit esse moram, si quis adire uelit

Vitellius inter forum & uiam Sacram, tamquam celeberrima urbis loca seminudus, quum ad necem traheretur, facinorosorum & seruorum more, per contumeliam illusus & uexatus est. Tacitus libro XX

In eadem uia propter frequentiam, res uiles ueniebant, ut poma, flabella, tesserae, & thali; auctoribus Varrone, Ouidio, & Propertio

Sacrauienses et Suburanenses, qui uiam Sacram, & Suburam habitabant, nominauit Sex. Pompeius. October (inquit) equus appellatur, qui in campo Martio, mense Octobri immolatur quot annis Marti, bigarum uicticum dexterior, de cuius capite non leuis contentio solebat esse inter Suburanenses, et Sacrauienses, ut ij in Regiae pariete, illi ad turrin Mamiliam adfigerent. Eiusdemque cauda tanta celeritate perfertur in Regiam, ut ex ea sanguis distillet in focum, participandae rei diuinac gratia, quas hostias hic quidam Marti bellico deo sacrari dicunt. Hanc autem diuersam a foro fuisse docet Plinius, quum ait libro XIX.

cap. I. Caesar dictator totum forum Romanum intexit, uiamq; Sacram ab domo sua, usque ad cliuum Capitolinum, quod mune re ipso gladiatorio mirabilius uisum tradunt. Templum Faustinae fuisse in uia Sacra refert Flavius Vopiscus in uita Gallieni minoris: Fuit denique haecenus statua in pede montis Romulei, hoc est ante Sacram uiam, intra templum Faustinae, aduecta ad arcum Fabianum, quae haberet inscriptum

GALLIENO. SALONINO. MINORI

Anastasius quoque bibliothecarius refert Felicem IIII. pont. max. templum urbis Romae ante Sacram uiam uertisse, dedicasseque in basilicam SS. Cosmae & Damiani

De uia Noua

Via Noua foro Romano iuncta fuit, ex Palatii parte; atq; haud longe a templo diuae Mariae Liberatricis principium habens in Velabrum desinebat. Varro: Accae Laurentiae sacrificium fit in Velabro, qua in Nouam uiam exitur, ut aiunt quidam ad sepulchrum Accae. Et Ouidius VI. Fastorum

Forte reuertebat festis Vestalibus illac

Qua noua Romano nunc uia iuncta foro est.

Et Liuius libro primo: Ex superiore (inquit) parte aedium per fenestras in nouam uiam (habitaui enim rex Tarquinius Priscus, ut Solinus ait, ad portam Mucionam supra summam nouam uiam) populum Tanaquil alloquitur. & alibi: Aedem Aijlocutij in uia Noua supra templum Vestae situm fuisse, de qua aede, quod in uia noua fuisset, mentionem facit & Varro. Ara (inquit) Aij est in infima Noua uia

De alia Noua via

Alterius nouae viae ijs uerbis meminit Spartianus: Caracallus Antoninus nouam uiam muniuit, quae est sub eius thermis Antoninianis, qua pulchrius inter Romanas plateas, non facile quicquam inuenias. Sed & Frontinus, aliae viae nouae mentionem facit

De via lata

Haec uia antiqua fuit, eamque unam ex XIII. urbis regionibus Augustus Caesar fecit, quae hodie quoque uetus nomen retinens superest, a macello Coruorum ad columnam Antonianam extēsa, & nostra aetate Romae est celeberrima. Huius uiae frequens mentio est apud Bibliothecarium

De via Fornicata

Viae Fornicatae meminit Plinius, quam prope Flaminiam fuisse liquet, ea parte qua steterunt septa, & ouile

De via Recta

Via Recta ducebatur per longitudinem campi Martij. Seneca in lusu de morte Claudij: Trahit (inquit) capite obuoluto, ne quis eum posset agnoscere, per campum Martium, & inter Tiberim & uiam Rectam descendit ad inferos. Haec uia prope Flaminiam fuit, ut ait Martialis libro VIII

*Dum repetit sera conductos nocte penates
Lingonus a Recta, Flaminiaque recens*

De via Alta

Haec in dorso Quirinalis est ab equis marmoreis initium
sumens usque ad portam Viminalem protensa, lapide quadrato
olim strata atque a situ Alta semita dicta, quam Augustus unam
ex XIII. urbis regionibus instituit

De ijs uero Suburana, Piscinaria, et Aelia nihil est quod apud
ueteres auctores inuentum tradere possim

De urbis Romae situ

Vrbs Roma (ut Dionysius prodit) in occiduis locata est Ita
lia partibus, iuxta amnem Tiberim, qui ad medium ferme littus
effluit, centum & uiginti stadijs hoc est XV. millia passuum a
Tyrreno mari distans, montes ut (inquit) Plinius septem com-
plexa. Quare Varro diem Septimontium nominatum prodit
ab eis septem montibus, in quibus urbs sita est. Et alibi: Vbi nūc
est Roma septem montium demissior infimus locus. Et Propertius
poëta elegans

Septem urbs alta iugis toto quae praesidet orbi. Vnde &
septem gemina a Statio dicitur. Hos colles Virgilius in Georgi-
cis, & in Epithalamio Ausonius propter regias sedes aliquando
in ijs constitutas, septem arces nominarunt. Virgilius enim ait

Septemque una sibi muro circumdedit arces

Nunc prolato pomerio Transtiberinisque adiunctis montibus,
decem colles includit, quorum situm, quoniam quae olim ual-
les locaque depressa erant, propter amplissimos superaedifica-
tos fornices, adeo montibus aequata sunt, ut aliquot montium
discrimen uix agnosci possit: uaria quoque eorum nomina, &
loca circumadiacentia, unde reliquae urbis cognitio apertior
fiat,

fiat, ipsorumque colium diuisio facilius cognoscatur, paucis an-
notare curabo. Hodie autem urbis moenibus inclusi sunt Pala-
tinus, Capitolinus, Quirinalis, Coelius, Esquilinus, Viminalis,
Auentinus, Collis hortulorum. Et Transtiberim, Ianiculum, &
Vaticanus

Mons Palatinus

Hic, urbe in eo primum condita, Romuli sedes fuit, unde &
Romulus a Trebellio Pollione dictus est. M. Varro lib. III.
de lingua Latina. Quartae regionis (inquit) Palatium, quod
Palantes cum Euandro uenerunt; aut quod Palatini, qui et A-
borigines ex agro Reatino, quod appellatur Palatium, ibi con-
federunt. Sed hoc alij a Palatia uxore Latini putarunt. Eun-
dem hunc locum a pecore dictum putant, quidam; itaque Nae-
uius Palantium appellat. Huic Germalum, & Velias coniunxe-
runt, & in hac regione Sacriportus est. & Sex. Pompeius:
Palatium mons Romae appellatus est, quod ibi pecus pascens
balare consueuerit, uel quod palare, id est errare ibi pecudes so-
lerent: quod Propertius & Ouidius affirmant. Alij quod Hy-
perborei filia Palanto habitauerit, quae ex Hercule Latinum
peperit; alij eundem quod Pallas ibi sepultus sit, existimant ap-
pellari. Dionysius uero libro primo eum a Palantio, uel ut Li-
uius, & Virgilius a Palanteo Arcadum metropoli ab Euandro
uocatum scribunt, post corrupte Palatium dictum. Solinus au-
tem: Palatium uero nemo dubitauit, quin Arcadas habeat au-
ctores, a quibus primum Palanteum oppidum conditum, quod
aliquandiu Aborigines habitauerunt. Sunt qui uelint eum dictum
a balatibus ouium mutata littera, uel a Pale pastorali dea, aut
ut Silenus probat, a Palante Hyperborei filia, quam Hercu-
les ibidem compressit nomen monti datum. Polybius eum a Pa-
lante Euadri filio dictum fuisse scribit. Nunc Palatium maius dicitur

tur. Huius montis pars Germali nomen habuit, alia uero Velia, in qua, ubi postea deum Penatium aedes facta est, habitauit Tullus Hostilius rex. In hoc monte fuit sedes imperij Romani, domusque Augustana. Ab Augusto enim deinceps omnes Romani imperatores in Palatio habitauerunt. Et quia imperij sedes in eo constituta fuit, cuiusuis principis aulam, aut splendidi hominis domum, Palatium nominamus. Aulam Palatinam in qua imperatores postea habitauerunt primus in domo Hortensiana instituit Caesar Augustus. Tranquillus in eius uita cap. LXXII. Habitauit (inquit) primo iuxta forum Romanum supra scalas Annularias, in domo quae Calui oratoris fuerat, postea in Palatio sed nihilominus aedibus modicis Hortensianis, & neque laxitate, neque cultu conspicuis, ut in quibus porticus breues essent Albanarum columnarum, & sine marmore ullo, aut insigni pavimento conclauia, ac per annos amplius XL. eodem cubiculo hyeme, & aestate mansit. Eam domum incendio consumptam restituisse Augustum prodit idem Tranquillus cap. LVII. Ex summa stipis ei anno nouo assenti collatae, multa in restitutionem Palatinae domus incendio absumptae contulit. Palatij partem auxit Tiberius Caesar, quae Tiberiana domus appellata est, cuius apud Cornelium Tacitum frequens mentio est. Caligula deinde, ut Tranquillus scribit, Palatij partem ad forum usque promouit, Castoris & Pollicis aede in uestibulum transfigurata. Alexander imp. diaetas in Palatio fecit, quas a matris nomine Mammaeas appellauit, ceteri praeterea imperatores Romani aliquid de nouo semper Palatio addidere, ita ut breui temporis spacio uisu augustissimum factum fuerit. Porro autem ante fores Palatinae domus erat laurus, & supra eas pendebat corona querna ciuica, quam Senatus Populusque Romanus Augusto donauit, ob ciues seruatos. De qua sic Valerius Maximus libro II. cap. III. ad Ti. Caesarem

sarem: Ceterum ad quercus pronæ manus porriguntur, ubi ob
ciues seruatos corona danda est, qua postes Augustæ domus
sempiterna gloria triumphant. Item Ouidius, & Dio
Palatium autem in suo splendore, & maiestate usq; ad tertij Va
lentiniani imp. tempora permanfisse, ex Sidonio Apollinare col
ligitur, post quæ a regibus Gothorum imperatoribus exactis,
quum habitari desisset, atque hinc inde ruinam minari incipe
ret, nec repararetur ab aliquo, immo a Romanis pontificibus
suis ornamentis spoliatum fuisset, ad exædificationem basilica
rum sanctorum Christi martyrum, eò redactum est, ut hodie suf
fossionibus, & subterraneis specubus totus sit quasi pensilis,
& aut ruinis deformis, aut hortis occupatus, ut nihil antiqui
splendoris præter ingentes parietinas retineat. Hic mons ad
ortum habet Suburam, & Coelium; ad occasum forum Roma
num, & Capitolium; ad meridiem circum maximum, & Auen
tinum; ad septemprionem uiam Sacram, & templum Pacis

De Capitolio

Capitolium T. Tatij Sabini regis quondam sedes, & Tarpe
ius, & Saturnius dictus est. De eo Varro sic: Sunt & nomina
(inquit) ab tot montibus, quos postea urbs mureis comprehen
dit: e quæis Capitolium dictum, quod hic quum fundamenta fo
derentur ædis Iouis, caput humanum inuentum dicitur. (quem
Tolum appellatum fuisse scribit Arnobius, atque ab eo Capito
lium dictum) Hic mons ante Tarpeius dictus, a uirgine Vestali
Tarpeia, quæ ibi a Sabineis necata armeis, & sepulta: eius no
minis monimentum relictum, quod etiam nunc eius rupes Tar
peium appellatur saxum. Hunc antea montem Saturnium ap
pellatum prodiderunt, & ab eo late Saturniam terram, ut etiã
Ennius appellat. Antiquum oppidum in hoc fuisse Saturniam
scribitur.

scribitur. Eius uestigia etiam nunc manent tria: quod Saturni fanum in faucibus, quod Saturnia porta, quam Iunius scribit, quam nunc uocant Pandanam, quod post aedem Saturni in aedificiorum legibus parietes postici muri sunt scripti. Hinc Virgilius loquens de Ianiculo & Capitolio inquit

Hanc Ianius pater, hanc Saturnus condidit urbem
Ianiculumq; illi, huic fuerat Saturnia nomen. & alibi
Hinc ad Tarpeiam sedem, & Capitolia ducit
Aurea nunc, olim siluestribus horrida dumis.

Propertius etiam libro VIII

A duce Tarpeio mons est cognomen adeptus
Porro ante urbem conditam, ibidem fuisse extructum oppidum Saturniam etiā superius ex Dionysio demonstraui, a socijs Herculis habitatum, qui in Saturni honorem, quem eum montem coluisse constabat, Saturnium appellauerunt. Quod Plinius & Solinus confirmat. In parte uero huius montis infima uersus Tiberim habitaculum Carmentae matris Euandri fuit, ubi postea Carmentis fanum, & porta Carmentalis fuerunt. Aedem autem Saturni, quae & aerarium fuit, Herculis socij in eius dei honorem excitarunt. Capitolium (ut dixi) postea appellatum est ab hominis Toli capite inuento in fundamentis templi Iouis, qui propterea Capitolinus dictus est. Nunc palatijs praetoris urbani (quem Romani senatorem uocant) triumuirorum camerae urbis conseruatorum, & templo Ara coeli, & aliquot praeterea uetustis monumentis celebris est. Habet autem ad ortum forum, & montem Palatinum; ad occasum urbem planā; ad Aquilonem Traiani forum, & Quirinalem; & ad meridiem Auentinum, Tiberim, & theatrum Marcelli: &c. Hunc collem cum Palatino, sub Palatij VIII. regionis nomine Augustus a ceteris urbis partibus distinxit

De colle Quirinali

Collis Quirinalis, qui a Romulo, ut Strabo, uel a Numa, ut Dionysius; aut a Seruio, ut Liuius scribunt, urbi adiectus fuit, (ut inquit Varro) est ubi Quirini fanum; qui a Curetibus, qui cum T. Tatius uenerunt Romam, quod ibi habuerunt castra. Quod uocabulum coniunctarum regionum nomina oblitterauit. Dictos. n. colles pluribus apparet ex Argeorum sacrificijs; in quibus sic scriptum est: Collis Salutaris quarticeps eos aedem Quirino: Collis Salutaris quarticeps eos aduersum est pila Honoris aedem salutis. Collis Mutialis quinticeps eos apud aedem dei Fidis in delubro, ubi aeditumnus habere solet. Collis Latiaris sexticeps in uico Mustellario summo apud Turaculum aedificium solum est. Horum deorum arae, a quibus cognomina habent, in eius regionis partibus sunt. Ex quibus Varronis uerbis liquet hunc montem Salutarem, Mutialem, & Latiarem appellatum fuisse. Et Sex. Pompeius: Quirinalis collis, qui nunc dicitur, olim Agon appellabatur, antequam in eum commigrarent Sabini, Curibus uenientes post foedus inter Romulum & Tatium ictum, a quo hanc appellationem sortitus est, quamuis existiment quidam, quod in eo factum sit templum Quirino, ita dictum. & alibi: Agonia sacrificia quae fiebant in monte, hinc Romae mons Quirinalis Agonius, & Collina porta Agonensis. Dionysius quoque libro II. hunc collem Agonalem uocat, Saliosque sacerdotes Martis in eo domicilium sacrariumque habuisse scribit: Quidius secundo Fastorum

Templa deo faciunt, collis quoque dictus ab illo est.

Horatius secundo libro Epistolarum

Cubat hic in colle Quirini

Hic extremo in Auentino uisendus uterque

In hoc monte prius Numam habitasse scribit Solinus. Capitoliumque uetus in eo fuisse constat; de quo Varro: Capitolium uetus, quod ibi sacellum Iouis, Iunonis, Mineruae: & id antiquius quam aedes quae in Capitolio est facta. Nunc dicitur mos Caballus, a duabus statuis marmoreis Alexandri Magni regis Macedonum equum Bucephalum domantis; quas Alexandria Constantinus imp. Romam transtulit, atque in medio thermarum a se in Quirinali extructarum collocauit, quarum altera Fidae, altera Praxitelis manu factae sunt, ut titulus indicat. Collis hic habet ab ortu Esquilias, & Viminalem; ab occasu urbem planam, & campum Martium; a meridie Neruae, & Traiani fora, atque Capitolium; a septentrione collem hortulorum, & portam Viminalem. Diuiditur a Viminali valle plana, & falsa Subura, ac via quae ab eadem ualle ad portam Viminalem recta progreditur; ab alio latere quadam magna valle ubi sunt Grimanorum & Boccatianae uineae, uiaque qua ab arcu Portugalli iter est ad hortos Cardinalis Carpenfis, diuaeque Susannae aedem: licet quidam existiment viam, quae ad portam Colatinam ducit esse utriusque collis terminum. In hoc colle fuit praecipua sextae regionis pars, quae Alta semita dicebatur.

De monte Coelio

Montis Coelii (quem primum Romulum muniuisse; pomerio uero Tullum, ut Dionysius & Linius, uel Ancum ut Strabo, uel Tarquinium ut Tacitus inclusisse scribunt) sic meminit Varro: In Suburanae regionis parte princeps est Coelius mons, a Coelio Vibenko Tusco duce nobili, qui cum sua manu dicitur Romulo uenisse auxilio contra Sabinum regem. Hi post Coelii obitum, quod nimis munita loca tenerent, neque sine suspitione essent,

essent, deducti dicuntur in planum, ab eis dictus Vicus Tuscus; & ideo ibi Vortumnus stare, quod is deus Etruriae. Principes de Coelianeis, quia suspicione liberi erant, traductos uolunt in eum locum, qui uocatur Coeliolus. Cum Coelio coniunctae Carinae; sed inter eas quæ locum Ceroliensem appellatum apparet, quod primae regionis quartum sacrarium scriptum. sic est: Ceroliensis quarticeps circa Mineruium; qua in Coelium montem itur, in Tabernola est. Ceroliensis a Carinarum iunctu dictus Carinae, postea Cerionia, quod hinc oritur caput Sacrae uiae, ab Streniae sacello, quae pertinet in arcem. Eisdem regioni attributa Subura, quod sub muro terreo Carinarum; in ea est Argeorum sextum sacellum. Subura Iunius scribit ab eo, quod fuerit sub antiqua urbe, cui testimonium potest esse, quod subest ei loco, qui terreus murus uocatur. Sed ego a pago potius Sucufano dictam puto Sucufam. Nunc scibitur tertia littera B. non C. Pagus Sucufanus, quod succurrit Carineis. Dionysius libro II: A duce quodam ex Etruria ueniente; cui nomen erat Coelius, unus collium urbis, in quo ab eo ædificatum fuit, adhuc Coelius uocatur. Sex. uero Pompeius: Coelius mons dictus est a Coele quodam ex Etruria, qui Romulo auxilium aduersus Sabinos praebuit, eo quod in eo domicilium habuit. Tacitus libro. IIII: Adduntur sententiae, ut Coelius in posterum Augustus appellaretur, quando cunctis circumflagentibus sola Tiberij effigies sita in domo Iunij senatoris, inuiolata mansisset. Haud fuerit absurdum tradere, montem eum, antiquitus Querquetulanum cognomento fuisse, quod talis siluae frequens fecundusque erat, mox Coelium appellatum a Coele Vibenna, qui dux gentis Etruscae, quum auxilium appellatum ductuisset, sedem eam acceperat a Tarquinio Prisco, seu quis alius regum dedit, nam scriptores in eo dissentiunt; cetera non ambigua sunt, nam magnas eas copias per plana etiam, ac foro propinqua

qua habitauisse, unde Tuscum uicium e uocabulo aduenarum dictum. Et Tranquillus cap. XLVIII. de Tiberio loquens: Quod tamen (inquit) beneficium tanti aestimauit, ut montem Coelium appellatione mutata uocari Augustum iusserit: quod is post incendium, quibusdam dominis insularum, quae incendio in monte Coelio flagrauerant, pretium restituerit. Augustum uero appellatum fuisse alibi non legi. Nostra aetate adhuc Coelius appellatur, basilica Lateranensi insignis. In eo ultimis regni sui annis habitauit Tullus Hostilius, ut scribit Linius, cuius quoque regia in monte Coelio fuit Curia Hostilia appellata. Hic ab oriente habet urbis moenia, terminumque Esquilinae regionis, portam Esquilinam, & amphitheatrum, (non Statilij Tauri, quod lapideum, & in campo Martio erat, ut Dio, & Sex. Rufus scribunt sed castrense) quod lateritium est. Ab occidente habet Suburam, & montem Palatinum; Suburam autem ex Varronis, Sex. Rufi, & P. Victoris auctoritate, uoco uiam illam, quae est inter Coelium, & Palatium; quae amphitheatrum, & arcum Constantini ex uno capite habet, ex altero uero Septizonium Seueri, atque SS. Andreae & Gregorij in cliuo Scauri basilicam. A Septemptrione autem habet, Carinas, Coeliolum, & Esquilias: Coeliolum autem uoco, planitiem illam quae est inter amphitheatrum, & basilicam S. Clementis, Coelum ipsum & Esquilias. A meridie autem habet Piscinam publicam, & Vallem quae est ante uiam Appiam, quae prope Septizonium Seueri inchoans, uersus portam Capenam protenditur. In hunc montem secundam urbis regionem Coelimumontium appellatam, Augustus Caesar posuit. Coelioli autem praeter Varronem meminit etiam Martialis lib. XII. ad Iuuenalem, quem minorem Coelium appellat his uersibus

Dum per limina te potentiorum
Sudatrix toga uentilat, uagumque
Maior Coelius, & minor fatigat

De Esquilino monte

Esquilias plures montes fuisse, ijs uerbis docet Varro: Esquiliae duo montes habiti, quod pars Cispinus mons suo antiquo nomine etiam nunc in sacris appellatur. In sacris Argæorum scriptum est sic: Oppius mons princeps lucum Esquilinum, lucum fagutalem sinistra, quae sub moerum est. Oppius mons bicepsos simplex. Oppius mons terticepsos lucum Esquilinum, dexterio uia in tabernola est. Oppius mons quadicepsos lucum Esquilinum uia dexterio in figlineis est. Septimius mons quinticepsos lucum Poetillum. Esquilinus sexticepsos. Cispinus mons septicepsos, apud aedem Iunonis Lucinae, ubi aeditumus habere solet. Vnde autem dictae fuerint, sic exponit: Secundae regionis Esquilinae ab Esquilieis, alij has scripserunt ab excubijs regis dictas; alij ab eo, quod excultae a rege Tullo essent. Huic origini magis concinnunt luci uicini, quod ibi lucus fagutalis, & lucus Mephitis, & lucus Iunonis Lucinae, quorum angusti fines, non mirum. Iam diu enim late auaritia una est. Item lucus Larum, Querquetulanum sacellum. Ouidius tertio Fastorum

Adde quod excubias ibi rex Romanus habebat

Qui nunc Esquilias nomina collis habet

Et libro secundo

Monte sub Esquilio

Et Horatius in sermonibus

At simul atras

Ventum est Esquilias

Alij Esquilias dictas produnt, ab excubijs quas Romulo Lucumo dedit XII. licitorum, & CCC. armatorum, ad corporis custodiam, simulq; dignitatē; cum T. Tatiis infidae societatis nō

K sine

sine suspitione esse uideretur. Alij ab aucupibus Esquilias di-
ctas esse arbitrantur, quod ibi quisquilijs sparsis, aues illuderen-
tur. In Esquilijs supra cliuum urbicum Ser. Tullius; & supra
cliuum publicum secundum lacum L. Tarquinius Superbus
Romani reges habitarunt, ut Solinus scribit. Hic mons ab ortu
urbis muros uersus aggerem, & castrum praetorium, portas
Gabijsam, & Esquilinam attingit; a meridie uiam illam habet,
quae ab amphitheatro in Carineis principium habet, per Coe-
lioli extremam partem usque ad S. Clementis & SS. Marcelli-
ni & Petri aedes, uersus portam Esquilinam protenditur; atq;
antequam eam attingat, paulatim deflectitur prope templum
S. Crucis in Hierusalem, quod cum amphitheatro castrense pro-
ximo, in regionem Esquilinam coniicit Sex. Victor. Hanc uiam
plerique Lauicanam uocant. Ab occasu uiam habet, quae in Ca-
rineis prope Suburam, non longe ab amphitheatro, sub muro
hortorum S. Mariae nouae principium habens, uersus S. Petri
in Vinculis aedem progreditur. Ab Aquilone uero uiam habet,
quae a falsa Subura discedens, deducitur per uallem planam,
sub templo S. Laurentij in pane & perna, usque ad uicum pa-
tricum, diuaeque Pudentianae aedem; mox inde discedens se-
cus Diocletiani thermas, ad castrum praetorium tendit. Qua
uia diuiduntur Esquiliae a Viminali. Nunc mons S. Petri ad uin-
cula, uel S. Mariae maioris, ab eorundem templis appellatur

De Viminali monte

Viminalis quoque montis meminit M. Varro: Tertiae (in-
quit) regionis colles ab quinque deorum faneis appellati. E-
queis nobiles duo colles, Viminalis a Ioue Viminio, quod ibi a-
rae sunt eius, aut quod ibi uimineta fuerunt. Et Sex. Pompe-
ius: Viminalis et porta & collis appellabantur, quod ibi uimi-

nū silua fuisse uidetur, ubi est ara in uimino consecrata. Iuuenalis Sat. III.

Esquilias dictumque putant a uimine collem
Cuius autem generis haec uimina fuerint nemo prodit. In locis incultis, quae hortos aut uineta non habent, nunc populi & salicum uimina & harundines pollicis crassitudine nascuntur. Hic mons in ortum tendens habet campum Esquilinum, & urbis muros cum castris praetorijs; in occasum uero Quirinalem, falsam Suburam, & uallem planam interiectam; in meridiem Esquilias, uiamque interpositam, de qua dixi, quae a falsa Subura initium habet, tenditque uersus uicum patricium, & secundum thermas Diocletiani, ad castrum praetorium. A septemprione urbis muros, uersus portam Viminalem, quae S. Hagnetis dicitur, nunc certum quoddam nomē non habet: Hunc collem cum Esquilij quinctam urbis regionem fecit Caesar Augustus, | quum spaciū urbis in uicos, XIII. que regiones diuideret

De monte Auentino

Auentinum (inquit) Varro, aliquot de causseis dicunt. Naeuius ab auibus, quod se ab Tiberi ferrent aues: alij ab rege Auentino Albano, quod ibi sit sepultus; alij ab aduentu hominū, quod commune Latinorum ibi Dianae templum sit constitutū: ego maxime puto ab aduectu; nam olim paludibus mons erat, ab reliquis disclusus; Itaque eo ex urbe qui aduehebantur ratibus, quadrantem soluebant. Cuius uestigia, quod ea qua tum itur Velabrum, & unde ascendebant, ad rumam noua uia lucus est, et sacellum Larum. Velabrum dicitur a uehendo, uelaturam facere etiam nunc dicuntur, qui id mercede faciunt. Merces dicitur a merendo & aere. Hinc uecturae quas soluebant hi, qui ratibus transibant, quadrans: ab eo Lucilius scripsit quadrantis

tis ratiti. Sex. Pompeius: Auentinus mons intra urbem dictus est, quod ibi Albanorum rex Auentinus bello fuerit extinctus. Idem confirmant Dionysius, Liuius, & Ouidius. Alij, ut refert Varro, in libris de gente populi Romani, ab Auentē Sabinorū fluuiū dictum uolunt, quibus in urbem susceptis, Romulus Auentinum habitandum concessit. Eum Virgilius ab auibus dictum scribit, quod id nomē ante Euandri et Herculis in Italiam aduentum habuerit: quod alio loco confirmare uidetur Ouidius. Sex. Pompeius: hunc montem aliquando Murcium uocatum sic scribit: Murciae deae sacellum erat sub monte Auentino, qui antea Murcius uocabatur. In eius summo lucus erat, qui Remoria dicebatur, ubi Remus de urbe condenda fuerat auspicatus. Quē montem Romulus neminem passus est habitare, sed sacrum fra tri esse uoluit, usque ad Hylernam. Appellatus quoque est a Dianae templo, collis Dianae. Martialis lib. XII

Quum tu forsitam inquietus eras

Clamofa Iuuenalis in Subura

Aut collem dominae teris Dianae

Et idem libro VII. ad Maximum

Esquilijs domus est, domus est tibi colle Dianae

Auentini, & T. Tatij regum sepulchris celebris fuit. In hunc montem aliquando plebs secessit, ut Dionysius, & Liuius scribunt. Hinc Plinius libro XIX. cap. IIII. Nemo sacros, Auenti nosque montes, & iratae plebis secessus circumspexerit. Sacer autem mons haud longe ab urbe secundum uiam Salariam, prope Anienem fuit. Fuit & alter mons Auentinus ad Verrestim fluuium, in quo conditum oppidum Praeneste. Hūc montem unā ex XIII. urbis regionibus fecit Caesar Augustus. Qui propter longitudinem, & obliquitatem certo describi nequit, sed tamen tentabo. Ad orientem in meridiem declinantem respicit moenia urbis, & portam Capenam, altera parte uiam Appiā; ad

ad meridiem campum Testaceum, & portam Ostiensem; ad occidentem fluuium Tiberim; ad septemptrionem circum maximum, & Palatium. Nostro quoque tempore Auentinus appellatur. Qui a capite circi maximi uersus Piscinam publicam ad portam fere S. Pauli usque, sic uia obliqua scinditur, ut duo montes uideantur

De reliquis tribus collibus urbis. Et
primo de colle hortulorum

Collis hortorum, siue hortulorum meminit Tranquillus in Nerone; quā de eius funere loquitur. Reliquias (inquit) Aegloge & Alexandria nutrices cum Acte concubina gentili Domitiorum monumento condiderunt, quod prospicitur e campo Martio impositum colli hortorum. In eo monumento solium porphyretici marmoris superstante Lunēsi ara, circumseptum est, lapide Thasio. Et de hoc colle Macrobius loquens ait: Candidatis fuerat usus in comitium nundinis uenire, & in colle consistere, unde possent ab uniuersis uideri, mox quoque in campū Martium magistratum petaturi descendebant. Dictus autem est hortorum uel hortulorum, a proximis (ut credo) hortis Salustianis, qui & Pincius uocitatus est, quod ibi Pinciorum domus essent. Haec familia circa Constantini tempora nobilissima admodum in urbe fuit, ut pleraque testantur elogia, hinc inde per urbem posita, quae eius gentis uiris & feminis honorificentissimis titulis dicata sunt, a qua & proxima porta Pinciana dicta fuit. Hic antiquitus extra urbis moenia erat, & idcirco extra VII. numerum. Quem Aureliani imp. tempore urbis Pomerio inclusum fuisse superius demonstraui. Habet hic collis ab oriente Quirinalem, cui contiguus est, uia tantum qua Collatiam portam iter discretus; ab occidente campum Martium,

& Domitiani (ut creditur) naumachiam; uiamque Flaminiã; a meridie uiam (quam Pilam Tiburtinam ueteres antiquarij uocarunt) qua ad hortos Cardinalis Carpensis iter est, a septem-
ptrione urbis moenia. Nunc templis diuæ Mariae de populo,
& S. Trinitatis celebris est

De Ianiculo Transiberino monte

Ianiculum (inquit Sex. Pompeius) dictum quod per eum Romanus populus primitus transferit in agrum Etruscum. Vel ut ait Virgilius libro VIII. ab oppido, quod Ianus deorum omnium uetustissimus condidit

Hic duo praeterea, disiectis oppida muris

Reliquias, ueterumque uides monumenta uirorum

Hanc Ianus pater, hanc Saturnus condidit arcem

Ianiculumque illi, huic fuerat Saturnia nomen

Macrobius autem a Iano dictum putat, quod Ianus ibi uel sit sepultus, uel habitauerit. Qui participata potentia cum Camefe indigena, Italiam ita obtinuit, ut regio Camefene, oppidum Ianiculum uocaretur. Ianicularis autem à Seruio uocatus. Nunc a flauis harenis mons aureus nominatur, & corrupto uocabulo Montorius. Ex hoc propter altitudinem Roma maxime conspicua, ceteris autem infrequentior est, ob aëris grauitatem, quod utrunque testatur etiam libro primo Martialis

Longo Ianiculi iugo recumbunt

Et planus modico tumore uortex

Coelo perfruitur serenior

Hinc septem dominos uidere montes

Et totam licet aestimare Romam

Fuit autem Numae Romanorum regis, ut Dionysius, & Livius; itemque Statij Caecilij poetae, ut Caesariensis Eusebius
pro-

produunt, sepulchris celebris. In hunc aliquando plebem secessisse Romanam, & a Q. Hortensio dictatore reuocatam scribunt Plinius libro XVI. & Liuius. In eodem, ut scribunt Liuius, & Dionysius, Italicusque Silius, rex Tuscorum Porsetina castra habuit. Hic ab ortu meridieque prata Mucia, & portam Portuensem, ac Tiberim respicit. Ab occasu habet campos, urbis muros, & portam Ianiculensem, uel Pancratianam; a septemtrione respicit Vaticanum, camposque Neronianos

De Vaticano monte

Et hic Transiberim est, qui olim habitatus non fuit, nec ad urbem pertinuit. Gellius scribit agrum Vaticanum, & eiusdem agri deum praesidem appellatum a uaticinijs, quae ui, & instinctu eius dei in eo agro fieri solita essent. Varro autem in libris rerum diuinarum aliam etymologiam sic ponit: Nam sicut Aius (inquit) deus, araque ei statuta, quae est in infima uia noua, quod eo in loco diuinitus uox edita erat: ita Vaticanus deus nominatus, penes quem essent uocis humanae initia, quoniam pueri simul atque parti sunt, eam primam uocem edunt, quae prima in Vaticano syllaba est. Sex. uero Pompeius: Vaticanus (inquit) collis appellatus est, quod eo potitus sit populus Romanus uatum responso, expulsis Etruscis. De hoc monte Horatius primo carminum ode XX.

Care Maecenas eques, ut paterni

Fluminis ripae, simul & iocosa

Redderet laudes tibi Vaticani

Montis imago

Et Martialis saepius, cuius uina pessima fuisse scribit. De uetustissima Ilice quae in eo fuit Plinius sic: Vetusior urbe in Vaticano Ilex, in qua titulus aereis litteris Etrusceis, religione ar-

borem iam tunc dignam fuisse significat. Hic mons ad ortum spectat campos Vaticanos, & Hadriani molem, flumenque: ad occasum campos Neronianos, in quibus ex creta, & argilla uasa fiunt, ab usque Iuuenalis, & Plinij temporibus nota. Ad meridiem Ianiculum; ad septemptrionem prata Quinctia, & montem Marij. Nunc Principis apostolorum basilica, toto terrarum orbe augustissima, palatio, hortisq; pontificijs, item simulachris Tiberis, & Nili fluuiorum, statuis quoque Laocoontis, Apollinis, Veneris, Cleopatrae, et aliquot praeterea uetustis monumentis celeberrimus est.

Porro autem ij montes iam rarissimi habitantur, maxima ex parte hortus, uineis, & dispersis hinc inde templis, aut claustris religiosi occupati, aut ueterum aedificiorum ruinis obruti. Vtustissimis temporibus, ut scribit Propertius, urbs colleis, & herba fuit. Inquit enim

Hoc quodcunque uides, hospes quàm maxima Roma est
Ante Phrygem Aeneam collis, & herba fuit
Atque ubi nauali stant sacra palatia Phaebo
Euandri profugae procubuere boues

Nemora quoque & pascua habuit Palatinus, ut scribit Tibullus; Capitolinus dumetum ut Virgilius; Esquilinus, Quirinalis, & Viminalis uimina, & siluam fageam, ut Varro; Coelius quercetum ut Tacitus; Auentinus lauretum ut Solinus; Ianiculum esculetum, ut Plinius prodidere. Qui omnes (quae rerum humanarum imbecillitas & uicissitudo est) praeter unum aut alterum, ad antiquum statum redierunt. Palatinus enim a nullo habitatus collis, iam herba factus est, & in foro Romano sues ueneunt, in reliquis montibus harundineta, uineae, & animalium pascua sunt. Vt demum intelligat uana mortalitas, nihil esse imbecilius, aut inconstantius, ruinisque, & interitui magis obnoxium ijs ipsis rebus quas tantopere, ut diuinas, aetere

ternasque miramur. Vrbs enim antiquis sedibus mota, ueteremque pomerio exacta, & ex his VII. montibus mutilata in campum Martium secundum Tiberim translata est. Quod quas ob causas, quo tempore, & a quibus factum fuerit, alibi suo loco demonstrabo

De urbis regionibus

Vrbem Romam in tres regiones, quas etiam tribus appellauit, & XXX. curias, primus Romulus diuisit, ut Dionysius, & Liuius scribunt. Eas Varro partes appellat. Ager Romanus (inquit) primum diuisus in partes tres, a quo tribus appellatae, Tatiensium, Ramnum Lucerum nominatae, ut ait Ennius Tatienses a Tatio, Ramnenses a Romulo, Luceres, ut ait Iunius a Lucumone, sed omnia haec uocabula Tusca, ut Volumnius qui tragoedias Tuscas scripsit dicebat. Liuius eas centurias equitum uocat, quod ex singulis ijs tribubus centum equites scripti essent. Eodem (inquit) tempore, & centuriae tres equitum conscriptae sunt, Ramnenses a Romulo, ab T. Tatio Tatienses appellati: Lucerum nominis & originis causa incerta. Pedianus actione III. in Verrē: per quinque & triginta tribus diuidebatur totus populus Romanus. Principio tres fuerunt, Tatiensis una a Tatio rege, Ramnensis altera a Romulo, Luceres altera a Lucumone, siue Lucretino, uel a luco, quem lucum Asylum uocauerat Romulus. Eam Pediani sententiam, qui Luceres a luco dictos fuisse scribit, magis probo, quā omnino uerā esse existimo. Nam hi qui cum Romulo primo urbem condiderunt, ut pastores, Albani, aliquot Graeci: qui tum Palatium, & Capitolium habitabant, Ramnenses a Romulo fuerunt nominati, qui Palatium post conditam urbem, & Coelium montes coluerunt. Tatienses autem fuerunt

Sabia

Sabini, & quotquot ab ea regione, uel cum T. Tatio, uel postea uenerunt; hi Capitolium & Quirinalem coluerunt; ceteri ad uenae et perfugae omnes qui ad Asylum confugerant, Luceres a luco in quo Asylum fuit, denominati sunt. Hi loca inter Palatium & Capitolium plana, atque circum forum tenuere. Sub Tullo Hostilio Albani in Ramnēsum tribum uel regionem adscripti, ceteri omnes populi qui sub regibus Romam uenerunt ad habitandum (praeter Sabinos) Lucerum tribui uel regioni inclusi fuerunt, ut Latini, Tufci, & omnes reliqui aduenae. Quare quum vrbs mirum in modū aucta esset, neque hae tres tribus sufficerent L. Tarquinius Priscus (ut existimo) sub iisdē quibus inauguratae erāt nominibus eas duplicauit primosque et secundos Tatienses, Ramnenses & Luceres constituit, quod idē ēt de equitū cēturijs L. Iuio, et Dionysio auctorib. fecit. Eius rei ita meminit Sex. Pompeius: Sex Vestae sacerdotes constitutae erant, ut populus pro sua quisque parte haberet ministrā sacrorum, quia ciuitas Romana in sex erat distributa partes, in primos secundosque Tatienses, Ramnes, & Luceres. Et L. Iuuius libro I. Neque tum Tarquinius de equitum centurijs quicquam mutauit, numero tantum alterum adiecit, ut mille octingenti equites in tribus centurijs esset, posteriores modo sub iisdem nominibus, qui additi erant appellati sunt: quas nunc quia geminatae sunt sex uocant cēturias. Post modum crescente Lucerū multitudine quū ea una tribus, uel regio mirū in modū aucta esset, ita ut ea sola reliquas duas longe excederet, aucta quoque ciuitate, quum urbis moenia VII. montibus occupatis ampliata fuissent, Ser. Tullius rex denuo urbem in IIII. partes uel regiones secundus diuisit. Quas non ut Romulus ab auctore, uel gentis origine, siue casibus, sed a locis quos colebant nominauit. In primam regionem cōiecit omnes, qui montem Coelium et circumuicina loca plana habitarent, quam Suburanam appel-

appellauit ; quod esset sub antiqua urbe , uel a pago Sucusano , ut scribit Varro . Secunda regio dicta est Exquilina , haec Exquilias continebat . Tertia regio duos colles comprehendebat Quirinalem uidelicet , & Viminalem a quibus Collina appellata est . Quarta regio sola , complectebatur fere totum id spacium , quod antiquae tres sub Romulo ; continebat enim Palatium , forum , & Capitolium ; dictaque Palatina a Palatio ipso tanquam primo colle , in quo urbs condita esset . Ab his regionibus tribus quoque quattuor urbanae appellatae sunt . M. Varro , ab hoc quoque (inquit) quattuor partes urbis tribus dictae , & ab locis . E quibus prima est scripta regio Suburana , secunda Esquilina , tertia Collina , quarta Palatina . Et Dionysius . Ser . igitur Tullus ubi muro septem colles complexus est , in quattuor parteis urbem diuidens , & cognomina cuique parti imponens ex collibus , unam quidem uocans Palatinam , aliam Suburanam , tertiam Collinam , & quartam Esquilinam , quattuor tribuum fecit urbem , quae eo usque fuerat trium . Statuitque homines qui in unam quamque partem abituri essent , ut eam colerent , et in nullā aliam transferri habitationem . Neque amplius ut tres tribus generis , siue originis , ut antea , sed quattuor locales a se designatas esse uoluit , creauitque partibus singulis principes tribuum , siue uicorum praefectos , quos scire iussit , ubi quisque habitaret . Hanc uero Ser . Tulli diuisionem usque ad Caesaris Augusti tempora durasse legi , qui , quā urbs maxime aucta esset , nouam diuisionem excogitauit ; spacium enim urbis (ut Tranquillus inquit) in regiones XIII . uicosque diuisit ; instituitque ut illas annui magistratus sortito tuerentur , hos magistri e plebe cuiusque uicinia electi . & cet . Hi magistri uicorum uel uicomagistri appellati sunt , qui quattuor per singulos uicos erant , ut constet ex lapide antiquo . Magistros uicorum praetextatos ludos compitalitios facere solitos

tos fuisse scribit Asconius in L. Pisonem. Cōpitalitij autem ludi erant, qui per compita regionum in deorum larium honorem fiebant. Per regiones quoque singulas curatores duos, & duos denūtiatores creauit. Curatorum munus erat procurare apud principem commoda regionum, decorem, & elegantiam uiarum, & uicorum urbis, ne a priuatis nouis aedificijs interrūperentur providere, & alia eiusmodi facere, quae nostro tempore Romae magistri uiarum. Denuntiatorum uero officium erat, quicquid regioni tam publice quam priuatę accideret denuntiare. Urbem autem in XIII. regiones diuisam fuisse praeter Plinium, Sex. Rufum, & P. Victorem docet quoque Tacitus de incendio loquens Neroniano. In regiones (inquit) quatuordecim Roma diuiditur, quarum quattuor integræ manebant, tres solo tenus deiectae, septem reliquis pauca tectorum uestigia supererant, lacera & semiusta. Testatur idem quoque haec antiqua inscriptio, quae Romae in Capitolio sub porticu palatij conseruatorum adhuc in antiqua marmorea basi iacet

IMP. CAESARI. DIVI
 TRAIANI. PARTHICI. FIL
 DIVI. NERVAE. NEPOTI
 TRAIANO. HADRIANO
 AVG. PONTIF. MAXIMO
 TRIBVNIC. POTESTAT. XX
 IMP. II. COS. III. P. P
 MAGISTRI. VICORVM. VRBIS
 REGIONVM. XIII

Has regiones breuissime descripserunt P. Victor, & Sex. Rufus uiri consulares. Libellus P. Victoris mutilus, & deprauatus excusus est, quem ego centum uersiculis auctiorem, emendatissimumque cum libello Sex. Rufi, qui nondum ab ullo uulgatus est, huic operi adiiciam, ut per quos profecerim omnes

cognoscere possint. Porro autem P. Victoris liber integer superest. Sex. autem Rufi deest finis, de quibus suo loco in eorum praefationibus uerba faciam. Huic autem meae urbis descriptioni, integros illos duos libellos inclusi, utriusque ordinem sequutus, in recensendis urbis regionibus, quos deinde ex antiquis probatisque auctoribus sexcentis locis auxi. In eis autem enumerandis quae per singulas regiones erant, eorum ordinem non admisi, sed quandam mihi commentus sum rationem, quam ijs tradendis rebus commodissimam esse existimaui, ut facile legentes cognoscere poterunt. Primo enim loco regionis nomen, deinde montes, insulam, uias intra urbem, riuos, aquas, si quae erunt ponendae; cliuos, uicos, uicomagistros, curatores, denuntiatores, cohortes uigilum, nomina locorum publicorum, uel incertorum; deinde lucos, templa, aedes, aediculas, porticus, ianos, uel aeanos, atria, areas, sacra, sacella, delubra; nomina ceterorum locorum sacrorum, aras, signa, statuas, deorum, hominum, uel animalium: hippodromos, equiria, circos, obeliscos, stadia, factionum stabula, theatra, amphitheatra, ludos, naumachias; aedificia reliqua publica incerta, fora, caenacula, curias, basilicas, regias, comitia, septa, carceres, reliqua publica aedificia profana; Castra siue stationes, campos, hortos, scholas, tabernas, aquas, thermas, balinea, lymphaea, nymphaea, lauacra, lacus, fontes, bibliothecas, arcus, columnas, septizonia, sepulchra, emporia, macella, horrea, pistrina, domus, insulas, & postremo regionis ambitum. Quē ordinem sequi decreui. Ad primam igitur cum Sex. Rufi, & P. Victore urbis regionem describendam deueniamus

REGIO. PRIMA

Regio a rego deriuatur, quod priusquam prouinciae fierent regiones sub regibus essent, atque ab ijs regebantur, postea ab earum similitudine maiores in urbe partes, regiones appellari coeptae. Regionis autem pars est uicus. Quippe urbs in regiones tamquam in maiora membra, et in uicos tamquam minora diuiditur. Vicus uero est dictus quod uias circum haberet. Prima autem urbis regio in nouem uicos diuidebatur. Haec a porta proxima denominata est Capena quae omnia loca, quae tunc circa eam partem erant tam in urbe quam extra usque ad basilicam S. Sebastiani obtinebat. Haec regio ab oriente habuit Coelimontanam, ab occidente Auentinum, ab Aquilone Piscinam publicam, a Meridie circum, uiam Appiam & suburbia

REGIO. VRBIS. PRIMA
PORTA. CAPENA

Almo Fluius

Vici nouem

Vicus Camoenarum

Vicus Drustanus

Vicus Sulpici ulterioris

Vicus Sulpici citerioris

Vicus Fortunae obsequentis

Vicus Puluerarius

Vicus Honoris, & Virtutis

Vicus trium ararum

Vicus Fabrici

Vico magistri XXXVI.

Quattuor per singulos

uicos

De magistro uici extat mentio in antiquis
monumentis ita

DIANAE . AVGVSTAE

S A C R V M

Q. AQVILLIVS . ADAEVS

MAGISTER . VICI

QVI. K. AVGVSTIS. PRIMVS

MAGISTERIVM. INIIT

Curatores II	Aedicula Virtutis
Denuntiatores II	Aedicula Ridiculi
Luci tres	Aedicula Herculis
Lucus Cuperius Hostiliani	*
Lucus Egeriae	Reliquae desiderantur
Lucus Camoenarum	Areae septem
Templa quattuor	Area Apollinis
Templum Isidis	Area Spei
Templum Serapidis	Area Thalli, siue Galli, siue
Templum Fortunae uiatorũ	Galliae
Templum Martis Extramur-	Area Isidis Aelianae
ranei	Area Pinaria
Aedes sex	Area Carsurae
Aedes Martis Quirini	Area Mercurij
Aedes Minervae	Arae II
Aedes Mercurij	Ara Mercurij
Aedes Tempestatis	Ara Isidis
Aedes Apollinis	Lapis Manalis
Aedes Camoenarum	Circus Antonini Caracalli cũ
Aediculae X	Obelisco
Aedicula Fortunae obsequen-	Senaculum ad portam Cas-
tis	penam
Aedicula Honoris	Mutatorium Caesaris
	Campus

Campus Ridiculi	Lacus Biuius
Horti Terentiani	Lacus Spei
Tabernae Caediciae	Lacus Gratiae
Thermae Commodianae	Lacus Mamertini
Thermae Seuerianae	Lacus Salutaris
Balinea publica sex	Lacus reliqui sine nomine
Balneum Vettij Bolani	LXXII
Balneum Torquati	Arcus II II
Balneum Mamertini	Arcus Drusi Neronis
Balneum Abascantiani	Arcus Diui Traiani
Balneum Mettiani Secun-	Arcus Diui Veri Parthici
diani	Arcus Bifrons
Balneum Antiochiani	Sepulchra
Balinea reliqua priuata sine	Corneliorum Scipionum
nomine XXCII	Atiliorum Calatinorum
Lacus Fund. XXCIII	Seruiliorum
In his	Caeciliorum
Lacus Promethei	Horatiorum. &c.
Lacus Vespasiani, alias Vipsa	Horrea XIII
ni	Pistrina XII
Lacus Sanctus	Domus CXXI
Lacus Sudans	Insulae IIII ∞ CCL
Lacus Torquati	Regio in ambitu continet pe-
Lacus Publicus	des XIII ∞ CCXXIII

De hac regione mentio extat in ueteri
inscriptione ita

M . VIBIO . M . LIC. CATINIO
VIBIONIN. PRAECONI
DE . REGION . PORT. CAPEN
VIX. ANN. XLIX. M. III. D. II
M. VIBIUS. HILARVS. PRAGVSTAT

REGIO. VRBIS. SECUNDA
COELIMONTIVM*Mons Coelius, alias Querquetulanus, alias Augustus**Coeliolus**Subura*

Suburae meminit haec vetus inscriptio

M . LIVIVS . M . L . AVCTVS

PRAECO . DE . SVBVRA

LIVIAE . DONATAE . LIBER

Ceroliensis

Vici VIII

*

*Vicomagistri XXXII**Curatores II**Denuntiatores II**Cohortes Vigilum. V**Lupariae in Subura**Antrum Cyclopis*Prope hunc locum forte fuit vicus Cyclopis,
de quo mentio est hic

CVRTILIVS . HERMEROS

FECIT. SIBI. ET

CVRTILIAE . ANTHIDI

CONIVGI. SVAE . CARISSIMAE

ET. LIBERTIS. LIBERTABVS. QVE

SVIS. POSTERIS. QVE . EORVM

MAGISTER. VICI AB. CYCLOPIS

REGION. PRI. FABER. ARGENTARIVS

Caput Africae

Arbor sancta

Mica aurea

Spolium Samarium

Luci duo

Templum Tulli Hostilij

Templum Bacchi

Templum Fauni

Templum Diui Claudij

Templum Deae Carnae

Aediculae VIII

Dianae in Coelholo

Fortunae Barbatae

Mineruae Captae

*

Isaeum Metellianum

Mineruium

Statua equestris M. Antonini Imperatoris

Ludus Matutinus

De ludo Matutino vidi has inscriptiones

T . FLAVIO . T . F . GERMANO
 CVRATORI . TRIUMPHI . FELICISSIMI
 GERMANICI . SECVNDI . IMP . CAES . FL
 DOMITIANI . AVGVSTI . EXORNATO
 SACERDOTI . SPLENDIDISSIMO
 PONTIF . MINOR . PROC . XX . HAER
 PROC . PATRIMONII . PROC . LVDI . MAGNI
 PROC . LVDI . MATVTINI . PROC . REG . VRBIS
 DEFVNCTO . IBI . OFFICIO . VIARVM
 STERNENDARVM . VRBIS . PARTIBVS
 DVABVS . PROC . XX . HAER . VMBRIAE
 TVSCIAE . PICENI . BRVTT . CALABR
 ET . APVLIAE . CVR V M
 T E C T O R V M . OPERVM . PVBL
 QVAEST . AED . II . VIR . FLAMINI . DIVI . AVG
 II . VIR . Q . Q . PATRONO . COLONIAE
 . . . LIB . PATRONO . INCOMPARAIBILI
 ET . FLAVIS . MAXIMO . ET . GERMANO
 ET . RVFINO . FILIIS . EQVO . PVBLICO
 ORNATIS

Item

INVICTAE . DIANAE . VICTRICI . PRO
CVRATORES . LIB . COM . LVDI . MATVTI . INI
..... CAESARIS

Item

E V T Y C H V S

A V G . L I B

N E R O N I A N V S

M E D I C V S . L V D I

MATVTINI . FECIT . SIBI . ET

IRENAE . L I B . CONIVGI

CARISSIMAE . ET

LIBERTIS . LIBERTABVS . Q

POSTERIS . QVE

EORVM

Ludus Gallicus

De ludo Gallico hoc vetus extat epigramma Romae

SILVANO . SACNTO

C . AVSTVRNIVS . MEDI

CVS . LVD . GALLIC

PORTICVM . ET . EXEDR

ET . SIGN . AEN

VOTO . SVSCEPT

L . M

DEDIC . KAL . MAI

L . MARCIO . ET

SEX . IVLIO . COS

*Regia Tulli Hostilij**Armamentarium**Castra Peregrina*

L 2

Castra

Castra Peregrina erant in Coelio monte prope aediculam S. Mariae in Domnica,
ut ex his inscriptionibus liquet; quae in eius area aliquot annis
ante inuentae sunt

PRO.SALVTE. ET. REDITY. D.N. IMP. CAESARIS
V O T I S
X. ANNALIB
FELICITER
VICE. PRINCIPIS. PERGRINORVM. TEMPLVM. IOVIS. REDVCIS. C. P. O
CVLTV. DE. SVO. EXORNAVIT (MNI

Item

COCCIVS
PATRIVS
PRINC
PERGRI
NORVM

Manſiones Albanæ	Domus Philippi
Campus Martialis	Domus Septem Parthorum
Campus Fontinarum, alias Forinarum	Domus Laterani Caesaris dictatoris
Campus Coelimontanus	Mamurrae Formiani
Thermae publicae	Ti. Claudii Centumali
Balneae priuatae XXC	Iunij Senatoris
Lacus fund. sine nomine LXV	Stellae poetae
Macellum magnum	Ti. Claudij Clypti Hymno- logi
Horrea XXIII	Tetricorum
Pistrina XXIII	Turris Mamilia
Domus CXXXIII.	Insulae III. millia CVI
In his	Regio in ambitu continet pe- des XIII. millia CC
Domus Vectiliana, alias Vi- telliana	

REGIO. III. ISIS. ET. SERAPIS
MONETA

Carinae	Vicus Lanarius
Vici VIII	Vicus Primigenius
Vicus Albus	Vicomagistri XXXII
Vicus Fortunae uicinae	Curatores II
Vicus Anciportus	Denuntiatores II
Vicus Bassianus	Caput Suburae
Vicus Structorum	Tribus Gratiae aureae, alias areae
Vicus Asellus	

Summum Choragium

Summi Choragi hanc mentionem extare vidi
HERCVLI ET SILVANO EX VOTO

TROPHIMIANVS

AVG . LIB

PROC . SVMMI . CHORAGI

CVM . CHIA . CONIVGE

Caput Sacrae viae

Aedicula Minervae

Practura praesentissima

Aedicula Isidis

Lucus Cuperius scholae ca-
pulatorum

Aedicula Veneris

Aedicula Aesculapij

Templum Isidis & Serapidis

Aedicula Volcani

Monetae

Porticus Liviae iuxta tem-

Templum Concordiae virilis
cum delubro

plum Concordiae virilis

Porticus Claudij Martialis

Aediculae otio

Amphitheatrum Vespasiani,

Aedicula Bonae spei

quod capit loca LXXVII.

Aedicula Serapidis

millia

Aedicula Magni Fidis

Ludus magnus

De ludo Magno extat haec antiqua
inscriptio

DIS . MANIBVS

M . CALPVRNIO . M . F . MEN

VOSENNIO

VIX . ANN . XXX . M . IIX

M . CALPVRNIVS . M . F . MEN

HILARVS . MEDICVS

LVD . MAGN

FRATRI . PASSIM . FEC

item

Item

L.FVRIO.L.F.PAL.VICTORI
 PRAEF . PRAET . IMPERAT . OMNIVM
 HONORATO . E T . DONATO . I N
 PROVINCIAM . PARTHIAM
 E T . VER CORON . MVRALI
 VALLARI
 HASTA . PVRA . SINE . VEXILLIS
 OBSIDIONALI
 QVE . CORONA . DONATO . PR . AEGYPTI
 PRAEF . VRB
 PROC . A . RAT . PRAEF . PRAETOR . MISSV
 RAVENNATIVM . PROC . LVDI . MAGNI
 PROC . PROVINCIAE
 HISPANIAE . ET . GALL . PRAEF . ALAE
 FRONTONIANAE
 TRIB . LEGIONIS . II . ADIVTRIC . 7 . COH
 BRACARVM . IN . BRITANNIA

Ludus Dacicus

Ludus Mamertinus

Castra Misenatium

Castra Misenatium uetera

Schola Quaeſtorum

Schola Capulorum

Schola Galli

Thermae Titi Caesaris Augusti

Thermae Traiani Caesaris Augusti

In thermis Traiani inuenta est haec
inscriptio

IVLIVS.FELIX.CAMPANIA
NVS.V.C.PRAEFECTVS.VRBI
AD.AVGENDAM.THERMA
RVM.TRAIANARVM.GRATIAM
CONLOCAVIT

Thermae Philippi Caesaris Augusti

Prope aediculam S. Matthaei in Merulana, in ther-
mis Philippi imp.inuenta est haec inscriptio

L.RVBRIVS.GETA.CVR.P.CCCXXIII
D.N.PHILIPPI.AVG.THERM. . . .

Balineae priuatae LXX

Domus Bruttiani

Lymphaeum Ti. Claudij Cae-
saris Augusti

Domus Pompeiani

Lacus pastoris

Titi Caesaris cum atrio, in
quo fuit Laocoontis sta-
tua

Lacus sine nomine LXV

Horrea XXIX. alias XIX

Insulae II millia DCCCVII

Pistrina XXIII

Regio continet in ambitu pe-
des XII.millia CDL

Domus CLX. In his

des XII.millia CDL

Aurea Neronis cum porticu

REGIO. IIII. VIA. SACRA. alias
TEMPLVM.PACIS

Via sacra

Vicus Veneris

Ad Corneta

Vicus Apollinis

Vici octo

Vicus Trium uiarum

Vicus Cybrius, post Scele-
ratus

Vicus Anciportus minoris

Vicus Fortunatus minoris

Vicus Eros

Vicus Sandaliarius

Vici

Vici Sandaliari, & reg. IIII. mentio est in uetusta
hac inscriptione

GERMANICO. CAESARE
C. FONTEIO. CAPITONE ^{COS}

K A L . I V N

SEIAE. FORTVNAE. AVG

S A C R

SEX FONTEIVS. J. L. TROPHIMVS

CN. POMPEIVS. CN. L. NICEPHORVS

MAG . VICI

SANDALIARI. REG. IIII

ANNI. XVIII. D.

Vico magistri XXXII

Curatores II

Denuntiatores II

Carinae caput

Aequimaesium

Bucena aurea

Sororium tigillum

Meta sudans

Caput Lynco

Busta Gallica

Templa x

Templum Pacis, in quo inter
cetera, ornamenta erant
templi Hierosolymorum

Templum Remi

Templum urbis Romae, &
Augusti

Templum Veneris cloacinae

Templum diuae Faustinae cū

porticu

Templum Telluris in Carinis
cum Armamentario

Templum Solis

Templum Lunae

Templum Concordiae in por-
ticu Liuiæ

Templum diui Neruæ in fo-
ro Transitorio

Aedes Iani Curiatij

Aedes Iunonis sororiae in Ca-
rinis

Aedes Salutis

Aediculae octo

Aedicula Musarum

Aedicula Spei

Aedicula Mercurij

Aedicula Lucinae Valeria-
nae

Aedicula

Aedicula Iunonis Lucinae	Balinae priuatae LXXV
Aedicula Mauortij	Lacus sine nomine LXXIX
Aedicula Iuuentutis	Arcus Titi Caesaris Vespasiani Augusti
Aedicula Isidis	Arcus L. Septimij Seueri. A
Volcanale ubi lotos a Romulo fata	Arcus Constantini Aug
Sacriporticus, alias Sacriportus	Horrea XIIIX. In his Cantharia, alias Testaria
Porticus absidata	Pistrina XXIIII
Area Victoriae	Domus CXXXVIII.
Area Volcani, in qua sanguis per biduum pluit	In his
Sacellum deae Strennuae	Regis Anci Marci, in uia Sacra
Collosus Solis altus P. C IIS. alias CXX. habens in capite radios VII. singulos pedum XXIIIS	Sp. Cassij Viscellini in Carinis, ubi postea templum Telluris fuit
Apollo Sandaliarius	Domus Cn. Pompeij, post M. Antonij in Carinis
Odaeum	Domus auita Ciceronum
Forum transitorium, alias Palladium, alias diui Nerae, cum porticibus	Domus alia C. Caesaris in Sacra uia
Forum Cupedinis	Domus M. Manilij
Basilica uetus L. Aemilij Pauli	Domus Philippi in Carinis
Basilica Constantiniana	Domus D. Coelij Balbini Imp
Secretarium populi Romani	Insulae IIIO DCCLVIII
Balineum Daphnidis	Regio continet in ambitu pedes XIIIIIO alias XVIIIIO

REGIO. V. ESQVILINA. CVM. TVRRI
ET. COLLE. VIMINALI

Mons Esquilinus, alias Cispinus, Oppius, & Septimius	lijs antiquus
Mons Viminalis, alias Fagutalis	Vicomagistri L X
Aggeres Tarquinij Superbi	Curatores II
Clius urbicus	Denuntiatores II
Vico patricius	Stationes cohort. VII. Vigilum
Figlinae	Tabernola
Puticuli, alias puticulae in Es	Tres tabernae
Spes uetus (quilus	Lucus Poetilinus
Vici x v	Lucus fageus, alias fagutalis
Vicus Sucufanus	Lucus Esquilinus
Vicus Vrst pileati	Lucus Querquetularius
Vicus Mineruae	Lucus Mephitis
Vicus Vstrinus	Lucus Iunonis Lucinae
Vicus Palloris	Lucus Viminalis, alias Iouis Viminei
Vicus Seius	Lucus Rubiginis
Vicus Siluani	Templum Iouis Fagutalis, alias Viminei
Vicus Capulatorum	Templum Iunonis Lucinae
Vicus Fragoedus	Templum Mineruae Medicae
Vicus Vnguentarius	Pantheum
Vicus Paullinus	Templum Siluani sub Viminali cum porticu
Vicus Pastores	Tempum Aesculapij
Vicus Caticarius	Templum Veneris Erycinae
Vicus Veneris placidae	ad portam Collinam cum porta
Vicus Iunonis	
Vicus Africus in Esqui	

porticu	portam Viminalem
Aedes Veneris Verticordiae	Sacellum Querquetularium
extra portam Collinam, uia	Sacellum Iouis Fagutalis
Salaria	Ara Iouis Viminei
Aedes Rubiginis uia Nomen	Ara Malae Fortunae
tana, extra portam Catula	Hercules Siluanus
riam	Ists patricia
Aedes Quietis extra portam	Amphitheatrum castrense
Collinam	Circus Aureliani cum
Aedes Honoris ad portam	obelisco
Collinam	Forum Esquilinum
Aedes Felicitatis	Basilica Sicini
Aedes Malae Fortunae	Regia Ser. Tullij
Aediculae xvi	Campus Esquilinus
Aedicula Fortunae Seiae	Campus Viminalis sub agge-
Aedicula Veneris placidae	re, in quo erat aedicula For-
Aedicula Castoris	tunae paruae
Aedicula Pollucis	Horti Maecenatis cum turri
Aedicula Siluani	Horti Plautiani, alias Plan-
Aedicula Apollinis	ciani, alias Pallantiani
Aedicula Cloacinae	Horti Torquatiani
Aedicula Herculis	Castra praetoria
Aedicula Mercurij	Viuarium
Aedicula Martis	Thermae Olympiadis
Aedicula Lunae	Thermae Nouati
Aedicula Serapidis	Balineum Paulli
Aedicula Vestae	Balinea priuata Lxxv
Aedicula Cereris	Nymphaeum Alexandri imp
Aedicula Proserpinae	Lauacrum Agrippinae
Aedicula Fortunae paruae	Lacus Promethei secund
Sacellum deae Naeniae extra	Lacus sine nomine. CLxx.
	IX Castela

Castellum aquarū Marciae,
Iuliae, & Tepulae

Arcus Gallieni

Macellum Liuiianum

Horrea XXIII

Pistrina XXII

Domus CXXC. In his

Domus regis Ser. Tullij

Q Lutatij Catuli

M. Licinij Craſſi diuitis

Aquillij Iureconsulti

P. Virgilij Maronis

Propertij

A. Persij

C. Plinij Iunioris

Licinij imperatoris

Insulae II∞ DCCCL

Regio habet in ambitu pedes

XV∞ DCCCCL

REGIO. VI. ALTA. SEMITA

Mons Quirinalis, alias Ago-
nius, Salutaris, Latiaris, &
Mutialis

Campus sceleratus ad portā
Collinam

Cliuus publicus

Vici XIII. alias XII

non enim connumerant ui-
cum Bellonae

Vicus Bellonae extra nume-
rum

Vicus Mamuri

Vicus Albus

Vicus Publicus

De vico publico extant hac inscriptiones

L. IVNIO. L. F. SABATI

NA . POLLIONI . AV

ROMATARIO . A. VIC

PUBLIC . VIX . ANN

XLVII

L. IVNIVS . L. F. SYN

AVIVS . AROMAT

FRATRI. OPTIMO. PI

ENTISSIMO . FEC

item

T. FLAVIO. AVG. LIBERTO
 EPAPHRODITO
 CYRNEARIO. A. VIC. PVB
 FLAVIA. AVG. LIBERTA
 TYCHE. MAR. OLL. D

Vicus Florae	Cohortes vigilum III
vicus Quirini	Capitolium vetus
vicus Flavius	Malum punicum
vicus Fortunarum	Decem tabernae
vicus Paccius	Ad Gallinas albas
vicus Tiburtinus	Pila Honoris
vicus Salutis	Templa xv
vicus Calidianus	Templū Salutis in colle Qui
vicus Maximus	rinali
vicus Mustellarius anti-	Templum Serapium, alias Se-
quus extra numerum	rapidis
Vico magistri XLVIII.	Templum Apollinis & Cla-
aliā LII	træ
Curatores II	Templum Florae
Denuntiatores II	Templum Veneris hortorum
	Salustianorum

De quo mentio est in veteri epigrammate sic

M. AVRELIVS. PACORVS

M. COCCEIVS. STRATOCLES

AEDITVI. VENERIS. HORTORVM

SALVSTIANORVM. BASEM. CVM

PAVIMENTO. MARMORATO

DE ANAE

D. D

Tem

Templum Quirini cum porticu	Aedicula Dianae Valerianae
Templum Mineruae Flavianae	Aedicula Iunonis Iuliae
Templum Fortunae Seiae	Aedicula Spei
Templum aliud Salutis	Aedicula Sangi, in qua lana, colus, & fusus Tanaquildis
Templum Fidei	Aedicula Siluani
Templum Fortunae liberae	Aedicula Veneris
Templum Fortunae statae	Aedicula Herculis
Templum Fortunae reducis	Aedicula Victoriae
Templum Fortunae publicae	Aedicula Matutae
Templum Fortunae primigeniae	Aedicula Liberi patris
Aedes diui Fidiij in colle, alias sancti Fidiij semipatris	Aedicula Saturni
Aediculae XVI	Aedicula Iouis
Aedicula Fortunae paruae	Aedicula Mineruae
Aedicula Genij Liberorum	Sacellum Quirini
Aedicula Genij Larum	Porticus Quirini
	Porticus Milliarum
	Area Callidij

Statua Quirini alta pedes x x

Statua Mamuri plumbea

Statua Fortunae publicae in colle

Statuae duae marmoreae Alexandri Magni Bucephalum domantis Fidia & Praxitelis

Circus prope portam Collinam, iuxta aedem Veneris Eryciniae cum obelisco, forte Salustij

Circus Florae

Forum Salustij

Forum Diocletiani

Senaculum matronarum in colle Quirinali, quod Antoninus Horti Salustiani

(Alagabalus fecit

Ther

Thermae Diocletiani & Maximiani

In his thermis inuenta est haec inscriptio

CONSTANTIVS. ET. MAXIMIANVS. INVICTI. AVGG

SEVERVS. ET. MAXIMIANVS. CAESS

THERMAS. ORNAVER. ET. ROMANIS. SVIS

DEDICAVER

Thermae Constantini in colle

In aedicula quadam vetusta, pone thermas Constantini

adhuc haec inscriptio extat

PETRONIVS. PERPENNA. MAGNVS

QVADRATIANVS. V. C. ET. INL. PRAEF. VRB

CONSTANTINIANAS. THERMAS. LONGA

INCVRIA. ET. ABOLENDAE. CIVILIS. VEL

POTIVS. FERALIS. CLADIS. VASTATIONE

VEHEMENTER. ADFLICTAS. ITA. VT. AGNI

TIONEM. SVI. EX. OMNI. PARTE. PERDITA

DESPERATIONEM. CVNCTIS. REPA

RATIONIS. ADFERRENT. DEPVATO. AB

AMPLISSIMO. ORDINE. PARVO

SVMP TV. QVANTVM. PVBLICAE

PATIEBANTVR. ANGVSTIAE. AB

EXTREMO

VINDICAVIT. OCCASV. ET. PROVISIONE

LARGISSIMA. IN. PRISTINAM

FACIEM. SPLENDOREM QVE. RESTITVIT

*Balinea Paulli**Pistrina XXIII**Balinea priuata LXXV**Domus CLV. In his**Lacus LXXV**Domus Corneliorum**Bibliotheca Vlpia in thermis**Domus Attici**Diocletiani**Domus C. Salustij**Horrea XIX**Domus T. Flauii Sabini**Insulae*

Insulae IIII ∞ DV

Regio in ambitu continet pedes XV ∞ DC

REGIO.VII.VIA.LATA

Vici XL	vicus Lanarius ulterior
vicus Ganymedis	vicus Pomonae
vicus Gordiani minoris	vicus Caput Mineruae
vicus Nouos	vicus Troianus
vicus Caprarius	vicus Peregrinus
Vicus Solis	vicus Castus
Vicus Gentianus	vicus Minor
vicus Sanci	vicus Putealium
vicus Herbarius	vicus Scipionis
vicus Mansuetus	vicus Iunonis
vicus Sigillarius minor	vicus Sellarius
vicus Solatarius	vicus Isidis
vicus Fortunae	vicus Tabellarius
vicus Spei maioris	vicus Mancinus
vicus Nouus ulterior	vicus Lotarius
vicus Libertorum	vicomagistri CLX
vicus Publij	Curatores II
vicus Nouus citerior	Denuntiatores II
vicus Statuae veneris	Cohortes VII. primorum vi
vicus Archemoriū, alias Ar-	gilum
chemonium	Pila Tiburtina
vicus Aemilianus	Ad Mansuetos
vicus Piscarius	Lapis pertusus
vicus Caelatus	Templum Solis
vicus victoris	Templum nouum Spei
vicus vicinus	Templum nouum Fortunae
vicus Graecus	cum porticu a Lucullo con-
	M ditum,

ditum, in quo erat statua Mi-
neruae facta a Fidia, posita
a Paulo Aemilio
Templum nouum Quirini
Aedicula Capraria

Porticus Constantini
Sacellum Genij Sangu-
Equi aenei Tyridatis
Forum Syarium, alias Suarium

De quo mentio est in hoc uetusto
epigrammate

DOMINO . NOSTRO
FL . CLAUDIO . CONSTANTINO
FORTISSIMO . HAC
BEATISSIMO . CAESARI
FL . VRSACIUS . V . P
TRIBVNVS . COHORTI
VM . VRBANARVM
X . XI . ET . XII . ET . FORI
SYARI

Forum Archemorium
Castra Gentiana, alias Gy-
psiana
Campus Agrippae
Horti Argiani
Balinea priuata LXXV
Nymphaeum Iouis
Lacus Ganymedis
Lacus sine nomine LXXVI
Arcus DD. Marci & Veri

Arcus Gordiani iunioris Aug
Arcus Nouus
Pistrina XVII
Horrea XXV
Domus CXX In his
Domus Martialis
Insulae IIII CCCXXCV
Regio in circuitu continet pe-
des XXIII DCC

REGIO. VIII. FORVM. ROMANVM

Mons Saturnius, post Tarpeius, demum Capitolinus; alias Ca-
pitolium, ubi omnium deorum simulachra celebrabantur

Arx

Arx Capitoliij	Denuntiatores II
Rupes Tarpeia, alias saxū	Cohortes Vigilum VI
Carmentale	Vmbillicus vrbis Romae
Clius Capitolinus	Milliarium aureum
Porta Stercoraria	Porta Carmentalis
Via Noua	Puteal Libonis
Vici XII	Lacus Curtius
Vicus Ligurum	Pila Horatia, ubi Tropaea
Vicus Iugarius	locata
Vicus Thurarius	Scalae annulariae
Vicus Tuscus	Sub Nouis
Vicus vnguentarius maior	Ad Iunium secundū Tiberim
Vicus vnguentarius minor	Luteolae ad Iani templum
Vicus nonus	Marsyas
* reliqui desunt	Fauissae Capitolinae
Vico magistri XLVIII	Lucus Vestae Cuperius
Curatores II	

Templa XXI

Templum Iouis Capitolini alias optimi maximi, in quo erant tria delubra	
Medium Iouis	
Dextrum Mineruae	
Laeuum Iunonis, ibique in arca lapidea seruabantur libri sibyllini	
Templum Iouis Feretrii	
Templum diui Iulij in foro, in quo simulachrum erat Veneris e mari exeuntis DD. ab Augusto	
Templum Castorum ad lacum Iuturnae, alias Castoris & Pol lucis, in quo erat signum Florae	

De hoc templo puto loqui hanc
inscriptionem

C. TERENTIO. C. L. PAMPHILO
SAGARIO. POST. AED. CASTORIS
CALPURNIAE. J. L. SALVIAE

Templum Concordiae cum cella, inter forum & Capitolium
a Camillo DD. In quo erat senaculum, ubi magistratus cum
senioribus deliberabant. Erantque in eo haec simulachra

Battonis adorantis Apollinem, opus Bedae

Latoniae puerperae Apollinem & Dianam substantis, opus
Aesculapij & Hygiae, opus Nicerati (Euphranoris

Martis & Mercurij, opera Piscratis

Cereris & Iouis, opera Sthenis, &
Victoriae

Templum Vestae cum atrio, ubi erant Palladium, Ignis, &
Virgines uestales

Templum deum Penatium

Templum Romuli, alias Quirini in foro

Templum Iani Gemini aereum, quattuor portarum, cum
signo Iani, opus Scopae & Praxitelis ab Augusto DD

Templum diui Traiani

Templum diui T. Caesaris Vespasiani

Templum Carmentae

Templum Veneris caluae nouum

Templum Veneris caluae uetus

Templum uetus Mineruae

Templum Nemesis cum simulachro

Templum Saturni cum ara ubi erat aerarium, ante quod erat
aeneum Siluani signum

Aerarium populi Romani praeter omnium antiqua-
riorum sententiam erat, ubi nunc est aedicula

S. Saluatoris in statera, & olim fuit S. Sa-
turnini, ut ex hoc epigrammate ibi-
dem effoso constat

L. CALPVRNIVS. PISO
M . S A L L V I V S
PR. AER

AREAM. EX. S. C. A. PRIVATIS
PVBLICA. PECVNIA
R E D E M P T A M . T E R M I N A V E R

De templo Saturni, in quo erat aerarium, mentio
est in antiquo marmore ita

SANC. SAL
T . PETIDIVS. T. F
FAB . LVCEIVS
VIII. VIR. AED. PLEB
POTESTAT. VIII. VIR
II. FANOR. VIII. VIR
III . AERARI. SAT
S . P . D . D

Templum diui Augusti

Templum Iunonis Martialis

Templum Larum

*Templum Veneris genitricis, alias Veneris & Anchisae cum
atrio*

Aedes X

Aedes Victoriæ

Aedes Opis & Saturni in uico Iugario

Aedes Martis ultoris in foro diui Augusti

Aedes Veionis inter arcem & Capitolium prope Asylum, cum
eius simulachro cupressinoAedes Iouis Tonantis in cliuo Capitolij, in qua erant signa
Iouis Tonantis, opus LocræIouis ex aere Deliaeo } opus Hygiæ
Castoris & Pollucis }

Aedes Herculis uictoris parua & rotunda in foro Boario

Aedes matris Matutæ

Aedes Vortumni in vico

Tusco

Aedes Iunonis Monete cum
officinaAedes Iouis custodis DD. a
Domitiano

Aedes Veneris cloacinae

Aedes veneris Erycinae

Aedes Salutis

Aedes Libertatis

Aedes Iouis sponsoris

Aedes Mentis

Aedes Fidei in Capitolio

Aedes Fortunae primigeniæ

Aedes Aij Locutij

Aedes Fortunae pro =
speræAedes fortis Fortunae in
Foro Boario

Aediculae XII

Aedicula Victoriæ DD. a M.

Porcio Catone

Aedicula Inuentatis

Aedicula Termini

Aedicula Concordiæ aerea su
pra Graecostasim

Aedic. Fortunae obsequentis

Aedicula Matris Rumæ

* *

* *

* *

* *

* *

* *

Porticus Iulia

Porticus Margaritariorum

Porticus Liviæ

Porticus Augusti

Portiæ

Porticus Minucia alias Numicia

Porticus Nasicæ

Porticus Porphyretica

Porticus Capitolinae

Porticus Constantini

Iani duo, celebris mercatorum locus ad arcum Fabianum, superior inferiorque

Atrium publicum in Capitolio

Atrium Mineruae

Atrium Vestae

Area opis

Area Cereris } In uico Iugario

Area Saturni ante aerarium

Sacellum Sumani

Sacellum Larum

Sacellum Pudicitiae patriciae

Sacellum Herculis in foro Boario

Delubrum Mineruae in foro

Delubrum Larum

Afylum inter duos lucos, arcemque & Capitolium

Domus diui Tati

Doliola

Sepulchrum Romuli

Sepulchrum Accae Laurentiae in uia noua

Ficus ruminalis

Lupercal uirginis

Germalus

Ara Saturni uetus

Ara Saturni noua ad lacum Curtij

Ara Iunonis Iugae in uico Iugario

Ara Iouis pistoris in Capitolio

Signa & statuæ deorum

Signum Iouis imperatoris Praeneste deuectum

Signum aereum Iouis a SP. Caruilio ex Samnitica praeda factum

Signum Iunonis DD. a Pompeio Bithynico

Signum Apollinis translatum ex Apollonia a Lucullo, altum cubitos xxx. alias xxxii

Signum Mineruae Catulianae, opus Euphranoris

Signa duo Herculis, alterum a P. Sempronio Sauerione dedicatum

Alterum aereum, opus Lisyppei a Q. Fabio Maximo Tarento deuectum

Signum Herculis tunicati iuxta rostra

Victoria aurea in templo Iouis opt. max

Fides candida

Signum Vortumni in uico Iugario

Signum matris Statae

Tria signa deorum nixiorum, ante cellam Mineruae in templo Iouis Capitolini

Signum Beni euentus	} opera Praxitelis
Signum bonae Fortunae	

Simulacra hominum

Statua diui Iulij equestris in eius foro

Diui Augusti

Diui Claudij II. aurea X. pedum in templo Iouis opt. max

Diui Constantini equestris

Romuli & Remi infantium sub lupa

Septem regum in Capitolio

Attij Navi auguris ante Curiam

L. Iunij Bruti primi cos. in Capitolio

P. Valerij Poplicolae

Horatij Coclitis in comitio

Mucij Scaeuulae

Annij fetialis equestris in atrio domus regis Superbi

M. Furij Camilli pro rostris

Tullij Coelij

L. Roscij

Sp. Nautij

C. Fulcinij

P. Iunij

Ti. Coruncanij

Cn. Octauij in legatione occisi pro rostris

Equestris togata Q. Marcij Tremuli ante templum Castorum

L. Caecilij Metelli pont. max. in Capitolio

Q. Fabij Maximi aerea equestris in Capitolio

P. Scipionis Africani

L. Scipionis Astatici clamidata & crepidata

M. Lepidi bullata & praetextata

Trebij aedilis in Capitolio

Sullae dictatoris aurea equestris

Sullae Felicis dictatoris aenea

Trium sibyllarum pro rostris

Cloeliae v. v. equestris

Caiae Suffetiae v. Vestalis

Corneliae Gracchorum matris

Hermodori Ephessi LL. X. tabularum interpretis in comitio

Alcibiadis

Pythagorae

In comitio

Trophaea C. Marij aurea in Capitolio

Currus seiuges a Cn. Cornelio positi

Simulachrum leonis pro rostris

Equus C. Caesaris in eius foro

Equus

Equus aeneus Domitiani Augusti

Equus aeneus Traiani Augusti

Equa cernens quattuor satyros

Elephas herbarius

Aereum tauri simulacrum in foro boario

Signum anseris argenteum in Capitolio

Clypei XII. inaurati

Clypeus Martis cum imagine Hasdrubalis

Aenearum tabularum publicarum tria millia

Ludus Aimilius, alias Lepidi

Fora

Forum Romanum, quod dicebatur magnum, alias uetus

Forum Caesaris, in quo erant Veneris signa duo, alterum loriatum, alterum factum ab Arcesilao

Forum Augusti, in quo erant statuæ M. Valeri Corvini, & eburnea Apollinis

Forum Traiani cum porticu

Forum Boarium

Forum Piscarium

Forum Argentarium

Curia

Curia Hostilia sub ueteribus

Curia Calabra in Capitolio, ubi pontifex minor pronuntiabat dies

Regia Numae, alias Curia Pompiliana, in qua sacrarium erat Opeconstuæ

Senaculum aureum

Basilica Paulli Aimilij cum Phrygijs columnis in foro

Basilica Iulia

Huius basilicae mentio est in hac inscriptione paulo
ante in foro Romano prope columnam inuenta

GABINIUS . VETTIVS
PROBIANVS . V . C . PRAEF . VRB
STATVAM . QVAE . BASILICAE
IVLIAE . A . SE . NOVITER
REPARATAE . ORNAMENTO
ESSET . ADIECIT
DEDIC . XV . KAL . FEBRVARI
. P V B L I C O R V M
CORNELIO . ANVNINO . II
ET . AVFD . FRONTONE COS

Basilica Vlpia, alias Traiani

Basilica Porcia, ubi fuerat domus Q. Maenij

Basilica Sempronia

Basilica Argentaria

Basilica Opimij

Comitium in quo erat ficus Ruminalis

Rostra populi Romani uetera

Rostra populi Romani noua

Græcostasis

Carcer imminens foro a Ser. Tullio aedificatus media urbe

Stationes municipiorum

Ludi litterarij

Schola Xantha

Horti Asiniani

Septem, alias quinque tabernae argentariae nouae.

Balineum Polycleti

Balineae priuatae LXVI

Lacus Iuturnae

Lacus sine nomine CXX

Bibliotheca Capitolina

Bibliotheca templi diui Traiani

Arcus Fabianus

Arcus Ti. Caesaris prope aedem Saturni

Arcus Traiani Caesaris Augusti

Arcus Seueri, & M. Antonini in foro boario

Fornix Sertini in foro boario cum signis auratis

Columna C. Duilij

Columna Maenia

Columna Magn. lud. saecul

Columna rostrata in Capitolio

Columna diui Iulij rostrata pedum xx

Columna coelidis Traiani imp. alta pedes CXXIIX. habet
gradus CXXCV. fenestellas XLV

Sepulchrum C. Publicij Bibuli aedilis plebs

Huius sepulchri adhuc supersunt vestigia,
cum hac inscriptione

C. POBLICIO. L. F. BIBULO. AED. PL. HONORIS
VIRTVTIS. QVE. CAUSSA. SENATVS
CONSVLTO. POPVLI. QVE. IVSSV . LOCVS
MONVMENTO. QVO. IPSE . POSTERI. QVE
EIVS. INFERRENTVR. PVBLICE. DATVS. EST

Macellum

T. Annij Milonis

Horrea CXXIIX. in his

P. Ouidij Nasonis

Germanica &

M. Valerij Amerini equitis

Agrippiana

Romani

Pistrina xxx

Insulae IIII DCCC

Domus CL. in his

LXXX

L. Tarquini Superbi regis
cum atrio

Regio in ambitu continet pe-
des XIIII DCCC

M. Manlij Capitolini

LXVII

P. Scipionis Africani

REGIO. IX. CIRCUS. FLAMINIUS

Collis hortulorum, alias	Palus Caprea
Hortorum	Mimitia uetus
Campus Martius	Mimitia frumentaria
Via Fornicata	Crypta Balbi
Via recta	Ciconiae nixae
Vici x x x	Meleagricum
Vico magistri cxx	Fregellae
Curatores ii	Lucus Mauortianus
Denuntiatores ii	Lucus Mineruae uetus

Lucus Petilinus maior extra portam Flumentanam

Lucus Victoriae

Lucus Lucinae ubi erat

Terentum

Templa octo

Pantheum Iouis ultoris, in quo erant signa

Herculis humi sedentis

Mineruae ex ebore, opus Phidiae

Veneris cum unione Cleopatrae

Templum Iani prope theatrum Marcelli, cum signo Iani
bifrontis

Templum Bruti Callaici, in quo erat

collofus Martis, &

Statua Veneris Gnidae nudae

Templum Apollinis

Templum Neptuni iuxta septa

Templum diui Antonini cum columna coclide

Templum Mineruae Chalcidicae

Templum

Templum Isidis & Serapidis prope ouile

Aedes XX

Aedes antiqua Apollinis cum lauacro, & colloso

Aedes Herculis magni custodis circi Flaminij

Aedes Metelli ubi erat statua eburnea Iouis a Praxitele facta

Aedes Martis in circo Flaminio

Aedes Volcani in circo Flaminio

Aedes Iuturnae ad aquam Virginem

Aedes Bellonae uersus portam Carmentalem in circo Flaminio, intra quam dabatur senatus legatis exterarum nationum, quos in urbem admittere nolebant

Aedes Mineruae

Aedes Fortunae equestris uetus

Aedes Apollinis

Aedes Neptuni in circo Flaminio

Aedes Larium permarinum in campo Martio

Aedes Boni euentus

Aedes Veneris uictricis

Aedes Castoris in circo Flaminio

Aedes Florae

Aedes Iunonis reginae

Aedes Dianae

Aedes Herculis Musarum

Aedes Iunonis in porticu Octauiae, ubi erant statuae

Aesculapij	}	opera Scopae
Dianae		

Iunonis	}	opera Phylisci Rhodij
Veneris, &		
Iouis		

Simulachrum Iunonis opus Dionysii & Polyclis

Dianae

Latonae

IX . musarum

Apollinis nudi

Apollinis cytha

rā tenentis

Aesculapij &

Dianae

} opera Ti-

} mantidis

} opera Cephisidori

Aediculae xxx

Porticus Q. Catuli

Porticus Philippi

Porticus Corinthia duplex Cn. Octauij

Porticus Argonautarum

Porticus Pompeij Magni, cum curia, & atrio

Porticus Metelli

Porticus Agrippae ante Pantheum

Porticus Octaviae sororis Augusti, in qua erāt schola, curia, et

Bibliotheca

Delubrum cum signo

Apollinis, opus Phylisci Rhodij

Item statuæ

Sauri &

Batrachi

Veneris, opus Phidiae &

Corneliae Gracchorum matris

Porticus Traiani Aug. in campo Martio

Porticus Gordiani imp

Porticus Gallieni imp

Porticus Europae

Atrium Pompeij

Sacrarium Numae

Delubrum

Delubrum Iouis statoris

Delubrum Cn. Domitij cum signis

Neptuni, Thetidos

Achillis, Nereidum, et

Tritonum

Delubrum Apollinis in porticu Octaviae

Ara Neptuni

Isaeum

Serapium

Minervium

Odaeum

Minerva uetus cum luco

Iuppiter Pompeianus pedum x x x

Colossus Apollinis

Equiria

Circus Flaminius

Circus Alexandri imp

Stadium

Obeliscus pro gnomone in campo Martio

Stabula quattuor factionum

idest Praesinae, Russatae, Venetae, & Albate, de quibus

in his antiquis inscriptionibus mentio est

M . AVRELIO . LIBERO

PATRI . ET . MAGISTRO

E T . SOCIO . DOMINO

ET . AGITATORI . FACTIONIS

PRAESINAE

AVRELIVS . CAECILIVS . PLANETA

PROTOGENES . OB . III . PALMAR

HOC . DONVM . VOLVIT

D . D

Item

C . APPVLEIVS . DIOCLES. AGITATOR
FACTIONIS. RVSSATAE

NATIONE . HISPANVS . LVSITANVS
ANNORVM . XXXVII. MENS. VII. D. XXIII

PRIMVM . AGITAVIT . IN . FACTIONE
ALB . ACILIO . AVIOLA. ET. CORELLIO

PANSA . COS

PRIMVM. VICIT. IN. FACTIONE . EADEM

M . ACILIO . GLABRIONE . C. BELLICIO
TORQVATO . COS

PRIMVM . AGITAVIT . IN . FACTIONE
PRASSINA

TORQVATO. ASPRENATE. II. ET. ANNIO
LIBONE . COS

PRIMVM. VICIT. IN. FACTIONE. RVSSATA
LAENATE . PONTIANO. ET. ANTONIO

RVFINO . COS

Item

C . APPVLEIO . DIOCLI

AGITATORI. PRIMO. FACT

RVSSAT. NATIONE. HISPANO

FORTVNAE. PRIMIGENIAE

D . D

C. APPVLEIVS. NYMPHIDIANVS

ET. NYMPHIDIA. FILII

Item

CL . AVRELIO . POLYPHEMO

DOMINO . E T . AGITATORI

FACTIONIS . RVSSATAE . TOGENI

CAESAREO . SVI. TEMPORIS. PRIMO

ET. SOLO. FACTIONARIO. OB. GLORIAM

N

Item

Item

DIIS . MANIBVS
 M.ANTONIO.M.F. ANIENSI
 MATRINIO . EVOK . AVG
 VIX. ANN.XXXIIX. M . VIII
 M.ANTONIUS. M. F.ANIEN
 PRIMIGENIVS
 MEDICVS. FACT . RVSSAT
 FRATRI . SANCTISS . FEC

item

Q. RAPIDIO. Q. F.LEM
 SEPVLLIO
 PROCVRATORI.DROMI
 FACTIONIS . V E NET
 Q. RAPIDIUS.XENODO
 TVS. ET. RAPIDIA
 IVVENTINA
 P A R
 F E C E R E

Item

Q. RAPIDIO. Q. F.LEM
 MVLIONI
 MORATORI, LVDI
 CIRCEN . ET
 AGITATORI
 FACTION.VENET
 VIX. ANN. LX
 RAPIDIA . MARIT
 P I S S I M O
 B. M.F

Item

item

M.VIPSANIO. FVLLONI . TENTORI
 M.VIPSANIO. EROTI . AVRIGATORI
 M.VIPSANIO. MIGNIONI . VIATORI
 M.VIPSANIO.QVARTIN.SVCCONDITORI
 M.VIPSANIVS.RVFINVS.MEDICVS.FACT
 VENETAE.OLL.IIII.DD

Theatrum Pompeij

Theatrum Lapideum

Theatrum Balbi capit loca x x x ∞ x c v

Theatrum Marcelli capit loca x x x ∞

De theatro Marcelli haec extat inscriptio

IMP . CAESARI . DIVI . NERVAE . F
 NERVAE . TRAIANO . A V G . GERM
 DACICO.PONT. MAX. TRIB . POT . VIII
 IMP.IIII.COS. V . P.P. OPTIMO . PRINCIPI
 S A G A R I . THEATRI . MARCELLI
 CVLTORES.DOMVS.AVG

Amphitheatrum T.Statilij Tauri

Naumachia Domitiani

Forum Ahenobarbi

Basilica Mattidij, alias Macidij, alias Matidiae

Basilica Marciana

Basilica Antoniniana, ubi erat prouinciarum memoria

Curia Pompeij cum atrio & porticu

Curia Octaviae cum porticu, in qua erat signum Apollinis ful-
men tenentis

Septa Agrippiana

N 2

Septa

Septa Trigaria

Ouile

Diribitorium

Villa publica, ubi primum census populi actus est

Carcer C. uirorum

Horti Lucullani

Horti Agrippae

Schola porticus Octaviae, in qua erat statua Cupidinis opus
Praxitelis

Quattuor satyri, & duae nymphae

Thermae Agrippae

Arcus Ti. Caesaris

Thermae Neronianae

Arcus diui Claudij

Thermae Alexandrinae

Columna coelidis Antonia

Thermae Hadriani imp

niana, alta pedes CLXXV.

Thermae Decianae

habens gradus CCVI. &

Balinea priuata LXIII

fenestras LVI

Lauacrum Apollinis

Columna index belli inferen-

Lacus thermarum Neronis

di, ante aedem Bellonae

Lacus sine nomine

Sepulchrum, siue Mausoleum

Fons Scipionum

Augusti, in quo erant duo

Bibliotheca porticus Octa-

pares obelisci magni, singu-

uiac

li pedum XLII

De quo haec extat inscriptio

M . V L P I V S

A V G . L . A E G L V S

P R O C . M A V S O L E I

I M A G I N E M

C O R I N T H I A M

T R A I A N I . C A E S A R I S

C O L L E G . F A E N A R I O R

D . D

Sepulchrum Domitiorum in colle hortulorum

Sepulchra in campo Martio

Sullae Felicis dictatoris

Iuliarum Caesaris amicae, & filiae

Hirrij & Pansae consulum

Pistrina XXXII

Horrea XXXII

Domus CXL in his

Domus Alexandri imperatoris

Domus Pinciorum in colle hortulorum

Insulae IIIIO DCCXXCVIII

Insula Philidis

Regio in circuitu continet pedes XXXOO DLX

REGIO.X.PALATIVM

Mons Palatinus, alias Romu
lius

Via Noua

Prata Bacchij, ubi fuerunt ae
des Vitruvij Fundani

Clius Victoriae

Vici septem

vicus Padi

vicus Curtiarum

vicus Fortunae respicientis

vicus Salutaris

vicus Apollinis

vicus Huiusque diei

vicus Fortunae reducis

Vicomagistri XXIIIX

Curatores II

Denuntiatores II

Roma Quadrata

Sedes imperij Romani

Velia

Summa Velia

Ad capita Bubula

Sicilia in Palatio

Ad Mammam, hoc est dietae

Mammaeae

Lucus Larum

Templa X

Templum Iouis Statoris

Templum Fidei

Templum Apollinis Palati-

N 3 ni

ni dedicatū ab Augusto, ubi lychnuchi pendeant instar arboris mala ferentis, cum porticu, & area, in quo erant

Simulachra dei Apollinis, opus Scopae

Dianae, opus Timothei, &

Signa IIII. bouum aeneorum a Myrione facta

Templum Lunae in Palatio

Templum Iouis, alias Solis Alagabali

Templum Augusti

Templum Quirini prope Lupercal, ubi erat signum lupae praebentis duobus pueris Romulo & Remo mammas

Templum Iouis propugnatoris

De quo meminit haec inscriptio

P. MARCIUS. VERVS

IMP. COMMODO. VI. ET. PETRO

NIO. SEPTIMIANO. COS

AN. P. R. C. DCCCCXLI. K. DEC

IN. PALATIO. IN. AEDE. IOVIS

PROPVGNATORIS

IN. LOCVM. P. V. E. R. I.

L. ATILIVS. CORNELIANVS

COOPTATVS

Templum Matris deum, alias Magnae matris Ideae cum simulachro eius ex Pessinunte deuecto

Templum Febris in Palatio

cum ara

Aedes IX

Aedes Consl

Aedes deae Viriplacae in Palatio

Aedes Fortunae vicinae

Aedes Rhamnusiae

Aedes Iouis Victoris

Aedes Dijouis

Aedes Orci

Aedes Vestae

Aedes Victoriae

Aedi

Aediculae VII

Porticus Templi Apollinis cū

statua M. Varronis (tini

Area templi Apollinis Pala

Sacellum Larum in velia

Sacellum voluptiae

Delubrum Iunonis Sospitae

Delubrum Palatij

Delubrum Mineruae

Delubrum Latonae

Pentapilon Iouis Arbitra

Auguratorium (toris

Iouis Coenatio

Curia Saliorum

Sacrariū Saliorū Palatinorū

Lupercal in Theatro

Casa Romuli

Tugurium Faustuli

Ara Febris

Ara Palatina

Colossus Iouis Opt. Max. al-

tus pedes CCL

Fortuna respiciens

De qua mentio est in his duabus inscriptionibus.

O S S A

VIBIAE. SVCCESAE. LIVIAE. AVG. SER

AB. ARGENTO. POTORIO. ITEM. A. VESTE

L. VIRIVS. AVG. SER. PAMPHILVS. SCRIBA

LIB. ET. A. BIBLIOTHECA. LATINA

APOLLINIS. CONIVGI. FIDELISSIMAE

ET. PISSIME. E.D.S.M

Victoria Germanicana

Colossus Apollinis Tuscanici

L. pedum in Bibliotheca

Palatina

Statua aurea Britannici Cae-

sar

Theatrum Statilij Tauri in

Palatio

Curiae ueteres IIII. id est

Fonensis

Rapta

Vellensis, &

Velitia

Balineae Palatinae

Balineae priuatae xv

Arcus Octauij patris Augu-

sti, cum signis Apollinis &

Dianae ex uno lapide, opus

Fidiae, quadriga, & curru

Bibliothecae Palatinae duae,

videlicet, Latina Apollinis

in qua erat statua Nu-

meriani Imperatoris

item

S V L P I C I A E
 T H A L L V S S A E
 ANTIOCHVS. TI. CLAVDI
 CAESARIS. A. BIBLIOTHECA
 LATINA. APOLLINIS
 CONIVGI. S V A E
 BENE. MERITAE

Item Bibliothecae Graecae
 DIS. MANIBVS
 C. IVLIVS. FELIX
 A. BIBLIOTHECA
 GRAECA. PALAT

Bibliotheca domus Tiberianae
Sepulchrum Seueri imperatoris
Sepulchrum Cinciorum
Pistrina XII
Horrea XVI

In horreis Palatinis inuentum
 IMP. T. CAESARI
 DIVI F
 VESPASIANO. AVG
 PLEPS. VRBANA
 QVAE FRUMENTVM
 PVBLICVM. ACCEPIT
 ET. TRIBVS

<i>Domus CXXCIX. in his</i>	<i>Ser. Tullij regis</i>
<i>Tulli Hostilij regis</i>	<i>Poplicolae in velia</i>
<i>Anci Marcij regis</i>	<i>L. Crassi oratoris</i>

L. Hora

L. Hortensii oratoris

L. Sergij Catilinae

M. Aemilij Scauri

C. Caesaris dictatoris

L. Annaei Senecae

M. Valerij Flacci

D. Catuli

M. Ciceronis

Domus Augustana

Domus Tiberiana cum

Bibliotheca

Domus Dionysii

Domus Ceioniorum

Insulae ∞ D C

Regio continet in ambitu per-

des XI ∞ D C

REGIO. XI. CIRCUS
MAXIMVS

Vici octo

Vicus Consuuius, alias Consi-
nius

vicus Proserpinae

vicus Cereris

vicus Argaei

vicus Piscarius

vicus Parcarum

vicus Veneris

vicus Sanctus

Vicus antiquus Publicij ad
portam Trigemina

Vico magistri XXXII

Curatores II

Denuntiatores II

Porta Trigemina

Salinae ad portam Trigemi-
nam

Velabrum maius in foro Oli-

velabrum minus (torio

Argiletum

Lucus Semelis minor

Lucus Saturni

Templum Mercurij

Templum Castoris

Templum Herculis Victoris
in foro BoarioTemplum Iani ad forum Oli-
tortum

Aedes XXII

Aedes Summani, alias Ditis
patris

Aedes Cereris uetus

Aedes Proserpinae

Aedes Veneris opus Fabij
Gurgitis

Aedes

Aedes Portumni ad pontem Sublicium, alias Aemilium

Aedes Herculis Oliuarij ad portam Trigemina

Aedes Cereris

Aedes Pompeij, in qua erat Herculis signum a Myrione factum

Aedes Portumni uetus

Aedes Murciae, alias Veneris Myrteae

Aedes Consi subterranea, alias Neptuni equestris

Aedes Pietatis in foro Olitorio

Aedes Iunonis Matutae in foro Olitorio

Aedes Iunonis

Aedes Pudicitiae patriciae

Aedes Pudicitiae plebeiae in uico Longo

Aedes Fortunae uirilis ad Tiberim, in qua erat statua lignea

Ser. Tullij regis

Aedes Spei in foro Olitorio

Aedes Apollinis Medici

Aedes Liberi, Liberaeque

Aedes Solis

Aedes Florae

Aediculae octo

Aedicula Veneris

Aedicula Iunonis

Aedicula V. . . .

Aedicula Iuuentatis } in cir

Aedicula Solis } co

Aedicula Proserpinac

Aedicula Cereris

Aedicula Parcarum

Area Sancta

Area Apollinis

Sacrarium Saturni cum luco

Sacellum Iouis Cōseruatoris

Sacrarium Numae

Ara maxima, alias magna

Herculis

Ara Consi

Ara Iouis Inuentoris

Ara Accae Laurentiae in Velabro

Apollo Coelispex

Hercules triumphalis

Signa dearum *Setiae*, alias *Segestae*

Metiae, ac
Tutilinae } in circo maximo

Circus Maximus, qui capit loca CDXXCV ∞

In quo erant obelisci duo magni

Quorum maior est pedum CXXXII

Minor pedum LXXXIIXS

Circus Intimus

Forum Olitorium

Basilica Caij, & Lucij Caesarum

Prope aediculam S. Mariae Aegyptiacae, quam

Caij & Lucij basilicam esse Pyrrhus cre-

dit, hae inscriptiones inuentae

C. CAESARI. AVGVSTI. F

PONTIFICI . COS

DESIGNATO

PRINCIPI . IVVENTVTIS

Item

L. CAESARI. AVGVSTI. F

AVGVRI . COS

DESIGNATO

PRINCIPI . IVVENTVTIS

Campus Trigeminorum

Tabernae bibliopolarum Argiletanae

Emissarium cloacae maximae in Tiberim

Balineae priuatae XV

Lacus sine nomine XV

Fornix Sertinij in circo maximo cum signis auratis

Columna Lactaria in foro Olitorio, ad quam infantes lacte alen-

Lupanaria (dos deferebant

Horrea XVI

Pistria

Pistrina XII

Domus CXXCIX

Insulae ∞ DC

Regio in ambitu continet pedes XI ∞ DC

REGIO. XII. PISCINA PVBLICA

Vici XII

vicus veneris almae

vicus Piscinae publicae

vicus Dianae

vicus Celos

vicus Triari

vicus Signi salientis

vicus Laci tecti

vicus Fortunae Mammosae

vicus Colasiti pastoris

vicus portae Rudusculanae

vicus portae Naeuia

vicus victoris

vicomagistri XLVIII

Curatores II

Denuntiatores II

Cohortes uigilum III

Caput uia e nouae

Fons Lollianus

Aedes Bonae deae Subfaxanae

Aedes Iſidis

Aediculae XII

Aedicula Veneris almae

Aedicula Dianae

Aedicula Fortunae Mammosae

*

Aearadicaria

Ara Lauernae

Fortuna Mammosa

Iſis Athenodora

Signum Delphini

Campus Lanatarius

Horti Aſſiniani

Thermae Antoninianae

Balinae priuatae LXVIII

Lacus LXXX

De quo mentio extat in veteri
hac inscriptione

APPIO . ANNIO . BRADVA

T . VIBIO . BARO : C O S

MAGISTRIFONTIS.LOLLIANI

M . VLPIVS . FELIX

N. CONFLONIVS . VITALIO

C. CLODIVS . SATVRNINVS

Septizonium uetus

Horrea XXIX

Pistrina XXV

Domus CXXIX. in his

Domus septem Parthorum

L. Fabij Cilonis

L. Cornificij

Priuata Hadriani imp

Insulae II ∞ CDXXCVI

Regio in ambitu continet pe
des XII

REGIO. XIII. AVENTINVS

Mons Auentinus

Cluius Publicij

Vici XVII

vicus Fidiij

vicus Frumentarius

vicus Trium uiarum

vicus Caeseti

vicus valeri

vici Laci Miliari

vicus Fortunae

vicus Capitis canteri

vicus Trium altum

vicus Nouus

vicus Loreti minoris

vicus Armilustri

vicus Columnae lignae

vicus Materiarius

vicus Mundicie

vicus Loreti maioris, ubi e-

rat vortumnus

vicus Fortunae dubiae

vico magistri LXVIII

Curatores II

Denuntiatores II

Cluius publicus

Caput Armilustri

Doliolum

Remuria

Scalae Gemoniae

Lauretum

Mappa aurea

Spelunca Caci

Platanon

Lucus Lunae in Auentino

Lucus Laurentinus

Lucus Platanorum

Lucus Loreti maioris

Lucus Loreti minoris

Lucus Hylernae

Templa VI

Templum Lunae in Auenti-

no magnum

Templum commune Dianae

Templum Bonae deae in A-

uentino

Temo

Templum Libertatis	Porticus Fabaria, alias
Templum Iunonis Reginae	Faberij
DD. a Camillo captis Veijs	Atrium Libertatis in Auen-
Templum Iſidis	tino
Aedes octo	Atrium Matutae
Aedes Conſt	Sepulchrum diui Tatiij
Aedes diui Tati	Area Publica
Aedes Mineruae, alias Palla-	Area Pinaria
dis in Auentino	Ara Iouis Elicij
Aedes Siluani	Vortumnus, alias aedes Vora-
Aedes Mercurij	tumni
Aedes Herculis & Siluani	Fortuna Horreorum Gala-
Aedes Matutae cum aereis co-	bianorum
lumnis, & atrio	Statua Minuci Augurini
Aedes victoriae in Auentino	praefecti annonae
Aediculae XVII	Odaeum
Aedicula Fidiij, alias Fidei	Naumachia
Aedicula Fortunae dubiae	Forum piſtorium
Aedicula Hylernae	Campus Pecuarius, alias
Aedicula deae Tutilinae	Pescuarius
*	Schola Caſſij
Porticus Aimilia	Thermae Varianae
Thermarum Varianarum mentio eſt in hac inſcri-	
ptione in Auentino uerſus P.S. Paulli inuenta	
AQVA. TRAIAN. Q. ANICIVS. Q. P. ANTONIAN	
CVR. THERMARVM. VARIANARVM	
Thermae priuatae Traiani	Sepulchrum C. Ceſtij VII.
Balineae priuatae LXXIII	uiri epulonum
Lacus LXXVIII	Columna P. Mancini
Fons Siluani (geminam	praef. annonae
Bmporium extra portã Tri-	Horrea XXXVI. in his

Aniceti
Varguntei
Galbiana

De quibus uetera haec epigrammata mentionem faciunt

NVM . DOM. AVG
SACRVM
FORTVNAE. CONSER
VATRICI . HORREOR
GALBIANORVM
M.LORINVS.FORTVNA
TVS . MAGISTER
S.P.D.D

Item

NVM . DOM . AVG
GENIO.CONSERVATO
RI . HORREORVM
GALBIANORVM
M . LV RINVS
FORTVNATVS
MAGISTER
S.P.D.D

Horrea Domitiani Augusti
Pistrina XXX
Domus CIIII. in his
Domus Vlpiorum, alias priuata Traiani

Pri-

Priuatæ Vlpiorum mentio est in hac antiqua
 basi, quæ ibidem in Auentino, sub aede
 S. Priscæ uersus circum maximum
 inuenta est

H E R C V L I
CONSERVATORI
DOMVS. VLPIORVM
SACRVM
M. VLPIVS
VERECVNDVS

Domus Vitellij imp
Ennij poetæ
Faberij scribæ
L. Licinii Suræ III. cos
Insulæ 1100 CDXXCVIII
Regio in ambitu continet pedes XVI00 CCC

REGIO. XIII. TRANSTIBERIM

Ianiculus mons

Vaticanus mons

Insula

Naualia

Vici XXIII

Vicus Censori

Vicus Gemini

Vicus Rostratæ

Vicus Longi Aquilæ

Vicus Statuæ Siccianæ

Vicus Quadrati

De regione XIII. & vico Quadrati, mentio
est in antiqua hac inscriptione

D I A N A E
NEMORESI. VESTAE
SACRVM. DIC

IMP. NERVA. TRAIANO. AVG
GERMANICO. III. COS. PRAEF
EIVS. T. VOLTEDIO. MAMILIANO

QVAESTORIB

L. CAECILIO. VRSO. ILM. LVCRETIO
SABINO. II. A E DILIB

Q. VIBENNA. QVIETO
TI. CLAVDIO. MAGNO

P. CORNELIVS. TROPHIMVS. PISTOR
ROMANIENSIS. EX. REG. XIII
IDEM. CVR. VICI. QUADRATI
ET. LANIA. C. F. THYRONE. CONIVX
EIVS. VOTVM. LIBENS. SOLVERVNT

Vicus Raciliani maioris

vicus Laci restituti

Vicus Raciliani minoris

vicus Saufei

vicus Ianiculensis

vicus Sergi

vicus Bruttianus

vicus Ploti

vicus Larum ruralium

vicus viberini

vicus Statuae Valerianae

vicus Gaianarum

vicus Salutaris

Vico magistri nonaginta

vicus Paulli

duo

vicus Sex. Lucei

Curatores II

vicus Simi publici

Denuntiatores II

vicus Patratilli

Cohortes uigilum VII

Caput Gorgonis
 Lucus Forinarum
 Lucus Publicus
 Lucus Vaticanus
 Templum fortis Fortunae

Templum Apollinis in
 Vaticano
 Templum Fortunae liberae
 Aedes VI
 Aedes Forinarum

De qua meminit uetus hic lapis

I . O . M . N . A V G

S A C R

GENIO . FORINARVM
 ET . CVLTORIBVS . HVIVS
 LOCI . TERENCE . NICE
 CVM . TERENCE . DAMA
 RIONE . FILIO . SACERDOTE
 SIGNVM . ET . BASIM
 DE . SVO . POSVIT

Aedes Iſidis Naumachinae
 Aedes Iouis
 Aedes Fauni
 Aedes Aesculapij
 Aedes Dianae suburbanae
 Aediculae XXII
 Ianus Septimianus
 Area Vaticana

Area Septimiana
 Sacellum deae Maniae
 Arae XII. Iano dicatae
 Ara Martis
 Statua Valeriana
 Statua Sicciana
 Statua diui Iuli in Insula
 Dianae Cornifcae

De quibus extat haec inscriptio

DEIVAS

CORNISCAS

SACRVM

Hercules Cubans
 Hippodromus

Circus Vaticanus, alias Caij &
 Neronis in quo obeliscus pe-
 dum LXXII. erat

Circus

Circus Domitiae in pratis	Thermae Septimianae
Stadius publicus	Thermae hyemales Aureliani
Obeliscus magnus in Insula	Imperatoris
Naumachiae duae	Balineum Ampelidis
Tribunal Aurelium	Balineum Prisciliani
Castra lecticariorum	Balinea priuata CXXXVI
Castra vetera	Lacus CXXC
Campus Bruttianus	Sepulchrum Numae regis in
Campus Codetanus	Ianiculo
Campus vaticanus	Sepulchrũ St. Caecilij poetae
Horti Caesaris	Sepulchrum Hadriani Imp
Horti Domitiae	Horrea XXII
Horti Galbae Imp	Pistrina XXXII
Horti Martialis	Domus CL. in his
Horti Getae	Domus Martialis
Albiona	Insulae IIII ∞ CDIX
Prata Mucia	Regio in ambitu continet
Prata Quinctia	pedes XXXIII ∞
Nosocomion ubi aegroti curabantur in Insula	CDXXCIX

AQVAE . XX

Aq. Appia Aq. Annio uetus
De Aniense veteri haec antiqua inscriptio Romae in
plumbio tubulo inuenta est

ANIO. VET. L. VALERIO. SER. OFF

PLVMB. PED. CCIX

Aqua Marcia alias Aufeia

De aqua Marcia uetus haec inscriptio Romae inuenta est in tubulo plumbeo, ad portam S. Laurentij

P. CORNELIO. DOLABELLA. C. IVN. SILANO. COS

AQV. MAR

Item in eiusdem formis supra portam S. Laurentij
Romae

IMP. CAES. M. AVRELIVS. ANTONINVS. PIVS
FELIX. AVG. PARTH. MAXIM
BRIT. MAXIMVS. PONTIFEX. MAXIMVS
AQVAM MARCIAM. VARIIS. KASIBVS. IMPEDITAM
PVRGATO. FONTE. EXCISIS ET PERFORATIS
MONTIBVS. RESTITVTA. FORMA. ADQVISTO
ETIAM. FONTE. NOVO. ANTONINIANO
IN. SACRAM. VRBEM. SVAM. PERDVENDAM
CVRAVIT

Aq. Tepula

Aq. Iulia

Aq. Virgo

Aq. Halsta, alias Halstetina,

quae & Augusta

Claudia Albulina, Caerulea,

Curtia, Augusta

De aqua Claudia mentio est in hoc epigrammate

D. M

CLEMENTI. CAESARVM
N. SERVO. CASTEL
LARIO. AQVAE. CL
AVDIAE. FECIT. CLAV
DIA. SABBATHIS. ET. SI

Anio nouus

BI. ET. SVIS

Riuus Herculaneus

Aq. Crabra

Aq. Sabatina uel Cimina

Aq. Traiana

{ Aurelia
Septimiana } Transiberim

Aquae Traianae meminit uetus epigramma in Auē
tino Romae inuentum in tubulis plumbeis sic

AQVA. TRAIAN. Q. ANICIVS. Q. F. ANTONIANVS
CVR. THERMARVM. VARIANARVM

Aq.

Aq. Alexandrina

Aq. Seueriana

Aq. Damnata

Aq. Antoniniana

Aq. Annia

Aq. Setina

Aq. Algentiana

Procopius scribit, suo tempore fuisse in vrbe aque-
ductus XIII

Quoniam quo loco, vel qua vrbis regione repo-
nerentur non liquebat

Petuscum Palati regio urbis

Inuicti

Fregellae, locus in urbe

Pugnacis

Argaea, loca in urbe

Praedatoris

Esculetum locus in urbe

Mariani

Clius foro proximus

Templū Iunonis Caprotinae

Vicus Publilius

Templum Apollinis Sostani

Vicus Cosconius

Templum Apollinis Tortoris

Compitum Fabricij

Templū veneris Lubentinae

Lucus veneris Lubentinae

Templum Veneris Victricis

Templa

Templum Herculis Defen-
soris

Templa Fortunae Virginis

Muliebris uia Latina

Templum Herculis uia La-
tina

Masculae

Templum Adonidis

Barbatae

Templum Annonae san-

Equestris nouae

ctae

Plebeiae

Templum Vacunae

Priuatae

Templum Iustitiae

Viscatae

Templum Themidis

Blandae

Templum Erymnarum

Conuertentis

Templū Clementiae Caesaris

Benesperantis

Templum diui Augusti ad

Auertentis

Minervam

Templa Iouis victoris

De quo mentio est in hoc uetusto epigrammate
 DESCRIPTVM. ET. RECOGNITVM. EX

T A B V L A

AENEA. QVAE. FIXA. EST. ROMAE. IN. MVRO
 POST. TEMPLVM. DIVI. AVG. AD. MINERVAM

Templum Iustitiae Augusti	Gallorum
Templum Foecunditatis Pop peae	Rusticorum Aurelij
Templum diui Hadriani	Caedicij
Aedes	Basilicae
Aedes Honoris & Virtutis	Vestini
Mariana	Neptunij
Aedes deum Consentum	Vascellaria
Porticus Vipsani	Flosselli
Porticus Reguli	Sicini
Porticus Stadiata	Fuluia
Porticus C. columnarum	Mammaeae
Porticus curua in hortis Cō modianis	Campi Volcani
Atrium Sutorium	Iouis
Sacrarium gentis Iuliae	Licini
Sacellum Minucij	Horti Mariani
Sacellum Mutini	Horti Seruiliiani
Ara pacis	Horti Commodiani
Ara Larum	Balinea
Curiae nouae proximae com pitum Fabricij	Ti. Claudij Etrusci Statili
Curia Tifata	Martialis
Curia Titia	Annaei Senecae
Curia Faucia, alias Saucia	Tuccae
Fora	Fausti

Fortunae

Fortunati	Nymphaeum Marci imp. pro
Grylli	pe Septizonium
Lupi	Gordiani imperatoris
Pontici	Lacus Seruilius
Seueri	Castra
Paeti	Tabellariorum
Titij	Victimariorum
Offonij Tigillini	Salgamariorum
Alexandri imp	Salicariorum
Varij	Equitum singulorum
	Horrea Seiana

De quibus meminit haec inscriptio

· H · Ö · R · R · E · Ö · R · · S · E · I · A · N ·
 L · V · Ö · L · V · S · I · V · S · A · C · Y · N · D · I · N · V · S ·
 S · I · G · N · V · M · · A · E · S · C · V · L · A · P · I ·
 S · V · A · · P · · D · · D ·

IN.VRBE.ROMA.ERANT

Montes septem	Extra uetus pomerium
Palatinus	Collis hortulorum
Capitolinus	Regiones XIII
Coelius	Vici CCX
Esquilinus	Aediculae totidem
Quirinalis	Vicomagistri DCCCXL
Viminalis	Curatores XXVIII
Auentinus	Denuntiatores XXIX
Transtiberim	Cohortes praetoriae XVII
Ianiculum	Cohortes uigilum VI
Vaticanus	Cohortes urbanae VI

Horrea CCCXXVII

Pistrina CCCXXIX

Balnea C∞ IX

Lacus ∞ XCVIII

Domus ∞ ∞ CXVII

Insulae XLI ∞ C∞ XII

Lucus XXXII

Vestae Cuperius

Iouis Viminii

Loreti minoris

Loreti maioris

Platanorum

Querquetularius

Cuperius Hostiliani

Cuperius Scholae capulato-
rum

Mauortianus

Vaticanus

Furinarum

Poetilius

Lunae in Auentino

Lucinae ubi erat Terentum

Saturni

Semelis minor

Larum

Minervae uetus

Victoriae

Poetilius maior extra portā

Flumentanam

Fagutalis

Ejquilinus

Mephitis

Iunonis Lucinae

Rubiginis

Veneris Lubentinae

Laurentinus

Hylernae

Publicus

Egeriae

Camoenarum

Vaticanus

Fora XIX

Romanum, quod dicebatur
magnum

Caesaris dictatoris

Augusti Caesaris

Boarium

Transitorium, quod & diui
Nervae

Olitorium

Pistorium

Imp. Nervae Traiani Caes.
Augusti

Domitij Ahenobarbi

Suarium, alias Syarium

Archemorium

Diocletiani imp

Gallorum

Rusticorum

Cupedinis ad Corneta

Piscarium

C. Crispi Salustij

Aurelium	Lanatarius
Caedicij	Pecuarius
Basilicae praeter XIX	Vaticanus Transiberim
quae citantur a P. Vi-	Ridiculi
ctore	Martialis
Caïj & Lucij Caesarum	Coelimontanus
Sempronia	Furinarum
Castra praeter ea quae ex	Trigeminorum
plicantur a P. Victore	Volcani
Gyptiana &	Iouis
Vetera	Liciniij
Campi XVII	Thermae praeter XVI a
Viminalis	P. Victore in epilogo
Esquilinus	relatae
Agrippae	Neronianae
Martius	Nouati
Codetanus	Hadriani imp
Bruttianus	Varianae in Auentino

LECTORI . S

Quum hanc quattuordecim antiquae urbis regionum descriptionem, quam ex Sex. potissimum Rufo, & P. Victore, qui ex instituto eius rei argumentum tractarunt, Varrone, Sex. Pompeio, Dionysio, Li-
 uio, Tacito, Tranquillo, Dione, & ceteris vetustis
 scriptoribus, vt apparet, concinnaui, praeter antiqua
 illa epigrammata, quae singulis vrbis regionibus de-
 scribendis interserui, amplissimo, & laboriosissimo
 commentario interpretatus sim, in quo citatis veterū
 auctorum locis, unde singula hauserim demonstraui,
 illud

illud quoque non omisi, ut & quod vnumquodque eorum, vel in quo urbis loco fuerit, explicarem, controuersiasque si quae fuerint, de singulis rebus constituerem; perinde ac feci supra quum de pomerio, portis, vijs, montibusque Romanis differui. Quem commentarium iustissimis de causis impeditus, quas hoc loco referre non est necesse, nunc publicare non potui. Eum porro haud multo post in communem antiquitatis studiosorum gratiam, quibus adiuuandis nihil mihi unquam antiquius fuit, accurate excusum euulgandum curabo, vt qui horum studiorum cupiditate tenentur, certissimum aliquando habeant, & verissimum antiquae urbis exemplar, in quo quantum vetustas fieri permittet, antiquorum aedificiorum situm, descriptionem, & quidquid de ijs veteres auctores tradiderint, quandoque intelligant, & ne in sexcentorum locorum, quae cognitu dignissima sunt, ignorantiae tandiu versentur, quod imperitorum quorundam antiquariorum inscitia, haecenus factum fuisse constat. Interim quod possum praestabo, atque Sex. Rufi librum, quem de regionibus urbis Romae scripsit, nunquam antehac impressum; itemque P. Victoris de eadem re opusculum quamquam saepe excusum, longe tamen emendatius & centum locis, qui in vulgatis omnibus desunt locupletatum, huic operi adijciam, ex quibus praecipue libris, eam quam ego quatuordecim urbis regionum descriptionem feci, excepi. Post quos & Rutilij Claudij Numatiani itineraria duo eiusdem propemodum argumenti suggeram, de quibus singulis quid sentiam, aut vnde eos habuerim singillatim in suis praefationibus explicabo

F I N I S

Praefatio

s Ex . Rufus vir consularis,
qui Valentiniani & Valen
tis imperatorum tempori
bus floruit, multa ingenij
fui monumenta reliquit,

quae omnia praeter admodum pau-
ca temporum iniuria, & barbarorum im-
manitate omnino periere . Ex his enim
supereſt paruus liber, quem de origine
& incrementis imperij Romani ad Valē-
tinianum Auguſtum edidit, qui excuſus
eſt, & vulgo in manibus habetur. Scripſit
& aliud opusculum de regionibus vrbis
Romae eadem propemodum ratione,
qua P. Victor, in quo quum ſingulas vr-
bis regiones enumeraffet, omnia quae in
ſingulis erant memoratu digna, tam pu-
blica

blica quam priuata aedificia breuissime & accuratissime digessit. Qui libellus & ipse interciderat, atque vsque ad nostra tempora tenebris vetustatis oppressus latuerat. Quibus, litteris maiusculis venerandae vetustatis scriptus inuētus est. Ceterum nec ille, quamquam exiguus temporis edacitatem effugere potuit, aliquot enim pagellis truncato, quum pleraque in aliis locis, tum tres quoque extremae vrbis regiones, idest Piscina publica, Auentinus, & Transtiberim integrae desiderantur. Eum tamen quemadmodum ad manus venit accurate exscriptum, accuratiusque excusum antiquitatis studiosis legēdū trado. Cuius mihi copia vir integerrimus, & doctissimus, atq; de omni litterarū genere benemeritus Antonius Augustinus domo Caesarea Augusta episcopus Allifanus, & XII. vir stlitibus iudicandis, quos Romae Rotae auditores vocant, quinquennio ante libentissime fecit. Vale

SEXTIRVFI. V. C. DE REGIONIBVS
VRBIS. LIBER

REGIO. PRIMA. PORTA. CAPE NA



ICVS Ho= Lacus Sudans
noris & uir Lacus Torquati
tutis Lacus Publicus
Vicus Fortu Lacus Biuius
nae obse= Lacus Spei
quentis Lacus Gratiae
Lacus Mamertini
Lacus Salutaris
Lacus LXXI. sine nomine
Balineum Torquati
Balineum Vetti Bolani
Balineum Abascantiani
Balineum Mamertini
Balineum Mettiani
Balineum Antiochiani
Thermae Commodianae
Thermae Seuerianae
Arcus Drustianus
Arcus Veri Augusti
Arcus Traiani
Arcus Bifrons
Mutatorium Caesaris
Almo Fluius
Ara Isidis
Templum Isidis
Templum Serapidis

Tem

Templum Fortunae viatorū	Armamentarium
Vici. IX	Coeliolum
Aediculae. x	Spolium Samarium
Vico magistri xxxvi	Ludus Matutinus
Curatores II	Ludus Gallicus
Denuntiatores II	Campus Coelimontanus
Insulae IIII ∞ CCL	Thermae publicae
Domus CX XI	Domus Parthorum, Laterani
Horrea XIII	Cohortes v. vigilum
Balineae priuatae LXXXII	Subura
Pistrina XII	Vici VIII
Regio in ambitu continet pe-	Aediculae VIII
des XIII ∞ CCXXIII	Vico magistri XXXII
REGIO. COELI-	Curatores II
MONTIVM	Denuntiatores II
Templum Bacchi	Domus CXXIII
Templum Fauni	Horrea XXIII
Templum diui Claudii	Balineae priuatae xx
Campus Martialis	Pistrina XXII
Campus Pontinarum	Lacus fund. XI. sine nomine
Macellum magnum	Regio in circuitu continet pe-
Lupariae	des XIII millia CC
Antrum Cyclopi	REGIO. ISIS. ET. MO-
Castra peregrina	NETA
Caput Africae	Amphitheatrum Flauii
Arbor sancta	Ludus Magnus
Domus vitelliana	Ludus Mamertinus
Domus Philippi	Ludus Dacicus
Regia Tulli cum templo	Tribus Gratiae areae
Mansiones Albanae	Domus Bryttiana
Atrium aurea	Summum Choragium

Praetura praesentissima	Denuntiatores II
Thermae Titi Caesaris	Insulae II. mill. DCCCVII
Thermae Traiani Augusti	Domus CLX
Lymphaeum Claudij Augusti	Horrea XIX
Lacus Pastoris	Balinea privatae XXC
Schola Quaestorum	Lacus XXV. sine nomine
Scola Galli	Pistrina XXIII
Porticus Liuiæ	Regio continet pedes XIII
Templum Concordiae	∞ CCCCL
Castra Misenatum II	REGIO. TEMPLVM
Caput Suburae	PACIS
vici VIII	Templum pacis
Vicus Albus	Templum Remi
vicus Fortunae uicinae	Templum diuae Faustinae
vicus Anciportus	Templum vrbis Romae, &
Vicus Bassianus	Augusti
vicus Structorum	Templum veneris
vicus Asellus	Templum Telluris
vicus Lanarius	Templum Solis
vicus Primigenius	Templum Lunae
Aediculae VIII	Templum Concordiae in porticu Liuiæ
Bonae Spei	Basilica Constantini
Serapidis	via Sacra
Sangi Fidoni	Basilica Paulli (tus
Minervae	Sacriporticus, alias Sacripor
Isidis	Forum Transitorium cum
veneris	templo diui Nervae
Aesculapij	Balinea Daphnidis
volcani	volcanale
vicomagistri XXIII	Porticus absidata
Curatores II	

Bucena

Bucena aurea	vicomagistri XXXII
Apollo Sandalarius	Curatores II
Horrea Testaria	Denuntiatores ¹ II
Sacellum Strenuae	Insulae II ∞ D CCLVIII
Sororium tigillum	Domus CXXXIIX
Meta sudans	Horrea XIIX
Caput Lynco	Balinea priuatae LXXV
Carinae caput	Lacus LXXIX
Domus Pompei	Pistrina XXIII
Auita Ciceronum	Regio in circuitu continet
Aequimaclium	pedes XVIII millia
Area victoriae	REGIO. EXQVILINA
Arcus Titi	CVM. COLLE. VI ¹
vici VIII	MINALI
vicus Sceleratus	Templum Iouis viminei
vicus Eros	Aedes veneris Erycinae
vicus veneris	Horti Plantiani
vicus Apollinis	Lacus Promethei
vicus Trium viarum	Macellum Liuianum
vicus Anciportus minor	Nymphaeum Alexandri
vicus Fortunatus minor	Station. cohort. VII. vigilum
vicus Sandaliarius	Horti Maecenatis
Aediculae VIII	Regia Ser. Tullij
Musarum	Amphitheatrum castrense
Spei	Tres tabernae
Mercurij	Campus viminalis sub aggere
Iuuentutis	Campus Esquilinus
Lucinae valerianae	Lucus Poetilius
Iunonis Lucinae	Lucus Fagutalis
Mauortij	Templum Iunonis Lucinae
Isidis	Domus Aquilij Iureconsulti
	Ara

Ara Iouis Viminei	Veneris placidae
Minerva Medica pantheum	Castoris
Isis patricia	Palloris
Templum Siluani	Siluani
Templum Aesculapij	Apollinis
Thermae Olympiadis	Cloacinae
Lauachrum Agrippinae	Herculis
Vici XV	Mercurij
vicus Sucufanus	Martis
vicus vrst pileati	Lunae
vicus Mineruae	Serapidis
vicus vstrinus	Vestae
vicus Palloris	Cereris
vicus Seius	Proserpinae
vicus Siluani	Vicomagistri LX
vicus Capulatorum	Curatores II
vicus Tragoedus	Denuntiatores II
vicus vnguentarius	Insulae IIII∞ DCCCL
vicus Paullinus	Domus CLXX
vicus Pastores	Lacus LXXIX
vicus Caticarius	Horrea XXVII
vicus veneris placidae	Balineae priuatae LXXV
vicus Iunonis	Pistrina XXXII
Aediculae XV	Regio continet pedes XV ^a
Seiae	millia DCCCCL

REGIO. ALTA. SEMITA

Vicus Bellonae	Templum Florae
Vicus Mamurei	Templum Salutis
Circus Florae	Templum Serapeum
	P
	Tem

Templum Fidei	Vici XII
Templum Apollinis, & Claustrae	vicus Albus
Templum Salutis in colle Quirinali	vicus Publicus
Aedes diui Fidiij	vicus Florae
Templum Fortunae liberae	vicus Quirini
Templum Fortunae Statae	vicus Flauij
Templum Fortunae reductis	Vicus Mamurij
Forum Salustij	vicus Fortunarum
Templum Veneris in hortulis Salustianis	Vicus Paccius
Statua Mamurij	vicus Tiburtinus
Aedes Fortunae publicae in colle	vicus Salutis
Statua Quirini alta pedes XX	vicus Callidianus
Templum Quirini	vicus Maximus
Domus Attici	vico magistri XLVIII
Domus Flauij	Curatores II
Ma'um Punicum	Denuntiatores II
Templum Mineruae	Aediculae XVI
Senaculum mulierum	Fortunae paruae
Thermae Diocletianae, & Maximianae	Genij liberorum
Balineum Paulli	Genij Larum
Decem tabernae	Dianae Valerianae
Ad Gallinas albas	Iunonis Iuliae
Area Callidij	Spei
Cohortes III. uigilum	Sangi
	Siluanij
	Veneris
	Herculis
	Victoriae
	Matutae
	Liberi patris
	Saturni

Iouis	Horrea XIX
Minervae	Balineae priuatae LXV
Insulae IIII ∞ DV	Pistrina XXIII
Lacus LXXVI	Regio continet in circuitu pe
Domus CXLV	des XV millia DC

REGIO . VIA . LATA

Vici XL	vicus Caelatus
vicus Ganymedis	vicus victoriae
vicus Gordiani minor	vicus vicinus
vicus Nouus, alias Nouos	vicus Graecus
vicus Caprarius	vicus Lanarius ulterior
vicus Solis	vicus Pomonae
vicus Gentianus	vicus Caput Minervae
vicus Sangi, alias Sanci	vicus Troianus
vicus Herbarius	vicus Peregrinus
vicus Mansuetus	vicus Castus
vicus Sugillarius minor	vicus Minor
vicus Solatarius	vicus Putealum
vicus Fortunae	vicus Scipionis
vicus Spei maioris	vicus Iunonis
vicus Nouus ulterior	vicus Sellarius
vicus Libertorum	vicus Isidis
vicus Publij	vicus Tabellarius
vicus Nouus citerior	vicus Mancinus
vicus Statuae veneris	Vicus Lotarius
vicus Archemorium, alias	Lacus Ganymedis
Archemonium	Lacus Pertusus
vicus Aemilianus	Arcus Gordiani
vicus Piscarius	Arcus nouus

Arcus Veri & Marci Augu
storum

Nympheum Iouis

Aedicula Capraria

Campus Agrippae

Templum Solis

Castra Gentiana

Castra Gypsiana

Porticus Constantini

Templum nouum Spei

Templum nouum Fortunae

Templum nouum Quirini

Sacellum Genij Sangi

Cohortes VII. uigilum

Equi aenei Tyridatis

Forum Suarium

Forum Archemorium

Horti Argiani

Pila Tiburtina

Lapis Pertusus

Insulae III millia CCC.

LXXXV

Domus CXX

Horrea XXV

Curatores II

Denuntiatores II

Vico magistri CXX

Balneae priuatae LXXV

Pistrina XXVII

Lacus LXXVI

Regio continet in circuitu pe
des XIII. millia DCC

REGIO. FORVM.ROMANVM

Rostra populi Romani II

Fides Candida

Aedes Victoriae

Aedicula victoriae

Templum Romuli

Templum Concordiae

Templum Vespasiani

Templum Mineruae

Templum Vestae

Templum Saturni

Templum Iuli

Templum Augusti

Templum Iunonis Martialis

Templum Castorum

Senaculum aureum

Puteal Libonis

Comitium

Schola Xantha

Liuiae porticus

Arcus Fabianus

Lacus Curtius

Regia Numae

Templum deum Penatium

Templum Larum

Forum

Forum Caesaris	Equus aeneus Domitiani
Ficus Ruminalis	Columna Magn. ludi saecul
Vicus Iugarius, alias Ligu-	Ara Saturni
rius	* multa defunt
Via noua	Templum Veneris & Ana-
Lucus Vestae	chisae
Aius Locutius	Iani publici
Delubrum Mineruae in foro	Equa cernens quattuor saty-
Basilica Paulli	ros
Templum Iani	Vicus Nouus
Forum Piscarium	Ludi litterarij
Forum Boarium	Vicus Vnguentarius minor
Carcer	Vicus Tuscus
Forum Augusti Tusco
Forum Traiani	* multa defunt
Capitolium cum arce	Basil.
Curia Calabra	Macell
Templum Iouis Capitolini	Vici XII
Afylum	Vicomagistri XLIIX
Templum Iouis Feretrii	Curatores II
Templum Veneris caluae	Denuntiatores II
Curia Hostilia sub ueteribus	Insul. il. DCCC.
Delubrum Larum	LXXX.
Aedes Iunonis reliqua huius
Aedicula matris Rumae	regionis defunt
Columna diui Iuli	*

REGIO. CIRCVS. FLAMINIVS

Circus Flaminius	colosso
Aedes antiqua Apollinis cum	Lauacrum Apollinis
	P 3 Stabu

Stabula quattuor factionum
 Herculi magno custodi
 Porticus Philippi
 Aedes Volcani in circo Flami
 nio
 Mimitia uetus
 Theatrum Balbi
 Crypta Balbi
 Porticus Corinthia Cn. Octa
 uij
 Theatrum lapideum
 Mimitia frumentaria
 Lucus Mauortianus
 Minerva uetus cum luco
 Lucus Poetilius maior
 Fons Scipionum
 tis
 * defunt multa
 Sepulchr
 Aedes Apollinis
 Thermae Hadriani
 Villa publica
 Theatrum Pompeij
 Equiria

Stadium
 Amphitheatrum Tauri Statili
 Iuppiter Pompeianus
 Theatrum Marcelli
 Delubrum Cn. Domitij
 Carcer C. Virorum
 Horti Lucullani
 Campus Martis
 Septa Trigaria
 Aedes Neptuni
 Aedes Iuturnae ad aquam
 Virginem
 Templum Bruti Callaici
 Lucus Victoriae uetus
 * defunt multa
 M. Agrippae
 Horti & Thermae Agrippae
 Domus & circus Alexandri
 Pij imperatoris
 Lacus Thermar. Neron. . .

 *
 Reliqua huius regionis de
 sunt

REGIO. PALATIVM

tota deest

*

REGIO . CIRCVS . MAXIMVS

Apollo Coelispex	vicus Consinius
Salinae	vicus Proserpinae
Porta Trigemina	vicus Cereris
Lucus Semelis minor	vicus Argaei
Aedes Portumni ad p. Sublicij	vicus Piscarius
Aedes Ditis patris	vicus Parcarum
Aedes Cereris	vicus veneris
Aedes Proserpinae	vicus Sanctus
Templum Mercurij	Forum Olitorium
Templum Herculis	Columna Lactaria
Hercules triumphalis	Aedes Pietatis
Circus maximus	Aedes Matutae
Hercules Oliuarius	Velabrum maius in foro Oli-
Ara maxima	torio
Templum Castoris	Sacrarium Saturni cum luco
. Mur . . .	Area sancta
Basilica Cai & Luci	Aediculae XII
. Pud	Veneris
. Iuno	Iunonis
* defunt multa	V. * reliqua omnia
Aedes Cons	defunt

REGIO . PISCINA . PVPLICA

REGIO . AVENTINVS

REGIO . TRANSTIBERIM

Integrae defunt

SEX . RVFI . FINIS

P 4 IN

IN. P. VICTORIS. LIBRVM. DE
REGIONIBVS . VRBIS . ROMAE

Praefatio



. Victor eisdem temporibus, quibus Sex. Rufus sub Valentiniano, & Valente imperatoribus vixit, qui & ipse meliori tamē fato quā Rufus, librum breuem de vrbis regionibus digessit; illius enim liber & diu occultus fuit, & nunc imperfectus prodijt, Victoris autem longe ante ab Aldo Manucio primum publicatus est, deinde ab alijs saepe excusus, postremo nunc longe emendatior centum & amplius locis auctus, mea opera in publicum exit; quod ex vtriusque libri collatione facile intelligi poterit. Hic eadem propemodum ratione qua Rufus, vrbis regiones descripsit. Multa tamen sunt in Rufo, a Victore

omissa, multaue e contrario Victor enumerat, quae Rufus praeterijt. Hic vnus libellus est, cuius potissimum ope omnes, qui haecenus de vrbis Romae antiquitate scripserunt, mirum in modum subleuati sunt. Cuius etiam vel male intellecti, vel concisi occasione, multos passim errores in vniuersa Romana antiquitate commiserunt. Quare eius nunc cum Rufo restituti auxilio, multa vel in melius restituta sunt, vel omnino immutata, de quibus satis supra verba feci. Porro autem hic liber ex eadem prodijt, qua Rufus officina, erat enim & ipse iisdem litteris, quas maiusculas vocant, descriptus. Quem vt ab antiquitatis studiosis aliquam gratiam inire, cum ipso Rufo meae vrbis Romae descriptioni integre accurateque excusum, addere institui, vt omnes & P. Victorem integrum tandem in manibus habeant, & per quos ego in hoc opere profecerim intelligant.

P. VICTORIS. DE. REGIONIBVS

VRBIS . ROMAE . LIBER

REGIO . PRIMA

PORTA . CAPENA



ICVS, & aedes Camoenarum
 vicus Drustianus
 vicus Sulpici ulterioris
 vicus Fortunae obsequentis
 vicus Sulpici citerioris
 vicus Puluerarius

vicus Honoris, & Virtutis

Balineum Vetti Bolani

vicus Trium ararum

Balineum Torquati

vicus Fabrici

Balineum Mamertini

Aedes Martis

Balineum Abas cantiani

Aedes Mineruae

Balineum Mettiani

Aedes Mercuri

Secundiani

Aedes Tempestatis

Balineum Antiochiani

Area Apollinis

Thermae Seuerianae

Area Spei

Thermae Commodianae

Area Thalli, sive Galli, sive
Galliae

Arcus Drusi Neronis

Arcus D. veri Parthici

Area Isidis Aelianae

Arcus D. Traiani

Area Pinaria

Arcus Bifrons

Area Carsurae

Mutatorium Caesaris

Lacus Promethei

Almo Fluvius

Lacus Vespasiani, alias Vi-
psani

Ara Mercurij

Ara Isidis

Tem.

Templum Isidis	Domus CXXI
Templum Serapidis	Horrea XIII
Templum Fortunae uiatorum	Balineae priuatae LXXXII
Vici IX	Lacus fund. LXXXIII
Aediculae X	Pistrina XX
Vicomagistri XXXVI	Regio in ambitu continet pe-
Curatores II	des XIII millia CCXXIII
Denuntiatores II	alias XII millia CCXXII
Insulae IIII millia CCL	

REGIO. II. COELIMONTIVM

Templum Claudij	Mica aurea
Templum Bacchi	Armamentarium
Macellum Magnum	Coeliolum
Campus Martialis	Spolium Samarium
Lupariae in Subura	Ludus Matutinus
Antrum Cyclopi	Ludus Gallicus
Templum Fauni	Campus Coelimontanus
Castra Peregrina	Domus Laterani
Caput Africae	Thermae publicae
Arbor Sancta	Cohortes V. uigilum
Domus Philippi	Vici XIII
Domus Vitelliana, alias Vecti- liana	Aediculae octo
Regia Tulli Hostili, Templū=	vicomagistri XXIII
que is in Cur. Alias Templū	Curatores II
que, quod is in Curiam rede-	Denuntiatores II
git, ordine a se aucto, id est,	Insulae III ∞ CVI. alias
patribus minorum gentium	III ∞
Mansiones Albanae	Domus CCXXXIII
	Horrea XXIII

Balineae priuatae LXXX

Lacus LXV

Pistrina XXIII

Regio in ambitu continet pedes XIII^{oo} CC. alias XII^o millia CCREGIO . III. ISIS. ET. SERAPIS
M O N E T AAmphitheatrum quod capit
loca LXXVII millia. alias
LXXXVII millia

Ludus Magnus

Ludus Dacicus

Ludus Mamertinus

Domus Bryttiana

Summum choragium

Praetura praesentissima

Thermae Titi Caesaris Augusti

Thermae Traiani Caesaris Augusti

Thermae Philippi Caesaris Augusti

Lacus Pastoris

Schola Quaestorum

Schola Capulorum

Porticus Liviae cum templo

Concordiae uirilis

Castra Misenatium

Castra Misenatium uetera

Suburae caput

Domus Pompeiani

Vici VIII

Aediculae VIII

Vicomagistri XXIII

Curatores II

Denuntiatores II

Insulae II millia DCCCVII

Domus CLX

Horrea XXIX. alias XIX

Balineae priuatae LXXX

Pistrina XXIII. alias XII

Lacus LXV

Regio in circuitu continet pedes XII millia CCCCL

R E G I O . I I I I

TEMPLVM. PACIS

Templum Remi

Templum urbis Romae

Templum Veneris

Templum Faustinae

Templum Telluris

Templum Solis & Lunae

Via

Via Sacra	Collosus altus pedes CIIS.
Basilica Constantini	habens in capite radiosVII
Basilica uetus Pauli Aimilij	singulos pedum XXIIS
Porticus Liuiæ cum templo	Sacellum deae Strennuæ
Concordiæ	Meta sudans
Sacriporticus, alias Sacri-	Carinae caput
portus	Domus Pompeij
Forum Transitorium	Auita Ciceronum domus
Balineum Daphnidis	Arcus Titi
Porticus Absidata, alias Asti-	Vici octo
data	Aediculae octo
Ara Volcani cum volcanali .	Vicomagistri XXXII
Alias Area Vulcani cū vul-	Curatores II
canali, ubi Lotos a Romulo	Denuntiatores II
fata, in qua area sanguine	Insulae II∞ DCCLVIII
per biduum pluit	Domus CXXXVIII
Buccina aurea, alas Buccinū	Horrea XVIII
aureum	Balineae priuatae LXXV
Apollo Sandaliarius	Lacus LXXVIII
Horrea Cantharia, uel Testa-	Pistrina XIII
ria, alias Tastaria	Regio in ambitu continet pē-
Sororium tigillum	des XIII millia . alias
	XIII millia

REGIO . V . EXQVILINA . CVM . TVRRI
ET . COLLE . VIMINALI

Lacus Promethei secund	Stat. cohortis VII. vigilum,
Macellum Liuiani	alias Cohortes VII. vigilum
Nymphæum Alexandri, alias	Aedes veneris Erycinae ad
D. Alexandri	portam Collinam

Horti

Horti Planciani, uel Plautiani	Minerua Medica
Horti Maecenatis	Iſis patritia
Regia Ser. Tullij	Templum Siluani
Hercules Siluanus, alias Sulanus	Templum Aesculapij
Amphitheatrum Caſtrenſe	Lauacrum Agrippinae
Campus Exquilinus, & Lucus	Thermae Olympiadis
Campus viminalis ſub agere	Vici xv
Tres tabernae	Aediculae totidem
Lucus Petilinus	vicomagistri LX
Templum Lucinae, alias Iunonis Lucinae	Curatores II
Lucus Fagutalis	Denuntiatores II
Domus Aquillij iureconſulti	Inſulae III millia DCCCL
Domus Q. Catuli, & M. Craſſi	Domus CLXX X
Ara Iouis viminei	Lacus CLXXIX
	Horrea XXIII
	Balinea priuatae LXXV
	Piſtrina XXII alias XII
	Regio in ambitu continet pedes xv millia DCCCL. 40
	lias xv millia DCCCC

REGIO. VI. ALTA. SEMITA

vicus Bellonae	Templum Florae, & circus
vicus Mamuri	Floralia
Templum Salutis in colle Quirinali	Capitolium uetus
Templum Serapium, alias Serapeum	Aedes diui Fidiij in colle, alias
Templum Apollinis, & Clatrae	Diuus Fidius in colle
	Forū Saluſtij (Saluſtianorū
	Templum veneris hortorum
	Statua Mamurij plumbea
	Fortuna

Fortuna publica in colle	Ad Gallinas albas
Statua Quirini	Area Calidij
Templum Quirini	Cohortes III. uigilum
Domus Attici	vici XII
Malum Punicum, ad quod Do-	vicomagistri LXVI
mitianus. DD	Aediculae XVI
Templum Mineruae Flauia-	Curatores II
nae, alias templum gentis	Denuntiatores II
Flauiae, & erat domus eius	Insulae III ∞ DC
Domus Titi Flauii Sabini	Domus CLV. alias CXLV
Horti Salustiani	Horea XVIII. alias
Senaculum mulierum	XVIII
Thermae Diocletiani	Balinea priuatae LXXV
Thermae Constantinianae	Lacus LXXVI
Balinea Paulli	Pistrina XXII. alias XII
Templum Fortunae Seiae	Regio in ambitu continet pe-
Decem tabernae	des XV millia DC

REGIO. VII. VIA. LATA

Lacus Ganymedis	Castra Gentiana, aliter Gyn-
Arcus Gordiani iunioris	psiana
Coh. septem uigilum, aliter pri-	Porticus Constantini
morum uigilum	Templum nouum Spei
Arcus Nouus	Templum nouum Fortunae
Arcus veri & Marci Augu-	Templum nouum Quirini
storum	Sacellum Genij Sangi
Nymphaeum Iouis	Equi aenei Tyridatis
Aedicula Capraria	Forum Suarium
Campus Agrippae	Forum Archemorium
Templum Solis	Horti Argiani

Pila

Pila Tiburtina

CCCLXXXV

Ad Mansuetos

Domus C x x

Lapis Pertusus

Horrea x x v

vici x

Pistrina xvii. alias xvi

vicomagistri x l

Balineae priuatae lxxv

Curatores ii

Lacus lxxvi

Denuntiatores ii

Regio in ambitu continet pe-

Insulae iii millia ccc -

des xiii millia d c c

lxxxv. alias iii millia

alias xii millia d c c

REGIO. VIII. FORVM. ROMANVM

Rostra populi Romani ii

Pila Horatia, ubi tropaea lo-

Aedes victoriae, cum alia aed-
dcula victoriae virginis

cata, nuncupantur curia

D D. a M. Porcio Catone

Templum Castorum ad lacum

Sacellum Larum

Iuturnae

Templū Iuli Caesaris in foro

Templum Concordiae

Victoria aurea in templo

Equus aeneus Domitiani

I. O. M. alias victoriae au-

Augusti

reae statua in templo Iouis

Lacus Curtius

opt. max

Atrium Mineruae

Ficus Ruminalis, & Luper-
cal virginis

Ludus Aemilius

Colūna cum statua magni lu-
di, aliter M. Ludij

Iulia Porticus

Graecostasis

Arcus Fabianus

Aedes Opis & Saturni in vi-
co Iugario

Puteal Libonis

Miliarium aureum

Iani duo celebres mercato-

Senaculum aureum

rum locus

Regia Numae

Templum vestae cum atrio

Templum deum Penatium

Templum Romuli

Tema

- Templum Iani
 Forum Caesaris
 Stationes municipiorum
 Forum Augusti cum aede Mar-
 tis Vltoris
 Fides Candida
 Forum Traiani cum templo ,
 & equo aeneo , & colu-
 mna coclide , quae est alta
 pedes CXXVIII . habet=
 que intus gradus CLXXXV
 fenestellas XLV
 Basilica Traiani in foro eius=
 dem
 Cohortes sex vigilum
 Aedicula Concordiae supra
 Graecostasim
 Basilica Argentaria
 Umbilicus urbis Romae
 Ara Saturni in lacu Cur=
 tij
 Templum Titi vespasiani
 Augusti
 Basilica Paulli cum Phrygijs
 columnis
 Ficus Ruminalis in Comitio,
 ubi & Lupercal
 Aedes Veionis inter arcem
 & Capitolium, prope Asy=
 lum

- vicus Ligurum
 Apollo translatus ex Apollo=
 nia a Lucullo, altus cubit.
 triginta, alias triginta
 duos
 Delubrum Mineruae
 Aedicula Iuuentae
 Porta Carmentalis uersus cir-
 cum Flaminium
 Templum Carmentale, alias
 Carmentae
 Capitolium ubi omnium deo=
 rum simulachra celebran-
 tur
 Templum Iouis optimi max.
 Aedes Iouis Tonantis in cliuo
 Capitolij dedicata ab Au-
 gusto
 Curia Hostilia sub uete=
 ribus
 Curia Calabra, ubi pon-
 tifex minor dies pronun-
 tiabat
 Signum Iouis imperatoris
 Praeneste deuectum
 Asylum
 Templum Veneris Caluae
 uetus (nouum
 Templum Veneris Caluae
 Templum uetus Mineruae

Templum Nemesis	Porticus Margaritaria
Ara uetus Saturni	Ludi Litterarij
Horrea Germanica	vicus vnguentarius
Horrea Agrippina	Aedes Vortumni in uico
Equa cernens quattuor Saty ros	Tusco
Forum Boarium	Elephantus Herbarius
Sacellum Pudicitiae patriciae	Vici XII
Aedes Herculis victoris duae,	Aediculae totidem
altera ad portam Trigeminam,	vicomagistri XLVIII
altera in foro Boario	Curatores II
rotunda & parua	Denuntiatores II
Forum Piscarium	Insulae III millia DCCC
Aedes Matutae	LXXX
Vicus Iugarius, idem & Thuararius,	Domus CL
ubi sunt arae, alias	Balneae priuatae LXVI
Areae Opis & Cereris, cum	Horrea XXVIII
signo Vortumni	Lacus CXX
Carcer imminens foro a Ser.	Pistrina XXX
Tullio aedificatus media	Regio in ambitu continet pedes
urbe	XIII millia DCCC
	LXVII. alias XII millia
	DCCCLXVII

REGIO. IX. CIRCVS. FLAMINIVS

Stabula quattuor factionum	Aedes Herculi magno custodi
lud.	circi Flaminij
Aedes antiqua Apollinis cum	Delubrum Iouis Statoris
lauachro	Porticus

Porticus Philippi	Equiria
Aedes Metelli	Horti Lucullani
Aedes Volcani in circo Fla-	Theatrum Lapideum
minio	Fons Scipionum
Mimitia uetus	Templum Neptuni
Mimitia Frumentaria	Sepulchrum Augusti, alias Au-
Porticus Corinthia Cn. Octa-	gustorum
uij, quae prima duplex fuit	Ciconiae Nixae
Crypta Balbi	Pantheon
Theatrum Balbi capit loca	Theatrum Pompeij
xxxv. Cl. Caesar	Basilica Macidij
dedicauit, & appellatur a	Basilica Marciani
vicinitate	Templum diui Antonini cum
Iuppiter Pompeianus	coclide columna, quae est
Theatrum Marcelli capit lo-	alta pedes CLXXV. habet
ca xxxv. Vbi erat aliud	intus gradus CCVI. & fe-
templum Iani	nestellas LVI
Delubrum Cn. Domitij	Thermae Hadriani
Carcer C. virorum, alias	Thermae Neronianae, quae
CLX. virorum	postea Alexandrinae
Templum Bruti Callaici	Circus Alexandri
Templum Apollinis	Thermae Agrippae
Amphitheatrum Tauri Statilij	Templum Boni euentus
Villa publica, ubi primum po-	Thermae Decianae
puli census actus est in cam-	Aedes Bellonae uersus portam
po Martio	Carmentalem
Campus Martis	Ante hanc aedem columna in-
Septa Agrippiana	dex belli inferendi
Aedes Iuturnae ad aquam vir-	Porticus Argonautarum
ginem	Meleagricum
Septa Trigaria	Isaeum

Aedes Mineruae

Serapeum

Minerulum

Minerua Chalcidica

Fortunae equestris uetus

Traiani porticus in campo

Martio

Basilica Antoniniana, ubi est

prouinciarum memoria

Insula Phelidi, siue Filidis

Vici XXX

Aediculae totidem

vicomagistri CXX

Curatores II

Denuntiatores II

Insulae III ∞ D CCLXXX

VII

Domus CXL

Balinae priuatae LXIII

Horrea XXII. alias XXI

Lacus LXIII

Pistrina XXXII

Regio in ambitu habet pedes

XXX millia D LX. alias XXX-

millia D

REGIO.X.PALATIVM

vicus Padi

vicus Curiarum

vicus Fortunae respicientis

vicus Salutaris

vicus Apollinis

vicus Huiusque diei fort aed

Roma Quadrata

Aedes Iouis Statoris

Sacellum Larum

Casa Romuli

viae nouae

Prata Bacchij, ubi fuerunt

aedes Vitruuij Fundani

Ara Febris

Templum Fidei

Aedes Martis deum, huic fuit
conterminum

Delubrum Sospitae Iunonis

Aedes Consi

Aedes Aij Locutij

Domus Ceioniorum

Delubrum Mineruae

Summa Velia

Iouis Coenatio

Aedes Apollinis, ubi lychni
pendebant instar arboris

mala ferentis

Aedes deae viriplacae in Pa-
latio

Aedes

DE REG. VRBIS 245

Aedes Fortunae vicinae	Septizonium uetus, alias Sea
Bibliothecae II	ueri
Aedes Rhamnusiae	Victoriae Germanicianae
Pentapylon Iouis arbitra-	Aedes Dijouis
toris	Lupercal in theatro
Domus Augustana	Vici octo
Domus Tiberiana	Aediculae totidem
Sedes Imperij Romani	Vicomagistri xxviii. alias
Auguratorium	xxiiii
Iouis opt. max. colossus alt. p.	Curatores II
CCL	Denuntiatores II
Ad Mammaeam, hoc est	Insulae ∞ DC. alias II ∞
Dietae Mammaeae	DCXLIII
Ara Palatina	Domus XXCIX. alias LX
Aedes Iouis Victoris	XXVIII
Domus Dionysii	Balinea priuatae XV. alias
Domus Q. Catuli	XXXVI
Domus Ciceronis	Lacus LXXX
Velia	Horrea xvi. alias XLVIII
Curia uetus	Pistrina xii. alias xx
Delubrum Latonae	Regio in ambitu continet pe-
Fortuna Respiciens	des XI millia DC. alias XII
	∞ DC

REGIO. XI. CIRCVS. MAXIMVS

Circus Maximus, qui capit	Templum Mercuri
loca CCCXXCV ∞	Aedes Ditis patris
XII. carceres, alias por-	Aedes Cereris
tae	Aedes Proserpinae
	Q 3 Aedes

Aedes Veneris opus Fabij	tes lacte alendos deferunt
Gurgitis	Aedes Pietatis in foro Olitorio
Aedes Portumni ad P. Aemili	Aedes Iunonis Matutae
olim Sublici	Velabrum maius
Porta Trigemina	Velabrum minus
Salinae	Vici octo
Apollo Coelispex	Aediculae totidem
Aedes Portumni	Vicomagistri XXXVIII.
Aedes Herculis Oliuari,	alias xxxi
alias Hercules Oliuarius	Curatores II
Ara maxima	Denuntiatores II
Hercules Triumphalis	Insulae ∞ DC. alias II ∞
Templum Castoris uetus	DC
Aedes Cereris	Domus LXXXIX
Aedes Pompeij	Balinea priuatae XV
Aedes Portumni uetus	Lacus XV
Obelisci duo, iacet alter, alter	Horrea XVI
erectus	Pistrina XII
Aedes Murciae	Regio in ambitu continet pedes
Aedes Const subterranea	XI ∞ DC. alias XI
Forum Olitorium, in eo colūna	∞ D
est Lactaria, ad quam infans	

REGIO. XII. PISCINA. PVBLICA

vicus veneris almae	Aquae Salientis
vicus Piscinae publicae	vicus Laci tecti
vicus Dianae	vicus Fortunae Mammosae .
vicus Ceios	vicus Colasiti pastoris, alias
vicus Triari	Colapeti
vicus Salientis signi. alias	vicus portae Rudusculanae,
	alias

alias Raudusculanae	Domus Cornifici
vicus portae Naeuia	Privata Hadriani
vicus Victoris	Vici XII
Horti Asiniani	Aediculae totidem
Septizonium Seueri	Vico magistri XLVIII
Area Radicaria	Curatores II
Caput viae nouae	Denuntiatores II
Fortunae Mammosae	Insulae II millia CDLX
Isis Antenodora	XXVI
Aedes Bonae deae Subfaxanae	Domus CXXVIII. alias
Signum Delphini	CXIII
Thermae Antoninianae	Balinea priuatae XLIV
Septem domus Parthorum	Lacus LXXX
Campus Lanatarius	Horrea XXVIII. alias
Domus Cilonis	XXVI
Aedes Isidis	Pistrina XXV. alias XX
Cohortes tres uigilum	Regio in ambitu continet praedes XII millia

REGIO. XIII. AVENTINVS

vicus Fidiij, alias Fidei	vicus Loreti minoris
vicus Frumentarius	vicus Armilustri
vicus Triumpharum	Aedes Const
vicus Caeseti	Aedes Tatij
vicus Valeri	vicus Columnae lignae
vicus Laci miliari	Minervae in Auentino
vicus Fortunae	vicus Materiarius
vicus Capitis Canteri	vicus Mundicie
vicus Triumphalium	vicus Loreti maioris
vicus Nouus	Aedes Siluani

Aedes Mercurij	Camillo dedicatum captis
vicus Loreti maioris, ubi erat	veijs
Vortumnus	Forum Pistorium
vicus Fortunae dubiae	Emporium
Armilustrum. Caput	Templum Iſidis
Templum Lunae in Auentino	Clius publicus
magnum	Aedes Herculis & Siluani
Templum communae Dianae	Fons Siluani
Templum, alias aedes Bonae	Sepulchrum diui Tati
dae in Auentino	Area publica
Thermae Varianae	Horrea vargunteij
Templum Libertatis	Area Pinaria
Doliolum	Horreorum Galbianorum
Priuata Traiani	Fortunae
Horrea Domitiani Aug	vici XVIII. alias XVII
Remuria	Aediculae totidem
Atrium libertatis in Auen-	vicomagistri LXVIII
tino	Curatores II
Mappa aurea	Denuntiatores II
Platanon	Insulae I imil. CD XXXCIIX
Horrea Aniceti	Domus CIIII
Scalae Gemoniae	Balinae priuatae LXXIIII
Porticus Fabaria, alias Fa-	Lacus LXXIIX
braria	Horrea XXXVI
Schola Caſij	Pistrina XXX
Templum Iunonis Reginae a	Regio in ambitu habet pedes
	XVI∞ CCC

REGIO. XIII. TRANSTIBERIM

vicus Censori

vicus Gemini

vicus

vicus Rostratae	Arae XII. Iano dedic
vicus Longi Aquilae	Deae Maniae sacellum
vicus Statuae Siccianae	Balineum Ampelidis
vicus Quadrati	Balineum Priscillanae
vicus Raciliani maioris	Statua valeriana
vicus Raciliani minoris	Statua Sicciana
vicus Ianuclensis	Sepulchrum Numae
vicus Bruttianus	Area vaticana
vicus Larum Ruralium	Cohortes septem uigilum
vicus Statuae valerianae	Caput Gorgonis
vicus Salutaris	Templum fortis Fortunae
vicus Paulli	Area Septimiana
vicus Sex. Lucei	Ianus Septimianus
vicus Simi publici	Hercules Cubans
vicus Patratilli	Campus Bruttianus
vicus Laci restituti	Campus Codetanus
vicus Saufei	Horti Getae
vicus Sergi	Castra Lecticariorum
vicus Ploti	Hippodromus
vicus viberini	Templum Fortunae liberum
vicus Gaianarum	Castra uetera
Aedes Furinarum cum luco	Lucus Publicus
Insula. Aedes Iouis, Fauni, &	Stadius Publicus
Aesculapij	vici XXII
Aedes Isidis	Aediculae totidem
Naumachiae	vicomagistri LXXXVIII
Diae Corniscae	Curatores II
vaticanus	Denuntiatores II
Hortus Domitij	Insulae IIII CDIX
Horti cum domo Martialis	alias CCCCCO CCCCv
Ianiculum	Domus CL.

Balineae

Balineae priuatae CLXXXVI XXII

Lacus CXXC

Regio in ambitu continet

Horrea XXII

pedes XXXIII

Pistrina XXXII. alias

CDXXCIX

Senacula tria, in quibus senatus haberi solitus sit

Vnum inter Capitolium & forum, ubi nunc est aedes Concor-
diae, ubi magistratus cum senioribus deliberant

Alterum ad portam Capenam

Tertium intra aedem Bellonae in circo Flaminio, ubi dabatur
senatus legatis exterarum nationum, quos in urbem admit-
tere nolebantQuartum matronarum in Quirinali Antoninus Pius Bassia-
ni Seueri filius fecitBibliothecae undetriginta publicae, ex ijs praecipue duae Pa-
latinae & Vlpia

Obelisci magni sex

II. In circo maximo, Maior est pedum CXXXII

Minor pedum LXXXVIII. semis

Vnus in Vaticano pedum LXXII

Vnus in campo Martio pedum LXXII

Duo in mausoleo Augusti pares singuli pedum XLII. semis

In insula Tiberis unus

Obelisci parui quadraginta duo, In plerisque sunt notae Aegy-
ptiorum

Circi octo, alias nouem

Fabricius

Pontes octo

Cestius

Miluius

Palatinus

Aelius

Aimilius, qui ante Sublicius

Aurelius, alias Vaticanus

Campi octo

Ianiculensis

Viminalis cum aedicula For-
tunae

tundae paruae	Vipia
Esquilinus	L. Paulli in foro
Agrippae, ubi sunt septa A=	Vestini
grippiana	Neptunij, alias Neptunij,
Martius	alias Neptuni
Codetanus	Macidij, alias Matidij, alias
Bruttanus, alias Bructanus	Matidiae
Lanatarius	Iulia
Pascuarius, alias Pecuarius	Marciana
Vnus ultra Tiberim Vatica=	Vascellaria, alias Vastellaria
nus extra numerum	Filicelli, alias Floselli, alias
Fora XVII	Flosselli
Romanum, quod dicitur Ma=	Sicini, alias Sicimini
gnum	Constantiniana
Caesaris	Porcia, a Porcio Catone
Augusti	facta
Boarium	L. Paulli uetus
Transitorium	Argentaria
Olitorium	Opimiana
Pistorium	Aemilia
Traiani	Fuluia
Ahenobarbi	Mammaea
Suarium, alias Syarium	Antoniniana
Archemorium	Thermae XVI
Diocletiani	Traiani
Gallorum	Titi Caesaris
Rusticorum	Agrippae
Cupedinis	Syriacae
Piscarium, &	Commodianae
Salustij	Seuerianae, alias Varianae
Basilicae XIX	Antoninianae

Alexandrinae	Iulia
Diocletianae	Argentiana
Decianae	Cimina
Constantinianae	Sabatina
Septimianae	Aurelia
Olympiadis	Septimiana
Philippianae	Seueriana
Traianae priuatae	Antoniniana
Thermae publicae (VI	Alexandrina
Iani Quadrifrontes XXX=	Anio nouus
Per omnes regiones marmo	Anio uetus
ribus incrustati, et adorna	Albudina
ti insignijs militaribus, &	Crabra
signis	Viae XXXI
Duo praecipui ad arcum Fa	Appia
bianum superior, inferi	Latina
orque	Lauciana, alias Labicana
Aquae XXIII	Campana
Appia	Praenestina
Marcia	Tiburtina, uel Gabina
Virgo	Collatina
Claudia	Nomentana uel Figulensis,
Herculea, alias Herculanea	alias Ficulnensis
Tepula	Salaria
Damnata	Flaminia
Traiana	Aemilia
Amnia, alias Annia	Claudia, alias Clodia
Alsta, alias Halssetina, alias	Valeria noua, & uetus
Halssetina, quae & Au	Ostiensis
gusta	Laurentina
Caerulea	Ardeatina

Setina	Equi magni uiginti tres
Quinctia	Tabulae & signa sine numero
Gallicana	
Triumphalis	Arcus marmorei XXXVI
Patinaria	Lupanaria XLVI
Cimina	Latrinae publicae CXLIII
Cornelia	Colossi aenei XXXVII
Tiberina	Marmorei LI
Aurelia	Vici CCCCXXIII
Cassia	Aediculae totidem
Portuensis	vicomagistri DCLXXII
Gallia	Curatores XXIII
Laticulensis, alias Ianiculensis	Insulae XLVI millia DCII
Flauia, &	Domus mill. DCCXXC
Traiana	Balinea DCCCLVI
Capitolia II. uetus & nouum	Lacus mill. CCCLII
Amphitheatra II	Pistrina CCLIII
Colossae II	Portae triginta septem
Columnae coelides II	Cohortes praetoriae decem
Theatra tria, alias quattuor	Cohores urbanae sex, alias quattuor
Macella II	Cohortes uigilum sex, alias septem
Ludi sex, alias septem, alias V	Excubitoria XIII
Numachiae V. alias sex	Vexilla II. communia
Stadia II	Castra Peregrina
Nymphea XII. alias XI. alias XV	Castra Praetoria
Equi aenei inaurati octuaginta quattuor	Castra Misenatium II
Equi eburnei CXXIII.	Castra Tabellariorum
alias nonaginta quattuor	Castra Lectariorum
	Castra Victimariorum

Castra Salgamariorum

Castra Salicariorum

Castra equitum singulorum II

Mensae Oleariae LXXIIII ∞ alias XXIIII millia

Lucus XIII

Vestae Cuperius

Viminei

Loreti minoris

Loreti maioris

Platanorum

Querquetularius

Cuperius Hostiliani, alias Hostilianus

Cuperius scholae Capulatorum

Lucus Mauorti

Vaticanus

Furinarum

Poetilius

Lunae in Antonino

Lucus Lucinae, ubi Terentum

P. VICTORIS. FINIS

IN. RV TILII. CLAVDII
NUMATIANI. V. C
ITINERARIA

Praefatio



E Rutilio Numatiano poeta non ine-
leganti immo pro temporum conditio-
ne erudito, haud sane multa habeo
quae dicam, quum nemo, neque qui ex an-
tiquis, neque qui ex recentioribus de poe-
tis Latinis scripserunt, ne uerbum quidē

de illo faciant. Quaedam tamen pauca, quae ex eiusdem duobus
itinerarijs, de quibus nunc dicere institui, quantum ad eius ui-
tam attinet, excipiam. Ipse natus est in Gallijs, quod & index
libri, & hi uersus itinerarij primi indicant, in quibus de seipso
loquitur

At mea dilectis fortuna reuellitur oris

Indigenamque suum Gallica rura uocant

Quum autem per ea tempora ciuitatis Romanae priuilegia per
totum Romanum orbem sese extenderent, cui diu ante ius ci-
uium Romanorum ab imperatoribus datum fuerat, ut his uera
sibus docet

Religiosa patet peregrinae curia laudi

Nec putat externos quos decet esse suos

Ipse omnibus fere Romanis dignitatibus ab imperatore Hono-
rio Augusto, sub quo uixit, exornatus fuit. Patrem quoque ha-
buit, qui Tusciae consularem egit, ita enim qui ei prouinciae
praesidebat appellabatur, quod ipse his uersibus, ubi de Pisa-
rum

rum urbe loquitur, sic refert

Elide deductas suscepit Etruria Pisas

Nominis indicio testificata genus

Hic oblata mihi sancti genitoris imago

Pisani proprio quam posuere foro

Laudibus amissi cogor lacrimare parentis

Fluxerunt madidis gaudia moesta genis

Namque pater quondam Tyrrenis praefuit aruis

Fascibus & senis credita iura dedit

Ipse etiam ut ex libri eius praescriptione liquet, tribunus militum, consul (suffectum intelligas), praefectus praetorio, et urbi fuit. De anno uero in quo urbis praefectura administravit, qui fuit conditae ∞ CLXIX. Christi uero CDXVII. Honorio Augusto XI. & Fl. Constantio V. C. II. coss. sic mentionem facit

Quamuis sedecies denis & mille peractis

Annus praeterea iam tibi nonus erat

Succesorem in praefectura urbana habuit Venerium Rufum, ad quem hunc duorum itinerariorum librum conscripsit, ut ipse indicat his uersibus

Laetior hic nostras crebescit fama per auras

Consilium Romam pene redire fuit

Hic praefecturam sacrae cognoscimus urbis

Delatam meritis dulcis amice tuis

Optarem uerum complecti carmine nomen

Sed quosdam refugit regula dura pedes

Cognomen uersu, Veneris carissime Rufe

Illo te dudum pagina nostra canit

Quo tempore Stiliconis perfidia imperium occidentale a barbaris, et praecipue Italia a Gothis; & Gallia a Francis, & Burgundionibus uexabantur. Quos ipse euocauerat, quum insidias imp.

imp. Honorio Augusto astrueret, filioque suo Eucherio imperium comparare studeret. Quod his uersibus elegantissime Rutilius deplorat, ubi de Apennino loquitur

Iam tum multiplici meruit munimine cingi
 Sollicitosque habuit Roma futura deos
 Quo magis est facinus diri Stiliconis acerbum
 Proditor arcani, qui fuit imperij
 Romano generi dum nititur esse superstes
 Crudelis summis miscuit ima furor
 Dumque timet quicquid se fecerat ipse timeri
 Immisit Latiae barbara tela neci
 Visceribus nudis armatum condidit hostem
 Illatae cladis liberiore dolo
 Ipsa satellitibus pellitis Roma patebat
 Et captiua prius quam caperetur erat
 Nec tantum Geticis crassatus proditor armis

Ante Sibyllinae fata cremauit opis

Hic quum post expletum praefecturae tempus, ex urbe in Galliam ad auitos agros reuerteretur, & ex inde Romam rediret, multorum ueterum, ut Iulij Caesaris qui Hispaniense, Traiani imp. qui Dacicum, Alexandri Seueri Augusti qui Persicum, Horatij poetae qui Brundusinum, Ouidij qui Milestum, Firmiani qui Africanum itinera scripserunt, itineraria et ipse duo composuit, alterum de itu ex urbe in Galliam, alterum uero de reditu ex Gallia Romam. Quos idcirco hic adposui, quod praeter multa loca scitu digna, quae in utrisque itineribus accurate, & egregie descripsit; urbem quoque Romam, quam hoc libro illustrandam, & ego suscepi, itinere primo, ita scite, ornate, elaborate, uere, & prudenter elegantissimo, eruditissimoq; en-

R comio

comio celebrauit, ut nihil ab horum temporum scriptore elaboratius, & ornatius fieri posse existimem. Incipit autem

Exaudi Regina tui pulcherrima mundi

Inter sidereos Roma recepta polos

Porro autem ex his duobus itinerarijs prius perfectum est. Posterioris finis desideratur. Liber admodum elegans, quamquam paruus, certe ob uariarum rerum cognitionem, quibus reферtus est, dignus admodum mihi uidetur esse, ut in hominum manibus assidue & lectione uersetur, indignusq; quod tam diu in tenebris delituerit. Nam & si multis annis antea semel excusus fuerit, paulatim tamen omnis eius memoria obliuioni ita tradita erat, perinde ac si nunquam fuisset. Eum autem & multis librariorum uitio obortis erroribus sublatis, emendatum, et aliquot uersibus qui in uulgato deerant locupletatum, Gabrielis Faerni uiri optimi, doctissimi, poetarumque omnium nostro saeculo celeberrimi opera, denuo in lucem dare decreui, non tam ipsius Numatiani immortalitati, quam antiquitatis studiosorum utilitati & commodis consulturus

RVTILII.CLAVDII.NVMATIANI

GALLI . VIRI . CONSVLARIS

PRAEFECTORII.VRBIS.TRIBVNI

MILITVM . PRAEFECTI

PRAETORIO

LIBER.PRIMVS

CVI.TITVLVS.ITINERARIVM

AD.VENERIVM.RVFVM



*Elocem potius reditum mirabere lector
Tam cito Romuleis posse carere
bonis*

*Quid longum toto Romam uenerantibus
aëuo?*

*Nil unquam longum est, quod sine fine
placet*

*O quantum & quoties possem numerare beatos
Nasci felici qui meruere solo*

*Qui Romanorum procerum generosa propago
Ingenitum cumulant urbis honore decus*

*Semina uirtutum demissa & tradita coelo
Non potuere alijs dignius esse locis*

*Felices etiam qui proxima munera primis
Sortiti Latias obtinuere domos*

R 2

Religiosa

Religiosa patet peregrinae curia laudi
 Nec putat externos quos decet esse suos
 Ordinis imperio, collegarumque fruuntur
 Et partem genij, quem uenerantur, habent
 Quale per aetherios mundani uerticis axes
 Connubium summi credimus esse dei
 At mea dilectis fortuna reuellitur oris
 Indigenamque suum Gallica rura uocant
 Illa quidem longis nimium deformia bellis
 Sed quam grata minus, tam misera magis
 Securos leuius crimen contemnere ciues
 Priuatam repetunt publica damna fidem
 Praesentes lacrimas tectis debemus auitis
 Prodest admonitus saepe dolore labor
 Nec fas ulterius longas nescire ruinas
 Quas mora suspensae multiplicauit opis
 Iam tempus laceris post longa incendia fundis
 Vel pastorales aedificare casas
 Ipsi quinetiam fontes si mittere uocem
 Ipsaque si possent arbusta nostra loqui
 Cessantem iustis poterant urgere querelis
 Et desiderijs reddere uela meis
 Iam iam laxatis carae complexibus urbis
 Vincimur, et serum uix toleramus iter
 Electum pelagus, quoniam terrena uiarum
 Plana madent fluuijs, cautibus alta rigent
 Postquam Tuscus ager, post quamquam Aurelius ager
 Perpeffus Geticas ense uel igne manus

Non siluas domibus, non flumina ponte coerces
Incerto satius credere uela mari
Crebra reliquendis infigimus oscula portis
Inuiti superant limina sacra pedes
Oramus ueniam lacrimis, & laude litamus
In quantum fletus currere uerba finit
Exaudi regina tui pulcherrima mundi
Inter sidereos Roma recepta polos
Exaudi genetrix hominum, genetrixque deorum
Non procul a coelo per tua templa sumus
Te canimus, semperque, sinent dum fata, canemus
Sospes nemo potest, immemor esse tui
Obruerint citius scelera obliuia Solem
Quam tuus ex nostro corde recedat honos
Nam Solis radijs aequalia munera tendis
Qua circumfusus fluctuat Oceanus
Voluitur ipse tibi, qui continet omnia, Phoebus
Eque tuis ortus, in tua condit equos
Te non flammigeris Libye tardauit harenis
Non armata suo reppulit Vrfa gelu
Quantum uitalis natura tetendit in axes
Tantum uirtuti peruia terra tuae
Fecisti patriam diuersis gentibus unam
Profuit iniustis te dominante capi
Dumque offers uictis proprii consortia iuris
Vrbem fecisti quod prius orbis erat
Auctorem generis Venerem, Martemque fatemur
Aeneadam matrem, Romuliumque patrem

Mitigat armatas uictrix clementia uires
 Conuenit in mores nomen utrunque tuos
 Hinc tibi certandi bona, parcendique uoluptas
 Quos timuit superat, quos superauit amat
 Inuentrix oleae colitur, uinique repertor
 Et qui primus humo pressit aratra puer
 Aras Paeoniam meruit medicina per artem
 Fretus & Alcides nobilitate deus
 Tu quoque legiferis mundum complexa triumphis
 Foedere communi uiuere cuncta facis
 Te dea te celebrat Romanus ubique recessus
 Pacificoque gerit libera colla iugo
 Omnia perpetuos quae seruant sidera motus
 Nullum uiderunt pulchrius imperium
 Quid simile Assyrijs connectere contigit arma
 Medi finitimos cum domuere suos?
 Magni Parthorum reges, Macedumque tyranni
 Mutua per uarias iura dedere uices
 Nec tibi nascenti plures animaeque manusque
 Sed plus consilij, iudicijque fuit
 Iustis bellorum causis, nec pace superba
 Nobilis ad summas gloria uenit opes
 Quod regnas minus est, quam quod regnare mereris
 Excedis factis grandia fata tuis
 Percensere labor densis decora alta trophaeis
 Vt si quis stellas pernumerare uelit
 Confunduntque uagos delubra micantia uisus
 Ipsos crediderim sic habitare deos

Quid

Quid loquar aerio pendentes fornice riuos?
Qua uix imbriferas tolleret Iris aquas
Hos potius dicas creuisse in sidera montes
Tale gigantaecum Graecia laudat opus
Intercepta tuis conduntur flumina muris
Consumunt totos celsa lauacra lacus
Nec minus & proprijs celebrantur roscida uenis
Totaque natiuo moenia fonte sonant
Frigidus aestiuas hinc temperat halitus auras
Innocuamque leuat purior unda sitim
Nempe tibi subitus calidarum gurgis aquarum
Rupit Tarpeias hoste premente uias
Si foret aeternus: casum fortasse putarem
Auxilio fluxit qui rediturus erat
Quid loquar inclusas inter laquearia siluas?
Vernula, qua uario carmine ludit auis
Vere tuo nunquam mulceri desinit annus
Delitiasq; tuas uicta tuetur hiemps
Erige crinales lauros, seniumque sacratum
Verticis in uirides Roma recinge comas
Aurea turrigero radiant diademata cono
Perpetuosque ignes aureus umbo uomat
Abscondat tristem deleta iniuria casum
Contemptus solidet uulnera clausa dolor
Aduersus Solem ne uis sperare secunda
Exemplo coeli ditia damna subis
Astrorum flammae renouant occasibus ortus
Lunam finiri cernis ut incipiat

Victoris Breni non distulit Alia Poenum
Samnis seruitio foedera saeuauit
Post multas Pyrrhum clades superata fugasti
Fleuit successus Hannibal ipse suos
Quae mergi nequeunt nixu maiore resurgunt
Exiliuntq; imis altius alta uadis
Utque nouas uires fax inclinata resumit
Clarior ex humili sorte superna petis
Porridge uicturas Romana in saecula leges
Solaque fatales non uereare colos
Quamuis sedecies denis & mille peractis
Annus praeterea iam tibi nonus erat
Quae restant nullis obnoxia tempora metis
Dum stabunt terrae, dum polus astra feret
Illud te reparat quod cetera regna resoluit
Ordo renascendi est crescere posse malis
Ergo age sacrilegae tandem cadat hostia gentis
Submittant trepidi perfida colla Getae
Dittia pacatae dent uectigalia terrae
Impleat Augustos barbara praeda sinus
Aeternum tibi Rhenus aret, tibi Nilus inundet
Altricemque suam fertilis orbis alat
Quin & foecundas tibi conferat Africa meses
Sole suo diues, sed magis imbre tuo
Interea Latij consurgant horrea sulcis
Pinguiq; hesperio nectare praela fluant
Ipse triumphali redimitus arundine Tiberis
Romuleis famulas osibus aptet aquas

Atque

Atque opulenta tibi placidis commercia riplis
Deuehat hinc ruris, subuehat inde maris
Pande precor gemino placatum Castore pontum
Temperet aequoream dux Cytheraea uiam
Si non displicui regerem cum iura Quirini
Si colui sanctos, consuluique patres
Nam quod nulla meum strinxerunt crimina ferrum
Non sit praefecti gloria, sed populi
Siue datur patrijs uitam componere terris
Siue oculis unquam restituere meis
Fortunatus agam, uotoque beatior omni
Semper digneris si meminisse mei
His dictis iter arripimus, comitantur amici
Non possum sicca dicere luce uale
Iamque alijs Romam redeuntibus haeret eunti
Rufius Albini gloria uiua patris
Qui Volusi antiquo deriuat stemmate nomen
Et reges Rutulos teste Marone refert
Huius facundae commissa palatia linguae
Primaeuus meruit principis ore loqui
Rexerat ante puer populos pro consule Pœnos
Aequalis Tyrijs terror, amorque fuit
Sédula promisit summos imitatio fasces
Si fas est meritis fidere, consul erit
Inuitum tristis tandem remeare coegi
Corpore diuiso mens tamen una fuit
Tum demum ad naues gradior, qua fronte bicorni
Diuiduus Tiberis dexteriora secat

Leuus inacceſſis fluuius uitatur harenis
 Hoſpitis Aeneae gloria ſola manet
 Et iam nocturnis ſpatium laxauerat horis
 Phoebus chelarum pallidiore polo
 Cunctamur tentare ſolum, portuque ſedemus
 Nec piget oppoſitis otia ferre moris
 Occidua infido dum ſaeuit gurgite Plias
 Dumque procelloſi temporis ira cadit
 Reſpectare iuuat uicinam ſaepius urbem
 Et montes uiſu deficiente ſequi
 Quaque duces oculi grata regione fruuntur
 Dum ſe quod cupiunt, cernere poſſe putant
 Nec locus ille mihi cognoscitur indice fumo
 Qui dominas arces & caput orbis habet
 Quancquam ſigna leuis fumi commendat Homerus
 Dilecto quotiens ſurgit in aſtra ſolo
 Sed caeli plaga candidior, tractuſque ſerenus
 Signat ſeptenis culmina clara iugis
 Illic perpetui ſoles, atque ipſe uidetur
 Quem tibi Roma facit, purior eſſe dies
 Saepius attonitae reſonant circenſibus aures
 Nuntiat accenſus plena theatra fauor
 Pulſato notae redduntur ad aethera uoces
 Vel quia perueniunt, uel quia fingit amor
 Explorata fides pelagi terquinque diebus
 Dum melior Lunæ fideret aura nouae
 Tum diſceſſurus ſtudijs, urbiſque remitto
 Palladium generis ſpemque, decuſque mei

Facundus iuuenis Gallorum nuper ab aruis
Missus Romani discere iura fori
Ille meae secum dulcissima uincula cunnae
Filius affectu, stirpe propinquus habet
Cuius Aremoricas pater Exuperantius oras
Nunc postliminium pacis amore docet
Leges restituit, libertatemque reducit
Et seruos famulis non finit esse suis
Soluimus auroræ dubio quo tempore primum
Agnosci patitur redditus arua color
Progredimur paruis per littora proxima cymbis
Quarum perfugio crebra pateret humus
Aestiuos penetrent oneraria carbasa fluctus
Tutior autumnus mobilitate fugae
Alsa praelegitur tellus, Pyrgique recedunt
Nunc uillae grandes, oppida parua prius
Iam Cerretanos demonstrat nauita fines
Aeuo deposuit nomen Agylla uetus
Stringimus & fluctu & tempore castrum
Index semirutae porta uetusta loci
Praesidet exigui formatus imagine saxi
Qui pastoralis nomina fronte gerit
Multa licet priscum nomen deleuerit aetas
Hoc Inui castrum fama fuisse putat
Seu Pan Tyrrenis mutauit Maenala fluis
Siue sinus patrios incola Faunus init
Dum renouat largo mortalia semina foetu
Fingitur in Venerem pronior essa deus

Ad

Ad Centumcellas forti defleximus austro
 Tranquilla puppes in statione sedent
 Molibus equoreum concluditur amphitheatrum
 Angustosque aditus insula facta tegit
 Attollit geminas turres, bifidoque meatu
 Faucibus arctatis pandit utrumque latus
 Nec posuisse satis laxo naualia portu
 Ne uaga uel tutas uentilet aura rates
 Interior medias sinus inuitatus in aedes
 Instabilem fixis aera nescit aquis
 Qualis in Euboicis captiua natantibus unda
 Sustinet alterno brachia lenta sono
 Nosse iuuat tauri dictas de nomine thermas
 Nec mora difficilis milibus ire tribus
 Non illic gustu latices uitiantur amaro
 Lymphaque fumifico sulphure tineta calet
 Purus odor, mollisque sapor dubitare labantem
 Cogit qua melius parte petantur aquae
 Credere sit dignum famae, flagrantia taurus
 Inuestigato fonte lauacra dedit
 Ut solet excussis pugnam praeludere glebis
 Stipite cum rigido cornua prona terit
 Siue deus faciem mentitus, et ora iuuenti
 Noluit ardentis dona latere soli
 Qualis Agenorei rapturus gaudia furti
 Per freta uirgineum sollicitauit onus
 Ardua non solos deceant miracula Graios
 Auctorem pecudem fons Heliconis habet

Elicitas simili credamus origine nymphas
Musarum latices ungula fodit equi
Hæc quoque Pierijs spiracula comparat antris
Carminè Messallæ nobilitatus ager
Intrantemque capit, discedentemque moratur
Postibus affixum dulce poema sacris
Hic est qui primo seriem de consule ducit
Vsq̃ue ad Publicolas si redeamus auos
Hic & præfecti nutu prætoria rexit
Sed menti & linguæ gloria maior inest
Hic docuit qualem poscat facundia sedem
Vt bonus esse uelit, quisque disertus erit
Roscida puniceo fulsere crepuscula caelo
Pandimus obliquo linthea flexa sinu
Paulisper littus fugimus Munione uadosum
Suspecto trepidant hostia parua solo
Inde Grauisçarum fastigia rara uidemus
Quas premit æstiuæ sæpe paludis odor
Sed nemorosa uiret densis uicinia lucis
Pineaque extremis fluctuat umbra fretis
Cernimus antiquas nullo custode ruinas
Et desolatae moenia foeda Cosæ
Ridiculam cladis pudet inter seria causam
Promere, sed risum dissimulare piget
Dicuntur ciues quondam migrare coacti
Muribus infestos deseruisse lares
Credere maluerim Pygmeæ damna cohortis
Et coniuratas in sua bella grues

Haud

Haud procul hinc petitur signatus ab Hercule portus
Vergentem sequitur mollior aura diem
Inter castrorum uestigia sermo retexit
Sardoam Lepido praecipitante fugam
Littore nanque Cosae cognatos depulit hostes
Virtutem Catuli Roma secuta ducis
Ille tamen Lepidus peior, ciuilibus armis
Qui gesit sociis impia bella tribus
Qui libertatem Mutinensi Marte receptam
Obruit auxilijs urbe pauente nouis
Insidias paci moliri tertius ausus
Tristibus excepit congrua fata reis
Quartus Caesareo dum uult irrepere regno
Incesti poenam soluit adulterij
Nunc quoque sed melius de nostris fama queretur
Iudex posteritas semina dira notet
Nominibus certos credam decurrere mores
Moribus an potius nomina certa dari?
Quidquid id est mirus Latijs annalibus ordo
Quod Lepidum toties recidit ense malum
Necdum decessis pelago permittitur umbris
Natus uicino uortice uentus adest
Tenditur in medias mons Argentarius undas
Ancipitique iugo caerula curua premit
Transuersos colles bis ternis milibus artat
Circuitu ponti terduodena patet
Qualis per geminos fluctus Ephyreius Isthmos
Ionias bimari littore findit aquas

Vix circumuehimur sparsae dispendia rupis
Nec sinuosa graui cura labore caret
Mutantur totiens uario spiramina flexu
Quae non profuerant uela, repente nocent
Eminus Igilij siluosa cacumina miror
Quam fraudare nefas laudis honore suae
Haec proprios nuper tutata est insula saltus
Siue loci ingenio, seu domini genio
Gurgite cum modico uictoricibus obstitit armis
Tanquam longinquo dissociata mari
Haec multos lacera suscepit ab urbe fugatos
Hic fessis posito certa timore salus
Plurima terreno populauerat aequora bello
Contra naturam classe timendus eques
Vnum mira fides uario discrimine portum
Tam prope Romanis, tam procul esse Getis
Tangimus Vmbronem, non est ignobile flumen
Quod tuto trepidas excipit ore rates
Tam facilis pronis semper patet alueus undis
In pontum quotiens saeua procella ruit
Hic ego tranquille uolui succedere ripae
Sed nautas auidos longius ire, sequor
Sic festinantem uentusque, diesque reliquit
Nec proferre pedem, nec reuocare licet
Littorea noctis requiem metamur arena
Dat uespertinos myrtea silua focos
Paruula subiectis facimus tentoria remis
Transuersus subito culmine contus erat

Lux

Lux aderat, tonsis progressi stare uidemur
Sed cursum, prorae terra relictâ, probat
Occurrit chalybum memorabilis illa metallis
Qua nihil uberius Norica gleba tulit
Non Biturix largo potior structura camino
Nec quae Sardonio cespite massa fluit
Plus confert populis ferri foecunda creatrix
Quam Tartesiâci glareâ fulua Tagi
Materies uitijâ aurum letale parandis
Auri caecus amor ducit in omne nefas
Aurea legitimas expugnant munera taedas
Virgineosque sinus aureus imber emit
Auro uicta fides munitas decipit urbes
Auri flagitijs ambitus ipse furit
At contra ferro squalentia rura coluntur
Ferro uiuendi prima reperta uia est
Saecula semideum ferrati nescia Martis
Ferro crudeles sustinuerunt feras
Humanis manibus non sufficit usus inermis
Si non sint aliae ferrea tela manus
His mecum pigri solabar taedia uenti
Dum resonat uariis uile celeuma modis
Lassatum cohibet uicina Faleria cursum
Quamquam uix medium Phoebus haberet iter
Et tum forte hilares per compita rustica fagi
Mulcebant sacris pectora fessa iocis
Illo quippe die tandem renouatus Osyris
Excitat in fruges germina laeta nouas

Egressi

Egreſſi, uillam petimus, lutoque uagamur
Stagna placent ſepto delitioſa uado
Ludere laſciuioſ inter uiuaria piſces
Gurgitis incluſi laxior unda ſinit
Sed male penſauit requiem ſtationis amoenae
Hoſpitem conductor durior Antiphate
Namque loci querulus curam Iudaeus agebat
Humanis animal diſſociale cibis
Vexatos frutices, pulſatas imputat algas
Damnaque libatae grandia clamat aquae
Reddimus obſcoenae conuicia debita genti
Que genitale caput propudioſa metit
Radix ſtultitiae, cui frigida ſabbata cordi
Sed cor frigidiuſ religione ſua eſt
Septima quaeque dies turpi damnata ueterno
Tamquam laſſati mollis imago dei
Cetera mendacis deliramenta cataſtae
Nec pueros omnes credere poſſe reor
Atque utinam numquam Iudaea ſubacta fuiſſet
Pompeij bellis, imperioque Titi
Latius exciſae peſtis contagia ſerpunt
Victoreſque ſuos natio uicta premit
Aduerſus ſurgit Boreas, ſed nos quoque remis
Surgere certamus cum tegit aſtra dies
Proxima ſecurum reſerat Populonia littus
Qua naturalem ducit in arua ſinum
Non illic poſitas extollit in aethera moles
Lumine nocturno conſpicienda Pharos

S

Sed

Sed speculum ualidae rupis sortita uetustas
Qua fluctus domitos arduus urget apex
Castellum geminos hominum fraudauit in usus
Praesidium terris, indiciumque fretis
Agnosci nequeunt aeui monumenta prioris
Grandia consumpsit moenia tempus edax
Sola manent interceptis uestigia muris
Ruderibus latis tecta sepulta iacent
Non indignemur mortalia corpora solui
Cernimus exemplis oppida posse mori
Laetior hic nostras crebescit fama per aures
Consilium Romam paene redire fuit
Hic praefecturam sacrae cognoscimus urbis
Delatam meritis dulcis amice tuis
Optarem uerum complecti carmine nomen
Sed quosdam refugit regula dura pedes
Cognomen uersu Veneris carissime Rufi
Illo te dudum pagina nostra canit
Festa dies, pridemque meos dignata penates
Poste coronato uota secunda colat
Exornent uirides communia gaudia rami
Prouecta est animae portio magna meae
Sic mihi sic potius placeat geminata potestas
Per quem malueram rursus honore fruar
Currere curamus uelis Aquilone reuerso
Cum primum roseo fuisse Eous equo
Incipit obscuros ostendere Corsica montes
Nubiferumque caput concolor umbra leuat

Sic dubitanda solet gracili uanescere cornu
Defessisque oculis Luna reperta latet
Haec ponti breuitas auxit mendacia famae
Armentale ferunt quippe nataffe pecus
Tempore Cyrnaeas quo primum uenit in oras
Forte secuta uagum femina Corsa bouem
Processu pelagi iam se Capraria tollit
Squalet lucifugis insula plena uiris
Ipsi se monachos graio cognomine dicunt
Quod soli nullo uiuere teste uolunt
Munera fortunae metuunt, dum damna uerentur
Quisquam sponte miser, ne miser esse queat
Quae nam peruersi rabies tam stulta cerebri
Dum mala formides, nec bona posse pati?
Siue suas repetunt ex fato ergastula paenas
Tristia seu nigro uiscera felle tument
Sic nimiae bilis morbum assignauit Homerus
Bellerophontaeis sollicitudinibus
Nam inueni offenso saeui post tela doloris
Dicitur humanum displicuisse genus
In Volaterranum uero uada nomine tractum
Ingressus dubij tramitis alta lego
Despectat prorae custos, clauumq; sequentem
Dirigit, & puppim uoce monente regit
Incertus gemina discriminat arbore fauces
Defixasque offert limes uterque sudes
Illis proceras mos est adnectere lauros
Conspicuas ramis, & fruticante coma

Vt praebentē algam densi Symplegade limi
Seruet inoffensas semita clara notas
Illic me rapidus consistere coruus adegit
Qualis siluarum frangere lustra solet
Vix tuti domibus saeuos tolerauimus imbres
Albini patuit proxima uilla mei
Namque meus quem Roma meo subiunxit honori
Per quem iura meae continuata togae
Non expectatos pensauit laudibus annos
Vitae flore puer sed grauitate senex
Mutua germanos iunxit reuerentia mores
Et fauor alternis creuit amicitijs
Praetulit ille meas cum uincere posset habenas
Praedeccessoris maior amore fuit
Subiectas uillae uacat aspectare salinas
Namque hoc censetur nomine salsa palus
Qua mare terrenis decliue canalibus intrat
Multifidosque lacus paruula fossa rigat
Ast ubi flagrantēs admouit Sirius ignes
Cum pallent herbae, cum sitit omnis ager
Cum cataractarum claustris excluditur aequor
Vt fixos latices horrida duret humus
Concipiunt acrem natiua coagula Phoebum
Et grauis aestiuo crusta calore coit
Haud aliter quam cum glacie riget horridus Ister
Grandiaque adstricto flumine plaustra uehit
Rimetur solitas natura expendere caussas
Inque pari dispar fomite quaerat opus

Iuncta fluenta gelu conspecto Sole liquefcunt
Et rursus liquidæ Sole gelantur aquæ
O quam sæpe malis generatur origo bonorum
Tempeftas dulcem fecit amara moram
Victorinus enim nostræ pars maxima mentis
Congressu expleuit mutua uota suo
Errantem Tuscis confidere compulit agris
Excolere externos capta Tolosa lares
Nec tantum duris nituit sapientia rebus
Pectora non alio prosperiora tulit
Conscius Oceanus uirtutum, conscia Thule
Et quicumque ferox arua Britannus arat
Qua præfectorum uicibus frenata potestas
Perpetuum magni faenus amoris habet
Extremum pars illa quidem discessit in orbem
Sed tanquam medio rector in orbe fuit
Plus palmae est, illos inter uoluisse placere
Inter quos minor est displicuisse pudor
Illustris nuper sacrae comes additus aulae
Contempsit summos ruris amore gradus
Hunc ego complexus uentorum aduersa fefelli
Dum uideor patriæ iam mihi parte frui
Lutea protulerat sudos aurora iugales
Antennas tendi littoris unda iubet
Inconcussa uehit tranquillus aplustria flatus
Mollia securo uela rudente tremunt
Assurgit ponti medio circum flua Gorgon
Inter Pisanum, Cyreniacumque latus

Aduersus scopulos damni monumenta recentis
Perditus hic uiuo funere ciuis erat
Noster enim nuper iuuenis maioribus amplis
Nec censu inferior, coniugioque minor
Impulsus furijs homines, diuosque reliquit
Et turpem latebram credulus exul agit
Infelix putat illuue caelestia pasci
Seque premit laesis saeuior ipse deis
Num rogo deterior Circaeis secta uenenis?
Tunc mutabantur corpora, nunc animi
Inde Trituritam petimus, sic ulla uocatur
Quae latet expulsis insula paene fretis
Namque manu iunctis procedit in aequora saxis
Quique domum posuit, condidit ante solum
Contiguum stupui portum, quem fama frequentat
Pisarum emporio, diuitijsq; maris
Mira loci facies pelago pulsatur aperto
Inque omnes uentos littora nuda patent
Non ullus tegitur per brachia tuta recessus
Aeolias possit qui prohibere minas
Sed procera suo praetexitur alga profundo
Molliter offensae non nocitura rati
Et tamen insanas cedendo interrigit undas
Nec sinit ex alto grande uolumen agi
Tempora nauigij clarus reparauerat Eurus
Sed mihi Protadium uisere cura fuit
Quem qui forte uelit certis cognoscere signis
Virtutis speciem corde uidente petat

Nec

Nec magis efficiet similem pictura colorem
Quam quae de meritis mista figura uenit
Aspicienda procul certo prudentia uultu
Formaque iustitiae suspicienda micat
Sit fortasse minus si laudet Gallia ciuem
Testis Roma sui praesulis esse potest
Substituit patrijs mediocres Umbria sedes
Virtus fortunam fecit utramque parem
Mens inuicta uiri pro magnis parua tuetur
Pro paruis animo magna fuere suo
Exiguus, regum rectores cespes habebat
Et Cincinnatos iugera pauca dabant
Haec etiam nobis non inferiora feruntur
Vomere Serrani, Fabricijq; foco
Puppibus ergo meis fida in statione locatis
Ipse uehor Pisas qua solet ire pedes
Praebet equos, offert etiam carpenta tribunus
Ex commilitio carus & ipse mihi
Officijs regerem cum regia tecta magister
Armigerasque Pij principis excubias
Alpheae ueterem contemplor originis urbem
Quam cingunt geminis Arnus & Ausur aquis
Conum pyramidis coeuntia flumina ducunt
Intratur modico frons patefacta solo
Sed proprium retinet communi in gurgite nomen
Et pontum solus scilicet Arnus adit
Ante diu quam Troiugenae fortuna penates
Laurentinorum regibus infereret

Elide deductas suscepit Etruria Pifas
Nominis indicio testificata genus
Hic oblata mihi sancti genitoris imago
Pifani proprio quam posuere foro
Laudibus amissi cogor lacrimare parentis
Fluxerunt madidis gaudia maesta genis
Nanque pater quondam Tyrrenis praefuit aruis
Fascibus & senis credita iura dedit
Narrabat memini multos emensus honores
Tuscorum regimen plus placuisse sibi
Nam neque opum curam, quamuis sit magna, sacrarum
Nec ius quaesturae grata fuisse magis
Ipsam, si fas est, postponere praefecturam
Pronior in Tuscos non dubitabat amor
Nec fallebatur, tam carus & ipse probatis
Aeternas grates mutua cura canit
Constantemque sibi pariter, mitemque fuisse
Insinuant natis qui meminere senes
Ipsam me gradibus non degenerasse parentis
Gaudent, & duplici sedulitate fouent
Haec eadem cum Flaminiae regionibus irem
Splendoris patrij saepe reperta fides
Famam Lachanij ueneratur nominis instar
Inter turrigenas Lydia tota suos
Grata bonis priscos retinet prouincia mores
Dignaue rectores semper habere bonos
Qualis nunc Decius Lucilli nobile pignus
Per Coryti populos arua beata regit

Nec

Nec mirum magni si redditus indole nati
Felix tam simili posteritate pater
Huius uulni, icis satyra ludente camoenis
Nec Turnus potior, nec Iuuenalis erit
Instituit ueterem censoria lima pudorem
Dumque malos carpit praecipit esse bonos
Non olim sacri iustissimus arbiter auri
Circumsistentes repulit Harpyias
Harpyias quarum decerpitur unguibus orbis
Quae pede glutineo quod tetigere trahunt
Quae luscum faciunt Argum, quae Lyncea caecum
Inter custodes publica furti uolant
Sed non Lucillum Briareia praeda fefellit
Totque simul manibus restitit una manus
Iamque Trituritam Pisaea ex urbe reuersus
Aptabam nitido pendula uela noto
Cum subitis tectus nimbis inforduit aether
Sparserunt radios nubila rupta uagos
Substitimus. Quis enim sub tempestate maligna
Insanituris audeat ire fretis?
Otia uicinis terimus naualia fluis
Sectandisque iuuat membra mouere feris
Instrumenta parat uenandi uillicus hospes
Atque olidum doctas nosse cubile canes
Funditur insidiis, & rara fraude plagarum
Terribilisque cadit fulmine dentis aper
Quem Meleagrici uereantur adire lacerti
Qui laxat nodos Amphitryoniadae

Tum

Tum responsuros persultat bucina colles
Fitque reportando carmine praeda levis
Interea madidis non desinit Africus alis
Continuos picca nube negare dies
Iam matutinis Hyades occasibus udae
Iam latet hiberno conditus imbre lepus
Exiguum radijs, sed magnis fluctibus astrum
Quo madidam nullus nauita linquit humum
Namque procelloso subiungitur Orioni
Aestiferumque canem roscida praeda fugit
Vidimus excitis pontum flauescere arenis
Atque eructato uortice rura tegi
Qualiter oceanus medijs infunditur agris
Destituenda uago cum premit arua salo
Siue alio refluxus nostro colliditur orbe
Siue corusca suis sidera pascit aquis

FINIS ITINERARII PRIMI

RV TILII . CLAVDII
 NV MATIANI . GALLI
 V. C. DE. REDITV. SVO
 ITINERARII

LIBER. SECVNDVS

A D . V E N E R I V M
 R V F V M



ONDVM longus erat, nec multa vo
 lumina passus

Iure suo poterat longior esse liber

Taedia continuo timuit cessura labori

Sumere ne lector iuge paueret

opus

Saepe cibus affert serus fastidia finis

Gratior est, modicis haustibus unda, siti

Intervalla

Interualla uiae fessis praestare uidetur
Qui notat inscriptus milia crebra lapis
Partimur trepidum per opuscula bina rumorem
Quem satius fuerat sustinuisse semel
Tandem nimbose maris obsidione solutis
Pisano portu contigit alta sequi
Adridet placidum radijs crispantibus aequor
Et sulcata leui murmurat unda sono
Incipiunt Apennini deuexa uideri
Qua fremit aerio monte repulsa Thetis
Italiam rerum dominam qui cingere uisu
Et totam pariter cernere mente uelit
Inueniet quernae similem procedere frondi
Artatam laterum conueniente sinu
Milia per longum decies centena teruntur
A Ligurum terris ad freta Sicaniae
In latum uarijs damnosa anfractibus intrat
Tyrreni rabies, Hadriacique sali
Qua tamen est iuncti maris angustissima tellus
Triginta & centum milia sola patet
Diuersas medius mons obliquatur in undas
Qua fert atque refert Phoebus uterque diem
Urget Dalmaticos eoo uertice fluctus
Caerulaque occiduis frangit Etrusca iugis
Si factum certa mundum ratione fatemur
Confluumque dei machina tanta fuit
Excubijs Latijs praetexuit Apenninum
Claustraue montanis uix adeunda uijs

Inuidiam timuit natura, parumque putauit
Arctois alpes opposuisse minis
Sicut uallauit multis uitalia membris
Nec semel inclusit quae pretiosa tulit
Iam tum multiplici meruit munimine cingi
Sollicitosque habuit Roma futura deos
Quo magis est facinus diri Stiliconis acerbum
Proditor arcani qui fuit imperij
Romano generi dum nititur esse superstes
Crudelis summis miscuit ima furor
Dumque timet quicquid se fecerat ipse timeri
Immisit Latiae barbara tela neci
Visceribus nudis armatum condidit hostem
Illatae cladis liberiore dolo
Ipsa satellitibus pellitis Roma patebat
Et captiua priusquam caperetur erat
Nec tantum Geticis crassatus proditor armis
Ante Sibyllinae fata cremauit opis
Odimus Althaeam consumpti funere torris
Nisaeum crinem flere putantur aues
At Stilico aeterni fatalia pignora regni
Et plenas uoluit praecipitare colos
Omnia tartarei cessent tormenta Neronis
Consumat stygias tristior umbra faces
Hic immortalem, mortalem perculit ille
Hic mundi matrem perculit, ille suam
Sed de uerticulo fuimus fortasse loquaces
Carminē proposito iam repetamus iter

*Aduhimur celeri candentia moenia lapsu
Nominis est auctor Sole corusca soror
Indigenis superat ridentia lilia saxis
Et laeui radiat picta nitore silex
Diues marmoribus tellus, quae luce coloris
Prouocat intactas luxuriosa nives*

RELIQVA. DESIDERANTVR

Lectori S




R B I S Romæ, hoc est regionum, ædificiorumque descriptione breuissime & accurate absoluta, nunc reliquum uidetur esse, ut eius interpretationē, quam insigni commentario edidi, studeam publicare, in qua omnia quæ singulis regionibus a me, P. Victore, & Sex. Rufo digesta sunt, ueterum auctorū locis citatis, diligenter sunt examinata. Quod quam primū me factum omnino polliceor, si primos hos labores meos gratos fuisse cognouero. Nō enim futuros existimo, qui laborem hūc meum facile improbaturi sint, quod de iis mihi disputare constituerim, in quibus multi nostra uel patrum memoria, summa cū ingenii & doctrinae laude uersati sunt. Quod & si haud inficias eam, illud tamen mihi etiam concedi uelim,

haec

hæc ipsa quæ ante ex obscurissimis paulo certe clariora reddita sunt, posse etiam assiduis & nouis hominum laboribus longe clarissima & illustrissima reddi. Quantum enim in his quæ antequam XIII. vr bis regiones attigerim, descripsi, præceteris præstiterim, facile omnes diiudicare possunt; quæ etiam fidem reliquis facere queunt, an hæc ipsa nouis quibusdam & accuratioribus hominum lucubrationibus meliorescere possint. Sexcenta enim loca, aut restitui, aut in melius mutari posse opinor. Sed hæc latius alias. Vrbe igitur quanta breuitate potui ornata, nunc quod pollicitus sum secundum librum aggrediar, in quo præclariora Romanæ ciuitatis instituta, eadem propemodum ratione, qua superiora, aperire, & illustrare pro mea virili conabor. Vale

ONVPHRII. PANVINII
 VERONENSIS. FRATRIS
 EREMITAE. AVGVSTINIANI
 CIVITAS.ROMANA



VENETIIS
 Ex officina Erasiana, apud
 Vincentium Valgrisium
 M D L V I I I

THE HISTORY OF THE
CITY OF LONDON

FROM THE FOUNDATION
TO THE PRESENT TIME



BY
JOHN STOW
AND
JAMES WARD

IMP. CAESARI. FERDINANDO
AVSTRIO. PIO. FELICI
PERPETVO. AVGVSTO

ONVPHRIVS. PANVINIVS. VERONENSIS
F R A T E R . E R E M I T A
AVGVSTINIANVS. S. P. D



PRIMA totius instituti mei
parte Caesar Auguste de-
functus, nunc longe dignis-
simum, & praestantissi-
mum opus aggredior. Tanto enim quae
sequuntur, ea quae antecesserunt excel-
lunt, quanto aedificiorum moles res
praestantissimorum hominū gestae. Ve-
terem enim Romanam, maximamque il-
lam rempublicam dilucide sub omnium
oculos, tanta breuitate, quanta fieri pos-
se intelligo, subijcere institui. Quo ortu,
& quibus incrementis orbem terrarum
occuparit, quo ordine, qua ratione, quo
consilio, & euentu singula praeclara ges-

T 2 le-

ferit, demonstrare deinceps, commentarij potius quã historiae more conabor. A Romulo autem initium sumens, omnia vsq; ad Iustiniani Magni Augusti imperium persequar, quae praecipue cognitu digna animaduerverim. Qua ratione Romulus primum, deinde ceteri reges Romanam rempublicam constituerint. Quis libertate parta, eiusdem status fuerit, quonam modo ex paucorũ patriciorum imperio, quibus solis, plebe exclusa, principio respublica commissa fuerat; tenuiores, idest plebs cum principibus ciuitatis in ea administranda, paulatim adaequata, eos postremo superaerit, atque pulsis optimatibus, ad iniustum populi dominatum respublica translata sit. L. Sullae deinde, Marij & Cinnae dominationem; Crassi & Pompeij arma, quae in C. Caesarem dictatorem; Antonij & Lepidi, quae in Augustum cessere exponam. Post Augustum, qui primus
sub

sub principis nomine singulare imperiū
a senatu obtinuit, quae Romanae ciuita-
tis cōditio sub sequentibus īperatoribus
fuerit, vsq; ad Iustinianum imperatorem
aperiam. Ad haec sacra, sacerdotia, ma-
gistratus maiores, minores, ordinarios,
extra ordinem, vrbanos, prouinciales, co-
mitia, tribus, curias, centurias, ordines, &
omnia postremo eius ciuitatis praeclari-
ora instituta, quantum potero, demon-
strabo. Quae omnia quum non solum co-
gnitu dignissima, sed & lectu iocundissi-
ma sint, ea in publicum exire nullo alio
munita praesidio conuenientius esse exi-
stimaui, quam rerum Romanarum sum-
mi praesidis, imperatoris optimi, & Cae-
saris Augustissimi. Cuius virtute, iustitia,
pietate, & religione vniuersus terrarū or-
bis tāquam clarissimo iubare illustratur,
cuius doctrina, eruditione, & liberalitate,
prisca illa virtus, & litterarum prope de-
plorata studia recreari, & in pristinum

T 3 splen-

splendorem redigi coeperunt, quum susceptum abs te optime Caesar, litterarum patrociniū ab omnibus fere nostrae aetatis principibus etiam summis prope neglectum, vndique fama ferat. Te enim Deus optimus maximus, quum ad Romani nominis gloriam renouandam, conseruandamque, tum ad litterarū studia retinenda & augenda ad tantum imperij fastigium euexisse videtur. Sed ne diutius maiestatem tuam verbis distineam, propositi mihi operis rationem explicandam aggrediar. Venetiis Kal. Augusti ∞ DLVIII

ONVPHRII. PANVINII
 VERONENSIS. FRATRIS
 EREMITAE. AVGVSTINIANI
 CIVITATIS. ROMANAE
 DESCRIPTIO

Romulus rex primus



REBEM Romam reges ab initio tenuisse
 constat. Quorum imperio tantae futurae
 reipublicae non solum utili, uerum pro-
 pe etiam necessario, annis CCXLIII.
 paruit. Quid enim futurum fuit, si illa
 pastorum conuennarumque congregata

multitudo, transfuga ex suis populis, sub tutela inuiolati tem-
 pli, aut libertatem, aut certe impunitatem adepti, soluta regio
 metu, agitari coepta esset tribunicijis procellis, & in aliena vr-
 be cum patribus ciuili contentione decertare, priusquam pi-
 gnora coniugum, ac liberorum, charitasque ipsius soli, cui lon-
 go tempore assuescitur, animos eorum consociasset, dissipatae
 res nondum adultae discordia forent, quas tranquilla regij im-
 perij moderatio fouit, eoque nutriendo postremo perduxit, ut
 bonam frugem libertatis, maturis iam uiribus ferre possent.
 Primus autem Romae regnasse, qui eandem etiam condidisse
 Romulus proditur. Quo tempore tria millia peditum, & tre-
 centi equites, ex loci indigenis, Graecis, & Latinis, Albanis,
 & pastoribus per mille domos distributi Romae collecti erant,
 a quibus quum Romulus fratre Remo caeso, auspicato rex
 creatus esset, tunc primū illud institutum est, ne ullus deinceps
 in vrbe magistratus, nisi ante captatis auspicijs crearetur: Ita

De primis tribubus, & curiis

Quum Romulus rex creatus, ad ciuitatis statum constituendum animum adiecisset, primo uniuersum populum Romanum in tres partes, quas tribus appellauit, diuisit; singulas uero tribus in decem partes, quas curias uocauit; curiasque in decurias distribuit. Tribubus tres tribuni, curijs xxx. curiones, decurijs decuriones, populi Romani suffragijs praepositi. Post haec agrum Romanum in tres partes diuisit, quarum alteram publicam, alteram sacerdotum, tertiam priuatarum esse uoluit. Partem uero agri quae priuatis obtigerat in triginta partes diuisam, singulas curias fortiri uoluit. Quae ita a Dionysio in Romulo libro 11. traduntur: Diuisa in tres partes omni multitudine, singulis partibus praefectum constituit eum, quem illustrissimum, ac nobilissimum censebat. Tum singulas trium partium rursus in decem partes distribuit, totidemque singulis praefectos dedit, qui essent fortissimi, ac maiores quidem tribus, minores curias appellauit. Et ij quidem qui trium praefecti erant, tribuni, curiarum uero curiones appellati. Diuisaeque rursus sunt curiae in decurias, uocabanturque singularum praefectus decurio. Postquam autem hoc modo omnes in tribus & curias descripti sunt, agrum urbanum omnem in triginta equales partes distribuit, exempta ex singulis tantilla portione quae sufficeret templis, delubrisque construendis, simulque parte aliqua publica relictæ. & cet. Vnde autem tribus, & curiae dictae, aut quae earum nomina fuerint, paulo post dicam

De pa-

De patricijs, & plebe; senatu, equitibus, & populo

Tertia populi diuifio a Romulo facta, in patres, & plebem exemplo ab Athenienfibus fumpto, fuit: patrum progenies patricij, plebis plebeij appellati. Romulus enim quum nouam urbem uiribus, & iuuenum robore affatim ab fe munitam cerneret, haud minoris momenti fore ratus, fi eandem quoq; confilij ope fulciffet. Quare populum Romanum tertia (ut dixi) diuifione in duas partes primo distribuit, ex his illuftriores genere, fpectatae uirtutis, quique prudentia, modestia, probitate, uitaq; fanchimonia prae ceteris pollerent, uel plures filios fufcepiffent, itemque ditiores, & opulentiores, ac poftremo nati grandiores effent, patres, reliquam uero multitudinem ut ignobiles, & pauperes, plebem appellauit. Patres autem dicti ob aetatem (nam ex populo feniores erant) uel ob curae fimilitudinem, uel quia agrorum partem tribuebant tenuioribus, & eos fuae curae commendatos, atque in clientelam fufceptos, tanquam patres tuebantur. Patres ad concionem fingillatim per preconem conuocabantur addito patris praenomine, plebs uero omnes fimul cornu bubulo. Patribus & patricijs facra facere, facerdotia & magistratus gerere, ius dicere, atque cum rege publica negocia, quae ad ciuitatis ftatum pertinebant, ad ministrare iniunctum eft. Plebs his muneribus exclufa, quae ftuarias artes exercebat, & agriculturae pecorique alendo operam dabat. Ad quorum ordinum concordiam conferuandam, clientum ac patronorum ius inftituit. Nam tenuiores & plebem, in ditiorum, patriciorumq; clientelam distribuit. Quod poftea egregium reipublicae temperamentum Ti. Gracchus tribunus plebis diffoluit. Familiae autem quae ab his patribus, quos primos Romulus legit defcenderunt, patriciae maiorum gentium

gentium dictae sunt, ut aliquot discrimen esset inter has, & illas quas posteriores reges in patricias cooptarunt, quae minorum gentium sunt uocitatae. In his fuerunt certae familiae hae

Iulia	Fabia	Tarpeia
Hostilia	Potitia	Pinaria
Gegania	Quinctilia	Romilia

Ex quibus familijs, quae maiorum gentium dictae sunt, centum hac ratione senatores, quorum consilio rempublicam administraret, primo legit. Nam singulis tribubus edixit, ut tres omnium praestantissimos ex una quaque earundem suis suffragijs crearent, atque ita nouem facti; deinde eadem ratione tres a singulis curijs quae xxx. erant ditiores, meliores, & natu grandiores renuntiari iussit, atque ita omnino nonaginta nouem aucti, ipse uero suo arbitrio ijs centesimum adiecit. Hi omnes ex patribus lecti sunt. Centum autem ideo tantum creauit, uel quia is numerus satis erat nouae & paruae ciuitati, siue quia soli centum erant, qui creari senatores possent. Senatores autem propter senectutem, quum uetustissimi patriciorum essent, siue ab honore & uirtute appellauit. Senatorum ordo senatus, reliqui omnes non senatores populus appellati sunt. Hinc ortu SENATVS. POPVLVS. QVE ROMANVS. Ex reliquis porro qui senatores creati non fuerant, omnibusque tam patricijs quam plebeijs familijs Romulus trecentos iuuenes ad corporis custodiam, decem ex singulis curijs legit, qui ab eorum primo duce Fabio Celere, celeres uocati sunt. Inde ille postea, & ij qui post eum fuerunt, tribuni celerum appellati. Quamquam eos quidam a corporis celeritate dictos opinentur. Quum autem treceti essent, omnibus quidem tribunus uel praefectus celerum, singulis uero cetenarijs tres ceturiones, singulis decurijs decuriones xxx. prae

praeerant. Hi equis merebant, a quibus ordo equester medius inter senatum & populum manavit, senatorum seminarium appellatus, reliqua deinceps multitudo sub populi uel plebis nomine remansit. Diu autem post reges exactos, quum senatores quoque ex plebe fieri coepti sunt, ex hac Romuli institutione ciuium Romanorum, qui ex duplici genere constabant patricio & plebeio, tres ordines facti sunt, senatores, equites, & de populo; duplexque Romanorum ciuium diuisio orta, quarum altera ad alteram nihil pertinebat, prior autem fuit haec a Romulo instituta. Omnes Romani ciues, uel patricij sunt, uel plebeij, posterior haec quum senatores e plebe fieri coepti orta. Ciues Romani omnes, uel senatores sunt, uel equites, uel de populo, tametsi populi plebisque nomina, apud Ciceronem & Liuium aliquanto confundantur. verum propria populi appellatione omnes non senatores, uel ut alij, extra senatorum, & equitum numerum intelligebantur; hinc illud notissimum elogium S. P. Q. R. uel illud CONSENSV. SENATVS. ET. EQVESTRIS. ORDINIS. POPVLIV. ROMANI. Ita ut uel a genere, uel ab ordine ciues Romani distingui coepti sint. Vt ciuis Romanus genere patricio natus, equestris tamen ordinis, si nondum in senatum lectus esset, sin autem senator esset factus ordinis senatorij diceretur. Quod si patricius neque senator allectus esset, neque inter equites locum haberet, quia scilicet equestri censu non esset, hoc est H-S CD ∞ non possideret (minus enim qui habebat eques esse non poterat), aut si censum quidem equestrem habuisset, censor tamen illi ob flagitia equestris ordinis insignia equum, & annulum ademisset, is de populo erat. Si quis igitur patriciae gentis, neque senator esset, neque eques, is patricius quidem erat, & dicebatur, idē tamen de populo erat. Quando quidem ciuis Romanus quicunque

cumque erat, ut is de tribus ordinibus unum haberet, senatorium, aut equestrem, aut popularem necesse esset. Ita ut dici posset: senator non es, ergo eques, aut de populo: neque senator, neque eques quamvis patricius, ergo de populo, ordo enim praeterea nullus superest. Ita quoque de plebeio genere qui patricio opponebatur dicendum. Si civis Romanus plebeius munus haberet $CD \infty$ de populo erat, si $CD \infty$ haberet, equumque publicum obtinuisset, annuloque uteretur, quamvis plebeius, erat tamen eques, etsi ex equite in senatum a censuribus lectus senator erat. Quod post reges exactos factum est. Erant ergo ita patriciorum tres ordines, sicut & civium plebeiorum: ciues Romani patricij & plebeij senatores; ciues Romani patricij & plebeij equites; ciues Romani patricij & plebeij de populo, uel de plebe. Post Ti. Gracchi seditiones, quibus egregium illud reip. Romanae temperamentum dissolutum est, altera orta est civium Romanorum diuisio. Nam omnes qui reip. conseruationem studebant optimates, qui uero seditiosis ciuib. res novas molientibus adhaerebant, plebs dicebantur, ita ut plebs nomine multa significari necesse sit. Plebs enim primum accipitur, ut distinguitur contra patricios. Plebs item pro populi uoce usurpatur, ut omnes qui non sunt senatores, de plebe aliquando dicuntur a Liuiio, & Cicerone, qua ratione patricius civis Romanus, non senator, neque eques, de plebe is dici poterit. Accipitur item plebs uox ut se opponit optimatibus, nā civis Romanus siue patricius, siue senator, siue etiam in magistratu sit, quum reip. incommodus est is de plebe dicitur, ut qui eius commodis student, siue neque senatores, neque equites, neque patricij sint, optimates appellantur, ita ut haec tertia civium Romanorum diuisio a factionum studijs, hominumque moribus, & uoluntate orta sit. Rursus plebs ut est ordo, & opponitur senatui, & ordini

ordini equestri, in duas partes distributa fuit, in collegia, et libertinos, serui enim in numero ciuium non erant. Quae autem, et quot collegia, itemque libertinorum genera fuerint alibi explicabo. Hae autem populi Romani diuisiones rep. maxime stante fuerunt. Quum enim ad unius arbitrium constituta fuisset, omnibus his sublatis, harum rerum tantum umbrae quaedam per aliqua tempora remanserunt. Ceterum satis ab instituto digressi ad Romulum, senatorum, populique originem, et eorundem munera reuertamur. Regum enim munera erant templorum primum et sacrificiorum omnium curam gerere; per eum deinde omnia quae ad deorum cultum, et honorem pertinerent agebantur, legum morumque patriae regimen habebat, iuris omnis quum naturalis, tum ciuilis custos erat, iniuriarum maximarum iudicium penes regem esse solebat, minorum enim cognitio senatui permissa fuerat. Senatum habere, populum ad concionem uocare, primum sententiam dicere, et quae a pluribus decreta essent exequi munus regum erat. In bellis uero eius summa potestas semper fuit, postremo tanquam omnium princeps, et caput colebatur. Senatus autem munus erat cognoscere de omni re, de qua reges primum, deinde consules referre soliti essent, et quod maiori parti placuisset id demum perfici, hocque a regibus et senatu Lacedemoniorum transcriptum, quibus omnis iuris publici potestas penes senatum erat. Ex patricijs quoque siue senatoribus sacerdotes, et magistratus tantum creabantur. Plebis autem siue reliqui populi officia ei a Romulo concessa principio, haec tantum fuerunt; magistratus omnes creare, leges sciscere uel condere, deque bello paceue decernere, societatem cum aliquo contrahere ac dissoluere, foederaque inire, quum rex uel consules rettulissent. Neque tamen plebis potestas absoluta erat, nisi ea etiam senatus approbasset, quae a plebe sancita erant. Ferebat autem

populus

populus suffragium non uiritim, sed per XXX. curias diuisus, & quod pluribus uisum esset curijs, ad senatum referebatur. Qui mos postea paulatim dilabi coepit, et sensim eò res processit, ut suffragiorum ius conuersum fuerit, neque enim de plebiscitis senatus quidquã statuebat, sed senatus consultum ratum nõ erat, nisi id populus approbasset. Iure enim sciscendarũ legum, ui postremo, & secessionibus, populus tantam sibi potestatem exactis regibus uindicauit, ut maximam reip. Romanae partem demum obtinuerit status popularis, quamquam enim regiae potestatis species quaedam in consulum imperio, in senatus uero potestate optimatum principatus quodammodo agnosceretur, populi tamen tanta auctoritas supra omnes magistratus, & senatum fuit, ut non immerito dici possit, omne imperium, atque illius reip. maiestatem penes populum fuisse. Cui argumento esse potest ad populum prouocatio, quae non fuisset nisi maior esset populi quam magistratuum potestas, quin etiam fascēs submittendi mos, cum magistratus in concionem ascendebant, confessio erat populi quam magistratuum uim, maiestatemque maiorem fuisse. Iam uero de capite ciuis, omninoque de libertate, ac iure ciuitatis nullius erat nisi populi iudicium. Quae si maximi sunt in omni republica momenti, populum sane penes quem haec omnia fuerunt, longe maximam reip. Romanae partem obtinuisse fatendum est. Verum quibus rationibus, & temporibus, quo rerum auctu, uel a quibus singula haec populus Romanus obtinuerit sigillatim post dicam. Porro autem ex populo a Romulo in his tribus & XXX. curias diuiso, quum exercitus ad bellum educturus esset, rex quidem tribunis, illi curionibus, curiones uero decurionibus, quo militum numero opus esset statim praescribebant, atque uno edicto, siue omnes Romanae copiae, siue pars ad arma uocarentur in praescriptum sibi locum instructae, statò die

die quam primum aderant . Recte igitur bello pacem his institutis Romulus remp. suam constituit . Ex Dionysio libro II Liuiο libro I . Plutarcho in Romulo , & alijs .

De reliquis Romuli publicis institutis

Romulus ad augendā urbis frequentiam tria praecipue excogitauit: partus necare uetuit , Asylum aperuit , his qui ad eū confugerant omnium rerum impunitate promissa , hostes uictos pro amicis , & ciuibus in ciuitatem recepit . Quum enim vrbs in spem magis futurae magnitudinis, quam ad id quod tum hominum erat , alia atque alia appetendo loca aucta fuisset, ne vrbs uana magnitudo esset , adiiciendae multitudinis causa , uetere consilio condentiū vrbes, qui obscuram atque humilem conciendo ad se multitudinem , natam e terra sibi prolem mentiebantur ; locum quendam in Capitolio qui inter duos lutos erat Asylum aperuit, inter arcem Capitoliumque . Eo ex finitimis populis turba omnis sine discrimine liber, an seruus esset , auida nouarum rerum, uel quae apud suos aliquam noxam contraxerat perfugit , idque primum ad coeptā magnitudinem roboris fuit . Romanas quoq; uires hoc commēto ualde auxit, finitimorumque minuit . Confugientibus autem ad Asylum seruis spōsor factus est sub religionis praetextu, eos nihil detrimenti ab inimicis passuros, si permanere apud se uellent, omnesque ciuitate donabat, agri parte quam bello acquisierat singulis tradita . Confluebant etiam undique domestica fugientes mala , nec amplius ex urbe discedebant comiter a Romulo suscepti . Ex vrribus uero bello uictis et captis, quasdam integras Romā transduxit, ciuitateque donauit . Quasdam uero colonias Romanas fecit, de quibus tertio libro accurate differam . His igitur & similibus institutis, breui tempore urbem ex parua amplius

plissimam, & maximam reddidit. Nam qui, quum Romã condidit, tria tantum millia peditum, & CCC. equites habuerat, idem moriens peditum sex & quadraginta millia, & mille equites reliquisse traditur. Cuius instituta ceteri reges, & post consules sequuti, urbem Romam omnium maximam, & populo refertissimam effecerunt. Ex Dionysio, Liuiio, Plutarcho, & alijs

De re diuina a Romulo instituta

Rebus civilibus a Romulo recte constitutis, deorum deinde sacra, & caerimonias, quibus homines praecipue in officio continentur, & multa bona recte institutis ciuitatibus eueniunt, prouidentissime formauit. Sumpto enim a deorum cultu, Geniorumque ueneratione initio, sacra, templa, aras, simulachrorum erectiones, formasque eorum, & signa, potestates, & beneficia, quibus humanum genus affecisse creditum est, descripsit. Dies quoque festos, deorum, & larium, & sacrificia, quibus gauderent ab hominibus honorari, ferias, & nundinas, & a laboribus quietem populum docuit. Traditas de ipsis fabulas quibus maledicta insunt, atque deorum contemptus dignitur, omnes aboleuit, assuefecitque homines, ut de dijs optime loquerentur, & sentirent, nihil illis beata illa natura indignum attribuendo: sacra omnia peregrina reiecit, nullaque eorum sine S. C. in urbem recipi uoluit. Multos postea sacerdotes creauit, quos omnes enumerabo quum de Numae institutis uerba faciam. Is enim sacrorum omnium, iurisque diuini apud Romanos conditor creditus est. Quae enim Romulus primum instituit, ille postea reformauit, multaque sacra & sacerdotia de nouo adiunxit. Dionysius libro II

De Romuli domesticis institutis

Romulus post politicā priuatas leges, et mores quae ad oeconomicam attinent, ordinauit: in quibus praecipua fuere uxorum ducendarum, & matrimonij leges, maritorum uxorumque conditiones; adulterij & aliorum criminum poenam, patrumque in filios potestatem. Artes sordidas et sedentarias ingenuis prohibuit, seruos enim et aduenas eas exercere uoluit, Romanis uero tantum res rusticam & militarem permisit: ob rusticorum commoditatem ut singulo nono die Romam ad mercatum uenerent, nundinas instituit. Hoc autem breuissime libro primo Liuius docet ita: Rebus itaque diuinis, & humanis rite peractis, uocata ad concionem multitudine, quae coalescere in populi unius corpus, nulla re preterquam legibus poterat, iura dedit, quae ita sancta generi hominum agresti fore ratus, si se ipse uenerabilem insignibus imperij fecisset, quum cetero habitu se augustiorem, tum maxime licitoribus duodecim, cum fascibus & securibus sumptis fecit. Alij ab numero auium quae augurio regnum portenderant, eum sequutum numerum putant, alij, ab Etruscis finitimis, unde sella curulis & toga praetexta sumpta est, numerum quoque ipsum ductum placet. Et ita habuisse Etruscos, quod ex duodecim populis communiter creato rege, singulos singuli populi lictores dederint. Dionysius libro secundo

De raptu Sabinarum, & primo bello Sabino

Quum Romulus & populus Romanus uxores non haberent, neque a finitimis gentibus filias impetrare possent, animi aegritudine dissimulata ad spectaculum ludorum solemnium,

V

Neptuno

Neptuno equestri de industria paratorū, quos Consuales uocant, uicinos urbi populos inuitauit, & praesertim Sabinos; quarum quum ludicro inter fuissent, filias uirgines medio spe ctaculo rapti a Romanis iussit, quas DCXXCIII. fuisse Dionysius scribit, anno post urbem conditam iij. xiiij. Kal. Septemb. Quare hi populi qui raptas amiserant, & alij quos uel ipsi lacrimis suis, uel exemplum ad multos pertinens mouit, raptarum uirginum iniuriam uindicatari contra Romanos arma coeperunt. Primi omnium Caeninenses in agrum Romanum impetum fecerunt, quibus effuse uastantibus, obuius factus cum exercitu Romulus, leui certamine eorum exercitum fudit, fugauit, urbemque primo impetu cepit. Post Caeninam in Antemnates copias eduxit, quam urbem captam cum Caenina colonias Romanas fecit, eorūq; multitudinem Romā traducens, eam statim in tribus curiasque diuisit, atque ad sex millia peditum populum Romanum auxit. Eadem ratione Crustumios profectus, cū eam quoque ciuitatē cepisset, coloniam fecit. Nouissime uario & periculoso Marte, bellum cum Sabinis fuit, quorū Rex T. Tatius erat, in quo a Tarpeia uirgine arce Romana prodita, urbs admodum periclitata est. Demum triennio exacto raptarum precibus, Romani cum Sabinis amicitiam contraxere. Inde quum ad faedus faciendum duces prodijissent, non pacem modo, sed ciuitatem unam ex duabus fecerūt, regnūq; aequo iure cōsociātes imperiū oē Romā cōtulerunt. Ita geminata urbe, ut Sabinis tamē aliquid daretur, Roma quidē priscā appellationē retinuit, populus uero a Curibus T. Tatij patria Quirites appellati, T. que Tatius cōmune regnū cū Romulo in urbe tenuit annos v. quo postremo a Larciis caeso, Romulus solus regnū obtinuit. Quū autē bello Sabino adhuc uigente, plerique ex Etruria, & Latio in Romuli auxilium uenissent, confecto bello, multi ex ijs, eius be

nefis

nescijs, gratia, & morum humanitate ducti, Romae remanserunt, in his unus fuit princeps gentis Etruscae Vibenna Coelius, a quo monti Coelio inditum nomē tradunt. Item alter nomine Lucumo, de cuius nomine, tertiae Lucerum tribui appellationem factam quidam scripsere

De tribuum, & curiarum nominibus; &
comitiis curiatis

Sabinorum, Tuscorum, & aliorum aduenarum in urbe aduentu, quum urbs duplicata esse uideretur, ornatus quoque ciuitatis auctus. Sabini enim omnes in unam tribum, & decem curias, Etrusci uero & reliqui aduenae, in aliam tribum totidemque curias distributi sunt, tribubusque nomina indita. Prima enim Ramnensium a Romulo, in qua ueteres Romani omnes erant; Tatientium a Tatio in qua Sabini; Luerum tertia appellata fuit, in qua Tusci, Latini, & reliqui omnes qui ad Asylum confugerant coniecti sunt, a luco Asyli, ut Pedianus, & Plutarchus; uel a Lucumone Etrusco, ut Varro scripserunt; nominata. Has Liuius equitum centurias uocat, quod ex singulis tribubus singulae equitum centuriae conscriptae essent. De tribubus autem latius in Ser. Tullio uerba faciam. Ceterum de XXX. curiarum etymologia, & nominibus loquuturus, M. Varronis, & Sex. Pompeij uerba praeponam: Ille enim libro ij. de uita populi Romani: Curiam a cura dictam scripsit: Itaque propter curam locus quoque quo suam quisque domum senator confert, curiam appellauit. Sex. uero Pompeius: Curia locus est (inquit) ubi publicas curas gerebant. Varro etiam libro iij. de lingua Latina ita scribit: Curiae duorum generum, nam & ubi curarent sacerdotes res diuinas, ut curiae ueteres; & ubi senatus humanas ut curia Hostilia, quam primus aedificauit Hostilius rex, ante rostra, &c. Adijcit Sex. Pompeius: Curiae et nominantur, in quibus unius cuius-

que partis populi Romani quid geritur, quales sunt hae, in quas populum Romulus distribuit, numero xxx. ita ut in sua quisque curia sacra publica faceret, feriasque observaret. De quarum curiarum nominibus parū inter auctores cōmune. Liuius. n. et quidā alij, eas a Sabinis mulieribus nomina accepisse scripserunt. Liuij uerba sunt haec: Itaq; quum populū in xxx curias diuideret, nomina earum curijs imposuit. Id non traditur, quū haud dubie aliquando numerus maior hoc mulierum fuerit, aetate an dignitatibus suis uirorumue, an sorte lectae sint, quae nomina curijs darent. Alij uero, inter quos est Varro, eas ante Sabinarum raptum nomina habuisse scripserunt, ijs a Romulo in prima ciuitatis diuisione imposita. Varronis sententiam Plutarchus confirmat, quum ait: Curias quidam perhibent, a Sabinis mulieribus nomen traxisse, sed hoc mendacium esse deprehenditur, nam multis illarum a locis nomina imposita sunt. Dionysius quoque libro ij: De honoribus (inquit) habitis uirginibus Sabinis Romani scriptores disentiunt. Quidam enim scribunt inter alia id eis tributum, ut xxx. curiae earum nominibus appellarentur, tot enim fuisse scribunt quae legationem suscepissent. Terentius autem Varro, cum his hac in re non consentit, dicit enim iam ante nomina curijs fuisse imposita a Romulo in prima diuisione populi, partim a principibus uiris, partim ex locis sumpta, nec uero xxx. tantū mulieres legationē suscepisse, sed DXXXVII. Ceterum quum omnia fere curiarum nomina uetustate oblitterata sint, paucaeque admodum supersint, quid de hac re ego sentiam, nihil certi habeo quod dicam, Varronis tamen sententiam ut approbem, facit, tum ipsius uiri ingenium, diligentia et doctrina; tum Plutarchi, & Dionysii testimonia; postremoque ea quae supersunt curiarum nomina, quae ab aliquo potius alio euentu, quam a mulierum nominibus deducta esse uidentur

videntur. Ego enim ex xxx. curijs octo haec tantum nomine inueni, quae sunt: Foriensis, Rapta, Vellensis, Velitia, Calabra, Titia, Tifata, & Saucia. Quattuor primarum quae & curiae ueteres dictae sunt, atque in Palatio semper fuerunt ita meminit Sex. Pompeius: Nouae curiae proximae compitū Fabricij aedificatae sunt, quod parum amplae erant ueteres a Romulo factae, ubi is populum & sacra in partes xxx. distribuerat, ut in ijs ea sacra curarēt. Quae quādo ex ueteribus in nouas euocarentur, quattuor curiarum per religiones euocari non potuerunt. Ita quod Foriensis, Raptae, Vellensis, Velitiae, res diuinae fiunt in ueteribus curijs. Ex quo loco & quattuor curiarum quae ueteres a scriptoribus appellātur, semperque in Palatio fuerunt nomina habemus, & reliquas curias ex Palatio, ubi urbs Romuli fuit aucto urbis ambitu, per urbem dispersas esse. De curia Calabra in quae Capitolio erat, meminit Varro libro v. & libro I. Saturnaliū Macrobius, & Sex. Pompeius: Calabra curia dicebatur, ubi tantum ratio sacrorum gerebatur. De curijs Titia, & Tifata sic scribit Sex. Pompeius: Titiensis tribus a prenominae Tatij regis appellata uidetur, Titia quoque curia ab eodem rege est dicta. Item Tifata, Iliceta. Romae etiam Tifata curia. Tifata ē locus iuxta Capuam. Curiae uero Faeciae quae in antiquis scriptis codicibus Saucia dicitur, sic meminit Liuius libro ix. dictator Papirius, C. Iunium Bubulcū magistrū eq. dicit, atque ei legem curiatam de imperio ferenti triste omen diem diffidit, quod Faeciae curiae fuit principium, duabus insignis cladibus captae urbis, & Caudinae pacis, quod utroque anno eiusdem curiae fuerat principium. Forte in his & curia Hostilia fuit in monte Coelio. De curijs ita scribit Dionysius libro ij: Sacra sua singulis curijs constituit, suis cuique diuis quos uenerari semper deberent assignatis, & sacris facien-

dis certos sumptus definiuit, quos ex aerario suppeditari oportet. Porro autem una cum suis sacerdotibus sacris sibi solemnibus peragendis, curiales adesse oportebat, unaque epulabatur feris, in curialibus tricliniis coenaculisque, erant enim suae cuique curiae coenationes, in quibus communis ueluti focus, singulis curiis consecratus erat. Huiusmodi autem aedes curiarum etiam nominibus appellabantur, quae nomina nostra adhuc aetate retinent. & alio loco: Omnibus curiis Iunoni Quirinae arae positae sunt, quae etiam num hoc nostro tempore ponuntur. Et eodem libro de Numa loquens: Vnum sacerdotum collegium fecit xxx. curionum, quorum (ut dixi) munus erat pro curialibus sacra facere. & paulo post: His quidem de causis Romulus non fecerat commune totius urbis templum Vestae, nec Vestales uirgines instituerat, sed in una quaque xxx. curiarum suam quamdam Vestam statuerat, in qua epulabantur curiales; sacerdotes autem peragendis sacris non alios quam praefectos curiarum. Sex. Pompeius: Curiae etiam nominantur in quibus uniuscuiusque patris populi Romani quid geritur, quales sunt hae in quas populum Romulus distribuit, numero xxx. ita ut in sua quisque curia sacra publica faceret, feriasque obseruaret, iisque curiis singula nomina uirginum imposita esse dicuntur, quas uirgines quondam Romani de Sabinis rapuerant. Idem alibi: Hos curiones flamines uocatos scribit ita: Curiarum flamines curiarum sacerdotes sunt. et Pöponius lege ij. de origine iuris: Postea aucta ad aliquem modum ciuitate, ipse Romulus traditur populum in xxx. partes diuissse, quas partes curias appellauit: propterea quod tunc reip. curam per senectias earum partium expediebat, & ita leges quasdam, & ipse curiatus ad populum tulit. Ex quibus locis manifestum est, curias Romae fuisse populi tales quasdam partes, quales sunt nostro tempore in urbibus paroeciae. Ut enim

enim nostrae paroeciae habent destinatas quasdam aedes, & domos in certa quadam urbis parte sitas, quae communia sacra, ipsam aedem sacram communem, sacrorum communem ministrum, idest parocum habent, ita curiae erant incolarum urbis partes non modo loco, sed etiam sacris sibi peculiaribus distinctae, quibus qui praeerant curiones uocabantur. In has ergo curias omnes, qui ciuitate donati in urbem migrabant, per curias diuidebantur. Nam ciues Romani, qui in coloniis, & municipiis erant, sua quaedam in suis urbibus sacra habebant, non secus quam qui Romae erant. Neque in Romanas curias erant distributi. A curiis fiunt curiata comitia, in quibus populus curiatim suffragium dicebat, hoc est, in quibus populi per curias diuisi sententia rogabatur, ut quod plures curiae statuissent, id iussum populi esse diceretur. Quod his uerbis docet Dionysius. Populus ferebat suffragium, non uniuersus confusus, sed per curias uocatus. Quodque pluribus uisum esset curiis, id ad patres referebatur, nunc uero mos mutatus est. Neque enim patres de iussu populi iudicant, sed contra sententiam patrum populus confirmat. &c. Populus enim postquam is, qui habiturus esset comitia suam rogationem exposuisset, in suas quisque curias discedebat, quae deinde eo ordine suffragium dicerent, quo sorte exhibant. Quae autem prima exhibebat ea PRINCIPIVM esse dicebatur. Quodque plures ex triginta curiis iusserant id ratum habebatur. Ac si primo uocatae consentirent, statim atque sexdecim ex illis suffragium dixerant, finis erat comitiorum. Quia tum certum esset a pluribus curiis, id iussum esse, quod sexdecim iussissent; sin dissentirent, eo usque uocabantur dum sexdecim curiae consentirent. Quod si XVI. curiae rogationem non suscipiebant, ea omnino teneri non poterat. Haec autem comitia auspicato, non nisi auctoribus patriciis, intra pomerium, atque in foro, fiebant.

fiebant. Ideo foro locus proximus Comitium dicebatur, in quo
 haec comitia, Liuius, Dionysius, & Tranquillo auctoribus, fie-
 ri consueuerant. Ceterum post curias a Romulo institutas, us-
 que ad tempora Ser. Tullij VI. Romanorum regis, omnia quae
 suffragijs populi a regibus committebantur, curiatis comitijs
 peragi: necesse erat, quum adhuc nec centuriata, nec tributa
 comitia in usu essent. Itaque non modo reges, sed etiam ceteros
 magistratus curiatis comitijs creatos fuisse interpretandum
 est, quum apud auctores reperimus a populo eos creatos. Le-
 ges quoque omnes, & iudicia, quae ad illud usque tempus la-
 tae sunt, uel acta, curiata fuerunt, ita ut omnia quae populi
 suffragijs fierent, non nisi comitijs curiatis fierent. Verum post
 classes a Ser. Tullio institutas, tum duo coeperunt esse comitia-
 rum genera, curiata, & centuriata; quibus duobus comitiorum
 generibus populus usus est, usque ad iudicium Coriolani, an-
 numque urbis CCLXIII. quo primum anno coeperunt tribu-
 ta comitia usurpari. Vt autem comitijs tributis populus Ro-
 manus per tribus, centuriatis per centurias distinctus, suffra-
 gium ferebat; sic curiatis, per curias, nulla tribuum, census,
 aetatis, aut ordinis habita ratione distinguebatur. Quod Gel-
 lius ex Laelio Felice docet, quum ait: Curjata comitia esse cum
 ex generibus omnium suffragium fertur. Nam qui in tribus
 descripti erant, locis ac regionibus erant distincti, qui in clas-
 ses censu, ordinibus, aetatibusque; at qui in curijs contineban-
 tur, nulla habita istorum ratione, tantum sacrorum quadam di-
 stinctione, distinguebantur. Erant enim ex omnibus tribubus,
 qui urbem incolerent, ideoque in curias descripti. Vnde fie-
 bat, ut in curijs esset tribuum, & classium, quae praecipue po-
 puli Romani partes erant, confusio. Ideo Laelius ait, curia-
 ta comitia esse quando ex generibus omnium suffragium fer-
 tur. Postquam igitur curiatis centuriata, tributaque comitia
 access-

acceserunt, tum minus frequentari coeperunt curiata, quum omnia fere quae ante curiatis fiebant, post tributis & centuriatis fieri coeperint, & maxime postquam lex lata est de creando plebeijs magistratibus tribus comitijs, qui hactenus curiatis creati fuerant. Post quae tempora duabus potissimum rationibus curiata comitia haberi tantum coeperunt, una erat legum ferendarum, altera uero sacerdotum quorundam creatorum causa. Leges autem curiatae fuerunt quinque. Prima de imperio, hoc est rei militaris administrandae facultate, magistratibus dando. Cicero oratione II. in Rullum. Hi autem erant dictatores, ut Liuius libro IX. & XXIII. consules, pro consulibus, praetores, & pro praetoribus, ut Cicero in Rullum, ep. fam. lib. I. & libro V. Liuius, postremo pro quaestores, qui cum iure praetorio in prouincias mittebantur, & idem Cicero II. Philippica tradiderunt. Ex quibus locis intelligitur rem militarem nemini attingere licuisse, nisi lege curiata id ei nominatim datum esset, atqui nemo cum imperio rem militarem gerere poterat, nisi consulari aut praetorio. Quicumque ergo in prouinciam cum belli gerendi potestate mittebantur, legem curiatam ante habere debebant. Nam quum uel dictator rei gerendae causa a consule dictus esset, uel reliqui magistratus comitijs centuriatis, aut tributis creati fuissent, quo imperium haberent, hoc est rei militaris administrandae facultatem, lege curiata opus erat. Altera lex curiata fuit, qua Camillus ab exilio reuocatus est, ut tradit libro V. Liuius. Tertia lex curiata erat, qua adoptiones fiebant, de qua Cicero pro domo. Tacitus libro XVII. & Gellius libro V. cap. XIX. scribunt. Quarta quae testamentis confirmandis ferri solebat. Gellius libro XV. cap. XXVII. Quintam postremo legem curiatam fuisse inueni, qua sacrorum detestations fiebant, idest omnes consecrationes, quas publice in concione populi fieri oporteret. Gellius libro

bro XV. cap. XXVII. Altera porro caussa habendorum curiatorum comitiorum fuit, ad creandos sacerdotes quosdam. Hi autem fuerunt Flamines, & Curio maximus, cuius, ut tradit Sex. Pompeius, auctoritate, curiae omnes, curionesque regerantur: ut ex Dionysio libro II. & Laelio Felice apud Gellium libro XV. cap. XVII. intelligitur. Curiatis omnibus comitijs (ut dixi) commune erat, ut auspiciato intra pomerium haberentur, auctoribus patricijs. Ipsis enim ius tantum erat curiata comitia habendi, qui aut dictatores, consules, praetores, & interreges, aut si de rebus sacris tractandum esset, pontifices essent. Haec comitia primo uniuersi populi Romani, qui in urbe habitaret per curias distincti suffragijs agebantur. Postea quum ciuitas integris urbibus data fuisset, & non omnes, qui ciues Romani essent, sed hi tantum qui in curias descripti erant, quas eorum tantum fuisse constat, qui urbem habitabant, ius in hisce comitijs haberent, factum est, ut minus frequentari curiata comitia coeperint. Neque enim equum uidebatur hac suffragiorum parte eos priuare, qui aequo iure, ciues essent, quique urbem non habitarent. Nam principio, quum omnia quae suffragijs populi gererentur curiatis comitijs gererentur, post centuriata comitia a Ser. Tullio rege inuenta, maiores magistratus centuriatis creari coepti sunt, minores uero curiatis comitijs adhuc creari mos retentus est, usque ad legem Publiliam, qua cautum fuit, ut minores magistratus non curiatis amplius, sed tributis, quae paulo ante inuenta fuerant, crearentur. Tunc enim ea ratio inuenta est, omnes ciues comitijs admittendi, ut omnes magistratus, uel centuriatim uel tributim, non curiatim amplius crearentur. Ex qua re factum est, ut successu temporis paulatim curiata comitia quasi abolita fuerint, nam quum de imperio magistratuum agendum erat, qui iam centuriatis, uel tributis comitijs rite fa-

disfuerant, non XXX. curiae amplius in suffragium uocarentur, sed pro XXX. curijs, triginta lictores suffragium ini erint: ita ut legem curiatam de magistratuum imperio ferre, non esset populo curiatim conuocato, legem iubendam amplius dare, sed ad usurpationem quandam uetustatis triginta lictoriū suffragijs legem committere, quæ Cicero secunda in Rullum, suis temporibus ita fuisse docet his uerbis: Nunc quia prima illa comitia tenetis centuriata, & tributa, curiata tantum auspiciorum causa remanserunt. Hic autē tribunus plebis quia uidebat potestatem neminem, iniussu populi aut plebis posse habere, curiatis comitijs quæ uos non initis confirmauit, tributa quæ uestra erant substulit. Et paulo post: Sunt igitur decemuri neque ueris comitijs, hoc est populi suffragijs, neque illis ad speciem, atque ad usurpationem uetustatis per triginta lictores, auspiciorum causa adumbratis. Ex his uerbis perspicuum est, tempore Ciceronis curiatis comitijs de magistratuum imperio habendis, triginta tantum lictores suffragium inijsse, quum ante omnes ciues, qui in curias descripti erant, soliti essent suffragium dicere. Hi uoce loco triginta curiarum, quod rogati erant iuebant, eoque modo, quod hi iussissent ratum habebatur, perinde ac si curiarum suffragijs iussu esset. Quomodo factum sit, ut lictoribus potius, quam aut curionibus, aut alijs quibusdam grauioribus personis, curiata hæc comitia committerentur, locus est Laelij Felicis apud Gellium libro XV. cap. XXVII. unde id suspicari possumus. Scribit enim curiata comitia per lictorem curiatim calari. Ex eo enim credi potest factum esse, defuetudine quadam, & incuria populi, quum singulae curiae a singulis lictoribus uocatae, non conuenient, ut ipsis lictoribus id committeretur, cuius causa curiae essent uocatae. Quum autem adoptionis, aut sacerdotum creandorum causa, quæ populi beneficio dabantur, comitia curia

ta haberentur, non triginta lictores, sed populus curiatim conuocabatur. Tuncque tabellis curiatim distributis, & comitia more ceterorum comitiorum peragebantur, & quod pluribus curijs uisum fuisset, id demum more maiorum exequi solitum fuisse. Nam quae a Cicerone de triginta licторibus scribuntur, non existimo ad omnia curiata comitia transferenda esse, sed ad ea tantum quae de imperio magistratuum habebantur. Nam magistratibus iustis comitijs a populo iam ante designatis, rursus coire populus propter eorundem magistratuum imperium minus curabat. Itaque ne omnino deserta per infrequentiam populi uiderentur, constitutum uidetur, ut pro triginta curijs, triginta lictores conuenirent. Verum ceteris in rebus retenta fuisse existimo comitia curiata, & legibus curiatis reliquis promulgandis, & sacerdotibus quae populi beneficia erant, creandis

De patricijs minorum gentium; & nouis senatoribus lectis, a quibus patrum conscriptorum appellatio manauit

Bello Sabino confecto, quum Sabinorum, Etruscorum, & multorum in dies ad Asylum confugientium aduentu, urbs ualde creuisset; postquam eos Romulus in ciuitatem aequo iure suscepisset, & in Lucerum, Tatientiumque tribus coniecisset, regibus quoque uisum est, ut patriciorum numero duplicato, Senatorum quoque ordinem augerent. Igitur ex illustrioribus familijs uiros centum curiarum suffragijs diligentes, eos in patres cooptatos, ueteribus senatoribus adscripserunt, atque hac ratione senatorum numerus ad ducentos est auctus. Hinc patriciorum minorum gentium, & patrum conscriptorum originem mansisse potius crediderim, quam quod Lilius, Plutarchus, & Tacitus

Tacitus tradunt. Quorum *Liuius* patricios minorum gentium sub *Tarquinio Prisco*; Tacitus uero sub *L. Bruto* primo consule, (nam & is patricios legisse traditur) primum appellatos scribunt. *Plutarchus* uero patrum conscriptorum originem eidem *Bruto* attribuit. Nam eos tantum patricios, qui a *Romulo* primum lecti sunt, maiorum gentium fuisse, uel sequentis lectionis patriciorum testimonio confirmari posset, qui eorum ratione habita non nisi minorum gentium se ipsos esse profiterentur. Fuerunt equidem & hi maiorum gentium, si ijs qui a sequentibus regibus lecti sunt conferantur. ita ut a *Romulo* lecti, ita sint maiorum gentium, ut minorum esse non possint. Nouissimi uero a *Bruto* creati, ita sint minorum, ut maiorum appellationem obtinere nequeant: medij uero a regibus electi modo maiorum, modo minorum dici possint, maiorum quidem inferiorum, minorum uero superiorum patriciorum habita ratione. De patribus uero conscriptis, eos primum conscriptos esse credendum, qui primo ordini iam instituto inserti sunt, & reliqui omnes qui uarijs temporibus in eum ordinem sunt collocati. Nam si conscriptum esse, idem est, quod electum, cur hi qui in ordinem iam institutum cooptati sunt, conscripti non sunt appellandi? Patrum igitur conscriptorum appellationem ab hac secunda *Romuli* & *Tatij* senatorum lectione manasse credendum. Quo tempore inter reliquas familias in patricias, hae praecipuae lectae sunt *Valeria*, *Turannia*, *Curia*, *Vettia*, *Marcia*, *Aurelia*, *Camillia*, *Berennia*, & pleraeque aliae, quae ex *Sabinis* *Romam* cum *T. Tatius* commigrauerat. Post *Sabinos*, *Medullinos*, *Fidenates*, *Veientes*, *Camerinos*, & alios populos partim sponte, partim coactos in ciuitatem acceptos, integras quoque urbes uictas, dum *Romulus* uixit eadem ratione ciuitate donauit, hocque institutum perpetuo seruandum posteris reliquit, quod reges & consules sequuti, eo prae-

eo praecipue factum est, ut urbs ipsa totius demum orbis terrarum imperio potita sit. Haec autem sunt quae de reipublicae a Romulo constitutae forma, quamque is moriens reliquit, ex Dionysio, Liviio, Plutarcho, & aliis ueteribus scriptoribus accurate collegi

De Numa Pompilio secundo rege

Vir diuini humanique iuris consultissimus Numa Pompilius, qui rex post Romulum Romae creatus est, nulla quidem bellica laude insignis fuit, sed non minus ciuitati in pace, quam Romulus in bello profuit. Urbem enim nouam ui & armis conditam, iure, moribus, legibus, & religione de integro condidit, & renouauit. Inter cuius cetera praeclara gesta, quae a me in Fastis breuiter commemorata sunt, sacerdotum ordo, distinctioque praecipua fuisse. Vniuersam enim sacerdotiorum rationem in octo partes distribuit. Curiones, flamines, tribunum celerum, augures, uirgines Vestales, salios Palatinos, fetiales cum patre patrato, & postremo pontifices. Quorum quosdam ipse, quosdam uero Romulus instituerat. Cuius rei occasione commodum mihi hoc loco, & opportunum uisum est, rem omnem sacram, quae apud Romanos fuit breuiter pertractare, atque de omnibus quae apud eos unquam fuerint, sacerdotijs differere, ab antiquissimis Lupercis incipiens, & ad nouissime instituta usque perueniens. Sed ante omnia de prima apud Latinos religione differere necessarium esse uidetur

De prima Latinorum religione

Homines priscos, agrestes, asperos, & more ferarum uiuentes, ad mitiorem cultum, uitamque Saturnum, & Ianum, qui in Latio regnarunt, redegisse fama est, quum eos agrorum cul-

cultum, & politio^{re}m quandam uiuendi rationem docuissent. Ipsi^s uero, qui hactenus sine ulla religione fuerant, primus deorum cultum metumque iniecit Saturni filius Faunus, qui lucos sacravit, templa constituit, & sacrificiorum ius ordinavit. A quo etiam aedes sacrae fana appellata sunt. Post Faunum quum Picus, Latinus, Euander, & alij qui in Latio regnauerunt, nouas semper caerimonias commenti essent, nouissime demonum cultum maxime in Latio auxit Aeneas sacris Phrygijs in Italiam transportatis. Cuius postea exemplum sequuti ceteri reges Albani primū, deinde Romani, multa & ipsi sacra addidere usque ad Numam, qui quum omnia in certum ordinem sacra direxisset, diuini apud Romanos iuris conditor creditus est. De cuius institutis quae ad deorum caerimonias attinet loquuturus, prius de is quae ante eum instituta sunt sacerdotia, uerba faciam

NOMINA. OMNIVM. SACERDOTIORVM
POPVLII. ROMANI

LVPERCI. PANOS. LYCAEI. uel INVI
SACERDOTES

Luperci, qui & Fauiani, & Quinctiliani appellabantur, auctore Sex. Pompeio, a Fauio, & Quinctilio praepositis suis, sacerdotes omnium uetustissimi fuerunt, ante urbem conditam ab Euandro Arcade Arcadum rege, solemnⁱ ex Arcadia translato, in Palatino monte instituti. De quibus Dionysius libro secundo sic scribit: Arcades itaque in colle Palatino firmati, quum aedificia alia more patrio exornassent, templa quoque construxere, ac primum quidem Panⁱ Lycae^o, admonente eos Carmenta (est enim apud Arcadas Pan uetustissimus, plurimumque in honore habitus) loco congruo inuento, quē Romani Lupercal uocant, Graeci Lycaeum dicunt. Erat enim anti-

antiquitus antrum magnum sub colle arbusco denso contextū,
et fontes sub petris profundi, adhaerensque rupibus saltus cre-
bris arboribus, & quidem magnis opacus, ubi ara deo constru-
cta, sacrificia patria perficiebant, quae Romani postea mense
Februario peragebant. Et libro secundo. Quum praesensissent
homines Numitoris, peracturos iuvenes Lupercalia, sacrifici-
cium Arcadicum, quod Euander constituit, tempus illud sacri-
ficij insidijs delectum est, quum oportebat iuvenes Palantium
incolentes, sacris perfectis ex Lupercali circuire vicum cur-
su, nudos ipsos succinctos pudenda pellibus immolatorum pau-
lo ante animantium. Haec enim uelut purgatio, siue lustratio
quaedam incolarum patria habebatur. Et Liuius libro primo.
Iam tum in Palatino monte Lupercal hoc fuisse ludicrum fe-
runt, & a Palanteo urbe Arcadica Palantium, deinde Palatin-
num montem appellatum: ibi Euandrum, qui ex eo genere
Arcadum multis ante tempestatibus ea tenuerat loca, solemne
allatum ex Arcadia instituisse, ut nudi iuvenes Lycaeum Pa-
na uenerantes, per luxum atque lasciuiam currerent, quem Ro-
mani deinde uocarunt Inuum. Et Iustinus libro XLIII. Sub
Fauno Aboriginum rege, Euander ab Arcadiae urbe Palan-
teo in Italiam cum mediocri turba popularium uenit, cui Fau-
nus & agros, & montem, quem ille postea Palatinum appel-
lauit, assignauit. In huius radicibus templum Lycaeum quem
Graeci Pana, Romani Lupercum appellant, constituit, ipsum
dei simulachrum, nudum caprina pelle amictum est, quo habi-
tu nunc Romae Lupercalibus decurritur. Varro libro IIII. de
lingua Latina. Luperci (inquit) dicti sunt, quod Lupercalibus
in Lupercali sacra faciunt. & libro quinto. Ego magis arbi-
tror Februarium, a die Februato dictum, quod tum februatur
populus, idest Lupercis nudis lustratur antiquum oppidum
gregibus cinctum, & Sex. Pompeius. Februarius mensis di-
ctus,

Etus, quod tum, idest extremo mense anni populus februare =
tur, id est lustraretur, ac purgaretur; uel a Iunone Februata,
quam alij Februalem, Romani Februlum uocabant; quod ipse
eo mense sacra fiebant, eiusque feriae erant Lupercalia, quo
die mulieres februabantur a Lupercis amiculo Iunonis, idest
pelle caprina, quam ob causam is quoque dies februatus appel
labatur. Lupercalia autem XV. Kal. Martij celebrabantur.
Plutarchus in problematibus. Quid est (inquit) quod Luper=
ci canem immolant? Luperci autem sunt, qui Lupercalibus
per lasciuiam discurrentes, pellibus obuios cedunt. &c. Va=
lerius Maximus libro II. cap. I. Equestris uero ordinis inuen
tus omnibus annis bis urbem spectaculo sui sub magnis aucto=
ribus celebrabat, die Lupercalium, & equitum probatione.
Lupercalium enim mos Romae a Romulo & Remo inchoa=
tus est, tunc quum laetitia exultantes, quod his auus Numitor
rex Albanorum, eo loco ubi educati erant, urbem condere per
miserat sub monte Palatino, hortatu Faustuli educatoris sui,
quem Euander Argiuius consecrauerat, facto sacrificio, ce=
sisque capris, epularum hilaritate, ac uino largiore proue=
cti, diuisa pastoralis turba, cincti omnes pellibus immolata=
rum hostiarum, iocantes obuios petierunt, cuius hilaritatis
memoria annuo circuitu feriarum repetitur. &c. Luperca
lia igitur erant festa, & sacrificia, quibus ad expiandos ma=
nes, Pami Lycaeo iuuenes Romani nudi canem & capram im=
molabant. Deinde facie sanguine foedata, se his pellibus cin=
gebant, lorisque e pelle factis currebant nudi, circa Palatium
obuios quosque corijs illis uerberantes, & praesertim mulie=
res grauidas, quae ultro obuiam occurrebant, facilem partum
percussione sperantes. De qua re ita secundo Fastorum memi=
nit Ouidius

Monte sub Esquilio multis inciduus annis
 Iunonis magnae nomine Lucus erat
 Huc ubi uenerunt pariter nuptaeque uirique
 Suppliciter posito procubere genu
 Quum subito motae tremuere cacumina siluae
 Et dea per lucos mira loquuta suos
 Italides matres (inquit) sacer hircus inito
 Obstupuit dubio territa turba sono
 Augur erat nomen longis intercidit annis
 Nuper ab Etrusca uenerat exul humo
 Ille caprum mactat, iussae sua terga puellae
 Pellibus exectis percutienda dabant
 Luna ressumebat decimo noua cornua motu
 Virque paterque subito, nuptaque mater erat
 Gratia Lucinae dedit haec tibi nomina lucus
 Aut quia principium tu dea lucis habes
 Parce precor grauidis facilis Lucina puellis
 Maturumque utero moliter aufer onus
 Et alibi de Lupercis loquens scribit
 Mensis ab his dictus secta qui pelle Luperci
 Omne solum lustrant, idque piamen habent

De Lupercalibus autem, ita in Romulo scribit Plutarchus:
 Sed Lupercalia expiationis gratia instituta uidentur. Celebran-
 tur enim ea sacra mensis Februarij atris diebus, quae expiati-
 ua interpretari quis posset. Eam quoque diem Februatam ue-
 teres appellabant. Ac uidetur id solemne peruetustum, Euandrum
 ex Arcadia allatum instituisse. Hoc uulgatior fama tenet.
 Potest etiam nomen ipsum a lupa dictum uideri. Etenim
 uidemus Lupercos inde cursum incipere, ubi Romulum expo-
 situm ferunt. Verum qui in his seruatur sacrificij mos, haud
 facile eum coniectura assequi possumus. Iugulant enim capras,

tum duos ex genere adulescentes cò sistunt, quorum frontes alij cultro sanguine perfuso pingunt, alij statim lanam lacte madentem admouentes abstergunt: oportet etiam abstersos adulescentes ridere. Deinde incisis in corrigias caprarum pellibus, discurrent in orbem, & si qui obstant scuticis cedunt. Mulieres adulta aetate ultro se ad uerbera offerunt, ratae eam rem ad foecunditatem conducere. Proprium ac suum eius celebritatis est, ut Luperci canem immolent

De Lupercis mentio est in hac antiqua
inscriptione

L. AELIANO. L. F.
AN. PROVINCIALI
EQVO. P. ORNATO
LUPERCO. DESIG
HVIC. ORDO. DECVRION
STATVAM. DECREVIT
L. AELIANVS. VERECVNDVS
H. V. S. R. L. D. D. D

Haec sacra Romae usque ad Anastasii imp. tempora perdurauerunt, Theoderico Amalo Gothorum rege in Italia regnante; quibus auctore Gelasio papa circiter annum Christi CDXCV. reclamantibus superstitiosis quibusdam Romanis, omnino abolita sunt, fierique amplius prohibita; ut ex antiquo S. R. registro cognoui, cuius mihi copiam fecit, uir omni laude, & perpetua memoria dignus Marcellus papa II. qui eo tempore Cardinalis S. Crucis erat

CERERIS. GRAECA. SACERDOS

Dionysius libro primo. Arcades auctore Euandro, in Palatio Cereri etiam templum erexerunt, eique sacrificia faciebant per foeminas, quae sine uiro essent, ut lex est Graecis, quorum nihil mutauit sequens aetas. Luitus saepe Cereris Graecae sacerdotis mentionem facit

POTITII. ET. PINARII. HERCVLIS
SACERDOTES

Dionysius libro primo. Euander, & Arcades caerimonias Graeco ritu, ut ipsos Hercules docuerat, & sacra eidem Herculi instituerunt (qui caeso Geryone quum in Latium cum eius armentis uenissent latronem Cacus occiderat) & ut grata ei semper sacra facerent, familias duas illustres fuisse dicunt, qui caerimonias didicerint Graecas, Potitios & Pinarios, penes quas familias multum tempus durauit cura sacrificij, ut ille instituerat. Potitijs quidem sacrificij auctoribus, Pinarijs autem extorum participatione prohibitis, atque in alijs omnibus quaecunque per utrosque fieri oporteret, secundum honorem habentibus. Hanc autem ignominiam esse eis impositam dicunt tardioris aduentus causa. Iussit enim summo mane adesse, adesset ipsi iam extis aduenere. Nunc non amplius manet in his famulis huius sacrificij solemne ministerium, sed empti pueri de publico id peragunt. &c. Liuius libro I. Ibi tum primum boue eximia capta de grege, sacrum Herculi adhibitis ad ministerium dapemque Potitijs, ac Pinarijs, quae tum familiae maxime inclytae ea loca incolebant, ab Euandro factum. Forte ita euenit, ut Potitij ad tempus praesto essent, iisque exta apponerentur,

tur, Pinarij extis adestis, ad ceteram uenirent dapem, inde institutum mansit, donec Pinarium genus fuit, ne extis solemnibus uesterentur. Potitij ab Euandro edocti, antistites sacri eius per multas aetates fuerunt, donec tradito seruis publicis solemni familiae ministerio, genus omne Potitiorum interiit. Quod quando factum fuerit libro IX docet. & Valerius libro I. cap. ij. Hercules quoque detractae religionis suae, & grauem, & manifestam paenam exegisse traditur. Nam quum Potitij sacrorum eius ritum, quem pro dono genti eorum ab ipso assignatum uelut hereditarium obtinuerant, Ap. Claudio censore auctore, ad humilem seruorum ministerium transtulissent, omnes qui erant numero supra triginta puberes intra annum extincti sunt. Nomenque Potitium in duodecim familias diuisum prope interiit. Appius uero luminibus captus est

R E G E S

Reges tam apud Graecos, quam apud Romanos sacerdotes fuisse manifestum est. Virgilius enim de rege Deli Anio loquens, ita ait

Rex Anius, rex idem hominum, Phoebique sacerdos
Et Liuius in Numa libro primo. Tū sacerdotibus (inquit) creandis animum adiecit, quamquam ipse plurima sacra obibat, ea maxime quae nunc ad Dialem flaminem pertinent. Et libro secundo: Rerum deinde diuinarum habita cura, & quia quaedam publica sacra per ipsos reges factitata erant, necubi regum desiderium esset, regem sacrificulum creant. etc. Idem libris II. & V. Dionysius refert

FRATRES. ARVALES. XII

Maſſurius Sabinus, apud Gellium libro ſexto, cap. ſeptimo. Accam Laurentiam Romuli nutricem duodecim filios ſuſcepſiſſe ſcripſit. Ex quibus quum unum amiſiſſet, grauiter dolere coepit. Quare quo eius dolorem leniret, in filij demortui locum Romulus Accae Laurentiae ſeſe filium dedit; ſeque & ceteros eius filios fratres aruales appellauit. Ex eo tempore collegium manſit fratrum arualium numero XII. cuius ſacerdotij inſigne erat ſpicea corona, & albae inſulae. Plinius lib. XVII. cap. ſecundo: Aruorum ſacerdotes Romulus in primis inſtituit, ſeque duodecimum fratrem appellauit inter illos, ab Acca Laurentia nutrice ſua. Spicea corona quae uitta alba colligaretur ſacerdotio ei pro religioſiſſimo inſigni data, quae prima apud Romanos fuit corona, honos quoque is non niſi uita finitur, & exules etiam captosque comitatur. Et Varro libro quarto de lingua Latina. Fratres (inquit) Aruales dicti ſunt, qui ſacra publica faciunt propterea, ut fruges ferant arua, a ferendo & arueis fratres aruales dicti, quia fratria dixerunt

De hoc ſacerdotio mentio eſt in antiquis
epigrammatibus ſic

C . PORCIO. C . F . QVIR
PRISCO . LONGINO. C. V
X. VIRO. STLITIB. IVDICAND
ADLECTO. INTER. QVAESTOR
AB. ACTIS. SEN . AED. CVR
ADLECTO. INTER. PRAETOR
PRO. COS. LYCIAE. PAMPHILIAE
C O S . FRATRI . ARVALI

Item

Item

L. CAESONIVS. C. F. QVIRINA
 LVCILIVS. MACER. RVFINIANVS
 C O S . FRATER . ARVALIS
 PRAEF . VRBI . ELECTVS . AD
 COGNOSCENDAS. VICE. CAESARIS
 COGNITIONES. PROCOS. PROVINC
 A F R I C A E

LX. PVBLICI. SACERDOTES

Dionysius libro II. ex Varrone: Deinde autem quia curiae quaedam sine ratione, & inconsiderate magna ex parte electiones faciebant sacerdotum, quaedam uero hunc honorem precio per praekonem subiiciendum censebant, quaedam esse sorte partiendum existimabant; non uenalia Romulus, neque sorte partienda fecit sacerdotia, sed cuiusq, curiae ipse binos creauit, supra annum quinquagesimum natos, genere excellentes, simul & uirtute praestantes, neque inopes, aut corpore ulla ex parte trunco; hos autem non in praefinitum quodam tempus, sed per omnem uitam potiri eo honore statuit, atq; ob aetatem a militaribus officijs, ex lege uero a ciuilibus molestijs immunes esse uoluit

AVGV RV M. XV. COLLEGIVM

Augurandi ars antiquissima est, quae a Chaldeis ad Graecos, a Graecisque ad Etruscos, & ab Etruscis ad Latinos uenit. Nam ueteres Chaldeos optimos augures fuisse memoriae proditum est. Amphiaras quoque, Mopsus, & Calcas peritisimi apud Graecos augures memorantur: in Tuscis uero haec ars multum floruisse constat. Ascanium etiam apud Latinos augurasse legimus, quum aciem contra Mezentium educeret. Et ubi micare a sinistris fulgur aspexit, pugnavit, &

uicit. Dionysius uero, antiquam augurandi peritiam apud Aborigines etiam fuisse tradit. Romulus ipse summus augur fuit; & idcirco instituit magistratus cum augurijs creari. Et posterius non nisi augurato res gerebant. Tanta autem ueneratio huic arti accessit, ut Romulus principio trium augurum collegium constituerit, singulos ex singulis tribubus, quae tres erant Ramnensium, Tatientium, Lucerum. Quod his uerbis libro secundo tradit Dionysius. Ad haec etiam uates statuit ex singulis tribubus singulos sacris interesse, quos augures uocauit. Quos per curias creari instituit. Et in Numa: Quartam sacrorum partem tribuit interpretantibus signa a diis missa, & distinguuntibus quarum essent rerum iudicia, priuataque & publica, quos equidem augures Romani uocant, totius rei diuinae peritissimos. Sex. Pompeius: Augustus locus sanctus ab auum gestu, id est quia ab auibus significatus est, sic dictus; siue ab auum gustatu, siue quia aues pastae idratum fecere. Augur ab auibus gerendoque dictus, quia per eum auum gestus edicitur, siue ab auum garritu, unde et augurium. Inde auspiciū ab aue aspicienda dictum, nam quod nos cum praepositione dicimus aspicio, apud ueteres sine praepositione aspicio dicebatur. Augurandi modum libro 1. diserte narrat Lilius. Accitus Numa, sicut Romulus augurato in urbe condenda regnum adeptus est, de se quoque deos consuli iussit. Inde ab augure, cui deinde honoris gratia publicum id perpetuumque sacerdotium fuit deductus in arcem, in lapide ad meridiem uersus confedit. Augur ad laeuam eius capite uelato sedem cepit, dextra manu baculum sine nodo ad uncū tenens, quem lituum appellauerūt. Inde ubi prospectu in urbem, agrumque capto, deos precatus, regiones ob oriente ad occasum determinauit dextera ad meridiem partes, leuassique ad septentrionem esse iussit. Signum contra quod longissi-

me conspectu oculi ferebant, animo finiuit: tum lituo in laeuam manum translato, dextra in capite Numae imposita, precatus est ita: Iuppiter pater, si est fas hunc Numam Pompilium cuius ego caput teneo regem Romae esse, uti tua signa nobis certa, ac clara sint, inter eos fines quos feci. Tum per egit uerbis auspicia, quae mitti uellet. Quibus missis declaratus rex Numa de templo descendit &c. Locus enim augurij templum uocabatur. Varro libro VI. de lingua Latina: Templum tribus modis dicitur, ab natura, ab auspicio, ab similitudine. ab natura in caelo, ab auspicijs in terra, ab similitudine sub terra. In caelo templum dicitur, ut in Hecuba

O magna templa caeli, tum commixta stelleis splendidis
In terra ut in Periboea

Scrupea saxa Bacchi templa prope aggreditur
Sub terra, ut in Andromacha

Acherusta templa alta Orci saluete infera
Quã quia initium erat oculi, a tuendo primo templum dictum,
quo circa caelum qua tuimur templum dictum sic:
Contremuit templum magnum Iouis altitonantis

Idest ut ait Naeuius in Hemispherio, ubi terra caerulo septum stat. Eius templi partes quattuor, sinistra ab oriente, dextra ab occasu, antica ad meridiem, postica ad septentrionem. In terreis dictum templum locus augurij, aut auspiciij causa quibusdam conceptis uerbis finitus. Concipitur uerbis non iisdem usque quaque. In arce ita: Tesqua a me ita sunt, quoad ego ea uelim, quum nuncupauero: olla, terra, arbor, quisquis est, quam me sentio dixisse, templum tectum qua uis esto in sinistrum. Olla, terra, arbor, quisquis est, quod me sentio dixisse, templum tectumque: ferto in dextrum & cet. Ita igitur locatus augur, si signa laeva fuerunt quia illa parte septentrio est, felicia pronuntiat. Nam pars illa orbis propter altitudinem

dinem dextra putatur. Si a dextera infelicia. Nam quia me-
 ridies depressus est infelix existimatus. Alites autem uolatu au-
 spicia facientes praecipuae putabantur buteo, sanqualis, im-
 musculus, aquila, uultur, ut tradit Sex. Pompeius. Quam-
 quam autem maxima augurijs, auguribusque ex Romuli prae-
 scripto ueneratio habita semper fuerit, nihilominus sub L.
 Tarquinio Prisco rege post Attii Naui miraculum, iis certe, sa-
 cerdotioque augurum tantus honos accessit, ut nihil belli, do-
 mique postea, nisi auspicato gereretur, concilia populi, exer-
 citus uocati, summa rerum, ubi aues non admisissent, dirimeren-
 tur. Ser. Tullius rex postea, ut existimo, quum in quattuor
 tribus urbem diuississet, alterum augurem adiunxit. Nam
 anno urbis CDLIII. ut tradit libro x. Liuius, Q. Ap-
 pulcio Panfa, & M. Valerio Coruo V. Cos. rogatione Ogul-
 nia, quinque e plebe additis, ad nouem numerum aucti sunt.
 ut latius demonstraui in Fastorum commentarijs, ubi de ponti-
 ficibus, & pontifice maximo uerba feci. Primi e plebe augu-
 res hi fuerunt, C. Genucius, P. Aelius Paetus, M. Minucius
 Fessus, C. Marcius, T. Publilius. Qui numerus usque ad
 dictaturam Sullae Felicis mansit. Quo tempore, ut ex Liui-
 o Florus in epitoma libri xx cix. tradit, Sulla augurum, ponti-
 ficumque collegium ampliavit, ut essent xv. augures, totidem
 que pontifices. Qui numerus postea mansit. Ceterum quum
 ceteris fere omnibus sacerdotibus, simul ac in iudicium ducti et
 damnati essent, alium substitui mos fuisset, augures hac lege
 immunes erant, dum enim uiuerent licet maximorum criminum
 conuicti essent, sacerdotio tamen potiebantur, neque unquam
 priuari poterant. Quum enim sacrorum arcana neminem
 qui augur non esset cognoscere uellent. Vbi quis augur co-
 optatus esset iure iurando adigebatur, augurum res nemini se-
 dicturum, priuatum uero eum postea factum, eo sacramento
 libe-

liberum esse nolebant. Augurum autem in Romuli memoriam uultur prosperrima auis esse existimabatur. Quum autem ueteri lege ac more augures ab auguribus, pontifices à pontificibus, reliqui sacerdotes a suis quique collegijs crearentur, unus tantum pontifex maximus a populo, primus Cn. Domitius Ahenobarbus tribunus plebis Neronis imperatoris attauus, pontificibus offensior, quod alium quam se sui patris in locum, cooptassent, lege lata ius sacerdotum subrogandorum a collegijs ad populum transtulit, anno urbis DCLII. C. Mario III. & L. Aurelio Oreste cos. Nec multo post ipse pontifex maximus populi suffragio creatus est. Huius legis Cicero II. agraria in Rullum, meminit his uerbis: Hoc idem de ceteris sacerdotijs Cn. Domitius trib. plebis uir clarissimus tulit, quod populus per religionem sacerdotia mandare non poterat, ut minor pars populi uocaretur, ab ea parte qui esset factus is a collegio cooptaretur. Qua lege etiam permissum est, ut absentes possent petere sacerdotia, scribit enim Cicero; C. Marium, quum in Capadocia esset, lege Domitia augurem factum fuisse. Atque ita augures, pontifices, septem uiri epulonum, XV. uiri sacris faciundis, & fetiales, qui hactenus a suis collegijs creari solebant, tributis comitijs renuntiari coepti sunt. Postea L. Sulla dictator, rerum potitus quum alia multa contra plebem, quae Marianas partes fouerat, tum hoc sanxit, ut sacerdotes iidem a collegijs crearentur, ut Pedianus in diuinationis commentario sic tradit: His decem annis a Sylla, bellis ciuilibus spoliatus est populus Romanus potestate tribunicia, iudicandi iure, arbitrio creandorum sacerdotum. Sed quemadmodum legem Domitiam abrogauit Sulla, sic legem Sullae aliquot annis post T. Attius Labienus tribunus plebis abrogauit, Domitiamque restituit, M. Tullio, & C. Antonio cos. Fecit autem hoc auctore C. Caesare: qui si populus in mandando sacerdotio suffragium ferret,

ret, se qui popularis admodum erat, pontificem maximum in demortui Metelli Pij locum creatum iri, non sine caussa putabat. Quod & re comprobatum est, nam P. Servilio Isaurico, & Q. Lutatius Catulo, consularibus uiris deiectis, ipse nondum praetorius in amplissimi sacerdotij gradum ascendit. Rursum a populo ad collegia lege Labieni abrogata, ius cooptandorum sacerdotum rettulit, post caedem Caesaris M. Antonius consul, eo consilio ut facilius, ac certius, M. Aemilius Lepidus, uis filio filiam suam collocauerat, pontifex maximus in Caesaris locum subrogaretur. Ceterum quum Antonij omnes leges anno sequenti Hirtio & Pansa cos. ex S. C. abrogatae essent, quod ex M. Tullij oratione in ipsum XIII. & Dionis III. libro XLV. intelligitur, haec quoque quam de sacerdotijs tulerat, fracta est, lexque Domitia iterum restitua: sic enim eo anno scribit Cicero ad Brutum: Pansa uiuo celeriora omnia putabamus, statim enim collegam sibi subrogasset, deinde ante praetorum, sacerdotum comitia fuissent. Postea sub Augusto abrogata tertio Domitia lege, collegiorum primo, deinde Romanorum principum arbitrio, pontifices, augures, & reliqui sacerdotes cooptari coepti. Augurum collegium Romae usque ad Theodosij senioris imp. tempora uiguit. Quibus religione Christi sanctissima omnia iam obtinente, uetereque daemonum cultu abrogato, uno edicto sacerdotiorum omnium redditus fisco publico applicati sunt. Quare postea plane augures, & alij sacerdotes fieri desierunt. ita Zosimus

De auguribus praeterea multa mentio est apud Ciceronem libro I. de diuinatione, Ouidium quarto Fastorum, Valerium libro II. Plutarchum in problematibus, & Statium Papinium libro quarto Thebaidos

De augurum uero collegio has inscrip-
tiones uidi

IOVI. O. M. SACR
COLLEG. AVGV. D.D
CVR

T. IVNIVS. SELEV
CVS. CVM. VALER. FIL
IMMVN. PERPET

item

COLLEGIVM
AVGV. AVCTORE
IMP. CAES. TRAIANO
HADRIANO. AVG
TERMINOS. POMERII
RESTITVENDOS. CVR

HARVSPICES

Haruspices a Romulo institutos fuisse, tradit libro secundo Dionysius. Hi a uictimis in ara aspiciendis, dicti sunt. is enim est haruspex, qui postquam hostia immolata est, inspectis extis futura praedicat; qui & extispex dicitur. Hic saepe per pecudum, & ceterarum hostiarum fibras, iecinora, & alia intus, futura arte daemonum diuinabant

De

De haruspibus mentio est in hac antiqua inscriptione

SOFRONII A

D. L. TERTIA

SIBI. ET. P. SEXTILIO

PRIMO. HARVSPICI

SEVIRO. AQUINI

ET. SVIS. IN. FR

P. XII. IN. AGR. P. XII

DE. TRIBVNO. CELERVN

Tertiam sacrorum administrandorum partem Numa tribuno celerum tribuit, quem Romulus equitum, quos celeres uocabant, praefectum constituit; sub cuius potestate pedestres, equestresq; copiae erat, corporis que regis ad custodiam creatus fuerat. Hic enim statuta quaedam sacrificia peragebat. Ita Dionysius libro secundo. De tribuno celerum mentionem facit Pöponius libro primo, tit. de origine iuris ita: Initio ciuitatis Romanae, constat reges omnem potestatem habuisse. Iisdem temporibus et tribunum celerum fuisse constat, is autem equitibus praecerat, et ueluti secundum locum a regibus obtinebat, quo in numero fuit L. Iunius Brutus, qui auctor fuit regis ejiciendi. Et Dionysius in Romulo: Romulus trecentos uiros ex praecipuis familijs, quos curiae renuntiarunt, eodem modo, quo antea senatores, delegit, eosque ad corporis custodiam circum se habuit, uocatique omnes sunt celeres, ut plures scribunt ab exequendi ministerij celeritate, prompti enim uelocesque ad opera erant, quos Romani celeres uocant. Ut autem

Vale

Valerius Antias dicit a primo eorum duce Fabio Celere. Prae-
erat namque dux ipsis etiam clarissimus, cui tres suberant cen-
turiones, & sub eis alij inferiores magistratus, qui per ur-
bem sequentes eum cum telis ministri eorum quae iuebantur
erant. etc. Huius tribuni celerum postea exactis regibus locum
tenuit apud dictatorem magister equitum, & apud imperato-
res praefectus praetorio, ut tradit Pomponius

CVRIONES. XXX. ET . CVRIO
M A X I M V S

Curiones erant qui curijs praesidebant a Romulo instituti,
curiarumque suffragijs creati: de quibus libro secundo in Nu-
ma sic scribit Dionysius: Assumpta itaque Numa omnis diui-
ni cultus institutione, atque conscripta, eam in octo diuisit par-
tes, quot erant etiam sacrorum ordines, tradidit autem primam
sacrorum constitutionem triginta curionibus, quas dixi hostia-
as immolare publicas pro curijs. His omnibus unus praeside-
bat curio maximus ductus, cuius auctoritate (ut inquit Festus)
ceteri curiones regebantur. Huius frequens mentio est apud
Liuium. Hic curiatis comitijs semper creatus est

DE . SODALIBVS . TITIIS . alias
TITIENSIBVS

Sodales Titij (inquit M. Varro libro IIII. de lingua Lati-
na) dicti sunt a Titijs auibus, quas in augurijs certis obseruare
solent. Tacitus uero libro primo: Idem annus (inquit) nouas
caerimonias accepit, addito sodaliu Augustalium sacerdotio, ut
quondam T. Tatius retinendis Sabinorum sacris sodales Titios
instituerat. Sorte ducti e primoribus ciuitatis unus & uiginti.

De

De hoc sacerdotio mentionem facit Lucanus libro primo

Septemuirque epulis festus, Titijque sodales

Hi sacerdotes extra urbem habitabant, & in tugurijs certa auguria servabant, quoniam ad id deputati a pontificibus erant.

De eis praeterea nihil compertum habeo

Horum quoque ut aliorum multorum meminere antiquae inscriptiones ita

P. CORNELIO

DOLABELLAE

COS

VII. VIRO. EPVLONVM

SODALI. TITIENSI

LEG. PRO. PR. DIVI. AVGVSTI

ET. TI. CAESARIS. AVGVSTI

CIVITATES. SUPERIORES

PROVINCIAE. ILLYRICI

Item

M. F. CL. PRISCO

SACERDOTI. TITIALI

PR. INTER. CIVIS. ET

PEREGRINOS. TR. PL

QVAESTORI. PROC

AVG. XX. HERED

PONTIFICI . MAXIM . . .
 TRIBVNIC.POTESTAT . . .

IMP. XVII. P . P

COS.VIII. DES.VIII. CENSORI
 CONSERVATORI.CAEREMONIARVM
 PVBLICARVM.ET
 RESTITVTORI.AEDIVM.SACRARVM
 SODALES . TITI

FLAMINES . XV

Secundam (inquit libro secundo Dionysius) sacrorum ministeriorum curam Numa rex ijs tradidit, qui a gestatione pileorum & infularum flamines uocati sunt. De quorum institutione parum inter ueteres scriptores conuenit. Plutarchus enim in Numa ita scribit: Iouis Martisque sacerdotibus a Romulo constitutis, tertium ipse Romuli constituit, quem flaminem Quirinalem nominauit. Vocabant & sacerdotes antea constitutos flamines, a pileis quibus ad tegenda capita utebantur, quasi pilamines quidam essent. E contra Dionysius, & Liuius flaminum omnium originem Numae tribuunt. Ita enim scribit Liuius: Tum sacerdotibus creandis animum adiecit, quamquam ipse plurima sacra obibat, ea maxime quae nunc ad flaminem Dialem pertinent, sed quia in ciuitate bellicosa plures Romuli quam Numae reges similes putabat fore, iturosque ipsos ad bella, ne sacra regiae uicis defererentur, flaminem Ioui assiduum sacerdotem creauit, insignique eum ueste, & curuli regia sella adornauit. Huic duos flamines adiecit, Marti unum, alterum Quirino. Erat autem flamen sacerdos

cerdotis nomen, qui alicui deo peculiariter consecratus, ei uni singillatim sacra faciebat, a quo & nomen obtinebat, ut is qui Iouis sacra curabat, uel Martis, aut Quirini; is flamen Dialis, Martialis, & Quirinalis uocabatur. Hinc Cicero secundo de legibus: Diuisque aliis sacerdotes, omnibus pontifices, singulis flamines sunt. Nominis autem ratio tracta est a filo, quo caput cinctum habebant, quod his uerbis docet M. Varro libro iij. de lingua Latina: Flamines (inquit) quod in Latino capite uelatio erant semper, ac caput cinctum habebant filo flamines dicti. Horum singuli cognomina habent ab eo deo cui sacra faciunt, sed partim sunt aperta, partim obscura. etc. & Seruius super Virgilium: Flamines (inquit) in capite habebant pileum, quod quum per aestus ferre non possent, filo tantum capita religare coeperunt. Nam nudis penitus capitibus incedere nefas erat, unde a filo quo utebantur flamines dicti quasi filamines. Plutarchus in Numa, eos a pileo pilamines primo post flamines dictos putat, quod non placet, nam & pontifices, & alij sacerdotes pileos gerebant, & flamines tamen non sunt appellati. Appianus, flaminem Dialem semper uelo, & galero festis profectisque diebus uti solere scribit. Sunt qui eos a sacris infulis flamines dictos putant, quas in capite gestabant; quae ab antiquis flammae dicebantur, siue a flamineo, quod genus est tegminis capitis, quod potius mulierum est quam uirorum. Sex. Pompeius: Flamen Dialis dictus quod filo assidue ueletur, indeque appellatur flamen quasi filamen. Pileus autem siue galerus quo flamines utebantur, apex uocabatur, cuius formam ex lapidibus marmoreis, uetustisque nummis, ita aliquando descripsit. Nam quum apex fastigium sit & summum aliquod alicui additum rei, flaminis pileus qui ad modum galeae militaris factus erat, in summo fastigio uirgulae fixam habebat, circa quam filum lanae albae religatum erat;

erat; a qua re (ut dixi) & ipsi flamines sunt uocati, & pileus ipse apex. Vnde Valerius libro primo cap. 1. At Sulpicio inter sacrificandum apex prolapsus, eidem sacerdotium abstulit. Et Lucanus libro primo

Et tollens apicem generoso uertice flamen

Apice autem non nisi flaminibus uti permissum erat, ut nunc mitra episcopis. Seruius libro viij. Vocant apicem ab apendo quod est uincire, unde aptus & apiculum filum quo flamines uelatum caput gerunt. Sex. Pompeius: Apex (inquit) qui est sacerdotum insigne dictus est, ab eo quod comprehendere uinculo antiqui apere dicebant, unde aptus is qui conuenienter aliqui iunctus est. Virgilius libro viij

Hinc exultantes salios, nudosque lupercos

Lanigeros quae apices

Apex igitur omnium flaminum insigne commune erat.

Quum autem tres a Numa principio tantum instituti fuissent, Dialis, Martialis, & Quirinalis; postea processu temporis XII. alij Romae additi sunt, & ad XV. numerum aucti. Sex. Pompeius: Maximae dignationis flamen Dialis est inter XV. flamines. Et quum ceteri discrimina maiestatis suae habeant, minimi habetur Pomonalis: Quod Pomona leuissimo fructui, agrorum praesidet, idest pomis: &c. Ceterum omnes flamines mox enumerabo. Post constitutos xij. flamines, orta est, inter eos maiorum, minorumque; uel patriciorum, & plebeiorum distinctio. Tres enim primi a Numa instituti maiores, & patricij appellati sunt. XII. posteriores minores & plebeij. Vnde Sex. Pompeius: Maiores flamines appellabantur patricij generis, minores uero plebei. Nam tres primi flamines semper ex patricijs cooptati sunt, ut docet Cicero in oratione pro domo; in qua regem sacrorum, flamines, salios, interregem, & ex dimidia parte reliquos sacerdotes non nisi ex

patribus creari posse tradit. Ceterum quamquam xv. flamines essent, qui nomine conuenirent, collegae tamen non erant, neque eorum quoddam collegium uocabatur. Siquidem flamen unius tantum dei sacerdos erat, habebatque sua quisque sacra, quae per se quisque procuraret, & ad alios nihil omnino attineret. Quod Cicero libro secundo de legibus satis indicat, quum legem eiusmodi ponit: Diuisque alijs sacerdotes, omnibus pontifices, singulis flamines sunt. Flamines autem (de maioribus praesertim loquens) tametsi non essent pontifices, ita tamen erant adscripti in collegium pontificum, ut si quando de re aliqua apud pontifices ageretur, ipsi iudices sederent eius rei, de qua ad collegium pontificum relatum esset. Quod potest ex oratione Ciceronis pro domo sua intelligi, quae quum habita sit apud pontifices, ad quorum collegium reiectum erat de domo a Clodio consecrata iudicium, in ea tamen oratione iudices sedisse regem sacrorum, & flamines ostendit. Creabantur autem flamines a populo comitijs curiatis, ut ex Laelio Felice docet Gellius cap. xxvii. libri xv. Flamines uero a populo comitijs curiatis creati inaugurabantur a pontifice maximo, cuius dicto omnes suberant. Quod ex his Liuij testimoniis demonstrari potest. Liuius lib. xxvii. Et flaminem Dialem inuitum inaugurari coegit P. Licinius pōt. max. C. Valerium Flaccum. Quod idem scribit Valerius Maximus libro vi. cap. ix. C. Valerius Flaccus secundi belli Punici temporibus luxu perditam adolescentiam inchoauit. Ceterum a P. Licinio pontifice maximo flamen factus, & c. & L. Florus in epitoma libri xix. scribit: L. Caecilii Metellus pontifex maximus A. Postumium consulem, quoniam idem & flamen Martialis erat, quum ille ad bellum gerendum proficisci uellet, in urbe tenuit, nec passus est a sacris recedere.

dere. & idem Liuius libro XXXVII. de Q. Fabio Pictore, quem dicit eo anno quo creatus est praetor, inauguratum fuisse flaminem Quirinalem, ita scribit. Priusquam in prouinciis praetores irent certamen inter P. Licinium pontificem maximum fuit, & Q. Fabium Pictorem flaminem Quirinalem, quale patrum memoria inter L. Metellum, & Postumium Albinum fuerat. Consulem illum cum C. Lutatio collega in Sicilia ad classem proficiscentem ad sacra retinuerat Metellus pontifex maximus. Praetorem hunc ne in Sardiniam proficisceretur P. Licinius tenuit. Et in senatu & ad populum magnis contentionibus certatum est, & imperia inhibita ultro citroque, & pignora capta, & multa dictae, & tribuni appellati, & prouocatum ad populum est. Religio ad postremum uicit, & dicto audiens esse flamen pontifici iussus. Quam obrem flamini Diali antiquitus nec magistratum petere, nec capere permissum erat. In cuius rei gratiam ei lictore, & regia sella curuli uti permissum est. Inde Cornelium Merulam flaminem Dialem consulem in locum Cinnae urbe pulsū suffectum, poenas dedisse uiolati antiqui iuris quidam crediderunt: in magistratu enim paulo post occisus est. Flaminium autem sacerdotium ita perpetuum erat, ut tamen ob certas quasdam causas flamines etiam sacerdotio priuari possent; dicebanturq; flaminio abire, alijq; subrogabantur, quod si nullis illarum causis coacti fuissent sacerdotium deponere, id dum uiuebant retinere solebant. Vnde Valerius Maximus libro I. cap. I. Consimili ratione post P. Coelius, M. Cornelius Cethegus, & C. Claudius propter exta parum curiose admota aris deorum immortalium, uariis temporibus, bellisque diuersis flaminio abire iussi sunt coactique etiam. At Sulpicio inter sacrificandum apex et capite prolapsus, eidem sacerdotium abstulit. Aliae quoque erant causae eius deponendi sacerdotii, quas paulo

Y 3 post

post afferam . Quum autem pontificum maximorum auctori-
tatem , super flamines , regem sacrorum , & ceteros pontifi-
ces fuisse aperte ex Liuiο ostenderim , miror cur Sex . Pompe-
ius ita scripserit : Ordo sacerdotum aestimatur deorum * ma-
ximus quisque . Maximus uidetur rex , deinde Dialis , post
hunc Martialis , quarto loco Quirinalis , quinto pontifex ma-
ximus . Itaque in conuiuijs solus rex supra omnes accubat :
Sed Dialis supra Martialem , & supra Quirinalem Martia-
lis : is supra pontificem maximum : Rex quia potentissimus , Dia-
lis quia uniuersi mundi sacerdos , qui appellatur Diūm , Mar-
tialis , quod conditor ac urbis parens Mars , Quirinalis so cio
Romani imperij adscito Quirino , pontifex maximus quod iu-
dex atque arbiter rerum diuinarum humanarumque habetur .
& cet . Nisi hoc intelligatur , in religiosis quibusdam epulis ,
& conuiuijs , quātum ad sessionem attinet antiqui ritus ergo id
obseruatum fuisse ; ceterum potestate pont . max . omnes anteijs
se . Flamines autem , quum populi suffragijs creati , a pon-
tifice inaugurarentur , hoc est certis quibusdam , ac solemnibus
captatis augurijs crearentur ; captos duci a partibus , uelut
ab hostibus mos fuit . Hinc flamines capti dicebatur . Fla-
minum uxores flaminicae uocabantur ut tradit Sex . Pompe-
ius , quibus diuortium facere non licebat . Flaminum minia-
stri flaminij dicebantur , & ministrae Flaminiae . Sex .
Pompeius : Flaminius Camillus puer ingenuus patrimus &
matrimus qui flamini Diali sacrificanti ministrabat , anti-
qui enim sacrorum ministros Camillos uocabant . Flaminia
sacerdotula , quae flaminicae Diali praeministrabat , ea-
que patrima & matrima erat , id est patrem , matremque ad-
huc uiuos habebat . Flaminius lictor qui flamini Diali sacro-
rum caussa praesto est . Flaminia aedes domus flaminis Dialis .
Praeciae dicebantur , qui a flaminibus praemittebantur , ut de

nuntiarent opificibus, ut manus abstinere ab opere, ne si uideret sacerdos facientem opus, sacra polluerentur. Hi ab alijs praeclamitatores appellantur. Haec itaque sunt quae omnibus flaminibus communia erant, nunc singulatim de ijs disputemus

DE FLAMINE DIALI

Atque primo a flamine Diali, qui maximae dignationis inter omnes erat, initium sumam. Hic, Dionysio, & Livio auctoribus a Numa; uel ut Plutarchus tradit a Romulo ipso Ioui institutus fuit. Nam ante flaminum munus, regum fuerat; qui pontificum regumque promiscue officia exercebant, ut de Priamo, et Aenea apud Virgilium uideri potest. Item apud eundem de rege Deli Anio, & sacerdote Apollinis

Rex Anius, rex idem hominum, Phoebique sacerdos

Dictus autem est Dialis ἀπὸ τοῦ διὸς, hoc est a Ioue, qui διὸς dicitur quasi Iouialis, a quo uita dari putabatur hominibus. Cui flamini caerimonias multas impositas fuisse liquet; quae ex Fabio Pictore, Masurio Sabino, M. Varrone, Plutarcho in problematibus, Gellio lib. x. cap. xv. ceterisque libris qui de sacerdotibus publicis conscripti sunt excerptae, sunt haec.

I. Equo Dialem flaminem uehi religio erat. II. Classem procinctam extra pomerium, idest exercitum armatum uidere; idcirco rarenter flamen Dialis creatus consul est, quum bella consulibus mandabantur. III. Item iurare Dialem fas nunquam erat. IIII. Item annulo uti nisi peruiro, castoque fas non erat. V. Ignem e flaminia, idest flaminis Dialis domo nisi sacrum efferri ius non erat VI. Vinculum si aedes eius introisset, solui necessum erat, & uincula per impluuium, in tegulas subduci atque inde foras in uiam demitti. VII. Nodum in apice,

neque in cinctu, neque alia in parte ullū habebat **VII**. Si quis ad uerberandum duceretur, si ad pedes eius supplex accubisset, eo die uerberari piaculum erat. **IX**. Capillum Dialis nisi qui liber homo erat, detondere non poterat. **X**. Caprā & carnem incoctam, & ederam, & fabam, neque tangere Diali mos erat, neq; nominare. **XI**. Propagines e uitibus altius praeteritis non succidebat. **XII**. Pedes lecti in quo cubabat luto tenui circumlitos esse oportebat, & de eo lecto trinoctium continuum non decubabat, neque in eo lecto cubare alium fas erat. Neque apud eius lecti fulcrum capsulam esse cum strue, atque ferro oportebat. **XIII**. Vnguium Dialis & capilli segmina subter arborem felicem terra operiebantur. **XIII**. Dialis quotidie festatus erat **XV**. Ac sine apice sub diuo esse licitum non erat, sub tecto uti libebat, & non pridē a pontificibus constitutum **XVI**. Farinam fermento imbutam attingere ei fas non erat. **XVII**. Tunicam intimam nisi in locis tectis non exuebat, ne sub caelo tanquā sub oculis Iouis nudus esset. **XVIII**. Super flaminem Dialem in conuiuio, nisi Rex sacrificulus, haud quisquam alius accumbebat; quae res Sex. Pompeij locum de sessione sacerdotum in solemnibus conuiujs aperit. **XIX**. Vxorem quum amittebat flaminio decedere mos erat **XX**. Flaminis matrimonium nisi morte dirimi poterat. **XXI**. Locū in quo bustum esset nūquam ingrediebatur **XXII**. Mortū nunquam attingebat, funus tamen exequi religio non erat. **XXIII**. Vnus omnium flamen Dialis galero albo utebatur, ut libro secundo rerum diuinarum refert M. Varro, uel quod maximus esset, uel quod Ioui immolata hostia albato fieri oportuisset. **XXIII** Vngi sub dio fas non erat Diali. **XXV**. Flamen Dialis antiquitus, nec magistratum petere, nec capere poterat, ne sacris auocaretur, & multa contra religionē facere cogeretur. **XXVI**. Praeclamitatores habebat: qui
ipsum

ipsum praecedebant, clamantes ut homines ab operibus destinerent, quia ei opus facientem uidere religiosum erat. Masurius quoque Sabinus alia quaedam fuisse scripsit, quae remissa sunt, gratiamque aliquot caerimoniarum Diali factam fuisse tradit. Flaminis Dialis apex siue pileus albogalerus dicebatur, quod fieret ex hostia alba Ioui caesa, cui affigebatur apex uirgula oleagina. Sex. Pompeius: Eadem ferme caerimoniae sunt, quas flaminicae sacerdotissae Diales obseruabāt. In quibus haec. Quod bene nato operiretur. Et quod uirrica surculum de arbore felici haberet, & quod scalas descendere ei plus tribus gradibus religiosum esset. Atque etiam, quum iret ad Argaeos, neque caput comere, neque capillum depectere solebat.

Flaminicae cuiusdam mentio est in vetusta

inscriptione sic

Q. CAECILIO. Q. F. AN

OPTATIANO

PRAEF. COH. I. AQVI

TANOR. EQVIT

PONTIA. T. F. SABI

NA. MATER

FLAMINICA

L. D. D. D.

Adiicit in fine huius capitis Gellius: Verba praetoris ex edicto perpetuo de flamine Diali, & de sacerdote Vestae sunt haec: Sacerdotem Vestalem, & flaminem Dialem, in omni mea iurisdictione iurare non cogam. A Numa usque ad Marij & Sullae tempora, perpetua & continuata serie flamines Diales semper fuerunt, usque ad L. Cornelium Merulam, qui in seditione ciuili Cinnae, & Octauij in magistratu occisus fuit. Post quem, quum Caesar qui postea dictator fuit, id sacerdotium

consecra

consequutus fuisset, non longe post a uictore Sulla, & sacerdotio, et uxoris dote mulctatus est: ita ut nullus deinceps flamen Dialis inauguratus fuit, usque ad finem imperij Augusti Caesaris. Sub quo anno plus minus centesimo postquam id sacerdotium uacauerat, flamen Dialis inauguratus est Ser Cornelius Maluginensis, post quem perpetuo ordine flamines Diales multi fuerunt usque ad nouissima imperij tempora, quibus cum reliquis sacerdotijs ueteris superstitionis ab imp. Theodosio, id sacerdotium omnino sublatum est. Atque haec sunt quae de flamine Diali apud ueteres scriptores inueni

DE FLAMINE. MARTIALI

Secundus a Numa institutus flamen Martialis fuit, ut Dionysius, & Liuius tradunt; uel a Romulo, ut Plutarchus; quod Romuli urbis conditoris Mars pater creditus sit. Hic patricius, et maior flamen erat. De quo M. Varro libro quarto de lingua Latina: Flamines singuli cognomina habent ab eo deo, cui sacra faciunt, sed partim sunt aperta, partim obscura, aperta ut Martialis, Volcanalis. &c. Idem refert libro sexto

De flamine Martiali mentio extat in antiqua inscriptione sic

P. CORNELIVS . P . F. DOLABELLA^{COS}
C. IVNIVS. C. F. SILANVS. FLAMEN. MARTIALIS
E X . S . C
FACIVND. CVRAVERVNT. IDEM . QVE
PROBAVERVNT

Hi consules, ut ex Fastis liquet, sub Augusti imperio fuerunt. Ne autem quis hac inscriptione in dubium uerteret, quod de flaminibus maioribus dixi, ipsos semper ex patricijs lectos fuisse

fuisse, animaduerfione dignum, gentem Iuniam plebeiam quidem ante dictatorem Caesarem fuisse, ideoque hoc sacerdotio exclusam. Verum post Caesaris dictatoris tempora, a quo Iunia gens cum plerisque alijs in patricias alleeta est, ut Tranquillus, & Dio tradunt, tam hoc sacerdotium, quam cetera quae plebeijs antea prohibita erant, obtinere potuit, ut sub Augusto hunc Iunium obtinuisse uidemus

DE . FLAMINE . QVIRINALI

Et hic flamen maior, & patricius a Numa in Romuli honorem institutus est, quod Romulus Quirinus appellatus parens, & urbis conditor fuisset. De hoc flamine frequens mentio est apud Liuium, Varronem, & Sex. Pompeium

De flamine Volcanali

Flamen Volcanalis Volcano consecratus, & reliqui undecim flamines minores omnes, & plebeij fuerunt, uariis temporibus instituti. De flamine Volcanali sic scribit Varro lib. III. de lingua Latina: Flaminum cognomina aperta sunt Martialis, & Volcanalis

De flamine Carmentali

Hic flamen Carmentae Euandri Arcadis matris, cuius templum prope Capitolium fuit, sacra curabat; de quo Cicero in Bruto ita mentionem facit: M. Popillius quum consul esset, eodemque tempore sacrificium publicum cum laena faceret, quod erat flamen Carmentalis, plebis contra patres concitatione, & seditione nuntiata, ut erat laena amictus, ita uenit in concio-

concionem, seditionemque tum auctoritate tum oratione sedauit. Hos autē flamines plebeios fuisse testimonio est hic Lænas, qui ex plebe consul lectus fuerat, quum flamen Carmentalis esset.

De flamine Florali

De Florali flamine, qui a Flora dictus est, meminit Varro libro sexto de lingua Latina. Hanc deam floribus praeesse ueteres credebant. Quam meretricem fuisse aiunt, quae quum magnas opes corporis quaestu quaesiuisset, populum Romanum fecit heredem, certamque pecuniam reliquit, ex cuius annuo foenore suus natalis dies celebraretur editione ludorum, quos Floralia, siue ludos Florales appellabant. Quod quia senatui flagitiosum tractu temporis uisum est, ab ipso nomine argumentum sumi placuit, ut pudendae rei quaedam dignitas adderetur, deāq; sinxerunt esse, quae floribus praesit, eamque oportere placari, ut fruges cum arboribus, aut uitibus bene, prospereque florescerent; itaque Floram nuncupasse, & ludos ei dedicatos appellauisse Floralia. De quib. in antiquo nummo sic mentio est C.MEMMIUS.FLORALIA.PRIMUM.FECIT. Celebrabantur autem hi ludi omni cum lasciuia, conuenientes memoriae meretricis, in quibus praeter uerborum licentiam nudabantur, flagitante populo meretrices, quae mimmarum functae officio, in conspectu multitudinis ad facietatem usque impudicis motibus detinebantur. De hac dea, & eius ludis multa scribit Ouidius libro quarto Fastorum

De flamine Palatuali

Palatualis, ut Varro libro sexto de lingua Latina, siue Palatilis, ut Sex. Pompeius scribunt, flamen constitutus fuit ad sacrificandum ei deae, in cuius tutela Palatium erat, quam M. Varro Palatuam uocat, de quo nihil praeterea memoria dignum inueni

De flamine Falacro

Flamen Falacer, ut libro quarto de lingua Latina scribit Varro, a diuo patre Falacre dictus est. Quis autem is deus fuerit nondum inueni

De flamine Furinali

Flaminum aliquot cognomina obscura sunt (inquit Varro libro quarto de lingua Latina) ut Dialis, & Furinalis. Quum Dialis a Ioue sit, qui Diouis est: Furinalis a Furina, cuius etiam in Fastis Furinales feriae sunt. De eodem mentionem facit libro sexto de lingua Latina. Forte haec dea est, cuius uetus haec inscriptio meminit

I. O. M. H. AVG
S A C R
GENIO. FORINARVM
ET. CVLTORIBVS. HVIVS
LOCI. TERENTIA. NICE
CVM. TERENTIO. DAMA
RIONE. FILIO. SACERDOTE

De

De flamine Volturnali

Flaminis Volturnalis solus quod sciam meminit M. Varro libro VI. de lingua Latina sic: Eundem Pompilium Numam ait fecisse flamines, qui cum omnes sint a singulis deis cognominati, in quibusdam apparent etyma, ut cur sit Martialis, Quirinalis. Sunt in quibus flaminum cognominibus latent origines, ut qui sunt in uersibus plerique, Volturnalis, Palatualis, Furinalis, Floralis, Falacer, Pomonalis; obscura est eorum origo. Volturnus, Palatua, Furina, Flora, Falacer, Pomona pomorum patrona

De flamine Virbiali

Flaminem Virbialem deo Virbio, idest Hippolyto consecratum, nullus quod sciam antiquus scriptor commemorat. Eius ego mentionem extare uidi Romae in antiqua inscriptione, quae modo ad manus non est, Quam uel in fine libri, uel alio loco postea ubi occasio sese obtulerit, afferam. Deus autem Virbivus idem qui Hippolitus est. Thesei & Hippolytae Amazonis filius, qui quum a Phedra nouerca per calumniam apud patrem delatus esset, quod ipsi stuprum inferre uoluisset, patris iram ueritus curru consensu fugam arripuit, quumque iuxta maris littus peruenisset, incusso a Neptuno pauore, equi confternati implicatum habenis Hippolytum dilacerarunt. Cuius uicem miserata Diana ad uitam eum reuocauit, & in Aricino nemore collocatum, pro Hippolyto Virbium appellauit, quasi bis uirum. Vide haec latius apud Ouidium secundo metamorphoseos

De flaminibus Laurentiali, Lauinali,
& Luculari

Neque etiam horum trium flaminum ullam mentionem apud ueteres auctores extare unquam uidi. Eos autem ex antiquo hoc epigrammate concinnaui

P. AELIO. P. F. PAPIR
MARCELLO. CENT
FRVM. SVB. PRINCIPE
PEREGRINOR. HASTATO
ET. PRINCIPI. ET. PRIMIPILLO
LEG. VII. GEM. PIAE. FEL. ADLEC
TO. AD. MVNERA. PRAEFF
LEGG. VII. CLAVD. ET. PRIMAE
ADIVTRICIS. V. F. FLAMINI
LVCVLARI. LAVRENT. LAVINAL
PATRONO. ET. DECVRIONI
COLONIAE. APVLESIVM. PATRONO
CIVIVATIS. FORO. FLAM. FVLGINIAE
ITEM. QVE. IGVVINORVM
SPLENDIDISSIMVS. ORDO
FORO. FLAM
CVIVS. DEDICAT. DECVRIONIBVS
ET. LIBERIS. EORVM. PANEM
ET. VINVM. SS. XXX. N. ITEM
MVNICIPIBVS. SS. III. N. DEDIT

Ex his Laurentialem Accae Laurentiae Romuli nutrici creatum fuisse crediderim; reliquorum uero obscura cognomina sunt

De flamine Pomonali

Flaminis Pomonalis quem inter xv. minimi habitum fuisse tradit Sex. Pompeius, Varro libro sexto de lingua Latina meminit, eumque a Pomona pomorum dea denominatum fuisse tradit. Et Sex. Pompeius: Maximae (inquit) dignationis flamen Dialis est inter quindecim flamines, & quum ceteri discrimina maiestatis suae habeant, minimi habetur Pomonalis, quod Pomona leuissimo fructui agrorum praesidet, idest pomis. Haec autem sunt quae de xv. flaminibus inuenire potui. Cuius uxores omnes flaminicae dicebantur. Ceterum quo ab antiquitatum studiosis gratiam aliquā ineam, & alterius generis flaminum aliquot inscriptiones suggeram, qui certe municipales flamines fuerunt

Firmi in Piceno

T. APPAEO, T. F. VEL
 ALFINIO. SECUNDO
 PROC. AVGVST. XX. HERED
 PROC. ALPI. ATRECTIONAR
 PRAEF. VEHICVL. SVB. PRAEF
 CLASS. PRAET. RAVENN. PR
 ALAE. I. AVG. THRAC. TRIB. COH
 I. AELIAE. BRITTON. PRAEF
 COH. III. GALLOR. PATRON
 COLON. FLAMINI. DIVOR
 OMNIVM. AVGVRI
 II. VIR. QVINQ. BIS
 OB. MERITA. EIVS

ibidem

L . VOLCATIO . Q . F .

VEL.PRIMO

I I . VIR . I I . QVINQ

FLAM . DIVOR . O M N

P . C . EX . TESTAMENTO

EIVS.POSITA

Q . LICINIO . CRISPINO

C . HERENNIO . MAXIMO

I I . V I R

ibidem

L . VOLCATIO . Q . F

VEL . PRIMO

PRAEF . COH . I . NORICOR

I N . PANN . PRAEF . RIPAE

DANVVI . E T . CIVITATIVM

DVARVM.BOLOR.ET.AZALIOR

TRIB.MILIT.LEG.V

M A C E D O N I C A E . I N

MOESIA . PRAEF . ALAE . I

PANNONIOR . I N . AFRICA

II.VIRO.QVINQ

FLAMINI . D I V O R

OMNIVM.P.C

EX . TESTAMENTO . EIVS

P O S I T A

M . ACCIO . SENECA

... MANLIO . PLANTA

II.VIR. QVINQ

De reliquis imperatorum inter diuos relatorum
flaminibus; & primo de flamine diui Iuli

Post reip. casum quum Romanos imperatores et Augustas
eorum uxores, uel filios, consecrandi mos irrepisset, plures
quoque eorundem flamines sunt facti. Mortuo enim & in-
ter diuos relato imperatori flamen, & sodales, qui ab eo no-
men acciperent, addebantur, templumque in quo ipsi hymnos
in eius honorem compositos canerent, extruebatur. Nam
Iulio Caesari, a quo hic mos originem habuit, etiam adhuc
uiuenti haec decreta fuisse tradit his uerbis Tranquillus: Non
enim honores modo nuntios recepit, ut continuum consulatum,
perpetuam dictaturam, praefecturamque morum, insuper
praenomen imperatoris, cognomen patris patriae, statuum
inter reges, suggestum inter orchestra, sed & ampliora huma-
no fastigio sibi decerni passus est, sedem auream in curia, &
pro tribunali tensam, & ferculum circensi pompa, templa,
aras, simulachra iuxta deos, puluinar, flaminem, lupercos,
appellationem mensis e suo nomine. & cet. Post mortem quo-
que ei cōsecrato eadem omnia remanserunt: quod his uerbis in-
dicat idem Tranquillus: Laudationis loco cos. Antonius per
praeconem pronuntiavit S. C. quo ei diuina simul atque hu-
mana decreuerat, item iusiurandum, quo se cuncti pro salute
unius astrinxerant. Qua ratione uero imperatores consecra-
ri apud ueteres Romanos solerent, quum post mortem inter
diuos referrentur, accurate exposui in commentarijs libri se-
cundi fastorum, ubi Seueri Augusti obitum descripsi.

De flamine diui Iuli mentio extat in antiquo
hoc epigrammate

M . P V B L I C I O

M . F . S A B . S E X T I O

C A L P V R N I A N O

E Q V O . P V B L I C O

FLAM . D I V I . I V L I

P R A E F . A E D I L . P O T

Q V A E S T O R . A E R A R

S A C E R D . I V V E N . B R I X

COLLEGIA

C E N T O N . E T . F A B R O R

Item

L . A C V T I O

L . F

F A B . P R I M O

E Q V O . P V B

I I . V I R . I . D

A E D I L . Q . A L I M

FLAM . D I V I . I V L I

De flamine diui Augusti

Augustum post mortem a Tiberio Caesare cōsecratum fuisse praeter Tranquillum docet etiam libro primo Tacitus ita : Idem annus novas caerimonias accepit, addito sodalium Augustalium sacerdotio. Sorte ducti e primoribus ciuitatis unus & uiginti, Tiberius, Drususque, Claudius, & Germanicus adiunguntur

De flamine diui Augusti mentio est in hisce vetustis
inscriptionibus

NERONI . CAESARI

GERMANICI . F

TI.AVGUSTI . N . DIVI . AVG
PRON.FLAMINI . AVGVSTALI
S O D A L I . AVGVSTALI

Item

C . VALERIO . C . F . P A P
M A R I A N O

H O N O R E S . O M N E S
A D E P T O . T R I D E N T
FLAMINI . ROM . E T . AVG
PRAEF . QVINQ . AVGV
ADLECTO . AN . NON . LEG . III
ITALIC . SODALI . SACROR
TVSCVLANOR . I V D I C I
SELECTO . DECVR . T R I D
DECVRIONI . B R I X I A E
CVRATORI . R E I P . MANT
EQVO . PVBL . PRAEF . FABR
PATRONO . COLON

PVBLICE

Item

M.ARTORIVS.M.F.PAL . PRISCVS . VICASIVS
SABIDIANVS.TRIB.CO.H.XV.VOLVNT.C.R.TR.LEG
VII.CLAVD.PIAE.FID.PRAEF.ALAE.I . PANN

P R A E F

MONTIS . BERENICIDIS . FLAM . DIVI.AVG
PATR . C O L

. . . RATEG . THEAD.EX.VOTO.D.D

De

De facerdote diuae Augustae

Augustarum uero consecratarum, non flamines sed sacerdotes uocabantur, quae illis praecipue sacra faciebant. Liuiam autem Drusillam, quae & Iulia Augusta, Augusti Caesaris uxorem post obitum, primam omnium Augustarum sub Diuae Augustae uocabulo a Claudio imperatore consecratam tradit Traquillus in Claudio cap. XI: Auias (inquit) Liuias diuinos honores, & circensium pompa currum elephantorum, Augusto similem decernendum curauit

Eius mentio est in hac uetusta basi ita

DENTRIAE.L.F.POLLAE
SACERDOTI.DIVAE
AVGVSTAE
P O S T . M O R T E M
D . D

De flamine diui Claudij

Ti.Claudium Caesarem post obitum a Nerone imperij herede consecratum fuisse tradunt Tacitus libro XII. Tranquillus cap.XLV.& Eutropius libro septimo

De cuius flamine mentio est in hac vetu-
sta inscriptione

Q.PETRONIVS. C . F. PVB. MODESTVS
P . P . B I S
LEG. XII. FVLM . ET . LEG. T. ADIVTRIC
TRIB. MIL. COH. V. VIG
TR. COH. XII. VRB. TR. COH. V. PR. PR. . .
DIVI. NERVAE. ET. IMP. CAES
NERVAE. TRAIANI AVG. GERM. PROVINC
HISPANIAE. CITER. ASTVRIAE. ET
GALLAECIARVM. FLAMEN. DIVI. CLAVDI
DEDIT. IDEM QVE. DEDICAVIT

De flamine vero diui Vespasiani mentio est in anti-
quo hoc epigrammate ita

M. BAEBIO. M. F. Q. N . ARN . SVETRIO
MARCELLO. EQVO. PVBLICO
AED. Q. III. VIR. I. D . IIII . QVINQ . II
PATRONO. MVNIC. FLAMINI. DIVI
VESPASIANI
M. BAEBIVS. SVETRIVS . MARCELLVS. ET
SVETRIA . RVFA . OPTVMO. HVIC. DECVR
RIONES . FVNVS . PVBLICVM. STATVAM
EQVESTREM . CLYPEVM. ARGENTEV
LOCVM. SEPVLTVRAE . DECREVERVNT
VRBANI. STATVAM. PEDESTREM

item

L . APPAEO . L . F

P V P

P V D E N T I . P . P

TRIB . COH . X I I

VRB.ET.X. PRAET

FLAMINI. FLAV

PATRONO

De fodalibus autem Flauialibus

IMP. CAESARI

DIVI. F. T . VESPAS

IA N O : AVGVSTO

PONTIF. MAX. TRIB

POT . IMP . X . P . P

CENSORI . CONSER

VATORI . AEDIVM

PUBLICARVM : E T

RESTITVTORIAEDIVM

SACRARVM

SODALES . FLAVII

F. MARTIVS . VERVS

De sacerdote diuae Domitillae

*Diuae Domitillae sororis Titi et Domitiani Imperatorum,
Vespasiani Augusti filiae, a Domitiano imperatore consecra-
tae, cuius meminit Statius libro Silvarum primo, hanc marmo-
ream inscriptionem uidi*

C I V I T A S

C.ASCONIO . C.F

FAB.SARDO

III . VIR. I . D

PRAEF . FABR

FRATRI

CVSINIAE . M.F

SARDI . MATRI

ET . SIBI

ASCONIA . C. F

A V G V R I N A

SACERDOS

DIVAE.DOMITILLAE

De flaminae Traianali

*De flamine, & sodalibus diui Traiani quem consecratum
ab Hadriano fuisse omnes tradunt, has uidi ueteres inscriptiones*

P.CLUDIO . P. F

FAB . SVRAE

Q. FLAMINI . D I V I

TRAIANI . P O N T I F

II.VIR.QVINQ. TRIB.LEG

II.ADIVTRIC. PIAE . FID

CVRAT.REIP. BERGOMEN

DAT.AB.IMP . TRAIANO

CVRAT . REIP . COMENS

DAT.AB.IMP. HADRIANO

COLLEGIA

FABROR. ET. CENT

item

R O M A N A

362

Item

S E X . T I T I O
S E X . F . P V P
M O N T A N O
C A E S I O . S A B I N O
E Q V O . P V B L I C O
A E D . P O N T I F I C I
F L A M I N I . T R A I A N A L
P A T R O N O . M V N I C
P L E B S . V R B A N
H . R . I . R . I

item

I O V I . C O N S E R V A T O R I . E T . I V N O N I . S A N C T A E
S A C R V M
C . P L A E T O R I V S . C . F . S T E L . P H O E B V S . V I . V I R
A V G V S T A L
S O D A L . T R A I A N A L . E T . H A D R I A N A L . I I I . V I R
Q V I N Q V E N
P A T R . I V V E N . T R E B V L . M V T V S T . V O T . S O L . L I B
M E R

Sacerdotum diuarum Plotinae, Marcianae, & Fau-
stinae meminerunt hae uetustae inscriptiones

A E M I L I A E
C . F
S A C E R D . D I V A E
P L O T I N A E
C O L L E G . C E N T
T I T V L O . V S A

D. M

D . . M

C E T R A M I A E

P . F . SEVERINAE

SACERDOTI

DIVAE. MARCIANAE

T.BAEBIVS.GEMELLI

NVS A V G V S T

CONIVGI . SANCTISS

item

SAENIAE . CN . FIL

BALBILLAE

SACERDOTI . DIVAE

FAVSTINAE . DECVR

ONES.AERE . COLLA

TO.OB.MERITA. EIVS

De flamine Hadrianali

Hadrianum imperatorem uita functum, ab Antonino Augusto Pio consecratum fuisse his uerbis docet Aelius Spartianus: Hadrianus rogante Antonino diuus a senatu appellatus est, qui templum ei pro sepulchro apud Puteolos constituit, et quinquennale certamen, & flamen, & sodales, & multa alia, quae ad honorem quasi numinis pertinerent. Vnde multi Antoninum Pium dictum putant

De flamine Hadrianali meminit vetus
hoc elogium ita

L.FABIO.M.F. GAL. CILONI
SEPTIMINO.COS.PRAEF. VRB
LEGG.AVGG.PR.PR. PANNON
SVPERDVCI.VEXILL.LEG.PRO
PR.PROVINCIAE.MOESIAE.SVPER
PONTI.ET.BITHYNIAE
COMITI.AVG.LEG.AVGG. PRO
PR.PROV. GALATIAE. PRAEF
AER.MILITARIS.PROV
COS.ITEM.Q.LEG.PROV.NARBONENS
LEG.LEG.XVI. FL. F. SAMOSATE
SODAL. HADRIANAL
PR.VRB.TRIB.PLEB.Q. PROV
CRETAE.TRIB. LEG. XI. CL
X.VIR. STLITIB.IVDICANDIS
MEDIOLANENSIS
PATRONO

*Plerosque ex sequentibus imperatoribus inter diuos relatos
fuisse docet Dio, Herodianus, Aelius Spartianus, Iulius Capito
linus, Eutropius, et alij imperatorum uitarum scriptores, inter
quos Marcū, L. Verū, Commodum, Pertinacem, et Seuerū fuisse
se ex iisdem constat, egoque paulo post ostendam, et antiqua
haec proficitur inscriptio, quae eorundem sodalium meminit*

Cactea

C. CAERELLIO . FV FIDIO
 ANNIO . RAVO . C . F . OVF
 POLLITIANO . S O D A L I
 MARCIANO . A V R E L I A N O
 COMMODIANO . H E L V I A N O
 SEVERIANO . III . VIR . MONET
 A . A . A . F . F . TRIB . LATI CLAVIO
 LEG . III . CYR . VI . VIR . EQVIT . ROM
 TVRMAE . PRIMAE . QVAESTOR
 CANDIDATO

IMP . CAESARIS . M . AVRELI
 ANTONINI . PII . FELICIS . AVG
 TRIB . PL . CANDID . PR . HASTAR . C . V
 FV FIDII . AMYCVS . ET

CHRESTINA . NVTRITORES

Ceterum si quis desiderio tenetur intelligere quo ritu, & quibus caerimonijs ueteres Romani imperatores inter diuos referiebantur, is commentarios nostros in secundum fastorum librum petere poterit, ex quo omnia accurate & ut existimo diligenter descripta, facile cognoscere poterit. Ego uero hoc loco oēs imperatores, & Augustas, qui apud ueteres inter diuos relati sunt adiiciam, ut quot flamines fuerint omnes demum intelligere possint, quot enim diui imperatores usque ad Constantinum, tot etiam flamines fuisse existimandum est

IMPERATORES . CAESARES . ET . AVGVSTAE
 QVI . INTER DIVOS . EX . S . C . RELATI . SVNT

DIVOS . IVLIVS

*ab Augusto Caesare . Nummi aerei . Lapides . Tranquillus ca-
 pite XXCVIII . Dio libro XLVI*

Diuus Augustus Pater

- a Ti. Caesare Augusto. Nummi aerei. Lapid. Tacitus libro. I
 Traquill. cap. C. Dio libro LVI. Eutropius lib. VII. Victor

Diua Augusta

- a Claudio Imp. Nummus aereus. Tranq. in Claudio cap. XI

Diua Drusilla

- a Caio Caligula Imp. fratre. Tranquill. in Caio cap. XXIII

Diuus Claudius

- a Nerone Imp. Nummus argenteus. Tacitus L. XII. Tranq
 cap. XLV. Eutropius libro VII

Diua Claudia Poppaea

- a Nerone Imp. patre. Tacitus libro XVI. & Tranquillus

Diuus Augustus Vespasianus

- a Tito filio. Nummi. Lapid. Tranquillus C. XXIII. Sta-
 tius Lib. Siluarum. I. Eutropius libro VII

Diuus Titus Augustus

- a Domitiano fratre. Num. Lap. Tranquillus in Tito, & Do-
 mit. cap. II. Statius libro Siluarum I. Eutropius libro VII

Diua Domitilla

- a fratre Domitiano. Statius libro Siluarum I. Lapid.

Diua Iulia Diui Titi Filia

- a patruo Domitiano Imp. Nummi argentei, & aurei. Statius
 libro Siluarum I

Diuus Caesar Imp. Domitiani Aug. F

alias

Diuus Caesar Domitianus

- a patre Domitiano Imp. Nummi argenteus, & aureus

Diuus

Diuus Nérva

a Traiano Imp. Nummus arg. Lapid. Eutrop. L. VII

Diua Augusta Marciana

Traiani Imp. soror, a Traiano. Nummus arg. Lapid.

Diuus Traianus Parthicus

ab Hadriano Imp. Nummus argent. Lap. Eutropius. L. VIII

Diua Plotina

Traiani Imp. vxor, ab Hadriano. Nummi arg. Lapid. Dio,

& Spart. in Hadriano. Sex. Aurelius Victor

Diuus Antinous

ab Hadriano. Spartianus in Hadriano

Diua Sabina

Hadriani uxor, ab Hadriano. Nummi, & Lapid. Spartianus
in Hadriano

Diuus Hadrianus Augustus

a Pio Imp. Nummi arg. & Lapid. Spartianus, Capitolinus
in Pio. Eutropius Lib. VIII

Diua Augusta Faustina

Pij Imp. uxor, a Pio. Nummi argenteus, & aereus. Lapid. Ca
pitolinus in Pio

Diuus Antoninus Pius

a Marco Imp. Nummi arg. & aer. Lapid. Capitolinus in
Pio. Victor, & Eutropius lib. VIII

Diuus Verus Parthicus

a Marco Imp. Nummi aerei. Capitolinus in Marco. Eutro
pius libro VIII

Diua Faustina Pia

a marito Marco Imperatore. Nummi argentei, & aerei. Capitolinus in Marco

Diuus M. Antoninus Pius

Germanicus Sarmaticus

a Commodus Imperatore. Nummi, & Lapides. Capitolinus. Eutropius Libro VIII

Diuus Commodus

a Seuero Imperatore. Nummi, et Lapides. Lampridius, & in Seuero Spartianus

Diuus Pertinax Pius Pater

a Seuero Imperatore. Nummi aerei. Dio, Iulius Capitolinus, & Sex. Victor

Diuus Septimius Seuerus Pius

a Caracallo, & Geta impp. filijs. Nummi, & Lapides. Herodianus libro IIII. Spartianus, Eutropius libro VIII

Diuus Geta

a Caracallo Imp. fratre. Spartianus

Diuus Antoninus

a Macrino Imperatore. Spartianus

Diua Iulia Augusta

Seueri Imperatoris uxor, ab Alagabalo. Nummus aereus. Ex Herodiano

Diua Iulia Maesa

Auia Imp. Alexandri, ab ipso consecrata. Herodianus lib. VI

Diuus Alexander

a S.P.Q.R. Lampridius

Diua

Diua Iulia Mammaea

Alexandri Imp. mater. a S.P.Q.R. Lamprid. in Alexandro

Diua Paullina

Vxor Maximini, ab ipso. Nummus aereus

Diuus Gordianus Africanus

Diuus Cordianus Africanus

a S.P.Q.R. Herodian. lib. viii. Iulius Capitolinus

Diuus Gordianus Augustus

a Philippo Imp. Iulius Capitolin. Eutropius lib. ix

Diuus Philippus Senior

Diuus Philippus Iunior

Diuus Decius

a S.P.Q.R. Eutropius libro. ix

Diuus Valerianus

a Gallieno filio Imp. Trebellius Pollio in Gallieno

Diua Mariniana

a Gallieno. Nummi argenteus, & aereus

Diuus Caesar Valerianus

a Gallieno patre. Nummus argenteus. ex Pollione

Diuus Claudius

*ab Aureliano Imp. Numm. aereus. Trebellius Pollio. Eutrop.
libro ix. Victor*

Diuus Aurelianus

a Tacito Imp. Fl. Vopiscus. Eutropius libro ix

Diuus Carus

a filijs Carino & Numeriano Imp

a Dio-

Diuus Numerianus

a Diocletiano Imp. Lapis antiquus

Diuus Nigrinianus

Nummus aereus

Diuus Constantius Pius Princeps

a Constantino Imp. filio. Nummus aereus

et Lapid. Eutropius libro x

Diuus Maximianus Sen. Fort. Imp

a Maxentio Imp. filio. Nummus aereus

Diuus Romulus

a patre Maxentio Imp. Nummus aereus

Diuus Maximianus

a Licinio Aug. Nummus aereus

Diuus Diocletianus

a Constantino, et Licinio Impp. Eutropius lib. ix

Diua Helena

a filio Constantino Imperatore

Diuus Aug. Pius Constantinus Max

a filijs Constantino, Constantio, et Constante Augustis. Num.
aereus. Eutrop. lib. x. Codex Theodosianus

Diuus Constantinus Iun

a fratribus Constantio, et Constante Augustis. Codex Theodostianus

Diuus Constans

a fratre Constantio. Eutropius libro x. Symmachus libro i
Epist. xxxix

a

Diuus

Diuus Constantius

- Iuliano Imperat. Eutropius libro x. Symmachus ibidem. Codex Theodosianus

Diuus Iulianus

- Iouiano, Aug. Eutropius libro x. Symmachus ibidem. Codex Theodosianus

Diuus Iouianus

- Valentiniano, & Valente Impp. Eutropius libro x. Codex Theodosianus

Diuus Valentinianus Magnus

- Gratiano filio, & Valente fratre Impp. Marcellinus Comes

Diuus Valens

- Gratiano, & Valentiniano Iuniore Impp. Codex Theodosianus

Diuus Gratianus

- Theodosio, & Valentiniano Iuniore Impp. Codex Theodosianus. Symmachus libro I. Epist. xxxiii. & xxxix

Diuus Valentinianus Iun

- Theodosio Imp. Codex Theodosianus

Diuus Theodosius

- filijs Arcadio, & Honorio Impp. Cod. Theodosianus

Diuus Arcadius

- filio Theodosio Iuniore Aug. Cod. Theodosianus

Diuus Honorius

- Valentiniano III. Aug. Codex Theodosianus

Diuus

Diuus Theodosius Iunior

a Valentiniano III. Imperatore. ex Codice Iustiniani

Diuus Placidius Valentinianus

Ex Codice Iustiniani

VIRGINES. VESTALES. VI

De Virginibus Vestalibus

Virginum Vestalium institutionem Dionysius libro secundo, Liuius libro primo, & in Romuli, & Numae uitis Plutarchus, Numae Pōpilio, quemadmodū pleraq; alia sacra tribuūt. Alij uero (ut tradit Plutarchus) inter quos Virgilius est, uetustius id institutum putant; ipsum enim Ilio, & Troianis manasse scribunt, posteaquam Palladio potiti sunt. Easque ex Troianis ad Lauinios primum, deinde Albanos, postremo ad Romanos commigrasse. Virgilius II. Aeneidos

Sic ait & manibus uittas, Vestamque potentem

Aeternum additisque effert penetralibus ignem

Vestae enim ignis perpetuus dicatus erat, a sacris uirginibus custoditus. Eam autem terram esse quidam credunt, alij uero Vestam nihil aliud quam purum ignem esse arbitrantur. Alij porro eandem, quae & Opis, & Cybelles omnium deorum mater dicitur, esse opinati sunt. Cuius sacra, uigilem scilicet ignē, cum uirginibus, penatibus, & Palladio Aeneas ex Troia in Latium tulit, & condito Lauinio Vestae aedem sacravit; in qua etiam haec sacra condidit. Postea Ascanius condita Alba longa templum Vestae aedificauit in montis Albani parte, cui suberat lucus, in quo Ila siue Rheia Siluia Romuli mater compressa est. Vestae enim ministrae perpetuam uirginitatē seruabant.

uabant. Nam mos antiquus Latinis fuit generosas, & castas uirgines legere in Vestae ministerium, quod idem obseruasse Romulum quidam tradunt, qui castissimas sacrorum caerimonias, ut auctor est M. Varro, instituit. Temploque Vestae excitato, Vestales uirgines legit. Quamquam alij (ut dixi) nō Romulū, sed Numā Pōpilū eiusmodi instituti auctorem ferant. Ego porro existimo Vestalium sacra antiquissima quidē, & longe ante ipsum Romulum fuisse. Nam Ilia, siue Rheia uirgo Vestalis fuit, ipsorum scriptorum testimonio, Numam uero ipsum templum Vestae condidisse, (quum id sacerdotium a Romulo neglectum fuisset, domesticae calamitatis recordatione) praescriptum uirginum numerum ordinasse, rationem, & tempus quibus capi deberent addidisse, honorem, delinquentium poenam, & postremo omnes Vestalium caerimonias statuisse, quibus apud Romanos eas teneri mos fuit, quae ante Numam nequaquam ita accurate obseruata fuisse crediderim. Nam is Vestae templum circulari effigie in foro inter Palatiū, & Capitolium ex antiquorum Latinorum & Albanorum ritu aedificauit, et Vestae sacra, ignemque perpetuum, certis quibusdam uirginibus, a se lectis tradidit custodienda. Ignis porro perpetui sacris Vestae uirginibus custodiam ideo ueteres commississe traditur, ut puram & incorruptam ignis substantiam, inuiolatis item integrisque corporibus commendarent, siue quod sterile, & infecundum esset scitae uirginitati adiungerent. Ideo autem in Vestae templo perpetuum ignem seruari uoluerunt, quod ueteres nihil aliud Vestam esse existimauerint, quam purum ignem, uel quod Vesta eadem esset quae & tellus, quae medium orbis locum obtinens, igneos globos ex se ipsa emittat. Itaque nihil aliud a sacris uirginibus, quam inextinguibilem illum ignem custodiri quidam putant. Nonnulli uero praeter hunc alia quaedam arcana in Vestae templo seruari

uari tradidere, pontificibus ipsis, uirginibusque Vestalibus etiam incognita, quod ea uidere, aut audire fas non sit. Quidā duo dolia haud magna, alterum apertum, alterum clusum in Vestae templo fuisse scribunt, in quibus quid repositum fuerit, incertum. Alij Paladium in eo templo custodiri etiam existimauerunt. Quoties autem ignis ille perpetuus quouis casu extinguebatur, maximorum malorum imminentium praesagium erat, idque super omnia graua Romani timebant, interitum urbis quamprimum ad futurum existimantes, ut Romae, quū Mithradatici, tum ciuili bellis temporibus, quibus ignis in aede Vestae extinctus fuit. Ignem autem amissum nequaquam decebat ex altero igne sumere, sed maximis precibus numen Vestae placantes, multis sacrificijs nouum ex Solis radijs eliciebant, pura & immaculata flamma, ex lagena aqua plena Solis splendori opposita, accensa. Primus autem Numa quatuor Vestales uirgines legit omnes nobilissimas, & patricias Geganiam, Berenniam, Camiliam, & Tarpeiam. Quibus postea aucta ciuitate, propter multitudinem sacrorum, quae perficiebant, duas alias addidit Ser. Tullius rex, sexque uirgines Vestales factae sunt, qui numerus semper postea in posterum mansit donec id sacerdotiū fuit. Quarū praefecta uirgo Vestalis maxima appellabatur, quemadmodum ex his inscriptionibus liquet CLOELIAE. CLAUDIANAE

V. V. MAXIMAE

A. DIIS. ELECTAE. MERITO
QVAM. SIBI. TALEM. ANTISTITEM
NUMEN. VESTAE. RESERVARE. VOLVIT
COELIA. NERVIANA. SOROR
CVM. PIERIO. CONIVGE. AC. LIBERIS
SVIS. ORANTES. VT. PER. TOT. SAECVLA
FACERE. DII. PERMITTANT

item

FL . MANILIAE . V . V . MAX
CVIVS.EGREGIAM. SANCTIMO
NIAM . E T . VENERABILEM
M O R V M . DISCIPLINAM
IN.DEOS.QVOQVE.PERVIGILEM
ADMINISTRATIONEM
SENATVS.LAUDANDO
COMPROBAVIT

AEMILIVS . FRATER . E T
RVFINVS . FRATER . E T
FLAVII . SILVANVS . E T
EIRENEVS.SORORIS. FILII
A.MILITIIS . OB. EXIMIAM
E R G A . S E . PIETATEM
PRAESTANTIAM. QVE

L. Antistius Labeo, qui de uirgine Vestali capienda diligentissime scripsit, minorem quam annos sex, maiorem quam annos decem natam capi fas esse negavit: item quae non fuerit partrima, & matrима, hoc est cuius utriq; parentes uiuerent, itē quae lingua debili, sensuue aurium diminuta, aliaque qua uis corporis labe affecta sit: item quae ipsa, aut cuius pater emanicipatus sit, etiam si uiuo patre in aui potestate sit. Item cuius parentes alter amboue seruitutem seruierint, aut in negocijs sordidis diuersati sint: sed eam cuius soror ad id sacerdotium lecta sit, excusationem mereri aiunt: item cuius pater flamen, aut augur, aut XV. uir sacris faciundis, aut qui septem uir epulonum, aut salius etiam fuerit. Sponsae quoque pontificis, et tibicinis sacrorum filiae uacatio a sacerdotio isto tribui solet. Porro autem C. Atteius Capito. XV. uir sacris faciundis, scriptum reliquit, neque eius legendam filiam, qui domicilium

in

in Italiam non haberet, & excusandam eius, qui liberos tres non tulisset. Virgo autem Vestalis simul atque capta, & in atrium Vestae deducta, pontificibus tradita est, eo statim tempore sine emancipatione, ac sine capitis minutione, e patris potestate exijt, & ius testamenti faciendi adipiscitur. Virginitas Vestalibus triginta annorum castitas a rege Numa praescripta fuit. Quibus caste & incorrupte manerent, sacrificiaque, & alias caerimonias Vestae peragerent. Quod tempus in tres partes partitum erat; nam decem primis annis discerant, totidem ministrae erant, reliquis uero decem alias iuniores edocebant. Anno uero tricesimo exacto, dabatur eis nubendi potestas; quae uittis & reliquis sacerdotij insignibus depositis, matrimonio iungi poterant. Hoc uero paucissimas admodum fecisse traditum est. Fertur quoque eis, quae hanc nubendi licentiam amplexae sunt, non tantum multa aduersa, omni tempore quo uixerunt contigisse, uerum etiam poenitentia & merore reliquam uitae partem infelicitate transigisse, Vestae iniuriam, quae sibi allata uidebatur ulciscente, pessimum postremo uitae finem sortitae sunt. Quare reliquae his exemplis permotae, usque ad mortem pudice & caste in Vestae ministerio permanserunt. In demortuae autem locum ante triginta annorum spatium, aliam subrogare necesse erat. Interdum cum uirginibus Vestalibus commorari omnibus licebat; noctu autem uiris ad eas ingressus erat interdictus. Quas populus Romanus multis maximisque honoribus honestauit, quibus nuptiarum, aut filiorum desiderium leniri poterat. Sacrosanctae enim & inuiolabiles erant, lictore utebantur, ampliore & digniore in circo, & alijs spectaculis locum habebant, si casu quispiam nocens ad mortem ductus, uirginem Vestalem obuiam habuisset, eum amplius interficere non licebat, uerum iurare cogebatur, se non ultro, & de industria,

aut dedita opera, sed casu obuiam factam. Qui uero occurrebat, cum ipsae feretro uehebatur ad necem nihilominus moriebatur. Vestalium porro delinquentium poena haec erat. Si petulanter egisset, aut rerum sacrarum perinde ac ignis custodiam suae curae creditam neglexisset, atque ob cetera eiusmodi peccata, nuda linteo tamen obtensa, in editiore obscurioreque domus loco flagris a pontifice maximo uerberabatur, quemadmodum a P. Licinio pontifice maximo, in eam quae parum diligenter sacrum ignem custodierat, animaduersum fuisse Valerius tradit. Si uero parum pudice se habuisset, castitateque amissa, incesti conuicta fuisset, turpissima miserabilique morte, hac ratione afficiebatur. Sandapila uincta efferebatur per medium forum ab aedibus Vestae usque ad portam Collinam, tanquam mortua, cum luctu propinquorum, & necessariorum, sequentibus pontificibus, alijsque sacerdotibus in moesto silentio. Iuxta portam Collinam intra urbis muros, tumultus usque hodie impudicarum Vestalium supplicium sinistra euntibus ad portam, imminet, ubi locus erat subterraneus, in quo per foramen scalis descendebatur. In eum uirgo corrupta, uinculis soluta, capiteque uelato, postquam pontifex maximus arcana quaedam uerba pronuntiasset, & cum ceteris sacerdotibus terga uertisset, sola a carnifice demittebatur, sublatisque scalis occludebatur locus undique, ubi ne fame uideretur necata, panis, lactis, & olei aliquantulum ponebatur, lectulusque stratus, & ardens lucerna simul. Quibus perfectis discedebant sacerdotes, atque eo die iustitium erat in urbe, & moeror, paorque magnus, praesertim quod ingentes ciuitati, atque reipublicae calamitates pena Vestalis uirginis portendere credebatur. Nec sane ciuitas lugubriorem, aut moestiores diem agebat, quam eum, quo de uirgine Vestali supplicium sumptum est.

De more autem, ritumque capiundae uirginis litterae quidem antiquiores

tiq̄iores non extant, nisi quod capta fuisse fertur, quae capta prima est a Numa rege, Ego autem (ut supra dixi) ante Numam ipsum captam primum fuisse Vestalem existimo, tunc multis coniecturis, tum etiam ex testimonio libri primi Q. Fabij Pictoris, in eo loco ubi ea uerba recitantur, quae pontifex maximus fari solet, quum uirginem Vestalem capit. Ea autem eiusmodi sunt. Sacerdotem Vestalem, quae sacra faciat, quae ius sit, & sacerdotem Vestalem facere pro populo Romano Quiritibus uti, quod optima lege fiat, ita te Amata capio. Amata autem inter capiendum a pontifice maximo appellatur, quoniam quae prima capta est, hoc fuisse nomine traditum est. Ceterum quum ex quattuor, quas primas a Numa captas refert Plutarchus nulla sit quae Amata uocatur, ante Numam quoque uirgines Vestales fuisse certum est. De capienda quoque uirgine Vestali inuenitur lex Papia, qua cautum fuit, ut pont. max. arbitrato, uirgines e populo uiginti legantur, sortitioque in concione ex eo numero fiat. Sed ea sortitio ex lege Papia paulatim abrogata est. Nam si quis honesto loco natus pontificem maximum adiisset, atque obtulisset ad sacerdotium filiam suam, cuius dumtaxat saluis religionum obseruationibus, ratio haberi posset, gratia Popilliae legis per se ratum sit. Capi autem uirgo propterea dicitur, quia pontificis maximi manu prehensa, ab eo parente in cuius potestate est, ueluti bello capta abducitur. Plerique autem capi uirginem solum debere dici putant, sed flamines quoque Diales, pontifices, & augures capi dicebantur, ut auctor est L. Sulla rerum gestarum libro secundo, In commentarijs autem Antistij Labeonis, quae in XII. tabulas composuit, ita scriptum est: Virgo Vestalis neque haeres est cuiquā intestato, neque intestatae quisque, sed bona eius in publicum redigi aiunt. Vestales autem publicis sumptibus alebantur, quod sacerdotium

tium Romae usque ad Theodosii senioris Augusti tempora perduravit. Ipse enim quum Christianae pietatis cultum ardentissime amplexus esset, gentiliumque antiquae superstitioni prae omnibus Romanis imperatoribus aduersaretur, eas tollendas censuit. Quae res hac ratione transacta est. Victo & occiso Maximo tyranno, qui Gratianum imperatorem per insidias apud Lugdunum interfecerat, quum Romam uenisset, triumphum de tyranno acturus imperator Theodosius Augustus, postquam triumphum egisset, filiumque suum Honorium imperatorem creasset, Romano suavitati senatui, qui religionem ueterem retinere studebat, ut decepti, & inducti in errores gentium, rescipiscere, & Christianam religionem in qua omnium scelerum abolitio donaretur amplecti uellent. Sed nemo motus omni oratione illius dicitur, quod negarent, se facere posse, ut maiorum suorum instituta & tradita, nouitij Christianorum inuentis postponerent, quum illorum custodia urbs incolumis prope mille & ducentos annos conseruata fuisset, quibus si alia potiora duxissent, ignorare se quae sit fortuna consequutura; institit tum Pius princeps, & rempublicam sumptibus sacrorum grauari dixit, quos quum senatus tueri non posset uirginum Vestalium ante omnes, pontificum, augurum, xv uirum sacris faciundis, fetialium, saliorum, vii uirum epulonum, & aliorum sacerdotum redditus publicos priuatosque uno edicto substulit, quare paulatim Christiana religione crescente, gentilium superstitiones aboleri, & antiquari coeptae sunt, quum sumptus quibus sacerdotes alii ac nutriripotessent, amplius eis ab ullo suppeditarentur. Quo tempore senatus auctoritas admodum diminuta est. Legationem postremo pro antiquis caerimonijs et praesertim uirginibus Vestalibus restituendis, Q. Aurelius Symmachus V.C. praefectus urbi ad imp. Theodosium & Valentinianum Iuniorum suscepit, a quibus

bus, quum eiusdem postulata suscepta non fuissent, nihil eorum quae petierat obtinere potuit, Diuino Ambrosio Mediolanense episcopo soluta oratione, & Aurelio Prudentio, heroicis uersibus acriter reclamantibus, eiusque rationes singularis ingenij, et eruditionis plenae orationibus refellentibus. Porro aut tam Symmachi relationem, quam Diui Ambrosij responsionem hoc loco adijcere placuit, tum quod ob rerum quibus refertae sunt copiam, his commentarijs intelligendis maximo usui erunt, tum ut quibus rationibus uana gentilitas ritus suos defendere solebat cognoscatur: quibusque rationibus diuinus ille Ambrosius tela in nos a Symmacho iacta in eum ipsum retorserit. Fuit uero is Symmachus senatorij ordinis, & quod tum eximium habebatur in ipsis senatoribus, sicut & apud eorum maiores, caerimoniarum ueterum pontifex, item augur, & xv. Vir sacris faciundis, ut ex eius statucae elogio intelligi potest, & ideo parum aequus Christianis, ut sunt ingenia propensa ad priuatum commodum, apud quos si potuisset eundem dignitatis locum tueri, fortasse sensisset aliter, quo factum est, ut contra dictores, & ut ita loquar antagonistas habuerit insignes aliquot e nostris, in quibus ut dixi Prudentium, & D. Ambrosium, cum quibus etiam uicto, certasse fuit honorificum, quod ipsum excusaret caussa deterior, non dilutior facundia. De qua sic scribit Prudentius

O linguam miro uerborum fonte fluentem
Romani decus eloquij, cui cedat & ipse
Tullius, has fundit diues facundia gemmas
Os dignum aeterno tinctum quod fulgat auro
Si mallet laudare deum, cui sordida monstra

Praetulit, & liquidam temerauit crimine uocem

Atque haecenus de Symmacho: nunc uero ipsum pro ueteri superstitione disferentem audiamus

DDD . NNN . VALENTINIANO . THEODOSIO
ET . ARCADIO . AVGVSTIS . SYMMACHVS . V . C
PRAEFFECTVS . VRBI

Bi primum senatus amplissimus semperque uester,
 V subiecta legibus uitia cognouit, & a principibus pijs
 uidit purgari famam proximorum temporum, boni
 saeculi auctoritatem secutus, euomuit diu pressum dolorem, at
 que iterum me querelarum suarum iussit esse legatum. Cui
 ideo diui principis denegata est ab improbis audientia, quia nō
 erat iustitia defutura, DD. Imperatores Valentiniane,
 Theodosi, & Arcadi inclyti uictores & triumphatores sem-
 per Augg. Gemino igitur functus officio, & ut praefectus
 uester gesta publica prosequor, & ut legatus ciuium manda-
 ta commendo. Nulla est hic dissensio uoluntatum, quia iam
 credere homines desierunt aulicorum se studio praestare, si di-
 screpent. Amari, coli, diligi: maius imperio est. Quis fe-
 rat, obfuisse reipub. priuata certamina? Merito illos senatus
 insequitur, qui potentiam suam famae principis praetulerunt.
 Noster autem labor, pro clementia uestra ducit excubias.
 Cui enim magis commodat quod instituta maiorum, quod pa-
 triae iura & fata defendimus, quam temporum gloriae? quae-
 tum est maior, cum uobis contra morem parentum intelliguis
 nil licere. Repetimus igitur religionum statum, qui reip. diu
 profuit. Certe numerentur principes utriusque sectae, utri-
 usque sententiae: proximus eorum caerimonias patrum coluit,
 recentior non remouit. Si exemplum non facit religio uete-
 rum, faciat dissimulatio proximorum. Quis ita familiaris est
 barbaris, ut aram uictoriae non requirat? Cauti in posterum
 sumus, & talium rerum ostenta uitamus. Reddatur tamen
 sal.

saltem nomini honor, qui numini denegatus est. Multa uictoriae debet aeternitas uestra, & adhuc plura debebit. Auersentur hanc potestatem, quibus nihil profuit, uos amicis triumphis patrociniū nolite deferere. Cunctis potentia ista uotiuā est. Nemo colendam neget, quam profitetur optandam. Quod si huius numinis non esset iusta usitatio, ornamenti saltem curiae decuit abstineri. Praestare oro uos, ut ea quae pueri suscepimus, senes posteris relinquamus. Consuetudinis amor magnus est. Merito diu Constantij factum diu non stetit. Omnia uobis exempla uitanda sunt, quae mox remota didicistis. Aeternitatem curamus famae & nominis uestri, ne quid futura aetas inueniat corrigendum. Vbi in leges uestras & uerba iurabimus? qua religione mens falsa terrebatur, ne in testimonijs mentiatur? Omnia quidem deo plena sunt, nec ullus perfidis tutus est locus. Sed plurimum ualeat ad metum delinquendi, etiam praesentia religionis urgeri. Illa ara concordiam tenet omnium, illa ara fidem conuenit singulorum, neque aliud magis auctoritatem facit sententijs nostris, quam quod omnia quasi iuratus ordo decernit. Patebit ergo sedes prophana periurijs, & hic inclyti principes mei probabile iudicabunt, qui sacramento publico tuti sunt? Sed diuus Constantinus idem fecisse dicitur. Cetera potius illius principis aemulemur, qui nihil tale esset aggressus, si quis ante se alius deuiasset. Corrigit enim sequentem lapsus prioris, & de reprehensione antecedentis exempli nascitur emendatio. Fas fuit, ut parens ille clementiae uestrae, in re adhuc noua non cauere inuidiam. Num potest etiam nobis eadem defensio conuenire, si imitemur quod animus improbat? Accipiat aeternitas uestra alia eiusdem principis facta, quae in usum dignius trahat. Nil ille decerpserit sacrarum uirginum priuilegijs, decreuit nobilibus sacerdotia, Romanis caerimonijs non negauit impena

impensas, & per omnes vias aeternae urbis laetum secutus senatum, uidit placido ore delubra, legit inscripta fastigijs deum nomina, perconctatus est templorum origines, miratus est conditores. Cumque alias religiones ipse sequeretur, has seruauit imperio. Suus enim cuique mos, suus cuique ritus est. Varios custodes urbibus cunctis mens diuina distribuit. Vt antiquae nascentibus, ita populis fatales genij diuiduntur. Accedit utilitas, quae maxime homini deos asserit. Nam cum ratio omnis in operto sit, unde rectius quam de memoria atque documentis rerum secundarum, cognitio uenit numinum? Iam si longa aetas auctoritatem religionis faciat, seruanda est tot saeculis fides, et sequendi sunt nobis parentes, qui secuti sunt feliciter suos. Romam nunc putemus assistere, atque his uobiscum agere sermonibus. Optimi principes, patres patriae, reueremini annos meos, in quos me pius ritus adduxit, ut utar caeremonijs auitis. Neque enim poenitet. Viuam more meo, quia libera sum. Hic cultus in leges meas orbem redegit, haec sacra Hannibalem a moenibus, à Capitolio Senonas repulerunt. Ad hoc ergo seruata sum, ut longaeua reprehendar? Video quale sit quod instituendum putatur. Sera tamen & contumeliosa est emendatio senectutis. Ergo dijs patrijs, dijs indigetibus. pacem rogamus. Aequum est, quicquid omnes colunt unum putari. Eadem spectamus astra, commune caelum est, idem mundus inuoluit. Quid interest, qua quisque prudentia uerum inquirat? Vno itinere non potest perueniri ad tam grande secretum. sed haec ociosorum disputatio est. Nunc preces, non certamina offerimus. Quanto commodosacri aerarij uestri, Vestalium uirginum praerogatiua detracta est: sub largissimis Imperatoribus denegatur, quod parcissimi praefecerunt. Honor solus est in illo uelut stipendio castitatis. Ut uittae earum capiti decus faciunt, ita insigne ducitur sacrificij

ei, uacare muneribus. Nudum quodammodo nomen immu-
nitatis requirunt, quoniam paupertate a dispendio tutae sunt.
Itaque amplius laudi earum tribuunt, qui aliquid rei detra-
hant. Siquidem saluti publicae dicata uirginitas, crescit me-
rito cum caret praemio. Absint ab aerarij uestri puritate
ista compendia. Fiscus bonorum principum, non sacerdo-
tum damnis, sed hostium spolijs augeatur. Vllum ne lucrum
compensat inuidia? Atqui auaricia in uestros mores non ca-
dit. Hoc miserescentiores sunt, quibus subsidia uetera decerpta
sunt. Etenim sub Imperatoribus qui alieno abstinent, qui re-
sistunt cupiditati, ad solam detrahitur amittentis iniuriam, quod
desiderium non mouet auferentis. Agros etiam uirginibus et
ministris deficientium uoluntate legatos, fiscus retentat. Oro
uos iustitiae sacerdotes, ut urbis uestrae sacris reddatur priua-
ta successio. Dictent testamenta securi, & sciant sub principi-
bus non auaris stabile esse quod scripserunt. Delectet uos ista
felicitas generis humani. Coepit caussae huius exemplum solli-
citare morientes. Ergo Romanae religiones ad Romana iu-
ra non pertinent? Quod nomen accipiet ablatio facultatum,
quas nulla lex, nullus casus fecit caducas? Capiunt legata li-
berti, seruis testamentorum iusta commoda non negantur. Ta-
tum nobiles uirgines, & fatalium sacrorum ministri, exclu-
duntur praedijs haereditate quaesitis. Quid iuuat, saluti pu-
blicae castum corpus dicare, & imperij aeternitatem coelesti
bus fulcire praesidijs, armis uestris, aquilis uestris, amicas
applicare uirtutes, pro omnibus efficacia uota suscipere, &
ius cum omnibus non habere? Ita ne melior est seruitus quae
hominibus impenditur? Remp. laedimus, cui nunquam expe-
dit ut ingrata sit. Nemo me putet solam caussam religionum
tueri. Ex huiusmodi facinoribus, orta sunt cuncta Romani
generis incommoda. Honorauerat lex parentum Vestales uir-
gines

gines ac ministros deorum, uictu modico iustisque priuilegijs. Stetit muneri. huius integritas usque ad degeneres trapezitas, qui ad mercedem uilium baiulorum sacrae castitatis alimenta uerterunt. Secuta est hoc factum fames publica, & spem prouinciarum omnium mensis aegra decepit. Non sunt haec uitia terrarum. Nihil imputamus astris. Nec rubigo segetibus obsuit, nec auena fruges necauit. Sacrilegio annus exarruit. Neceffe enim fuit perire omnibus, quod religionibus negabatur. Certe si est huius mali aliquod exemplum, imputemus tantam famem uicibus annorū. Grauis hanc sterilitatem aura contraxit. Siluestribus arbutis uita producitur, & rursus ad Dodonaeas arbores plebis rusticae inopia conuolauit. Quid tale prouinciae pertulerunt, quum religionum ministros honor publicus pasceret? Quando in usus hominum concussa quercus? quando uulsa sunt herbarum radices? quando alternos regionum defectus deseruit foecunditas mutua, quum populo & uirginibus sacris cōmunis esset annonae cōmēdabat enim terrarum prouentus uictus antistitum, & remedium magis quam largitas erat. An dubium est, semper pro copia omnium datum, quod nunc inopia omnium uendicauit? Dicet aliquis, sumptum publicum denegatum alienae religionis impendij. Abstet a bonis principibus ista sententia, ut quod de comuni quibusdam tributum est, in iure fisci esse uideatur. Nā cum resp. de singulis constet, quod ab ea proficiscitur, fit rursus proprium singulorum. Omnia regitis, si suum cuique seruatis, plusque apud uos iustitia quam licentia ualeat. Consulite certe munificentiam uestram, an haec publica uelit existimari, quae in alios transtulistis. Semel honori urbis delata compendia, desinunt esse tribuentium, & quod a principio beneficium fuit; usu atque aetate fit debitum. Inanem igitur metum diuino animo uestro tentat incutere, si quis asserit conscien-

scientiam uos habere praebentium, nisi detrahentium subieritis inuidiam. Faucant clementiae uestrae sectarum omnium arcana praesidia, & haec maxime, quae maiores uestros aliquando iuuerunt, uos defendant, a nobis colantur. Eum religionum statum petimus, qui diuo parenti culminis uestri seruauit imperium, qui fortunato principi legitimos suffecit heredes. Spectat senior ille diuus ex arce siderea lacrimas sacerdotum, & se culpatum putat, more uiolato quem libenter ipse seruauit. Praestate etiam diuo fratri uestro alieni consilij correctionem, tegite factum, quod senatui displicuisse nesciuit. Siquidem constat ideo exclusam legationem, ne ad eum iudicium publicum perueniret. Pro aestimatione est temporum superiorum, ut non dubitetis abolere, quod probandum est principis non fuisse

Nunc uero diuinum Ambrosium futilibus eius inanibusque rationibus respondentem attente auscultemus

AMBROSIVS . EPISCOPVS . BEATISSIMO
PRINCIPI. ET. CHRISTIANISSIMO. IMP
VALENTINIANO. AVGVSTO

Vum omnes homines qui sub ditione Romana sunt,
Quobis militent imperatoribus terrarum atque principibus, tum ipsi uos omnipotenti deo & sacrae fidei militatis. Aliter enim salus tuta esse non poterit, nisi unusquisque deum uerum, hoc est deum Christianorum, a quo cuncta reguntur, ueraciter colat. Ipse enim solus uerus est deus, qui intima mente ueneretur. Dij enim gentium daemonia, sicut scriptura dicit. Huic igitur deo uero quisquis militat, & qui intimo colendum recipit affectu, non dissimulationem, non conuentionem, sed fidei studium & deuotionis impendit. Postremo si
 b non

non ista, consensum saltem aliquem non debet colendis idolis et
prophanis caerimoniarum cultibus exhibere. Nemo enim
deum fallit, cui omnia etiam cordis occulta manifesta sunt.
Ergo cum a te imperator Christianissime fides deo uero sit ex-
henda, cum ipsius fidei studium cautio atque deuotio, miror
quomodo aliquibus in spem uenerit, quod debeas aras dijs gen-
tium tuo instaurare praecepto, ad usus quoq; sacrificiorum pro-
phanorum praebere sumptum. Quod enim iamdudum uel fi-
sco uel arcae est uendicatum, de tuo magis conferre uidebere,
quam de suo reddere. Et de dispendijs queruntur, qui nunquam
nostro sanguini pepercerunt, qui ipsa ecclesiarum aedificia sub-
ruerunt. Petunt etiam ut illis priuilegia deferas, qui loquen-
di & docendi nostris communem usum, Iuliani lege proxima
denegarunt, & priuilegia illa quibus saepe decepti sunt etiam
Christiani. Nonnullos enim illis priuilegijs partim per im-
prudentiam, partim propter publicarum necessitatum mole-
stias declinandas, irretire uoluerunt: & quia non omnes for-
tes inueniuntur, etiam sub principibus Christianis plerique sunt
lapsi. Sed haec si iam sublata non essent, auferenda tuo impe-
rio comprobarem. At cum per totum fere orbem a pluribus
retro principibus inhibita interdictaque sint, Romae autem a
fratre clementiae tuae augustae memoriae Gratiano fidei uerae
ratione sublata sint, & datis antiquata rescriptis, ne quaeso
uel fideliter statuta cōuellas, uel fraterna praecepta rescindas.
De negotijs ciuilibus si quid statuitur, nemo putat esse teme-
randum: & praeceptum de religione calcatur? Nullus obre-
pat iuniori aetati tuae, siue ille gentilis est qui ista deposcit, non
debet mentem tuam uinculis suae superstitionis innectere,
sed proprio studio docere & admonere te debet quemad-
modum uerae fidei studere debeas, quando ille tanto motu
ueri uana defendit. Deferendum meritis clarorum uiro-
rum

rum & ego suadeo : sed deum certum est omnibus praefere-
rendum . Si de re militari est consulendum , debet exer-
citati in praelijs uiri expectari sententia , consilium com-
probari . Quando de religione tractatus est , deum cogita-
ta . Nullius iniuria est , cui deus omnipotens antefertur . Ha-
bet ille sententiam suam . Inuitum non cogitis colere quod nolit ,
hoc idem uobis liceat imperator : & unusquisque patienter fe-
ret , si non extorqueatur imperatori , quod moleste ferret si ei
extorquere cuperet imperator . Ipsis gentilibus displicere con-
suevit praeuaricantis affectus . Libere enim debet defendere u-
nusquisque fidele mentis suae & seruare propositum . Quod si
aliqui nomine Christiani tale aliquid decernendum putant , men-
tem tuam uocabula nuda non capiant , nomina cassa non fal-
lant . Quisquis hoc suadet , sacrificat , & quisquis hoc statuit .
Tolerabilius tamen est unius sacrificium , quam lapsus omnium .
Totus hic Christianorum periclitatur senatus . Si hodie genti-
lis aliquis imperator , quod absit , aram statueret simulachris ,
& eo conuenire cogeret Christianos , ut sacrificantibus inte-
ressent , ut oppleret anhelitus & ora fidelium cinis ex ara , fa-
uilla de sacrilegio , fumus ex busto , & in ea curia sententiam
diceret , ubi iurati ad aram simulachri in sententiam cogeren-
tur : propterea enim interpretantur aram locatam , ut eius sa-
cramento , ut ipsi putant , unusquisque conuentus consuleret in
medium : cum curia maiore iam Christianorum numero sit re-
ferta , persecutionem esse crederet Christianus , qui cogeretur
tali optione ad senatum uenire : quod fit plerumque , nam etiam
iniurijs conuenire coguntur . Te ergo imperatore Christiani in
aram iurare cogentur ? Quid est iurare , nisi eius quem testare
fidei tuae praesulem , diuinam potentiam confiteris . Te imperato-
re hoc petitur & postulatur , ut aram iubeas eleuari , sumptum
sacrificijs prophanis dari . Sed hoc non potest sine sacrilegio
b 2 decer

decerni. Vnde rogo te, ne id decernas, statuas, uel in eiusmodi decreta subscribas. Conuenio fidem tuam Christi sacerdos. Omnes conueniremus episcopi, nisi incredibile hoc & repentinum ad aures peruenissent hominum, quod tale aliquid esset uel in consistorio suggestum tuo, uel à senatu petitum: sed absit ut hoc senatus petisse dicatur. Pauci gentiles communi utuntur nomine. Nam & ante biennium ferme cum hoc petere tentarent, misit ad me sanctus Damasus Romanae ecclesiae sacerdos, iudicio dei electus, libellum quem Christiani senatores dederunt, et quidem innumeri, postulantes nihil se tale mandasse, non congruere gentiliū istiusmodi petitionibus, non praebere consensum. Quæsti etiam publice priuatimque, se non conuenturos ad curiam, si tale aliquid decerneretur. Dignum est temporibus uestris, hoc est Christianis temporibus, ut dignitas Christianis senatoribus abrogetur, quo gentilibus senatoribus prophanae deferatur uoluntatis effectus? Hunc libellum ego fratri clementiae uestrae direxi. Vnde constitit, non senatum aliquid de superstitionis impensis mandasse legatis. Sed fortasse dicatur: Cur dudum non interfuerunt senatui; cum ista peterentur? Satis loquuntur quid uelint, qui non interfuerunt: satis locuti sunt, qui apud imperatorem locuti sunt. Et miramur tamen si priuatis resistendi Romae eripiunt libertatem, qui nolunt esse liberum tibi non iubere quod non probas, non seruare quod non sentis. Et ideo memor legationis proxime mandatae mihi, conuenio iterum fidem tuam, conuenio mentem tuam, ne uel respondendum secundum huiusmodi petitionem gentiliū censeas, uel in eiusmodi responsa sacrilegium subscriptionis adiungas. Certe refer ad parentem pietatis tuae principem Theodosium, quem super omnibus fere maioribus causis consulere consuesti. Nihil maius est religione, nihil sublimius fide. Si civilis causa esset, diuersae parti responsio seruaretur: causa religionis est,

epi

episcopus cōuenio. Detur mihi exēplū mīssae relationis, ut et ego plenius rñdeam, & sic de omnibus cōsultus clemētiae tuae pāres rñdere dignetur. Certe si aliud statuitur, episcopi hoc aequo aīo pati et dissimulare nō possumus: licebit tibi ad ecclesiā conuenire, sed illic nō inuenies sacerdotē, aut inuenies resistētem. Quid respōdebis sacerdoti dicēti tibi: Munera tua nō q̄rit ecclesia, quia templa gentilium muneribus adornasti. Ara Christi dona tua respuit, quoniā aram simulachris fecisti. Vox enim tua, manus tua, & subscriptio tua, opus est tuū. Obsequium tuum dominus Iesus recusat & respuit, quoniam idolis obsecutus es. Dixit enim tibi: Non potestis duobus dominis seruire. Priuilegia tua sacratae deo uirgines non habent: & ueniant uirgines Vestae? Cur sacerdotes dei requiris, quibus petitiones prophanas gentilium praetulisti? Alieni erroris societatem suscipere non possumus. Quid respondebis his uerbis, puerum esse te lapsum? Omnis aetas perfecta Christo est. Omnis deo plena puericia fidei comprobatur. Paruulietiam Christum intrepido aduersus persecutores ore confessi sunt. Quid respondebis germano tuo? Nonne tibi dicet, uictum me esse non credidi, quia te imperatorem reliqui: mori non dolui quia te heredem habebam, imperio me decedere non ingemui, quia imperia mea, praesertim de religione diuina, omnibus saeculis mansura credebam. Hos ego titulos piae uirtutis crexeram, has de saeculo manubias, haec spolia de diabolo, has ex ego de aduersario omnium exuias offerebam, in quibus aeterna uictoria est. Quid mihi plus potuit meus hostis auferre? Abrogasti decreta mea, quod adhuc ille qui contra me leuauit arma, non fecit. Nunc grauius telum corpore recipio, quod a fratre mea statuta damnantur, meliore parte mei apud te periclitor. Illa enim mors corporis, ista uirtutis est. Nunc mihi abrogatur imperium, & quod est grauius, abrogatur a

b a tuis

tuis, abrogatur a meis: & id abrogatur, quod in me etiam mei aduersarij pradicarunt. Si uolens acquieuiſti, damnasti fidem meam: ſi inuitus ceſiſti, prodidiſti tuam. Ergo quod grauius eſt, & in te periclitor. Quid reſpondebis etiam patri, qui te maiore dolore conueniet dicens: De me fili peſſime iudicaſti, qui putaſti quod ego gentilibus conuiuentiam praestiſſem. Nemo ad me detulit, aram eſſe in illa Romana curia: nunquam tantum nefas credidi, quod in communi illo Chriſtianorum gentiliūque conſilio ſacrificarent gentiles praesentibus Chriſtianis, & inuiti Chriſtiani intereſſe ſacrificiis cogerentur. Multa & diuerſa crimina me imperante commiſſa ſunt, ultus ſum quaecunque ſunt deprehenſa, ſi quis tunc laetit, debet ergo dicere, me probaſſe quod ad me nemo detulerat? De me peſſime iudicaſti, ſi mihi ſuperſtitio aliena, non fides mea ſeruauit imperium. Vnde cum aduertas imperator, deo primum, deinde patri & fratri iniurias irrogari ſiquid tale decernas, peto ut id facias quod ſaluti tuae apud deum intellegis profuturum

AMBROSIVS . EPISCOPVS . BEATISSIMO
PRINCIPI. ET. CLEMENTISSIMO . IMP
VALENTINIANO. AVGVSTO

Vm uir clariſſimus praefectus urbis Symmachus ad
C clementiam tuam rettuliſſet, ut ara quae de urbis Romae curia ſublata fuerat, redderetur loco, & tu imperator licet adhuc in minoris aevi tyrocinio florētibus nouis annis, fidei tamen uirtute ueteranus obſecrata gentilium non probares, eodem quo comperi puncto libellum obtuli, quo licet comprehenderim quae ſuggeſtioni neceſſaria uiderentur, popoſci tamen exemplum mihi relationis dari. Itaque non fidei tuae ambiguus, ſed prouidus cautionis & pij certus examinis,

nis, hoc sermone relationis assertioni respondeo, hoc unum petens, ut non uerborum elegantiam, sed uim rerum spectandam putes. Aurea. n. (sicut scriptura diuina docet) est lingua sapientium litteratorum, quae phaleratis dotata sermonibus, et quodam splendentis eloquij, uelut coloris preciosi corusco resurgens, capit animorum oculos specie formosi, uisuque perstringit. Sed aurum si diligentius manu tractes, foris premium, intus metallum est. Volue quaeso atque excute sectam gentiliū, preciosa & grandia sonant, ueri effoeta defendunt. Deum loquuntur, simulachrum adorant. Tria igitur in relatione sua Vir clarissimus praefectus urbis proposuit, quae ualida putauit. Quod Roma ueteres, ut ait, suos cultus requirat. Et quod sacerdotibus suis, uirginibusque Vestalibus emolumenta tribuenda sint. Et quod emolumentis sacerdotum negatis fames secuta publica sit. In prima propositione, flebili Roma questu sermonis illachrymat, ueteres, ut ait, cultus caerimoniarum requirens. Haec sacra, inquit, Hannibalem a moenibus, a Capitolio Senonas repulerunt. Itaque dum sacrorum potentia praedicatur, infirmitas proditur. Ergo Hannibal diu sacris insultauit Romanis, & dijs contra se dimicantibus usque ad muros urbis uincendo peruenit. Cur se obsideri passi sunt, pro quibus deorum suorum arma pugnabant? Nam de Senonibus quid loquar, quos Capitolij secreta penetrantes Romanae reliquiae non tulissent, nisi eos pauido anser strepitu prodidisset? En quales templa Romana praesules habent. Vbi tunc erat Iupiter? An in anserem loquebatur? Verum quid negem sacrorum ritus militasse Romanis? Sed etiam Hannibal eosdem deos colebat. Vtrum uolunt igitur eligant. Si in Romanis uicerunt sacra, in Carthaginensibus ergo superata sunt: si in Carthaginensibus triumphata, nec Romanis utique profuerunt. Pauescit igitur inuidiosa illa populi Romani querela. Non haec

Roma mandauit. Alijs illa eos interpellat uocibus. Quid me casso quotidie gregis innoxij sanguine cruentatis? Non in fibris pecudum, sed in uiribus bellatorum trophaea uictoriae sunt. Alijs ego disciplinis orbem subegi. Militabat Camillus, qui sublata Capitolio signa, caesis Tarpeiae rupis triumphatoribus reportauit: strauit uirtus, quos religio nō remouit. Quid de Atilio loquar, qui militiam etiam mortis impendit? Africanus non inter Capitolij aras, sed inter Hannibalis acies triumphum inuenit. Quid mihi ueterum exempla profertis? Odi ritus Neronum. Quid dicam bimestres imperatores, & terminos regum cum exordijs copulatos? Aut forte illud est nouū, barbaros suis excessisse finibus? Nunquid etiam illi Christiani fuerunt, quorum miserabili nouoque exemplo alter captiuus imperator, sub altero captiuus orbis, fessellisse quae uictoriam promittebant, suas caerimonias prodiderunt? Nunquid & tunc non erat ara Victoriae? Poenitet lapsus, & uetusta canicies pudendi sanguinis traxit ruborem. Non erubescō cum toto orbe longaeua conuerti: uerum certe est, quia nulla aetas ad perdiscendum sera est. Erubescat senectus quae emendare se non potest. Non annorum canicies est laudanda, sed morum: nullus pudor est ad meliora transire. Hoc solum habebam commune cum barbaris, quia deum antea nesciebam. Sacrificium uestrum, ritus est bestiarum cruore aspergi. Quid in mortuis pecudibus quaeritis dei uoces? Venite & discite in terris caelestem militiam. Hic uiuimus, & illic militamus. Caeli mysteriū doceat me deus ipse qui condidit, non homo qui seipsum ignorauit. Cui magis de deo, quā deo, credam? Quomodo possum uobis credere, qui fatemini uos ignorare quod colitis? Vano, inquit, itinere non potest perueniri ad tam grande secretum. Quod uos ignoratis, id nos dei uoce cognouimus. Et quod uos suspicionibus quaeritis, nos ex ipsa sapientia dei & uerita

ueritatē cōpertū habemus. Nō cōgruunt igitur uestra nobiscū. Vos pacē diis uestris ab imperatorib. obsecratis, nos ipsis imperatoribus a Christo pacē rogamus. Vos manuū uestrarum adoratis opera: nos iniuriā dicimus, omne quod fieri potest, deū putari. Non uult se deus in lapidibus coli. Deniq; etiā ipsi philosophi uestri ista riserunt. Quod si uos ideo Christū deum negatis, quia illum mortuum esse nō creditis: nescitis. n. quod mors illa carnis fuerit non diuinitatis, q̄ fecit ut credētū iā nemo moriatur: quid uobis imprudentius, qui contumeliose colitis & honorifice derogatis? Vestrum enim deum lignum putatis: o contumeliosa reuerentia. Christum mori potuisse non creditis: o honorifica peruicacia. Sed uetera (inquit) reddenda sunt altaria simulachris, ornamenta delubris. Reposcantur haec a consorte superstitionis: Christianus imperator aram solius Christi didicit honorare. Quid manus pias & ora fidelia ministerium suis cogunt sacrilegijs exhibere? Vox imperatoris nostri Christum resultet, & illum solum quem sentit loquat̄, quia cor regis in manu dei. Nunquid imperator gentilis aram Christo leuauit? Dum ea quae fuerunt reposcunt, exemplo sui admonet quantum Christiani imperatores religioni quam sequuntur debeant deferre reuerentiae, quando gentiles superstitionibus suis omnia detulerunt. Dum cepimus, etiam sequamur. Nos sanguine gloriamur, illos dispendium mouet. Nos haec uictoriae loco ducimus, illi iniuriam putant. Nunquam nobis amplius contulerunt, quam cum uerberari Christianos atque proscribi ac necari iuberent. Praemium fecit religio, quod perfidia putabat esse supplicium. Videte magnanimos: per iniurias, per inopiam, per supplicium nos credimus: illi caerimonias suas sine quaestu manere posse non credunt. Habeant, inquit, Vestales uirgines immunitatem suam. Dicant hoc qui nesciunt credere, quod posset esse gratuita uirginitas

ginitas : prouocent lucris , qui diffidunt uirtutibus . Quot tamen illis uirgines praemia promissa fecerunt ? Vix septem Vestales capiuntur puellae , En totus numerus quem infulae uitati capitis , purpuratarum uestium murices , pompa lecticae ministrorum circumfusa comitatu , priuilegia maxima , lucra ingentia , praescripta denique pudicitiae tempora coegerunt . Attollant mentis & corporis oculos , uideant plebem pudoris , populum integritatis , concilium uirginitatis . Non uitae capiti decus , sed ignobile uelamen , usui nobile castitatis : non exquisita , sed abdicata , lenocinia pulchritudinis : non illa purpurarum insignia , non luxus deliciarum , sed usus ieiuniorum : non priuilegia , non lucra : omnia postremo talia , ut reuocari studia putes , dum exercentur officia . Sed dum exercetur officium , studium prouocatur , suis castitas cumulaturs dispendijs . Non est uirginitas quae precio emitur , non uirtutis studio possidetur . Non est integritas , quaecunque tanquam in auctione nummario ad tempus sollicitatur compendio . Prima castitatis uictoria , est facultatum cupiditates uincere , quia lucri studium tentamentum pudoris est . Ponamus tamen subsidia largitatum conferenda uirginibus , quae Christianis munera reuandabunt , quod tantas opes sufficiet aerarium ? Aut si arbitrantur solis Vestalibus conferendum , non pudet ut qui totum sibi sub imperatoribus gentilibus uendicarunt , iidem sub principibus Christianis non putent nobis sortem debere esse communem ? Sacerdotibus quoque suis & ministris queruntur alimenta publica non praebere . Quantus hinc uerborum tumultus increpuit ? At contra nobis etiam priuatae successione emolumenta recentibus legibus denegantur , & nemo conueniens queritur . Non enim putamus iniuriam , quia dispendium non dolemus . Si priuilegium quaerat sacerdos ut onus curiale declinet , patria atque auita & omnium facultatum possessione cedenda

cedendum est. Quomodo hanc gentiles, si haberet, ingrauarēt q̄
relam, quod sacerdos serias ministerij sui emat totius patrimo-
nij sui damno, & priuatus uniuersae commoditatis dispendio u-
sum publici mercetur obsequij: praetendens communis salu-
tis excubias, domesticae inopiae se mercede solatur, quia mini-
sterium non uendidit, sed gratiam comparauit. Conferte cau-
sas. Vos excusare uultis decurionem, cum ecclesiae excusare
non liceat sacerdotem. Scribuntur testamenta templorum mi-
nistis, nullus excipitur prophanus, nullus ultimae conditionis
nullus prodigus uerecundiae: soli ex omnibus clerico commu-
ne ius clauditur, à quo solo pro omnibus uotum commune susci-
pitur, officium commune defertur: nulla legata uel grauium
uiduarum, nulla donatio. Et ubi in moribus culpa non depre-
henditur, tamen officio muleta praescribitur. Quod sacerdoti
bus phani legauerit Christiana uidua, ualet: quod ministris dei,
non ualet. Quod ego non querar, sed ut sciant quid nō querar,
comprehendi. Malo enim nos pecunia minores esse quā gra-
tia. Sed referunt ea quae uel donata uel relicta sunt ecclesiae,
non esse temerata. Dicant & ipsi, quis templis dona detraxe-
rit, quod factum est Christianis. Quae si facta essent gentili-
bus, redderetur potius quā inferretur iniuria. Nūccine demū
iusticia praetenditur, aequitas postulatur? Vbi tunc erat ista
sententia, cum direptis Christianorum omnium facultatibus,
ipso uitalis anhelitus spiritus inuiderent, & nullis usquam
negata defunctis inhiberent supremæ commercia sepulturae?
Quos gentiles praecipitarunt, maria reddiderunt. Fidei ista
uictoria est, quod et ipsi iam facta maiorum carpunt suorum,
sed quae melioratio, ut eorum munera petant, quorum gesta
condemnant? Nemo tamē donaria delubris, & legata haruspici-
bus denegauit, sola sublata sunt praedia, quia non religiose
utebantur ijs quae religionis iure defenderent. Qui nostro utun-
tur

tur exemplo, cur non utebantur officio? Nihil ecclesia sibi nisi fidem possidet. Hos redditus praebet, hos fructus. Possessio ecclesiae, sumptus est egenorum. Numerent quos redemerint templa captiuos, quae contulerint alimenta pauperibus, quibus exulibus uiuendi subsidia ministrauerint. Praedia igitur intercepta, non iura sunt. En quod factum, quod triste piare nefas, fames, ut aiunt, publica uindicauit: quia usui omnium proficere coepit, quod proficiebat commodis sacerdotum. Propterea ergo detractis, ut aiunt, arbusta exuta corticibus succo miserabili deficientium ora lambebant. Propterea chaonia frugem glande mutantes, rursus in pecudum pastus, et ad infelicis uictus alimenta reuocati, concussa quercu famem in siluis miseram solabantur. Noua uidelicet prodigia terrarum quae nunquam ante acciderant, cum superstitio gentilis toto orbe ferueret. Reuera quando ante uacuis auenis seges fallax, auari uota lusst agricolae, et spem rusticae plebis quaesita sulcis frigis herba destituit. Et unde Graecis oracula habita suae quercus, nisi quia remedium siluestris alimoniae, caelestis religionis donum putarunt? Talia enim suorum munera credunt deorum. Quis Dodonaeas arbores nisi gentium populus adorauit, cum pabulum triste sacri nemoris honore donaret? Non est uerissimile, quod indignantes eorum dii id pro poena intulerunt quod solebant placati conferre pro munere. Quae autem aequitas, ut paucis sacerdotibus dolentes uictum negatum, ipsi omnibus denegarent, cum inclementior esset uindicta quam culpa. Non est igitur idonea quae tantam aegritudinem mundi fallentis causa constrinxerit, ut uirentibus segetibus subita spes anni adulta moreretur. Et certe ante plurimos annos templorum iura toto orbe sublata sunt. Modo ne demum diis gentium uenit in mentem suas iniurias ultum iri? Propterea nec assueto cursu Nilus intumuit, ut urbicum sacerdotum dispen-

spēdia uindicāret, qui nō uindicauit suorū? Esto tñ si superiore anno deorū suorū iniurias uindictas putāt, cur præsenti anno contemptui fueret? Iam. n. nec herbarū uulsis radicib. rusticana plebs pascitur, nec baccae siluestris explorat solatia, nec cibū de sentib. rapit, sed operū laeta feliciū dū messes suas & ipsa miratur, expleuit uoti satietate ieiunium, usurarios nobis red didit terra prouentus. Quis ergo tam nouus humanis usibus, ut uices stupeat annorum? & tamen etiam superiore anno plerasque nouimus prouincias redundasse frugibus, De Gal lijs quid loquar solito ditioribus? Frumentum Pannoniae quod non seuerant uendiderunt. Et foecunda Rhetia fertilitatis suae nouit inuidiam. Nam quae solebat tutior esse ieiunio, foecunditate hostem in se excitauit. Liguriam Venetiasque autumnī frumenta pauperunt. Ergo nec ille sacrilegio annus exaruit, & iste fidei fructibus annus effloruit. Negent etiam quod largo foetu uincae redundauerint. Itaque & messē foeneratam recepimus, & liberalioris uindemiae beneficia posidemus. Postremus superest & maximus locus, utrum ea quae uobis profuerint imperatores, restituere subsidia debeatis. Ait animus, uos defendant, a nobis colantur. Hoc est fidelissimi principes quod ferre non possumus, quia exprobrant nobis uestro se nomine dijs suis supplicare, & uobis non mandantibus sacrilegium immane committunt, dissimulationem pro consensu interpretantes. Sibi habeant praesidia sua, suos si possunt, illa defendant. Nam si ijs a quibus coluntur, auxilio esse non possunt, quomodo possunt uos defendere, a quibus non coluntur? Sed maiorum, inquit, seruā dus est ritus. Quid quod omnia postea in melius profecerunt? Mundus ipse qui uel primum coactis elementorum per inane seminibus tenero orbe cō creuerat, uel confuso adhuc indigesti operis caligabat horrore, nonne postea distincto caeli, maris, terrarumque discrimi-

ne rerum formas quibus speciosus uidetur, accepit? Exutae humentibus tenebris nouum terrae stupere solem, dies in exordio non refulget, sed in processu temporis incremento luminis micat & caloris exaestuatur. Luna ipsa quae propheticis oraculis species ecclesiae figuratur, cum primum resurgens in menstruas reparatur aetates, tenebris noctis absconditur, paulatimque cornua sua complens uel e regione solis absoluens, clari splendoris fulgore irrutilat. Exerceri in fructus terrae antenesciebant, post ubi imperare aruis sollicitus coepit agricultura & informe solum uestire uinetis, siluestres animos domesticis mollitae cultibus exuerunt. Anni ipsius aetas prima quae nos usu parili colorauit, nutu gignentium sed in processu lapsuris floribus uernat, postremis adolescit fructibus. Nos quoque aetate rudes sensus habemus infantiae, sed mutati in annos ingenij rudimenta deponimus. Dicant igitur, in suis omnia manere debuisse principijs, mundum tenebris obductum quia splendore solis illuxerit, displicere. Et quanto gratius est animi tenebras depulisse quam corporis, fideique iubar emicuisse quam solis? Ergo & mundi sicut omnium rerum, prima eua uiam mutarunt, ut uenerabilis canae fidei sequeretur senectus. Quos hoc mouet, reprehendant messem, quia sera faecunditas est: reprehendant uindemiam, quia in occasu anni est: reprehendant oliuam, quia postremus est fructus. Ergo & messis nostra fides animarum est, ecclesiae gratia meritorum, uindemia est, quae ab ortu mundi uirebat in sanctis, sed postrema aetate se diffudit in populos, ut aduerterent omnes non rudibus animis irrepsisse fidem Christi. Nulla enim sine aduersario corona uictoriae: sed explosa ea opinione quae ante conualuit, id quod erat uerum in re praelatum. Si ritus ueteres delectabant, cur in alienos ritus eadem Roma successit? Omitto absconditam precio humum, & pastorales casus auro degeneri renitentes. Quid (ut de ipso

so respondeam quod queruntur) captarum simulachra urbium uictosque deos, & peregrinos ritus sacrorum, alienae superstitiones aemuli receperunt? Vnde igitur exemplum quod currus suos simulato Almonis in flumine lauat Cybele? Vnde Phrygij uates, et semper inuisa Romanis non aequae Carthaginiis numina? quam caelestem Afri, Mihram Persae, plerique Venerem colunt, pro diuersitate nominis non pro numinis uarietate. Sic deam esse, & Victoriā crediderunt, quae utique munus est non potestas, donatur non dominatur, legionum gratia non religionum potentia. Magna igitur dea quam militum multitudine sibi uendicat, uel praeliorum donat euetus. Huius arā strui in urbis Romae curia petunt, hoc est, quo plures conueniunt Christiani. Omnibus in templis arae, ara etiam in templo Victiarum, quando numero delectantur sacrificia sua ubique concelebrant. Quid est nisi insultare fidei, unius arae sacrificium uendicare? Ferendum ne istud, ut gentilis sacrificet, & Christianus intersit? Hauriant omnes, inquit, hauriant uel inuiti fumum oculis, symphoniam auribus, cinerem faucibus, thus naribus, & auersantium licet ora excitata focis nostris fauilla respergat. Non illis satis sunt lauacra, non porticus, non plateae occupatae simulachris. Etiam ne in communi illo consilio non erit communis conditio? Obstringetur pia senatus portio obtestantium uocibus adiurantium sacramentis? Si refutet uidebitur mendacium prodere: si acquiescat, sacrilegium confiteri. Vbi, inquit, in leges uestras & uerba iurabimus? Ergo mensuram quae legibus tenetur inclusa, caerimonijs gentium suffragium colligit, fidem stringit, iam non solum praesentium sed absentium etiam? Et quod est amplius, imperatores fides uestra pulsatur? Vos enim cogitis si iubetis. Constantius Augustae memoriae nondum sacris initiatus mysterijs contaminari se putauit, si aram illam uideret.

deret. Iussit auferri, non iussit reponi. Illud auctoritatem facit habet, hoc praecepti non habet. Nemo sibi de absentia blanditur, praesentior est qui se animis inserit, quam qui oculis protestatur. Plus enim est mente connecti, quam corpore copulari. Vos senatus cogendi consilij praesules habet, uobis coit, uobis conscientiam suam non dijs gentium praestat, uos liberts suis non tamen fidei suae praefert. Haec est charitas expetenda, haec est charitas maior imperio, si fides tuta sit quae seruat imperium. Sed fortasse aliquem moueat, ita fidelissimum principem destitutum, proinde quasi meritorum premium caducis aestimetur praesentium. Quis enim sapiens non in orbe quoddam atque circuitu locata humanarum rerum nouit negocia, quia non eosdem semper successus habent, sed uariant status, & mutant uices? Quem beatiorem Cn. Pompeio Romana templa miserunt? At is cum tribus triumphis terrarum cinxisset orbem, pulsus acie, bello profugus, & sui terminis exul imperij, Canopei manu spadonis occubuit. Quem nobiliorem Cyro Persarum totius Orientis terrae regem dederunt? Is quoque cum principes potentissimos aduersantes uicisset, uictos reseruasset, muliebribus armis fusus interijt. Et ille rex qui superatos etiam confessus honore donauerat, execto capite & intra utrumque plenum cruoris satiari iussus incluso, foemineis imperijs ludibrio fuit. Adeo in istius uitae curriculo non paria paribus, sed longe diuersa referuntur. Quem etiam magis sacrificijs deditum: quam Carthaginensium ducem Hamilcarem reperimus? qui cum toto proelii tempore inter acies positus dimicantes sacrificium faceret, ubi partem suorum uictam esse cognouit, in ipsos quos adolebat se praecepitauit ignes, ut eos uel cruore suo restingueret, quos sibi nihil profuisse cognouerat. Nam de Iuliano quid loquar, qui cum responsis haruspicum male creditus esset, ademit sibi subsidia reuertendi. Ergo in communi casu non

non est communis offensa. Neminem etenim promissa nostra luserunt. Respondi laceffentibus tanquam non laceffitus. Refellendae etenim relationis, non exponendae superstitionis mihi studium fuit. Te tamen imperator, ipsa eorum relatio faciat cautiorem. Nam cum de superioribus principibus texuisset, quia prior eorum numerus caerimonias patrum coluit, recentior non remouit, addidisset etiam si exemplum religio ueterum non facit, faciat dissimulatio proximorum: euidenter docuit quod & fidei tuae debeas, ut gentilitij ritus non sequaris exemplum, & pietati ut fratris statuta non uioles. Si enim pro suis duntaxat partibus eorum dissimulationem principum praedicarunt, qui cum essent Christiani, decreta tamen gentilium minime remouerunt: quanto magis amor debent deferre fraterno ut qui dissimulare deberes, etiam si quid forsitan non probares, ne fraternis derogares statutis, & nunc teneas quod et fidei tuae et germanitatis necessitudini iudicas conuenire

De Palladio

Atque haec sunt quae de uirginib. Vestalibus apud ueteres auctores extare didicerim. Verum antequam ad reliqua sacerdotia explicanda deueniam, quum paulo ante Palladij mentionem fecerim, haud ab re fore existimo, si paucis quod Palladium fuerit explicabo, praefertim quum id ab auctoribus negligatur. Palladium igitur erat Palladis simulachrum, quod uana antiquorum superstitione poeticis fabulis edocta, olim e caelo lapsum fuisse, Dardanique manibus exceptum credidit. Scutum id fuisse quidam existimauerunt, ut Romae ancilia: aliter Diodorus, atque Dio sentiunt, qui Palladium signum fuisse ligneum tricubitale caelo lapsum in Pessinunte urbe Phrygiae, dextera tenens hastam, laeua colum & fusum, & ad eum locum boue duce deuenisse, ubi Dardanus erat, qui dum urbem Ilium condidisset, deos rogauit ut aliquot signum darent temporis nouae urbis, statimque apparuisse Palladium, a quo quum exceptum esset,

Apollinis oraculo admonitus est, tam diu mansuram urbem do-
nec in ea Palladium conseruaretur. Alij ut M. Varro, Dio-
nysius, Ouidius, Plutarchus, & Seruius, ex quibus haec
excerpsi, dicunt: Chrysam Pallantis filiam, quum in Ar-
cadia Dardano nupsisset pro dote secum attulisse Palladium, et
magnum deorum simulachra, scilicet Penates, quibus tem-
pla Dardanus in Samothracia construxit, quae postea sacra
sunt in Ilium nepotum tempore transuecta, & in templo Pal-
ladis, quod in arce Troiana erat, collocata; accepto oraculo
mansuram urbem quam diu intra moenia Palladium conserua-
retur, quod circa intimam arcis templique partem abditum
fuit, quodam altero Palladio illi similino efficto, quod in pu-
blico neglectius asseruabatur. Itaq; tēpore belli illius, quod cō-
munibus uiribus Graecia tota aduersus Troianos gessit, quum
Pyrrhus ex Heleno uate Priami filio dedicisset, saluo in urbe
Palladio inexpugnabilem esse Troiam, idque Graecorum prin-
cipes cognouissent, quum nulla spes potiundae urbis esset, nisi
prius sublato Palladio, datum est negotium Vlyxi & Diome-
di qui clam per cloacas in urbem ingressi, uique in custodes fa-
cta, ut Sterpsicorus, & Euphorio tradidere, Palladium Ante-
noris opera, quod eius uxori Theanae, Palladis sacerdoti tra-
ditum fuerat custodiendum, subripientes, ad suos reuersi sunt.
Urbemque tutelari Palladis numine spoliata, infirmam ca-
ptique non admodum difficilem reddiderunt. Vnde Virgil.
secundo Aeneidos

. . . . caesis summae custodibus arcis

Corripuere sacram effigiem, manibusque cruentis

Virgineas ausi diuac contingere uitas

Quod tamen Palladium a Graecis captum imaginarium fuisse
existimant, uerumque Palladium capta iam urbe Sicam Ae-
neae tradidisse cum magnis dijs, quos penates Troiani uoca-
bant.

bant. Virgilius

. . . . et manibus uittas Vestamque potentem
Aeternumque adytis effert penetralibus ignem

Silius uero Italicus uerum quidem Palladium raptum asseruit, idque Aeneae a Diomede redditum, quod Aeneas cum omnibus alijs Troianorum sacris caerimonijsque in Italiam adduxit, Lauinique collocauit, quod deinde ab Ascanio Albam longam translatum putant, condito Vestae templo. Palladium porro ex Alba longa sub rege Tullo Hostilio, postquam eam diruisset, siue ut Varro putat ex Lauinio, Romam translatum est, atque in aede Vestae collocatum. Quid autem fuerit multis uerbis explicare Dionysius conatur, atque postremo ita concludit: Nemo tamen uidere primum illud, certaque de eo tradere potuit. Itaque in ambiguo est, an Dardanus id Ilusue suscepit, fuerit ne ligneum, an aenaeum signum, aut, ut quidam tradidere, scutum; remansisse postremo Ilij, an Romam aduectum. Non defuerunt enim qui existimauerunt, Aeneam relicto socijs Latinorum regno, in Phrygiam cum Palladio redijse, quorum opinio a multis labefactata est. Frequentior enim fama est, Palladium Romae remansisse in aede Vestae locatum. Quae cum incendio flagraret, L. Caecilius Metellus pontifex maximus Palladium medio ex incendio a uirginibus fugientibus neglectum, rapuit; quare statim lumina, quod deos uisisse crederetur, amisit. Ob quod factum magni sunt postea illi honores habiti, quod sub recentem primam Punicam pacem factum est. Quo tempore Palladium primo uisum fuisse constat. Porro autem sub Commodio Marci filio imperatore, quum Vestae templum iterum conflagrasset, Palladium quoque iterum conspectum est. Quod in primis Romani colebant, atque in arcano semper habebant. Quippe raptum id Vestales uirgines media sacra uia in aulam

6 2 imper

imperatoris transtulerunt, templo uero restituto denuo loco suo repositum est. Id deinceps Alagabalus imperator, quum templum deo suo Alagabalo, quem plerique Solem existimant, sic Phoenicum lingua appellatum, in ea Palatii parte fecisset, ubi prius Orci aedes fuerat, cum matris magnae typo, Vestae igne, ancilijs, & omnibus Romanis sacris in id templum transtulit, sedibusque proprijs tertio mouit, dictitans; Palladium dei sui coniugem esse debere. Hocque agebat ne quis Romae deus nisi Alagabalus suus coleretur. Dicebat praeterea Iudaeorum, & Samaritanorum religiones, & Christianam deuotionem illuc transferri oportere, ut omnium culturarum secretum Alagabali sacerdotium teneret. Quae post eius caedem sedibus proprijs restituta sunt. Quamquam multi existimarint eum non Palladium, sed signum quodam quod Palladium esse credebat abstulisse, quum simulachrum effictum pro uero illi uirgo Vestalis maxima ostendisset, quia plura Palladia similia facta esse dicebantur, ne quis uerum unquam auferre posset. Palladium demum cum multis alijs Romanae urbis ornamentis, Constantinus pius imperator gentilium inani superstitione abrogata, ex urbe Constantinopolim deportauit, & quo ab omnibus uideri posset, medio foro super columnam marmoream collocari iussit. Idque statuam aeneam Palladis fuisse memoriae proditum est. Atque haecenus de Palladio

DE. SALIIS. PALATINIS. XII

Sextam sacrorum institutorum partem (ut inquit Dionysius) Numa rex salijs tribuit. Quos ipse ex patricijs creauit, iuuenes XII. spectatissimos, qui quum sacra in Palatio factitarent, ubi eorum sacrarium fuisse refertur a Sex. Ruso, & P. Victore, Salij Palatini uocati sunt. Dicti autem sunt Salij, ut inquit M. Varro a saltando, quod facere in comitio in sacris quot

quot annis & solent, & debent. Sex. Pompeius: Salios (inquit) a saliendo & saltando dictos esse, quamuis dubitari non debeat, tamen Polemon quidam ait, Arcada quendam fuisse nomine Saltum, quem Aeneas a Mantinea in Italiam deduxerit, qui iuuenes Italicos enopliam saltationem docuerit. At Critolaus Saonem ex Samothrace, cum Aenea deos Penates, qui Lauinium transfulerit, saliare genus saltandi instituisse, a quo appellatos salios: quibus per omnes dies utbcunque manerent, quia amplae ponebantur caenae, si quae aliae magnae caenae sunt, saliares appellantur. Et Liuius libro primo. Salios item duodecim Marti gradiuo Numa legit, tunicaeque pictae insigne dedit, & super tunicam aeneum pectori tegmen, caelestiaque arma, quae Ancilia appellantur ferre, ac per urbem ire canentes carmina, cum tripudijs, solemni saltatu iussit. Plutarchus in Numa. Salij uocati sunt, non ut quidam fabulantur a uiro Samothrace seu Mantineo, Salo nomine, qui saltationem quae armata dicitur edocuerit, sed ab ipso potius tripudio saltatorio, quod uehementius, robustiusque per urbem euntes subsaltant, quum ad mensem Marcium sacra scuta, quae ancilia dicebantur susciperent, induti puniceis tunicis, aeneis balteis latisque succincti, aeneas in capite galeas portantes, & paruis gladijs arma pulsantes, reliquum uero saltationis pedum est opus. Mouentur enim suauiter conuersiones, ac saltationes in celeri, & crebro numero robuste, & leuiter red dentes. Dionysius uero libro secundo. Hi aut salij omnes saltatores quidem sunt; & laudatores armatorum deorum, quorum solemnitas est mense Martio, quae sumptu agitur publico multos dies, quibus ducunt choreas per urbem, & in forum, & Capitolium, & in multos alios priuatos, publicosque locos, tunicas uarij coloris, aeneis succincti baltheis, togasque annectentes fibulis circum distinctas purpura, subtegmine pu

niceo, quas trabeas uocant; est enim gentilis ea uestis Romanis, & ualde honorifica, & quos apices uocant capitibus imponentes, pileos altos in speciem coni eductos, Accincti autem omnes erant gladijs, ac dexteris lanceam, aut uirgam, aut quid tale tenent, laeua ancilia. Quae autem Ancilia fuerint paulo post dicam. Adijcit Dionysius: Ancile autem est scuti cuneati specie, arctiora habentis latera, qualia dicuntur ferre eos, qui apud Graecos Curetum sacra perficiunt, suntque Salij Graeco nomine interpretati Curetes; illi quidem a Graecis ex aetate denominati. A Romanis uero a continuo motu Salij. Et ob eam causam omnes quoque alios, quibus multum inest saltatus, & gestus ducto a Salijs nomine saltatores uocant. Mouentur autem ad tibiam ex modulo armatis motibus, quandoque simul ac uicissim, quandoque patria quaedam canentes carmina cum tripudijs, solemnique saltatu simul cum choreis; choream autem et armigerum motum, et in scutis factum per gladios strepitum Curetes primi instituere. De carminibus saliaribus frequens apud omnes ueteres scriptores mentio est. Quorum quaedam uocabantur axamenta quae erant in hominum memoriam composita, ut Mamurij, et Voluminae. Nam in deos singulos uersus ficti a nominibus eorum appellabantur, ut Ianualij, Iunonij, Mineruij. Is qui Salis praeeerat uocabatur magister, eorum uero coetus collegium. Valerius Maximus libro primo cap. primo: Obruitur etiam tot illustribus consularibus L. Furius Bibaculus, exemplique locum uix post Marcellum inuenit. Sed pijs simul ac religiosi animi fraudandus non est, qui praetor a patre suo collegi Saliorum magistro, iussus sex lictoribus praecedentibus arma ancilia tulit, quamuis uacationem huius officii honoris beneficio haberet. Omnia namque post religionem ponenda semper nostra ciuitas duxit, etiam in quibus summae maiestatis con-

conspici decus uoluit. Salii autem non a populo, sed a magistris collegii legi solebant patricii adulescentes, quorum uterque parens uiueret; nec in magistratu esset. Lege quoque cautum erat, ut Salii liberi essent

De Salijs & magistro collegij Saliorum mentio est in his vetustis inscriptionibus

M . RVBRIO . L.F

PROCVLO

P R . A E D . Q

PONT.SALIO

MVNIC.ET.IN.COL

item

L . ANTISTIVS. CN.F HOR . SARCVLO
SALIVS. ALBANVS.IDEM.MAG.SALIORVM
ANTISTIA.L.L.PLVIA.L ANTHVS.RVTVS
L. IMAGINES . DE . SVO . FECERVNT
PATRONO.ET.PATRONAE.PRO.MERITIS

Ceterum (ut saepe dixi) Salij non nisi ex patricijs lecti sunt. quod Cicero in oratione pro domo refert. De Ancilijs autem haec produnt Dionysius & Plutarchus: Annum iam octauum regnante Numa, morbus urbem inuaserat, cunctis uero morientibus, traditur scutum aeneum e coelo delapsum in Numaе manibus decidisse. Quod in urbis salutem missum Aegeam sibi rettulisse Numa tradidit, oportereque eum asseruari, alijs undecim ad illius figuram, magnitudinem, formamque effictis, quo dubium ob similitudinem esset, caelestis illius adipiscendi. Addiditque Numa se a musis cognouisse eam urbem in qua id ancile seruaretur, omnium potentissimam futuram. Quo facto quum pestis cessasset, scutum autem ex eius imperio, quum effingere artifices certassent, diffidentibus

ac desperantibus ceteris, Mamurium Veturium praestantissimum artis eius opificem, usque adeo eius similitudinem effinxisse, struxisseque omnes similes, ut ne Numa quidem id cognosceret. Horum uero scutorum custodes salios xij. legit quot fuerant fabrefacta scuta, a quibus sacris anniuersarijs efferrentur per urbem. Id autem scutum quemadmodum ex numismate Antonini Pij cognoui breue fuit, ideoque ancile appellatum, quod ex utroque latere esset recisum, & summum infimumque eius latius medio pateret. Mamurius autem XI. anciliorum a se factorum praemij loco poposcit, ut suum nomen inter carmina salij cantarent. Ideo Mamurij Veturij nomen in cantibus salij Romani maxime frequentabant

DE . VIRGINIBVS. SALIARIBVS

Virginum Saliarum sic meminit Sex. Pompeius: Saliarum uirgines Cincius ait esse conducticias, quae ad salios coibant cum apicibus paludatae, quas Aelius Stilo scripsit sacrificium facere in regia cum pontifice paludatas, cum apicibus in modum saliorum. De eis praeterea nihil inueni

DE . FETIALIBVS . ET . PATRE PATRATO

Septimam sacrorum partem collegio Fetialium tribuit Numa. Hi erant ex optimis nobilibusque familijs electi, & per omnis uitae tempus ei sacro destinati. Fetiales dicti, ut scribit M. Varro libro quarto de lingua Latina, quod fidei publicae inter populos praecerant: nam per hos fiebat, ut iustum conciperetur bellum, & inde desitum, & ut foedere fides pacis constituereetur. Ex his mutebant antequam bellum conciperetur,

retur, qui res repeterent, & per hos etiā nunc sit foedus, quod fides scribit Ennius dictum. Et libro secundo de uita populi Romani. Itaque & bella & tarde nec magna licentia suscipiebant, quod bellum nullum nisi pium putabant geri oportere, & priusquam indiceretur bellum, ijs a quibus iniurias factas sciebant, fetiales legatos, res repetitum mittebant quattuor, quos oratores uocabant. Et libro tertio. Si cuius legati uiolati essent, qui id fecissent, quamuis nobiles essent, ut dederentur ciuitati statuerūt, fetialesq; uiginti, qui de his rebus cognoscerent, iudicaret, statuerēt, cōstituerunt. Sex Pōpeius. Fetiales (inquit) a faciendo dicti, apud hos .n. belli pacisque faciendae ius est. Et Nonius Marcellus: Fetiales apud ueteres Romanos erant, qui sancto legatorum officio, ab ijs qui aduersum populum Romanum aut rapinis, aut iniurijs hostili mente commouerant, pignora facto foedere iure repetebant, nec bella indicebantur, quae tamen pia uocabāt, prius quam fuisset quid fetialibus denuntiaturum. Plutarchus in Numa: Fetiales pacis custodes sunt ab re ipsa nomen adepti, controuersias enim uerbis sedabant, quum non permitterent prius militare, quā omnis iudicij spes abscissa esset. Est enim pacem Graeci uocant, quando uerbo non ui controuersiae tolluntur. At Romani fetiales saepe ad eos ibant, qui iniurias intulissent, illisque suadebant, ut se beniuole, & amice gererent, ijs autem inimicis sese et pro uoluntate gerētibus, deos testari & multa grauiā, in eos eorumque patriā imprecari, nisi iuste rem aggrediantur, sic eis bellum indicebant. Fetialibus uero prohibentibus, aut minus cōprobātibus, neque militari fas erat, neque arma mouere. Sed ab his necesse erat initium belli pro iure duces acciperent, & tum demū communi commodo prospicerent. Fertur cladem Senonicam urbi accidisse ob haec sacra uiolata. Ius Fetiale ab Aequicolis

lis mutuatum scribit Valerius libro decimo, cuius auctor fuit Sertor Resius Aequicolarum rex. Id ius (ut dixi) Numa primus Romanis constituit, siue ut Valerius scribit ab Aequicolis, siue ut alij ab Ardeatibus assumptum. Nam Romae ante Numam collegium Fetialium non fuit. Id autem constituit, quum indicturus esset bellum Fidenatibus, ob latrocinia quaedam & excursiones in agros Romanos factas, scire que prius uellet utrum secum conuenire sine bello uellent. Qui necessitate coacti pacem maluerunt. Fetialium autem praecipua munera erant (ut tradit Dionysius) custodire ne Romani bellum foederatae ciuitati iniustum inferrent, in his autem qui foedera rumpere coepissent, ad eos legatos ire, & iusta primum ratione repetere, atque si postulatis, qui laeserint non obtemperarent, ijs bellum indicere, simili ratione, si laesos se esse a Romanis socij aliqui asseuerantes aequa postularent, ea cognoscere, atque si aliquid praeter foedera perpeSSI sunt, uideanturque uera obijcere, comprehensos fontes, eos laesis deditios tradere. Iniurias quoque legatis factas indicare, & quae pia sunt in foederibus, custodire, pacem facere, atque factam, si non ex legibus sacris facta uideatur, inritam habere, imperatorum iniqua facta, quaecunque circa iusturandum, & sponsiones fierent, cognoscere, & expiare. Quum autem bellum indicere iustum & pium esse iudicarent, Vnus quidem Fetialium, quem reliquis suffragijs praetulerint, ornatus ueste, et gestaminibus sacris, ut inter alios conspicuus manifestusque sit, ad eorum urbem qui laeserint proficiscitur, & attingens fines louem deosque alios, inuocat testans, quod ad repetendas poenas pro urbe Romana proficiscitur. Postea iuratus quod ad urbem uadit quae prius iniuste egerit, & execrationes maximas sibi ipsi ac Romae imprecatus si mentiat, intra fines pergit, deinde cuiunque

que primum occurrit hunc obtestatus, siue ciuis is fuerit, siue rusticus, easdemque imprecationes apponens ad urbem uadit, deinde antequam urbem ineat ianitorem ipsum siue alium, quem primum obuium in porta habuerit, eodem modo testatus in forum progreditur, illicque adstans qua causa uenerit, cum primoribus differit, iusturandū ut prius, & imprecationes apponens. Si igitur iudicium illi subeant, tradentes fontes urbe digreditur, eos uiros abducens amicus iam ab amicis. Si uero tempus illi ad consultandum petant, decem eis dierum cum dederit iterum redit, quousque petitionē eorum recipit. Elapsis uero triginta diebus si iusta ciuitas non exhibeat, dijs coelestibus manibusque inuocatis abit, hoc tātū dicto, q̄ de eis cōsultabit per otīū S. P. Q. R. Pronuntiat deinde in senatu cum alijs astans Fetialibus peractum esse ab ipsis quantum fuerit ex legibus sacris pium, & si decernere bellum uelint, eis amplius religione non prohiberi: antequam enim haec facta fuissent, neque senatus, neque populus bellum alicui decernere poterat. Cincius porro libro tertio de re militari: Fetialem populi Romani bellum indicentem hostibus, telumq; in agrum eorum iacentem hisce uerbis uti scripsit: Quod populus Hermundalus, hominesque populi Hermundali, aduersus populum Romanum bellum fecere, deliquereq; quodq; pop. Romanus cum populo Hermundulo, hominibusque Hermundulis bellū iussit, ob eam rem ego populusque Romanus, populo Hermundulo, hominibusque Hermundulis bellum indico facioque. Horum Fetialium unus pater patratus dicebatur, cuius munus erat, quū pax, aut foedus faciunda essent uerba facere. Eius rei exemplum ex Liuij libro primo afferam. Foedus ictum inter Romanos, & Albanos est his legibus; ut cuius populi ciues eo certamine uicissent, is alteri populo cum bona pace imperitaret. Foedera

dera alia alijs legibus, ceterum eodem modo omnia fiunt, tum ita factum accepimus, nec ullius uetustior foederis memoria ē. Fetialis regem Tullum ita rogauit: iubens ne me rex cum patre patrato populi Albani foedus ferire, Iubente rege. Sagmina (inquit) te rex posco. Rex ait: pura tollito. Fetialis ex arce graminis herbam puram attulit, postea regem ita rogauit: Rex facis ne me tu regium nuntium populi Romani Quiritium? uasq; comites meos? Rex rñdit, qd' sine fraude mea, populiq; Romani Quiritiū fiat, facio. Fetialis erat M. Valerius. Is patrē patrātū Sp. Furiū fecit, uerbena caput, capillosq; tangens (pater patratus ad iusiurandū patrandum, idest ianciendum fit) foedus multisque id uerbis, quae longo effata carmine, non opus est referre, peragit. Legibus deinde recitatis: Audi (inquit) Iuppiter, audi pater patratus populi Albani, Audi populus Albanus, ut illa palam prima, postrema, ex illis tabulis ceraue recitata sunt, sine dolo malo, utique ea hic hodie rectissime intellecta sunt, illis legibus populus Romanus prior non deficiet, si prior defecerit, publico consilio dolo malo, tū me Diespiter populum Romanum sic ferito, ut ego hunc porcum hodie feriam, tantoque magis ferito, quanto magis potes pollesq;, id ubi dixit, porcū silice percussit. Sua item carmina Albani, sumque iusiurandū per suū dictatōrē, suosque sacerdotes peregerunt. Foedere ictō & cet. Fetiales autem ut ceterorum collegiorum sacerdotes, a collegis subrogabantur. Post legem uero Domitiam de qua saepe dixi, eos populi suffragiis creatos fuisse, quemadmodum augures, pontifices, xv. uiros sacris faciundis, & vii. uiros epulorum, pro certo asserere non ausim, praesertim quum id nusquam me legisse meminerim. Eos tamen populi tributis comitijs creatos fuisse, ut credam potissimum adducor, quod penes collegium xx. fetialium erat publicae religionis pars una non minus necessaria,

cessaria, quam quae erat penes augures, pontifices, xv. viros S. F. & VII. Viros epulonum. Vnde fit ut pari ratione credam, ante legem Domitiam cooptari per collegas solitos fetiales, sicut illi cooptabantur, praesertim quum nusquam reperiamus, uel a pontificibus eos creatos sicut flamines, uel a magistratibus, post primam eorum a Numa creationem. Quod si ante legem Domitiam cooptari a collegio concedamus, necesse est ut hac lege suffragijs populi creari coeperint. Fetiales uero habere partem religionis publicae a reliquis sacerdotibus separatam, tum ex his quae dixi, tum ex legibus Ciceronis intelligi potest, apud quem seorsum de fetialibus libro secundo haec lex ponitur

Foederum, pacis, belli, induciarum, oratorum, fetiales iudices sunt. Bella disceptant. Fuisse autem eorum collegium tum ex his quae etiam dixi, tum ex Liuiο cognosci potest, qui libro xxxvi. ita scribit: Consul inde M. Acilius ex S. C. ad collegium fetialium rettulit, ipsi ne utique regi Antiocho indiceretur bellum. Reliqua quantum ad fetialium creationem attinet, quemadmodum de pontificibus, & auguribus dixi intelligenda sunt. Atque haec sunt, quae de fetialibus, ex Cicerone, M. Varrone, Dionysio libro primo, Liuiο libro primo, Gellio libro xvi. cap. iiii. Plutarcho, Sex. Pompeio, & Nonio Marcello collegi. De fetialibus mentio est in antiqua inscriptione ita

P. CORNELIO . LENTULO
 SCIPIONI . COS . PRAEF
 AERARI . LEGATO . TI
 CAESARIS . AVG . LEG . LEG
 VIII . HISPAN . PONTIFICI
 FETIALI . D . D

DE . PONTIFICIBVS

Octava & ultima diuifio (inquit Dionyfius libro fecundo) facrarum traditionū Numae fuit eorum facrorum quae pontifices fortiti funt. Qui magnum apud Romanos facerdotium, & poteflatem habent. De quibus loquuturus ea erunt hoc loco mihi repetenda, quae in v. faftorum commentario digeffi, ne hac una facerdotum praecipua parte praeterita, imperfectus hic liber exiret. Erat autem pontificatus facer magiftratus, a poffe & facere, ut Scaeuula, uel a ponte, ut Varro fcribunt, appellatus. Pontifices enim ut apud Varronem Q. Scaeuula pontifex maximus dicebat, a poffe & facere dicti funt. Varro autem libro IIII. de lingua Latina, pontifices a ponte dictos arbitratur, nam ab iis pons Sublicius eft factus, primum, & reftitutus faepe, quum ideo facra & uis & cis Tiberim non mediocri ritu fiant. & Dionyfius libro fecundo. Nouiffima Numae institutorum pars continebat facra maximi apud Romanos facerdotii, & cuius poteflas eft ampliffima. Hi ab uno fuorum operum, uidelicet faciendo ponte Sublicio uocabantur pontifices, fuma auctoritate praediti; nam de omnibus caufis ad facra pertinentibus iudicant, tam inter magiftratus facros, quam inter priuatos homines, nouasque leges de facris arbitratu fuo condunt, ficuti deftituuntur fcriptis legibus: & magiftratus penes quos caerimoniae funt ac facrificia, facerdoesque omnes examinant, miniftros quoque facrorum in officio continent, ne quid praeter folemnes ritus faciant, a profano etiam & imperito uulgo confuluntur de cultu deorum, ac geniorum, alijsque religionibus: quod fi quem animaduertāt praefcripta fua contemnere, eum mulctāt pro delicti magnitudine. Ipfī nullius poteflati funt obnoxij, nec tenentur ad reddendum rationem uel fenatui, uel populo. Id genus

nus sacerdotes siue sacri doctores, siue sacrarum legum consulti, siue sacrorum custodes recte dicendi sunt. Ego Hierofantas nostris appellari dixerim. In defuncti locum alius solet subrogari non populi suffragijs, sed qui collegio maxime uideatur idoneus ex omni ciuium numero, nec nisi inaguratus ad sacerdotium admittitur, & cet. Pontificum etiam muneris meminit disertus Cicero pro domo sua ad pontifices ita: Quum multa diuinitus pontifices a maioribus nostris inuenta atque instituta sunt, tum nihil praeclarius quam quod uos eosdem & religionibus deorum immortalium, & summae reipublicae praesse uoluerunt, ut amplissimi, & clarissimi ciues reipublicam bene gerendo, pontifices religionem sapienter administrando, rempublicam conseruarent. Quod si ullo tempore magna causa in sacerdotum populi Romani iudicio, ac potestate uersata est: haec profecto tanta est, ut omnis reip. dignitas, omnium ciuium salus, uita, libertas, arae: foci, dii penae, bona, fortunae, domicilia, uestrae sapientiae, fidei, potestatique commissa, & credita esse uideantur. Et non longe post ad Lentulum unum ex pontificibus loquens; Te appello (inquit) Lentule, tui sacerdotij sunt tensae, curricula, praecentio, ludi, libationes, epulaeque deorum. Vosque pontifices, ad quos epulones Iouis optimi maximi, si quid est praetermissum, aut commissum adferunt; quorum de sententia illa eadem reuocata, atque instaurata celebrantur; qui sunt ludi minus diligenter facti? quanto aut quo scelere polluti? respondebis & pro te, & pro collegis tuis, & pro collegio pontificum, nihil cuiusque aut negigentia contemptum, aut scelere esse pollutum. Ceterum quattuor tantum a Numa pontifices instituti traduntur, qui omnes ex patricijs semper cooptati sunt usque ad annum urbis CDLIII. in quo Q. Appuleio Pansa & M. Valerio Coruo V. cos. ut libro decimo tradit Liuius, ne undique tranquillae res essent cer

tamen iniectum est inter primores ciuitatis patricios plebeios que a tribunis plebis Q. et Cn. Ogulnijs. Qui undique criminandorum patrum apud plebem occasionibus quaesitis, postquam alia frustra tentata erant, eam actionem susceperunt, quam non infimam modo plebem accenderent, sed ipsa capita plebis consulares triumphalesque plebeios, quorum honoribus nihil praeter sacerdotia, quae nondum promiscua erant, desset. Rogationem ergo promulgarunt, ut quum quattuor augures, quattuor pontifices ea tempestate essent, placeretque augeri sacerdotum numerum, quattuor pontifices, quinque augures de plebe omnes allegerentur. Eam rem iuxta aegre passi patres, quam quum consulatum uulgari uiderent: simulabant ad deos id magis quam ad se pertinere, ipsos uisuros ne sacra sua polluantur, id se optare tantum ne qua in remp. clades ueniat. Minus autem tetendere assueti iam tali genere certaminum uinci; et cernebant aduersarios non id quod olim uix sperauerint affectantes magnos honores, sed omnia iam in quorum spem dubiam erat certatum, tamen adeptos multiplices consulatus, censurasque, et triumphos et c. et paulo post: Vocare tribus ex templo populus iubebat, apparebat accipi legem, ille tamen dies est intercessione sublatus; postera die deterritis tribunis ingenti consensu accepta est. Pontifices creantur suasor legis P. Decius Mus, P. Sempronius Sophus, C. Marcius Rutilus, M. Linius Denter. Quinque augures item de plebe C. Genucius, P. Aelius Paetus, M. Minucius Fessus, C. Marcius, T. Publilius. Ita octo pontificum, nouem augurum numerus factus. Qui usque ad Sullae Felicis dictaturam mansit. Ceterum quum L. Cornelius Sulla Felix aduersae partis factionibus caesis, dictator renuntiatus fuisset, inter multa quae aut abrogauit, aut addidit, pontificum quoque et augurum collegium ampliauit, ut essent

essent quindecim pontifices, & quindecim augures. Ita ex Li-
 uio Florus in epitoma libri LXXXIX. Ex cuius Sullae fa-
 cto, duplex factus est pontificum ordo, primi enim octo, & ij
 deinceps qui in eorum locum cooptati sunt, pontifices maiores
 appellati, reliqui uero septem minores pontifices dicti sunt.
 Maiorum & minorum pontificum tam apud ueteres auctores,
 quam in antiquis lapideis epigrammatibus frequens mentio est.
 Maiorum si quidem in his

PETRONIVS . A P O L L O D O R V S . V . C
 P O N T I F E X . M A I O R . X V . V I R . S A C R . F A C
 P A T E R . S A C R . D E I . I N V I C T I . M I T H R A E
 T A V R O B O L I O . C R I O B O L I O Q . P E R C E P T O
 V N A . C V M . R V F I A . V O L V S I A N A . C . F . C O N
 I V G E . X V . K A L . I V L I A S . D D . N N
 V A L E N T I N I A N O . E T . V A L E N T F . A V G G . I I I
 C O S S . A R A M . D I C A V I T

item

M . M A E C I O . M E M M I O . F V R I O . B A L B V R I O
 C A E C I L I A N O . P L A C I D O . C . V
 P O N T I F I C I . M A I O R I . A V G V R I . P V B L I C O
 P . R

Q V I R I T I V M . X V . V I R O . S A C R I S . F A C I V N D I S

item

L V C I O . A V R E L I O . A V I A N I O . S Y M M A C H O
 V . C
 P O N T I F I C I . M A I O R I . X V . V I R O . S A C R I S
 F A C I V N D

Pontificum uero minorum sic meminit M. Cicero in oratione
 de haruspicum responsis: At uero meam domum P. Lentulus
 consul & pontifex, P. Seruilius, M. Lucullus, Q. Metellus,
 M. Glabrio, M. Messalla, L. Lentulus Flamen Martialis, P.
 d Galba,

Gaiba, Q. Scipio, C. Fannius, M. Lepidus, L. Claudius rex sacerorum, M. Scaurus, M. Crassus, C. Curio, Sex. Caesar flamen Quirinalis. Q. Cornelius, P. Albinouanus, Q. Terentius pontifices minores, causa cognita, duobus locis dicta, maxima frequentia amplissimorum ac maximorum civium adstante, omni religione una mente omnes liberaverunt. Et Iulius Capitolinus in Macrino. Senatus Macrinum quum scribam pontificum fuisset, quos hodie pontifices minores uocant, pontificem maximum appellavit. Et in antiquis inscriptionibus

T. FLAVIO. T. F. GERMANO
CVRATORI. TRIUMPHI. FELICISSIMI
GERMANICI. SECVNDI. IMP. CAESARIS
DIVI. F. DOMITIANI. AVGVSTI
EXORNATO
SACERDOTI. SPLENDIDISS. PONTIF
MINOR

Item

C. IVNIO. C. F. QVIR
FLAVIANO
LEG. LEG. VII. GEM
PONTIFICI MINORI
CVRATORES. FRUMENTARI

Vniuersus porro pontificum coetus collegium uocabatur, quæ admodum ex Cicerone in oratione ad pontifices, pro domo, et de haruspicum responsis, itemque ex antiquis inscriptionibus liquet. Ceterum ut Dionysius libro secundo, & Cicero in Rul lum scribunt, Pontifices a Numæ temporibus usque ad annum urbis circiter DCL. a collegio pontificum cooptari soliti fuerunt,

runt, non enim comitijs a populo creabantur: quo tempore Cn. Domitius Cn. filius Ahenobarbus tribunus plebis pontificibus offensior, quod alium quam se in locum patris sui Cn. Domitij cooptassent, ius sacerdotum subrogandorum a collegijs ad populum transtulit. Ita Cicero in Rullum, & Tranquil-
lus cap secundo in Nerone. Atque ita pontifices, augures, VII. uiri epulorum, quindecim uiri sacris faciundis, & fetiales, qui prius a suis collegijs subrogabantur, postea lege Domitia tributis comitijs per populum creati sunt. Hanc legem, a Sulla dictatore plebi offensore abrogatam, restituit Cicerone consu-
le T. Labienus tribunus plebis, ut Dio libro XXXVII. au-
ctor est. Postea sub Augusto iterum abrogata Domitia lege, collegiorum primo, deinde Romanorum principum arbitrio pontifices, & reliqui sacerdotes cooptari coepti. Pontificum collegium usque ad Theodosij senioris imperatoris tempora Romae fuit. Quibus, religione Christiana omnia iam obtinen-
te, imperatoribusque antiquae superstitioni aduersantibus, uno edicto sacerdotiorum omnium redditus fisco applicati sunt. Quare postea plane pontifices, augures, & reliqui sacerdotes fieri desierunt, quum redditibus omnibus mulctati essent. Ita Zosimus. Atque haec sunt quae breuiter de pontificibus dicen-
da inueni. Nunc uero ut & de pontifice maximo, quorum se-
riem quanta potui diligentia collegi, uerba faciam, reliquum est. Ut enim erant pontifices maiores minoresque, sic supremus u-
nus summusque omnium pontifex erat, qui maximus diceba-
tur a Numa institutus, quod ut Dionysius tradit, maximarum rerum quae ad sacra & religionem pertinent, iudex esset, & uindex contumaciae priuatorum & magistratuum. De eius creatione sic scribit libro primo Lilius: Minoribus pontifici-
bus creatis: Numa pontificem deinde maximum Numam Mar-
cium. M. F. ex patribus legit, eique sacra omnia exscripta exst-
d 2 gnataque

gnataque attribuit, quibus hostijs, quibus diebus, ad quae templa sacra fierent, atque unde in eos sumptus pecunia erogaretur. Cetera quoque omnia publica priuataque sacra pontificis scitis subiecit, ut esset quo consultum plebs ueniret, ne quid diuini iuris negligendo patrios ritus, peregrinosque asciscendo, turbaretur. Nec caelestes modo caerimonias, sed iusta quoque funebria, placandosque manes, ut idem pontifex edoceret, quaeque prodigia fulminibus, aliove quo uiso missa susciperentur, atque curarentur, ad ea elicienda ex mentibus diuinis, Ioui Elicio aram in Auentino dicauit, deumque consuluit augurijs quae suscipienda essent. Ita Liuius. & Sex. Pompeius: Pontifex maximus iudex atque arbiter rerum diuinarum atque humanarum. Ceterum pontifex maximus ex collegio pontificum creabatur non quidem collegarum cooptatione, ut in ceteris sacerdotijs mos erat, sed populi tributis comitijs, ut ex omni Liuij historia facile intelligi potest. Multo etiam tempore non nisi ex patribus creabatur, donec postremo omnibus honoribus plebi communicatis, pontifex quoque maximus ex plebe primus creatus est Ti. Coruncanius. Postquem multi, tam patricij, quam plebeij pontifices maximi creati fuerunt, usque ad C. Iulium Caesarem. Quo mortuo in eius locum pontificatum maximum per uim inuastit Lepidus. Post cuius mortem id sacerdotium suscepit Augustus, quod Lepido uiuo nunquam, quamquam oblatum, recipere substinuerat, ut Tranquillus tradit. Decens autem uisum est eum qui totius imperij possessionem adeptus esset, ipsum quoque supremam diuinarum rerum auctoritatem, quae hoc sacerdotio comprehendebatur, habere. Quare post Augustum omnes Romani principes, qui sub imperatoris nomine rei Romanae praefuerunt, pontificatum maximum uel susceperunt, uel se pontifices maximos appellari passi sunt; ut Constantinus, Constantius, Valentinianus, Valens, & Gratianus

nus Augusti. Qui Christianae religioni addicti, quanquam a pontificis maximi munere abhorrent, id tamen nomen elogijs suis adscriptum non aspernati sunt, uel reiecerunt. Primus omnium Gratianus imp. edicto proposito (ut Zosimus docet) se pontificem maximum appellari uetuit, atque ita ea sacerdotij dignitas in imperatoribus defecit. Quod quum adeo sublimē maximum, & prae ceteris sacerdotijs celeberrimum esset, ut omnes eius dicto praesto essent, nam ceteri pontifices, flamines, rex, quindecim uiri sacris faciundis, & reliqui omnes sacerdotes sub eius potestate erant, ut ex Liuiο passim intelligitur, statui eorum seriem, quorum memoriam inuenire potuerim, hic quoque breuissime subiicere

Numa Marcius M. F. pontifex maximus primus

*

C. Papirius pontifex maximus

*

Q. Furius Fusus alias

M. Papirius pontifex maximus

*

A. Cornelius Cossus pontifex maximus

*

Sp. Minucius Augurinus pontifex maximus

*

M. Fabius Ambustus pontifex maximus

*

P. Cornelius Scipio Scapula pontifex maximus

*

P. Cornelius Scipio Barbatus pontifex maximus

*

TI. Coruncanius TI. F. TI. N. pont. max. primus e plebe factus
 L. Caecilius L. F. C. N. Metellus pontifex maximus
 L. Cornelius L. F. TI. N. Lentulus Caudinus pontifex max
 P. Licinius P. F. P. N. Crassus Diues pontifex maximus
 C. Scruilius C. F. C. N. Geminus pontifex maximus
 M. Aimilius M. F. M. N. Lepidus pontifex maximus
 P. Cornelius Cn. F. L. N. Scipio Nasica uir optimus pont. m

*

P. Cornelius P. F. P. N. Scipio Nasica Serapio pont. max
 P. Licinius P. F. P. N. Crassus Mucianus pontifex max
 P. Mucius P. F. Q. N. Scaeuula pont. max

*

L. Caecilius L. F. Q. N. Metellus Caluus pont. max

*

Q. Seruilius Q. F. Cn. N. Caepio pont. max

*

Cn. Domitius Cn. F. Cn. N. Ahenobarbus pont. max

Q. Caecilius Q. F. Q. N. Metellus Dalmaticus pont. max

Q. Mucius P. F. Q. N. Scaeuula pont. max

Q. Caecilius Numidici F. L. N. Metellus Pius pont. max

C. Iulius C. F. C. N. Caesar dictator pont. max

M. Aimilius M. F. Q. N. Lepidus pont. max

Imp. Caesar Diui F. C. N. Augustus pont. max

Ti. Iulius Diui Augusti F. Diui N. Caesar Augustus p. max

C. Iulius Germanici F. TI. Augusti N. Diui Augusti pron
 Caesar Augustus Germanicus pont. max

Ti. Claudius Drusi F. TI. N. Caesar Augustus Germanicus
 pontifex maximus

Imp. Nero Claudius Diui Claudii F. Caesar Augustus Ger-
 manicus pont. max

Ser. Sulpicius C. F. Ser. N. Galba Imp. Caesar Augustus p. m
 Imp.

Imp. M. Saluius L. F. M. N. Otho Caesar Augustus pont. max
A. Vitellius L. F. P. N. Germanicus Imp. Augustus pont. max
Imp. Caesar T. Flavius Vespasianus Augustus pont. max

Reliqui deinceps omnes Romani imperatores
pontifices maximi fuerunt

SALII. COLLINI. XII

Salii Agonales, qui a quibusdam Collini, quod eorum sacrarium in Quirinali colle esset, appellati, a Tullo Hostilio rege ex uoto, quod bello Sabino nuncupauerat, instituti sunt. De quibus Dionysius libris II. & III. mentionem facit sic: Committiturque proelium apud urbem Heretum cum Sabinis, in quo multi utrinque caecidere, pugnantibusque eis diu accipiti Marte, intendens manus ad caelum Tullus Hostilius rex uouit deis si uinceret, ea die Sabinos, se Saturno, Rheaeque instituturum publico sumptu ludos, quos agunt adhuc quot annis Romani, quum ex agris fructus omnes perceperint. Vouitque duplicem eorum quos uocant Salios numerum. Sunt hi etiam ex parentibus generosis, armatis saltationibus incedentes ad tibiam certis temporibus, deorumque laudes quasdam patrias canentes. Et M. Varro libro quinto de lingua Latina: In libris Saliorum, quorum cognomen Agonenfium, forsitan hic dies ideo appellatur potius Agonia

De Sallijs Collinis mentio est in uetusta hac
inscriptione

P . COELIO . P . F

SER. BALBINO

V I B V L L I O . P I O

X . VIRO . STLITIB . IVDIC

VI. VIRO . EQVIT . ROMAN

TVRM. EQVIT. TR. MIL. LEG

XXII. PRIMIG. P. F. ADLECTO

INTER. PATRIC. AB. IMP. CAES

TRAIANO . HADRIANO . AVG

SALIO . COLLINO . QVAEST

AVG. FLAMINI. VLPIALI. PR. DE

F I D E I . COMMISS. CoS

DESIGNATO

DECVRIONES. SVA. PECVNIA

DE. XV. VIRIS. SACRIS

FACIVNDIS

Postquam ab incognita anu (quam Sibyllam esse crediderunt) carmina Sibyllina Tarquinio Superbo uendita sunt, ut in libro de ludis saecularibus disserui, rex ipse duos statim sacrorum librorum custodes creauit, ex illustribus ciuibus, seruosque publico sumptu eis statuit. Quorum alterum M. Atilium uisum iniuste agere, nec fidelem esse, et a quodam accusatum tamquam parricidam culeo insutum in mare proiecerit. Quod his uerbis docet Valerius libro primo cap. primo: Tarquinus autem rex M. Atilium duumuirum quod librum secreta ciuiliu sacrorum continentem custodiae suae commissum,

corru-

corruptus Petronio Sabino describendum dedisset, culeo insutum in mare abiecti iussit, idque supplicij genus non multo post parricidis lege irrogatum est. Iustissimum quidem, quia pari uindicta, parentum ac deorum uiolatio expianda est. De duum uiris sacris faciundis frequens mentio est per omnem Liuij historiam ante primum consulem plebeium creatum. libro tertio: Libri per duum uiros sacrorum additi. Et libro quarto. Obsecratio itaque a populo. II. uiris praeestantibus est facta. Et paulo post. Multa, II. uiri ex libris placandae deum irae, auertendaeque a populo pestis causa fecere. Et libro quinto libri Sibyllini ex S. C. additi sunt II. uiri sacris faciundis lecti. sternio tum primum in urbe facto. De his ita libro quarto scribit Dionysius: Post electionem autem regum assumens ciuitas oraculorum patrocinium, uiros etiam illustrissimos custodes eis designauit, qui per omnem uitam eam curam haberent, militia et alijs urbanis muneribus immunes, publiceque apud eos libros deposuit sine quibus non permisit, oracula aspicere Sibyllina. Romani enim nihil ita custodiunt, neque sanctum neque sacrum quemadmodum Sibyllina diuinitus oracula missa. Ea autem adeunt ex S. C. seditione ciuitatem tenente, aut calamitate magna aliqua bello incidente, aut prodigijs aliquibus, et laruis magnis, et cognitu difficillimis ipsis apparentibus, qualia saepe euenire solent. Porro autem anno urbis CCCXXCVIII. lege lata a tribunis plebis C. Licinio et L. Sextio ex II. uiris X. uiri facti sunt, simulque lege cautum, ut pars ex plebe, pars ex patribus fieret. Quam legem decimo sui tribunatus anno illi tribuni plebis pertulerunt. Post quod tempus usque ad L. Sullae Felicis dictaturam fuerunt X. uiri S. F. de quibus toties mentio est apud Liuium. A Sulla uero dictatore XV uiri S. F. facti sunt. Quod hac ratione ostendi potest. Ciceronis aetate erant XV. uiri
sacri

sacris faciundis, qui adhuc erant decemviri eo anno quo Capitolium arsit, paulo ante Sullae dictatoris tempus L. Scipione & C. Norbano cos. anno arbis DCLXXI. Atque post eum annum in sacerdotum collegijs nusquam legitur quicquam esse mutatum, nisi in dictatura Sullae, relinquitur ergo ut haec xv. virorum institutio a Sulla facta esse credatur, praesertim quum aliis sacerdotum collegijs legatur adiecisse aliquot sacerdotes, ut auguribus & pontificibus. Fuisse uero Ciceronis aetate xv. viros ex quarta Caelij ad Ciceronem epistola intelligi potest, in qua ipse ad Ciceronem scribit, P. Dollabelam populi suffragijs factum xv. uirum. Tranquillus quoque in Caesare. Proximo autem senatu percrebuit fama, L. Cottam xv. uirum sententiam dicturum, ut quoniam libris fatalibus contineretur, Parthos nisi a rege non posse uinci, Caesar rex appellaretur. Quod uero decemviri sacrorum adhuc essent eo anno, quo Capitolium crematum est, ex uerbis Dionysii libro quarto intelligitur. Qui ait libros Sibyllinos, qui adhuc a x. uiris seruabantur, incendio Capitolij fuisse crematos, quod anno ante Sullae dictaturam conflagrauit. De xv. uiris ita scribit libro xi. Tacitus: Ludis saecularibus Domitiani intentus affui, sacerdotio xv. uirali praeditus, ac tum praetor, quod non iactantia refero, sed quia collegio xv. uirum antiquitus ea cura, & magistratus potissimum exequiebantur officia caerimoniarum. Et Seruius interpretans illud Virgilij

. lectosque sacrabo

Alma uiros. ait sic :

Primo fuerunt duo librorum Sibyllinorum custodes, inde x. inde xv. usque ad tempora Syllana, post creuit numerus usque ad Lx. Sed remansit xv. uirum uocabulum. Post Sullam idem sacerdotum mansit usque ad Theodosii tempora, quibus cum ceteris ueteris superstitionis sacris abrogatum est. Por

ro autem ex eo epistolae Coelij loco quem citavi, collegi potest, populi suffragiis sacerdotes huius collegij aliquando creatos, idque per legem Domitiam. Nam quod a collegis ante eam legem cooptarentur, passim in Liuij historia legitur, ubi de suffectis in demortuorum locum sacerdotibus loquitur. Horum munus erat, libros Sibyllinos custodire, quum ex S. C. adeundi essent, adire, & quae legissent senatui renuntiare, & ea S. C. decreta procurare, ludos saeculares celebrare, & postremo omnia peragere quae Sibyllinorum carminum iussu facienda erat. De his frequens mentio est in uetustis monumentis sic

HERCVLI . INVICTO
M . CASSIVS
HORTENSIVS
PAVLLINVS . PR . VRB
XV . VIR . SACRIS
FACIENDIS
DONVM . DE DIT

Item

IVNIO . POSTVMIANO . V . C . P . P
DEI . SOLIS . INVICTI . MITHRE
XV . VIRO . S . F . PONTIFICI
DEI . SOLIS . ORDO . SACER
DOTVM . MAGISTRO . SVO
CVRANTE . ET . DEDICANTE
FLAVIO . HERCVLEO . VIRO
RELIGIOSISSIMO

item

AVRELIO. VICTORI
 XV. VIR. SACR. FAC
 LEG. AVGG. PRO. PR
 PROV. PANN. INF
 PATRON. R. P. H. V
 D . D

DE. REGE. SACRORVM. *alias*
 SACRIFICVLO. PRIMO

De huius sacerdotij institutione, & munere ita scribit libro secundo Liuius: Regibus exactis, & parta libertate, rerum deinde diuinarum habita cura, & quia quaedam publica sacra per ipsos reges factitata erant, necubi regum desiderium esset, regem sacrificulum creant, id sacerdotium pontifici subiecere, ne additus nomini honos, aliquid libertati, cuius tunc prima erat cura officeret. Et Dionysius initio libri quinti. Sed quando quidem multorum magnorumque bonorum auctores fuisse reipublicae uisi erant reges, custodire uolentes nomen huius imperij, per omne tempus, donec urbs esset, iussere pontifices & augures unum eligere ex senioribus maxime idoneum, nullius ipsum alterius rei, praeterquam eorum quae ad diuinos cultus pertinent praesidentiam habiturum, & ab omni alio ministerio civili bellicoque liberum, regem sacrorum uocatum. Creatusque est rex sacrificulus primus N. Papius ex patricijs uir quietis studiosus. & cet. Regis porro uxor appellabatur Regina, quae & ipsa aliquot sacra facere solebat de qua Macrobius in libris Saturnalium mentionem facit. Creabatur autem rex sacrorum populi comitijs cēturiatis quemadmodum apud Gellium libro x v. cap. x x v i i refer

refert Laelius Felix. Quam diu autem uetus religio mansit rex sacrorum semper ex patricijs creatus est, ut Cicero pro domo scribit. Mansit autem hoc sacerdotum usque ad Theodosij senioris tempora, quibus cum reliquis sacris abrogatum est

DE SACERDOTIBVS. FOEMINIS
BONAE. DEAE

Bona dea, quam alij Faunam alij Fatuam appellant, terra a plerisque esse creditur, quod infantes partu editi, non prius uocem edunt quam terram attigerint. Bonam uero deam uocant, quod omnium nobis ad uitam bonorum causa est terra. Faunam uero quod omni usui animantium fauet, a qua Fauni agrestes dii quod e terra geniti sint. Dicitur et Ops, quod ipse ope atque auxilio uita constet, et Damia quia ei in operto sacrificabatur, unde et sacerdos eius Damatris appellabatur, et sacrificium quod ei fiebat Damium, a contrario sensu quod minime esset publicum. Haec ab alijs, et Senta uocata est. Hanc Varro scripsit tantae pudicitiae fuisse, ut nemo illam dum uixit praeter uirum suum, mas uiderit, nec nomen eius audierit, propter quod illi in operto mulieres sacrificabant, et Bonam deam nominabant. Haec Romae in Auentino aedem habuit. De cuius sacris a P. Clodio Ciceronis aetate pollutis frequens mentio est apud Ciceronem, et Asconium: qui quum C. Caesaris pontificis maximi uxorem Muciam adamaret, muliebri habitu in operto Bonae deae inuentus est ab Aurelia C. Caesaris matre, quo non nisi mulieribus ingredi fas erat. Vnde Cicero in P. Clodium acerrime inuectus est, quod ausus fuisset ea sacra quae in operto pro salute populi Romani in pontificis maximi aedibus fiebant, sua praesentia pol-

polluere. Huius Deae meminit uetus haec inscriptio, quae Romae in aedibus Gentilis Delphinij extat

ANNIA . P . L . FLORA . EX

TESTAMENTO . BONAI . DEAI

SACRVM

SALVIA . SOROR

LIBERTA

SVA . PECVNIA

FAC . CVRARVNT

DE . GALLIS . ET . ARCHIGALLO . SACERDOTIBVS
DEAE . CYBELIS

Quum secundo Punico bello maxime uigente, ex carminibus Sibyllinis x. uiri sacris faciundis ad senatum rettulissent, hostem pelli Italia, uincique posse, si mater Idaea Pessinunte Romam aduecta esset, statim senatus legatos in Asiam ad regem Attalum misit. Is legatos comiter acceptos Pessinuntem in Phrygiam deduxit, sacrumque ijs lapidem, quem matrem deum incolae esse dicabant tradidit, ac deportari Romam iussit. Qui Romae a uiro optimo Scipione Nasica susceptus, in Aedem Victoriae quae est in Palatio, eum pertulere pridie Idus Aprilis, isque dies festus fuit. Populus frequens dona deae in Palatium tulit, lectisterniumque et ludi fuere, Megalestia appellata. Haec etiam Cybeles, et mater magna, et dea Pessinuntia; eius sacra Orgia: sacerdotes uero Galli appellati sunt. Hi castrati omnes erant. Quod hinc euenisse fama est. Quum dea Cybeles puerum Phrygem formosissimum Attyon nomine suis sacris ea lege praefecisset, ut perpetuo castitatem seruaret, haud longe post Sangaritidem nympham compressit. Quare ab irata dea in furorem actus, quum Dyndi-

ma uenisset, manusque sibi afferre conaretur, miseratione deae furore liberatus a se interficiendo abstinuit, uirilitatem tamen sibi amputauit; & ideo Cybeles castratos sacerdotes habere mauult. Galli autem dicuntur a Gallo Phrygiae flumine cuius aqua qui gustasset reddebatur insani testes uero Samia testa sibi praecidebant. Sex Pompeius: Galli qui uocantur matris magnae comites dicti sunt a flumine cui nomen est Gallo, quia qui ex eo biberint in hoc furere incipiunt, ut se priuent uirilitatis parte. Alij putant ideo eos sibi genitalia incidere, quia uiolauerint nomen patris matrisue ne possint ipsi fieri parentes. Hi quotannis religionis causa hilaribus festis matris deum simulachrum, carpentum, & leones Cybeles quam & deam Berecynthiam uocabant, & cultros Phrygios magna pompa producebant, ad Almonem riuum, ibique ad duorum annuum confluentem, ueteri instituto omnia abluebant, Nam quo primum die ex Asia illuc est aduecta, a sacerdote lota est: isque mos postea per singulos annos est seruatus. Vnde Ouidius quarto *Fastorum*

Est locus in Tiberim, quo lubricus influit Almo

Et nomen magno perdit ab amne minor

Illic purpurea canus cum ueste sacerdos

Almonis dominam, sacraque lauit aqua

Et Lucanus libro primo

Tunc qui fata deum secretaque carmina seruant

Et lotam paruo reuocant Almone Cybelem

Et D. Augustinus cap. quarto libri secundi de ciuitate dei: Oblectabantur (inquit) caelesti uirgini, & Berecynthiae matri deorum omnium, ante cuius lecticam die solemni lauationis, eius talia per publicum concitabantur a nequissimis scaenicis, & cet. De his sacerdotibus sic scribit Dionysius libro secundo: Romani fabulosam omnem reijciunt superstitionem, sicut deae

deae Idaeae sunt sacra, cui quum sacrificia quotannis, & ludos praetores agant Romanis legibus, sacra tamen eius agunt uir & mulier Phryges, hi quae ea per urbem circundant congregantes matronas, ut mos est illis, figurasque annectentes pectoribus, carminaque, pulsantes tympana, decantant, Varias stolas induti, hisque caerimonijs deam Phrygiam colebāt. Et Herodianus libro primo: Veris initio, stato solemnique die pompam matri deum Romani celebrant in ea quae apud quemque sunt diuitiarum praecipua, suppellexque pleraque imperatoria materiae aut artis spectandae, praeferri ante deam solent. Passimque omnibus ludendi licentia permissa, sic ut personas induāt quas cuique libitum, nullamque non magistratum quoque imaginem, prout cuiusque studium representent, sic ut non temere a falsis ueros dignoscas. Quae autem ratio sit cur huic deae tantum honorem Romani habent, non alienum uidetur quantum ex historia accipimus commemorare. Ipsum igitur simulachrum Caelitus ut aiunt demissum, neque qua sit materia, neque a quo fabricatum artifice satis constat, neque plane hominum manibus creditur factum. Hoc igitur caelitus decidisse ferunt in quendam Phrygiae agrum, cui nomen Pessinunte a casu eius simulachri factum putant, ibi enim a principio comparuisse. In hoc Phryges olim Orgia colebant, ad ipsum fluuium Gallum a quo etiam deae sacerdotes cognominantur. Sed ubi res Romana creuit responso accepto mansurum imperium, atque ad summam auctum iri si Pessinuntiam deam ad se transferrent, missi in Phrygiam legati sunt, petitum deae simulachrum; quod facile concessum est, & Romam aduectum. Ita Herodianus

De dea Cybele, eius sacris, & sacerdotibus

Gallis mentio est in uetustis epi-
grammatibus ita

M.D.M.ID.ET. ATTIDIS . MINOTAVRANI

ARAM.II.II.IDVS. MARTI

GRATIANO.IV.E.T. MEROBAVDE . COSS

DEDICAVIT

ANTIQUA.GENEROSAE . DOMO . CVI

REGIA.VESTAE

PONTIFICI.FELIX.SACRATO . MILITAT.

IGNE

IDEM . AVGV . TRIPLICIS . CVLTOR

VENERANDAE.DIANAE

PERSIDICI . QVE.MITHRAE.ANTISTES

BABELONAE.TEMPLI

TAVROBOLIQUE . SIMVL. MAGNI.DVX

MYSTICE.SACRI

item

COSMVS . AEDITVVS . MATRIS . DEV . M

ANTIOCHO . SACERDOTE . ANNIS.XII

EIVS

AB.IMP.AVG. GRATIS.MANVMISSVS.OB....

SV . PRA . SVNT.H-S . N . L.DONATIONIS

CAVSSA

MANCIP *item*

L.VETTIO.SYNTROPHO

RELIGIOSO

A.MATRE.MAGNA.CAPILLATO

VETTIA.AMOR.DE.SVO . FECIT

POSTERIS.QVE.EORVM

e

item

CIVITAS

M . D . M . I . ET . ATINIS
 L . CORNELIVS . SCIPIO . ORFITVS
 V . C . AVGV . TAVROBOLIVM
 SIVE . CRIOBOLIVM . FECIT
 DIE . IIII . KAL . MART
 TVSCO . ET . ANVLLINO . COS

item

C . CAMERIVS
 CRESCENS

ARCHIGALLVS . MATRIS
 DEVM . MAGNAE . IDAEAE . ET
 ATTIS . POPVLI . ROMANI
 VIVVS . SIBI . ET

C . CAMERIO . EVCRATIANO . LIB
 SVO . CETERIS . AVTEM . LIBERTIS . VTRI
 VSQVE . SEXVS . LOCA . SINGVLA
 SEPVLTVRAE . CAVSSA . H . M . H . N . S

DE . VII . VIRIS . EPVLONVM

Vt fere omnes veterum sacerdotes, sic Epulones uario numero fuerunt. Quando enim primum instituti sunt, tres creati sunt ut ait Liuius libro XXXIII. qui ita scribit. Anno urbis DLVIII. L. Furio Purpureone M. Claudio Marcello cos. Romae eo primum anno III. uiri Epulones facti C. Licinius Lucullus, T. Romuleius, qui legem de creandis his tulerat, et P. Porcius Lecca. His triumuiris item ut pontifici lege datum togae praetextae habendae ius. De his III uiris Cicero III. de oratore ita scribit. Sed ut pontifices ueteres propter sacrificiorum multitudinem tres uiros epulones esse uoluerunt, quum essent ipsi a Numa, ut etiam illud ludorum

rum

rum epulare sacrificium facerent, instituti. At posterioribus temporibus septemuiros epulones fuisse ex antiquis ueteribus tum scriptorum tum lapidum monumentis intelligi potest. Antistius enim labeo apud Gellium libro primo cap. XII. ita scribit: Item cuius pater flamen, aut augur, aut XV. uir S. F. aut qui septem uir epulorum, aut salus est. Vt autem Cicero nis aetate eum numerum fuisse credam ex eo colligo, quod Lucanus libro primo huius sacerdotij meminit illo uersu
Septemuirque epulis festus, Titijque sodales
Vt enim rationem temporis habeat Lucanus, necesse est initio belli ciuilis, cuius prodigia illic scribuntur fuisse VII. uiros epulones, at si tempore belli ciuilis inter Caesarem, & Pompeium erant VII. uiri epulorum, nemo autem legatur ad sacerdotum numerum centum & eo amplius annorum spacio adieciisse, praeter Sullam dictatorem, relinquitur ut Sullae instituto VII. uiri epulones esse coeperint, qui ad illud usque tempus fuerant III. uiri, nam non multo tempore ante Sullae dictaturam adhuc triumuiros epulones fuisse ex Ciceronis libro tertio de oratore intelligi potest. L. enim Crassus illic loquitur de triumuiris epulonibus, quem constat paulo ante Sullae dictaturam obijisse. Et Liuius libro XL. III. uirorum epulorum meminit A. Postumio & C. Calpurnio cos. anno urbis DLXXIIII. at post illos consules sacerdotum numerum nusquam legimus auctum, nisi a Sulla dictatore. Quando is augurum, pontificum, & aliorum sacerdotum numerum auxit. Porro autem de eorum munere Cicero in oratione de haruspicum responsis ita loquitur: Ludos minus diligenter factos, pollutosque. Quos ludos? Te appello Lentule, tui sacerdotij sunt tensae, curricula, praecentio, ludi, libationes, epulaeque ludorum publicorum: Vosque pontifices ad quos epulones Iouis optimi maximi, si quod est praetermissum, aut commissum
e 2 sum

sum adferunt, quorum de sententia, eadem renouata celebratur. Ludi sunt minus diligenter facti: quanto aut quo scelere polluti: respondebis et pro te, et pro collegis tuis, et pro collegio pontificum, nihil cuiusquam aut negligentia contemptum, aut scelere esse pollutum. Ex quibus uerbis intelligimus non modo quod esset munus epulorum, sed etiam fuisse eorum quoddam collegium. Et hi ut ceteri sacerdotes a collegis subrogantur ante legem Domitiam, quod ex tota Liuiana historia liquet. Post legem uero Domitiam populi suffragiis is quoque honor mādari coeptus, et c. De VII. uiris epulorum mentio est in antiquis epigrammatibus ita

DIS. MANIBVS

M. SVLPICI. BASSI

AMICI. OPTVMI

L. NONIVS

ASPRENAS

VII. VIR. EPVLON

item

L. CORNELIO. P. F

SVLLAE. COS

VII. VIR. EPVL

CLIENTES

item

L. MVNATIVS. L. F. L. N. L. PRON

PLANCVS. COS. IMP. ITER. VII. VIR

EPVLON. TRIVMPH. EX. ROETIS. AEDEM

SATVRNI

FECIT. DE. MANVBIIS. AGROS. DIVISIT

IN. ITALIA

BENEVENTI. IN. GALLIA. COLONIAS. DEDVXIT

LVGDVNVM. ET. RAVRICAM

DE. II. VIRIS. AEDIS. LOCANDAE
FACIENDAE. DEDICANDAE

Horum frequens mentio est apud Liuium, & praesertim libris VII. & XXII. Quos quamquam sacerdotes necessario non fuisse sciam, eds tamen hoc loco adiunxi, quod qui haec peragerent potissimum ex sacerdotibus legebantur. Nam ubi aedes aliquo casu uota erat, statim qui locarent, facerent, & dedicarent II. uiri populi comitijs tributis, lege Papiria renuntiabantur, quod ex Gellio libro XV. cap. XVII. facile animaduerti potest

DE. III. VIRIS. AEDIBVS. SACRIS
INCENDIO. CONSUMPTIS
RESTITVENDIS. ET. SACRIS.
CONQUIRENDIS. DONISQUE
PERSEQVENDIS

De his Liuius libro XXV. ita scribit: Comititia deinde a praetore urbano de senatus sententia, plebisque scito sunt habita, quibus creati sunt V. uiri muris turribusque reficiendis, et III. uiri bini, uni sacris conquirendis, donisque praesignandis, alteri reficiendis aedibus, Fortunae, & matris Matutae intra portam Carmentalem, sed & Spei extra portam, quae priore anno incendio consumptae fuerant, & cet. Multos praeterea eiusmodi sacros magistratus creatos fuisse didici. De quibus quia neque necessario sacerdotes essent, neque ordinarij erant, nihil

praeterea disserendum esse existimo. Atq; haec sunt omnium sacerdotiorum nomina quae tam apud ueteres scriptores, quam in antiquis epigrammatibus inuenire potui. Nunc de ijs dicendum est, quos non nisi ex uetustis inscriptionibus obseruauimus

DE . PONTIFICIBVS . ET . SACERDOTIBVS
DEORVM . SINGVLORVM

Praeter eos quos supra digessi, multi quoque erant in urbe sacerdotes publici uarijs nominibus appellati, & recentioribus temporibus instituti, quorum memoria in uetustis tantum superest epigrammatibus, ex quibus quanta potui diligentia eos collegi, atque hac ratione hoc loco in antiquitatis studiorum gratiam accurate exscripta subiunxi

M . AVR . AVG . LIB
AGILLO . SEPTEMTRIO
NI . PANTOMIMO . SVI
TEMPORIS . SACERDO
TI . SYNHODI . APOLLINIS . PA
RASITO . ALVMNO . FAVSTINAE
AVG . PRODVCTO . AB . IMP . M
AVREL . COMMODO . ANTONI
NO . PIO . FELICE . AVGVSTO
ORNAMENTIS . DECVRIONAT
DECRETO . ORDINIS . EXORNATO
ET . ALLECTO . INTER . IUVENES
S . P . Q . LANVINVS

item

item

LVNÆ.ET.SOLI.ÆETER
 ET.M.D.M.IDÆÆ.ET
 LIBERO.PATRI.SACRVM
 M.VALERIVS.M.L.SYRVS
 SACERD

VOTO . SVSCEPTO . M . L

item

M . AVRELIO . VICTORI
 C . V

PRÆF.FERIAR
 LATIN . SACERDOTI
 DEI . SOLIS

RELIGIOSISSIMO
 P.OVINIVS . CALIDIANVS
 CONDISCIPVL . PATRONO
 DIGNISSIMO

item

SOLI.ÆTERN O
 SACR

PRO . SAL . P . VALERI
 CRISPI . SEPTENTRION
 SACERD . DEI . INVICTI
 M . ANTONIVS . M . F . LIBER
 MESOPYLVS

ÆEDITVVS . LOC AVIT

item

L . . A V R E L I O
 APOLAVSTO . . MEMPHIO
 AVGG . LIB . HIERONICAE
 CORONATO. ET TON DIAPAN
 TON. APOLLINIS. SACERDOTI
 SOLI . VITTATO. ARCHIEREI
 SYNHODI . ET . AVGG
 L. AVRELIVS . PANICVLVS
 QVI . ET . SABANAS
 PATRONO . OPTIMO

item

DIS. MANIBVS
 L. RABONIO. L. F . OV
 NOVELLIO
 SACERD. DEI . SILVANI
 VIX. ANN. LXV
 RABONIA . IANVARIA
 FILIO . SANCTISSIMO
 FECIT

item

IOVI . IVNONI . HERCVLI
 SACRVM
 CN. DOMITIVS . CN. F. SERE
 NVS. SACERDOS. ISIDIS. ET
 DOMITIA. VXOR. V. S. L. M

item

R O M A N A

442

item

D E O . SOLI . INVICTO
MITHRAE
FL . SEPTIMIUS . ZOSIMUS
V . P . SACERDOS . DEI
BRONTONTIS
ET . AECATE . HOC . SPELEVUM
CONSTITUIT

item

VERATIO . A . F . P A L . SEVERIANO
EQ . ROM . CVR . REIP . TEGIANENSIVM
ADLECTO
IN . ORDINEM . DECVRION . CIVI . AMANTISSIMO
Q VI . C V M . PRIVILEGIO . SACERDOTI
CAENINENSIS
MVNITVS . POTVISSET . AB . HONORIB . ET
MVNERIBVS
FACILE . EXCVSARI . PRAEPOSITO . HONORE
PATRIAE
HONOREM . AEDILITATIS . LAVDABILITER
ADMINISTRAVIT

item

M . AVRELIVS . MENOPHILVS
ORNATVS . IVDICIO . EIVS
EQVO . PVBL . SACERDOS
TVSCVLAN . AEDIL . POLAE
CVM . MENOPHILO . PATRE
LIB . AVG . NN . EX . PROCVRAT
INDVLGENTISSIMO
L . D . D . D

item

item

DIS . MAN
 C . NONI . C . F . VRSI
 SACERDOTIS . CABESIS
 MONTIS . ALBANI
 CVRIONIS
 C . NONIVS . IVSTINVS
 ALVMNO . DVL CISSIMO
 VIX . AN . II . M . XI . D . XIII

Pontifices

L . CALPV RNIO . L . F . PAPIRIA . ASELLIO
 VI . VIR . AVGVSTAL . ET . PONTIFICI . MIN
 DEI . LIBERI . INVICTI

item

T . AELIO . MALCO . LICTORIEQ . PRAETORIAN
 COH . III . PR . QVI . ET . VRB . ITEM . ANTISTITI
 SACERD . TEMPL . MARTIS . CASTROR
 PR
 FECIT . BEN . MERENTI . CONIVGI . DVL . SVO
 ROSCIA . SVCCESSA . CVM . QVO . VIX . AN . XL
 DECESSIT . ANNOR . LXVI

item

item

D I S . S E C V R I T A T I S

Q . V I B I V S . H E R M A

A N T I S T E S

S A N C T I . S I L V A N I

A N N V M . A G E N S

L X X . F E C I T

S I B I . B . M

item

H O N O R I

M E M M I O . V I T R A S I O . O R F I T O . V . C

N O B I L I T A T E . A C T I B V S . Q V E . A D . E X E M

P L V M . P R A E C I P V O . P R A E F E C T O . V R B I

E T . I T E R V M . P R A E F E C T O . V R B I . P R O . C O N

S V L I . A F R I C A E . A C . T E R T I O . S A C R A R V M

C O G N I T I O N V M . I V D I C I . C O M I T I . I N

C O N S I S T O R I O . P R I M I . O R D I N I S . L E

G A T O . S E C V N D O . D I F F I C I L L I M I S . T E M

P O R I B V S . P E T I T V . S E N A T V S . E T . P . R

C O M I T I . O R D I N I S . S E C V N D I . E X P E D I T I O N

B E L L I C A S . G V B E R N A N T I . C O N S V L A R I . S I C I L

P O N T I F I C I . S O L I S . P O N T I F I C I . V E S T A E

X V . V I R O . S . F . C O N S V L I . P R A E T O R I . Q . K . O M

N I B V S . Q . P E R F V N C T O . H O N O R I B V S . I N T R A

A E T A T I S . P R I M O R D I A . O B . P R O V I D E N T I A M

E T . S T A T V M . O P T I M V M . V R B I . R O M A E . A B . E O

R E D D I T V M . C O R P V S . O M N I V M . M A N C I

P V M . S T A T V A M . S V B . A E R E . C O N S T I T V I T

item

CIVITAS

item

COELIAE.PATERNAE
MATRI.SYNAGOGAE
BRIXIANORVM

item

MAMMIAE . C.F

IVSTAE

Q.TVLLIVS.Q. F. HORAT
CINCIVS.PRISCVS

PONTIFEX . SACRARIVS
IVNONIS

QVIRITIS . PATRONVS
MVNICIPI

TESTAMENTO.PONI.IVSSIT

item

DIS . MAGNIS

VLPIVS.EGNATIVS.FAVENTINVS

V.C.AVGVR.P. V. B. P. R. Q

PATER.ET.HIEROCERIX.D.S.M.I

ARCHIBVCOLVS.DEI . LIBERI

HIEROFANTA . HECATAE . SA

CERDOS . ISIDIS . PERCEPTO

TAVROBOLIO.CRIOBOLIOQVE

IDIBVS . AVGVSTIS . DD . NN

VALENTE.AVG.V.ET . VALEN

TINIANO.AVG.CONSS.FELICITER

item

item

Q. COELIO. APOLLINARI
FANATICO . DE . AEDE
BELLONAE . PVLVIN
CVIVS. MONITV . HASTA
IN . AEDE . BELLONAE
IN. LVCO . DICATA . EST
FIRMIA. TYCHE
CONIVGI. SVO. BENEMERENTI
SIBI. POSTERIS. QVE. SVIS
FECIT

item

D I S . M A G N I S

MATRI. DEVM . ET . ATTIDI
SEXTILIVS . AGESILAVS . AEDESIVS
V . C . CAVSSARVM . NON. IGNOBILIS
AFRICANI . TRIBVNALIS . ORATOR
ET . IN . CONSISTORIO . PRINCIPVM
I T E M . MAGISTER . LIBELLORVM
E T . COGNITIONVM . SACRARVM
MAGISTER. EPISTVLARVM . MAGISTER
MEMORIAE. VICARIVS. PRAEFECTVRAE
P E R . HISPANIAS . VICE . S . I . C
PATER. PATRV. DEI . SOLIS . INVICTI
MITRHAЕ . HIEROFANTA . HECATAE
DELLIBERI. ARCHIBVCOLVS. TAVROBOLIO
CRIOBOLIO. QVE IN. AETERNVM. RENATVS
A R A M . SACRAVIT . D D . N N
VALENTE. V . ET. VALENTINIANO. IVN
AVGG. CONSS. IDIBVS. AVGVSTIS

De

DE MINISTRIS SACERDOTVM
POPVLII ROMANI

Vt multa sacerdotum, sic & ministrorum apud ueteres genera erant, ex quibus praecipua, ex antiquis lapidum, & librorum monumentis haec fuisse animaduerti

CAMILLI. ET. CAMILLAE

A Romulo instituti, de quibus Dionysius libro secundo sic scribit: Iis autem quae sine liberis essent gratissimos sibi ex omnibus, permisit eligere ex singulis Curijs, singulos pueros & puellas, & hos quidem ad pubertatem usque sacris ministrare, illas uero quoad essent nubiles, more ex Graecia translato, sacris autem ministrant coronis redimiti, Camillique a Romanis uocantur. & Sex. Pompeius: Camillus puer ingenuus, qui sacris ministraret, dicebatur. Antiqui enim Camillos ministros dicebant

FLAMINII. ET. FLAMINIAE

Flaminius Camillus puer dicebatur ingenuus patrimus & matrimus, qui Flamini Diali ad sacrificia praeministrabat. Antiqui enim ministros Camillos dicebant. Flamini dicebatur sacerdotula, quae flaminicae Diali praeministrabat, eaque patrima & matrima erat, hoc est patrem et matrem adhuc uiuos habebat. ita Sex. Pompeius

AEDITVVS . alias
AEDITVMVS

Gellius libro duodecimo, cap. sexto. Varro (inquit) censet aeditumum dici oportere non aedituum, quod alterum sit recenti nouitate fictum, alterum antiqua origine incorruptum. Sed ipse Varro libro sexto de lingua Latina, contra dicere uidetur, ait enim. Alterum a curando, & tutela, ut quum dicimus bellum tueor, & tueri uelle. A quo etiam quidam dicunt illum, qui curat aedes sacras aedituum, non aeditumum. Item libro septimo: Si ab aede & tuendo aedituus est, cur ab atrio & tuendo non atrituus sit potius quam atriensis. Aeditui meminit uetus haec inscriptio

D . M

T. FLAVIO. AVG. LIB
 LIBERALI. AEDITVO
 MARTIS. VLTORIS
 CLAUDIA. EXOCHE
 CONIVGI
 BENEMERENTI. ET
 SIBI. FECIT
 VIX . AN . LVII

item

COSMVS. AEDITVVS. MATRIS. DEVM
 & cetera

De

De scribis pontificum, A commentarijs XV. virum S.
F. Adiutoribus Haruspicum, & Kalatoribus eiusmodi
epigrammata meminerunt

AGRIÆ. TRIPHOSÆ. VES
TIFICÆ. LIVIVS. THEONÆ. AB
EPISTVLIS. GRÆC. SCRIBA
Æ. LIB. PONTIFICALIBVS
CONIVGI. SANCTISSIMÆ
B.D.S.M

item

TI. CLAVDIVS
MARTIALIS
Æ. LIBRIS
PONTIFICAL

Item

D I S. M A N I B V S
MYRRHINI. DOMITIANI
PVBLCI. Æ. COMMEN
TARIIS. XV. VIR. S. F
ARRVNTIÆ. DOLICHE
FECIT. CONIVGI. CARIS
SIMO. ET. LIBERIS. LIBER
TABVS. QVE. SVIS. POSTERISQ
EORVM

Item

D. M.

CN. IVLI. CN. FIL
 DONATI. PRISCI
 EX. EQVO. PVBLIC
 ADIVTORIS
 HARVSPICVM
 IMPERATORIS
 PONTIFICIS
 ALBANI

Item

Q. CAECILIO
FEROCI

KALATORI. SACERDOTII
 TITIALIVM. FLAVIALIVM
 STVDIOSO. ELOQVENTIAE
 VIXIT. ANNIS. XV
 MENSE. I. DIEBVS. XXIII
 FILIO. OPTIMO. AC
 REVERENTISSIMO
 M. GAVIVS. KARINVS

TIBICINES

Tibicinum Romanorum frequens apud ueteres auctores mentio est. Hi tibias concincentes sacris populi Romani interesse solebant. De his sic scribit M. Varro, lib. iiij. de lingua Latina: Quinquatrus minusculae dictae Iuniae Idus ab similitudine maiorum, quod tibicines tum feriati per urbem uagantur, et conueniunt ad aedem Mineruae. Et Sex. Pompeius:

f Minu-

Minusculae (inquit) quinquatrus appellantur Iduum Iunij, quod is dies festus est tibicinum, qui colunt Mineruam, cuius deae festus est proprie dies quinquatrus mense Martio. Aliter minusculae quinquatrus appellantur Idus Iuniae. Ovidius VI. Fastorum

Etiam quinquatrus iubeor narrare minores
 Nunc ades o coeptis flaua Minerva meis
 Cur uagus incedit tota tibicen in urbe?
 Quid sibi personae, quid toga longa uolunt?
 Sic ego: sic posita Tritonia cusside dixit
 Possem utinam doctae uerba referre deae
 Temporibus ueterum tibicinis usus auorum
 Magnus & in magno semper honore fuit
 Cantabat fanis, cantabat tibia ludis
 Cantabat moestis tibia funeribus
 Dulcis erat mercede labor, tempusque sequutum est
 Quod subito gratae frangeret artis opes
 Adde quod Aedilis pompa qui funeris irent
 Artifices solos iusserat esse decem
 Exilio mutant urbem Tiburque recedunt
 Exilium quodam tempore Tibur erat
 Quaeritur in scaena caua tibia, quaeritur aris
 Ducit suprema naenia nulla choros
 Seruus erat quidam, quantolibet ordine dignus
 Tibure sed longo tempore liber erat
 Rure dapes parat ille suo turbamque canoram
 Conuocat ad festum, conuenit illa dapes
 Nox erat & uino oculique animique natabant
 Quum praecomposito nuntius ore uenit
 Atque ita quid cessas conuiuia soluere dixit
 Auctor uindictae iam uenit esse suae

Nec mora conuiuæ ualido titubantia uino
Membra mouent dubij, stantque labantque pedes

At dominus discedite ait plaustroque morantes

Subtulit in plaustro scirpea lata fuit

Alliciunt sonos tempus, motusque merumque

Potaque se Tibur turba redire putat

Iamque per Esquilias Romanam intrauerat urbem

Et mane in medio plaustra fuere foro

Claudius ut possit specie numeroque senatum

Fallere personis imperat ora tegi

Admiscetque alios, ut tunc tibicina coetum

Augeat in longis uestibus ire iubet

Sic reduces bene posse tegi, ne forte notentur

Contra collegæ iussa redisse sui

Res placuit cultuque nouo licet Idibus uti

Et canere ad ueteres uerba iocosa modos

Haec ubi per docuit, super est mihi discere dixi

Cur sit quinquatrus illa uocata dies

Martius inquit habet tali mea nomina festa

Estque sub inuentis haec quoque turba meis

Prima terrebrato per rara foramina buxo

Vt daret effeci tibia longa sonos

Vox placuit, faciem liquidis referentibus undis

Vidi & uirgineas intumuisse genas

Ars mea non tanti est, ualeas mea tibia dixi

Excipit abiectam cespitem ripa suo

Inuentam satyrus primum miratur & usum

Nescit, & afflatam sensit habere sonum

Et modo dimittit digitos mogo concipit auras

Iamque inter nymphas arte superbus erat

Prouocat & Phoebum, Phoebosuperante pependit

f 2

Caesa

Caesa receſſerunt a cute membra ſua
 Sic tamen inuentrix auctorque ego carminis huius
 Hoc eſt cur noſtros ars colit iſta dies

Liuius libro ix. Eiuſdem (inquit) anni rem dictu paruam
 praeterirem, niſi ad religionē uifa eſſet pertinere: Tibicines pro
 bibiti a proximis cenſoribus erant, in aede Iouis ueſci quod tra
 ditum antiquitus erat. Aegre paſſi Tibur uno agmine abierunt,
 adeo ut nemo in urbe eſſet qui ſacrificijs praecinneret, eius rei
 religio tenuit ſenatum, legatosque Tibur miſerunt, ut darent
 operam, ut hi homines Romanis reſtituerentur. Tiburtini bē
 nigne polliciti, primum accitos eos in curiam hortati ſunt ut
 reuerterentur Romam, poſtquam pelli nequibant, cōſilio haud
 abhorrente ab ingenijs hominum eos aggrediuntur. Diē fe
 ſto alij alias per ſpeciem celebrandarum cantu epularum cauſa
 ſa inuitant, & uino cuius auidum genus eſt, oneratos ſopiunt,
 atque ita in plauſtra uinctos conijciunt, ac Romam deportant,
 nec prius ſenſere quam plauſtris in foro relictis, plenos crapu
 lae eos lux oppreſſit: tunc concurſus populi factus impetrato
 que ut manerent, datum ut triduum quot annis ornati cum cā
 tu, atque hac quae nunc ſolemnis eſt licentia, per urbem uag
 rantur, reſtitutumque in aede ueſcendi ius, ijs qui in ſacris
 praecinerent. Valerius Maximus lib. ij. cap. de inſtitutis anti
 quis: Tibicinum quoque collegium ſolebat in foro uulgi oculoſ
 in ſe cōuertere, quū inter publicas priuataſque ſerias, actio
 nes perſonis teſto capite, uariaque ueſte uelatis concentus edit.
 Inde tracta licentia. Quondam uetiti in aede Iouis ueſci, quod
 priſco more factitauerant, Tibur irati ſe contulerunt, quorū
 miniſterio ſenatus deſerta ſacra non aequo animo ferens, per le
 gatos a Tiburtinis petijt, ut eos gratia ſua Romanis templis
 reſtituerent, quos illi in propoſito perſeuerantes interpoſita
 feſtae epulationis ſimulatione, mero ſomnoque ſopitos plau
 ſtris

stris in urbem deuehentos curauerunt, quibus, & honos pri-
stinus restitutus, & huiusce lusus ius est datum. Personarum
usus pudorem circumuentae temulentiae causam habet. Idem
propemodum in problematibus a Plutarcho refertur. Tibici-
nes quoque sacris publicis interesse consueisse refertur in hac
antiqua, & eleganti inscriptione, quae adhuc extat in hortis
Reuerendß. Carpensß

IMP . . . CAESARI
M.AVRELIO . ANTONINO
PIO . FELICI . AVGVSTO
TIBICINES . ROMANI
QVI . SACRIS
PVBLIC . PRAEST . SVNT

Item.

D I A N A E
L V C I N A E
I N V I C T A E
CN . POMPEIVS
CN . LIB . BARB
VS . PROCVRAT
TVBICIN . ROM
VOTO . SVSCEPTO
L . M

T V B I C I N E S

De Tubicinibus uero sic scribit Sex. Pompeius: Tubicines
ij appellantur qui sacerdotes uiri speciosi publice sacra faciunt
tubarum lustrandarum gratia &c. Qui enim tubis caneant
Tubicines dicebantur.

f 3 PVL.

Pullarius erat, qui caueae pullorum curam agebat, e quorum pastu auguria augures captare solebant; quae quoties offa quae pullis dabatur aliquo modo cadebat in solum, tripudia solistima dicebantur. Solebant autem in auspicijs apud ueteres adhiberi non passim omnes, sed hi tantum qui essent periti. Peritos enim oportebat esse eos qui quid silentium forent intelligerent. Silentium id in auspicijs dicebatur, quod omni uitio careret: rogabat hinc augur an adhuc silentium esset, respondabat statim pullarius silentium sibi esse uideri. Tum ille si aues pascerentur petebat, aut ubi; non quod ad auspicia pertineret utrum pascerentur nec ne pulli, quos pullarius attulisset, sed quia quum pascebantur necesse erat, aliquid ex ore decidere, & terram pauire, ex hoc terripauium primo, post terripudium deinde tripudium est dictum. Quum igitur offa iam ex ore pulli ceciderat, tum auspicanti tripudium solistimum nuntiabatur. Extabat decretum collegij augurum uetus auem omnem tripudium facere posse. Hunc augurandi modum Claudius primo bello Punico, & secundo Flaminius derisere: ille enim pullos in mare mergi iussit, quoniam (inquit) esse nolunt, bibant, & classem amisit; hic, quum tripudio auspicaretur pullarius, diemque committendi proelii propterea differret, ex eo quaesuit, si ne postea quidem pulli pascerentur quid faciendum esset, quum ille quiescendum censeret. Praeclara uero (inquit Flaminius) auspicia, si esurientibus pullis res geri poterit, saturis nihil geretur. Itaque signa conuellit, pugnavit ad Trasimenum, & cum xv. Romanorum millibus ab Hannibale cesus est, Liius libro x. Pullarus auspicium mentiri ausus, tripudium solistimum nuntiaturus consuli. Et Cicero ij. de diuinatione. Attulit in cauea pullos qui ex eo nominatur pullarius. Et in antiqua inscriptione.

M . POMPEIO . M . F . ANI . ASPRO
7 . LEG . XV . APOLLINAR . 7 . COH . III . PR .
PRIMOP . LEG . III . CYREN . PRAEF . CASTR
LEG . XX . VICTR .
ATIMETVS . LIBERTVS . PVLLARIVS
FECIT . ET . SIBI . ET .

P O P A

Popae ministri sacrorum erant . Hi hostias & uictimas ligabant ; & laureati , succintique , atque ad ilia usque nudi , eas ante aras deductas feriebant . Vnde tranquillus in Caligula ; Admoda altaribus uictima succinctus poparum habitu cultrariū mactauit . Et Spartianus in uita Getae : percussit hostiam popae . Et Propertius libro iij .

Succintique calēt ad noua sacra popae

V I C T I M A R I I

Et hi sacerdotum ministri erant , qui uictimas ligabant , & cultrum , aquam , & molam parabant , & reliqua quae sacris erant necessaria . valerius lib . primo . cap . primo : liberos Petilius praetor urbanus ex auctoritate senatus per uictimarios facto igne in conspectu populi cremauit . Liuius lib . x l . Libri in comitio igne a uictimarijs facto in conspectu populi cremati sunt . victor Romae castra uictimariorum fuisse refert

L I C T O R E S . F L . E T . V . V

De lictoribus Flaminum , & virginum uestalium : itemq ; praecijs alias praeclamitatoribus Flaminum abunde supra disputauimus

F R A E F I C A

M . Varro lib . vi . de lingua Latina . Praefica ut Aurelius scribit , mulier ab luctu , quae conduceretur , quae ante domum mortui laudes eius caneret . Hoc factitatum Aristoteles scribit , in libro qui inscribitur nomina Barbarica , quibus

testimonium est quod fretum est Naeuij

Haec quidem hercle opinor praefica est

Nam mortuos collaudat

Claudius scribit : ea quae praeficeretur ancilleis , quemadmodum lamentarentur praefica est dicta ; utrunque ostendit a praefectione , praeficam dictam. Plautus in Truculento

sine uirtute argutum ciuem mihi habeam pro praefica

Sex . Pompeius : Praeficae dicuntur mulieres ad lamentandum mortuum cōductae , quae dant ceteris modum plangendi , quasi in hoc ipsum praefectae. Nonius Marcellus : Praeficae (inquit) dicebantur apud ueteres quae adhiberi solent funeri mercede conductae , ut & flerent , & fortia facta laudarent. Plautus in Friuolaria

Superboque omnes argutando praeficas

Idem in Truculento

Praefica quae alios collaudare se uero non potest

Lucillus XXI I. Mercede quae conductae flent alieno in funere praeficae multo , & capillos scindunt , & clamant magis. Varro in libris de vita populi Romani : Dein naeniam cantoris solat , amat tibias et fides , eorumque ludistricas cursitassent . Haec mulier uocata olim praefica usque ad Punicū bellū.

DESIGNATOR . ET . VESPA . alias VESPILLO

Designatores dicebantur qui constituendae funebri pompae praecerant , unicuique incedendi locum ordinemque praescribentes , ita Sex . Pompeius . Cicero ad Atticum libro iiij. Desertus a suis uix iam decimum designatorem retinet , &c. Vespillones uero cadauerum funeratores erant , ita dicti quod vespertino tempore mortuos efferre solerent : vnde & funera a funatibus dici autumut Donatus , quia noctu efferebātur ob sacrorum celebrationem diurnam. Martialis libro ij

Qui fuerat medicus , nunc est vespillo Diaulus

Hi *vespae* a Sex. Pompeio ita appellantur: *vespae* dicuntur (inquit) qui funerandis corporibus officium gerunt, non a minutis illis uolucris, sed quia uerspertino tempore eos efferrunt, qui funebri pompa propter inopiam duci nequeunt *vespulae*. Ceterum praeficam, designatores, & *uespilliones* inter sacrorum ministros adposui, quod & manes sua sacra haberent, quorum hi potissimum ministri erat. Haec autem sunt, quae de sacerdotijs eorumque ministris, qui apud antiquos fuerint, inuenire in uetustis lapidum & librorum monumentis potui. Quae ut facilius si opus erit memoriter teneri possint, eorum omnium de more epilogum suggeram

EPILOGVS. OMNIVM. SACERDOTIORVM.
POPVLII. ROMANIEORVM.
QVE. MINISTRORVM

I Luperci Panos Lycaei

uel

Inui sacerdotes

Omniū uetustissimi ante urbem conditam ab Euandro Arcade Aboriginum rege solemnī ex Arcadia translato instituti, nouissimi omnium Anastasio Imperatore, & Theoderico Amalo Gothorum Rege in Italia regnante, a S. Gelasio Papa aboliti circiter annum Christi CDXCV. Varro libro iij. de lingua Latina. Dionysius lib. I. Liuius lib. I. Ouidius Fastorum lib. ij. Valerius Maximus lib. ij. cap. I. Plutarchus problema te LXVII. Iustinus lib. XLIII. vetus registrum S. R. E

II Caereris Graeca sacerdos

Quae sine uiro esset ab eodem Euandro creata. Dionysius lib. primo. Saepe Liuius

Potia

III Potitij & Pinarij Herculis sacerdotes

*Ab eodem Euandro facti. Dionysius lib. I. Liuius lib. I. & IX.
Valerius Maximus libro primo, cap. secundo*

IV Reges

*Sacerdotes erant. Dionysius libro secundo, & quinto. Liuius
libro primo, & secundo*

V Fratres Aruales XII

*a Romulo facti. Varro libro quarto de lingua Latina, Plinius
libro decimo octauo, cap. secundo. Gellius libro sexto, cap.
septimo, ex Massurio Sabino. Macrobius libro primo Sa-
turnalium*

VI LX Sacerdotes publici

*Bini ex singulis curijs, quae triginta erant, qui sacris publicis
praeessent, quinquagenario maiores a Romulo rege ordi-
nati. Hi curiarum suffragijs legebantur. Dionysius libro se-
cundo, ex Varrone*

VII Augurum XV collegium

*Hi primo tres tantum fuerunt, singuli ex singulis tribubus,
quae tres erant, Ramnensium, Tatiensium, & Lucerum a
Romulo creati. Deinde a Ser. Tullio rege quattuor (ut exi-
stimo) facti. Postea anno urbis CDLIII. Q. Appuleio
Pansa, M. Valerio Coruo V. cos. rogatione Ogulnia,
quinque e plebe additis ad nouem numerum aucti. Postre-
mo a Sulla dictatore XV instituti. Nouissime a Theodosio
imperatore circa annum Christi CCCXC. sublati. Cice-
ro primo libro de Diuinatione. Dionysius libro secundo.
Liuius libro decimo. Ouidius quarto Fastorum. Valerius li-
bro secundo, cap. primo. Plutarchus problematibus LX-
XI.*

XI.LXXVI.LXXVII.XCIII.XCIX. *Statius Papinius*
libro tertio Thebaidos

VIII Haruspices

A Romulo instituti. Dionysius libro secundo

IX Tribunus celerum

A Romulo institutus, a Numa sacerdos factus. Dionysius libro secundo

X Curiones xxx

Qui totidem curijs praeerant, quorum primus dicebatur

Curio Maximus

Cuius auctoritate ceteri curiones regebantur. Sacerdotium a Romulo constitutum fuit. Dionysius libro secundo. Saepe Liuius. Festus

XI Sodales Titij *alias Titienfes*

Varro libro quarto de lingua Latina, Tacitus libro primo, Lucanus libro primo, & Macrobius libro primo

XII Flamines quindecim

Ex his tres erant, qui maiores & patricij dicebantur, quod semper ex patricijs fuerint, a Numa instituti. Dionysius libro secundo. Liuius libro primo, & alibi saepe. Festus. Plutarchus in Numa, & alibi. Cicero pro domo

Flamen Dialis

Ioui

Flamen Martialis

Marti

Flamen Quirinalis

Romulo

Varro

Varro libris quarto & sexto de lingua Latina. Cicero secundo de legibus. Dionysius libro secundo. Livius libro primo. Plutarchus in Numa, & problematibus, Appianus, Gellius libro decimo, cap. decimoquinto ex Fabio. Pictore, & Massurio Sabino. Festus libro decimotertio. Augustinus de ciuitate Dei libro tertio

Flamines minores qui & plebei XII

Festus libro tertiodecimo

Flamen Volcanalis

Volcano. Varro libro quarto de lingua Latina

Flamen Carmentalis

Carmentae. Cicero in Bruto

Flamen Floralis

Deae Florae. Varro libro sexto de lingua Latina

Flamen Palatualis

Deae Palatuae. Varro libro sexto de lingua Latina

Flamen Falacer

Diuo patri Falacri. Varro libro quarto, & sexto de ling. Lat.

Flamen Furinalis

Deae Furinae. Varro libris III. & VI. de lingua Latina

Flamen Voltornalis

Deo Volturmo. Varro libro quinto de lingua Latina

Flamen Virbialis

Deo Virbio, id est Hippolyto

Flamen Laurentialis

Accae Laurentiae . ex antiquis inscriptionibus

Flamen

Flamen Lauinalis

Flamen Ligularis, *alias*

Lucullaris

ex antiquis inscriptionibus

Flamen Pomonalis

Deae Pomonae, omnium postremus. Festus

Flaminicae quindecim

Festus, Plutarchus, & Gellius

Hoc sacerdotium a Theodosio imperatore sublatum est. Ex historia Theodoriti Cyrensis, & Zosimo

XIII Virgines Vestales V. Cum

Virgine Vestali maxima

Quattuor a Numa rege factae, duae a Ser. Tullio rege additae, & sex factae, a Theodosio imperatore sublatae. Dionysius libro secundo. Livi libro primo. Plutarchus in Numa, Gellius ex Fabio Pictore, commentarijs L. Sullae dictatoris, & Antistio Labeone. Symmachus, Zosimus, Theodorus Cyrensis, Prudentius, & D. Ambrosius

XIIII Salii XII. cum

Magistro collegii Saliorum

Hi semper ex patricijs lecti sunt, a Numa ordinati, Martique sacrati. Dionysius libro secundo. Ovidius tertio Fastorum. Valerius Maximus libro primo, cap. primo. Plutarchus in Numa. Acro in Horat. Servius super VIII. librum Aeneid. Cicero pro domo ad pontifices

XV Virgines Saliares

Sex. Pompeius

xvi Fetialium XX. collegium & Pater Patratus

A Numa instituti. Dionysius libro secundo. Liuius libro primo. Plutarchus in Numa, & Problematibus. Gellius libro decimo sexto, cap. quarto. Seruius super Virgilium libro nono Aeneid. Hi Foederum, pacis, belli, induciarum, oratorum, iudices erant. Cicero libro secundo de legibus. Nonius Marcellus ex libris II. & III. Varronis de uita populi Romani

xvii Collegium pontificum XV

A Numa quattuor primo pontifices instituti sunt omnes patricij, post rogatione Ogulnia, Anno urbis CDLIII. Q. Apuleio Pansa M. Valerio Coruo V. cos. quattuor de plebe additis octo facti, qui maiores dicti sunt. Deinde a Sulla Felice dictatore V I l. praeterea alii qui minores uocabantur, creati, eorumque numerus ad quindecim auctus. Nouissime a Theodosio imp. cum reliquis uetustae superstitionis sacris sublatis. Dionysius libro secundo. Liuius libro decimo, & ex ipso Florus libro XXCIX. Cicero pro domo ad pontifices, & de Haruspicum responsis, Theodoritus Cyrensis, Symmachus in relatione ad Theodosium imp. Horum unus populi Romani suffragiis ceteris praelatus dicebatur

xviii Pontifex maximus

A Numa institutus, a Gratiano Imperatore abolitus, Is omnibus populi Romani sacris praecerat, eius maxima atque adeo in omnes sacerdotes suprema potestas erat. Dionysius libro ij. Liuius lib. I. Plutarchus in Numa, & Zosimus lib. iij.

XIX Salij Agonenfes, alias Collini

A Tullo Hostilio ordinati. Dionysius lib. secundo, & tertio

XX XV Viri Sacris faciundis cum
magistr

Hi primo fuerunt II. uiri a Tarquinio superbo instituti. Qui
librorum sibyllinorum curam gerebant, post anno urbis CCC=
XXCVIII. anno ante primū consulem plebcium creatū lege
Sextia Licinia x. facti, quinque patricij, totidem e plebe, po=
stremo xv. viri a Sulla Dictatore aucti. Dionysius libro iij.
Liuius libro v. Censorinus de die natali, Lactantius lib. primo
Seruius super virgilium.

XXI Rex sacrorum

Alias

Rex Sacrificulus

Cuius vxor

Regina sacrorum

Dicebatur. Macrobius libro primo

Sacerdotium anno primo partae libertatis a populo Ro=
mano institutum L. Bruto, & L. Collatino cos. Anno CCXLV
Dionysius lib. v. Liuius lib. ij. semper ex patricijs creatus Ci=
cero pro Domo

XXII Sacerdotes Bonae deae Feminae

Cicero saepe, & Florus

XXIII Galli sacerdotes deae Cybelis
cum Archigallo

Antiqui lapides. Liuius lib. xxxvi. Ouidius iij. Fastorum.
Festus, Tertullianus in Apologetico D. Augustinus libro. iij.
de ciuitate Dei

Hi

XXIV VII. viri Epulonum

Hi primo iij. viri creati fuerunt anno urbis D LVIII. L.
 Furio Sp. F. Purpureone M. Claudio M. F. Marcello cos. Post
 a Sulla Dictatore VII. facti. Cicero in oratione de haruspicum
 responsis, Livijs lib. xxxij. Valerius Maximus lib. ij. Gellius
 lib. I. cap. xij. ex Antistio Labeone. Augustinus lib. iij. de civi-
 tate Dei

XXV II. Viri aedis locandae

Livius libro vigesimo secundo

XXVI II. Viri aedis faciundae

Livius libro septimo

XXVII II. Viri aedis dedicandae

Livius libro vigesimo secundo

XXIIX III. Viri aedificandis aedibus
 sacris incendio consumptis

Livius libro vigesimo quinto

XXIX III. Viri sacris conquirendis,
 donisque persequendis

Livius libro vigesimo quinto

xxx Sacerdotes deorum singulorum

xxxI Antistites templorum singulorum
 ex vetustis inscriptionibus

ROMANA 465
NOMINA . MINISTRORVM
SACERDOTVM . POPVLI . ROMANI

Camilli

Camillae

Pueri & puellae patrimi & matrimi a Romulo instituti. Dionysius libro primo

Flaminij

Flaminiae

Flaminum flaminicarumque ministri. Festus

Aeditimi

Alias

Aeditui

Varro lib. iiij. de lingua Latina

Scribae publici pontificum

A. Commentarijs xv. virum sacr. fac

Adiutores haruspicum

Kalatores sacerdotiorum

Tibicines qui sacris publicis praesto sūt.

Ex antiquis inscriptionibus

Tubicines

Sex. Pompeius

Pullarij

Cicero ij. de Divinat. Liuius lib. x. Lapides

Popae

Tranq. in Caligula. Spartian. in Geta. Propert. lib. iiij.

Victimarij

Liuius, Victor, Valerius

Lic̃tor flaminius

Festus

Flaminis Dialis praecia

Alias

Praeclamitator

Gellius, Plutarchus, Sex. Pompeius

Lic̃tores vj. virginum vestalium

Tranquillus, Plutarchus, Gellius

Praefica

Sex. Pompeius, Varro, Nonius Marcellus

Designator

Sex. Pompeius, Cicero

Vespa

Alias

Vespillo

Sex. Pompeius

Haec itaque sunt omnium sacerdotiorum, eorundemque ministrorum nomina, quae quanta potui diligentia in uetustis monumentis collegi. Quorum maximam partem Numa rex instituit, uel ante institutam certis quibusdam regulis additis reformauit. Porro autem reliqua Numae instituta omisi, tum quod ex Liuiio, & Dionysio notissima sint: tum etiam quod de ijs abunde in comētarijs fastorum uerba feci. Ceterum ante quam ad ceterorum regum gesta explicanda deueniam rem utilem antiquitatum studiosis me facturum esse arbitratus sum, si tractatum diui ST. Caecilij Cypriani huic de sacerdotijs disputatio-

tationi suggeram, quem ille de Idolorum uanitate scriptum reliquit. In quo idolatriae origo, causae, & incrementa referuntur. Multaque de dijs Romanis, oraculis, delubris, diuinationibus augurijs, & reliquis eiusmodi cognitu dignissima, a sanctiss. uiro explicantur. In quo postremo, & antiquorum superstitio, & Christianae fidei puritas demonstrantur. Res quae ad eorum quae scripsi intelligentiam maxime conducunt, quum eorundem institutionem aperiant

DIVI. ST. CAECILI. CYPRIANI
TRACTATUS. III. DE. IDOLORVM
VANITATE

Quod Idola dij non sint, & quod unus deus sit, & quod credentibus datum sit deos non esse, quos colit uulgus, hinc notum est. Reges olim fuerunt, qui ob regalem memoriam coli apud suos postmodum etiam in morte coeperunt: Inde illis instituta templa: inde ad defunctorum uultus per imaginem detinendos expressa simulacra. Nam & immolabant hostias, & dies festos dando honores celebrabant: Inde posteris facta sunt sacra, quae primitus fuerant assumpta solatia. Nam ut uideamus an stet haec apud singulos ueritas, Melicertes & Leucothea praecipitantur in maria, & fiunt postmodum maris numina. Castor, & Pollux alternis moriuntur, ut uiuant. Aesculapius ut in deum resurgat, fulminatur. Hercules, ut hominem exuat, Oeteis ignibus concrematur. Apollo Admeti pecora paut. Laomedonti muros Neptunus instituit, nec mercedem operis infelix structor accepit. Antrum Iouis in Creta uisitur, & sepulchrum eius ostenditur, & ab eo Saturnum fugatum esse manifestum est: inde Latium de latebra eius nomen accepit. Hic litteras imprimere

hic signare nummos in Italia primus instituit, unde aerarium Saturni uocitatur. Nam & rusticitatis hic cultor fuit, inde ferens falcem pingitur: hunc fugatum hospitio Ianus excepit, de cuius nomine Ianiculum dictum est, & mensis Ianuarius institutus est: ipse bifrons exprimitur, quod in medio constitutus annum incipientem pariter & recedentem spectare uideatur. Mauri uero manifeste reges colunt, nec ullo uelamento hoc nomen obtexunt: Inde pergentes & provincias singulas uaria deorum religio mutatur, dum non unus ab omnibus deus colitur, sed propria cuique maiorum suorum cultura seruatur: hoc ita esse Alexander Magnus insigni uolumine ad matrem suam scribit, metu suae potestatis proditum sibi a pijs hominibus, a sacerdote secretum, quod maiorum regum memoria seruata sit, inde colendi, & sacrificandi ritus inoleuerit. Si autem aliquando dii nati sunt, cur non hodie quoque nascuntur? nisi forte Iuppiter senuit, aut partus in Iunone defecit. Cur uero deos putas pro Romanis posse, quos saepius uideas nihil pro suis aduersus eorum arma ualuisse? Romanorum autem te uernaculos deos nouimus: Est Romulus peierante Proculo deus factus, & Picus, & Tiberinus, & Pilumnus, & Confusus, quem deum fraudis uelut consiliorum deum coli Romulus uoluit, postquam in raptum Sabinarum perfidia peruenit. Deam quoque Clocinam Tatius adinuenit et coluit, Pauorem Hostilius atque Pallorem, mox a nescio quo Febris dedicata, & Acca, & Flora meretrices: hi dii Romani. Ceterum Mars Thracius, et Iuppiter Creticus & Iuno uel Argiua, uel Samia, uel Poena, & Diana Tauarica, & deorum mater Idaea, & Aegyptia portenta non numina, quae utique si quid potestatis habuissent, sua ac suorum regna seruassent. Plane sunt apud Romanos & uicti penates, quos Aeneas profugus aduexit. Est & Venus calua, multo hic turpius calua, quam apud Homerum uulnerata. Regna autem

autem non merito accidunt, sed sorte uariantur. Ceterum imperium ante tenuerunt & Assyrij, & Persae, & Graecos, & Aegyptios regnasse cognouimus. Ita uicibus potestatum Romanis quoque; ut & ceteris imperandi tempus obuenit. Ceterum si ad originem redeas, erubescas. Populus de sceleratis & nocentibus congregatur, & asylo constituto facit numerum impunitas criminum. Nunc ut rex ipse principatum habeat ad crimina, fit Romulus parricida. Atque ut matrimonium faciat, rem concordiae per discordiam auspicatur. Rapiunt, ferrociunt, fallunt ad copiam ciuitatis augendam. Nuptiae sunt illis rupta hospitij foedera, & cum soceris bella crudelia. Est & gradus summis in Romanis honoribus consulatus. Sic consulatum coepisse uidemus ut regnum. Filios interficit Brutus, ut crescat de suffragio sceleris commendatio dignitatis. Non ergo de religionibus sanctis, nec de auspicijs, aut augurijs Romana regna creuerunt, sed acceptum tempus certo fine custodiunt. Ceterum & Regulus auspicia seruauit, & captus est, & Mancinus religionem tenuit, & sub iugum missus est. Pullos edaces habuit Paullus, & tamen apud Cannas caesus est. C. Caesar ne ante brumam in Africam nauigia transmitteret augurijs, & auspicijs retinentibus spreuit, eo facilius, & nauigauit, & uicit. Horum autem omnium ratio est illa quae fallit & decipit, & praestigijs caecantibus ueritatem stultum & prodigum uulgus inducit. Spiritus insynceri & uagi, qui posteaquam terrenis uitijs immersi sunt, & a uigore coelesti terreno contagio recesserunt, non desinunt periti perdere, & deprauati errorem prauitatis infundere: hos & poetae daemones norunt, & Socrates instrui se & regi ad arbitrium daemonij praedicabat, & magis inde est ad perniciofa uel ludicra potentatus, quorum tamen praecipuus Sosthenes formam ueri dei negat conspici posse, et angelos ueros

sedi eius dicit assistere. In quo Plato pari ratione consentit, & unum deum seruans, ceteros angelos uel daemonas. Hermes quoque Trismegistus unum deum loquitur, eumque incomprehensibilem atque inaeestimabilem confitetur. Hi ergo spiritus sub statutis atque imaginibus consecratis dilitescunt. Hi afflatu suo uatum pectora inspirant, extorum fibras animant, auium uolatus gubernant, sortes regunt, oracula efficiunt, falsa ueris semper inuoluunt. Nam & falluntur, & fallunt, uitam turbant, somnos inquietant, irrepentes etiam spiritus corporibus occulta mentis terrent, membra distorquent, ualetudinem frangunt, morbos laceffunt, ut ad cultum sui cogant, ut nido re altarium & rogis pecorum saginati remissis quae constrinxerant, curasse uideantur. Haec est de illis medela, cum ipsorum cessat iniuria, nec aliud his studium est quam a deo homines auocare, & ad superstitionem sui ab intellectu uerae religionis auertere, & cum sint ipsi poenales, quaerere sibi ad poenam comites, quos ad crimen suum fecerunt errore participes. Hi tamen adiurati per Deum uerum nobis statim cedunt & fatentur, & de obsessis corporibus exire coguntur. Videas illos nostra uoce & oratione occulte flagellis cedi, igni torqueri, incremento poenae propagantis extendi, eiulare, gemere, deprecari unde ueniant, & quando discedant, ipsis etiam qui se colunt audientibus confiteri, & uel exiliunt statim, uel euanescent gradatim, prout fides patientis adiuuat, aut gratia curantis aspirat. Hinc uulgus in odium nostri nominis cogunt, ut nos odisse incipiant homines antequam nosse, ne cognitos aut imitari possint, aut damnare non possint. Vnus igitur omnium dominus deus. Neque enim illa sublimitas potest habere consortem, cum sola omnem teneat potestatem. Ad diuinum imperium etiam de terris mutuemur exemplum. Quando unquam regni societas aut cum fide coepit, aut sine

cruore

cruore defuit : Sic Thebanorum germanitas rupta, & perma-
nens rogis dissidentibus etiam in morte discordia, & Roma-
nos geminos unum non capit regnum, quos unum uteri cepit
hospitium. Pompeius & Caesar affines fuerunt, nec tamen
necessitudinis foedus in aemula potestate tenuerunt. Nec hic
tu de homine mireris, cum in hoc omnis natura consentiat.
Rex unus est apibus, & dux unus in gregibus, & in armen-
tis rector unus, multo magis mundi unus est rector, qui uni-
uersa quaecunque sunt uerbo iubet, ratione dispensat, uirtute
consummat. Hic enim uideri non potest, uisu clarior est. Nec
comprehendi, tactu purior est. Nec aestimari, sensu maior
est. Et ideo sic deum digne eum aestimamus, dum inestimabi-
lem dicimus. Quod uero templum habere possit deus, cuius
templum totus est mundus, & cum homo latius maneat intra
unam aediculam, uim tantae maiestatis includat? In nostra de
dicandus est mente, in nostro consecrandus est pectore. Nec
nomen dei quaeras, deus nomen est illi, illic uocabulis opus
est, ubi proprijs appellationum insignibus multitudo dirimen-
da est. Deo qui solus est, dei uocabulum totum est. Ergo unus
est, & ubique totus diffusus est. Nam, & uulgus in multis
deum naturaliter confitetur, cum mens & anima sui auctoris,
& principis admonetur. Dicit frequenter audimus, o deus,
& deus uidet, & deo commendo, & deus mihi reddet, &
quod deus uult, & si deus dederit. Atque est haec summa de-
licti, nolle agnoscere quem ignorare non possis? Quod uero,
& Christus sit, & quomodo per ipsum nobis salus uenerit,
sic est ordo, sic ratio. Iudaeis primum erat apud deum gratia,
sic olim iusti erant, sic maiores eorum religionibus obediebant.
Inde illis, & regni sublimitas floruit, & generis magnitudo
prouenit. Sed illi negligentes disciplinae superbi postmodum
facti, & fiducia patrum inflati, dum diuina praecepta con-

temnunt, datam sibi gratiam perdiderunt. Quam fuerit illis profana uita, quae contracta sit uiolatae religionis offensa, ipsi quoque testantur, qui & si uoce tacent, exitu confitentur. Dispersi & palabundi uagantur soli. Et coeli sui profugi per hospitia aliena iactantur. Necnon deus ante praedixerat fore, ut uergente seculo, & mundi fine iam proximo, ex omni gente & populo & loco cultores sibi eligeret deus multo fideiores, qui indulgentiam de diuinis muneribus haurirent, quam acceptam Iudaei contemptis religionibus perdidissent. Indulgentiae igitur huius & gratiae arbiter & magister sermo & filius dei mittitur, qui per prophetas omnes illuminator & doctor humani generis praedicabatur. Hic est uirtus dei, hic ratio, hic sapientia eius, & gloria, hic in uirginem illabatur, carnem spiritu sancto cooperante induitur. Deus semper cum homine miscetur, hic deus noster, hic CHRISTVS est, qui mediator duorum hominem induit, quem perducatur ad patrem. Quod homo est esse CHRISTVS uoluit, ut & homo possit esse quod CHRISTVS est. Sciebant & Iudaei CHRISTVM esse uenturum. Nam hoc illis semper prophetis monentibus annuntiabatur. Sed significato duplici eius aduentu: unum, qui exercitio & exemplo hominis fungeretur: alterum, qui deum fateretur, non intelligendo primum aduentum, qui in passione praecepsit occultus, unum tantum credunt, qui erit in potestate manifestus. Quod autem hoc Iudaeorum populus intelligere non potuit delictorum meritum fuit. Sic erant sapientiae, & intelligentiae caecitate mulctati, ut qui uita indigni essent, haberent uitam ante oculos, nec uiderent. Itaque cum CHRISTVS secundum a prophetis praedicta, uerbo & uocis imperio daemones de hominibus excuteret, paraliticos restringeret, leprosos purgaret, illuminaret caecos, claudis gressum daret, mortuos rursus animaret, cogeret sibi elementa

elementa famulari, seruire uentos, maria obedire, inferos cedere, unum qui exercitio & exemplo hominis fungeretur, alterum qui dominum fateretur non intelligendo. Iudaei qui illum crediderant hominem tantum de humilitate carnis & corporis existimabant, magnum diligentia potestatis. Hunc magistri eorum atque primores, hoc est, quos & doctrina ille, & sapientia reuincebat, accensa ira, & indignatione prouocata, postremo detentum Pontio Pilato, qui tunc ex parte Romana Syriam procurabat, tradiderunt, crucem eius & mortem suffragijs uiolentis ac pertinacibus flagitantes. Hoc eos facturos & ipse praedixerat, & prophetarum omnium testimonium sic ante praeceperat, oportere illum pati, non ut sentiret mortem, sed ut uinceret: & eum passus esset denuo a superioribus regredi, ut uim diuinae maiestatis ostenderet. Fidem itaque rerum cursus impleuit. Nam & crucifixus, praeuento carnificis officio, spiritum sponte dimisit, & die tertio rursus a mortuis sponte surrexit. Apparuit discipulis suis talis ut ante fuerat, & agnoscendum se uidentibus praebuit, simul uictus, & substantiae corporalis firmitate conspicuus addies quadraginta remoratus est, ut denuo ad praecepta uitalia instrui possent & discerent quae docerent. Tunc in coelum circumfusa nube sublatus est, ut hominem quem dilexit, quem induit, quem a morte protexit, ad patrem uictor imponeret: Iam uenturus e caelo ad poenam diaboli, & censuram generis humani, ultoris uigore & iudicis potestate: per orbem uero discipuli magistro & deo monente diffusi praecepta dei in salutem darent, ab errore tenebrarum ad uiam lucis adducerent: caecos & ignaros ad agnitionem ueritatis ocularent. Ac ne esset probatio minus solida, & de Christo delicata confessio, per tormenta, per cruces, per multa poenarum generatantur. Dolor qui ueritatis testis est admonetur, ut Christus

stus dei filius qui hominibus ad uitam datus creditur, non tantum praeconio uocis, sed & passionis testimonio praedicatur. Hunc igitur comitamur, hunc sequimur, hunc habemus itineris ducem, lucis principem, salutis auctorem, caelum pariter & patrem quaerentibus, & credentibus pollicentem. Quod est Christus erimus Christiani, si Christum fuerimus secuti

Tullus Hostilius rex III

Hic, ut quidam tradidere, primus Romanorum regum sel- lam curulem, lictores, togamque pictam inuenisse dicitur. Albam diruit, Albanosque omnes in urbem recepit, plebem quidem ciuitate donauit, primores Albanorum in patres legit, inter quos nobiles familiae fuere Iulia, alias Tullia, Seruilia, Quinctia, Gegania, Curiatia, Cloelia, Quinctilia, & Atilia. Reliqua huius regis gesta conscripsi supra libro primo, ut in Fastorum commentarijs, & multa praeterea libro tertio de eodem rege afferam. Haec Dionysius, Liuius, & reliqui

Ancus Marcius rex IIII

Ancus Marcius Numae ex filia nepos rex Romanus creatus, sacrorum caerimonias a Numa institutas, & paulatim a- bolitas renouauit. Fines imperij protulit, Salinarum uestigal instituit, carcerem medio foro ad terrorem crescentis audacie primus aedificauit, ius fetiale (ut quidam tradunt) ab Ae- quico acceptum ordinauit, quamquam multi sint, qui hoc institutum Numae tradant. Multa praeterea bella gessit, de quibus libro tertio mentionem faciam. Dionysius, Liuius, Eutropius. & cetera

L. Tarquinius Priscus rex v

L. Tarquinius Priscus Damarati Corinthij exulis filius, quum regnum Romanum post Ancum suscepisset, reipublicae augendae studiosus, centum ex plebe patricios legit, qui auctore Liuiio, patricij minorum gentium dicti sunt. Quamquam omnes ego minorum gentium patricios esse existimem, qui post centum primos a Romulo lectos facti sunt. Senatorum numerum ad CCC. auxit, circum maximum fecit, ludos magnos, siue Romanos instituit, equitum centurias duplicauit, et pleaque alia gessit, quae in commentarijs Fastorum rettuli, libroq; tertio offeram. Ex Dionysio, et Liuiio, et c

Ser. Tullius rex vi

Nullus mea sententia post Romulum salubrior rex urbi fuit, quam Ser. Tullius rex Romae post socerum Tarquinium creatus; qui praeter alia gesta, tribus Romanas prius in urbanas rusticasque diuisit, censum instituit, lustrum condidit, primum comitia centuriata ordinauit, compitalitios ludos fecit, populo annonam, mensuras, et pondera inuenit, aereum nummum percussit, multaque praeterea uel bello, uel pace praecleara gessit, de quibus in commentarijs Fastorum disserui. Ceterum hoc loco de tribus potissimum eius publicis institutis disputare mihi ipsi constitui, quae cognitu non indigna, et huius mei de ciuitate Romana libri praecipuae partes sunt. Erit autem prima de tribubus disputatio, post de censu, deinde de comitijs centuriatis. Quibus institutis magna totius reip. Romanae pars constituta fuit. Atque ante omnia de tribubus Romanis, quas ante instituit primum disputare aggrediar

DE. TRIBVVS. ROMANIS

Inter praeclara regis Ser. Tullij gesta, qui multas res salu-
berrimas tanto futuro imperio providentiſſime instituit, non
poſtremum locum tenet tribuum urbanarum, ruſticarumque
diſtinctio, quam ab illo primum factā fuiſſe omnes ueteres ſcri-
ptores profitentur. Quum autem tribuum cognitio, res ut u-
tilis & neceſſaria, ita difficilis & obſcura haecenus fuerit, mi-
hi ipſi conſtitui, hoc loco, quo Ser. Tullij gesta ſcribere aggreſ-
ſus ſum, de eiſdem diſſerere, atque quantum rei difficultas per-
mittet, obſcura quaeque explanare, uerumque XXXV. tri-
uum numerum, & nomina, atque quid de eis quae ſuperfluae
uidentur, ſentiendum ſit, aperire. Cuius rei tractationem, quo
diſtinctius intelligi poſſit a Romulo paulo altius repetam. Nam
is primus tribus tres conſtituit

DE. PRIMIS . TRIBVS. ROMVLI
TRIBVVS

Urbem Romam & agrum in tres partes, quas etiam tri-
bus appellauit, & XXX. curias, primus Romulus diuiſit,
ut M. Varro libro quarto de lingua Latina, & alij ueteres ſcri-
ptores tradunt: Ager Romanus (inquit Varro) primū diuiſus
in partes tres, a quo tribus appellatae Tatientiū, Ramnum, Lu-
cerū; nominatae (ut ait Ennius) Tatienses a Tatio, Ramneſes a
Romulo, Luceres (ut ait Iunius) a Lucumone, ſed omnia haec
uocabula Tuſca, ut Volumnius qui tragoedias Tuſcas ſcripſit,
dicebat. Dionyſius libro ſecundo. Diuiſa in tres partes om-
ni multitudine ſingulis partibus praefectum conſtituit eum,
quem illuſtriſſimum ac nobiliſſimum cenſebat. Tum ſingulas
trium

trium partium rursus in decem partes distribuit, totidemq; singulis praefectos dedit, qui essent fortissimi, ac maiores quidem partes tribus, minores curias appellauit, ut etiam ad nostram usque aetatem uocantur. Qui tribubus tribuni, qui curijs praerant, curiones uocati: diuisaeque sunt rursus curiae in decurias, uocabaturque singularum praefectus decurio. Postquam autem hoc modo omnes in tribus, & curias descripti sunt, agrum urbanum omnem in triginta aequales partes distribuit, ac singulis curijs suam partem attribuit. Liuius libro decimo. Quum inter augures constet imparem numerum debere esse, ut tres antiquae tribus, Ramnenses, Tatienses, Luceres, suumqueq; augurē habebat. Pedianus oratione III. in Verrē. Tribus principio tres fuerūt Tatiēsis una a Tatio rege, Ramnēsis altera a Romulo, Luceres altera a Lucumone, siue Lucretino, siue a luco, quem lucum asylum uocauerat Romulus. Obtinuerunt autem nomen, aut a tributo dando, aut quia primo tres fuerūt, unde etiam tribuni dicti. Plutarchus in Romulo: Eodem tempore in tres tribus tota ciuitas diuisa, Ramnenses a Romulo, a Tatio Tatienses appellatas, tertiae tribus homines Luceres dicti, a luco Asyli in quem multi fuga delati, ciuitate donati sunt. Tribus autem tres ipsas fuisse numero nomen ipsum indicat. Quibus qui praeerant tribunos uocabant. Singula autem tribus decem continebat curias. Pomponius I. II. II. Dicti tribuni quod olim in tres partes populus diuisus erat, & ex singulis singuli creabantur, uel quia tribuum suffragio creabantur. Et Propertius libro quarto, Eleg. I

Prima Galeritus posuit praetoria Lygmon

Magnaue pars Tatio rerum erat inter omnes

Hinc Tities, Ramnesque uiri, Luceresque coloni

Quattuor hinc albos Romulus egit equos

Et Sex. Pompeius: Titienſis tribus a praenomine T. Tatiſ regis

gis appellata uidetur. Peditani & Plutarchi sententiam de Lucerum appellatione, qui Luceres a luco asyli dictos fuisse scribunt, maxime probo, ueram enim eam esse existimo. Nam hi, qui cum Romulo primo urbem condiderunt, ut pastores, Albani, aliquot Graecanici generis, qui tum Palatium & Capitolium habitabant, Ramnenses a Romulo nominati fuerunt, qui Palatium, & montem Coelum post conditam urbem coluerunt. Tatienses autem fuerunt Sabini & quotquot ab ea regione, uel cum T. Tatio, uel postea uenerunt, hi Capitolium & Quirinalem coluerunt. Ceteri aduentitij, ut Etrusci & Latini, & perfugae omnes qui ad Asylum confugerant, Luceres a luco Asyli denominati sunt. Hi loca inter Palatium & Capitolium plana, atque circum forum tenuere. Et quamquam auctores habeam, qui tertiam tribum Lucerum, a Lucumone Etrusco, qui Romulo bello laboranti contra Sabinos praesto fuit, dictam uelint, quemadmodum Coelum montem ab altero Tuscorum duce Vibenna Coelio appellatum fuisse scribunt, magis tamen Plutarchi & Peditani sententiam adducor, ut probem, quod Lucerum a luco appellatio longe amplior sit, atque plus comprehendat, quam a Lucumone deriuata. Liuius libro primo. Has tribus centurias equitum uocat, quod ex singulis ijs tribubus centum equites scripti essent. Eodem (inquit) tempore & centuriae tres equitum conscriptae sunt, Ramnenses a Romulo, ab T. Tatio Tatienses appellati, Lucerum nominis & originis causa incerta. Sex. Pompeius: Turmam equitum dictam esse ait Curiatius, quasi terimam, quod ter deni equites ex tribus tribubus, Tatiensium, Ramnum, Lucerum fiebant. Itaque primi singularum decuriarum decuriones dicti, qui ex eo in singulis turmis sunt, etiam nunc terni. Et M. Varro libro quarto. Tribuni militum dicti, quod terni tribus tribubus Ramnensium, Lucerum, Tatiensium olim ad exercitum mitte-

bantur. Porro autem hae tribus tres usque ad Tarquinij (ut opinor) Prisci tempora permanserunt . Nam quum sub Tullo Hostilio Albani in Ramnensium tribum adscripti, ceterique omnes populi, qui sub regibus Romam uenerunt ad habitandū, praeter Sabinos Lucerum tribui inclusi fuissent, urbeque multum aucta, hae tres tribus non sufficerent, L. Tarquinius Priscus sub iisdem quibus inauguratae erant nominibus eas duplicauit, primosque & secundos Tatienses, Ramnenses, & Luceres constituit, quod idem etiam de equitum centurijs Liuius & Dionysio auctoribus fecit. Cuius rei ita meminit Sex. Pompeius: Sex. Vestae sacerdotes constitutae erant, ut populus pro sua quisque parte haberet ministrum sacrorum, quia ciuitas Romana in sex erat distributa partes, in primos secundosque Tatienses, Ramnes, & Luceres. Et Liuius libro primo. Neque tum Tarquinius de equitum centurijs quicquam mutauit numero tantum alterum adiecit, ut mille octingenti equites in tribus centurijs essent, posteriores modo sub iisdem nominibus, qui additi erant appellati sunt, quas nunc quia geminatae sunt, sex uocant centurias. Ita autem hae tribus fuerunt, usque ad Ser. Tullium

D E . TRIBVBVS . S E R V I
TVLLI . REGIS

Lucerum multitudine crescente, quum ea una aduentio-
rum tribus mirum in modum aucta esset, ita ut ea sola reliquas
duas longe superaret, aucta quoque ciuitate, quum urbis moe-
nia septem montibus occupatis, ampliata fuissent, Ser. Tullius
rex urbem denuo in quattuor, agrum uero Romanum in quin-
decim, uel ut alijs placet XVII. partes, quas Romuli exem-
plo tribus appellauit, diuist. Ex quibus quattuor quae intra

ur-

urbem erant urbanas, reliquas uero quae in agro rusticas appellauit. Tribus autem urbanas quattuor, non ut Romulus ab auctore, uel gentis origine, siue castibus, sed a locis quos colebant Seruius nominauit. In primam enim tribum uel regionem coniecit omnes, qui montem Coelium, et finitima loca plana habitarent orientem uersus, quam Suburanam appellauit, quod esset sub antiqua urbe, uel a pago Sucusano, ut scribit Varro. Secunda regio uel tribus dicta est Esquilina, haec Esquilias continebat, tertia regio duos colles comprehendebat Quirinalem, & Viminalem a quibus Collina appellata: quarta regio sola complectebatur fere totum id spatium, quod antiquae tres sub Romulo: continebat enim Palatium, forum & Capitolium, dictaque Palatina a Palatio ipso tanquam primo colle, in quo urbs condita esset. Ab his igitur regionibus tribus quoque quattuor urbanae appellatae sunt. M. Varro: Ab hoc quoque (inquit) quattuor partes urbis tribus dictae: & ab locis, Suburana, Esquilina, Collina, Palatina. Sex. Pompeius: urbanas tribus appellabant, in quas urbs erat dispartita a Ser. Tulio rege. i. Suburana, Palatina, Esquilina, Collina. Et Liuius lib. primo: Quadrifariam urbe diuisa ab Ser. Tullio, quae habitabantur partes tribus eas appellauit. Et Dionysius lib. iij. Ser. igitur Tullius ubi muro septem colles complexus est, in quattuor partes urbem diuisit, & cognomina cuique parti imposuit ex collibus. Vnam quidem uocans Palatinam, aliam Suburanam, tertiam Collinam, & quartam Esquilinam, quattuorque tribuum fecit urbem, quae eo usque fuerat trium, neque amplius tres tribus generis siue originis, ut antea, sed quattuor a locis a se designatis dictas, esse uoluit, creauitque partibus singulis principes tribuum siue uicorum praefectos, quos scire iussit ubi quisque habitaret, statuitque homines, qui in unamquamque partem abituri essent, tanquam eius loci incolas

in nullam aliam transferri posse habitationem, nulloque alio loco, uel tribu, nomina in militia darent, uel tributum penderent, quā in ea in qua coniecti & descripti fuerāt tribu. Hae autem sunt caussae, & origo quattuor primarum tribuum, quas quod intra urbem essent, urbanas appellauit. Quo tempore, alius factus est tribuum, alius uero curiarum ordo, nā tribus locis, curiae uero quibusdam sacris tantum conueniebant. Subsequenti tempore nobiles omnes qui in tribus urbanas coniecti fuerant a Ser. Tullio rege, paulatim in rusticas se se transtulerunt, atq; urbanae tribus humiles admodum et nō nisi tenuiorum hominum esse coeperunt, sed haec latius paulo post. Expeditis quae ad tribus urbanas in uniuersum pertinent, nunc de ijs singillatim est modo disputandum

PRIMA. TRIBVS. SVBVRANA

Intē quattuor tribus vrbanas in quas Ser. Tullius rex urbem diuifit, M. Varro primam enumerat Suburanam a Subura appellatam, sic: Reliqua vrbis loca olim discreta, ut Argaeorum sacraria, in septem et uiginti partes urbis sunt disposita: e queis prima est scripta regio Suburana, secunda Esquilina, tertia Collina, quarta Palatina. Et Paulo post: Eiusdem regioni attributa Subura, quod sub muro terreo Carinarum esset; uel ut Iunius scripsit, ab eo, quod fuerit sub antiqua vrbe, cui testimonium potest esse, quod subest ei loco, qui terreus murus uocatur: sed ego a pago potius Sucusano dictā puto Sucusam. Nunc scribitur tertia littera B. non C. Pagus sucusanus quod succurit Carineis. Ita Varro lib. iij. de lingua Latina. Sex. Pompeius: Suburam Verrius alio libro a pago Sucusano dictam ait. Hoc uero maxime probat eorum auctoritatem, qui aiunt ita appellatam, & regionem vrbis & tribum

b bum

bum a stativo praesidio, quod solitum sit succurrere Esquilijs
infestantibus eam partem vrbis Gabinis, indicioque esse, quod
adhuc ea tribus per C. litteram, non B. scribatur. Quintilia-
nus quoque lib. primo cap. xyij. Subura cum tribus notatur C.
tertiam ostēdit. Haec (ut dixi) Coelium montē et circumadiacen-
tia loca complectebatur. Huius tribus in antiquis inscriptioni-
bus ita mentio est

Romae ante arcum Septimij Seueri Aug

PACI . AETERNAE
DOMVS

IMP . VESPASIANI
CAESARIS . AVG

LIBERORVM . QVE . EIVS . SACRVM
TRIB . SVC . IVNIOR

Lauiij

C . ATTIO . T . F . SVB
VITALIANO

DOMO . CELEAE
VETERANO . . . LEG . V

AVG . MILITAVIT . ANN

XXXVIII . VIX . AN . LVIII

IN . FR . P . XI . IN . AGR . P . XVI

Romae in musaeo Card. Carpenfis

L . AVFVSTI . L . F . SVBVRA . RVFINI . CEN

COHOR . VII . VIGIL . ROM . CANDIDAT

TI . CAESARIS . ET . AVFVSTIAE . SVPERANTIAE

ET . AVFVSTI . ET . AVFVSTIAE . GEMEL . OLL . III

L . AVFVSTIVS . L . F . SVB . FVSCVLVS . MAIOR

L . AVFVSTIVS . L . F . PALATINA . SERENVS . M

EX . CAVSSA . LEG . FACIVN . CVR

TRI-

TRIBVS . II . ESQVILINA

Inter vrbanas secunda tribus scribitur a Varrone Esquilina, quod in Esquilino monte esset, appellata. De Esquilis uero satis supra dixi. De hac tribu hoc extat epigramma Romae in aedibus Gentilis Delphiniij Romanarum antiquitatum asyli

DIS . MANIB

M. FABI. M. F. ESQ. REGILLI. ET. FABIAE....

FABIA. M. ET. J. LIB. ARETE. ARCHIM.....

TEMPORIS. SVI. PRIMA. DIVRNA. FEC.....

SIBI. ET. SVIS. QVIBVS. LEGAVIT. TESTA.....

TRIBVS . III . COLLINA

Tertia tribus Collina, ut tradit Varro, a collibus Quirinali & viminali in quibus sita erat, appellata est. De qua Iosephus lib. xiiij. cap. xvij. sic meminit. L. Coponius L. F. Collina. Huius quoque tribus in antiquis inscriptionibus mentio est ita

Romae in Auentino in coenobio S. Alexij

C. VETTIO . C. F

COL . NIGRO

DOMO . ANTIOCHIA

SYRIA

VETERANO . LEG. XII

FVLMINAT

MILIT . ANN . XXVI

VIXIT . ANN . LVII

EX. TESTAMENTO

b 2 Aux

CIVITAS

Auximi

Q. PLOTIO . MAXIM
COLLINTREBELLIO . PELIDIANO
EQ. PVB

TRIB. LEG. II. TRAIAN. FORT

TRIB. COH. XXXII. VOLVNT

TRIB. LEG. VI. VICTRIC
PROC. AVG

PROMAGIST. XX. HERED

PRAEF. VEHICVLOR

QQ. PATR. COL. ET. SVO. PONT

COL. FABR. AVXIM. OB

EXIMIVM. INTER. MVNICIP
SVOS . AMOREM

L. D. D. D

Tibure

Q. HORTENSIO

Q. F. COL

ADVOCATO . FIS

CI. PRAEF. FABR

PATRONO. MVNICIPI

COLLEGIVM. FABRVM

TIBVRTIVM . OB

MERITA

L. D. S. C

TRIBVS. III. PALATINA

*Inter vrbanas quarta fuit tribus Palatina auctore Var-
rone, a Palatino monte denominata, quem cum foro & Ca-
pitolio*

pitolio obtinebat. De qua sic Cicero scribit oratione iij. in Verrem: C. Claudius C. F. Palatina. Et Asconius eo loco sic: Alibi ait L. Claudium Palatina. Infinita propemodum sunt vetusta monumenta quae huius tribus mentionem faciunt, in quibus PAL. PALAT. PALATIN. PALATINA, PALATEINA appellatur, quorum praecipua haec sunt

Anagninae

L. COMINIO. L. F. L. N. PAL
FIRMO. PR. Q. AER. ET. ALIM
OPPIAE. SEX. ET. J. LEVNONEAE

EXEMPLVM. PERIIT. CASTAE. LVGETE. PVELLAE
OPPIA. IAM. NON. EST. BREPTA. EST. OPPIA. FIRMO
ACCIPITE. HANC. ANIMAM. NVMEROQVE. AVGETE. SACRO
ARRIA. ROMANO. ET. TV. GRATO. LAODAMIA (RVM
HVNC. TITVLVM. MERITIS. SERVAT. TIBI. FORMA. SVPER-
SIBI. SVIS. POSTERIS. QVE. EORVM (STAS

Romae via Latina

T. AVRELIO. T. F. PAL

VERO

M O P S V E S T I A

MIL. COH. VIII. PR

T. AVREL. T. F. PAL

P O M P O N I V S

V A L E R I A N V S

FRATRI. OPTIMO. POS

Beneuenti ante carceres

M. GAVIVS. M. F. PALAT

SABINVS. SCRIBA. AEDIL

I. D. PRAEF. FAB

SIBI. ET

NASENNIAE. M. F

IYSTAE. VXORI. B. M

b s

Romae

C I V I T A S

Romae in hortulis Colotianis

FORTVNAE . AVG

L.LICINIUS.L.F.PALA

TINA . SABINVS

VOT. DD

XIII . KAL . FEBR

M.IVNIO.SILANO.ET

L . NORBANO . COS

Haec itaq; sunt quattuor urbanae tribus, in quas quanquam ab initio nobiles omnes coniecti fuissent, paulatim tamen postea subduxerunt, et in rusticas relati sunt, quum forensi turbae, & tenuioris fortunae hominibus urbanas reliquissent. Vnde Plinius libro xvij. cap. iij. ita scripsit: Rusticae tribus laudatissimae, eorum qui rura haberent; urbanae uero in quas transferri ignominiae esset, desidiaeprobro. Itaque quattuor solae erant a partibus urbis in quibus habitabant: Suburana, Palatina, Collina, Esquilina. Liuius lib. ix. Q. Fabius censor ne humillimorum in manu comitia essent, omnem forenses turbam excretam, in quattuor tribus coniecit, urbanaeque eas appellauit, Maximi cognomen adeptus est. Florus ex Liuius in epitoma libri xx. Libertini in quattuor tribus redacti sunt quum antea dispersi fuissent, Esquilinam, Palatinam, Suburanam, & Collinam. Asconius in Oratione pro Milone: Libertini (inquit) in urbanis tribubus suffragium ferebant. Quae praecipua causa fuit, ut nobiles se ex urbanis subduxerint, et in rusticas, quae horum hominum colluue carebant, transferint

DE . TRIBVBVS . RVSTICIS

De tribuum rusticarum numero a Ser. Tullio instituto parum inter uetustissimos auctores conuenit. Fabius enim Pictor

tra

tradidit, agrum Romanum in sex & uiginti partes, quas tribus appellauit; Ser. Tullium diuississe; quibus quum quattuor urbanas addidisset omnium numerum ad xxx. auxit. Venonius uero agrum omnem in unam & xxx. tribus ab eodem rege diuisum scripsit; ita ut quattuor urbanis additis quinque et triginta tribuum numerum qui posterioribus temporibus fuit, ipse expleuerit. Cato autem longe omnium diligentissimus certum earundem numerum non edidit. Dionysius xvij. rusticas, & quattuor urbanas ab ipso rege factas fuisse innuere uidetur qui ubi iudicium Coriolani describit, unius & uiginti tribuum numerum tantum tunc fuisse rettulit. Liuius uero haud longe post reges exactos. Ap. Claudio & P. Serulio cos. tribuum xxi. numerum factum tradit, ut xv. rusticis a Ser. Tullio institutis, tū duae sortae additae sint atq; xvij. factae. Quibus si quattuor urbanas addiderimus, omnes erunt xxi. Catonis in primis, post Dionysii sententiam sequentium xliij. tribuum adiunctio, quae a T. Liuiο accurate refertur confirmare uidentur: praesertim quū Dionysius adeo rerum Romanarū scriptor diligens nullam xxi. tribuum explectionis mentionem faciat post reges exactos, eas tantum Coriolani iudicio xxi. fuisse scripsit. Haec omnia ut Dionysij, Catonis, & forte Liuij sententias confirmant, ita Pictoris & Venonij refellunt. Pictor quidem multa praeterea scripsisse traditur a uero haud parum abhorrentia, & a Polybio saepe negligentiae reprehenditur. Venonij uero opinionem omnino falsam fuisse non est quod demonstrum: quum liquido constet, quibus temporibus xliij. tribus antiquis xxi. singillatim additae fuerint. Quā ob rem ego in tāta auctorum diuersitate Dionysium in primis, & a quo parū abhorrire Liuius uidetur, sequar, atque a Ser. Tullio xxi. tribus factas fuisse credam. Nam quod post reges exactos ad xxi. auctae fuerint, quum id a Dionysio pretereatur, a Liuiο uero

ita concise & obscure tradatur, ut ne earundem quidem, ut eius consuetudo est, nomina afferat, non suscipiam. Hanc eãdem sententiam accuratiores alia ratione paulo infra confirmabo. quum de xiiij. quae ueteribus xxi. additae fuerunt uerba faciam. Superest igitur ut a Ser. Tullio septemdecim rusticas tribus, & quattuor urbanas factas fuisse dicamus, atque ab eo xxi. numerum auctum. Suggestit lib. iij. Dionysius. Tullius igitur quum in totidem partes agrum omnem Romanum diuississet, qui eo tempore ab oriente agris Gabino, & Tiburtino, ab occidente uero, & Septentrione paulo ultra Tiberim, & Anienem, a meridie autem mari terminabatur, neque ab ulla parte plusquam xvij. millia passuum se extendebat, prope montes; rupes, specus, & perfugia collinis securitatem allatura praeparauit, quae pagos appellauit, quò se ex agris omnes recipiebant, quum hostium incursiones fierent, atque in eis saepe pernoctabant. Erant quoque & pagorum magistri quibus nomina colonorum scire curae erat, qui eidem pago attributi erant, atque in eius iurisdictione praedia haberent: & quum opus esset rusticos ad arma uocari, aut uiritim tributa redimi, hi & homines adducebant, & pecunias exigere soliti erant. Ac ne eorum multitudo difficilis inuentu esset, sed facile numerari & cognosci posset, aras eos erigere iussit dijs pagi inspectoribus & tutelaribus, quos hostijs publicis magistròs pagi cū omni paganorū multitudine singulis annis honorare constituit, & hoc solemne inter cetera admodum honorabile instituit, quae Paganalia uocantur. Ac leges eorundem sacrificiorum edidit, quas adhuc Romani obseruant. Iussit autem omnes qui conuentui & sacris Paganalibus interessent, ut per capita singula nummum soluerent, alium quidem uiros, alium feminas, alium impuberes, ex quibus a pagi magistris numeratis, cuius uis sexus & aetatis numerus manifestus erat.

Hacc

Haec autē sunt quae de tribubus rusticis uniuersali quadam ratione inueni, nunc eas singulas describendas aggrediar

TRIBVS.V.ROMILIA

Tribus omnes rusticae, quemadmodum & urbanae, initio a locis in quibus collocatae fuerant nomina acceperunt, nam quod a familijs quaedam earum nomina habeant, id non sub Ser. Tullio sed postea factum est, ut ex Liuiο demonstrabo. Quod autem a locis rusticae tribus initio nomē habuerint his uerbis indicat M. Varro libro iij. de lingua Latina. Ab hoc quoque quattuor partes vrbis tribus dictae: & ab locis Suburana, Esquilina, Collina, Palatina. Quinta quod sub Roma Romilia. Sic reliquae extra ab ijs rebus, de quibus in tribuum libris scripsi. Ex quibus uerbis, colligimus, & tribus a locis dictas fuisse, & tribum Romiliam, quam quintam appellat, quod sub Roma esset, uocatam. Hanc autē eam agri Romani partem obtinuisse crediderim, quae in Tuscia prope vrbis moenia inchoans, secundum flumen, usque ad maris Ostia transiberim, extendebatur. Quod ex Sex. Pompeio intelligitur, qui de hac tribu sic meminit: Romilia tribus dicta quod ex eo agro censebantur, quem Romulus ceperat ex Veientibus. Eum porro agrum quem Romulus de veientibus cepit, transiberim in Tuscia fuisse, atque ea parte a Ianiculo uel uaticano usq; ad mare se extendisse referunt Dionysius, & Strabo. Cicero Oratione ij. in Verrem. Fortem amicum ex eadem familia Q. Verrem Romilia. Asconius ibidem: Romilia nomē est tribus ablatiui casus, ut sit ex Romilia. Cicero in Rullum: A Romilia tribu se initium facturum, populi pars amputetur ordo tamen negligatur, ante rusticis detur ager qui habent, quam vrbis. De hac tribu octo uetusta uidi epigrammata, quorum unum est hoc uia Gabina inuentum

DIS. MANIBVS

M . AVRELIO . M . F . ROM
VETVRIO

AVG . N . CARTOPHILA
AVRELIA . PROCVLA
VXOR . ET

AVRELIA . PROCVLINA
MAT . FILIO . PISS
F . E . C

Romae

L. CASSIVS. L. F
ROM . NIGER
DOMO . ATESTE
MIL. COH. I. PR
MIL. ANN. XVII
VIX. ANN. XXXVII

TRIBVS. VI. CLVSTVMINA

Clustumina tribus, alias Crustumina (utroque enim modo in uetustis inscriptionibus extare animaduerti) a Tuscorum vrbe Clustumina alias Crustumina dicta est. Ita Sex Pompeius: Crustumeriam autem in Sabinis potius quam in Tuscis fuisse crediderim, haud procul ab urbe Anienem uersus. De qua tribu sic Liuius libro XLII. scribit: Postquam consul quae uoluerat dixit, S. P. Ligustinus ex eo numero, qui tribunos plebis appellauerant, a consule et a tribunis petijt ut sibi paucis ad populum agere liceret. Permissu omnium ita locutus fertur: S. P. Ligustinus trib. Crustuminae ex Sabinis sum oriundus Quirites. Huius tribus Cicero pro Planco, et pro Balbo sic meminit:

minit: In tribum Crustumina peruenit L. Cornelius Balbus legis de ambitu praemio. Huius tribus quattuordecim inscriptiones uidi, in quibus simul tantum CRV. semper uero uel CLV. uel CLVST exaratum erat

Curibus in Sabinis

L. SVRREDI. L. F. CLV

FELICIS

PROCVRATORI. A B

SCAEN. THEAT. IMP

CAESAR. DOMITIAN

PRINCIPI

CORONATO. CONTRA

OMNES. SCAENICOS

Caerete

TI. CLAVDIO. DIVI. AVG. F

AVG. PONT. MAX. TRIB. POT. XX

L. PAVLLVS. L. F. CLV. ATTICVS

PRAEFECTVS. FABRVM. CAER

S. P. EIVS. C. C

Q. Q

Forosempronii

C. HEDIO. C. F. CLVST. VERO

EQVO. PVBL. PRAEF. EQVIT. ALAE

INDIANA. P. F. TRIB. MILIT. LEG. II

TRAIAN. F. PRAEF. COH. II. LIG. E Q

II. VIR. II. VIR. QINQ. QVAESTORI

PATRONO. MVNICIPI. FLAMINI

TRIBVS.VIL.LEMONIA

Sæx. Pompeius : Lemonia (inquit) tribus a pago Lemonio appellata est, qui est a porta Capena uia Latina. Cicero in Antonium Ser. Sulpicij. Q. F. Lemonia Rufi meminit. Idem pro Planco. Quid Planco cum Lemonia? De hac tribu plures uidi inscriptiones, inter quas hæc fuerunt

Auximi

L . PRAESENTIO . L . F
 LEM. PAETO
 L . ATTIO . S E V E R O
 PRAEF . C O H . I . A F R
 C.R.EQ.IVDICI.SELECTO.EX
 V.DEC.PR.AUXIMI.PAT.COL
 AEDILLII.VIR . ANCONAE
 VIBIA . L . F . MARCELLA
 FLAMINIA.AVGUST
 MARITO.OMNIBVS . EXEM
 PLIS.DE.SE.BENE. MERITO
 CENAM.COLON.ET . EPVL
 POP . DEDIT
 Romae in colle Palatino
 IO VI . OPTVMO
 SERVATORI
 M.RVSPIVS . M . F
 LEMONIA
 VLPIANVS . MILES
 VETERANVS
 S . P
 V . T . S

TRI

TRIBVS.VIII.PVPINIA

Tribum Pupiniam in uetustis epigrammatibus PVP.POP
PVPINIAM.ET.POPINIAM exaratam fuisse no-
taui; magna enim teste Quinctiliano inter O. & V. affinitas
est. Sic Popillia, & Pupillia, Poblilia, & Publilia scribi ani-
madueri. De hac ita scribit Sex. Pompeius: Pupinia tribus ab
agro Pupino. Hic ager in Latio cis Tiberim ad mare uergens,
haud longe ab urbe erat. Quod Liuius libro uigesimosexto, his
uerbis aperte docet: Hannibal infestius perpopulato agro Fre-
gellano propter intercisos pontes, per Frusinatem Ferentina-
temque, & Anagninum agrum in Labicanum uenit. Inde Al-
gido Tusculum petijt, nec receptus moenibus infra Tusculum
dextrorsus Gabios descendit. Inde in Pupiniã exercitu dimis-
so octo millia passuum a Roma posuit castra. Valerius Maxi-
mus libro quarto, cap. quarto. Illi etiam praediuites, qui ab a-
ratro accersebantur, ut eos, fierent, uoluptatis caussa sterile,
atq; aestuosissimum Pupinae solum uersabant. Et paulo post:
Atilius consulibus scripsit uillicum in agello, quem septem iuge-
rum in Pupinia habebat mortuum esse. Cicero ep. fam. VIII.
C. Lucretij C. F. Pup. Iuri; & ad Q. fratrem libro primo.
Cn. Nerij Pupinia meminit. De qua tribu has suggerere pla-
cet inscriptiones

Safsinae

L. APPAEO. L. F

P V P

PVDENTI. P. P

TRIB. COH. XII

VRB. ET. X. PRAET

FLAMINI. FLAV

PATRONO

Romae in hortis Iulii
 DIS. MANIBVS
 L. TITI. L. F. PVPINIA
 MACRI . VI. VIRI
 DECVRION
 LAVDE. POMPEIA
 VIXIT. ANNOS. XXX
 T I T I A . RHODE
 MATER. ET
 SALVIVS. VICTOR
 CONLOC.F

TRIBVS. IX. VEIENTINA

*De tribu Veientina, Cicero pro Cn. Plancio meminit ita :
 Quod Plancio cum Lemonia? quid cum Veientina? Haec au-
 tem ab agri Veientis parte appellata fuit. Qui Transiberim in
 Tuscia supra urbem Veios uersus erat, de Veientibus a Romu-
 lo captus, nam agrum a Vaticano mare uersus tribus Romilia
 obtinebat*

De hac quoque uetera haec uidi epi-
 grammata

Q. GAVIVS. Q. F.
 VEIENTINA
 APVSIVS
 Item Romae in insula
 T. RVNCANIVS
 T. F. VEIEN
 ASTVRIVS

TRIBVS.X.GALERIA

Quum animaduverterim unam & uiginti tribus a Ser. Tulio additas, omnes aut a locis, aut a nobilissimis familijs nominatas fuisse, in hanc deueni sententiam, ut Galeria, Pollia, & Voltinia, quae in earum numero fuerunt, a locis quoque appellationem obtinuissent, quorum tamen apud nos memoria omnino interciderit, nam eas familias neque etiam plebeias, necdum patricias fuisse hac potissimum ratione suspicatus sum, quod nullam earundem mentionem unquam fieri cognoui, quemadmodum aliarum familiarum, quae postea tribubus nomina reliquerunt, ut Aemiliae, Corneliae, Fabiae, Horatiae, Meneniae, Papiriae, Sergiae, & Veturiae. Nam illud dici non posse existimo, eas quidem familias fuisse, uerum priscis illis temporibus extinctas; quod non statim, ut tribus factae sunt familiarum nomina, sed longo tempore post a nobilissimis familijs obtinuerint. Quod si hae ignobiles uel deperditae familiae fuissent nulla ratione credendum est, eas tribubus nomina sua indidisse. Tribus igitur Galeria & duae sequentes a locis nomina sortitae sunt, nobis modo incognita. Nisi eam a Galeso flumine dictam uelimus Galesam, post Galeriam, cuius fluminis meminit Virgilius, qui in Tuscia erat: de qua Liuius libro uigesimo septimo ita scribit: Galeria iuniorum, quae sorte praerogatiua erat, Q. Fuluium, & Q. Fabium consules dixerat, eodemque iure uocatae inclinassent. &c. Et Plinius libro septimo, cap. XLVIII. M. Mucium M. F. Galeria Felicem commemorat. In antiquis quoque lapideis monumentis, ita Galeriae tribus mentionem fieri inueni

CIVITAS

Rocae iuxta Neapolim
 N . PETTIO . N . F
 GALRVFO
 II.VIRO. Q. ALIMENT
 CVR.PEC. PVBLICAE
 CVRATORI.FRUMENT
 CVLTORES . IOVIS
 OB . MERITA . EIVS
 L.D.D.D

Compfae

M.MINDIVS . M . F . GAL
 MAXIMVS
 STATVAM.MERCVRII.OB.HO
 NOREM. QVINQ . POSVIT
 CVIVS.DEDICATIONE.DEDIT
 POPVLO.VIRITIM.DENARIOS
 SING. L.D.D.D

Romae

C.ACILIVS . T . F
 CAPITO. G A L E
 R I A . BILBILI
 MIL . COH. X. PR
 7 MART
 VIX.ANN.XXV.MIL
 ANN.III. T . P . I

TRIBVS.XI.POLLIA

De tribu Pollia Livius libro IIX. ita meminit: Tribus omnes praeter Polliam antiquarunt legem in Tusculanos latam. Memoriamque eius irae, Tusculanis in poenae tam atrocis auctores

flores mansisse ad patrum aetatem constat, nec quemquā ferre ex Pollia tribu candidatum Papiriam ferre solitum. Et libro XXXIX. Quum ad tribum Poliam uentum est, in qua M. Liuii nomen erat, & praeco cunctaretur citare ipsum censorem, cita inquit Nero, M. Liuium. &c. Vtriusque rei meminit etiam Valerius libro secundo, cap. quarto. & libro nono cap. decimo. De hac tribu haec antiqua monumenta mentionem faciunt

Romae ad SS. Cosmam & Damianum

SEX. TRVTTEDIO . SEX. F

POL. MAXIMIANO

FVLAD.SVPEROS.MENSES.VII

TRVTTEDIVS . CLEMENS

TRIB.COII. VRB

ET . MARINA . PROCVLA

FILIO. CARISSIMO

In domo Colotij

M . BALLONIO

M.F.POL. PAVLLO

MVTINA

MIL.COII. X. PR.7

FRONTONIS. MIL

ANN.VIII.VIX.ANN

XXXVI. T. P.I

TRIBVS. XII. VOLTINIA

De hac tribu Cicero pro Plancio saepe mentionem facit; ita enim ait: Quas tribus edidisti? Terentinam credo, aut Voltiniam? & paulo post: Voltinia tribus ab hoc corrupta, Terentinam habuerat uenalem, quid diceret apud Voltinenses, aut

tris

tribules suos iudices? & alibi: Plures te testes habere de Volti
 na, quam quot in ea tribu puncta tuleris. Multos huius tribus
 lapides uidi in quibus VOL.VOLT. VOLTIN. &
 VOLTINIA exaratum erat, ut hic

Reate

SEX.TADIVS.SEX.F.VOL.LVSIVS . NEPOS
 PAVLLINVS

PRO.COS.SORTITVS.PROV.CRET . CYR
 LEG.PRO.PR.PROV

AFRIC.PRAEF.FR.D.LEG. PROPR . PROV
 ASIAE.LEG.PROPR. PROV

MAC.PRAET.CAND.AED.CVR.Q. PROV
 PONT.ET.BIT.TR.MIL.LEG

III.F.F.X.VIR.STLITIB.IVDIC.VIII . VIR.II

Q. Q
 MVLVIA.C.F.PLACITA.MARITO.OPTIMO
 ET.SIBI

Romae apud Gentilem Delphinium

L.I V L I V S
 M . F . VOLT
 F V S C V S
 A Q V E N S I S
 O L E A R I V S

In hortis Iuliis Romae

INNOCVVS.APER.ECCE . IACES . NON

VIRGINIS . IRA

NEC.MELEAGER . ATROX . PERFODIT

VISCERA . FERRO

MORS . TACITA . OBREPSIT . SVBITO

FECITQVE.RVINAM

QVAE.TIBI.CRESCENTI.RAPVIT.IVVENILE

FIGVRAM

T.STATILIO.T.F.VOL. APRO . MENSORI

AEDIFICIOR.VIXIT.ANN.XXII . M . VIII

D.XV

T . STATIVS . VOLTINIA . PROCVLVS

ACCENSVS.VELATVS.ET. ARGENTARIA

EVTYCHIA.PARENTES.FILIO.OPTVMO.ET

ORCIVIAE.ANTHIDI.VXORI.EIVS . SIBI

QVE.ET. SVIS

LIBERIS.LIBERTABVS. POSTERIS , QVE

EORVM

TRIBVS.XIII. CLAVDIA

Sequentes nouem tribus, quae familiarum nomina habent, a locis antea appellatas fuisse, praeter Varronis auctoritatē, testimonio etiam esse potest tribus Claudia, quae quum uetus esset, aliudque nomen a loco procui dubio haberet, a gente Claudia in eam relata nouum nomen assumpsit. Quod his uerbis docet libro secundo Liuius: P. Valerio IIII. T. Lucretio II. cos. Seditio inter belli pacisque auctores orta in Sabinis, aliquantulum inde uirium transtulit ad Romanos. Namque Aetius Claudius, cui postea Ap. Claudio fuit Romae nomen, quum pacis ipse

aucter, a turbatoribus belli premeretur, nec par factioni esset, ab Regillo magna clientium comitatus manu Romam transfugit; his ciuitas data agerque trans Anienem. Vetus Claudia tribus additis postea nouis tribulibus, qui ex eo uenerant agro appellata. Appius inter patres lectus, haud ita multo post in principum dignationem peruenit. Idem tradit Dionysius libro v. his uerbis: Claudius opibus & amicis assumptis ex Sabinis Romam migravit. Quem S.P.Q.R. in patricios conscripsit, locumque in urbe pro domo construenda concessit. Agrum quoque ei publicum tradidit, qui inter Fidenas & Piculiam erat, quem posset suis diuidere, a quibus tribus facta est Claudia uocata, quae usque ad mea tempora manet, idemque nomen seruat. Et Virgilius libro septimo

Claudia nunc a quo diffunditur & tribus & gens
Et Pedianus pro Scauro cuiusdam Seruiliij Claudia Glaucia
meminit

Romae ad turrim Sabellam

C. POETELIVS

C. F. C L A

PAV L L V S

EMONA

MIL. COH. III. PR

7. FECEN

MIL. ANN. VIII

VIX. AN. XXVII

T. F. I

In uinea Carpenfi

M. AEMILIO. M. F

CL. NIGRO. ARA

MIL. FRVM. LEG. XXX. V. V

F. C. H.

R O M A N A

501

Romae

M. SATVRNIVS

M. F. CLA

M A X I M V S

CELEIA . E Q

COH. X. PR. 7

APT. MIL. ANN

XII. VIX . ANN

XXX. H. F . C

TRIBVS. XIII. AIMILIA

Claudiae exemplum multae praeterea tribus sequutae sunt: hae antiquis nominibus quae a locis acceperant dimissis, nobis Isimarum gentium, quae in singulas sese transtulerant, nomina acceperunt, ut Aimilia, Cornelia, Fabia, Horatia, Menenia, Papiria, Sergia, & Veturia. Hae enim familiae circa tempora partae libertatis patriciae & celeberrimae in urbe erant. Nam eas primo in quattuor urbanas coniectas fuisse aperte indicat Dionysius; quando quidem omnes, qui urbem habitarent ex instituto Ser. Tullij, principio unam ex his quattuor urbanis tribubus obtinere necesse esset, sicut qui agros, rusticas. Verum quum ob forensam turbam in eas coniectam, uiles haberi coepissent, factum est, ut illustres familiae in eas passim tribus nomina darent, seque transferendas curarent, in quas agros suos habuissent, eisque noua nomina tribuerent. Ita igitur gens Aimilia, Cornelia, Fabia, & reliquae omnes, Claudiae forte exemplo, uetera nomina tribubus, in quas translatae erant immutarunt, nouaque ab se tradiderunt. Quare factum fuisse opinor, ut multae tribus fuerint quae plures haberent appellationes, quod ita fuisse etiam paulo post ostendam. Vna igitur ex anti-

i 3

quis

quis Ser. Tullij rusticis tribubus fuit, quae postea Aimilia appellata est ab Aimilia gente, quae Romae fuit nobilissima: de qua tribu Livius libro tricesimo octavo sic meminit. Rogatio perlatata est, ut in Aimilia tribu Formiani ac Fundani, in Cornelia Arpinates ferrent, atque in his tribubus tum primum ex Valerio plebiscito censi sunt. De eadem Cicero ad Atticum ep. libro secundo ita mentionem facit. Formianorum tribum Aimiliam

Romae in crypta S. Sebastiani

L . ABERIO. L. F . AIM

COCCEIO . LEPIDO . PROC

RAET. TR. PL. QVAEST. LEG

ASIAE. LEG. PRO. PR . AFRICAE

MISSO. AD. PRINCIPEM. TRIB. MIL

LEG . XXII . PRIMIGENIAE

X. VIR. STLIT. IVD

APOLLONIVS. LIMENA

CYPRI

Romae in domo Bubalorum

D . M . S

T. AELIO. T. F . AEMI

MARCELLO . DOBI

RO. MIL. COH. III. PR

7. FELICIS. MIL . ANN

VI. VIX. ANN . XXV

T. FLAVIVS. PETRONI

ANVS. MIL . COH. II

PR. 7 . CLEMENTIS

HERISEVS . MVN I

CIPISVO . B . N. M

FECIT

In Sabinis

Q. VIBIO . Q. F. AIMILIA
VETENIO . EQVO . SEVERO
DVCENTANO . TRIB. SEMPR. PR
LEG . XXII . PRIM. AVG. P. F
SEMPRON. COH. II. CLASSIS. G.
PATRONO . AEQVICVLA
GEST. TR. IVVENT. TREBVL
MVTVSTAE . QVI . OBLA
TA . SIBI . STATVA . AB
IIS . HONORE . CONTE'N
TVS . IMPENSAM . REMISIT

TRIBVS . XV . CORNELIA

*De tribu Cornelia quae & ipsa a nobilissima gente Corne-
lia nomen obtinuit, Lilius libro xxxviij. ubi de Aemilia, &
sequentes inscriptiones mentionem faciunt*

Romae

C. I V L I V S
C. F. C O R
P V D E N S
THESSALONICA
MIL. COH. VII. PR
7. M A T V R I
M I L . A N N
XVI. VIX. ANN
XXXXV. MENS. VI
EX . TESTAMEN
TO . F I E R I
IVSSIT . SIBI

i

4

Tibure

Tibure

DIS . MAN

L. AVTIO . L. F. CORNEL
CAPITOLINOMIL . COH. VI. PRAETOR
VIX. ANN. LXIIXL. AVTIVS . L. F. CORNEL
LATINVSF R A T R I . K A R
H . . S . . E

TRIBVS . XVI . FABIA

Et haec tribus a Fabia gente, quae in eam relata fuit, nomen obtinuit, de qua Tranquillus in Augusto cap. XL. Fabianus & Scaptiensibus tribulibus suis die comitiorum singula millia nummum a se diuidebat. Et Horatius libro primo Epistol. VI

Hic multum in Fabia ualet, ille Velina

Huius quoque tribus uerusta extant haec epigrammata

Brixiae

C . PONTIO . C . F. FAB
PELIGNO . TRIB . MIL
LEG. X GEM . Q. CVRAT
LOCOR . PUBLIC
ITERVM . AEDILI . CVRVL
LEGATO . PRO . PR . ITERVM
EX . SC . ET . EX . AVCTORITA
TE . CAESARIS . DD

In Aequicolis

T . PETIDIO . T . F
 F A B I A . C E S S I N O
 VIII . VIRO . AEDIL . PLEB
 POTESTATIS . VIII . VIR . II
 FANOR . VIII . VIR . III AERARI
 ADLECTO . SVpra . NVMER
 SEVIRVM . AVGVSTALIVM
 PLEBIS . S . TREBVLAN . M
 OB . MERITA . EIVS
 L . D . D . D

TRIBVS . XVII . HORATIA

Horatiae tribus nullam apud ueteres auctores mentionem ad-
 hac fieri inueni, quanquam marmoreae inscriptiones frequen-
 ter eius meminerint . Quum autem aliquot tribuum nomina
 praeter xxxv. in antiquis monumentis extare manifestū sit,
 ut Ocriculanae, Cluentiae, Cluuiæ, Aeliae, Papiæ, et aliarum
 quarūdam, quas omnes paulo post enumerabo, hanc potissimū
 multas ob causas prae ceteris elegi, quae xxxv. numerum
 expleret . Primo quia nulla earum ueterum scriptorum aucto-
 ritatem habet . Deinde quia (quamquam nec Horatiae nemo
 ueterum scriptorum meminerit) ipsa a nobilissima gente nomē
 obtinuit, ut pleraeque aliae . Quae nisi priscis his temporibus
 denominata sit, non uideo quam ratione posterioribus sae-
 culis tribus nomen obtinere potuerit, quum ea gens circa qua-
 dringentesimum ab urbe condita annum memorari desinat .
 Ceterarum enim extra xxxv. numerum origo aliqua ratione
 conijci potest, quod de Horatia dici omnino nequit, quae om-
 nia

nia ex aliarum disputatione apertiora fient, postremo, quod nullam inuenerim tribum, preter Horatiam, quae si eam in xxxv. numerum constituamus, aliquid controuersae nō patitur. Haec aut ex ceterarum examinatione longe facilius demonstrari poterūt. Inter omnes. n. tribus quae xxxv. superfluūt, auctoresque non habeant, sed ex lapidibus acceptae sint, una tantum Ocriculana, quae & ipsa scriptorum testimonio caret, Horatiae loco reponi posset. Sed eam inter xxi. priores nulla ratione cōstitui posse, quum de ea uerba faciam, ostendam. De tribu porro Horatia inter multas quas uidi inscriptiones, hae praecipuae sunt

C. Castellane

MAMMIAE . C . F

IVSTAE

Q. TVLLIVS. Q. F

HORAT

CINCIVS . PRISCVS

Ciuitati Castellanae

Q. ALBIO . Q . F . HOR . ILLICI

7.LEG.XX.V.V

CORNICVLARIO . PR . PR

DONIS . DONATO . AB . DIVO

TRAIANO . AVG.

TORQVIBVS . ARMILLIS

PHALERIS. BELLO. PARTHICO. ET. AB

IMP . CAESARE . TRAIANO

HADRIANO. AVGVSTO. HASTA. PVRA

ET. CORONA . AVREA

AVILIA . SOTHERIS . MATER

FILIO . OPTIMO . PIENTISSIMO

L.D.D.D

Spoleti.

M. SEPTIMIO . M. F. HOR
SEPTIMIANOEQVO. PVBL. I III. VIR. I. D
PRAEF. FABR. ROMAE
DEC. IIII. SCAMILLAR
OPERAЕ. VETERES
A. SCAENA. PATRONO. OB
MERITA. EIVS. L. D. D. D

TRIBVS . XVIII . MENENIA

Menenia tribus, quae ex hoc corrupto Iosephi loco antiquitatum libro xij. L. Manlius L. F. Mentina; in Mentinam se transformauerat, nunc demum uetustae inscriptionis auxilio quae Feltriae extat prope ecclesiam cathedralem, pristino splendori restituta est, quamquam enim frequens de ea in antiquis epigrammatibus mentio esset, tamen quia nunquam, non nisi hac nota MEN. exarata fuerat, res dubia et anceps diu fuit quum tam Mentina quam Menenia interpretari posset, Mentinamque Iosephi testimonium confirmaret. Quod erratum esse, multis adducor rationibus ut credam, primum quia uox Mentina nullam habet significationem, deinde quia facilis lapsus fuit a MEN. uel etiam MENENIA in Mentinam, et praesertim in Graeco scriptore, si tamen id uitium, quod uix credo, admiserit, librarijque erratum non fuerit; ad haec tribum MEN. quae frequens est, pro Menenia interpretari posse ex Feltria inscriptione didicimus, quod si Menenia tribus fuit, procul dubio ob easdem rationes quas de Horatia attuli, ex antiquis XXI. fuit, quo tempore gens Menenia a qua tribus nomen accepit maxime florebat, cuius postea memoria (incredibile di

Au

Et) quam cito defecit. Postremo est hic Ciceronis locus epist. familiarum libro xij. sic scriptus: P. Rupilius P. F. Men. qui in uetustis codicibus modo Menenius, modo Menius legitur, nunquam Mentinus: ita ut facilis lapsus fuerit ex Menenia, Menenius. Lapidem autem qui de Menenia mentionem faciūt inter plures, hi praecipui sunt

Apud Feltriā laeua cum cathedralē aedem ingrederis

C . F I R M I O . C . F
M E N E N . R V F I N O
E Q . P V B . L A V R E N
L A V . D E C . F L A M I N
P A T R O N O . C O L L E
G I O R V M . F A B . C E N T
D E N D R . F E L T R I A E
I T E M . Q V E . B E R . V E N S
C O L L E G . F A B R . A L T I
N A T I V M . P A T R O N O

Vicetiae

V . . . F
Q . I V L I V S . Q . F
M E N . C A T V L L V S
I I I . V I R . M I S S V S . H O N E S
T A . M I S S I O N E . E X . C O H . V I
P R . S I B I . E T . C O E L I A E . S E V E R A E
V X O R I . S A N C T S S I M A E . P O S T
O B I T V M . E T . P O M P E I A E . M A N
S V E T E . S O C R V I . O P T I M A E
E T . H O S T I L I A E . S E R E N A E
C O N I V G I . C A R I S S I M A E
H . M . H . N . S

Beneuenti

C . CATIO . C . F . MEN . BALBO
 OPE . TREIICIAE . C . F . PVLLAE
 HOS . DECVRIONES . FVNERE
 PVBLICO . DE . FOROETRIO . DIALE
 EFFERENDOS . ET . HIC . HVMANDOS . CENS
 FVFISIAE . A . L . VIOLAE
 C . CATIVS . C . F . MEN . GALLVS
 PARENTIBVS . ET . VXORI

TRIBVS . XIX . PAPIRIA

*Et haec tribus a gente Papiria nomen accepit . De qua ita
 tradit Sex . Pompeius . Papiria tribus a Papirio uocata . Li-
 uius libro viij . Memoriaeque eius irae Tusculanis mansisse ad
 patrum aetatem constat , nec quemquam ferme ex Pollia tri-
 bu candidatum Papiriam ferre solitum . Huius tribus inter
 multa uetera haec epigrammata suggeram*

Aletri

L . CALPV RNIO . L . F . PAPIRIA . ASELLIO
 VI . VIRO . AVGVSTAL . ET . PONTIFICI . MIN
 DEI . LIBRI . INVICTI
 CALPV RNIA . HILARA . MARITO
 OPTIMO . SANCTISSIMO
 BENE . MERENTI . FBCIT

In

CIVITAS

In Sabinis

DEO . INVIC
SERAPI . ET
SERVATORI
DIVNIVS . D . F . PAPIR
VAERGVLENVS
AENEATOR . LEG . VIII
CL . GEMIN . P . FIDEL
NUMINI . TVO . VOTO
SVSCEPTO . D . D

Fulginei

P . AELIO . P . F . PAPIR
MARCELLO . CENT
FRVM . SVB . PRINCIPE
PEREGRINOR . AD STATO
ET . PRINCIPI . ET . PRIMIPIL
LEG . VII . GEM . PIAE . FEL

TRIBVS . XX . SERGIA

De tribu Sergia, quae & ipsa a gente eiusdem nominis
appellationem obtinuit, Pedianus in Cornelianam ita meminit
Sergia & Quirina damnauerunt. Et Frontinus libro ij. de
Aquaeductibus. Verba legis: T. Quinctius Crispinus cos. po=
pulum iure rogavit, populusque iure sciuit in foro pro rostris
aedis diui Iulij populi Romani, & Iulij, tribus Sergia prin=
cipium fuit, pro tribus Sex. &c. Huius tribus haec uetusta
saxa meminerunt

R O M A N A

512

Afisi

C. RASINIO . C . F . SER
TETTIAN O

PRAEF. FABRVM. IIII . VIR
PRAEF. COH . PRAETOR
PATRONO . MVNICIPI

Brundusii

A. GABINIVS. A. F. SERG
PONTIANVS

MILES . LEG . XX . CANDI
DATVS . TI . CAES . AVG
RELATVS . IN . PRAET
VIX . AN . LIIIX . M . V

H . S . E

Ameriae

D I S . . . M A N I B V S
OCTAVIVS . IVNIVS . IVNIE
SERGIA . FAVSTINIANVS
AMERIA

VII. VIR . EPVLON . PROCV
RATOR . OPER . PVBLIC
H.S.P.D.V

TRIBVS . XXI . VETVRIA

*A gente Veturia & haec tribus nomen uetere relicto mu-
tuata est, ut pleraeque aliae, de qua Liuius libro xxxvi. ita
scribit. Fuluius Romam comitiorum caussa accersitus, quum
comitia consulibus rogandis haberet, praerogatiua Veturia Iu-
niorum declarauit T. Manlium Torquatum, & T. Otacilium.
& paulo post: & redire in suffragium Veturiam iuniorum
iube-*

iuberet. & item: Tum Veturia & auctoritate mota uiri, & admirantum circa se fremitu, petijt a consule ut Veturiam seniorum citaret, uelle sese cum maioribus natu colloqui, & ex auctoritate eorum consules dicere. Citatis Veturiae senioribus datum secreto in ouili cum his colloquendi tempus, seniores de tribus consulendum esse dixerunt. & c.

Huius quoque tribus hi lapides extant

SEX . APVSIVS

SEX . F . VET

B A E B I V S

VOLSCIB. LATIN

Item

C. CASSIVS. C. F. VET

MODESTINVS

Hispelli

SEX. CALPVRNIVS

SEX. F. VETVRIA

QVINCTIANVS

Haec porro sunt unius & uiginti tribuum nomina, quas a Ser. Tullio factas fuisse existimo. De quibus lib. vij. ubi de iudicio Coriolani agitur, ita scribit Dionysius: Vbi uero tulere omnes tribus suffragium, dinumeratis calculis non magnum discrimen apparuit, una enim & uiginti quum essent tribus, quibus calculi dati sunt, nouem eum absoluerunt, ita ut si eis duae aliae tribus accessissent ex suffragiorum aequa parte ex lege absolui posset. Quosdam uero, atque etiam me ipsum mouent uerba Liuij libro ij. Ap. Claudio P. Seruilio cos. Romae tribus una & uiginti factae: Quod si eo anno, non igitur a Ser. Tullio factae sunt. Si autem Liuij uerborum rationem habere uelimus (quamquam de ea re nihil apud Dionysium reperiamur) decem, & nouem tribus a Seruio factas dicemus, atque hoc

hoc anno duabus additis ad unā & uiginti auctas. In his autem alteram esse Clustuminam suspicari ex eo possumus, quod quadriennio ante T. Aebutio & C. Vetustio cos. Crustumeria capta ab eodem Liuiο referatur. Quae uero altera esse potuerit, ne diuinando quidem consequi potui. Ceterum ego unius, & uiginti tribuum institutionem integram Seruio tribuere malim, quam has duas hoc tempore factas affirmare. Vt quūq; res sit illud satis constat unam, & uiginti tribus hoc tempore Romae fuisse, quae omnes aut a locis in quibus erant, aut a nobilissimis Romanis gentibus nomina adeptae sunt

TRIBVS. XXII. STELLATINA

Quattuordecim deinceps tribuum, quae quinque & triginta numerum supplerunt, adiectio, & quae quoque anno addita sit, aperte ex Liuiο deinceps intelligemus. Anno enim post urbem conditam CCC LXV. altero post eam a Gallis captam in ciuitatem accepti, qui Veientium, Capenatiumque ac Faliscorum per ea bella transfugerant ad Romanos, agerque ijs nouis ciuibus assignatus. Ita Liuius lib. vi. Et biennio post lustro XII IX. Tribus quattuor ex nouis ciuibus a Cēsoribus additae Stellatina, Tromentina, Sabatina, Arnienſis, Eaeque uiginti quinque numerum expleuere. Hae uero, tribus non ita necessario (ut multi existimarunt) appellatae sunt, quod ipsarū ager ad campum Stellatē, & Tromentum, uel lacum Sabatē, aut prope Arnū esset. Ea enim loca longe extra agrum Romanum erant, qui nunquam ad Arnū se extendit; sed quod ij qui ex illis regionibus Romam uenerant, atque ciuitate, & agris donati fuerant, illis agri Romani partibus quas sortiti essent, nomina ea tribuerint, ab ijs regionibus scilicet, unde ipsi commigrauerant. Quod ita esse latius paulo post aperiam.

k Quum

Quum autem propter novos ciues Tuscos, hae tribus additae sint, uero simile est, eas omnes in Tuscia fuisse. Ex quibus prima Stellatina, nō in Campania, ubi erat cāpus qui Stellas appellabatur, sed in Etruria fuit. Hoc enim tempore Romanorum imperium Capuam usq; nō extendebatur, nec ullum inter Romanos Campanosque foedus adhuc intercesserat. In Etruria ergo fuit, quod ex Sex. Pompeij fragmento liquet sic: Stellat eo, qui in Campania est, sed eo qui pena. Ex quo Tusci profecti in campum appellauerunt. Quae uerba sic ego restituerem. Stellatina tribus dicta non est a campo eo qui in Campania est, sed eo qui in Etruria, regione Capena, ex quo Tusci profecti eum Stellatem cāpū appellauerunt. Hec autem sic restitui, quod in Tuscia Campanates erant populi ad lucum Feroniae, & inter Tuscos populos Stellates quoque enumerentur. De hac etiam tribu multas inscriptiones uidi, quarum praecipuae hae sunt

Vrbini

L . FLAVIO . L . F
 STE.CIMBRO
 PONT . AED . BIS
 III.VIR.I.D.QVINQ
 PRAEF . FABR
 D . D

Galeatae

Q. VELCENNÆ

L. F. STEL

P. R. O. C. V. L. O.

D. E. C. V. R. I. O. N. I.

M. E. V. A. N. I. O. L. A. E.

C. C. M. M. PATRONO

HONORE. CONTENTVS

IMPENDIVM. REMISIT

ET. DEDICATIONE. STATVÆ

NVMER. COLL. IPSORVM

SPORTVL. DEDIT

SINGVL. DENARIOS. BINOS

L. D. D. D

Romae

SOLI. INVICTO

MITHRÆ

T. ANTISTIVS

T. F. STELLA

TINÆ. SEVE

RIANVS. DE

DICAVIT

TRIBVS. XXIII. TROMENTINA

Tromentina tribus a campo Tromento dicta. Sex. Pompeius. Is campus in Tuscia fuit, ex quo quum aliquot Romam perfugissent, et ciuitate donati, in quattuorque tribus conie-

k 2 cti,

eti, agri pop. Rom partem obtinuissent, uni earū Tromentinae nomen posuerunt. Tromentum autem campum in Tuscia esse incerti auctoris libro satis liquet. Haec tribus cum Stellatina addita est anno urbis CCCLXVII. De qua hae inscriptiones mentionem faciunt

Perusii

C . BETVO . C . F . TRO
CILONI . MINVCIANO
VALENTI . ANTONIO
CELERI . P . LIGVVIANO
AEDILI . II . VIRCVINO
SACERDOTI . III . LVCORVM . PR
VMBRIAE . XV . POPVLORVM
PATRONO . MVNICIPI
BETVRES . PECTILLA . FILIA
PATRI . PISSIMO . L.D.D.D

Perusii

C . VIBIO . C . F . L . N . TRO
GALLO . PROCVLEIANO
PATRONO . PERVSINORVM
PATRONO . ET . CVRATORI . R . P . VET
TONENSIVM . IVDICI . DEV . DEC . AEDI
LI . PATRONO . COLLEGI . CENTON
VIBIVS . VOLDVMIANVS
AVO . CARISSIMO . OB . CVIVS
DEDICATIONEM . DEDIT
DECVRIONIBVS * . II . PLEBI * . II

L . D . D . D

TRI.

TRIBVS . XXIIII . SABATINA

Sabatina tribus a lacu Sabate dicta . Ita Sex. Pompeius.
 Sabatis autem lacus in Tuscia fuit , atque nostra aetate appel-
 latur Anguillariae. Haec cum duabus superioribus propter no-
 uos ciues addita est . De qua eiusmodi extant inscriptiones

Apud G. Delphinium

C . RVTILIO . C. F
 SAB . HOMVN
 CIONI . M. ANTV A
 MILCOH. VII. PR
 7 . VALLI . MIL
 ANN . XIII. VIX
 ANN . XXXII
 H . B . M . F . C

Romae via Latina

LIVNIO. L. F. SABATI
 NA . POLIONI. AV
 ROMATARIO. AVIC
 PVBL. VIX , ANN
 X L VII

TRIBVS . XXV . ARNIENSIS

Haec tribus in uetustis monumentis ~~et~~ Arnenfis , ~~et~~ Ar-
 niensis appellatur ; quae passim in Narniensem se transforma-
 uerat, quum Arniensem legendum sit. Dicta autem est ab Ar-
 no Tusciae amne , cum tribus superioribus Liuius libro VI.

k 3 auctore

auctore, propter novos ciues anno urbis CCCLXVIII. a cen-
soribus addita. De hac tribu Cicero ita in Rullum meminit:
A Suburana usque ad Arniensem: & Livius lib. xxix. C. Clau-
dus Nero censor ex tribu Arniense. Idem Valerius libro ij
cap. iij tradit. Vetusta uero epigrammata sunt haec

Vulfinijs

.....
I N . I T A L I A . V O L S I N I E N S I V M
P A T R I A E . S V A E . I T E M . F E R E N T
E T . T I B V R T I V M . I T E M . C O L O N
I T A L I C E N S I V M . I N . P R O V . B A E T I C A
P R A E T . E T R V R . X V . P O P V L O R
S A C E R D O T I . C A E N I N E N S I V M
M . H E L V I V S . M . F . C L E M E N S . A R N E N
S I S . D O M O . C A R T H A G I N E . P R A E F . E Q
A L A E . P R I M A E . C A N N A N E F A T V M
P R A E S I D I . S A N C T I S S . E T . K A R I S S I M O
C V R A . A G E N T E . L . A C O N I O . C A L L I S T O
T R . M I L . L E G . X I I I I . G E M . S E V

Item

C . C V R T I V S . P . F . P A L . N E R V A . I I I I . V I R
P . S I L V I V S . P . F . A R N I E N . P A E T I N V S . I I I I . V I R
C . R V S T I V S . C . F . Q V A R T V S . V E L . I I I I . V I R
T . F L A V I V S . T . F . A R N . S A B I N V S . I I I I . V I R

Tabella

M . C A E S T I V S

C . F . A R N

C L E M E N S

TRIBVS . XXVI . POMPTINA

Post superiores tribus additas, ipso loco sequitur Liuius. De agro Pomptino a L. Sicinio tribuno plebis actum ad frequentiore*m* iam populum, mobilioremque ad cupiditatem agri quam fuerat: cura maioris belli quod Etruria in armis erat, dilata res est. & c. Hic ager Anxur quae nunc Terracinae sunt anno CCCXLVIII. capta, Volscis ereptus fuerat. Suggestit Liuius libro vi. Anno urbis CCCLXXI. Hostes non praeter volscos, uelut sorte quadam prope in aeternum exercendo Romano militi datos, Circeosque, & Velitras colonias iam diu molientes defectionem, & suspectum Latium, Latini etiam, quae fidelissima urbs fuerat, subito exorti. Id patres: uti contemptu accidere quod Veliternis ciuib*us* suis tam diu impunita defectio esset, decreuerunt ut primo quoque tempore ad populum ferretur, de bello eis indicendo, ad quam militiam, quo paratior plebes esset, quinque uiros Pomptino agro diuidendo, & iij. uiros Nepet coloniae deducendae creauerunt. Propter hanc caus*am*, aliquot annis post C. Fabio. Ambusto, & C. Plautio Proculo cos. anno urbis CCCXCVI a Censuribus M. Fabio & duae tribus additae sunt Pomptina, & Popilla, alias Popillia in quas, tum qui agrum Pomptinum sortiti erant, tum noui alij ciues, qui in dies ciuitate donabantur, coniecti sunt. Sex. enim Pompeius: Pomptinam tribum a Pontia urbe dictam scribit, a qua & ager Pomptinus appellatus est. Haec in Volscis erat prope Terracinas. De hac tribu Cicero epist. iij. ad Atticum: Tribus habet Pomptinam, Velinam, & Maeciam. & viij. epist. Fam. libro. L. Iulius L. F. Pom. Annalis. Haec in antiquis marmoribus & Pontina, & Pomptina exarata est, ita

CIVITAS

Praeneste

DIS . MANIBVS . S

T. FLAVIVS . T. F. PONT

SABINVS

VIX. ANN. LXVI. M. VII

D. VIII . HOR . VIII

H . S . E

Praeneste

DIS . MANIBVS

L . IVNIVS . L. F. PON

TINA . ACVLNIVS

MIL. LEG. II. PARTH

MIL. AN. IX. VIX. ANN

X X X X V I

H . F . C

Romae

L . TARQVITIO

L. F. POMP

E T R V S C O

S V L P I C I A N O

SCRIBAE . QVAESTORIO

EX . TESTAMENTO

DE . HS . XX

Romae in domo Coritij

M . LARCIVS . L . F

POMPTINA

PVDENS . VETER

T . F . I . ARBITRIO

LARCIAE . FORTVNATAE

V X O R I S

H . M . H . N . S

TRIBVS . XXVII . POPILLA . *alias*
POPILLIA . *alias* POBLILIA

In Sex . Pompeij fragamento scriptum est : Popillia¹tribus
 buum , tot enim fu lici nomine a
 Pinaria a sorori mine . Paulus Pon
 tifex eius abreniator Popilla tribus (inquit) a progenitrice
 traxit uocabulum . His animaduersis in eam deueni sententiam ,
 ut haec tribus non a gente Popillia nomen acceperit , sed a lo
 co , qui forte in volsceis prope Pontinam erat . Neque enim ulla
 xiiij . harum tribuum quae a Liuiio primis xxi . additae referū
 tur , a familia nomen obtinuit , neque uerissimile est gentem Po
 pilliam , quae & plebeia fuit , & tantum hoc tempore cogni
 ta tribui nomen dedisse . Illud adde quod praeter Papiriae nul
 lius tribus Festus mentionem facit , quae a gente deriuetur , tan
 quam quod eorum nomina manifesta sint . Haec igitur tribus
 Popilla & Popilia primo appellata fuit , non a gente Popila
 lia , sed a loco nomen adepta , cuius in antiquis marmoreis mo
 numentis ita mentionem fieri inueni POP . POPIL . PVP .
 PVPIL . magna . n . Quintiliano auctore , inter O . & V . affini
 tas est , ut Poblicus , Publicus , Pullius , & Pollius , Poblicola , &
 Publicula . De hac tribu ita scribit Valerius lib . ix . cap . x . Quā
 ob causam Popillia tribus in qua plurimū postea Tusculani in
 ciuitatem recepti , potuerunt , neminem unquam candidatū Pol
 liae tribus fecit magistratum . Hanc tribum Liuius Publiliam
 uocat lib . vij . sic . Eodem anno duae tribus Pomptina & Pu
 blilia additae . Hanc proculdubio eandem cum Popillia esse exi
 stimo , nam processu temporis quū iam illud obrepisset , ut gē
 tes tribubus nomina darent , factum est propter litterarum affi
 nitatē , ut Popilla uel Popillia tribus in Pobliliam paulatim uer
 sa sit , nomine a familia Poblilia accepto , quae posterioribus
 tem=

temporib. quamquam plebeia, nobilis fuit. In antiquis enim monumentis uidi PV. PVB. PVBL. PVBLIL. Item POB. & POBL. Haec tribus in uetustis monumentis omnium frequentissima est; ita ut aliquando paulo minus quam XL. inscriptiones, quae eius meminerint, obseruarim. Quarum quae ad manus sunt exempla, hic suggeram

Ferentini

C. IVLIO. C. F. PVB. RVFO
VETERANO. COH. VI. PR
7. AQVILLII. MAXIMI
PRAETORI. AED. III. VIRO. I.D
MVNICIPIO. ALETRI
C. IVLIVS. C. F. RVFINVS. FRATRI
BENE. MERENTI. ET. SIBI
POSTERIS. QVE. SVIS

Romae

M. APICIVS
M. F. PVB
PVDENS
VERONA
MIL. COH. XII. PR
MILIT. AN. XVI
VIX. ANN. XXXIIX

H. S. E

Anagninae

L. VIBIO. L. F. POB. IVSTO
FILIO. PR. Q
L. VIBIO. L. LIB. SEVERO
VI. VIRO. AVG
VIBIA. . EVROPA
FECIT

Romae

APOLAVSTVS.MODIAN

PVBL.VII.VIREPV LON.ITEM..

APOLAVSTVS.CLAVDIAN.....

VII.VIRVM.EPV LON. . . .

IVSTVS.GAVIANVS.PVBL.ET..

P.VOLVSIVS RENATVS

VOLVSIÆ.IVSTÆ . MATRI

Reliqua tribus Pupilliae, & Pobliliae epigrammata ad manus
hoc loco non sunt

TRIBVS.XXIIIX.MAECIA

Latinis & Campanis, qui rebellauerant a T. Manlio consule in deditionem anno urbis CDXIII. redactis, res omnis ita a consule composita est, ut tradit libro octauo Liuius. Latini, Campaniq; agro mulctati, Latinus æger Priuernati addito agro, & Falernus qui populi Campani fuerat, usque ad Vulturum flumen plebi Romanae diuiditur. Extra poenam fuere Latinorum Laurentes, Campanorumque equites, quia non descuerant. Cum Laurentibus renouari foedus iussu, equitibus Campanis ciuitas data. Et paulo post: Anno urbis CDXVI. L. Furio & C. Maenio cos. post Latinum bellum confectum: Adicit Liuius. Lanuinis ciuitas data. Aricini, Nomentani, Pedani, eodem iure quo Lanuini in ciuitatem accepti, Tusculanis ciuitas seruata quam habebant. Campanis equitibus honoris causa, quia cum Latinis rebellare nolissent, Fundanis, & Formianis ciuitas sine suffragio data. Et haud multo post suggerit
Liuius,

Liuius: Anno CDXXII. A. Cornelio II. & Cn. Domitio cos.
 Eodē anno census actus, nouique ciues censi, tribus propter
 eos additae Maecia, & Scaptia. Censores addiderunt Q. Publi-
 lius Philo, sp. Postumius. Ita ut ex his Liuij locis hoc scitu-
 dignum animaduertere possumus. Dare ciuitatem ius populi
 Romani fuisse, quotiescunque illi libuisset, uerum nouos ci-
 ues in tribum conijcere, quod erat supremum ciuis Ro-
 mani priuilegium, ut in illa uel in illa suffragium ferrent, hoc
 munus censorum esse, censusque, & lustris tempus expectari
 oportere, atque ab eam caussam legimus aliquoties censores
 ante quinquennij tempus creatos, ut in commentarijs Fasto-
 rum animaduerti. Ceterum propter nouos (ut dixi) ciues, La-
 nuinos, Aricinos, Nomentanos, et Pedanos, quibus suffragijus
 diu ante datum erat, hoc anno a censoribus duae tribus addi-
 tae sunt Maecia & Scaptia. Ex quibus Maecia tribus aucto-
 re Sex. Pompeio, a quodam castro sic appellata est. Hoc au-
 tem Maecium fuit, quod Latinorū erat. De hac tribu ita scribit
 Cicero ad Atticum lib. quarto. Tribus habet Pomptinam, Ve-
 linam, & Maeciam. Et pro Plancio. Quid Plancio cum Lemo-
 nia? Quid cum Veientina? Quid cum Crustumina? Nā Mae-
 ciam, quae non iudicaret, sed quae reiiceretur esse uoluisti.
 Et Liuius libro uigesimonono. Deinde M. Liuius in aerarium
 uenit, & praeter Maeciam tribum, quae se neque condemnas-
 set, neque condemnatum consulem aut censorem fecisset, po-
 pulum Romanum omnem, quattuor & triginta tribus aera-
 rios reliquit & c. Idem tradit Valerius libro secundo, cap. quar-
 to de censoria nota

R O M A N A

528

De tribu Maecia inter aliquot lapides hunc collegi

Neapoli ad S. Paullum

C. HERBACIO . MAEC

ROMANO . DE . MAR

. II. VIRO. AL

. LICIO. QVAEST

CVR. SACRAE . PECVN

CVR. II. FRVM. COMPAR

SE. VIVO. FECIT

QVI. OB. PROMISS. VENAT

PHETRIS. DIVISIT . QVI

NA. MIL. NVM

TRIBVS. XXIX. SCAPTIA

Tribus Scaptia eo anno, & eam ob causam qua Maecia, teste Liuius, addita fuit. De qua Sex. Pompeius: Scaptia tribus a nomine urbis Scaptiae appellatur. Tranquillus in Augusto cap. XL. Fabianis & Scaptiensibus tribulibus suis, die comitiorum singula millia nummum a se diuidebat. Duas enim tribus Augustus, & plerique alij aliquando obtinebant, alteram qua sibi nascendi fors dedisset, alteram uero uel iure adoptionis, aut in accusationis de repetundis praemium, aut emptam, ut quis maiorem in distributionibus partem haberet. Ita enim legi in antiquo lapide Brixiae

Q. MINICIO. Q. F

FAB. POB

MACRO

Itera

CIVITAS

Item Augusti

C. IVLIO. C. F.

P. A. B. SCAPT

C. A. E. S. A. R. I.

A. V. G. V. S. T. O.

De hac tribu eiusmodi inter multas collegi inscriptiones

Romae

C. A. V. I. L. I. V. S.

C. F. S. C. A.

S. E. V. E. R. V. S.

F. E. S. V. L. I. S.

MIL. COH. III. PR.

7. P. A. V. L. I. N. I.

MIL. A. N. V.

VIX. AN. XXV.

H. A. C.

Neapoli

C. CISPIVS. A. F. SCAPT

SEVERVS. FLORENTIA

MIL. COH. III. PR. VIX

ANN. XLIII. MILITAVIT

ANN. XVII

Neapoli

L. APISIVS. C. F. SCAPTIA. CAPITOLINVS

E. X. TESTAMENTO. FIERI. IVSSIT

MONVMEN

ARBITRATV. HEREDVM. MEORVM. ET

SIBI. ET. SVIS

R O M A N A

Narniae

527

D . M

C.NVMISIO. C.F. . SCAP

NVMMEIO

NAVILIANO

SENIORI

E Q V O . ROMANO

OMNIBVS. HONORIBVS

IN. COL. NAR. PERFVNCTO

DONATO. AB. IMP. CAESAR

T. VESP. AVG. TORQ. ET

ARMILLIS. II. ET. HAS

PVR. II. ET. COR. VAL. II

C.NVMISIVS. C.F. SEMPRONIUS

DECVR. IN. COL. NAR

D . D

T R I B V S . X X X

OVSFENTINA

Crēscēte ob nouos ciues, qui in dies addebantur urbis frequentia, anno CDXXXV. L. Plautio & M. Foslio cos. Duæ Romæ, Liuiο libro octauo auctore, additæ tribus Ousentina, & Falerina. Eas addiderunt censores L. Papirius Crassus, & C. Maenius. Quod Liuius omisit. Hi enim eo anno censores relati sunt a Verrio Flacco in tabulis Capitolinis. De Ousentina tribu sic scribit Sex. Pompeius. Ousentinae tribus initio caussa fuit, flumen Ousens, qui est in agro Priuernate inter mare, & Terracinas. Lucretius

Priuernō Ousentina uenit, flauoque Ousente

Postea

Postea a censoribus alij quoque diuersarum ciuitatum eidem tri-
bui sunt adscripti. De hac tribu eiusmodi uidi lapides

Ponte Corui

C. MATIENI. C. F. . OV F
OVICVLAE
ANNORVM. XXVII
PRAECO. IDEM. DISSIGNATOR
TEMPVS. VICTVRO. MIHI. LONGVM
STAMINE. PARCA
AETATIS. NOSTRAE

Frusinone

A. AGNEIVS. L. F. OV F. NIGER. II. VIR
A. AGNEIVS. L. F. . RVEVS . . F
A. AGNEIVS. L. F. OV F. . SARDVS
A. ALLIENVS. Q. L. CHRISIMVS
AGNEIA. IOCVNDA. TESTAMENTO
SVO. FIERI. IVSSIT

TRIBVS. XXXI. FALERINA

Falerina tribus eo anno, quo Oufentina, Livio auctore, ad-
dita est, ab agro Falerno in Campania, ut existimo dicta, nam
ea parte & Oufentina fuit. De hac tribu Iosephus libro XIII
cap. XVI. antiquitatum meminit ita: C. Sempronius C. F. Fa-
lerina. & hi uetusti lapides

ROMANA

529

Albae

L. CORNELIVS. A. F. FAL
PVPILLVS

PRAEFECTVS. FABR
FLAMEN. QVINQVENN
PATRONVS. CASTRI. NOEVESIVM
EX. TESTAMENTO

C. IVLIVS. SP. F. PAL. CARVS
L. CORNELIVS. L. F. FAL. ALBANVS
L. CORNELIVS. ATHICTVS
L. CORNELIVS. EVTYCHVS
FECERVNT. ET. SIBI. ET. SVIS

Item

L. MAGIO. M. F. FAL
VETERANO. LEG. X
FRETENSIS

MAGIA. J. L
PATRONO. B. M. ET. SIBI

TRIBVS. XXXII. ANIENSIS

*Ob eam qua superiores caussam anno urbis CDLV. M. Ful
vio, & T. Manlio Cos. Liuius libro x. auctore, condito lustro a
censoribus P. Sempronio Sopho, & P. Sulpicio Sauerione, tri
bus additae duae Aniensis ac Terentina. Ex his Aniensis ab
Aniene amne (ut puto) dicta est, in Sabinis enim fuit. De hac tri
bu Cicero. Ep. fam. lib. VIII. mentionem facit sic: L. Atteius L.
F. An. Capito, & pro Plancio eandem commemorat. De qua tri
bu haec uetera epigrammata collegi*

l

Romae

CIVITAS

Romae in Quirinali

C . TERENTIVS . CC . L . ANI . EROS
 ALVMINARIVS . VIVOS . SIBI . ET
 CC . TERENTIS . HILARO . ET
 EPAPHRODITO . PATRONIS
 CAECILIAE . C . L . CHELAE . VXORI
 TERENTIAE . MVSAE . LIBERTIS
 CAECILIO . C . J . L . HILARO . MVSAE
 FRATRI

Sermonetae

DIIS . MANIBVS
 M . ANTONIO . M . F . ANIENSI
 MATRINIO . EVOK . AVG
 VIX . ANN . XXXIIX . M . VIII
 M . ANTONIVS . M . F . ANIEN
 PRIMIGENIVS
 MEDICVS . FACT . RVSSAT
 FRATRI . SANCTISS . FEC

TRIBVS . XXXIII . TERENTINA

De tribu Terentina, quæ cum Anienſi addita eſt, Cicero pro Plancio meminit ſic. Quas tribus edidiſti? Terentinam credo? Et paulo poſt: Prioribus comitijs Anienſem a Plotio, Terentinam a Plancio tibi eſſe cōceſſam; Et poſt: Altinas præfectura, ex qua Cn. Plancius fuit ex tribu Terentina. Idem Ep. fam. libro VIII. M. Oppius M. F. Terentina, Hanc a Terento (is locus in campo Martio erat) dictam puto. De qua in his antiquis inſcriptionibus mentionem ita fieri inveni

Ad

ROMANA

538

Ad S. Germanum

L. LVCCEIO . L. F. TER
HIBERO

II VIRO . ITER . QQ . PATRONO
SACERDOTI . SACRO . SAVADIOR
CVR . R . P . INTERAMNAT . LIRIN
EORVND . ET . PATRONO
I V D I C I . S E L E C T O
CASSINATES . PVBL . OB . MERITA . EIVS
D . D

Item

C. NAEVOLEIO . M . F . TER
RVFO . II . AED . Q
N A E V O L E I A E . C . F
PROCVLAE . LABEONIS

TRIBVS . XXXIII . VELINA

Tribus Velina a lacu Velino dicta, Floro ex Livio in epitoma libri XIX. auctore, addita fuit cum Quirina, anno Urbis DXIII. A. Manlio II. et Q. Lutatio Cos. Eas addiderunt censes C. Aurelius Cotta, & N. Fabius Buteo. Haec; xxxv. numerum expleuerunt. De hac Cicero epist. libro iiij. ad Atticum sic scribit: Tribus habet Pomptinam, Velinam, & Maeniam. Idem in Bruto: T. Annius Velina. Et Horatius libro i. Epistola vi

*Hic multum in Fabia ualet, ille Velina
Persius quoq; Satyra v*

Libertate opus est, non hac ut quisq; Velina

Publius emeruit scabiosum tesserula far

Haec ut dixi, a lacu Velino potius dicta est, quam a Velia. Est

l 2 crum

enim is lacus in Sabinis, a quibus sequens quoque tribus appellata est. Velia uero urbs Lucaniae longe ab urbe distans. De hac tribu haec uetusta monumenta meminerunt

Sutri

DIIS . MANIBVS
T. VALERIO . T . F
VEL . VICTORI
DECVRIONI . SVTRI
II . VIR. I. D. ITERVM
QVINQVENNALI
CVRATORI. PECVNIAE
PVBLICAE. PONTIFICI
PATVLCIA . EXOCHE
COIVNX

Recaneti in Piceno

C. LVCILIVS. C. F. VEL. VINDEX. MIL. COH. VI. PRAET
VIXIT. ANN. XXX. MILITAVIT. ANNIS. XII. PRINCIPA
LIS . BENEFICIARIVS . TRIBVNI . DEINDE. OPTIO
IN . CENTVRIA . HOC . TESTAMENTO . FIERI
IVSSIT . HONORIS . PIETATIS . QV E. CAVSSA
SIBI . ET . C . LVCILIO . SECVNDO . PATRI . ET
LVCILIAE . SVAE . AVIAE . EX . HS . ∞ ∞
PRAELEGATIS

TRIBVS . XXXV . QVIRINA

Tribus Quirina (quae eo anno quo Velina addita est) a Curen-
sibus Sabinis uidetur appellationem traxisse. Sex. Pompe-
ius. Cicero Ep. fam. libro VIII. C. septimius T. F. Quirina. Et
pro Quinctio: L. Albius Sex. F. Quirina. Asconius in Corneliae
nam: Duae solae tribus Sergia, & Quirina damnauerunt. Io-
sephus antiq. libro xliij. cap. xvij. Papirij Quirinae meminit.
Antiqua uero Epigrammata sic habent

Rom

ROMANA

533

Romae ad S. Marcum

C. ANTONIVS

C. F. QVI

PRISCVS. OSCA

MIL. COH. VII. PR

7. CRITONI. VERI

MIL. ANN. XV. VIX

ANN. XXXIIII

C. IVLIVS. PROCVLVS

COMMANNIPVLARIS

ET. H. B. M. F. C

Romae in hortis Iuljs

L. AEMILIVS. L. F

QVIR. REBVRVVS

MIL. COH. X. PR. 7

MARI. VIX. AN. XXV

MIL. ANN. IIII. T. P. I.

Item

L. CAESONIVS. C. F. QVIRINA

LVCILLVS. MACER. RVFINIANVS

COS. FRATER. ARVALIS. PR. AEF

VRBI. ELECTVS. AD. COGNOSCENDAS

VICE. CAESARIS. CONGITIONES

& cetera

Velina & Quirina tribus xxxv. numerum explevere. Post
quas is numerus amplius mutatus non est, usq; ad bellum Mar
sicum, in quo quum Tuscis, Vmbrijs, Gallis, & reliquis Cispada
nis populis lege Iulia ciuitas data esset, octo nouae tribus ut Pa
terculus, uel decem, ut Appianus tradit, in quas noui ciues conij
cerentur, a censoribus P. Licinio Crasso, & L. Iulio Caesare
additae sunt, anno vrbis DCLXV. Cn. Pompeio Strabone, &

M. Porcio Catone Cos. In eadem bello Marfisco confecto reliqui Italici ciuitate donati, præter Lucanos, & Samnites relati sunt. Quamquam et hi paulo post eandem sunt consequuti. Atque xliij. uel xlv. tribuum numerus factus fuerat, qui quum annos prope quattuor mansisset, postremo nouis ciuibus in xxxv tribus a censoribus L. Marcio Philippo, & M. Perperna, auctore L. Cinna consule distributis, denuo xxxv. numerus restitutus est. Qui idem Ciceronis tempore, ut ex eius orationibus in Rullum, in Verrem, in Antonium, & alijs locis liquet, fuit. Trigintaquinque tribuum etiam extat mentio in duabus Traiani imp. inscriptionibus eodem argumento exaratis, ita

IMP. CAESARI

DIVI. NERVAE. F

NERVAE. TRAIANO

AVG. GERMANICO

DACICO. PONTIFICI

MAXIMO. TRIBVNIC

POT. VII. IMP. III. COS. V

P. P

TRIBVS. XXXV

QVOD. LIBERALITATE

OPTIMI. PRINCIPIS

COMMODA. EARVM. ETIAM

LOCORVM. ADIECTIONE

AMPLIATA. SINT

Hæc itaque sunt xxxv. tribus, in quas uniuersus populus Romanus dispartitus erat, quarum aliquam, ut ait Asconius, necesse erat ut cuiuscunq; esset ordinis ciuis Romanus obtineret. Qui enim pleno iure ciues Romani erant, idest cum iure suffragij, quod erat supremum ciuis Romani ius, is in unam harum

xxxv.

xxxv. tribuum ut esset necesse erat, quam si antiquus ciuis hereditate, si nouus, a populo ciuitate donatus, a censoribus obtinebat, in qua suffragium ferret. Ex quibus quattuor ut dixi, Urbanae, in quas transferri ignominiae esset, reliquae omnes rusticae laudatissimae eorum qui rura haberent, quae propriae ingenuorum erant, quum Urbanae forēsis turbae, ut proletariorum, capite censorum, & libertinorum essent, ut auctores sunt Cicero primo de Oratore, Valerius, Asconius, Plinius, & Florus

DE . IIS . QVAE . SUPERFLVNT
TRIBVVM . NOMINIBVS

Multarum tribuum nomina, quae in uetustis epigrammatibus, & forte apud antiquos auctores, praeter xxxv. reperiuntur, multam & magnam dubitandi occasionem attulerunt. Nam praeter relatas, in antiquis inscriptionibus, Camillae, Cluentiae, Cluuiiae, Dumiae, Minuciae, Ocriculanae, Papiae, vot. . . . Cestiae, Taur. . . . Iuliae, Flauiae, Vlpiae, Aeliae, apud Liuium Sapinae, & Festum Pinariae mentionem quoque fieri inueni. De quibus quid existimem probabiliter disputaturus, nihil enim certi quod afferam habeo, primum rationem reddam, cur nullam earum in xxxv. numerum collocarim, deinde qua nam ratione constitutae esse potuerint. Etenim in xxxv primis tribubus digerendis illud praecipue obseruaui, ut eas tribus in earum numerum collocarem, quae tam ueterum auctorum, quam lapidum testimonia haberent. Quod etiam in omnibus praeter unam tantum Horatiam praestiti. Nam & auctores, & lapides quibus earum numerum confirmarem citavi. Horatiam autem potius, quae una ex his est, quae scriptorum testimoniis caret, quam ullam aliarum paulo ante recita-

tatarum tribuum interserui, tum ob eas quas dixi rationes quum de ea disputavi, tum quod nullae etiam harum testimonium ullam antiquum habeant, praeter unam Ocriculanae, quae una tantum sine controuersia quando Horatia delenda esset e numero xxxv. eius locum obtinere posset, tum quod multos lapides etiam ipsa habeat, tum quod, quamquam mendose, de ea M. Cicero oratione ij. in Rullum mentionem faciat sic: Ab Ocriculana ad Arniensem. Nam in antiquis scriptis codicibus Vsurana legitur. ut sit Suburana: deinde si Ocriculana, & non Suburana, legere uoluerimus Ciceronis sententiam labefactabimus, qui illarum duarum tribuum enumeratione uniuersas tribus comprehendere uoluit a prima ad nouissimam, a Suburana scilicet, quae inter urbanas prima est, ad nouissimam Arniensem: quomodo nouissimam? non quidem ratione temporis, nam xxv fuit, sed loci, omnium enim remotissima ab urbe erat. Quae quum ita sint relinquitur ut Ciceronis locus corruptus sit, & pro Ocriculana Suburana, legendum. Est & alius Ciceronis locus in oratione pro Q. Roscio, ita: Q. Luscius Ocrea senator. In quo cognomen id Ocrea Ocric. id est Ocriculana, pro tribu interpretari posset, sed quum res & obscura & incerta sit, uisum est potius Horatiam, quam Ocriculana tribum in xxxv. numerum referre, praesertim quum si Ocriculana una ex xxxv. tribubus esset, (hoc autem maxime me argumentum mouit) ut ex xxi. his quas Ser. Tullius fecit fuisset, necesse est, praesertim quum xiiij. sequentium numerus manifestus sit. Ceterum nulla ratione fieri potest, ut ex primis xxi. tribubus sit, quum hae omnes ab agri Romani locis a Seruio denominatae fuerint; Ocriculum autem a quo hanc tribum dictam fuisse crediderim, longe ab agro Romano situm erat. Quod si quispiam eam non ab oppido Ocriculo, sed ab ocriculis id est montibus appellatam assereret, ut collina a collibus, una qui-

quidem ex xxi. esse posset, uerum quum euidentiora argumenta non habeam Horatiam excludere Ocriculanae causa nolui, quandoquidem si Horatia tribus fuit, ut omnino fuisse credo, non nisi ijs temporibus addita esse potuerit, quum CD. anno post urbem conditam ea gens quae sub regibus, & post reges exactos primis reip. temporibus quam maxime in urbe floruit, uix amplius ab historicis nominetur

TRIBVS. EXTRA. NVMERVM
OCRICVLANA

Quid ergo eam esse dicemus? Ego igitur eam quidem unam ex xxxv. tribubus procul dubio fuisse existimo, sed quae nam ex supra relatis fuerit incertum. Quandoquidem unam tribum plura nomina habere potuisse, immo habuisse satis demonstrauerim. Vna enim ex antiquis Ser. Tullij tribubus, siue a gente, siue a loco appellata fuerit, esse potuit, in quam Ocriculani in ciuitatem recepti, a censoribus relati fuerint. A quibus ea tribus uel antiquo nomine mutato nouum Ocriculanae assumpserit, uel utraq; simul retinuerit. Nam eam tribum fuisse, in dubium uenire non potest, quum pleraq; saxa uetusta uiderim, quae eius mentionem faciebant sic: OCR. OCRIC. ex quibus haec ad manum nunc sunt

Morlupi

V . VITELIUS . A . F . OCR
CRESCENTIVS . II . VIR . CAP
Q . VALERIUS . Q . F . OCR
PACATVS . II . VIR . CAP
CVM . CONS . RESTITVE
RVNT

Via

CIVITAS
Via Flaminia
GENIO

IOVI . STYGIO . SANCTO
SACRVM
SEX . POMPEIVS . SEX . FIL
OCRIC . CIVICA
[MIL.COH.VIII.PRAET]

TRIBVS . EXTRA . NVMERVM
PINARIA

*Haec si tribus fuit (eius enim tanquam tribus meminit Sex. Pompeius sic: Popillia tr buum, tot enim fu
lici nomine a Pinaria a sorori mine.)
proculdubio una ex xxi. a Ser. Tullio factis fuit; puta Clustum
mia, Lemonia, Pupinia, aut Veientina. Cui gens Pinaria patri-
cia maiorum gentium, & urbe vetustior nomen suum novum
imposuit, ut de Aemilia, Fabia, Cornelia, & Papiria factum
fuisse scripsit. Sed hanc tribum merito illud suspexitam facit,
quod saxorum prorsus eget testimonio*

TRIBVS.EXTRA.NVMERVM
SAPPINIA

*Huius quoque tribus nullum unquam epigramma uidi, ne-
que qui se uidisset agnoui, quamobrem dubium esse potest an
Romana fuerit, quamquam de ea diserte bis, terue Liuius in li-
bris de bello Macedonico mentionem faciat, ut libro tricesi-
moprimo sic: Eodem tempore P. Aelius consul C. Oppium
praefectum socium, hac tumultuaria manu per Umbria, quam
tri-*

tribum Sappiniam uocant, agrum Boiorum inuadere iussit. Et libro tricesimotertio. Sub haec tam uaria fortuna gesta, L. Furius Purpureo alter consul per tribum Sappiniam in Boios uenit. & cetera

RELIQVAE. TRIBVS. INCERTAE

Reliquarum nouem uel decem tribuum nomina, si modo uel tribus fuerint, uel error fabrilis non sit (omnium enim in uetustis marmoreis inscriptionibus mentionem extare didici) diu multumque me torserunt. Vt Camilla Cluentia, Cluua, Dumia, Minucia, Papia, Vot Cestia, & Taur nam etsi facile concederem quasdam ex ijs errore fabrilis ortas esse potuisse, ut MIN. pro MEN. VOT. pro VET. uel VOLT. & similes, id tamen de omnibus dici nulla ratione posse existimo, & praesertim Papiae cuius supra XII. inscriptiones extare uidi sic exaratas: PAP. PAPIA. Cluentiam quoque & Cluuiam ex Clustumina errore fabrilis ortas existimasse, nisi eas integras sic CLVENTIA. & CLV VIA exaratas fuisse inspexissem. Cuius rei occasione CAM. Camillam, DVM. Dumiam, MIN. Minuciam. CES. Cestiam, quae concisae in lapidibus sculptae erant, interpretatus sum. VOT. enim & TAUR. si tribuum nomina fuere, interpretari me nescire fateor, nisi Votiuam & Tauriam dicamus, quod si error fabrilis fuit, et VOT. pro VET. uel Voturiam pro Veturia interpretari uoluerimus, quo modo Voturios pro Veturios dictos apud Sospitrum legimus, non erit, quod in eius alia interpretatione laboremus. Porro autem quum quasdam ex his tribubus omnino fuisse mihi persuasissem, & in his Cluentiam, Cluuiam, & Papiam, suspicatus sum haec nomina aliquot earum octo, uel decem tribuum fuisse,

se, quae bello Marſico quum Italis ciuitas data eſt, a Licinio & Iulio cenſoribus additae ſunt. Quod ut exiſtimarem duabus potiſſimum rationibus adductus ſum. Primum, quod eas aliquas ex antiquis XXXV. tribubus eſſe non poſſe ſemper exiſtimarim. Non enim ueriſimile uidetur, ut antiquis illarum nominibus mutatis, Cluuiæ, Papiæ, & Cluentiæ, quæ familiarum plebeiarum & nouarum nomina ſunt. aſſumpſerint. Deinde quia animaduenterim ab Appiano libro primo de bello ciuili, inter præcipuos duces Italicos, qui contra populum Romanum bello Marſico arma ſumpſerunt, Papium Mutilum, & L. Cluentium, nominari. Quæ familiae poſtea in ciuitatem receptae nobiles euaserunt, ſummoſque honores Romae adeptae ſunt, ut præturam & conſulatum. In Faſtis enim conſularibus Papij Mutili mentio eſt. Cluuiæ quoque eſt oppidi in Samnio nomen, a quo quando cum ceteris Italicis populis Samnites ciuitate donati ſunt, tribus Cluuiæ facile appellari potuit. Quod de his tribus dixi, idem de Camilla, aut Camillia, Dumia, Minucia, Ceſtia, Taur . . . & Vot Si Veturiam interpretari uoluerimus, et forte Aelia ſuſpicari poterit. Nam Iuliam, Flauiam, & Vlpiam, in Auguſti, Veſpaſiani, & Traiani memoriam additas, uel ex ueteribus ita appellatas fuiſſe, ex Dione libro XLIII. intelligi poteſt. Nec me mouet, quod, nouis ciuibus ex illis octo aut decem detractis in XXXV. poſtea tribus diſtributi ſint, atque tempore M. Tullij tantum XXXV. nominentur. Nam poſteaquam ciues ex ijs excepti ſunt, republica ſtante eas nihil fuiſſe exiſtimo, uerū poſt Auguſti tempora, quum integris prouincijs extra Italiam etiā ciuitas dari coepiſſet, eas ſub ijsdem quibus inſtitutae fuerant, nominibus, ab aliquo imperatore reſtitutas fuiſſe puto, atque ad XLIII. uel XLV. numerum iterum auctas. Quæ nihilo minus ob antiqui numeri religionem ſemper XXXV. appellatae fue-

fuerunt, quamquam XLIII. aut XLV. essent, ut centurijs, & tribubus Romuli sub rege Tarquinio Prisco, centumuiris, qui centum quinque, Sex. Pompeio, & quindecim uiris sacris facris faciundis, qui LX. Seruio auctoribus, fuerunt, accidit. Nec ulla difficultas fuit, quae nouas tribus addere sub imperatoribus prohiberet, praesertim quum ciues Romani in eas non distribuerentur amplius, ut suffragium ferret, uel aliquid commitijs agerent, quae omnia in principis unius potestate erant, sed tantum in eas tribus ciuitate donati referrebantur, ut id signum quoddam esset eos esse ciues Romanos, omnibusque priuilegijs potiri posse, quae libertate oppressa sub Caesarum imperio ciues Romani potiri ex legibus consueuerant. De quibus alio loco disputabo

DE.VIII. alias X. TRIBVBVS. BELLO. SOCIALI
A D D I T I S

Anno ab urbe condita DCLXIII. L. Iulio Caesare, & P. Rutilio Lupo cos. Bello Marisco maxime uigente, (omnis enim Italia auctoribus Picentibus; Tuscis, Vmbrijs, & Gallis exceptis, arma contra Romanos ob non adeptum ius ciuitatis assumpserat) quum iidem Tusci, Vmbri, ob eandem causam defectionem molirentur, ueritus senatus ne hostibus omni ex parte orientibus, urbem minus tueri posset, mare omne a Cumis ad urbem usque libertis communiuit, eis tunc primum ad militiam ob uirorum inopiam accitis. Italos uero omnes adhuc in fide permanentes (lege ab altero consulum quae Iulia appellata) quod maxime exoptabant, ciuitate donauit, inter quos Tusci, Vmbri, & Galli fuere. Hac igitur liberalitate usus senatus, ex amicis longe amiciores fecit, & qui dubij erant in fide confirmauit. Nouos uero hos ciues Romani haud statim eo

rum

rum tribubus quae x xv. numero fuere miscuerunt, uerum decem alias tribus addidere, in quibus ipsi suffragium nouissimi ferrent, & plerunque eorum suffragium nullius fere erat momenti, quum quinque & x x x. in primis uocarentur, quae supra dimidium reliquas excederent, quod a principio efflagitantibus Italis eos latuit. Quum uero res cognita fuisset alterius seditionis occasionem praebuit. Et paulo post. Et haec quidem per Italiam sociali bello gesta sunt, quod quum in maius augeretur Italia omni ciuitate donata, Lucanis & Samnitibus eo tempore exceptis, quieuit. Nam & hi eadem paulo post assequuti sunt, & inter tribus quemadmodum superiores separatim lecti, ne si antiquis ciuibus miscerentur, eos in comitijs superarent, quum essent numero longe plures. Hoc est quod ex Livio scribit Florus in epitoma libri LXXX. Italicis populis a senatu ciuitas data. Et libro XXCIII. Nouis ciuibus ex S. C. suffragium datum. Paterculus autem libro secundo hanc rem aliter tradere uidetur. Non enim nouas tribus additas fuisse scribit, sed octo ex ueteribus acceptas, in quibus Italicis suffragium ferrent. Ait enim: Non erat Mario & Sulpicio Cinna temperatior. Itaque quum ita ciuitas Italiae data esset, ut in octo tribus contribuerentur noui ciues, ne potentia eorum & multitudo ueterum ciuium dignitatem frangeret, plusque possent recepti in beneficium quam auctores beneficii, Cinna in omnibus tribubus se eos distributurum pollicitus est, quo nomine ingentem totius Italiae frequentiam in urbem acciuerat, e qua pulsus collegae optimatumque uiribus, quum in Campaniam tenderet, consulatus ei abrogatus est, susceptusque in eius locum L. Cornelius Merula flamen Dialis. Ita Velleius. Appiani autem sententiam magis, ut approbem duo faciunt, primum est antiquorum exemplum, qui propter novos ciues, nouas etiam tribus addere solebant; nunc enim tota Italia ciuitate donata

nata uerisimile etiam uisum est, ut eas decem tribus adderent.
 Alterum est octo, aut decem tribuum, quas mox referam nomina, quae proculdubio uerae tribus aliquando, & non ex xxxv. numero fuerunt. Hoc quidem anno a censoribus Iulio & Licinio propter novos ciues additae, & quadriennio post a Marcio & Perperna censoribus quum in xxxv. tribus Italici omnes distributi essent, dissolutae, & postremo post Augusti tempora, quum integris extra Italiam prouincijs ciuitas dari cepisset, et forte a Claudio imperatore in censura quam cum L. Vitellio anno urbis dccc. gessit, denuo additae; quod innuere uidetur haec inscriptio cuiusdam ab ipso ciuitate donati

TI. CLAUDIVS. TI. F

CAMIL

SOTERICVS

Porro autem inter ipsas nouas tribus has fuisse existimo

TRIBVS . CAMILLIA . *alias*
 CAMILLA

Huius tribus mentionem fieri in quinque antiquis inscriptionibus animaduerti sic: CAM. CAMIL. Quarum aliquot sunt in libro epigrammatum antiquae urbis exaratae ita

L. VICIDIVS. L. F

CAM. PRAESENS

item

Q. MANLIVS. Q. F. CAM

SEVERVS

ALBA. POMPEIA

item

CIVITAS

item

M.VADIVS. M.F
CAM.ASPRENAS

item

L.LVCCEIO.C.F
CAMIL.APRILI
AVG. BAD

item

TI.CLAVDIO. TI. F
CAMIL
SOTERICO

Ceterum uerbum CAMIL. pro Camilla, Camilia & Camillina interpretari potest. Causa autem cur neque huius, neque nouem sequentium nemo meminit est, quod paulo post quae institutae sunt, fractae fuerunt. Post Claudij uero imp. tempora haud multos integros historicos habeamus

TRIBVS. CESTIA

Tribum CES. quam in aliquot lapidibus se uidisse uir fide dignus mihi rettulit, pro Cestia ego interpretor gente post legem Iuliam Romae nobili, & consulari: C Cestij enim consulis sub Tiberio Caesare cum Cn. Seruilio mentio est apud Tacitum & in fastis consularibus, eiusdemque ut puto vij. viri epulorum in uetusta pyramide prope portam Ostiensem sic.

C.CESTIVS. L.F. POB. EPVLO
PR.TR.PL.VII.VIR.EPVLONVM

TRIA

TRIBVS . CLVENTIA

L.Cluentij bello Italico contra Romanos ducis Appianus meminit, Gentem etiam Cluentiam Romae nobilem Augusti tempore fuisse, eamq; a Troianis & Cloantho comite Aeneae descendisse, tradit Virgilius lib.v. sic

. . . . genus unde tibi Romane Cluenti

Ab hac facile fieri posset, ut tribus Cluentia nomen obtinuerit de qua mentio est in hac uetusta Sublacensi inscriptione

DIS . MANIBVS

SEX . IVNIVS . SEX . F . CLVENT

FRONTINVS

VET . LEG . I . ITAL . VOLVNT

VIX . ANN . LXIIX . M . IIX

H . S . E

TRIBVS . CLVVIA

Haec tribus a Cluuiam Samnitium urbe, de qua meminit Livius, nomen obtinere potuit, in qua Samnites in ciuitate recepti, coniecti fuerint, de ea enim mentionem fieri animaduerti in uetusto hoc Praenestino epigrammate

D I S . M A N I B V S

D . ANTISTIVS . D . F . CLVVIA

AETERIVS

MIL . COH . V . PRAET . 7 . AELI

ASPRI . VIX . ANN . XXXXII

M . I I X . D . X X I I

T . F . I

IN . FRON . PEDES . XXIIII

IN . AGRO . PEDES . XXIIII

TRIBVS. DVMIA

Tribum quae in tribus vetustis lapidibus DV M. notatur,
ego Dumiam interpretor, de qua praetera nihil, quod affer-
ram, habeo

Romae

Q. FLAVIVS . DVM . Q. L. HILARVS
FECIT . MONVMENTVM . SIBI . ET
Q. FLAVIO. HERMEROTI. FRATRI. ET
Q. FLAVIO. GAMO. COGNATO. ET. SVIS
LIBERTIS . LIBERTABVSQVE
QVOS . MANVMISI . ET. QVOS. MANV
MISERO

POSTERIS. QVE. EORVM

Via Calsia

CLAVDIAE . VENERIAE
A. GELLIVS . A. F. DVM
SECVNDVS

B O N O N I A
FECIT . ET . SIBI
IN. F. P. VI. IN. AGR. P. IX

Fani

Q. PERCERNIVS
Q. F. DVM
MASCVLINVS

TRI.

TRIBVS . MINVCIA

Minuciam gentem Romae nobilissimam & uetustissimam fuisse satis constat. Haec quum priscis temporibus a patribus ad plebem transiisset, paulo ante bellum Marficum adhuc florebat quo tempore duos consulares, & alterum ex ijs triumphalem Minucios habuit. Ab hac gente haud absurdum esset tribum Minuciam deriuatam esse dicere, de qua in antiquo hoc lapide mentio est ita

Praenestae

A . MVNIO . A . F
 MIN . EV ARISTO
 SPL . EQ . R . PAT . COL
 OMNIBVS . HONOR
 NITIDE . FVNCTO . OB
 INSIGNEMEIVS . EDITIONEM
 MVNERIS . BIDVI . POPVLO
 POSTVLANTE . BIGAM
 PLACVIT . EQVEST . STATVA
 DECRETO . ORDINIS . EVM
 ORNARI

L . D . D . D

TRIBVS . PAPIA

Frèquentissima mentio est huius tribus in uetustis marmoreis monumentis, ita ut haec una fidem reliquis facere queat, plures quàm xxxv. tribus fuisse. Haec forte a gente Papia dicta est

m 2 Ita-

Italicarum nobilissima. Nam inter primos belli socialis duces a Paterculo, & Appiano Papius Mutilus refertur, cuius gens postea in ciuitatem accepta consularis fuit. Papiorū enim Mutili & Secundini consulum sub Augusto in fastis mentio est. Item legis Papiae & Poppaeae. T. quoque Annius Milo oratione Ciceronis celebratus e gente Papia fuit. A qua proculdubio haec tribus nomen accepit: de qua hi lapides meminerūt

Sutrij

M . ANTEIO
M.F.PAP. RESTI
TVTO . PR . IVV
AEDILI . AVGVRI
CVR . R . P . DECVR
AVGVST . ET . POP
AERE . CONLATO

Romae in domo Laelij Lalli

Q . CAECILIVS . Q . L . PAPIA
SIBI . ET . LIBERTIS . ET . LIBERTABVS . QUI
SVNT . COMMVNES . CVM
CAECILIA . Q . L . DIONYSIA . ET . POSTERIS
LIBERTORVM . ET . LIBERTARVM . EORVM
CAECILIA . Q . L . DIONYSIA
SIBI . ET . LIBERTIS . ET . LIBERTABVS . QUI
SVNT . COMMVNES . COM . Q . CAECILIO
Q . L . PAPIA . ET . POSTERIS . LIBERTORVM
ET . LIBERTARVM . EORVM

Neapoli

C . M A R C I V S . C . F

P A P I A

S I B I . E T . S V I S . L I B E R T I S

E T . L I B E R T A E

H O C . M O N V M E N T V M

S I V E . S E P V L C H R V M . E S T

H . N . S

T R I B V S . T A V R

Tribum Taur. neque ego unquam uidi, neque qua ratione interpretari possit, nisi Tauria dicamus, Scio. Vir tamen doctus, & fide plenus se hanc in antiquis tabulis marmoreis uideri pro certo affirmavit

T R I B V S . V O T

Huius tribus in duabus omni ex parte absolutis elegantissimisque inscriptionibus mentionem extare uidi ita

Romae apud G. Delphinium

L . N E V I V S . L . F . V O T

P O L L I O

L . N E V I O . L . L

D I O M E D I

m s

Ro.

CIVITAS

Romae ad S. Mariam in via lata

CN . SERGIO . CN . F . VOT

PRISCO . FILIO . SVO

PRAETORI

SACRIS . VOLCANI . EX . DD

AEDILI . ADLECTO

Haec autem (si error fabrilis est quod minime existimo) tam pro Veturia, quam pro Voltinia interpretari possunt. Quamquam apud Sospitum voturios pro veturios aliquando dictum legimus. Ita ut Veturia dicendum sit. Quod si neque error fabrilis sit, neque Veturia legendum, quid plane dici possit ignoro, nisi Votina uel Votinia interpretemur, quorum neutrum tamen placet

TRIBVS . AELIA

Postremam omnium Aeliam tribum, quae decem numerum expleret suggesti, quod parum compertum habeam, an a gente antiqua Aelia nobili, quamquam plebeia, an ab Hadriano Imperatore, qui ex gente Aelia fuit, dicta sit, quemadmodum Iulia, Flavia, & Vlpia; quae ab Augusto, Vespasiano, & Traiano nomen adeptae sunt. Huius tribus lapidem nullum adhuc uidi, sed se uidisse uir quidam doctus et cui facile credo, mihi rettulit. Haec autem si omnia tribuum nomina sunt a xxxv. diuersa, facile ipsarum decem tribuum bello Marisco additarum esse potuerunt. De quibus praeterea quid afferam non habeo

TRIBVS . IULIA

Tribum Iuliam scribit Dio libro xliij. in Augusti honorem a senatu appellatam fuisse, unam ex ueteribus, non de nouo addi-

additam. Quae autem ea fuerit incertum. De hac tribu duas inscriptiones extare uidi ita

Fani

Q. TITIENVS . Q. F
IVLIA. QVADRATVS

Inter Ariciam & Bouillas

D I S . M A N I B V S
Q. IVNIVS. Q. F. IVLIA
VALENS

MIL . LEG . V . ALAVD
VIX . ANN . XLIIX
D . XX . H . IIX . VIVVS
FECIT . SIBI . ET . SVIS
IN . FR . P . IIII . IN . A . P . I III

TRIBVS . FLAVIA

Et haec tribus aut a Vespasiano, aut ab altero filiorum
Tito uel Domitiano nominata fuit : quandoquidem hi ex gen-
te Flauia fuerunt . De qua tribu hanc uidi inscriptionem
Romae

C . VALERIVS . C . F
FLAVIA . SPECTATVS
SISICIA . MIL . COH
VIII . PR . 7 . VOCONI
MIL . ANN . VI . VIX
ANN . XXIII . H . F . C

TRIBVS . VLPIA

Haec in Traiani Imp. memoriam denominata est, de qua antiquum epigramma ego aliquando uidi, quod modo ad manus non est. Atque haec sunt omnium tribuum nomina, quae ego unquam extare in antiquis, tam librorum quam lapidum monumentis, didici. Quas ego hac ratione digessi, atque de ijs ita disputaui, ut probabiliter potius, et disputandi more disseruerim, quam sic omnino fuisse mihi persuadeam. Quae ego attuli, harum rerum studiosi accurate examinabunt, si quod mihi proposui, consequutum me esse existimabunt, non parum mihi in lucro tulisse uidebor, sin autem liberum erit cuique, quae de rebus adeo nostra aetate, et forte antiquorum etiam obscuris tractaui, ad suam ipsorum sententiam, dum meliora et certiora asserant omnino reuoluere, et ea distinctiora et illustriora reddere, quod enim potui praestiti, neque quicquam laboris quo omnia clarissima facerem reliqui

A tribubus comitia tributa fiunt, quemadmodum a curijs curiata, et centurijs centuriata. Ea erant auctore Gellio quae ex regionibus, et locis, id est per tribus suffragium ferebatur. Erant enim tribus populi Romani partes distinctae locis in urbe diuersis et regionibus undique circum urbem per Italiam dispersis. Ceterum de comitijs curiatis haud multo post, quam ad eorum primam institutionem deueniam, disputabo. Atque hactenus de tribubus Romanis

De Censu primo, & lustro instituto

Post disputationem de tribubus, quae de censu pollicitus sum nunc exponere rei ipsius ordo requirit. Ser. itaque Tullius rex, post urbanas rusticasque tribus institutas, Tuscorum exerci-
tu

tu fuso, Romam (ut inquit Liuius) reuersus, longe maximū pacis opus aggressus est: ut quemadmodum Numa diuini auctor iuris fuisset, ita Seruium conditorem omnis in ciuitate discriminis, ordinumque, quibus inter gradus dignitatis fortunaeque aliquid interlucet, posterifama ferrent. Censum enim instituit rem saluberrimam tanto futuro imperio, ex quo belli pacisque munia non uiritim, ut ante, sed pro habitu pecuniarum fierent; nam classes, centuriasque, & hunc ordinem ex censu descripsit, uel paci decorum, uel bello. Tum igitur ciues omnes bona sua aestimare rex iussit, atque eorum aestimationem iure iurando obstrictos ad se deferre; praeterea patrem, nomina, & aetatem uxorū, liberorum, libertorum, seruorumque profiteri, quaque urbis in regione, aut quo suburbij pago habitarent, indicare; qui secus fecisset, bona eius publicari, ipsum uerberatum uenire, & ciuitatem amittere uoluit. Ex ijs autem uerbis, quae Dionysii sunt colligimus: Ciues Romanos non ubi ad aetatem ferendis armis idoneam, hoc est ad annos xvii. peruenerant, ut quidam existimarūt sed a quo primum die nati erant, censos fuisse. Quo in loco Dionysius ipse libertinos quoque, & seruos una cum ingenuis fuisse censos significat. Quum autem ut ex eodem liquet, rustici Romani censi fuissent, non est dubium, quin posteaquam communicari ciuitas coepta est, municipia, & coloniae in censum recepta fuerint. De municipijs autē ita scribit Pedianus: Conuenerat ex municipijs cuiuscunque modi multitudo, aut propter comitia suffragiorum causa, aut ludorum, aut ut censerentur. Idem quoque significant uerba Ciceronis in oratione pro Cluentio quum scribit: Tabulas publicas Larini censorias corrupisse, decuriones uniuersi iudicarunt. Certe .n. de tabulis ijs intelligit, in quas Censores quum ciuium Romanorum censum agerent, municipum nomina rettulerant. Co-

loni

loni uero bello Punico secundo censi coepti. Ita enim scribit Liuius libro XXIIX. Duodecim coloniarum quod nunquam antea factum erat, deferentibus censoribus, censum acceperunt: ut quantum numero militum, quantum pecunia ualerent, in publicis tabulis monumenta extarent. Orbos autem & orbas, itemque uiduas censu exclusas aliquando fuisse refert Liuius. Lib. II. Q. Fabio (inquit) T. Quintio Cos. censa sunt ciuium capita CXXIII ∞ CCXIII. praeter orbos, orbasque. Et libro LIX. ait: Censa ciuium capita CCCLXIII ∞ DXIII. praeter orbos & uiduas. Nulla igitur (his exceptis) hominum conditio censu a Ser. Tullio exclusa fuit, ut ex Dionysio satis constat. Qui professione perfecta tabulas perlegit, quibus & ciuium numerum, & uniuscuiusque opes cognouit. Prout autem uarius erat cuiusque census, ita etiam sex descripsit ciuium classes, quae in ceturias dispartitae erant. Ita ut in primam ditissimum quenque, in sextam tenuissimum conijceret. Ex his enim quorum maximus erat census, idest, qui centum millia aeris eoue amplius possiderent, primam classem fecit octuaginta centuariarum, quadraginta quidem seniorum, & totidem iuniorum. Erant autem seniores post annum aetatis XLV. iuniores autem a XVII. ad XLV. seniores ad urbis custodiam ut presto essent, iuuenes ut foris bella gererent. Arma is imperata galea, clypeus, ocreae, lorica omnia ex aere, haec ut tegumenta corporis essent, tela in hostem hastaque, & gladius. Additae huic classi, ut Liuius scribit, duae fabrum centuriae, quae sine armis stipendia facerent, datum munus ut machinas in bello ferent. Has duas centurias, non primae sed secundae classi adiectas fuisse prodit Dionysius, earumque unam centurias seniorum, alteram uero iuniorum sequi iussas. Secunda classis intra centum, usque ad quinque & septuaginta millium censum uiginti centuriarum

instituta, decem seniorum & decem iuniorum, his arma imperata, scutum pro clypeo, & praeter lorica omnia eadem. Tertiae classis quinquaginta millium cēsum esse uoluit, uiginti quoque centuriarum, ex quibus decem iuniorum, totidem seniorum, quibus de armis quicquam mutatum, praeter ocreas tantum, quas eis ademit. In quarta classe census quinque, & uiginti millium, ut Liuius, uel xx. tantum millium, ut Dionysius; totidem centuriae, eodemque discrimine aetatum factae; arma his immutata nihil praeter hastam, & uerutum datum. Quinta classis aucta, centuriae xxx. factae xv. seniorum, xv. iuniorum, xi. millibus haec classis censebatur, fundas lapidesque missiles hi secum gerebant. In his, ut Liuius scribit, accensi, tibicines, cornicinesque in tres centurias distributi. Dionysius uero, duas tibicinum tantum centurias factas fuisse refert, easque quartae classi adiunctas, quarum una erat seniorum altera iuniorum. Census autem xi. millium minor, reliquam ciuium multitudinem habuit, quae erat maior ciuium multitudo, quam in unam centuriam redegit militiae ac tribu ti immunem, & haec fuit sexta classis. In hac autem centuria proletarij, & capite censi erant. Proletarij autem erant, qui ∞ c. asses uel plus minus in censum deferebant, qui soli in urbe procreandae proli, & nulli alio uidebantur uacare publico muneri, unde a prole proletarij nuncupati. Capite censi uero tenuiores erant, qui ccclxxv. asses haberent in censum, qui quoniam pecunia non uiderentur censi, capite suo censebantur, ciuium numerum augentes, quibus nō ideo uacatio a militia data, quod arma his quoque non comitti possent, sed quia bellicos sumptus facere nequirent. Eis enim temporibus milites se de suo alebant. Proletarij longo tempore post militare coeperūt. Capite uero censis primus bello Iugurthino arma dedit C. Marius, ut scribunt Salustius, & Valerius

rius Maximus. Ceterum Ser. Tullius ita pedestri exercitu or-
nato distributoque, equitum ex primoribus ciuitatis qui maxi-
mo censu essent, XII scripsit centurias. Sex item alias centu-
rias tribus a Romulo institutis, sub iisdem quibus inauguratae
erant nominibus fecit, atque ad XVIII. numerū auxit, quas
cū octuaginta primae classis centurijs cōiunxit, eisq; ad equos
emēdos, dena millia aeris ex publico data, & quibus equos ale-
rent uiduae attributae, quae bina millia aeris in annos singulos
penderēt. Ex qua diuisione sequitur ut decuriones, equites, sena-
tores oēs in prima classe cēferentur, quandoquidē neq; decurio
poterat esse qui cētū millia nō haberet, neq; eques qui XL
neq; senator qui octingenta millia. Sūma aut centuriarum quae
oībus classibus cōtinebatur, erat CXCIII. uel ut Liuius, CXC-
III. Qui unā tibicinū cornicinū, et accensuā cēturiā adiūgit.
Ex his octo & XC. erāt primae classis, si numerētur cēturiae
XVIII. equitū, uel centū cēturiae erunt primae classis si duas
fabrū addiderimus, quas Liuius primae, Dlonysius uero secūdae
classibus adiunxere. Populo ita distributo militum descriptio-
nem per centuriarum diuisionem faciebat, ac tributum ex cen-
su per easdem centurias imperabat. Nam si quando ei opus
esset militum decem millibus, aut uiginti, diuisa in centum no-
naginta tres centurias ciuitate, per centurias imperabatur
quantum dare militum quemque oporteret. Tum inita ratione
pecuniarum quae exercitui ducendo opus esset, populus in cen-
tum nonaginta trium centurias diuidebatur, & quid quamque
centuriam conferre oporteret, imperabat. Qua ratione fie-
bat, ut qui maximo censu erant, quum & pauciores essent, &
in plures diuisi centurias, saepius ac fere continenter ferrent
onus militiae, & de suis facultatibus plus in commune confere-
rent, atque ut ait Liuius: In dites a pauperibus inclinata one-
ra. Qui enim medio censu erant, quia plures erant, & in pau-
ciores

ciores centurias distributi, nec ita saepe militabant, nec magno tributo grauabantur; qui uero infimo censu erant omni onere immunes fuerunt. Atque illo quidem periculorum & impensarum onere diuitibus imposito, ut ne id grauer ferrent, optimam rationem leniendae indignationis commentus est. Effecit enim ut hi uere Reip. domini essent, & in pauperibus nulla propemodum uis esset, idque ita fecit, ut se excludi plebs non sentiret. Fuit autem illa quam diuitibus dedit, dominatio in comitijs, quibus res maximae a populo sciscabantur. Nam ex ueteri lege tria erant in populi potestate, magistratus omnes creare, leges condere, aut abrogare, bellum indicere, aut pacem facere. Haec uero a populo adhuc ita peragi solita erant, ut per curias diuisus suffragium ferret. Erantque tunc pauperes diuitibus ferendo suffragio pares. Quin etiam, quia multo pauciores erant diuites pauperibus, ita fiebat, ut uis suffragiorum esset penes pauperes. Quo a Ser. Tullio animaduerso in diuites transtulit potestatem suffragiorum; quando enim uolebat uel magistratus creare, aut leges ferre, aut bellum indicere, centuriata comitia pro curiatis uocabat, ac primum quidem ad suffragium ineundum uocabat centurias maximi census, in quibus erant XVIII. centuriae equitum, & peditum XC. Hae octo & nonaginta centuriae quae reliquam multitudinem tribus centurijs superabant si conuenissent, reliquas uincebant, omninoque quod statuissent obtineri oportebat. At si omnes illae non conuenissent, tunc uocabat secundae classis XX. uel XXII. centurias, quod si harum rursus diuersae fuissent sententiae, uocabantur centuriae uiginti classis tertiae, mox quartae XX. uel XXII. idque eousque faciebat, donec XCVII. centuriae conuenirent, quod si uocata etiam quarta classe id nondum ita accidisset, sed suffragiorum multitudine pares essent CXII. centuriarum sententiae, tum ultimam centuriam sextae classis uocabat

cabat, quae cui parti se addidisset ea uincebat. Id quod raro aut nunquam usu uenit; fere enim a prima classe omnia transigebantur, raro ad quartam peruentum. Quinta uero classis, ac postrema nullius fere momenti erant. Atque illo quidem ordine instituendo, quo tantum auctoritatis dabatur ditioribus, ut pene exacti Reip. administratione pauperes uiderentur, tantum adhibuit calliditatis, ut plebi infimae fraus non appareret. Omnes enim se aequabiliter gerere remp. censebant, quod uiritim rogabantur in suis singuli centurijs. At decipiebantur, partim quod uniuersae centuriae unum esset suffragium, siue plurimos, siue paucos ciues complecteretur, partim quod primae suffragium ferrent eae centuriae, quae erant maximi census, quae & plures erant numero reliquis omnibus, & pauciores tamen homines singulae continebant. Erat uero & pars fraudis non minima in eo, quod capite censi quamquam longe plures essent, unicum tantum suffragium omnes faciebant, ac postremi uocabantur. Qua ratione efficiebatur, ut diuites quorum erant maximae in rep. impensae, quique cōtinenter munera rei pub. sustinerent, minus id grauate ferrent, propter eam quam obtinebant in rebus maximis auctoritatem; quam cum ijs non communicari uidebant, quibus in capescenda rep. non tantum oneris incumberet: pauperes contra, quibus oneris publici minimum imponebatur aequo animo ferrent, se pro sua immunitate tributorum ac militiae inferiores ijs esse, in quos ista incumberent. Haec ratio reip. gerendae per multas aetates a Romanis seruata est. Qua ratione autem posterioribus temporibus mutata fuerit, tribuum numero aucto, centurijsque duplicatis alibi explicabo. Censu autem a rege Ser. Tullio perfecto, quem maturauerat metu legis de incensu latae (nam uinculorum minus, mortisque edicto cauerat ne quis incensus remaneret) lausum hac ratione primo condidit. Edixit ut omnes ciues Ro-

mani,

mani, equites, peditesque in suis quisque centurijs, in cāpo Martio prima luce adestent, ibi instructum exercitum omnem sue, oue, & tauro, sacrificio facto lustrauit, quas hostias quum eas prius circumduci ter circum exercitum iussisset, immolauit; idque conditum lustrum appellatum, quia in censendo finis factus est. Id autem sacrificij genus Solitaurilia, & Sueouetaurilia uocabant. Primo autem lustro censa fuisse octuaginta ciuium millia traduntur, quem numerum eorum tantum fuisse Q. Pictor scripsit, qui arma ferre poterāt. Dionysius uero eos octuaginta quattuor millia fuisse prodit. Idque ex tabulis censorijs se accepisse scribit: cum Dionysio sentit Eutropius. Quum uero institutum fuerit, ut quinto quoque anno exacto census fieret, lustrum ue conderetur, hinc lustrum pro quinquennali spatio sumptum esse constat. Idque a luendo dictum scribit Varro libro quinto de lingua Latina, quod quinto quoque anno uectigalia, & alia tributa per censores persoluerentur: tametsi ultra quinquennij tempus uel bello, uel domesticis discordijs, uel alio casu saepe productum in septem, decem, & aliquando septemdecim annos fuisse lustrum ex Fastis constet. Magistratus autem huic muneri praefuit primum, qui summus in urbe fuit, reges, electis regibus consules, deinde quum consules bellis impeditentur censores, qui ab re nomen acceperunt. Censum autem in foro primum, deinde Villa publica (locus is erat in campo Martio) fieri institutum; lustrum uero semper in campo Martio conditum. Haec autem ex Dionysio, Liniio, Plinio, Salustio, Valerio, Eutropio, Censorino, Sex. Pompeio, L. Floro, & ceteris, qui Ser. Tullij regis acta scripserunt, decerpsti

De comitijs centuriatis

De comitijs autem centuriatis disputaturus, quae praecipua populi Romani comitia erant, ante omnia quid comitiorum uocabulo significetur interpretandum est. Comitia a coeundo, uel potius, ut ueteres dicebant a comeundo dicta sunt, quod populus coire his et in unum locum conuenire soleret, a quo etiam uerbo locus in foro Romano Comitium dicebatur, et conciones quasi comitiones uocabantur. Erant autem comitia quum generaliter uerbum accipitur, conuentus populi totius, aut partis ad ferendum de aliqua re suffragium. Alio modo, et quum proprie uocabulum accipitur, uniuersi populi conuocatio ad aliquid suis suffragijs siscendum. Nam si plebs tantum, quae pars populi erat a magistratu uocata fuisset, ea non proprie comitia dicebantur sed concilia, quod Gellius libro xv. cap. xxvii. ex Laelio Felice, Cicero. ij. de legibus, et post reditum in senatu, docent. Quamquam Liuius hanc differentiam non agnouisse uideatur, qui et saepe comitiorum et concilij nomine absque ullo discrimine in eadem re utitur, et concilium pro quauis populi congregatione usurpat. Ceterae porro populi congregationes, et coetus, qui non ferendi suffragij causa, sed ludorum, aut census fiebant, non comitia dicta. Non erant enim comitia nisi essent populi tales conuentus, qui indicti essent ad ferendam de aliqua re per suffragia sententiam. Tria autem erant comitiorum genera, curiata a Romulo instituta, de quibus supra uerba feci; centuriata a Ser. Tulio inuenta, de quibus nunc disputare institui; et tributa, de quibus post dicam. Calata enim comitia non faciebant aliud genus comitiorum, sed eiusmodi erant uel curiata, uel centuriata, a calo uerbo quod est conuoco dicta, unde,

Et Romae in Capitolio curia Calabra, in qua calata, hoc est conuocata plebe, pontifex dies pronuntiare solebat. Centuriata igitur comitia erant, quibus populus per classum centurias diuisus suffragium ferebat, ita ut centuriatim suffragia colligerentur, et quod plures centuriae iussissent, id ratum haberetur. Ex his autem, quae supra ex Liuiο, et Dionysio de Ser. Tullio disserui, quales, et a quo primum, et quo modo institutae, suffragiumue ferrent eiusmodi centuriae, unde nomen habuerūt centuriata comitia facile intelligi potest. Tribus porro potissimum de causis comitia centuriata haberi solebant. Vna erat creandorum magistratuum, altera legum ferendarum, tertia iudicij exercendi causa, quod etiā Cicero ij. de diuinatione docet. Quod quidem institutum reipublicae causa est, ut comitiorum uel in iudicijs populi, uel in iure legum, uel in creandis magistratibus principes ciuitatis essent interpretes. His autem comitijs creabantur primo omnes maiores magistratus ordinarij, et extra ordinarij praeter dictatorem, qui noctu ab altero consulum, ex S. C. quotiescunq; opus esset dicebatur; magistrum equitum, qui a dictatore cooptabatur, et interregem, quem comitiorum habendorum causa, non nisi patricium, et a patricijs prodisolitū Cicero, Asconius, et Liuius testantur. Erant autem maiores magistratus, qui comitijs centuriatis creabantur: consules, quod ex Cicerone, et T. Liuiο manifestissimum est; praetores, ut ex omni Liuiana historia liquet, et postremo censores, ut A. Gellius lib. xij. cap. xiiij. ex Messalla scribit. Qui Consules, censores, et praetores maiores magistratus uocat, eosque comitijs centuriatis aperte creatos refert. Dictatorem autem ab altero consulum creari mos erat, ut supra dixi, qui ex S. C. quem uellet ex omnium consularium numero dictatorem quoties opus erat, dicebat. Illud tamen scitu dignum, aliquando populi iussu actū
n fuisse

fuisse, ut consul non pro arbitrio, sed quem populus iussisset dictatorem diceret, ut dictus est Q. Fulvius Flaccus a M. Marcello consule bello Punico secundo: ex quo etiam plebiscito a Q. Fulvio dictatore P. Licinius Crassus pōlifex max. mag. eq. dictus est. Est etiam per absentiam consulum aliquando prodictatore a populo creatus, quemadmodum de Q. Fabio Maximo testatur Livius lib. xxij. Interrex aut quā sine curuli magistratu resp. esset comitiorum causa patricius a patricijs coeuntibus prodebatur, quam rem saepe Livius commemorat. Illud quoque animadvertendum, proconsules interdum centuriatis comitijs creatos, ut de P. Scipione Africano proconsule in Hispaniam misso tradit lib. xxvi. Livius. Quamquam rationē hanc decernendarum provinciarum nec perpetuam, nec ordinariam fuisse post ostendam. Comitij postremo centuriatis creabatur Rex sacrorum, alias rex sacrificulus, ut ex Laelio Felice docet Gellius lib. xxvij. cap. xv. Nam de quibus sacerdotij lex Domitia fuerit supra demonstraui. Comitij etiā centuriatis x. viri legum scribendarum, & tribuni militum consulari potestate creati sunt. Hi igitur sunt omnes magistratus, quos centuriatis comitijs creatos fuisse inveni. Alteram porro comitiorum centuriatorum causam fuisse dixi legum ferendarum. Leges autem hae fuerunt omnes, quae a magistratibus iisdem promulgate sunt, qui vel maiores essent, vel comitijs centuriatis crearentur. Quare omnes fere leges a dictatoribus, consulibus, & praetoribus auctoritate senatus latae, centuriatis comitijs latae sunt, ut de bello indicendo, Valeriae de prouocatione, duodecim tabularum, Aemilia de censura, & similes. Dixi autem fere ita factitatum, quia id perpetuū non fuit, ut quas leges ferrent maiores magistratus has centuriatis comitijs ferrent. Nam aliquando leges curiatas a maioribus magistratibus, ut a consule in comitio latae

legis

legimus, ut fuit rogatio M. Pisonis consulis ad populum de religione a P. Clodio contempta in comitio, auctore Cicerone, lata. Bellum postremo iisdem comitijs indici solitum aperte ex omni Liuij historia intelligitur. Pax enim tributis comitijs, ut ostendam, fiebat. Tertia postremo comitiorum centuriatorum ratio fuit iudiciorum exercendorum causa. Iudicia autem populi his comitijs habita, ad unum tantum crimen capitale perduellionis spectabant. Nam reliqua iudicia, uel a triumphis capitalibus, uel ab aedilibus, uel a C. viris, uel a praetoribus, uel a quaestoribus ad id a populo creatis, aut quaestoribus pericidij transigebantur. Vnum tantum perduellionis crimen ad iudicium populi pertinebat, quod centuriatis comitijs terminabatur. Erat autem crimen perduellionis, hostili animo se in remp. gerere, nam quos nos hostes appellamus, ueteres perduelles uocabant. Hinc factum est, ut reus perduellionis diceretur, qui se quoque modo hostili animo in rempublicam esse declarasset, quasi diceret reum hostilitatis. Dis crimen autem erat inter id crimen, & crimen maiestatis, auctore Cicerone lib. iij. in Verrem: Nam maiestatis crimen erat duces hostium pecunia liberasse, aut priuatum hominem domi suae hostium duces seruasse incolumes, legionem sollicitasse, seditionem in exercitu excitasse, magistratui pro suo imperio quicquam agenti restitisse, ut idem Cicero pro Cluentio, & pro C. Cornelio ostendit, atque hoc crimen suum praetorem habebat, qui de eo quaereret. Crimen uero perduellionis erat ciuem Romanum contra ius libertatis sibi legibus Porcia maxime, & Sempronia concessae in crucem tollere, aut securi percutere, aut in latumias conijcere, aut uerberare. Quum enim lege Porcia cautum esset ne ciuem Romanum uirgis cedere, aut ullo seruili supplicio afficere liceret, lege uero Sempronia, ne de capite ciuis Romani iniussu populi iudi-

caretur, quicumque contra ius suae libertatis ciuē Romanū, quasi peregrinū tractasset, tāquā oppugnator libertatis Romanae reus perduellionis ad populum fiebat. Ius enim ciuitatis totū erat penes populum, ideoque iudicio populi merito subijciebatur, qui contra leges de iure ciuitatis, ac libertatis populi quicquam fecerat. Itaque C. Rabirius perduellionis reus factus est, quod Saturninum tribunum plebis, quamuis seditiosum, & reip. perturbatorem, iniussu populi Romani occidisse diceretur. Qui magistratus, quod ad defensionem libertatis populi institutus fuerat, idcirco legibus sacrosanctus esse iuebatur, quod nihil aliud erat, quam sacrum caput eius esse, qui tribuno plebis nocuisset, quod idem erat atque eum pro hoste haberi. In hoc itaque crimine populus comitijs centuriatis iudicabat, ut ex oratione iij. in Verrem, & pro domo, et Valerio lib. vi. cap. v. liquet. Duumuii aliquando qui de hoc crimine quererent creati sunt, sub regibus de Horatio perduellionis reo. Iudicia etiam perduellionis centuriatis comitijs agi solita refert lex xij. tabularum, quam Cicero lib. iij. de legibus ponit ita

Priuelegia ne irroganto

De capite ciuis nisi per maximum comitiatum, Ollosque quos censores in partibus populi locassint, ne ferunto. Perduellionis autem iudicium capitale esse nemo ambigit. Quapropter P. Clodius, quum reum perduellionis Ciceronem fecit, ob id iudicatus est non iure fecisse, quod tributa habuit comitia de capite ciuis Romani, qui centuriata habere debuisset. Quod etiam Cicero lib. iij. de legibus refert

Commune autem erat omnibus centuriatis comitijs cuiusuis causa haberentur, eos non nisi a maioribus magistratibus haberi posse. Quum enim agendi cum populo ius cuiquam non esset praeterquam magistratui (nisi de sacris agendum esset)

set) si quidem rogare quid populum, quod suffragijs suis quid iubeat, aut uetet, quod est cum populo agere nemo absque imperio posset, minores sane magistratus, quorum erant minora auspicia, quibusq; minus erat imperij, ius habere non poterant uocandi centuriata comitia, quibus et auspicijs maioribus, & maximo imperio opus esset. Habere igitur centuriata comitia poterant consules, praetores, censores, dictatores, & interreges, quos omnes maiores magistratus fuisse liquet. Ac magistratum maiorem quos solos his comitijs creari dixi comitia consules semper ac soli habebant, nisi aut res ad interregnum redisset, aut absentibus consulibus senatui uisum esset, dictatorem comitiorum causam creandum esse: tunc enim consules ab interrege, aut dictatore creabantur. Praetorum comitia non nisi consules habere poterant, praetori enim neque consul, neque praetorum comitia habere ius erat; ut ostendit Cicero lib. ix. ad Atticum. Censores quoque non nisi a consulibus creabantur, ut ex omni Liuiana historia liquet. Atque creandis magistratibus non nisi consules, dictatores, interrex comitia habere poterant. Legibus uero ferendis, aut iudiciorum causam, ius erat consulibus dictatori, & praetoribus tantum, ut ex omni Liuij historia didici; censores enim aut interregem, uel magistrum equitum comitia nunquam exercendi iudicij, aut legum ferendarum causam habuisse, constat. Censores tamen ius habuisse populi uocandi ex lustris condendi ratione manifestum est. Legibus quoque inter arma silentibus L. Valerius Flaccus interrex de perpetua Sullae dictatura legem tulit, quam legem legum omnium iniquissimam, dissimilumamque legis Cicero appellat. Ius etiam uocandi populi magistrum equum habuisse indicant Pomponij uerba quum ait. Hoc fuisse dictatoribus magistris equitum, quod erant sub regibus tribuni celerum. At ex Dionysio constat tribunum celerum ius

agendi cum populo habuisse. Ex his igitur apparet, ex magistratibus quibus ius esset habendi centuriata comitia. Cōsules. n. tantum, dictatores, & interreges magistratibus creandis comitia habere solebāt. Censores uero, praetores, & magistrī eq. minime. Legum autē, ac iudiciorum, consules tantum, dictatores, & praetores. Non interreges, censores, & magistrī eq. Ius uero conuocandae concionis omnes habuisse cōstat. Ex his porro qui magistratus non essent solos pontifices ius habuisse agendi cum populo inuenio, idque in comitijs centuriatis, tributis, & curiatis. In centuriatis quidem tantum in creatione regis sacrificuli, qui centuriatis fieri solebat, in reliquis eorundem comitiorum causis nihil illis ius erat. His autem comitijs omnes quoque adesse uolebant pleno iure ciues Romani interesse poterant, id est, qui ius suffragij ferendi haberent, quibusque ciuitas cum suffragio data fuisset: nam erāt & ciues sine suffragio; uel quod his datum a populo non esset quum ciues facti sunt, uel quod eos censores ignominiae causa suffragij latione priuassent, quos in Caeritū tabulas referri dicebant. Hi primi omnium municipes ciues Romani facti sunt sine suffragij tamen iure, pro sacris Romanis bello Gallico custoditis. Asconius: Qui plebeius erat in Caeritum tabulas referre batur, & aerarius fiebat, ac per hoc non erat in albo centuriae suae, ad hoc ut ciuis esset, sed tantummodo, ut pro capite suo tributi nomine aera penderet. Vide Gellum lib. xvi. cap. xij. quum enim essent plura ciuium Romanorum genera, quae uarijs iuribus, & priuilegijs distincta essent, hi pleno iure ciues Romani erāt, quibus suffragij ferendi ius datum fuerat, uel non ablatum: reliqua enim omnia quae habebant priuilegia cum alijs ciuibz imperfecti iuris communia erant. Nō uirgis cedi, uel securi percuti legibus Poricia & Sempronia commune etiam erat his qui sine suffragio ciues essent. Militare in

re in legione Romana, hereditatem ciuis Romani capere posse, testamentum iure Quiritium facere, iisdem ciuibus communia erāt. Ius connubiorum cum Latinis communicabant, et alia quaedam similia. In comitijs ergo centuriatis ius ferendi suffragii habebant omnes cum pleno iure ciues Romani. In quo numero ante legem Iuliam comprehendebantur omnes ciues Romani, qui in urbe, agroue habitarent, atque in xxx. curias, xxxv. tribus, et sex classes distributi essent. Item municipia aliquot quibus ciuitas cum suffragio data fuerat, ut Tusculani, Lanuui, Aricini, Nomentani, Pedani, Formiani, Fundani, & Arpinates. Et postremo coloniae aliquot ciuium Romanorū, quibus ciuitas cū suffragio data fuerat, ciuiumque Romanorum, ob id dictae, quum hac quae suffragiū non haberent coloniae Latinae dicerentur. Duo enim coloniarum genera fuisse tradit in Pisonianam Asconius, quaedam Latinae, & quaedam ciuium Romanorum, de quibus frequens apud Liuium mentio est. Post legem uero Iuliam Italia omnis, cui ea lege ciuitas cum suffragio data est, ius in comitijs huiusce habere coepit. Atque ita coloniae omnes, municipia, & praefecturae, & alia Italiae oppida, uel sociae ciuitates Romanae suffragari coeperunt. In omnibus porro comitijs centuriatis erant diribitores, qui tabellas populo per centurias ministrabant, non enim eas populus domo ferebat, ut aperte tradit Cicero epistolarum lib. i. ad Atticum. Diribitorum, qui a diribendis hoc est distribuendis tabellis dicebantur, meminit Cicero in Pisonem, & alibi saepe. Erant, & rogatores; erāt qui cistas deferebant in quas tabellas suffragij populus coniebat. De quibus saepe Cicero. Itemque custodes, qui praeter id quod obseruabant, ne quid fraudis committeretur in sortitionibus, & suffragijs dicendis, describebant etiam cuiuscunque centuriaeeducta e cista suffragia, ut appareret quae esset

illius centuriae sententia, quam sententiam tum per praeco-
 nes magna uoce pronuntiabant, & postremo quem omnes
 centuriae, uel tribus magistratum pronuntiassent, populo alta
 uoce declarabant. De ijs custodibus, & praeconibus Cicero
 in Rullum, & alibi saepe, et Plutarchus in Catone memine-
 runt. Praecones etiam centurias, & classes ad ferendum suf-
 fragium uocabant. Erat uero, & hoc praeterea custodum
 munus, ut post lata suffragia in quibusdam tabulis numerum
 sententiarum punctis notarent, quod ex Cicerone in oratione
 post rediit in senatu liquet; singulorum enim sententiae pun-
 cta, uniuersae centuriae suffragia uocabantur. Idem diribi-
 tores, rogatores, custodes, & praecones in reliquis centu-
 riatibus comitijs legum uel iudiciorum erant. Hoc differt, quod
 in tabellis magistratum notata erant nomina candidatorum. In
 iudicijs in altera Absoluo, in altera Condemno, in altera Non
 liquet. In legibus: Vti rogas, in altera, Antiquetur. Nunc de
 ijs qui magistratus petebant, quos candidatos uocabant, dicā.
 Erant autem candidati qui magistratum aliquem petebant, sic
 dicti a toga candida, quam gestabant, qui se magistratum pe-
 tere professi essent. Huius rei exemplorum omnes libri pleni
 sunt. Causam cur in toga candida magistratus ambien-
 tes apparerent refert Plutarchus in problematibus. Ex
 candidatis quidam petitionem suam biennio, quidam anno
 antequam inirent inchoabant. Erant quoque petendis magi-
 stratibus praescripti, & certi quidam anni, ante quos magi-
 stratum nemo petere poterat, nisi legibus solueretur, de qui-
 bus satis dixi in commentarijs Fastorum in tractatu de consu-
 latu. Edictis uero comitijs, tum qui petere uolebant, se profite-
 ri candidatos oportebat, alioqui nisi intra legitimos dies se pe-
 tere professi essent, ratio eorum haberi comitijs non poterat.
 Petitionem tamen diu ante per amicos candidati adornabant.

Post

Post edicta uero comitia concione ab aliquo magistratu impetrata populo se petere profitebantur : hoc est : quandam publicam uoluntatis suae declarationem populo faciebant, de aliquo magistratu, si populus ita uellet obtinendo, magistratus enim populi mera beneficia erant . Candida autem toga petitionis signum erat, ut a populo dignoscerentur, qui ambirent magistratus. Quam diu enim retinebatur toga candida, tam diu perstare in petitione, ea deposita & petendi uoluntatem deposuisse candidati censebantur . Quod ex historia Cicerei scribae apud Valerium legitur. Ceterum non semper ratio habebatur eorum qui professi essent, in qua re magistratum, & senatus cognitio locum habebat. Ne enim populus magistratus alicui mandaret indigno, aut contra leges; publice intererat considerari candidatorum causas a magistratibus, & consilio publico, quae deinde ad populum allegatae efficiebant, ut eorum tantum qui digni essent rationem comitijs habere uellet, ac saepe etiam contra populi studia manifesta, magistratus iudicio, aut senatus decreto excluderentur suffragijs populi non nulli candidati, ut passim ex omni historia liquet . Ita ut omnes petere possent magistratus, si legitima aetate, nominaque populo publice professi essent, si magistratus, uel senatus eorum rationem haberi censuissent. Tum eorum nomen consul etiam recipiebat, id est populi suffragio mittebat, ut ex ijs designaret quos uellet . Adeoque tum consulem nomen candidatorum recipere oportebat, ut omnino suffragio populi exclusus esset is, cuius nomen non recepisset, ac si quem populus designasset, cuius nomen accipere nollet, nihil eo designando populus perficere posset, quando ei liberum esset populi concionem dimittere, quum uellet. Huius rei multa apud Liuum, & Valerium Maximum de M. Palicano exempla extant. Post comitia edicta trinundinum expectari mos erat ante diem comitiorum, id est dies XXI.

para

partim ut ad eam diem populus commode undique conuenire posset, partim ut candidati populo frequentiori, & non modo urbanae, sed etiam rusticanae multitudini supplicare possent. Caussae autem cur candidatorum ratio haberi non poterat multae erant, ut defectus aetatis, quia lex lata erat a L. Villio Annale trib. pleb. A. Postumio & C. Pisone cos. qua certi quidam anni constituti erant, ante quos non liceret magistratum capere. Item erat & lex Cornelia quae iubebat, ut ordinatim magistratus caperentur, id est primo quaestura, anno XXVII. deinde tribunatus plebis, anno XXX. post Aedilitas anno XXXVII. post praetura, anno XXXIX. & postremo consulatus, anno XLIII. & qui minores magistratus non obtinisset, maiores adipisci non posset. Fuit & lex alia Cornelia, cuius caussa candidatorum ratio haberi non posset, quae uetabat eundem magistratum bis, intra decennium iniri posse. Erat & alia lex qua uetabatur ne in magistratuum comitijs absentium ratio haberetur. De qua Tranquillus in Caesare. Postremo si qui turpi iudicio damnati essent, in perpetuum omni honore ac dignitate mulctati erant, ut scribit Cicero pro Cluentio. Tum et si quis publico iudicio damnatus, cuius poena exilium non esset, sed ignominia tantum, mulctae, ei magistratum petere non licebat. Item ambitus damnati ante legem Tulliam honoribus exclusi erant. Multae postremo fuerunt caussae quibus candidatorum ratio haberi non posset, quae passim in historijs leguntur. De ratione petendi candidatorum ita Cicero in libro de petitione consulatus ad Q. fratrem scribit, ut nihil desiderari possit. Haec tamen obseruavi. Candidatorum mos erat in forum conuenire, ut populo & plebi etiam rusticae supplicaret, singulorum quos obuios habebant manus prensare, prehenso dextra obuios ciues benigne orare, nundinis quibus rustici in urbem conueniebant, in comitium uenire, in colle hortulorum

campo Martio imminenti consistere, ut ab uniuersis uideri possent, secum alios adducere populo gratiosos, qui suo nomine etiam peterent. Nomenclatores seruos habebant, qui eis singulorum nomina quos salutarerent, & obsecrarent, suggererent. Quidam etiam diuifores habebant per quos nummos uiritim per tribus, & centurias diuiderent, quibus earundem suffragia emebant. Quod lex ambitus prohibebat. Quidam quoque populo gratiosi fierent, congiaria, munera, epulum, & alias largitiones publice populo praebeant. Eadem fere ratio est de comitijs centuriatis, quae legum ferendarum, & iudiciorum causa fiebant. Nisi quod legibus ferendis, antequam lex promulgaretur, recitari solebat a praeconibus suggerentibus scribis populo, ut ante sciret & intelligeret legem, quam suffragiū ferret. In comitijs uero centuriatis iudiciorum causa nisi accusator is esset qui comitia haberet, praeter eas personas quas omnibus centuriatis conuenire necesse erat, interuenire eū primum oportebat, qui diem perduellionis ad populum dixisset, tū uero defensorem qui pro reo diceret, postremo & ipsum reū sordidatum cum amicis qui populo supplicarent, priusquam in suffragium mitteretur. Quod uero comitijs adesse has personas dixi ita accipiendum est, nisi exilij causa solum ante iudicij diem rei uertissent, quemadmodum fecisse Camillum, Coriolanum, K. Quinctium, & Ciceronem ipsum in historijs legimus. Porro ante comitia cēturiata edictum praemitti necesse erat, ut ad quam diem conuenire populus deberet multo ante intelligeret. Vnde fit ut in omni historia ita saepe reperiantur consules comitia edixisse. Illud uero dubium est, ita ne comitia edici soleant, ut pracones, per uicos dimissi diem praedicerent, an quod magis credo, potius scriptum esset, quod publice proponeretur, eodem modo quo praetorum edicta. Sane scriptum in tabella proponi publice solitum quo edicebatur quis dies comitijs centuriatis

turiatu futurus esset, idque forma perpetua tradit Gellius libro xii. cap. xiii. Et quoniam comitiis etiam adesse ex agris homines oportebat, qui in urbem ferre non nisi nono quoque die, id est nundinis ueniebant, propterea edictum illud per plures dies publice extare necesse erat, ut populo uniuerso notum esset. Vnde post edictum promulgatum ante comitorum diem trinundinum interuici solebat etiam in magistratuum comitiis, nam in reliquis ita fieri oportuisse satis manifestum est. Quod uero tantum tempus interuici debere dixi, ita accipi debet, si modo nil accidisset quod impedimento esset, quo minus comitia suo tempore haberentur. Nam si res ad interregnum redisset, a secundo interrege comitia haberi poterant, quorum imperium non erat nisi quinque dierum. Hinc trinundino legem promulgare, erat legem quam quis ferre proposuerat, tribus diebus nundinarum aduocata concione ita recitare, ut de singulis capitibus populus et doceretur, et doceri aliis adhibitis suaforibus fieret. Data etiam facultate, ut qui uellet legem improbare dissuadereque posset. Erant autem nundinae feriae rusticorum quibus in urbem conueniebant negocis domesticis prouisuri, quem admodum nunc mercatus. Fiebant autem nono quoque die, unde etiam nomen habuerunt. Qui autem leges ferre uolebant, solebant sibi unum aliquem magna auctoritate praeditum conciliare, et adiungere: is auctor legis a Cicerone appellari solet. In iudiciis quoque trinundini lex obseruabatur. Quare ea lex communis erat omnibus centuriatis comitiis. Est etiam illud obseruatione dignum in omnibus centuriatis comitiis senatus auctoritate opus fuisse, quod Dionysius indicat libro nono. Quod in tributis non erat. Patres enim auctores fieri solebant, omnium quae centuriatis comitiis transigebantur. Haec porro comitia non nisi auspiciato haberi poterant. Auspicia autem captare, erat ex auihus ceterisque auguralis disciplinae signis, Iouis uoluntate

luntatem interpretari. Hoc autem duobus praecipue modis fiebat, aut per exta hostiarum, & hoc erat haruspicum munus, aut ex auibus, quod augures facere solebant, ut Cicero secundo de diuinatione, & secundo de legibus scribit. Auguralis uero disciplina ex quattuor potissimum generibus constabat. Ex auibus, ex caelo, ex terrenis quibusdā animalibus et ex diris. Ex auibus signa obseruabantur tripliciter ex uolatu, ex occentu, ex tripudio. E caelo, quod seruare de caelo dicebatur, erat attentius circumspiciendo obseruare, num qua parte caeli aliquid se ostenderet, unde diuinationem accipere posset, ut fulgura, & tonitrua, ut Cicero secundo de diuinatione tradit. Ioue enim tonante (inquit) aut fulgurante comitia populi haberi nefas. De terrenis animalibus, scribit Plinius libro octauo, cap. LVII. item, ut ex morbo Herculeo, alias comitali. De diris Cicero primo de diuinatione: Etenim dira sicut & cetera auspicia, ut omina, aut signa, non causas afferunt, cur quid eueniat, sed nuntiāt euentura nisi prouideris. Ex his omnibus augures auspicia captabant, cuius disciplinae, auctore Dionysio ueteres Romani obseruantissimi erant. Ante igitur comitia centuriata auspicari mos erat, & quamquam nihil apparuisset, mala signa obnuntiando afferre, uel fausta nuntiare, ut comitia haberi possent. Intra Pomeriū autem auspicari mos erat in arce, uel in Palatio, ubi locus erat quod a P. Victore auguratorium uocatur. Quod si quis uel non recte auguratus esset, & comitia habuisset, ubi id cognitum esset, tota illa actio uitiosa erat, hinc aliquoties magistratus ob eam causam abdicasse legimus. Quod si quis comitia prohibere uoluisset, is obnuntiabat. Obnuntiare autem, erat magistratui seruatum esse de caelo renuntiare, ideoque ne eo die Ioue prohibente, comitia haberet uetare. Cautum autem legibus erat, ut obnuntiationi pareretur. Auspicia autem penes magistratus erant, augures enim nihil

nihil pro officio agebant nisi a magistratibus iussi essent. Id autem est quod ait Cicero : Magistratus tantum habuisse spectationem auspiorum. Auspicia autem & maiora, & minora vocabantur, maiora erant consulum, praetorum, censorum; minora reliquorum magistratuum. Praeter auspicia, quae omnino a magistratibus ante eiusmodi comitia seruanda erant, sacra quoque quaedam legitima fieri, & hostiarum immolationes oportebat, de quibus Dionysius libro septimo. Edicto itaque proposito, reque in trinundinum ante promulgata, senatus auctoritate interueniente, sacris factis, auspicijs addicentibus, nullaque obnuntiatione, uel aliorum magistratuum intercessionem interiecta, quum centuriata comitia maior magistratus habere uellet, die suffragij populus in campo Martio conueniebat, ubi priusquam in tribus & centurias distribueretur, concionem ad populum habebat, qua rogabat, ut id de quo ageretur iuberet, aut uetare uellet; ac si magistratuum essent comitia, rogabat populum, ut ex ijs candidatis quorum haberi rationem oporteret, quos tum omnes nominatim appellabat, crearet populus quos uellet consules, praetores, censesue, uel quos ipse recitasset, uel quosdam ex omnibus ciuibus, si modo ij essent, quorum ratio haberi ex legibus posset. Deinde in centurias distributus initis comitijs suffragia ferre incipiebat. Comititia uero inchoata, multas ob causas, uel impedita, uel renouata fuisse constat, ut intercessionem, & uitio magistratuum. Tribunorum autem plebis summum ius in intercessionibus erat, quod uerbo uno solemniter VETO. continebatur. Si autem nulla causa esset, qua comitia prohiberentur, postquam populum magistratus in suas centurias discedere iusserat ad suffragium ferendum, tum omnes qui aderant ciues, quibus suffragij ius erat discebant in suas quisque centurias, ut quo ordine rogarentur suffragium dicerent. Tum centuria, quae prima sorte exisset ea festi

praerogatiua uocabatur, in qua tantum momenti erat, ut fere in quam partem inclinasset praerogatiua, eam reliquae centuriae sequerentur. Primo autem uoce suffragium ferre solebant, post legem uero tabellariam, populus in mandandis magistratibus reliquisque actionibus tabellis utebatur, in quibus in iudiciis Absoluo, Condemno, Non liquet, exaratum fuerat; in comitijs legum Antiquo, Vti rogas; in magistratibus tot diribebantur tabellae quot candidati, in quibus nomina candidatorum scripta erant per primas litteras. Is igitur candidatus qui plura per singulas centurias pūcta tulisset singillatim per praeconem nuntiabatur, qui plura centuriarum suffragia, magistratus itidem a praecone populo referebatur. Tabella uero accepta, tum ex uno septorum (duo enim in campo Martio scripta erant, in quibus comitia habebantur) per quosdam pontifculos omnes tribus singillatim in aliud septum ibant, atque in cistas quae in illis pontibus a rogatoribus tenebantur tabellas mittebant. Locus autem in quo centuriae ad suffragium uocabantur, erat prope tribunal eius qui comitia habebat. Quum autem, ut dixi, maior pars centuriarum aliquid sciuiisset, tum ea comitia rite habita dicebantur. Isque (si magistratum erant) qui plura suffragia tulisset a praecone populo renuntiabatur, ut satis ex Dionysio supra uidimus. Primum autem renuntiari per honorificum erat. Locus, ut dixi, comitiorum centuriatorum erat campus Martius, in quo erant duo septa, in quibus populus Romanus suffragium ferebat; de quibus apud Liuium & Tranquillum frequens mentio est. Ea autem intra pomerium haberi non poterāt: habebantur autem in loco augurato, id est ab auguribus ad eam rem dicato, & consecrato. Haec autem comitia non poterant, nisi diebus comitalibus haberi. Dierum enim anni, ut ex marmoreis fastis, & Macrobio liquet, quidam erant festi, quidam profesti, quidam intercesi, festi

Festi dijs dicati sunt. Profesti hominibus ad administrandam rem priuatam, publicamque; intercisi deorum hominumque communes. Festis insunt sacrificia, epulae, ludi, feriae. Profestis fasti, comitiales, compendini, stati, proeliares. Intercisi in se non in alia diuiduntur. Nam quum hostia ceditur fari nefas est, inter caesa, & porrecta fari licet rursus, quum adoletur non licet. Ex his uerbis Macrobij liquet quosdam dies fuisse comitiales, qui in Fastis littera C. notabantur a Numa instituti, quibus solis cum populo agi fas esset; tempus quo consules creabantur uarium fuit, ut etiam uarius fuit dies quo inire magistratum solerent. Verum postquam in eundo consulatui, dies status est kal. Ianuarij comitia consularia haberi solebant mense Iulio, uel Augusto ut ex Cicerone liquet, Paulo post consularia praetoria comitia habebantur. Censoria uero circa kal. Iuli haberi solebant, quod ex Ciceronis epist. ad Appium lib. iij. manifestum est, qui statim, ut designati erant inibant, nec tempus statum kal. Ianuarij expectabant ut consules, & praetores. Perdurarunt autem haec comitia libera usque ad C. Caesaris dictaturam, quo tempore, ut scribit Tranquillus; Comitium cum populo partitus est, ut exceptis consultatus competitoribus, de cetero numero candidatorum pro parte dimidia, quos populus uellet pronuntiarentur: pro altera parte quos ipse dedisset: & in Augusto Comitiorum quoque pristinum ius reduxit, ac multiplici poena coercito ambitu. Post Augusti uero obitum omnino a Tiberio antiquata sunt; quod his uerbis docet Tacitus libro primo Tum primum e campo comitia ad patres translata sunt. Nam ad eam diem & si potissima principis arbitrio, quaedam tamen studijs tribuum fiebant, neque populus ademptum ius questus est, nisi inani rumore. Et Modestinus in lege unica ad legem Iuliam de ambitu; Haec lex (inquit) in vrbe hodie cessat

cebat, quia ad curam principis magistratuum creatio pertinet, non ad populi fauorem. Ex quibus uerbis manifestum est, sub Caesare, & Augusto adhuc fuisse comitia, uerum sub Caesare adeo non fuisse libera, sub Augusto uero paulo quidem liberiora, sed tamen quae maxima ex parte principis arbitrio, non populi fauore, fierent. At post imperium a Tiberio initum adeo desierunt fieri haec comitia, ut nunquam postea a sequentibus imperatoribus populo restituta sint, sed primum penes senatum Tiberij instituto manserunt, postea plane in principis potestate fuerunt, quemadmodum ex Plinij epistolis manifestum est. Atque haecenus de comitijs centuriatis

L. Tarquinius Superbus rex VII

Occiso Seruio regnum Romanum inuasisit L. Tarquinius qui a morum acerbitate Superbus cognominatus est. Is priores patrum, quos Seruij rebus fauisse arbitrabatur occidit. Volens bellum primus intulit, ex quorum manubijs templum Ioui in Capitolio maximum condidit, ferias Latinas primus instituit, cloueam maximam fecit, multaue praeterea bello, paceque praeciara gessit. Quae tamen omnia inaudita saeuitia, tyrannideque, qua multis annis urbem oppressit, deformant. Postremo uero quum impotenter se gerendo, omnes in odium sui aduoxisset, nouissime propter expugnatam nocturnam a Sexto eius filio Lucretiae pudicitiam, Bruti opera precipue, regno cum uxore, & filijs exactus est, quum annos xxv. regnasset, perpetuoque exilio cum omni prole sua multatus est. Qui quum Tuscorum & Latinorum ope saepe in regnum restitui frustra tentasset, demum Cumas concessit, ubi iuncta cum ignominia, reliquum uitae tempus apud Aristodemum tyrannum transegit. Fuit igitur urbs regum sub imperio

perio tantae reip. ortui, & incrementis admodum necessario annos CCXLIII. Quorum aliquot iusti, fortes, prudentes, rerum humanarum peritissimi, & publicae utilitatis studiosissimi, extiterunt; qui ijs legibus, institutisque Romanam remp. fundarunt, ut ab ijs primordijs ad certissimum exterarum omnium gentium, ac populorum bello paceque principatum eam peruenire non difficile fuerit. Sed quum aliqui eorum aut patricios quorum ipsi e corpore erant, uehementius extulissent, plebemue depressissent; aliqui regnum per uim partem imperiosius quam decebat administrassent, demum propter immoderatam quandam eorum in ciues libidinem, atque audaciam urbe atque imperio deiecti sunt, populusque Romanus L. Bruto praecipue auctore libertatem adeptus est. De cuius origine, causis, incrementis, & statu nunc differere institui

Libertas populi Romani

Haec est (ut inquit Florus) secunda populi Romani aetas, in qua liber uiuere coepit, primaque reip. mutatio, qua Superbo rege exacto, libertateque parta, imperium duobus uiris annum mandatum est, qui praetores primum, deinde iudices, postremo consules appellati sunt. Hi summus erant apud Romanos ordinarius magistratus, qui pulsus regibus ab interregge, siue urbis praefecto Sp. Lucretio Tricipitino comitijs centuriatis, ex comentarijs Ser. Tullij, pro rege creati sunt. Hi fuerunt Brutus, & Collatinus. Quibus preterquam quod annum tantum imperium datum est, nihil aliud ex regia potestate immutatum: itaque omnia regum iura, lictores cum fascibus, trabeam praetextam, sellam curulem regiam, ceteraque regum insignia primi consules habuere. Id tantum cautum est, ne si ambo fasces cum securibus haberent, duplicatus ter

ror, duoque reges pro uno facti uiderentur, ut alter consul fasces XII. securibus alligatas, alter uero uirgarum fasces tantum cum licitoribus haberet, idque alternatim singulis mensibus, donec annum eorum imperium expleretur, facerent. Brutus priore mense concedente collega fasces cum securibus habuit. Hac igitur ratione quum duorum regum metum ciuibus ademissent, potestatis inuidiam minuerunt. Duo autem consules ideo creati sunt, ut si unus improbus esse maluisset, alter eandem habens potestatem, collegam coerceret. Placuit quoque ne imperium consulare longius quam annum esset, ne propter magistratus diuturnitatem insolentiores superbioresque essent, sed ciuiles se semper redderent, qui se post annum scirent magistratu abituros. Penes primos uero consules post reges exactos, omnis regia potestas erat. Totius enim imperij summa per eos administrabatur, nam S. P. Q. R. per accensos, et praecones cogeant, exercitum parabant, ab eis prouocatio non erat, domini pacis bellique erant, inconsulto senatu, uel populo in caput cuiuscunque ciuis animaduertere poterant. Postremo penes eos (ut inquit Pomponius) summum ius uti esset lege cautum est. Ceterum mortuo Bruto, ne per omnia regiam sibi potestatem uendicarent, legibus a P. Valerio consule, quo plebi gratificaretur latis, quare etiam Poplicola appellatus est, consulum auctoritas eo ipso primo libertatis partae anno ualde imminuta est, regiaeque potestati longe inferior facta. Institutum enim Valerij duabus legibus est; primum ut magistratum nemo caperet, nisi qui a populo imperium acciperet, si quis aliter fecisset, capitali poena puniretur, qui eum occidisset ei impune esset; deinde ut prouocatio a consulibus ad populum esset, neue possent in caput ciuis Romani animaduertere iniussu populi, relicto eis tantum, ut coercere posset, et in uincula publica duci iuberent. In atrocibus uero casibus

maximisque reip. periculis, uel necessitatibus, consulibus aliquando summum ius, & regia prorsus potestas ad tempus per senatum ijs uerbis concedebantur. Ut consules darent operam, ne quid respublicae detrimenti caperet. Ea potestas more Romano magistratui maxima permittebatur, exercitum parare, bellum gerere, coercere omnibus modis socios, atque ciues, domi, militiaeque, imperium atque iudicium summum habere; aliter sine populi iussu nulli earum rerum consulibus ius fuisse tradit Salustius. Hoc autem factum fuisse constat Gracchanis, & Saturnini tribunorum plebis seditionibus, coniuratione Catilinae, tertio Pompeij consulatu, & nouissimo reip. contra Caesarem anno. Multa praeterea de consulibus, & omnibus fere Romanis dignitatibus, quae praecipuae erant, differui in commentarijs Fastorum: quae quamquam reipub. ciuitatisque Romanae nobilissimae partes erant, hoc tamen loco seriose denuo eas repetere nolui, quod si quae earum desiderio teneri contigerit, is fastos ipsos adire poterit, in quibus de ijs fere omnibus abunde disputauimus. Hoc tamen loco quum ad libertatis initium deuenirem illud agam, ut omnium Romanorum magistratuum breuem quendam indicem, uel epilogum suggeram, ut uno aspectu quae ego in commentarijs Fastorum, & alij diffuse admodum tractauimus, intelligi possint: quum uero, de ijs ita disputauerim, ut maiores tantum magistratus, uel digniores & notiores exposuerim, reliquos uero paulo obscuriores praeterierim, huic deinde magistratuum Romanorum epilogo breuem adiungam earum dignitatum interpretationem, quam in fastorum commentarijs non fecerim, atque ita omnia scite tradi poterunt, & absque inani repetitione nihil, non disputatum, transmitti

ROMANA 582
NOMINA . OMNIVM
MAGISTRATVVM . POPVLI . ROMANI
AB . VRBE . CONDITA . VSQ . AD
CONSTANTINVM . IMPERATOREM

MAGISTRATVS . VRBANI

MAGISTRATVS . MAIORES . ORDINARI

R E X

Quorum primus fuit Romulus , nouissimus Tarquinius
Superbus . Dionysius , Liuius , Plutarchus , Pomponius . Ego
in Fastorum commentarijs

Praefectus , uel Tribunus celerum

A Romulo institutus , quorum primus Fabius Celer , nouissi-
mus L. Brutus , qui primus Consul creatus fuit . Diony-
sius , Pomponius . Ego in Fastorum commentarijs

Consules duo

Primum creati anno urbis CCXLV

Dionysius , Liuius , Plutarchus , Gellius , Messalla , & Pom-
ponius . Ego in commentarijs

Censores duo

Primum creati anno urbis CCCXI

Dionysius , Liuius , Pomponius , saepe Plutarchus . Ego in com-
mentarijs

Praetores xv

Hi primo fuerunt

Praetor unus urbanus

Creatus anno urbis CCCXXCIIX

Liuius, Plut archus, Pomponius. Post duo

Praetor vrbanus, &
Praetor peregrinus

Creati anno urbis D XII

*Liuius, & Pomponius. Post duobus alijs additis, quattuor
facti, id est*

Praetor vrbanus

Praetor peregrinus

Praetor Siciliae

Praetor Sardiniae, & Corsicae

Creati anno urbis D XXVII

*Liuius, & Pomponius, ac Solinus. Post duobus alijs additis sex
facti, id est*

Praetor vrbanus

Praetor peregrinus

Praetor Siciliae

Praetor Sardiniae, & Corsicae

Praetor Hispaniae citerioris

Praetor Hispaniae vltioris

Creati anno urbis DLVII

*Liuius, & Pomponius. Post quaestionibus publicis inuentis,
earumque numero a Sulla Felice dictatore aucto, duo prae
tores ueteribus additi, eorumque numerus ad octo auctus,
omnesque in urbe anno praeturae retenti, post annum uero
praeturae, pro praetoribus in prouincias missi. Fuerunt aut*

Prae

- I Praetor urbanus
 II Praetor peregrinus
 III Praetor de maiestate
 IIII Praetor de vi (tu
 V Praetor de repetūdis *uel* de Pecula
 VI Praetor de crimine inter ficarios
 VII Praetor de ambitu
 VIII Praetor de veneficio, *uel* de falso

Cicero saepe, Pomponius, Tacitus, & alii

IX Praetor cerealis

X Praetor cerealis

A Caesare dictatore additi. Tranquillus, Dio, Pomponius

XI Praetor

XII Praetor

*Praetores alii duo ab Augusto additi. Tacitus, Tranquil-
 lus, Dio, Pomponius*

XIII Praetor

XIV Praetor

Qui de fidei commissio ius dicerent, a Claudio Imp. additi

*Quorum unum detraxit Titus, restituit Nerua, qui inter fis-
 scum & priuatos ius diceret. Pomponius*

XV Praetor tutelarior

A Marco Imp. factus. Iulius Capitolinus

Imperatores Caesares Augusti

Quorum primus Caesar Augustus, Dio, In commentariis

Donati tribunicia potestate

Tacitus, Tranquillus, Dio, In comentariis

Nobilissimi Cefares

vel

Principes iuventutis

Tacitus, Dio. Ego in commentariis

Praefectus vrbis

Ab Augusto institutus. Tacitus, Dio, Tranquillus

MAGISTRATVS. MAIORES

EXTRA. ORDINEM

Praefectus vrbis absente ordinario
magistratu

A Romulo institutus, quorum primus Denter Romilius. Tacitus, Pomponius

Interrex

Post Romuli mortem factus. Dionysius, Liuius, Plutarchus, In commentariis

Dictator, &

Magister equitum

Primum creati anno vrbis CCLVI

Dionysius, Liuius, Plutarchus, Pomponius, In commentariis

X. viri legibus scribendeis consulari potestate

In Commentariis

Crea

ROMANA

585

Creati anno vrbs CCCIII. Dionysius, Liuius, Pomponius

Tribuni militum consulari potestate

Primum tres, post quattuor, deinde sex. Creati anno vrbs

CCCX. Dionysius, Liuius, Pomponius, In cōmentarijs

III Viri R. P. C

Creati anno vrbs CCCIX. Dio, Appianus, Tranquillus,

In commentariis

MAGISTRATVS . MINORES ORDINARII

Quaestores urbani duo, alias

Quaestores aerarij

Plutarchus, Pomponius, Tacitus. In commentarijs. Creati,
uel sub regibus, uel a primo cos. Poplicola Anno CC

X L V

Tribuni plebis x

Hi primo duo fuerunt creati anno CCLXI. post V. pos-
tremo X. facti. Dionysius, Liuius, Pedianus, Pom-
ponius. In commentarijs

Aediles plebis ii

Eodē anno quo primi tribuni plebis creati. Dionysius, Liuius,
Pomponius. In commentarijs

Aediles curules ii

Sreati anno CCCXXCIIX. Liuius, Pomponius. In
commentarijs

Aediles cereales

Creati a Caesare dictatore. Tranquillus, Pomponius. In commentarijs

Curatores omnium tribuum

Varro libro quinto de lingua Latina

III. Viri capitales

Varro libro quarto, Cicero pro Cluent. de orat. Liuius libris XXV. & XXXIX. Tacitus libro V. Pomponius. Creati circa annum urbis CDLXV. In commentarijs

III. Viri nocturni

Liuius libro nono, Tacitus libro V

III. Viri uoletudinis

Numus argenteus

III. Viri monetales A. A. A. F. F

Cicero ep. fam. libro sexto. Pomponius

IIII. Viri viarum curandarum

Dio, Pomponius, Vetustae inscriptiones. Ego libro primo

v. Viri cis & vls Tiberim

Liuius, Pomponius

x. Viri stlitibus iudicandis

Cicero saepe. In lapidibus

c. Viri litibus iudicandis

Pomponius, Festus

Praefecti aerari

Tacitus saepe, In lapidibus

Curatores operum publicorum

ab Augusto instituti. Tranquillus

Curatores alvei Tiberis, &
cloacarum

ab Augusto creati. Tranquillus, Lapides

Curatores viarum singularum
extra urbem

Plutarchus in Gracchis, Cicero ad Atticum, Tacitus, Tranq.

Ego supra libro primo

Praefectus praetorio

ab Augusto lectus. Tacitus, Tranquillus

Praefectus frumenti populo
diuidendi

ab Augusto institutus. Tranquillus C. XXXVI

Praefectus vigilum

Tacitus, Pomponius

Curatores regionum

Denuntiatores regionum

Magistri uicorum urbis regionum

X I I I I

ab Augusto instituti. Tranquillus, Victor. Ego supra libro I

Aduocatus fisci

Iulius Capitolinus in Macrino

MAGISTRATVS . MINORES EXTRA . ORDINEM

II. Viri perduellionis

*Tullio Hostilio rege primū creati. Varro, Dionysius, Cicero
de oratore, Liuius libro I. & VI. In commentarijs*

Quaestores parricidij uel
rerum capitalium

Pomponius. In commentarijs

Praefectus annonae

Liuius saepe

v. Viri mensari

Primum creati anno urbis CDII. Liuius libro sexto

III. Viri mensari

Liuius libro uigesimo tertio

II. Viri nauales

Liuius libris IX. X. & XLI

III. Viri, qui conquirerēt iuuenes idone-
os ad arma ferenda, militesque
facerent

Liuius libro uigesimo quinto

v. Viri turribus, murisque reficiendis

Liuius libro uigesimo quinto

x. Viri qui iudicant super sacramento, &
libertate

Cicero

x. Viri distribuendorum donatiuorum

Liuius

III. Viri legendi senatus

III. Viri recognoscendi turmas

eq. Rom

a Caesare Augusto excogitati. Tranquillus cap. XXXVI

MAGISTRATVS. POPVLI. ROMA NI. EXTRA. VRBEM. VEL PROVINCIALES

Pro consulibus

Cicero, Liuius. In commentariis

Pro praetoribus

Cicero, Liuius. In Commentariis

Legati proconsulum

Cicero, Liuius. In commentariis

Legati pro praetorum

Cicero. In commentariis

Quaestores prouinciales XIIII

In Commentariis

primum II. deinde sex, postremo XIIII. a Sulla facti. Tacitus

Pro

Pro quaestoribus

Cicero. In commentarijs

Praefectus Aegypti

Dio, Tranquillus

Praefecti praefecturarum

*Festus*Consulares quattuor, qui per Italiam ius
dicerent*ab Hadriano imp. creati. Spartianus*

Iuridici Italiae

a Marco creati. Capitolinus

III. Viri uel

v. Viri uel

VII. Viri uel

x. Viri

Coloniae deducendae. saepe Livius

v. Viri uel

VII. Viri uel

xx. Viri

Agris dandis adtribuendis. Saepe Cicero, & alii

v. Viri uel

xv. Viri

Agrorum metiendorum, diuidendorumque. Livius

III. Viri

III. Viri uel

v. Viri

*ad inspiciendos fines, litesque dirimendas. Liuius libro tertio,
& alibi*

NOMINA . MINISTRORVM MAGISTRATVVM.P.R

Scribae

Cicero, Lapides

Accensus uel Adcensus

Varro libro quinto de lingua Latina

Praecones

*Cicero in Verrem VII. in Rullū, pro Milone, Gellius libro XII
cap. octauo*

Lictores

Festus, Gellius

Viatores

Festus, Gellius

Carnifices

Tacitus, Plinius

Dribitores

*Cicero pro Plancio, ad Q. Fratrem libro tertio, & secundo de
natura deorum*

Custos

Rogatores

Cicero post reditum in senatu, & secundo de diuinatione

Custodes

Cicero secunda in Rullum

Nomenclatores

Lapides, Cicero pro Muraena

Diuifores

Cicero secunda in Verrem, Asconius, hi

Magistri curiarum

dicuntur a Plauto in Aulularia

COMMENTARIVS. IN
EOS. MAGISTRATVS. QVOS. IN
COMMENTARIIS. PASTORVM
PRAETERII

PRAEFECTVS. VRBIS

PRAEFECTVS vr̄bis extraordinarius magistratus erat, qui creabatur quoties consules bellis ex vr̄be auocabantur, ne respublica sine magistratu esset. Hunc magistratum Romulum instituisse tradit Tacitus libro v. Sed praecipua ex Pisone gloria, quod praefectus vr̄bi recens, continuam potestatem, & insolentia parendi grauiorem, mire temperauit, Namque antea profectis domo regibus, ac mox magistratibus ne vr̄bs sine imperio foret, in tempus deligebatur, qui ius redderet, ac subitis mederetur. Feruntque a Romulo Dentrem Romulium, post a Tullo Hostilio Numam Marcium, ab Superbo

bō Tarquinio Sp. Lucretium impositos. Dein consules mandabant, duratque simulachrum quoties ob ferias Latinas praeficitur, qui consulare munus usurpet. Ceterum Augustus bellicis ciuilibus Cilnium Maecenatem equestris ordinis cunctis apud Romam, atque Italiam praeposuit. Mox rerum potius ob magnitudinem populi, ac tarda legum auxilia, sumpsit e cōsularibus, qui coerceret seruitia, & quod ciuium audacia turbidum nisi uim metuat. Primus Messalla Coruinus eam potestatem, & paucos intra dies finem accepit, quasi nescius exercendi. Tum Taurus Statilius quamquam prouecta aetate egre gie tolerauit. Dein Piso uiginti per annos pariter probatus publico funere ex decreto senatus celebratus est. Ex ijs Taciti uerbis manifestū est praefectos urbis illos ueteres a Romulo institutos fuisse, atq; nō a populo, sed a regibus, uel cōsulibus creari solitos. Vnde etiā id colligi potest, multo magis obseruatū fuisse in adumbrato illo praefecto Latinarū feriarum causa creato. Profectis enim urbe cōsulibus, summū imperiū erat penes praetorē urbanū, nisi quum ob Latinas ferias urbe exhibāt singulis annis cōsules. Tum enim ad usurpationē uetustatis, praefectus in urbe relinquendus erat a cōsulibus, penes quē nō penes praetorē imperium esset in urbe, ne scilicet populus se religione obstrictum putaret, si quid in Latinis feriis omissum esset, quod a ueteribus usurpatum fuisset. De hoc praefecto urbi Latinarū causa scribit Gellius lib. XIII. cap. ultimo. Praefectum urbi Latinarum causa relictum senatum habere posse negat Mucius, quoniam ne senator quidem sit, neque ius habeat sententiae dicendae, quum ex ea aetate praefectus fiat quae non sit senatoria. M. autem Varro in iij. epistolicarum quaestionum, & Ateius capito in coniectaneorum CCLIX. ius esse praefecto habendi senatus dicunt. Deque eare assensum esse Capitonem Tuberoni contra sententiam

p Mucij

Mucij refert . Namque & tribunis (inquit) plebis senatus habendi ius erat , quamquam senatores non essent ante Atinij plebiscitum . Sunt etiam Pomponij haec uerba lege ij. de origine iuris . Quoties autem praefiscuntur unus relinquitur , qui ius dicat , isque uocatur praefectus urbis : qui praefectus ita olim constituebatur , postea uero Latinarum feriarum causa introductus est , & quotannis obseruatur . Quamdiu igitur non erant in urbe praetores , quibus summum imperium esset per absentiam summi magistratus , tam diu penes praefectos urbis fuit potestas non modo uocandi consulendique senatum , sed etiam agendi cum populo . Vnde fit , ut centuriata comitia habendi ius etiam esset praefecto urbis , ut intelligi potest ex eo , quod scribit Liuius in fine libri primi : Duo consules inde comitijs centuriatis a praefecto urbis , ex commentarijs Ser . Tulli creati sunt . Eum tamen ante interregem factum fuisse , quam haec comitia haberet refert Dionysius . Verum post institutam dictatorem subrogandis magistratibus dictator potius creabatur , si ad interregnum res non redisset , quam ut ea comitia haberet praefectus . Quin tamen uel legibus ferendis , uel iudicio exercendo , praefectus urbis ius haberet centuriatis comitijs agendi cum populo negari non potest . At post introductum Romae praeturae magistratum desinit praefectus urbis fieri , nisi quod Latinarum causa profectis urbe consulibus relinquendus erat praefectus urbis , idque (ut dixi) religionis causa , potius quam quod eo magistratu magnopere opus esset . Et quoniam feriis agi cum populo non licebat , idcirco planum est huic praefecto urbis , cui imperium erat nisi tempore Latinarum , ius non fuisse agendi cum populo , tametsi uocandi senatus (si quid interim accidisset cur extra ordinem uocandus uideretur) ius habebat , ut ex Gellio uidimus . Reliquo uero anni tempore quamquam abessent consules , nullus

lus locus reliquus erat huic magistratui, sed summa potestas erat penes praetorem urbanum, ut tradit Cicero libro x. epist. fam. his uerbis: Placuit nobis ut statim ad Cornutum praetorem urbis litteras deferremus, qui quod consules aberant, consulare munus sustinebat, more maiorum. Haec autem quae dicit, intelligi debent de tempore, quo ciuitas libera fuit. Nam sub imperatoribus iam inde ab Augusto, ut tradit Tacitus libro v. coepit ordinaria & continua esse potestas praefecti urbis. Et Tranquillus in Augusto cap. xxxvi. ipsum scribit pleraque noua officia excogitasse, in quibus praefecturam urbis. De praefecto urbis mentio est apud iuris consultos in titulo de praefecto urbis. Hic (ut dixi) ab Augusto institutus usque ad nostra saecula perdurat. Tamen praeter hunc urbis praefectum ordinariū & continuum, alius Latinarum causa praefectus urbis creari solebat, ut apparet ex libris iij. & v. Cornelij Taciti; qui Latinarum modo tempore consulare munus obibat. De hoc praefecto urbis frequentissima in omnibus lapidum, & librorum monumentis mentio est

DEO. HERCVLI
INVICTO

C. IVL. POMPONIVS
PVDENS

SEVERIANVS
V. C. PRAEF. VRBI

Item

HERCVLI. INVICTO

T. FLAVIVS. IVLIANVS

QVADRATIANVS. V. C.

PR. VRBI. XV. VIR. S. F.

DONVM. DEDIT

p a

De

Item

D . N . . V A L E N T I
 M A X I M . P R I N C I P I
 S E M P E R . A V G V S T
 L . V O C O N T I V S . V I C A S I V S . V . C
 P R A E F . V R B I . I T E R . P R A E F
 L E G . V I . P R A E F . P R . P R . P R O V
 G A L . P R O C . X X . H E R . E I V S D E M
 I . S . C . D . N . M . Q . E . D . D

De curatoribus tribuum

De curatoribus omnium tribuum sic scribit M. Varro lib.
 v. de lingua Latina: Omnes Quirites pedites, armatos, pri-
 uatosque, curatores omnium tribuum, si quis pro se, siue al-
 tero dari rationem uolet, uoca inlicium huc ad me. Curato-
 res tribuum erant, perinde ac in uicis uicorum magistri, qui
 tribuum commoda procurarent

De alijs quibusdam magistratibus

Multorum praeterea magistratuum mentio est tam in uetu-
 stis inscriptionibus, quam apud Tacitum, quos Romae post
 Augusti tempora creatos fuisse ab imperatoribus constat, ut
 procuratoris a rationibus, operum publicorum, Caesaris, xx.
 hereditatum, praefecti alimentorum, frumenti, uehiculorū;
 curatorum annonae, tabulariorum publicorum, muneris publi-
 ci, & multorum praeterea similium, quos, quia haud multū
 ad rem faciunt, praetereo

De aliquot magistratibus minoribus extra ordinem

Extraordinarios magistratus urbanos, hoc est quibus
 etiam in urbe imperium esset, multos ac diuersi generis in hi-
 storijis

storijs passim inueni. Nam ut quaeque negocia occurrerent,
 quae extraordinariam curationem requirere uidebantur, ita
 alij atque alij magistratus creabantur. In hoc genere erant
 praefecti annonae, qualem fuisse legimus L. Minucium apud
 Liuium lib. iij. Pompeius quoq; hunc magistratum gessit crea-
 tus eo anno, quo Cicero reuocatus est ab exilio, ut constat
 ex oratione pro domo. Hunc ordinarium Augustum fecisse tra-
 dit Tranquillus, qui eum curatorem frumenti populo diuiden-
 di uocat, & in antiquis inscriptionibus curator, & praefec-
 tus annonae dicitur sic

C A R P V S . A V G . L I B
 P A L L A N T I A N V S
 A D I V T O R . C L A V D I
 A T H E N O D O R I . P R A E F
 A N N O N A E . F E C I T . S I B I
 E T . C L A V D I A E . C A L E
 C O N I V G I . P I I S S I M A E . E T
 T I . C L A V D I O . R O M A N O
 V E R N A E . E T . L I B E R T I S
 L I B E R T A B V S . P O S T E R I S Q V E
 E O R

Item

M . M A E C I O . M E M M I O
 F V R I O . B A L B V R I O
 C A E C I L I A N O . P L A C I D O . C . V
 P R A E F E C T O . A N N O N A E
 V R B I S . S A C R A E . C V M
 I V R E . G L A D I I

P 3 T.

Item

T. FLAVIVS . INGENVVS
 CVRATOR . ANNONAE
 SVA . PECVNIA
 COMPAR
 SIBI . ET . POSTERIS QVE
 SVIS

Magistratus quoq; extra ordinem fuerunt v. uiri mēſarij
 P. Valerio & C. Marcio II cos. creati, ad liberandum aere
 alieno populum, de quibus Liuius lib. v i. Item iij. viri mēſarij
 alij, tempore ſecundi belli Punici facti ſunt, de quibus idem Li-
 uius libro xxij: ita ſcribit. Et Romae quoq; propter penuriā
 argenti triūuiri mēſarij rogatione Minutij trib. pl. facti ſunt

In hoc genere erant, & ii. uiri nauales, de quibus Liuius
 lib. x. Et duo imperia eo anno dari coepta per populum, utraq;
 ad rem militarem pertinentia, unum, ut tribuni militum, & c.
 Aliud ut ii. uiros claſſis ornandae reficiendaeque cauſſa idem
 populus iuberet. Lator huius plebiſciti fuit M. Decius tribu-
 nus plebis. Hunc uero non fuiſſe ordinarium magistratum in-
 de poteſt intelligi, quod Liuius lib. xl. & xli. quum rursus hu-
 ius magistratus meminit, certam cauſſam creationis aſſignat,
 nec ſimul creari facit cum ordinarijs magistratibus, ſed pro-
 ut neceſſitas requirebat. Quum enim ita ſcribit: ii. uiri na-
 uales creati C. Matienus, & C. Lucretius; Verba ante-
 cedentia oſtendunt ſubito eos creatos, poſtquam nuntiatum
 eſſet a Liguribus obſideri L. Aemilium. At ſi ordinarius
 magistratus eſſet, non ita pro neceſſitate ſubito creatus fuiſ-
 ſet, ſed iam ſuperiore anno cum reliquis magistratibus
 ordinarijs creatum oportuiſſet. Et libro xli. Quia fe-
 cerat mentionem C. Furij ii. uiri naualis, propterea ut cauſ-
 ſam huius magistratus redderet ſtatim ſubiicit: Aduerſus Illy-
 riorum.

riorum classem creati **II**. uiri nauales erant, qui tuendam **XX**.
 nauibus mari superiore Anconam uelut cardinem haberent.
 Quia uero illic duumuirum naualem appellat **L.** Cornelium
 Dolabellam, qui biennio ante in eo magistratu etiamnum erat
 hinc profecto clarum argumentū haberi potest, nō fuisse cum
 ordinarium magistratum, cuius imperium esset plusquā annuū

His etiam addendi sunt **III**. uiri qui iuuenibus ad militiam
 conquirendis tempore secundi belli Punici creati sunt, de qui
 bus scribit **Liuius** lib. **XXV**. Cōsules quum aegre delectum con
 ficerent, quod inopia iuniorum non facile in utrunque, ut &
 nouae urbanae legiones, & supplementum ueteribus scribe
 retur, sufficiebat. Senatus absistere eos incœpto uetuit, &
III. uiros binos creari iussit, alteros qui citra, alteros qui ul
 tra quinquagesimum lapidem, in plateis, forisque, & in con
 ciliabulis, omnem copiam ingenuorum inspicerent: & si qui
 roboris satis ad ferenda arma habere uiderentur, etiam si non
 dum militari aetate essent milites facerent

Reperio etiam in horum numero fuisse **V**. viros muris, tur
 ribusque reficiendis creatos, de quibus **Liuius** libro **XXV**. Com
 mitia deinde (inquit) a praetore urbano de senatus sententia,
 plebisque scito sunt habita, quibus creati sunt **V**. uiri turri
 bus murisque reficiendis

De **X**. uiris qui iudicaret super sacramento & libertate,
Cicero. De **X**. uiris uero distribuendorum donatiuorum. **Liuius**
III. virorum legendi Senatus, & recognoscendi turmas equi
 tum Romanorum, quotiescunque opus esset, **Tranquillus** in
Augusto (ut dixi) mentionem faciunt. Fuit praeter hos, &
 iudex quaestionum, de quibus in antiqua inscriptione mentio
 est. Atq; haec sunt magistratuum minorum extra ordinem no
 mina, quae adhuc ego extare uiderim: qui omnes tributis co
 mitijs quotiescūq; eos fieri opus esset, repub. stāte, creabātur.

Nam postea imperatorū beneficia, ut alia omnia esse coeperūt

De III. viris nocturnis, & praef. vigilum

Paullus iureconsultus lege I. de officio praefecti uigilum digest lib. primo, de III. viris nocturnis sic scribit: Apud uetustiores incēdijs arcendis, III. uiri praeerant, qui ab eo, quod excubias agebant etiam nocturni dicti sunt. Et Lilius libro IX. ubi de Cn. Flauio loquitur ita scribit: Quem aliquando ante desisse scriptum facere, arguit Macer Licinius tribunatu ante gesto, triumuiratibusq;, nocturno altero, altero coloniae deducēdae. Et Tacitus: Triumuii nocturni, quod ad incēdium in sacra uia ortum tarde uenerant a tribuno plebis die dicta damnati sunt. Ex quibus uerbis apparet eum fuisse ordinarium magistratum, cuius esset annua potestas. Horum locum postea aliquot uigilum cohortes cum eorum praefecto ab Augusto institutae tenuerunt, quae prohibendis nocturnis incendijs per urbem excubabant. De praefecto uigilum meminit uetus haec inscriptio.

PAVLLINAE . VALERIANAE
RARISSIMAE . SANCTISSIMAE
FEMINAE . PATRONAE . F
L . PAVLLINVS . VOLVSIVS
V . C . PRAEF . VIGIL . ROM

Item

LVNAE . AETER . SACR
PRO . SALVTE
IMP . CAES . L . SEPTIMI
SEV . PII . INVIC . PRIN
PONT . MAX . P . P
IVLIVS . BALBILIVS
ANVLLINVS

PRAEF . VIGIL . V . S . L . M

De III. uiris valetudinis

Huius magistratus nulla apud ueteres auctores, quod sciã mentio est, in antiquo uero argenteo nummo sic scriptum est: **MY. ACILIVS. III. VIR. VALETV.** Hi nostra aetate pestis causa creari solent, atque Domini sanitatis uocantur, quibus temporibus de morbo suspectis, magna potestas concedi solet. Nummi uero uerba sic ego interpretor: **MY. Acilius III. uir ualetudinis tuendae**

De III. uiris monetalibus A. A. A. F. F.

& III. uiris capitalibus

Pomponius lege ij. de origine iuris: Constituti sunt eodem tempore, & IIII. uiri qui curã uiarum agerent, & III. uiri monetales aeris argenti, auri flatores, & III. uiri capitales, qui carceris custodiam haberent, ut quum animaduerti oporteret interuentu eorum fieret. De III. uiris monetalibus, & capitalibus mentio est apud Ciceronem epist. fam. lib. vij. & in antiquis nummis, lapideisque epigrammatibus sic

**L. ANNIO. FABIANO
III. VIRO. CAPITAL
TRIB. LEG. II. AVG**

Item

**DEM
RELIVIAE
CORPORIS. M
TARQUINII. CRISPI
FRONTONIS. C. L
III. VIRI. CAP**

TL

Item

TI. PLAVTIO . M . F . M . N
 SILVANO . AELIANO
 PONTIF. SODALI. AVGVSTALI
 III. VIR. A. A. A. F. F. Q. TI. CAESARIS
 LEG. LEG. V. IN . GERMANIA

Dev. viris cis, & vls Tiberim

Pomponius leg. ij. de origine iuris: Et quia (inquit magistra-
 tibus uestertinis temporibus in publicum esse inconueniens
 erat, quinque uiri constituti sunt cis Tiberim & vls Tiberim,
 qui possent pro magistratibus fungi. De ijsdē meminit Liuius.

De Decemuiris stlitibus iudicandis

Horum Cicero, & Plinius in epistolis meminerunt. In la-
 pidibus quoque, & ijs praesertim quos passim in hoc libro ci-
 tavi frequentissima mentio est. Admonet Quintilianus uerbū
 stlitibus idem significare quod superlites

C. MAESIO . C . F
 PLACATIANO
 X. VIRO . STLITIB . IVD
 TRIB. MIL. LEG. I. ITALIC
 Q. PROV. AFRIC
 ALLECT. INTER. TRIBVN
 AB . IMPERATORE
 HADRIANO . ANTONINO
 AVG . PIO
 PRAETORI . PATRONO
 D . D

ROMANA

503

item

P . S T A T I O . P . F
F A B . P A V L L O
P O S T V M I O . I V N I O R I
X . V I R O . S T L I T I B . I V D I C
T R I B . M I L . L E G . V I I
G E M . F E L I C
V I . V I R O . E Q V I T . R O M A N O R
Q . P R O V I N C . A F R I C . T R I B . P L E B
P R A E T O R . L E G . P R . P R
P O N T . E T . B I T H Y N . P R O . C O S
P R O V I N C . B A E T I C A E
T I T V L O . V S V S
D , D

De C. uiris

Pomponius deinde (inquit) quum esset necessarius magis
stratus , qui hastae praesset centumviri litibus iudicandis con-
stituti sunt . Et Festus : Centumviralia iudicia a centumviris
sunt dicta : nam quum essent Romae xxxv . tribus , terni ex
singulis tribubus sunt electi ad iudicandum , qui centumviri ap-
pellati sunt : Et licet quinque amplius , quam centum fuerint ,
tamen quo facilius nominarentur centumviri sunt dicti . De cen-
tumviris primo de oratore meminit Cicero . Ad quorum mu-
nus intelligendum illud est animadversione dignum : Iudicia om-
nia quae ad ciues Romanos pertinebant , aut priuata , aut pu-
blica fuisse . Priuatis iudicijs praerant duo praetores , urba-
nus , qui inter ciues ius dicebat , & peregrinus , qui inter pere-
grinos . Si autem actio priuata huiusmodi esset , ut de iure po-
tius , quam de facto quaerendum esset , praetor ad centumviros
suum

suum uelut consilium remittebat, si de facto quaerendum esset, praetor iudices dabat; si nihil esset cur de iure, aut facto quaerendum esset, praetor ipse decretum interponebat. Publicis quaestionibus, post institutas quaestiones perpetuas praerant reliqui praetores quattuor

De quaestoribus, praefectis, & VIII. uiris
aerari Saturni

Quaestorum, & praefectorum aerari saepissime mentio est apud Tacitum, & in uetustis epigrammatibus. Hi aerari populi Romani, quod in templo Saturni erat, cum VIII. uiris curam habebant, atque tabularum relati & expensi custodes erant, de quibus in antiquis his inscriptionibus ita mentionem extare uidi

P. CORNELIO. LENTULO
SCIPIONI. COS. PRAEFECTO
AERARI. LEGATO. &cet

item

L. CALPURNIVS. PISO
M. SALLVIVS
PR. AERARI &cet

item

C. POPILLIO. C. F. QVIR. CARO
PEDONI. COS. VII. VIRO
EPVLON. PRAEF. AERARI
SATVRNI &c

item

item

T. PETIDIO . T . F
FABIA . CASSINO
VIII. VIRO III. AERARI

et cet

item

M . P V B L I C I O
M. F. FAB . SEXTIO
CALPVRNIANO
QVAESTOR. AERAR

Haec autem epigrammata idcirco hic mutila exaravi, quod supra ea integra descripserim. Erant et curatores pecuniae publicae, item sacrae pecuniae, quorum inscriptiones supra attuli; quos municipales potius quam urbanos fuisse crediderim

De aliquot officijs publicis ab Augusto
excogitatis

Tranquillus in Augusto cap. xxxvii. Quoque plures (inquit) partem administrandae reip. caperent, nova officia excogitavit, curam operum publicorum, viarum, et aquarum, alvei Tiberis, frumenti populo dividendi, praefecturam urbis, triumviratum legendi senatus, et alterum recognoscendi turmae equitum, quotiescunque opus esset. Hos quoque magistratus memorant hae vetustae inscriptiones

C.

CIVITAS

C. PONTIO . C . F . FAB
 PELIGNO . TRIB . MIL
 LEG.X. GEM . Q . CVRAT
 LOCORVM . PVBLIC
 ITERVM . AEDILI . CVRVL
 LEGATO.PRO.PR. ITERVM
 EX.S.C.ET. EX . AVCTORI
 TATE . CAESARIS . D . D

item

C.CALPETANVS . STATIVS
 SEX . METRORIVS
 M . PERPENNA . LVRCO
 T . SARTIVS . DECIVS
 CVRATORES.TABVLARIOR
 PVBLICORVM . FAC . CVR

item

C.POPILLIO . C . QVIR
 CARO.PEDONI
 COS.VII.VIRO.EPVLON
 CVRATORI . OPERVM
 PVBLICOR . PRAEF
 AERARI . SATVRNI
 CVRATORI . VIARVM

*et cet**item*

C.CALPETANVS . RANTIVS
 QVIRINALIS:VAL. CESTIVS
 CVRATOR. RIPARVM . ET
 ALVEI.TIBERIS.TERMINAVIT

item

item

TI. IVLIVS. FEROX. CVRATOR
ALVEI. ET. RIPARVM. TIBERIS
ET. CLOACARVM. VRBIS. TERMI
NAVIT. RIPAM. R. P. PROXIMO
CIPPO. P. CCCLXXXI. S

item

C. VIBIVS. C. F. RVFVS
SEX. SOTIDIVS. SEX. F
STRABO. LIBVSCID
C. CALPETANVS. C. F
STATIVS. RVFVS
M. CLAVDIVS. M. F. MARCELLVS
L. VISELLIVS. C. F. VARRO
CVRATOR. RIPARVM. ET
ALVEI. TIBERIS
EX. S. C. TERMIN

De praefecto praetorio

Eundem dignitatis gradum, quem apud reges tribuni. cele-
rum, apud dictatores magistri equitum, habuerunt apud impe-
ratores praefecti praetorio: cuius munus ab Augusto excogi-
tatum, a Tiberio Caesare stabilitum est. Hi cohortibus praeto-
rianis in urbe ad corporis Romanorum principum custodiam
ab Augusto Caesare institutis praecerant, atque ex equitibus
Romanis legebantur, diu enim senatorem praefectum praeto-
rio fieri non posse mos fuit. Postea quum ex praefectis praeto-
rio

rio

rio imperatores quoque creari coepti sunt, quorum primus Mar-
crinus fuit, nec dum senatoribus postea, sed etiam consulari-
bus ea dignitas patuit. Horum maxima auctoritas semper fuit,
quippe qui ualentissimis & fortissimis cohortibus praeerant.
Legebantur autem ex mero principis arbitrio. Saepe etiam
duo, interdum tres praefectos praetorio una creatos fuisse le-
gi, idque pro principum uoluntate, sed frequentior usus erat,
ut unus tantum esset praetorio praefectus. Perdurauit autem
Romae hic magistratus, usque ad Constantini imperium, in
quo quum praetoriani, pro Maxentio contra Constantinum
stetissent, post uictum & occisum tyrannum, castro praeto-
rio diruto a Constantino, cohortes praetorianae exauctoratae
sunt, atque ita praefectorum praetorio dignitas hac ratione
sublata est. In quorum locum quum ipse imperator nouam qua-
dam orbis Romani diuisionem commentus esset, ut eum in quat-
tuor praecipuas partes, siue dioeceses diuideret, quattuor quo-
que praecipuos uiros creauit, qui singulis praecessent. Quo-
rum unus praefectus praetorio Galliarum dicebatur, is Gallijs,
Hispaniae, Britanniae, & Germaniae praeerat. Alter praefe-
ctus praetorio Italiae, cuius administrationi, & Africa addita
erat. Tertius porro praefectus praetorio Illurici fuit, cui Grae-
cia omnis, Thracia, Noricum, Pannoniae, Moesia, Dalma-
tia, & reliquae eius tractus prouinciae adiudicatae. Quartus
uero praefectus praetorio orientis erat, is Orientem, id est om-
nes transmarinas prouincias, suprema potestate regebat. ita
Zosimus. De utrisque praefectis praetorio tam ante, quam post
Constantini imperium mentio est in uetustis his inscriptionibus

L. FVRIO. L. F.
PAL. VICTORI
PRAEF. PRAET
IMPERAT. OMNIVM

Et cet

item

SEX. PETRONIO. PROBO. V. C
ANICIANAE. DOMVS. CVLMINI
PRO CONSVLI. AFRICAE
PRAEFECTO. PRAETORIO
QVATER. ITALIAE. ILLYRICI
AFRICAE. GALLIARVM
CONSVLI. ORDINARIO
PATRI. CONSVLVM

Et cet

De aduocato fisci

*Hunc Hadrianus imperator instituit (ni fallor) de quo
Capitolinus in Macrino, & uetus haec inscriptio memine-
runt*

Q. HORTENSIO
Q. F. COL
FAVSTINO
ADVOCATO. FIS
CI. PRAEF. FABR

Et cet

q

De

De magistratibus populi Romani prouincialibus

Prouinciales dicuntur omnes magistratus, quibus erat imperium curatione extra urbem tantum; in hoc numero erant proconsules, propraetores, legati proconsulum, & praetorum, quaestores prouinciales, & pro quaestoribus cum iure praetorio: de quibus in Fastorum commentarijs abunde scripsi; item praefectus Aegypti, iuridicus Alexandriae, praefecti praefecturarum, consulares, & iuridici Italiae, censitores ciuium Romanorum colonorum, item III. V. VII. X. uiri coloniae deducendae V. VII. XX. uiri agris dandis adtribuendis, item V. & XV. uiri agris metiendis diuidendisq; & postremo III. uel V. uiri ad inspiciendos fines, litesq; dirimendas, de quibus nunc breuissime uerba faciam; nam magistratus extra urbem militares, ut legatos consulares, uel praetoribus, prouinciarum Caesaris, procuratores prouinciarum Augusti, legatos consulares legionum, praefectos castrorum, tribunos militum, praefectos fabrum, praefectos alarum, duces, centuriones, cornicularios, tessierarios, & alia eiusmodi militaria munera tertio libro describam

De praefecto Aegypti

Antonio & Cleopatra uictis, quum Augustus Caesar Aegyptum in prouinciae formam redegisset, eam equitibus Romanis administrandam reliquit, ueritus ne si uiolentiores senatores praesides nata esset, occasionem rerum nouandarum afferret: primus igitur qui ei praefuit praefecti sub nomine Cornelius Gallus fuit, a quo deinceps omnes qui ei prouinciae praefue-

praefuerunt, praefecti nomine appellati sunt. Is etiam Aegypti iuridicus appellabatur. De utrisq; mentio est in hisce vetustis inscriptionibus

PRO . SALVTE
TI. CLAVDI. CAESARIS
AVG. GERMANICI
EX. VOTO. SVSCEPTO
C. IVLIVS. SEX. F. COR
P O S T V M V S
PRAEF. AEGYPTI
EX. AVRI. P. XVI

item

L. BAEBIVS. L. F
GAL. IVNIANVS
IVRIDICVS. AEGYPTI

De praefectis praefecturarum

Sex. Pompeius : Praefecturae (inquit) hae appellantur in Italia in quibus & ius dicebatur , & nundinae agebantur , & erant quaedam earum respublica , neque tamē magistratus suos habebāt , in quas legibus praefecti mittebātur quot annis , qui ius dicerent ; quarum genera fuere duo , alterum in quas solebant ire praefecti populi suffragio creati , ut in haec oppida , Capuam , Cumas , Castrinum , Vulturnum , Linternum , Puteolos , Acerras , Fesulas , Atellam , Calatiam . Alterum in quas praetor urbanus quot annis praefectos mittebat , ut Fundos , Formias , Caere , Venafrum , Allifas , Priuernum , Anagniam , Frustinonem , Reate , Saturniam , Nursiam , Arpinum , aliaque complura , & cet.

q 2 De

De consularibus Italiae

De quattuor consularibus qui per Italiam ius dicerent ab Hadriano institutis Appianus libro I. bellorum civilium, & Iulius Capitolinus in Marco, de Iuridicis uero Italiae idem Capitolinus in Pio mentionem faciunt, de quibus latius tertio libro disputabo.

De III. V. VII. X. XV. & XX. uiris, aut quotquot omnino creari placuerat, coloniarum deducendarum, agris dandis, adtribuendis, metiendisq; , ad inspiciendos fines, litesque dirimendas, tam frequens in omnibus historiis mentio est, ut de ijs aliquid scribere superuacaneum esse arbitror, quum omnia quae de ijs dici possent aperta sint et manifesta. De dignitatibus uero, & officiis extra urbem militaribus tertio libro disputabo, ubi legiones populi Romani describam

De ministris magistratuum

De ministris uero magistratuum, quamquam satis supra dixerim ubi ipsorum seriem digessi, non alienum tamē erit breuiter ex instituto etiam hoc loco aliquid scribere. Inter quos primum locum obtinebant scribae, quorum munus erat litteras uel acta, aliudue cuiusuis magistratus scribere. Erant autem ut ex antiquis lapidibus didici scribae consulum, praetorum, aedilium, quaestorum, et aliorum magistratuum, ut sic

L. TARQVITIO
L. F. POM
ETRUSCO
SVLPICIANO
SCRIBAE. QVAESTORI
EX TESTAMENTO
DE. H. S. XX.

De accensis

De accenso sic scribit M. Varro libro V. de lingua Latina: Deinde consul loquitur ad exercitum: Impero, quia conuenit ad comitia centuriata. Quare hic accenso, ille praeconi dicit: Haec est caussa: In aliquot rebus idem ut praeco accensus acciebat, a quo accensus quoque dictus. Accensum solitum ciere Boeotia ostendit, quam comoediam Allij esse dicunt hoc uersu

Vbi primum accensus clamarit meridiem

Hoc idem Cosconius in actionibus scribit, praetorem accensum solitum esse iubere, ubi ei uidebatur horam esse tertiam, inclamare horam esse tertiam, itemque meridiem, & horam nonam. Marcellus uero scribit accensos genus militiae esse administrantibus proximum, dicti quod ad necessarias res saepius accirentur, ueluti accersti. Sex. uero Pompeius: Accersti (inquit) dicebantur, qui in locum mortuorum militum subrogabantur, & ad censum adijcebantur. Idem lib. I. Adscriptitij ueluti quidam scripti dicebantur, qui supplendis legionibus adscribebantur, hos & accensos dicebant. Sed Varro rectius qui docet accensos administratores fuisse magistratuum ab acciendo dictos, id est uocando, nam accensus instar praekonis acciebat iussu consulis Quirites ad concionem. Plinius libro VII. Adiectus est & meridies accenso consulum id pronuntiante. Erant singulis praesidibus prouinciarum accensi, quod munus nemini nisi libertis deferebatur, ut scribit Cicero ad Q. Fratrem. Asconius autem sic: Accensus est nomen ordinis & promotionis in militia, & nunc dicitur princeps, uel commentariensis, aut cornicularius. De accensibus mentio est in uetustis epigrammatibus sic

SECVRITATI
 COGNATIONIS. SVÆ
 FORTVNATVS. AVG. L
 VERNÆ. PATRONIS
 A B. EPISTVLIS
 ACCENSVS. PATRON
 DIVO. AVG. VESPASIANO
 LICTOR. CVRIAT
 VIAT. HONOR. DEC. COS. ET. PR
 ET. SIBI. ET
 EPAPHRODITO. AVG. L
 AB. EPISTVLIS. FRATRI. SVO

item

L. VARRONIO. L. F
 PAL. CAPITONI
 SCRIBÆ. AEDILIC
 ACCENSO. VELATO
 II. VIRO. QVINQVENN
 CVRATORI. VIARVM
 PATRONO. COLONIAE
 ORDO. REGALIVM
 QVORVM. HONORE
 CONTENTVS. SVA. PECVN
 POSVIT. L. D. D. D.

item

T. TETTIENVS. FELIX. AVGVSTALIS
 SCRIBA. LIBROR. AEDIL. CVRVL
 VIATOR. AEDIL. PLEBIS. ACCENSVS
 CONSVLI. HS. L. M. N. LEGAVIT
 AD. EXORNANDAM. AEDEM. POMONIS
 EX. QVA. SVMMA. FACTVM. EST. FASTIGIVM
 INAVRATVM. PODIVM. PAVIMENTA
 MARMOREA. OPVS. TECTORIVM

De praeconibus

Praecones quoque inter magistratuum ministros erant. Hi in iudicijs erant, senatusconsulta praedicabant, posteaquam decreta erant, iudices, candidatos, tribuum & curiarum suffragia suis nominibus appellabant, scribis subijcientibus edicta populo pronuntiabant, litteras in senatu, & ad populū publice legebant, bona quae proscribebantur publicae auctioni proponebant, ac proclamabant, & pretia (ut inquit Cicerone) conficiebant. De his Plautus in penulo: Exurge praeco fac populo audientiam. Praeconum tam apud omnes auctores, & praesertim Ciceronem, quam in antiquis inscriptionibus frequens mentio est

C. MATIENI. C. F. OV
 OVICVLAE
 ANNORVM XXVII
 PRAECON. IDEM. DISSIGNATOR

De lictoribus, & viatoribus

Lictores ministri erant regum primo, deinde consulum, proconsulum, praetorum, & propraeorum, & Dictatorum; sed Dictatoris & consulis duodeni lictores erant, ceterorum seni tantum. Hi virgarum fasciculos cum securibus ligatos portabant, magistratibus praebant, ac quoties iussi erant, fasciculos virgarum soluentes, primo virgis cedebant damnam, mox securi feriebant. Livius: Missique lictores ad summendum supplicium, nudatos virgis cedunt, securique feriunt. Hos primus instituit Romulus, ut Livius & Plutarchus auctores sunt. Dicti autem lictores sunt a ligando, eo quod magistratus populi Romani priusquam quempiam verberari iussisset, manus a ministris illi iubeat ligari. Viatores porro dicebantur, qui magistratibus parebant eo quot plerumque evocabantur ex agris homines ad magistratus, & frequens eorum ab agris ad urbem via erat. Columella in praefatione libri primi: Illis temporibus procures in agris morabantur, & quum consilium publicum desiderabatur, a villis arcessebantur in senatum, ex quo qui eos arcessebant viatores nominati sunt. Postea viatorum nomen ad tribunorum & aedilium, plebis ministros translatum est, qui illorum iussu quemlibet praehebant, nam consulum (ut dixi) pro consulum, praetorum ministri lictores dicebantur. Livius libro II. ab urbe condita: Ardens itaque ira tribunus viatorem mittit ad consulem, consul lictorem ad tribunum. Gellius libro XIII. cap. XII. ex libro XXI. rerum humanarum Varronis: In magistratu (inquit) habet alij vocationem, alij praeensionem, alij neutrum. Vocationem ut consules, & alij qui habent imperium, praeensionem ut tribunus plebis, & alij qui habent viatorem. Neque

que praehensionem neque uocationem, ut quaestores & ceteri, qui neque lictorem habent neque uiatorem. Hi omnes ut scribae, accensi, praecones, lictores, uiatores uno nomine apparitores uocabantur siue statores, quod apparerent & praesto essent ad obsequium magistratum: confundi tamen omnia haec nomina ex his antiquis inscriptionibus animaduerti

T . STABERIVS . EPIGONVS
V I A T O R . CONSVLARIS
S I B I . E T . SVIS . ITEM
LIBERTABVS . POSTERISQVE . EORVM
VIXIT . ANNIS . LXXXII
MENS . II . DIEBVS . XX

item

M . SVTORIVS . M . L
PAMPHILVS
L I C T O R . CVRIATVS
QVI . SACRIS . PVBLICIS
P . R . QVIRITIVM
VIATOR . QVI . COS . ET . P R
APPARET
DECVRIO . COLLEGI . FABRVM
FERARIVM

item

M . SVTORIVS . M . L
BARNAES
CONLIB . FAMPHILI
VIATOR . QVI . COS
ET . P R . APPARET

item

CIVITAS

Item

T. STABERIO
 SECUNDO.COACTORI
 ARGENTARIO
 VIATOR. CONSVLARI
 ET.PRAET. SIBI. ET
 CLAVDIAE.STRATONICAE
 VXORI

item

Q.LVCRETIO.Q. L. GEMELLO
 VIATORI.QVAESTOR.AB.AERAR
 Q.LVCRETIVS.Q. L. CHRESTVS
 VIATOR.QVAESTOR.AB.AERAR
 PATRONO.FECIT

item

M.SERVILIUS.M. L. RVFVS
 LICTOR.SE.VIVO. FECIT
 SIBI.ET.PETIAE.C.L.PRIMAE
 VXORI

item

D. M
 T. CLAVDIO
 ONESIMO
 VIATORI
 COLLEGI. MAGNI
 CLAVDIA.ZMIRNA
 COIVX

item

item

DEO.SOLI.MITHRAE
C.IVNIVS.C.F.TROM
NENINIANVS
VIR.CLAR
VIATOR.QVAESTOR

item

D . M
M . ANTONIVS
HEVTVCAS
ANTONIO.FOR
TVNATO . STA
TORIAVGUSTO
RVM. ALVMNO
BENEMERENTI
FECIT

item

M . COELIO
DIONYSIO . LICTORI
PATRIOPTIMO
C.COELIVS.SECVNDVS

item

item

D . M

L. POMPEIO . AVG. LIB
 FORTVNATO
 NOMENCLATORI
 ACCENSULICTORI
 AVG. III . DECURIAR
 POMPEIA . P I A
 VXOR . VIRO
 KARISSIMO . FECIT

item

M . VALERIVS
 ACHILLEVS . LI
 CTOR . PROXIMVS
 LAVRENS . LAVINAS
 AGENS . ANNUM . AETA
 TIS . LXV . VIVVS . MIHI
 COMPARAVI . ET . POSVI

Carnificis mentionem facit Tacitus libro quinto, ubi supplicium Seiani filiorumque enarrat, item Plinius in epistolis in describenda poena uirginis Vestalis maximae Corneliae

Diribitorum, rogatorum, custodum, nomenclatorum, & diuisorum, qui potius priuatorum quàm magistratuum ministri erant, supra mentionem feci, quum de comitijs centuriatis uerba feci. De quibus Cicero in oratione post reditum in senatu ita scribit. Quando illa dignitate rogatores, diribitores, custodesque uidistis? Cicero pro Muraena: Quid quod habes nomenclatorem? In eo quidem fallis, & decipis. Et oratione
secun-

*secunda in Verrem. Diuifores omnium tribuum noctu ad istum
uocatos, & cet. De nomenclatoribus quos magistratum mini
stros etiam fuisse apparet, sic mentionem faciunt hae uetustae
inscriptiones*

M . AEMILIO
LEPIDI . LIB
FELICI
NOMENCLATORI
VIRO . PRIORI
DECIMIA . L . L
LIBERALIS

item

L. VOLVSIO
VRBANO
NOMENCLATORI
CENSORIO

item

DIIS . MANIBVS
TI . CLAVDI. AVG . LIB
THALETIS. VINICIANI
NOMENCLATORIS
A . C E N S I B V S
THALLVS. ET. IANVARIA
LIB. DE. SVO. POSVERVNT
LOCO . LEGATO . A B
IVLIO. ALCIDE. COLL. EIVS
CVIVS. HERES. FVIT

item

C I V I T A S
IOVI. OPTIMO. MAX
L. VRBANVS. V. C
NOMENCLATOR
CENSORIVS
D. D. D

De magistris curiarum satis alibi disputavi. Fuerunt & ministri magistratuum militarium, ut Beneficarij, Cornicularij, Tesserarij, Buccinatores, de quibus libro tertio verba faciam

Quae libertate parta ciuitatis conditio fuerit

Exactis (ut dixi) Tarquinijs regibus, Brutoque & Collatino consulibus creatis, ut primum magistratum inierunt, statim Brutus plures ad populum utilissimasque leges tulit, quo reip. statum confirmaret, regiam uero tyrannidem omnino conuelleret, ac labefactaret; inter quas concione uocata, iure iurando uniuersum populum Romanum adegit, neminem Romae se regnare passuros. Non longe post filios suos Titum Tiberiumque, M. quoque, & M. Vitellios uxoris suae fratres, sororisque Collatini collegae duos alios filios L. & M. Aquillios, compluresque alios adulescentes nobiles, qui de recipiendo in vrbe rege Tarquinio caesis consulibus coniurauerant, uirgis caesos securi coram omnibus percussit. Tarquinium Collatinum collegam suum, magistratu abdicare coactum, urbe eiecit, quod fontium poenam impedire uoluisset, eique P. Valerium Volust F. Volusum, qui postea Poplicola appellatus est, suffecit. Cuius praecipue opera in expellendis regibus usus fuerat. Bona deinde regum diripi iussit, agrum eorum Marti consc-

consecrauit, qui postea campus Martius nominatus est. Patriciorum ac senatorum ordines caedibus regis diminutos, suppleuit, ex equestri ordine ad CCC. numerum senatum restituit. Quum aduersus reges qui contractis Veientium, & Tarquinienſium copijs bellū vrbi intulerant, exercitū eduxisset, in acie cum Arunte Superbi filio cōmortuus est: quem matronae annum luxerunt. P. Valerius alter consul in urbem reuersus comitijs centuriatis Sp. Lucretium Bruto, & eidem paulo post mortuo M. Horatium, suffecit. Quum autem post reges exactos, uniuersa respublica in paucorum patriciorum potestate, atque imperio esset, plebs omni prorsus reip. munere exclusa erat. Patricij enim soli consulatum, idest regiū imperium, sacra omnia, comitia, atque omnem postremo in plebem & uitae & necis potestatem habebant. Plebs uero nō modo omnis expers honoris optimatibus obediebat, sed diremptis connubijs uitae etiam ipsius prope communione priuata, maxima cum indignitate seruebat. Quam rem tanquam indignam quum Valerius consul animaduertisset, ut aliqua quae nulla in ea republica tunc erant moderatio induceretur, atque tenuiores cum principibus aequarentur, & plebs pari cum patricijs in ciuitate iure uteretur, libertatis plebis Romanae ille primus initia iecit, ut collega Brutus uniuersae reipublicae iecerat. Duas enim eas leges humanissimas, & maxime populares tulit, de imperio a populo accipiendo, & de prouocatione a magistratibus ad populum, & ne cuiquam iniussu populi, ciuem Romanum aut uerberare, aut necare fas esset. Quum etiam in concionem ascenderet fasces in populi concionem submittebat. Quare in hoc magistratu Poplicola primo uocatus est, quod plebis studiosus, populum nimis coluisset, ut auctor est Dionysius. Atque hic anno primo partae libertatis vrbis status erat

De tribunis plebis primum creatis

Quarto decimo anno post reges exactos, Ap. Claudio, P. Servilio Cos. prima seditio plebis ex nobilium foeneratorum impotentia, qui plebem aere alieno obstrictam, in uinculis habebant, exarsit. Quae per Servilium consulem sedata est, quum edixisset, ne quis ciuem Romanum uinctum, aut clausum teneret, quominus ei nominis edendi apud consules, qui tum in volscos bellum parabant, potestas fieret.

Anno sequenti A. Virginio, et T. Veturio cos. quum Aequi, Volsci, & Sabini una omnes mouissent, ac plebs ad bellum nomina profiteri nollet, iamque seditio anno priore nexorum causa commota uehementius in dies glisceret, uisum est patribus ad dictatorem confugere, cuius metu plebs sine dubio quietura esset, itaque M. Valerius Volusus Poplicolae frater dictator dictus, is Q. Servilium sibi magistrum equitum cooptauit. Hic plebem conuocata concione, gratissima oratione repressit, pollicitus ubi primum confecto bello domum redisset, sibi curae fore ut ad senatum de nexis referretur. Eam autem promissis mitigatam in hostes eduxit, ac quum uictoria parta per senatum promissa praestare non posset, dictatura se abdicauit. Paulo post, quum plebs per causam renouati ab Aequis belli ex urbeeducta esset, auctore Sicinio quodam patribus irata a consulibus discessit, & trans Anienem amnem collem quendam occupauit, qui sacer est appellatus, neque eo anno reuocari in urbem potuit. Anno sequenti, qui erat urbis conditae CCCLXII Sp. Cassio II. Postumo Cominio II. Cos. legatis decem a senatu ad plebem de conciliatione missis, unius Agrippae Menenij oratione commota decreta a senatu leuatione debitorum, & nexorum propter, aere alienum re-

dijt

dijit. Ceterū uerita ne soluto coetu, uel pmissis nō staretur, uel
ut digressi essent, alius ob altas cās cōprehēsi, poenas darent,
hac lege, quae sacrae nomen accepit, cum patribus in gratiā
redijit, ut magistratū, et ipsa sibi ex suo corpore contra patri-
ciorum potentiā, ac uim creare posset, quoq; auxiliij latio ad-
uersus eos esset. Ii tribuni plebis dicti sunt, qui primo duo, uel
ut alijs placet, quinque, postremo decem facti sunt. Huius rei
sic Cicero pro Cornelio meminit: Tanta igitur in illis uirtus
fuit, ut anno XVI post reges exactos, propter nimiam domina-
tionem potentium, leges sacras ipsi sibi constituerent, duos
tribunos crearent, montem illum trans Anienem, qui hodie
mons sacer nominatur, in quo armati confederant, aeternae
memoriae causa consecrarent. Haec ille. Lex autem sacra
ea fuisse uidetur, quam in sacro monte plebs tulit, ut liceret
magistratum ex suo corpore creare, qui plebem ab omni inui-
ria prohiberet, ut nemini patricio hunc magistratum capere
liceret, ut hic magistratus sacrosanctus esset, id est, ne quis tri-
bunum plebis, aut manu, aut uerbo uiolaret; qui secus fecis-
set ipsum impune posse occidi, ac sacrum esse uideri. Hoc igitur
sacrosancto magistratu plebi a patribus concessa, ipsa tan-
quam acerrimo quodam telo non solum contra optimatum
potentiam atque libidinem, se, libertatem ac pudicitiam suam
tutata est, atque defendit, uerum etiam quum tantum princi-
pio tribunis auxiliij latio concessa fuisset, ne patricij aduersus
plebē insolentius, aut arrogantius agerent, cum tunc sacrosan-
cti magistratus, quum inuolabiles essent, longe maiora moli-
ti, magnas in republica turbas et seditiones saepe concitarūt,
neque enim grauioris poenae metu ijs, qui eos laedebant inro-
gatae, quisquam eis repugnare, aut ui aduersari audebat.
Ceteros enim omnes magistratus sacrosancta potestate supe-
rabant: primo enim quemuis, a quo imploratum eorum auxi-
lium

lium esset, asserebant, supplicem tuebantur, non contra priuatos duntaxat, sed etiam aduersus ipsos magistratus, dictatoribus tantum exceptis. Quod si quis ad eos, uel etiam absentes prouocasset, is statim liberatus ab eo, a quo comprehensus fuerat, uel in concionem adducebatur, uel absoluebatur. Ad haec si quod eis decretum, siue a magistratu, siue a priuato, siue a plebe, siue a senatu factum displicebat, intercedere poterant, quod si senatus aliquid agere, uel decernere instituisset, atque unus tribunus plebis intercessisset, id decretum promulgari non poterat. Processu temporis illa etiam sibi uendicarunt, ut et senatum congregarent, dicto non audientes punirent, haruspicesque et augures consularent. Multa demum quae non licebant, inuictis illis intercessionibus consequerantur, rogationes ferebant, quibus lege Hortensia omnes Quirites obstringerentur. Quum. n. legum fisciendarum populus dominus esset, plebsque non minima pars populi haberetur, quia eis cum populo agere ius non erat, sed tantum cum plebe, effecerunt, ut plebiscita omnes Quirites tenerent. Postremo eorum audacia, et potestas ita creuit, ut aliquando consules in carcerem coniecerint, et quosdam indicta causa necarint, neque enim quisquam eis aduersari audebat, alioqui ipse sacer et deuotus erat. Hac igitur sacrosancta potestate comitia tributa in primis inuenerunt, quibus minores magistratus creari uoluerunt, qui ad eam diem curiatis facti fuerant, tribunorum plebis numerum auxerunt, connubiorum communionem, quaestores, tribunos militum consulari potestate, et decemuiros sacris faciundis, ex plebe creari obtinuerunt, qui haecenus ex patricijs tantum fieri solebant. Post haec quum plebs ad summos honores aspirare coepisset, tribunorum plebis auctoritate consulatum etiam, quae firmissima semper prope arx potentiae patriciorum fuerat, praeterea dictaturam, censuram, imperium, sacra, sacerdotia

tia, quae unius ante nobilitatis fuerant, non sine magnis rei publicae metibus, intestinisque seditionibus sibi uendicauit. Iamque nihil aliud deerat, ad ius totius reip. plebemque patri cijs adaequandam, quam ut plebiscita quibus tum sola plebs tenebatur omnes Quirites astringerent, tum denique hoc etiam secessione in Ianiculum facta, lege Hortensia consequuta est. Post quae tempora, quae ciuitatis Romanae leges, instituta, et conditio fuerit post exponam. Nunc illud accurate demonstrandum est, qua nam ratione, et quo tempore tribunorum plebis auctoritate plebs singula adepta sit, quae supra singillatim commemorauimus. Quorum primum post eam potestatem creatam fuit tributorum comitiorum institutio, quae ob eiusmodi causam instituta a Dionysio traduntur

De comitijs tributis

Tribunis plebis primum creatis nihil aliud a senatu concessum esse uidebatur, praeterquam auxilij latio plebeijs, si quis uim inferret, atque ob eam rem sacrosancti erant. Ceterum neque agere cum populo, neque aliud quid pro ea potestate facere ius ullum erat. Quapropter ut haec libertatis Romanae plebis iacta fundamenta stabilirent, illud primum tribuni procurarunt, ut ius illis cum populo agere esset, occasione huius rei quaesita, quod Sp. Sicinius unus ex primis tribunis plebis concionari ad populum de commodis plebis a consiliis prohibitus esset. Quare sequenti die, summo mane plebeiorum non parua manu comparata descendit in forum tribunus, et occupata aede uolcani ubi concionari tribuni solebant, plebem ad concionem uocat, atque repleto foro Sicinius legem ad plebem tulit eiusmodi. Concionati ad populum tribuno, nemo aliquid in contrarium dicito, nec dicentem interpellato, si quis contra haec fecerit datis uadibus poenam soluat, quantam

r a tribunis

tribunis uisum erit. Qui uades non dederit necetur: bonaque eius sacra sunt, contentionumque de poenis ipsis iudicia pene populum sunt. Hac lege promulgata, & a plebe scita, magna incredibilisque, quamquam non statim cognita, tribunorum potestas facta est. Atque eius legis subsidio omnia postea obtinuerunt, de quibus supra disserui. Hoc autem factum est auctore Dionysio, anno sequenti posteaquam tribunorum plebis magistratus institutus erat, T. Geganio & P. Minucio cos. Anno uero sequenti A. Sempronio & M. Minucio cos. qui erat urbis conditae CCLXIII. comitia tributa ob hanc causam a tribunis plebis primum inuenta sunt. Quum in summa annonae caritate, ne frumentum ex Sicilia aduectum plebi diuideretur, C. Marcius Coriolanus summa ope contendisset, ab iratis tribunis plebis dies illi ad populum dicta est, ut uiolatae plebis Romanae libertatis causam diceret. Die igitur iudicii in trinundinum edicto, quum dies instaret, plebs ex agris quanta nunquam antea in urbem uenit, forumque prima luce compleuit. Tum tribuni aduocata concione, non curiatim quidem ut uetus mos erat, sed per tribus distinctam suffragium ferre uoluerunt. Eam .n. in foro ipso tributim diuiserunt, ut unusquisque in tribu in qua censebatur suffragium ferret; atque hoc anno primum comitia tributa facta sunt iudicio Coriolani, acriter aduersantibus patricijs, centuriataque fieri more maiorumulantibus. Quum enim de aliqua re ex S. C. comitia haberi essent solita, ea centuriata in campo Marcio habebantur. Si enim centuriata comitia habita essent, quae in ditiorum (ut dixi) manibus & opulentiorum erant, octo & nonaginta primis centurijs, quae dimidio plus erant distributorum, procul dubio absolui Marcius poterat, tribuni uero hoc ipsum timentes, tributa ea fieri uoluerunt, ne pauperes fierent ditioribus inferiores, ubi de re ad publicam salutem pertinente agendum esset, atque

atque paupere plebe in nouissimas centurias abiecta, suffragijs quae aequa esse deberent, excluderetur. Sed aequa sorte ferendis suffragijs omnes facti, per tribus distincti sententias suas afferent, iudicaturi de eo qui rem communem uiolasse uidebatur. Quod ubi illis a patribus concessum est, suffragia per tribus populum ferre iusserunt, poenam praescribentes ei exilij perpetui. Vbi omnis tribus suffragatae sunt, quum una & uiginti tunc esset, tresdecim damnauerunt, nouem uero eum absoluerunt, atque hac ratione tributorum comitiorum origo fuit, ut libro VII. abunde enarrat Dionysius. De quibus tractaturus ab eandem finitione initium summam. Tributa igitur comitia erant, ut ex Gellio libro XV. cap. XXVII. intelligitur, quum ex regionibus, & locis suffragium ferebatur. Quibus uerbis nihil aliud intelligi uoluit, quam quum per tribus suffragium ferebatur, ut quod tribus plures iussissent, id ratum haberetur. Erant enim tribus populi Romani partes distinctae locis in vrbe diuersis, & regionibus undique circum urbem per Latium, Tuscos, & Sabinos dispersis, quarum nomina supra accurate rettuli, quum de ijs, disputarem. Ab ijs tributa comitia dicta, ut a curijs curiata, et centurijs centuriata, quod scilicet non modo tributim diuisus populus suffragium ferret, sed etiam quid plures tribus iuberent, aut uetarēt, spectaretur. Haec comitia post Coriolani iudicium eorumque primam institutionem Romae frequentari coepta sunt, & presertim post legem Publiliā, qua minores magistratus hisce comitijs creari iubebātur, quum ante curiatis fierent. Atque deinceps causae habendorum horum comitiorum generales quattuor factae sunt. Prima ad creandos minores magistratus; altera ad sacerdotes cooptandos; tertia ad leges ferendas; quarta iudiciorum causa. Magistratus autem qui his comitijs creabantur, partim prouinciales, partim urbani, partim ordinarij, partim

extra ordinem erant. Erant autem urbani ordinarij magistratus qui ijs comitijs creabantur omnes minores magistratus, qui singulis annis ad suum ordinarium in urbe munus ob-
eundum a populo creabantur. In quo genere erant aediles cu-
rules, ut M. Messalla apud Gellium libro XIII. cap. XIII. & L. Piso in III. annali, apud eundem libro VI. cap. IX. & Cicero libro III. epist. ad Atticum; tribuni, & aediles ple-
bis, ut Dionysius libro IX. & Liuius libro II. quaestores
ut Liuius libro III. et Tacitus libro II. III. viri capitales,
ut Cicero pro Cluentio; III. viri nocturni, ut Liuius libro IX.
tribuni militum comitiales, ut Liuius libro VII. & IX. III. vi-
ri monetales auro argento, aere flando feriundo, ut ijdem
omnes auctores sunt. Ex quibus magistratibus quaestores,
aediles, & tribuni plebis ante legem Publiliam curiatu comi-
tius creabantur. Post eam, & annum urbis CCXXCII. tri-
butis creari coepti. Magistratus uero minores urbani extra
ordinarij tributis comitijs fieri soliti erant praefecti annonae,
ut Liuius libro III. tradit, II. viri nauales, alias classis or-
nandae, reficiendaeque, de quibus idem Liuius libris X. XI.
& XLI. mentionem facit, quaestores parricidij, qui & quae-
stores, & II. viri perduellionis dicebantur, de quibus Asco-
nius; III. viri uiarum, de quibus Pomponius; II. viri, uel plu-
res, sacrarum aedium locandarum, aedificandarum, consecran-
darum, uel restituendarum, quos populus ex lege Papiria de-
signare solebat, de quibus Cicero pro domo sua, & saepissi-
me Liuius; III. viri reficiendis aedibus sacris, de quibus Li-
uius, Q. Catulus ad dedicandum Capitolium a populo praefe-
ctus, ut Plutarchus, v. viri turribus murisque reficiendis,
de quibus libro XXV Liuius; III. viri, & v. viri mensarii de
quibus idem Liuius libro VI. & XXII. III. viri sacris con-
quiren-

quirendis, et IIII. viri donis psequendis, de quibus idē Liuius lib. XXV. et postremo oēs siue curatores, siue magistratus extra ordinarij, id est, qui non ut ordinarij annuam potestatem continuatam habebant, sed tandiu in ea erant, dum curationem cui praefecti erant, absoluisent, comitijs tributis creabantur. Prouinciales uero magistratus (prouinciales autem uoco quibus erat imperium curatione ire tantum extra urbem) qui hisce comitijs creabantur, erant IIII. viri, V. uiri VII. viri, X. viri, XV. viri XX. viri, aut quot quot oīo creari placuerat, ad colonias deducendas, aut redigendos colonos in suas quēque colonias, aut agros diuidendos, de quibus frequentissima est in omni historia mentio, curatores uiarum extra urbem, de quibus Cicero; IIII. viri iuuenibus ad militiam conquirendis de quibus Liuius libro XXI. Item proconsules omnes, propractores, et proquaestores iisdem comitijs in prouincias mittebātur, ut Liuius libro IIII. & alibi saepe in historia sua, & saepissime Cicero commemorant, quamquam unum P. Cornelium Scipionem proconsulem Hispaniae centuriatis comitijs semel tantum creatum fuisse tradat Liuius. Tributorum porro comitiorum secunda caussa fuit ad sacerdotes creandos, ex quibus ante legē Domitiam unus tantum fuit pontifex maximus, ut ex Liuiō saepe intelligi potest; post legem uero Domitiam, qua sacerdotū subrogatorum ius a collegijs ad populum trāslatum est, pontifices, augures, fetiales, VII. viri epulonū, XV. viri sacris faciundis, tributis comitijs creati sunt, ut satis supra dixi, ex reliquis enim sacerdotibus, rex sacrificulus cēturiatis, flamines, & curio maximus curiatis, Vestales a pontifice maximo, salij a magistro collegij, luperci, fratres aruales, sodales Tuij, sacerdotes Galli, & reliqui a suis collegijs uel magistris cooptati sunt. Ceterum ea tributa comitia quibus tam pontifex maximus primum, quam deinde reliqui sacerdo

tes creabantur, non omnium tribuum erant, sicut magistratum, sed tantum septemdecim tribuum, quibus id, orre obtingisset. Quod cur factum fuerit his uerbis docet Cicero in Rullio quum ait. Item eodemque modo ut comitijs pontificis maximi: ne hoc quidem uidit, maiores nostros tam fuisse populares, ut quod per populum creari fas non erat propter religionem sacerorum, in eo tamen propter amplitudinem sacerdotij uoluerint populo supplicari, atque hoc idem de ceteris sacerdotijs CN. Domitius tribunus plebis uir clarissimus tulit, quod populus per religionem sacerdotia mandare non poterat, ut minor pars populi uocaretur, ab ea parte qui esset factus is, a collegio cooptaretur. Tertia uero tributorum comitiorum habendorum causa legum ferendarum erat. Haec autem erant plebiscita omnia. Quo uerbo legis etiam comprehendo rogationes quibus de pace ad populum ferebatur. Bellum enim lege centuriata indici solebat, pax autem tributis comitijs iniri consueuerat, ut libro xxx. docet Lilius. Hic etiam eas rogationes comprehendo quibus legibus aliquis qua uis causa soluebatur. Huc postremo illas etiam rogationes reijcio, quibus a populo imperium triumphaturis ducibus, uel quacunque id ratione fieret, intra urbem haberi permittebatur. His comitijs publicae quaestiones constitutae, & ciuitas data saepea Lilius refertur. Quarta porro horum comitiorum causa iudiciorum exercendorum erat. In qua illud animaduersione dignum, iudicia quidem capitis a populo comitijs centuriatis perfici: at si magistratus aliquem reum ad populum faceret nec capitis eum accerferet, sed multam indiceret, tum omnia haec iudicia, quae de multa dicebantur, tributis comitijs fiebant. Hoc autem summam dici potest. Iudicia omnia populi quae de multa erant a magistratu, aut pontifice indicta, his comitijs perfici solita. Hoc uero ex omni historia Liliiana liquet.

Exilium

Exilium preterea tributis comitijs decerni solebat, si quis cap-
tis condemnatus ad populi iudicium uenire recusaret, ut tra-
dit Liuius. Atque haec comitiorum tributorum praecipuae
causae sunt. Ius autem tributorum comitiorum habendorum
penes maiores, & minores magistratus erat. Ex maioribus
dictator, cōsules, & trib. militū cons. potestate; ex minoribus,
tribuni plebis erāt. Consules enim omnes minores magistratus
creabant tribuni plebis & aedilibus plebis exceptis, quos tri-
buni plebis, his comitijs renuntiabant, tribunos enim & aedi-
les plebis tribuni ipsi creabant, ut ex Liuiō, & Dionysio con-
stat. Reliquos (ut dixi) minores magistratus consules, aut di-
ctatores, si quando comitiorum habendorum causa creaban-
tur, aut tribuni militum consulari potestate creabant. Ab his
enim quaestores, & aediles curules, & ceteri minores ordi-
narij magistratus, Liuiō auctore fiebant. Ad creandos uero
minores extraordinarios magistratus, ius fuit consulibus, prae-
toribus, & tribunis plebis. Sacerdotum uero comitia tribu-
ta consules tantum habere solebant, ut ex Cicerone in epia-
stola ad M. Brutum liquet. Sacerdotes autem erant post le-
gem Domitiam pontifices, augures, XV uiri S. F. VII. uiri
epulonum, & fetiales: ante legem uero Domitiam solus his co-
mitijs pontifex maximus creabatur isque Liuiō auctore ab
uno pontificum subrogabatur. Nam post legem Domitiam eū
cum reliquis quoq: sacerdotibus a consulibus factum fuisse exi-
stimo. De legum uero iudiciorumque comitijs tributis faci-
le est intelligere, ijs magistratibus licuisse habere ea comitia quō-
bus ius erat cum populo agendi. In historijs autem legimus in-
terdum consules, interdum praetores, saepe tribunos plebis ad
populum de his rebus rogationes tulisse. Plebeios porro ma-
gistratus petendi ius erat plebeijs tantum hominibus, binosque
ex singulis classibus tribunos esse oportebat. Reliquos magi-
stratus

stratus his comitijs fieri solitos, omnibus, seruatis legibus, petere ius erat. Ex sacerdotibus qui his comitijs creabantur pontificum collegium dimidium ex patribus, dimidium ex plebe creari oportebat. Duo ex eadem gente sacerdotes eius collegij esse non poterant, absentium ratio haberi solebat. Adulescentes admodum post XVII. annum inaugurari poterant, pontifex maximus non nisi ex numero pontificum fiebat. ijs omnibus quibus in centuriatis, in tributis quoque comitijs ius erat, id est ciuibus Romanis, quibus cum suffragio ciuitas a populo data esset, ipsique in tribus a censoribus relati fuissent. Nam quod Latinos aliquādo suffragatos fuisse legimus apud Liuium, nō repugnat ijs, quae dixi, quum id non iure ciuitatis, aut tribus adeptae facerent, quam non habebant, sed ijs dati sit antiquo Cassiano foedere, atque a magistratibus & accersiri, & prohiberi possent, ut latius paulo post exponam. Iure igitur non nisi ciuibus Romanis pleno iure comitijs suffragium ferre ius erat, ex magistratuum uero indulgentia Latinis etiā. Commune autem omnibus comitijs erat, ut Ioue fulgente, aut tonante, ea haberi non possent. Quare hoc & tributis comitijs conueniebat, ut auspicia haecenus seruanda essent, ne haberentur quo die seruatum esset de coelo. Vnde sequitur his etiam comitijs obnuntiationi parendum fuisse. Quamquam autem tributa comitia haecenus auspicato haberi debebant, in reliquo tamen genere auspiciorum nulla fere religione astringebantur: quod Dionysius libro nono ostendit sic: Hoc erat discriminis inter tributa comitia & curiata, quod curiata oportebat ex senatus auctoritate haberi, & populus curiatum suffragium diceret, & ut auspicato fierent. Tributa uero non consulto senatu, non adhibitis sacerdotibus, auguribusque, & diuiso per tribus populo perficiebantur. Plebei enim magistratus auspicia non habebant. Ante comitiorum tributorum diē

trinundino opus erat, quemadmodum de centuriatis dixi. Die comitiorum antequam haberentur, concionem is, qui ea habebat populo facere solebat; sortitiones aliquot fiebant, ut de praerogatiua tribu; in qua tribu Latini suffragiū ferrēt, si adfuissent. In sacerdotum quoque creatione XVII. tribuū sortitio fiebat, quos non nisi a populi parte creari ius erat. In iisdem comitijs erant diribitores, custodes, & praecones. Nam rogatorum munere is, qui comitia habebat fungebatur. Vnius autem tribus, ut unius centuriae, unum suffragium erat, nam singulorum hominum uota, puncta dicebantur. In creandis autem magistratibus, tot dabantur tabellae, quot candidati essent, quorum nomen receptum esset, & quoniam XXXV. tribus erat oportebat XVIII. tribus ferre, quemque candidatum, ut a maiore populi parte creatus diceretur, ut autem quisque prior eum numerum tribuū tulerat, ita prior renuntiabatur. Quūque tot creati erant, quot ex lege in eo magistratu esse oportebat, tum comitijs finis fiebat. Eadem prope modum ratio erat iudiciorum, & legum quae etiam in comitijs centuriatis seruabatur. Tributis autem comitijs non unus erat destinatus locus, quemadmodum centuriatis, quia religio non erat extra ne, an intra pomerium haberetur. Ac magistratuum quidem comitia tributa fere in cāpo Martio habebantur aliquādo etiā in foro, et Capitolio habita fuisse legi Legum uero & iudiciorum comitia plurimum in comitio haberi solita; aliquando etiam in Capitolio habita apud Liuium legimus. Horum comitiorum tempus erat quotiescunque dies comitalis esset, nisi nominatum, ut alijs etiam diebus cum populo agere sibi liceret, quisquam legem tulisset, quod fecisse P. Clodium in tribunatu suo docet Cicero pro Sextio. Ante primam quoque diei horam cū populo agere non licebat. Sacerdotum comitia, eo tempore quo quis moriebatur habebantur, mē-

norum uero, & ordinariorum magistratuum circa Kal. Augusti, ut prima ad Atticum docet Cicero. Tribuni & aediles plebis magistratum inire solebant ad III. idus Decembris, quo die primi tribuni plebis creati sunt. Quomodo aut, & quando haec comitia fieri desierint superius exposui, quum de cen-
turiatis uerba feci, eadem enim utrorumque comitiorum ratio est. Atque haecenus de comitijs tributis

Quot reip. mutationum causa fuerit tribunorum plebis sacrosanctus magistratus

Plebs Romana sacrosancto tribunatus plebis magistratu e patrū manibus extorto, longe maiora aduersus senatus et optimatum potentiam moliri cepit. Nam post legem latam, ut tribuno plebis ius cum populo agere esset, itemque post tributa comitia occasione iudicij C. Marcij Coriolani instituta, aliquot annis post multas ob agrariam legem seditiones excitauit, quum agrum publicum, uel de hostibus captum sibi ipsi patribus repugnantibus diuidere uellet. Ea enim lex nunquam sine maximis rerum motibus agitata est. Ap. uero Claudio Ap. F. & T. Quinctio Capitolino cos. Volero Publilius tribunus plebis, auctore M. Laetorio altero tribuno rogationem ad populum tulit, ut plebeij magistratus tributis comitijs fierent, qui haecenus curiatis creati erant. Haud parua res sub titulo prima specie minime feroci ferebatur, sed quae patricijs omnem potestatem per clientum suffragia creandi, quos uellent tribunos auferret. Huic actioni plebi gratissimae, quum summa ui patres restitissent, postremo uictis patribus, lex lata est. Tuncque primum tributis comitijs tribuni, & aediles plebis creari coepti anno urbis CCXXCIII. Res post haec in urbe quietae,

be quietae, usque ad annum urbis CCXCII. In quo uictis, & ad internicionem fere Volscis caesis, secundae belli res urbanos motus, qui mutationi reip. causam attulere, excitarunt. C. enim Terentius Arsa tribunus plebis legem ad populum tulit, de quinque uiris creandis, qui leges de imperio consulari scriberent, quod populus in se ius dederit eo consules uisuros, non ipsos libidinem, ac licentiam suam pro lege habituros. Quaerebatur enim plebs, nimium esse consulare imperium, atque intolerabile liberae ciuitati, idque imminui, & moderatius fieri postulabat. Quae lex quum sex annos a tribunis frustra iactata, tandem pro concessa sibi duplicandorum tribunorum potestate penitus refrixisset, tamen Romilio, Veturioque consulibus, in plebem militiam detrectantem impotentius se gerentibus, acrius etiam quam ante relata est; igitur incertis quid agerent patribus, placuit ea sententia, cuius princeps T. Romilius fuisse scribitur, ut legum latores crearentur, qui iura patribus plebique scriberent, quaeque ab ijs essent decreta, ea plebem, & patres tenerent. Plebe autem assensiente mittuntur legati tres in Graeciam, qui Atheniensium, & aliarum Graeciae ciuitatum instituta, mores, & iura noscerent, eaque Romam deferrent Sp. Postumius Albus, A. Manlius Vulso, Ser. Sulpicius Camerinus. Missi autem Tarpeio, Aeternioque cos. tertio anno post, quo Menenius & Sestius consulatum gerebant, cum legibus reuersi sunt. Quum autem instarent tribuni, ut tandem legum scribendarum initium fieret, iamque in annum sequentem designati consules essent Ap. Claudius, & T. Genucius, tum in Ap. Claudij sententiam S. C. factum est, ut reliquis abrogatis magistratibus decemuii crearentur cum imperio consulari, ac regio sine prouocatione, qui ex patrijs moribus, & peregrinis legibus optima seligentes, & reip. maxime utilia iura populi Romani constituerent, quaeque

quaeque ijscripsissent, si S. P. Q. R. probassent, ea in perpetuum populum ipsum Romanum tenerent. Quo S. C. a plebe comprobato eos. abdicarunt, in eorum locum decemviri consules facti sunt Ap. Claudius, T. Genucius, Sp. Postumius, Ser. Sulpicius, A. Manlius, T. Romilius, C. Iulius, P. Sestius, P. Curiatius, & Sp. Veturius. Anno igitur CCCIII. quam condita urbs erat iterum mutata est forma ciuitatis a consulibus ad decemuiros, quemadmodum a regibus ante ad consules uenerat. Hi decimo die ius populo singuli reddebant, eo die penes praefectum iuris fasces XII. erant, collegis uero reliquis singuli accensi apparebant. Ceterum propositis decem legum tabulis a decemuiris, rumor deinde uulgatur, duas deesse tabulas, quibus adiectis absolui possit uelut corpus totius Romani iuris. Ea expectatio quum dies comitiorum instaret, desiderium decemuiros iterum creandi fecit. Plebs etiam praeterquam quod consulum nomen haud secus, quam regum perosa erat, ne tribunicium quidem auxilium cedentibus inuicem appellatione decemuiris, quaerebat. Creati igitur in alterum annum magno patrum, plebisque studio iterum decemviri sunt Ap. Claudius II. M. Cornelius, M. Sergius, L. Minucius, Q. Fabius, T. Antonius, M. Rabuleius, Q. Poetilius, K. Duilius, & Sp. Oppius. Quum igitur maior pars huius anni processisset, & duabus tabulis ad decem adiectis nihil superesset, si hae quoque tabulae centuriatis comitijs perlatae essent, cur decemuiris reipublicae opus esset; expectaretque populus quam mox consulibus creandis comitia indicerentur. Tum decemuiros nulla comitiorum mentione facta, iuuenum cateruis stipatos superbius, atque impotentius se in unumquemque gessisse, & Idibus Maijs aduenientibus, qui dies tum solemnissimus in eundo consulatui erat nullis magistratibus subrogatis, eosdem qui priore anno fuerant, decemuiratum cum magna totius populi indigna-

indignatione continuasse Liuius, & Dionysius auctores sunt, Eos tamen haud multo post abdicasse hanc ob causam praeci-
pue constat. Ap. Claudius quum alij collegae in Aequos, alij in
Sabinos exercitum duxissent, urbis praesidio relictus Virgi-
niam plebeiam uirginem, quam amabat pretio pellicere ador-
tus, quum frustra se laborare animaduertisset, in seruitutem
per clientem suum M. Claudium asserere eam conatus, patrem
eius eo compulit, ut ipsam filiam manu sua sibi potius occiden-
dam putarit, quam Ap. Claudij libidini dederetur. Ea res, ut
erat atrox, in utraque castra perlata seditione maximam ple-
bis excitauit. Quae relictis castris quum primum in Auenti-
num, post in motem sacrum secessisset, paulo post placata, se
reditura esse professae est, si tribuni plebis sibi ipsi restitueren-
tur, & decemuiris abdicatis, consularis potestas reuocaretur.
Quibus conditionibus a senatu acceptis, ipsa in urbem redijt.
Tum abdicantibus decemuiris comitia tribunorum a M. Pa-
pirio pont. max. facta sunt, quibus decem creati. Tribunatu
inito L. Icilius extemplo plebem rogauit, et plebs sciuit ne cui
fraudi esset secessio ab decemuiris facta. Confestim de con-
sulibus creandis cum prouocatione M. Duilius rogationem per-
tulit. Per interregem deinde consules creati qui extemplo ma-
gistratum occeperunt L. Valerius & M. Horatius. Hi liber-
tatis plebis Romanae studiosi, quemadmodum & parentes
aique eorum fuerant, omnium primum quum ueluti in con-
trouerso iure esset, tenerentur ne patres plebiscitis, legem cen-
turiatis comitijs habuere, ut quod tributum plebs iussisset popu-
lum teneret, qua lege tribunicijs rogationibus telum acerrim-
um datum est. Aliam deinde consularem legem de prouoca-
tione unicum praesidium libertatis, decemuirali potestate euer-
sam non restituerunt modo, sed etiam in posterum munierunt,
sanciendo noua lege, ne quis ullum magistratum sine prouoca-
tione

tione crearet, qui creasset eum ius fasque esset occidi, neue
 ea caedes capitalis noxae haberetur. Et quum plebem hinc
 prouocatione, hinc tribunicio auxilio satis firmassent, ipsis
 quoque tribunis, ut sacrosancti uiderentur, cuius rei prope iam
 memoria aboleuerat, relatis quibusdam ex magno interuallo
 caerimonijs, renouarunt, & quum religione inuiolatos eos,
 tum lege etiam fecerunt, sanciendo ut qui tribunis plebis, aedilibus,
 iudicibus nocuisset, eius caput Ioui sacrum esset, familia
 uenum iret. Institutum etiam ab iisdem cos. ut S. C. in
 aedem Cereris ad aediles plebis deferretur, quae ante arbitrio
 consulum supprimebantur uitabaturque. M. Duilius deinde tri
 bunus plebis legem tulit, qui plebem sine tribunis reliquisset,
 quique magistratum sine prouocatione creasset, tergo ac ca
 pite puniretur. Atque hac ratione fundata & stabilita tribu
 nicia potestate, ac plebis libertate, tribuni longe maiora ag
 gressi sunt. Nam quum mos fuisset aliquot tantum tribunos
 plebis creari, ij uero qui creati essent cooptatione sibi colle
 gas ad numerum decem substituerent, altero anno L. Tre
 bonius tribunus plebis infestus patribus, quod se ab ijs in co
 optandis tribunis fraude captum, proditumque a collegis aie
 bat, rogationem tulit, ut qui plebem Romanam tribunus ple
 bis rogaret, is usque eo rogaret dum x. tribunos plebis face
 ret. Post aliquot annis res quietae domi fuere, usque ad annu
 urbis CCCIX. In quo M. Genucio & C. Curtio cos. domi
 forisque res infestae fuere. Anni enim principio C. Canule
 ius tribunus plebis rogationem promulgauit de communican
 dis plebi patriciorum connubijs, quae decemuirii ante direme
 rant, qua contaminari sanguinem suum patres confundique
 iura genium rebantur. Lex multis contentionibus agitata
 est, nec ante finis controuersiarum fuit, quum & tribunum
 acerrimum auctorem plebs nata esset, & ipsa cum eo perti
 nacia

nacia certaret, quam uicti tandem patres, ut de connubio ferretur concessere. Eodem anno ab eodem Canuleio tribuno plebis primo mentio sensim illata, ut alterum ex plebe consulem liceret fieri, eo processit deinde, ut rogationem nouam reliqui tribuni promulgarent, ut populo potestas esset seu de plebe, seu de patribus uellet, consules faciendi. Id uero si fieret, non uulgari modo cum infimis, sed profus auferri a primoribus ad plebem summum imperium credebant. Quum res multis contentionibus acta esset tribunique in proposito persistenter, ueriti patres ne lex se inuitis perferretur, in eam sententiam ierunt, cuius auctor fuisse C. Claudius dicitur, ut pro consulibus crearentur tres tribuni militum ex patricijs, totidemq; ex plebe, ijque consulari potestate remp. regerent. Eorum autem finito imperio rursus senatus & plebs consulerebatur, consules ne an tribunos mallerent, qui uero placuissent, fierent: quod etiam multo tēpore obseruatum est. His rebus decretis in magno plebeiorum, & patriciorum petentium studio, tres ex patricijs tantum creati sunt. A. Sempronius, L. Atilius, & T. Cloelius, plebs eo contenta fuit, quod sui ratio in comitijs habita fuisset. Ita Liuius, & Dionysius: Adijcit Liuius. Fuisse qui propter adiunctum Aequorum, Volscorumque bello, & Ardeatium defectioni, Veiens bellum, quia consules obire tot simul bella nequirent, tribunos militum tres creatos dicerent, sine mentione promulgatae legis de consulibus ex plebe creandis, & imperio & insignibus consularibus esse usos. Vt ut illud fuerit satis inter omnes conuenit, Anno CCCX. quam urbs condita erat, primum tribunos militum pro consulibus magistratum inisse. Hi postea saepe creati praesentaneum remedium multis annis fuerunt tribunitijs seditionibus mitigandis, quae de consule e plebe creando saepe deinde exortae sunt, verum multo tempore post quum plebs pos-

f

stremo

stremo obtinisset ut consul alter e plebe, alter e patribus fieret, creari desierunt. Sed haec omnia latius suo loco enarrabo. Anno autem sequenti, urbis uero conditae CCCXI. Censurae initium fuit, rei a parua origine ortae, quae deinde tanto incremento aucta est, ut morum disciplinaeq; Romanae penes eam regimen, senatus equitumque centuriae, decoris dedecorisque discrimen, sub ditione eius magistratus publicorum ius, priuatorumque locorum, & uectigalia populi Romani sub nutu atque arbitrio essent. De censura plura dixi in commentarijs Fastorum. Post haec temporares quietae domi multis annis fuere, donec anno urbis CCCXXXIII. N. Fabio Vibulano T. Quinctio Capitolino cos. discordiae inter patres plebemque de duplicando quaestorum numero, iisque tam de plebe quam de patribus creandis, exortae sunt. Nam quum ut praeter duos urbanos quaestores, duo consulibus ad ministeria belli praesto essent a consulis relatum esset, patresque summa ope approbassent, consulis tribuni plebis certamen intulerunt, ut pars quaestorum (nam ad id tempus patricij creati erant) ex plebe fieret, aduersus quam actionem primo consules & patres summa ope annixi sunt, concedendo deinde, ut quemadmodum in tribunis militum consulari potestate creandis usi sunt, adaeque in quaestoribus liberum esset arbitrium populi, quum parum proficerent totam rem de augendo quaestorum numero omittunt, excipiunt omissam tribuni, & postremo res eo deuenit, ut nihil prohiberet quo minus quatuor quaestores promiscue de plebe, ac patribus, libero suffragio populi fierent. Qui tamen non nisi decimo anno post primum e plebe creari coepti sunt. CN. enim Cornelio Cossio, & L. Furio Medullino TI cos. cum N. Fabio Ambusto Patricio tres e plebe primum quaestores facti sunt Q. Silius, P. Aelius, P. Papius. Atque hac ratione patefactus ad consulatum, & triumphos

triumphos locus nouis hominibus uisus est. Nam nunquam quieuerunt, donec aliquot annis post, non sine magnis reip. perturbationibus, etiam consulatum hac ratione adepti sunt. C. Licinius & L. Sextius tribuni plebis anno urbis CCC. LXXVII. creati, quum tres leges auctore M. Fabio Ambustio patricio, & primario homine, aduersus patriciorum opes pro commodis plebis promulgassent, unam de aere alieno minuendo; alteram de modo agrorum, ne quis plus quam quingenta iugera agri haberet; tertiam ne tribunorum militum amplius comitia fierent, sed consulum, utique alter ex plebe crearetur; neque eas ferre per collegarum intercessionem, quos de industria patres comparauerant, potuissent; tum irati comitia praeter aedilium tribunorumque plebis, nullos curules magistratus creari passi sunt, eaque magistratum solitudo, & plebe reficiente duos tribunos, & his perpetua intercessione comitia tribunorum militum tollentibus, per quinquennium urbem tenuit. ita Luuius. Atque ita quintum mutata est reipub. Romanae species, quum a tribunis militum consulari potestate, ad tribunos plebis administratio reip. reciderit. Quinquennio exacto, tribunisque plebis iisdem intercessionem remittentibus, per tres annos tribuni militum creati sunt. Principio anni noni ad ultimam dimicationem de legibus a Licinio, & Sextio promulgatis uentum est. Et quum tribus uocarentur, nec intercessio collegarum latoribus obstaret, trepidi patres ad duo ultima auxilia summum imperium, summumque uirum decurrerunt. Dictatorque dictus est M. Purius Camillus, qui L. Aemilium magistrum equitum sibi cooptauit. Quum uero plebis duces acrius contra Camillum de legibus ferendis agerent, percitus ita Camillus lictores, qui de medio plebem amouerent misit, & addidit minas sacramento omnes adacturum, exercitumque extemplo ex urbe deducturum. Re autem

neutro inclinata, se abdicavit, seu quia vitio creatus erat, ut tradidere quidam, seu quia tribuni plebis tulerunt ad plebem, plebsque sciuit, ut si M. Furius pro dictatore, quid egisset quingentum millium aeris ei multa esset. Camillus uero quum exilium, secundamque damnationem, senex timeret, plebemque se superaturum diffideret, domum se contulit, ac stimula uoletudine, dictatura se abdicavit. Cui extemplo P. Manlius suffectus est. Qui rem in causam plebis inclinavit, C. Licinio, qui tribunus militum fuerat, magistro equitum de plebe dicto. Id aegre passos patres constat. Dictatorem propinqua cognatione Licinij se apud patres excusare solitum, simul negantis magistri equitum maius, quam tribuni consularis imperium esse. Anno sequenti iidem tribuni relecti pro aucto II. uirum s. f. numero, atque quinque ex his de plebe creatis, tribunorum militum consulari potestate comitia fieri permiserunt: postremo anno urbis CCCXXCVIII. Quum iidem tribuni decimum relecti acrius de legibus ferendis pugnarent, dictatorem tandem & senatum uicerunt, ac comitia consulum aduersa nobilitate, ut fierent obtinuerunt, quibus L. Sextius de plebe primus consul factus est. Quum autem patricij se auctores futuros negarent, ac prope ad secessionem plebis res spectaret, per dictatorem Camillum sedatae discordiae sunt. Concessum a nobilitate plebi, de consule plebeio; a plebe nobilitati de praetore uno, qui ius in urbe diceret de patribus creando. Iidem etiam aediles curules duos ex patribus, ut fierent obtinuerunt. Plebs L. Sextio consulatum cuius lege partus erat dedit, ei collega ex patribus datus est L. Aemilius

Quae ciuitatis conditio fuerit cōmunicato plebi
altero consulatu

Plebs igitur cōsulatū adepta, quae firmissima ad eā diē arx
potētiae patriciorū fuerat, paulo post nullo negotio imperiū,
dictaturam, censuram, proconsulatum, praeturam, sacra,
sacerdotia, quae tantum patriciorum fuerant postremo obti-
nuit. Ex quibus anno CCCXCIIIX. C. Marcius Rutilus
dictator, idem anno CDIII. censor, Q. Publilius Philo an-
no CCCCXVII. praetor, idem anno CDXXIIX. pro-
consul prini de plebe creati sunt. C. etiam Poetelius Libo Vi-
solus primus plebeius consul triumphauit anno CCCXCIII.
Demum anno CDLIII. quum plebis honoribus nihil prae-
ter sacerdotia, quae nondum promiscua erant, deesset, roga-
tionibus Ogulnijs, & sacerdotum numerus auctus est, & pon-
tifices, auguresque de plebe facti sunt. Aliquot postremo an-
nis post, etiam pōtifex maximus de plebe factus est primus Ti.
Coruncanius. Nihil igitur ad ius totius reip. adaequandum dee-
rat, nisi ut plebiscita, quibus tum sola plebs tenebatur omnes
Quirites astringerent. Tum denique hoc etiam secessione in Ia-
niculum facta lege Hortensia consequuta est. Ita aequisimis
legibus república temperata, atque plebe omnium rerum in
societate adscita, eodem fere tempore omnis Italia, Pyrrho
rege superato, atque fugato, in deditionem accepta est. Ex
quo tempore praeclara, atque ad omnis posteritatis memoriā
illustria abstinentiae, modestiae, iustitiae, fortitudinis, ciui-
lis denique concordiae usque ad tertium bellum Punicum exē-
pla edita sunt. Tum enim Curij, Fabricij, Coruncanij, Metela-
li, Fabij, Scipiones, Paulli, Lepidi, Flaminini, Nobiliores flo-
ruerunt. Quorum quum eximiam in bello animi magnitudi-
nem,

nem, constantiam, & prudentiam; tum incredibilem in pace iustitiam, grauitatem, probitatem, fidem, ac moderationem merito admirareris & coleres. Nulla certe aetas uirtutibus aedendis feracior fuit, quam centum annorum interuallū, a primo ad tertium bellum Punicum, quo tempore rei militaris gloria, in qua cum uirtute multum, tum disciplina plurimum ualuerunt, magnam orbis terrarum partem suo imperio adiunxerunt

De caussis excidij reip. Romanae

Post bellum Punicum tertium, remoto Carthaginis metu, sublataque imperij emula, non gradu, sed praecipiti cursu a uirtute descitum, ad uitia transcursum, uetus disciplina deserta, noua inducta, in somnum ad uigilias, ab armis ad uoluptates, a negotijs ad otium conuersa ciuitas. Tum uetere labante disciplina, quum totius ciuitatis mores inclinare, & ad leuitatem iam nimiam, atque ambitionem incumbere coepissent, praesertim uero luxuria per Astaticas delitias, in ciuitatem inuecta; atque exterarum gentium metu amoto, a quibus Poenis duobus asperrimis bellis deuictis, tertio etiam funditus deletis, Philippo, Perse, Antiocho regibus potentissimis superatis, Sicilia, Sardinia, Hispania, Illyrico, Macedonia, Graecia prouincijs in ditionem populi Romani redactis, iustam principatus orbis terrarum, atque imperij confessionem extorserant, qui usque eo uere optimus reip. status fuerat, is primum sensim, ac leuiter tentatus, deinde aperte translata iam ad iniustum populi dominatum rep. funditus labefactatus, atque euersus est. Neglectaque civili disciplina, populus Romanus relictam a maioribus libertatem, atque imperium amisit. Hunc uero pessimum reip. statum duo Gracchi, Drusus, Saturninus tribuni plebis furiosi, atque amentes specie qui

quidem plebis tuendae, re autem dominationem sibi quaerentes partim agrarijs, & iudiciarijs legibus ferendis, & lege Licinia, quae uetabat quemquam ciuem plus quingentis iugeribus habere, restituenda, quibus rebus optimatum potentiam frangerent, plebis confirmarent; quum aut eorum agros plebi inopi diuississent, aut antiquam iudiciorum auctoritatem, a senatoribus ad equites transtulissent; partim ciuitate socijs, & Italiae omni danda, eaque usque ad Alpes extendenda, ut suffragiorum plebeiorum multitudine, facilius nobilitatis opes in comitijs comminuerent; partim frumento largiendo, quo ad omnia quae in remp. molirentur plebem eo deuictam munere paratiorem haberent, summa imis miscentes intulerunt; ac praestantissimum illum optimae reip. consensum, tot annorum spatium, tot laboribus maiorum partum, breui tempore perturbarunt, ac penitus conuulserunt. Inerat omnibus species aequitatis. Quid enim tam iustum quam recipere plebem ius suum a patribus? ne populus gentium uictor, orbisque possessor extorris aris, ac focus ageret. Quid tam aequum, quam inopem populum uiuere ex aerario suo? Quid ad ius libertatis aequandae magis efficax, quam ut senatu regente prouincias, ordinis equestris auctoritas saltem iudiciorum regno niteretur. Sed haec ipsa in perniciem redibant, & misera resp. in exitium suum marcescerat, & a senatu in equites translata iudiciorum potestas, uectigalia, id est imperij patrimonium superprimebat, & emptio frumenti ipsos reip. neruos exhauriebat aerarium. Reduci plebs in agros unde poterat, sine possidendi euerstone, qui sibi pars populi erant, & tamen relictas sibi a maioribus sedes aetate, quasi iure haereditario possidebant. Ab Gracchorum igitur tempore maiores in republica plebis, quam optimatum opes exitere, quippe quae omnium iam, honorum, quos soli ante patricij obtinuerant particeps facta

praeterea tribunatum, ac tributa comitia quibus omnino patricijs interdictum erat adepta, ad haec agris, iudicijs, frumento, sociorum suffragijs aucta, atque locupletata, uniuersam remp. ut in potestate haberet, sic ex libidine administraret, nobilissimi optimatum oppressi, ueteres ciues agris spoliati, ciuitatis honor parce ante dari solitus integris prouincijs concessus. Hunc iniustum iniquumque plebis dominatum, quæ is terminos impotentiae suae non faceret, L. Sulla dictator postea substulit, qui imperio quod a senatu acceperat lege tribunicia Sulpicij a C. Mario spoliatus, extorta armis ex inimicorum manibus republica, tribunorum plebis potestate admodum imminuta (quum tribuno alios honores interdixerit, eumque concionari uetuerit) plebe agris pulsa, ac ad internicionem fere caesa, iudicijs senatui redditis, rursus optimatum remp. stabiluit, popularemque conuellit. At hic status non admodum diuturnus fuit. Nam paucis annis post Cn. Pompeius in primo consulatu, antiqua tribunis plebis potestate, ac dignitate restituta, plebe ad iudicia cum senatoribus & equitibus lege Aurelia aduocata, uetus aliud optimae reip. quaesuisse temperamentum uisus est, quod mutatis immo corruptis penitus totius ciuitatis moribus, atque auaritia iam & ambitione latissime grassante, assequi nulla ratione potuit. Ita perturbato saepe reip. statu, crebro a paucis de uniuersa occupanda rep. cogitatum est, tum enim Piso, tum Crassus, tum Catilina, cum alijs eiusdem furoris socijs, aduersus remp. conspirarunt. Tum Caesar, denuo Crassus, & ipse forte mutata mente Pompeius inita societate, extraordinarias opes, quae liberae ciuitati iure formidabiles essent, sibi quaesierunt. Quae breui dirempta ciuilibus repente discordia ac totius reip. perturbatio consequuta est, quum Caesaris potentiam senatus, Pompeij (nam Crassus paulo ante occiderat) populus ferre non posset

posset. Victo autem fatali reip. Pharsalico proelio Pompeio, atque optimatum factione afflictâ, rursus ad iniustum unius Caesaris dominatum respublica recidit, atque aliquot annis oppressa fuit. Quo, ab ijs qui libertati studebant interfecto, quum reuiuiscere prisca patrum grauitas, atque ad spem auctoritatis pristinae, quodammodo respirare uideretur, haud ita multo post in ipsomet recuperandae reip. apparatu, a populo, cui Antonius, ac post etiam Octavius, qui Caesaris partes ambo susceperant uindicandas, seruierunt, sublata funditus, atque oppressa est, quum inauditum ante triumuiratum in remp. intulissent, ac nefariam optimatum atque inimicorum suorum proscriptionem fecissent. Bruto porro & Cassio aduersae factionis ducibus caesis, oppresso in Sicilia Sex. Pompeio, Lepido potestate exuto, & M. Antonio occiso, quum nulla amplius essent publica arma, & Iulianarum patrium dux solus Octavius reliquus fuisset, cunctis discordijs civilibus fessis, tanquam bellorum civilium quae esse confecerat praemium, totius reip. ius, potestatem, atque imperium, quod ab initio regum, post magistratum, senatus, ac populi fuerat in perpetuum principis sub nomine transtulit. Qui posito triumuiro nomine, consulem se ferens, & ad tuendam plebem tribunicio iure contentum, ubi militem donis, populum annonâ, cunctos dulcedine otij pellexit, insurgere paulatim munia senatus, magistratum, legum in se trahere, nullo aduersante; quum ferocissimi per acies, aut proscriptione cecidissent, ceteris nobilior quanto quis seruitio promptior, opibus & honoribus extolleretur, ac nouis & rebus aucti, tuta & praesentia, quam uetera & periculosa malient. Neque prouinciae illum rerum statum abnuebant, suspecto senatus populiq. imperio ob certamina potentium, & auaritiam magistratum, in ualido legum auxilio, quae ui, ambitu, postremo pecunia turbabantur

babantur. Tribuniciam uero potestatem accepit quod summi fastigij uocabulum ne regis, aut dictatoris nomen assumeret, ac tamen appellatione aliqua cetera imperia praecerneret, inuenit. M. deinde Agrippam socium eius potestatis, quo defuncto Ti. Neronem delegit, ne successor in incerto foret, sic cohiberi prauas aliorum spes rebatur, simul modestiae Neronis, & suae magnitudini fidens. Ita Tacitus, Ceterum quomodo Caesar Augustus imperium singulare confirmauerit, & ordinauerit, & de titulis quibus legitima imperatorum potestas expressa est, satis disputaui in commentarijs libri II. Fastorum. Qua ratione uero Caesar Augustus imperij heredem reliquerit Ti. Caesarem, & Is C. Caligulam, sequentiumque imperatorum seriem, usque ad Constantinum; & quo modo is primus Romano imperio diuiso urbem Constantinopolim condiderit, accurate exaravi in libro quem de comitijs imperij scripsi. Nunc quantum ad hoc argumentum attinet breuiter differam. Augustus igitur ad unius arbitrium constituta rempublicam decedens Ti. Caesari reliquit, is nepoti C. Caligulae: a quo tempore usque ad Neronis mortem hic populi Romani status fuit: sub Augusto, quamquam omnia ad eius arbitrium fierent, in eis tamen studiorum populi, & senatus auctoritatis rationem semper habuit. Nihil enim unquam egit quod non alterutrius auctoritate fieri uellet quemadmodum supra, quum de comitijs differerem dixi. Tiberius populum plebemque omni reip. administratione exclusit, senatum maxime ueneratus est. Caius & Nero quamuis tyrannice imperium egerint, senatus tamen auctoritatem non neglexerunt. Claudius eam magnificet. Sub Galba bello ciuili inter Othonem & Vitellium, & hunc & Vespasianum senatus potestas ita corruit, ut eum annum reip. supremum uocet Cornelius Tacitus. Nam deinceps Romani principes diuturnitate potestatis insolentiores

lentiores facti, omnia ad arbitrium, senatus potestate neglecta, agere coeperunt. Verum in his quidam meliores & temperatiores, ut Traianus, Hadrianus, Pius, Marcus, & Alexander; quidam insolentiores magisque impotentes fuerunt, ut Domitianus, Commodus, Seuerus, Caracallus, & reliqui fere omnes qui imperium Romanum in regni formam uerterunt, usque ad Constantinum, qui, ut saepe alibi dixi, imperium adeptus tamquam patrimonium esset, illud diuisti, mutauit, omnia miscuit, antiquam superstitionem aboleuit, alteram imperij formam longe a priore constituit. Atque inter cetera urbem Constantinopolim condidit, cuius descriptionem quemadmodum de urbe Roma feci hoc loco subiungere, finemque cum ea huic libro facere commodum uisum est. Quae enim de urbe Roma, uel imperio Romano, post Constantini tempora dicenda sunt ea libro IIII. aperiam

Descriptio vrbis Constantinopolis

REGIO. PRIMA

Regio prima, continet in se domum Placidiae Augustae. Domum nobilissimae Marinae. Thermas Arcadianas. Vicos, siue Angiportus uiginti nouem. Domos centum decem & octo. Porticus perpetuas duas. Balneas priuatas quindecim. Pistrina publica quattuor. Pistrina priuata quindecim. Gradus IIII. Curatorē unum, qui totius regionis sollicitudinem gerat. Vernaculum unum, uelut seruum in omnibus & internuntium regionis. Collegiatis uiginti quinque, qui e diuersis corporibus ordinati, incendiorum solent casibus subuenire. Vicomagistros V quibus per noctem tuendae urbis cura mandata est

Regio secunda, ab initio theatri minoris per aequalitatē
 sus

sui latēter molli subleuata cliuo, mox ad mare praecipitijs abrupta descendit. Continet in se Ecclesiam magnam, Ecclesiam antiquam. Senatum. Tribunal purpureis gradibus extructum. Thermas Xeustippi. Theatrum. Amphitheatrum. Vicos, siue Angiportus triginta quattuor. Domos XCVIII. Porticus magnas quattuor. Balneas priuatas XIII. Pistrina priuata quattuor. Gradus IIII. Curatorem unum. Vernaculum unum. Collegiatos xxxv. Vicomagistros v

Regio tertia, plana quidem in superiore parte, utpote in ea Circi spatio largius explicato, sed ab eius extrema parte nimis prono cliuo, mare usque descendit. Continet in se eundem circum maximum. Domum Pulcheriae Augustae. Portum nouum. Porticum semicirculari, quae ex similitudine fabricae signa graeco uocabulo nuncupatur. Tribunal fori Constantini. Vicos septem. Domos XCIII. Porticus magnas V. Balneas priuatas undecim. Pistrina priuata nouem. Curatorem unum. Vernaculum I. Collegiatos xxi. Vicomagistros v

Regio quarta, a Miliario aureo collibus dextra leuaque surgentibus, ad planitiem usque ualle ducente perducitur. Continet in se idem Miliarium aureum Augusteum. Basilicā. Nymphaeum. Porticum Fanionis. Liburnam marmoream, naualis uictoriae monumentum. Ecclesiam, siue martyrium sancti Menae. Stādium. Scalam Timasii. Vicos xxxii. Domus cccclxxv. Porticus magnas IIII. Balneas priuatas septem. Pistrina priuata V. Gradus VII. Curatorem I. Vernaculū I. Collegiatos XL. Vicomagistros v

Regio quinta. Regionis quintae non modica pars, in obliquioribus posita locis, planicie excipiente producit, in qua necessaria ciuitatis aedificia continentur. Continet in se Thermas Honorianas. Cisternam Theodosianam. Prytaneum. Thermas Eudocianas. Strategium, in quo est Forum Theodosiacum,

stacū, & Obeliscus Thebeus quadrus. Horrea holaria. Nymphaeum. Horrea Troadensia. Horrea Valētiāna. Horrea Constantiāca. Portum habet prosforianum. Scalā Chalcēdonensē. Vicos uiginti tres. Domos centum octoginta quattuor. Porticus magnas septem. Balneas priuatas undecim. Pistrina publica septem. Pistrina priuata duo. Gradus nouem. Macellos duos. Curatorem unum. Vernaculum unum. Collegiatos XL Vicomagistros V

Regio sexta, breui peracta planicie, reliqua in deuexo constituta, a foro namque Constantini Scalā usque, siue tractum Sycāenum, porrigitur spatiis suis. Continet in se, Columnā purpureā Constantini. Senatum eiusdem loci. Neorū portum. Scalā. Sycāenam Vicos uiginti duos. Domos quadringentas octoginta quattuor. Porticū magnā unā. Balneas priuatas nouem. Pistrinū publicū unum. Pistrina priuata XVII. Gradus XVII. Curatorem unum. Vernaculum unum. Collegiatos XLIX. Vicomagistros V

Regio septima, in comparationem superioris planior, quamuis & ipsa circa lateris sui extremitatē habeatur in mare declinior. Haec a parte dextera Columnae Constantini, usque ad Forum Theodosii, continuis extensa porticibus, & de latere alijs quoque pari ratione porrectis, usque ad mare uelut se ipsam inclinat, & ita deducitur. Habet autem in se Ecclesias tres, hoc est, Irenen, Anastasiam, & S. Paulli. Columnā Theodosii, intrinsecus usque ad summitatem gradibus peruiam. Equites magnos duos. Partem eiusdem fori. Thermas Carostianas. Vicos octoginta quinque. Domos septingentas undecim. Porticus magnas sex. Balneas priuatas XII. Gradus sexdecim. Curatorem unum. Vernaculum unum. Collegiatos octoginta. Vicomagistros V

Regio octaua, ex parte Tauri, nulla maris uicinitate conterminata

mina, angustior magis quam lata, spatia sua in longitudinem producta compensat. Continet in se partem Fori Constantini. Porticum sinistram Taurum, usque Basilicam Theodosianam. Capitolium. Vicos XXI. Domus centum octo. Porticus maiores quinque. Balneas priuatas decem. Pistrina priuata quinque. Gradus V. Macellos duos. Curatorem I. Vernaculum unum. Collegiatos XVII. Vicomagistros V

Regio nona, prona omnis, & in Notum deflexa, extensio maris litoribus terminatur. Continet in se, Ecclesias duas. Coenopolim, & Omonoeam. Horrea Alexandrina. Domum nobilissimae Arcadiae. Thermas Anastasianas. Horreum Theodosianum. Vicos XVI. Domos CXVI. Porticus maiores duas, Balneas priuatas quindecim. Pistrina priuata quindecim. Pistrina publica quattuor. Gradus quattuor. Curatorem unum. Vernaculum unum. Collegiatos triginta octo. Vicomagistros quinque

Regio decima, in aliud ciuitatis latus à nona regione platea magna uelut fluuio interueniente diuiditur. Est uero tractu planior, nec usquam praeter maritima loca inaequalis, longitudini eius latitudine non cedente. Continet in se Ecclesiam siue Martyrium sancti Acacii. Thermas Constantinianas. Domum Augustae Placidiae. Domum Augustae Eudociae. Domum nobilissimae Arcadiae. Nymphaeum maius. Vicos uiginti. Domos sexcentas XXXVI. Porticus maiores sex. Balneas priuatas. Pistrina publica duo. Pistrina priuata sexdecim. Gradus XII. Curatorem unum. Vernaculum unum. Collegiatos nonaginta. Vicomagistros quinque

Regio undecima, spatio diffusa liberior, nulla parte mari sociata est. Verum eius extensio, tam plana, quam etiam collibus inaequalis. Continet in se Martyrium Apostolorum. Palatium Eaccillianum. Domum Augustae Pulcheriae. Bo-

uem aereum. Cisternam Arcadiacam. Cisternam Modestiacam. Vicos VIII. Domos quingentas tres. Porticus maiores quattuor. Balneas priuatas quattuordecim. Pistrinum publicum unum. Pistrina priuata tria. Gradus septem. Curatorem unum. Vernaculum unum. Collegiatos triginta septem. Vicomagistros V

Regio duodecima, Portam à ciuitate petentibus in longum plana omnis consistit, sed latere sinistro mollioribus cliuis deducta maris confinio terminatur, quam moenium sublimior decorat ornatus. Continet in se Portam auream. Porticus Troadenfes. Forum Theodosiacum. Columnam itidem intra se gradibus peruiam. Monetam. Portum Theodosiacum. Vicos undecim. Domos trecentas sexaginta tres. Porticus maiores tres. Balneas priuatas quinque. Pistrina priuata quinque. Gradus IX. Curatorem unum. Vernaculum unum. Collegiatos septem et decem. Vicomagistros V

Regio XIII. Tertiadecima regio, Sycaena est, quae sinu maris angusto diuisa, societatem urbis nauigijs frequentibus promeretur, tota lateri montis affixa, praeter unius plateae tractum, quam subiacentium eidem mōti litorum tantum praestat aequalitas. Continet in se Ecclesiam. Thermas Honorianas. Forum Honorianum. Theatrum. Naualia. Domos quadringentas xxxi. Porticum maiorem unam. Balneas priuatas quinque. Pistrinum publicum unum. Pistrina priuata IIII. Gradus octo. Curatorem unum. Vernaculū unum. Collegiatos xxxiiii. Vicomagistros quinque

Regio XIII. Regio sanè licet in urbis quartadecima numeretur parte, tamen quia spacio interiecto diuisum est muro proprio uallatum, alterius quodammodo speciem ciuitatis ostendit. Est uero progressus à porta modicum, situ planum, dextero autem latere in cliuum surgente usque ad medium fe-

re plateae spacium, nimis pronum: unde mare usque mediocris, haecque ciuitatis continet partem, explicatur aequalitas. Cōtinet in se Ecclesiam. Palatium. Nymphaeum. Thermas. Theatrum lusorium. Pontem sublicium siue ligneum. Vicos XI. Domos centum sexaginta septem. Porticus maiores duas. Balneas priuatas v. Pistrinum publicum unum. Pistrinum priuatum unum. Gradus v

Collectio Ciuitatis

COGNITA vrbe per partes, fas est etiam situm conclusae iam vniuersitatis aperire, vt magnificentiae vnicum decus nō solum videatur opere & manu confectum, sed etiā conspirantibus elementis, naturae felicitate munitū. Prouidentia ergo diuina tot futurorum hominum domiciliis consulente longo tractu, in promontorii qualitatem spatiosior terra faucibus Pontici maris opposita, sinuosis portuosa lateribus, angustior latitudine, circūflui maris tutela vallatur. Hoc quoque spacium quod solum apertum maris circulus derelinquit duplici muro acies turrium extensa custodit: intra quas septa ciuitas cōtinet in se omnia singillatim memorata, quae nunc ad firmitatis memoriae qualitatem summatim collecta referemus. Habet ergo vrbs Constantinopolitana, Palatia quinque, Ecclesias quattuordecim, Domos Augustarum vi. Domos nobilissimas xii. Thermas viii. Basilicas duas, Fora quattuor, Senatus ii. Horrea v. Theatra ii. Lusoria ii. Portus iiii. Circum i. Cisternas iiii. Nymphaea iiii. Vicos cccxxii. Domus iiii ∞ cccxxcviii. Porticus lxi. Balneas priuatas clii. Pistrina publica xx. Pistrina priuata cxx. Gradus cxvii. Macellos v. Curatores xiiii. Vernaculos xiiii. Collegiatos dli. Vicomagistros lxv. Columnam purpuream. Columnas intra se peruias duas. Colossum vnum. Tetrapylum aureum unum Augusteum. Capitolum. Monetā. Scalas maritimas iii. Habet sanè longitudo vrbs, à porta aurea vsq; ad littus maris directa linea, pedum xiiii ∞ lxxv. Latitudo autem, pedum vi ∞ cli

SECVNDI. LIBRI. FINIS

ONVPHRII . PANVINII

VERONENSIS. FRATRIS

EREMITAE. AVGVSTINIANI

IMPERIVM

ROMANVM



VENETIIS Ex Officina Erasiana
apud Vincentium Valgrisium
M D LVIII

THE [illegible] [illegible]

[illegible] [illegible]

[illegible] [illegible]

[illegible] [illegible]

[illegible] [illegible]

[illegible] [illegible]

[illegible] [illegible]

[illegible] [illegible]

[illegible] [illegible]

[illegible] [illegible]

[illegible] [illegible]

[illegible] [illegible]

IMP. CAESARI. FERDINANDO
AVSTRIO. PIO. FELICI

PERPETVO. AVGVSTO

ONVPHRIVS. PANVINIVS. VERONENSIS
FRATER. EREMITA
AVGVSTINIANVS. S.P.D



ANTA fuit Romani imperij Caesar Auguste maiestas, & magnitudo, rerumque gestarum populi Romani gloria, vt quamquam prope infiniti praeclaris ingenijs praediti viri, tam nostra & auorum, quã prisca illa aetate fuerint, qui vel omnes eius res gestas, vel earum partem monumentis litterarũ consignare studuerint; pleraque tamen leuiter perstrinxerint, aut omnino praeterierint. Vnde mirari omnes desinant, si hoc saeculo, quo post

t 2 anti

antiquorum memoriam nullū bonis artibus edendis feracius fuit, multi in omni doctrinarum genere excellentes, de ijs ipsis rebus sibi ad scribendum proponant. Quare & ego, quem cum his, vel propter rerum ignorationem, vel exiguum in dicendo facultatem, nulla ratione comparandum esse existimo, eorum ipsorum hominum exemplo, eiusque imperii praeclaris institutis accensus, mihi ipsi constitui commentarii more, breuissime totum eius reip. corpus perstringere; & quibus ego discendis quattuordecim annos insudaui, aliis nullo negotio intelligenda aperire. Atque quum primo libro, urbem, id est aedificia, secundo ciuitatem, tuis auspiciis iam euulgauerim, tertio hoc libro populi Romani imperium, hoc est eius extra urbem per Italiam, & reliquas prouincias gesta describere decreui. In quo quanta breuitate fieri posse intelligam, Romanum illud im-

imperium toto terrarum orbe celebra-
tum exponam; quo tempore, quibus du-
cibus, & bellis, quibusque bellorū cau-
sis Italia omnis primum, deinde reliquæ
orbis terrarum prouinciae, & regna in
eius ditionem venerint, & vnum quasi
corpus constituerint; quibus magistrati-
bus administrarentur, quot municipia,
quot Coloniae, quae praecipua eius im-
perii praesidia fuere, quae tam intra quā
extra Italiam deductae sunt; quo tempo-
re, & quibus occasionibus Italia omnis,
& reliquus orbis Romanus ciuitate do-
natus sit, atq; ex orbe vrbs vna facta fue-
rit, vt Rutilius his versibus elegantissi-
me scribit

Fecisti patriam diuersis gentibus vnam

Profuit iniustis te dominante capi

Dūq; offers victis proprii cōsortia iuris

Vrbem fecisti, quod prius orbis erat

Postremo quo etiam tempore, a quibus
barbaris, & quas ob causas praestantissi-

t 3 mus

mus ille orbis terrarū consensus, in vnū
 quasi corpus diu ante coalitus, iterum in
 plura membra, tanto imperio exciso re-
 dactus fuerit, aperiā. Quae omnia nō
 minus his, quae supra dixi cognitu di-
 gna sunt. Hunc vero librum ceterorum
 exemplo, in cuius potissimum nomine
 dignius publicare possem, quam Maie-
 stas tuae neminem inueni, quae Caesa-
 ris, & Augusti tanti imperii auctorū suc-
 cessor est, & probitate, doctrina, animi
 magnitudine, excellentique in omni ge-
 nere virtute reliquos omnes Romanos
 principes longe post se reliquit.

Venetiis Kal. Augustis ∞ DLVIII

ONVPHRII. PANVINII

VERONENSIS. FRATRIS

EREMITAE. AVGVSTINIANI

IMPERIVM. ROMANVM

Qua ratione imperium Romanum ab exilibus principijs ortum, omnium maximum euaserit



IONYSIVS Halicarnasseus grauis in primis, certissimusque historiae Romanae scriptor, inter reliqua praeclara Romuli instituta, quibus Romana respublica fundata, ei ad certissimum exterarum omnium gentium, ac populorum bello, pa-

ceque principatum peruenire non difficile fuit, omnium praestantissimum, & optimum esse existimauit: Quod nec bello captas urbes funditus exciderit, uel eis in seruitutem redactis, earum agrum pecori pascua reliquerit, sed deductis colonis eas colonias Romanas fecerit, atque quasdam etiam ciuitate donatas, reip. participes admiserit. Quibus institutis breui tempore magnam urbem ex parua reddidit. Nam qui quum urbem condidit, uix tria peditum millia trecentosque equites habuit, idem moriens peditum sex & quadraginta millia, & mille equites reliquisse traditur. Cuius exemplum ceteri reges primum, deinde eos. sequuti, Romanum imperium omnium maximum ac potentissimum effecerunt. Quod libro II. his uerbis ipse exponit: His accessit tertium Romuli institutum, quod maxime Graeci generis hominibus exerceri

deciuit, ut omnium longe praestantissimum, & ut mea fert opinio, libertatis Romanae fundamentum firmissimum, atque ad futurum imperium momentum non minimum; quo uidelicet puberes omnes in bello captis urbibus necari uetuit, aut sub hasta uenundari, sicut nec agros earum relinqui uoluit compascuos, sed in partem agri sorte diuidendi colonos Romanos mitti, nonnullas uero admitti in ius ciuitatis etiam. His ille atque eiusmodi alijs institutis, urbem ex parua magnam reddidit, id quod res ipsa indicat, qui enim una cum illo urbem habitare coeperunt, non multo plures erant ter mille peditibus, & pauciores trecentis equites, quando autem ex mortalium numero sublatus est, peditum reliquit XLVI. millia, & mille ferme equites. Atque haec ipsius instituta, quum regni successores seruauerunt, tum post illos magistratus annui, aduentus & alia quaedam, ita ut Romana ciuitas nulli genti, uel populosissimae numero hominum cederet. Quibus si Graecorum mores conferam, non possum laudare Thebanos, & Lacedaemonios, Athenienses uero opinione sapientiae celebres, qui ob retinendam nobilitatem generis, uel nullos, uel raros in ius ciuitatis admittebant, ut interim taceam morem pellendi hospites, nec ipsorum iactantiae conuenientem, & damnosum etiam in rebus plerisque. Spartani certe post acceptam ad Leuctra cladem, amissosque ∞ DCC. uiros, nunquam postea potuerunt ciuitatem suam in integrum restituere, sed turpiter amiserunt imperium. Itidem Thebani, atque Athenienses unico proelio uicti ad Chaeroneam a Macedonibus, multati sunt libertate simul, & principatu Graeciae. At Romani Hispanicis atque Italicis bellis impliciti, & Siciliam cum Sardinia sub suam ditionem retrahentes, nec immunes interim a bellis Graecorum, ac Macedonum, Carthagine rursus affectate imperium, Italia non solum deficiente ad hostem, sed accersente

accerfente bellum, quod Hannibalis ductu gestū est, uno eodēq;
tempore tot periculis expositi, adeo non succubuerunt aduer-
sis in eo bello casibus, ut vires illorum auctae sint etiam, mi-
litum numero sufficiente ad excipiendos impetus omnium, non
ut quidam opinantur fortunae indulgentia. Nam quod ad hāc
quidem attinet, uel una Cannensis clades ciuitatem eorum op-
primere poterat, quando e sex millibus equitum CCCLXX
tantum superfuerunt reliqui, & ex LXXX ∞ copijs pau-
lo pluresquam ter mille manserunt incolumes. Haec sunt quae
in hoc uiro admiror, atque insuper quae mox dicturus sum,
& cet. Eadem propemodum refert Ti. Claudius Caesar Ro-
manus princeps in oratione, quam quum censuram gereret, in
senatu habuit, de admittendis ad honores urbanos Gallis tran-
salpinis, quae a Tacito libro XI historiae Augustae refer-
tur. Qui ita scribit: A. Vitellio L. Vipsanio cos. quum de
supplendo senatu ageretur, primoresque Galliae quae
Comata appellatur, foedera & ciuitatem Romanam pri-
dem assequuti, ius adipiscendorum in vrbe honorum ex-
pecterent, multus ea super re uariiusque rumor, & studijs
diuersis apud principem certabatur, asseuerantium: Non
adeo aegram Italiam, ut senatum suppeditare urbi suae ne-
quiret: suffecisse olim indigenas consanguineis populis, nec
penitere ueteris reip. Quin adhuc memorari exempla, quae
priscis moribus ad uirtutem, & gloriam Romana indoles
prodiderit. Anparum quod veneti, & Insubres curiam in-
ruperint, nisi coetus alienigenarum uelut captiuitas infera-
tur: Quem ultra honorem residuis nobilium, aut si quis pau-
per e Latio senator foret: oppleturos omnia diuites illos, quo-
rum aui proauique hostilium nationum duces exercitus no-
stros ferro ignique ceciderint, diuum Iulium apud Alexiam
obsederint. Recentia haec, quid si memoria eorum inorire-
tur,

tur, qui Capitolio & ara Romana, manibus eorundem prostratis; fruerentur sane uocabulo ciuitatis, insignia patrum, decora magistratum ne uulgarent. His atque talibus haud permotus princeps, etiam statim contra differuit, & uocato senatu ita exorsus est: Maiores mei quorum antiquissimus Clausus origine Sabina simul in ciuitatem Romanam, & in familias patriciorum adscitus est, hortantur uti paribus consilijs remp. capeßsam, transferendo huc quod usquam egregium fuerit. Neque enim ignoro Iulios Alba, Coruncanios Camerio, Porcios Tusculo; & ne uetera scrutemur Etruria Lucaniaque, & omni Italia in senatum accitos, postremo ipsam ad alpes promotam, ut non modo singuli uiritem, sed terrae gentesque in nomen nostrum coalescerent. Tunc solida domi quies, & aduersus externa floruiamus, quum Transpadani in ciuitatem recepti, quum specie deductarum per orbem terrae legionum, additis prouincialium ualidissimis, fesso imperio subuentum est. Num penitet Balbos ex Hispania, nec minus insignes uiros ex Gallia Narbonensi transsisse. Manent posteri eorum nec amore in hanc patriam nobis concedunt, quid aliud exitio Lacedemonijs, & Atheniensibus fuit, quam quam armis pollerent, nisi quod uictos pro alienigenis arcebant? At conditor nostri Romulus tantum sapientia ualuit, ut plerosque populos eodem die hostes, dein ciues habuerit. Aduenae in nos regnauerunt, libertinorum filijs magistratus mandati, non ut plerique falluntur, recens, sed priori populo factitatum est. At cum Senonibus pugnauiamus. Scilicet Volsci & Aequi nunquam aduersam nobis aciem instruxere. Capti a Gallis sumus, sed & Tuscis obsides dedimus, & Samnitium iugum subiuiimus. Attamen si cuncta bella recenseas, nullum breuiore spatio, quam aduersus Gallos confectum. Continua inde ac fida pax. Iam moribus, artibus, affinitatibus

bus nostris mixti, aurum & opes suas inferunt potius, quam separati habeant. Omnia P. C. quae nunc uetustissima creduntur noua fuere: plebei magistratus post patricos, Latini post plebeios, ceterarum Italiae gentium post Latinos. Inuetera scet hoc quoque, & quod hodie exemplis tuemur inter exempla erit. Orationem principis sequuto patrum consulto, primi Edui senatorum in urbe ius adepti sunt, datum id foederi antiquo, & quia soli Gallorum fraternitatis nomen cum populo Romano usurpant. Iisdem diebus in numerum patriciorum adsciuit Caesar, uetustissimum quemque e senatu, aut quibus elari parentes fuerant, paucis iam reliquis familiarū, quas Romulus maiorum, & L. Brutus minorum gentium appellauerant, exhaustis etiam quas dictator Caesar lege Cassia, & princeps Augustus lege Saenia sublegere. & cet. Ex his igitur Dionysij & Taciti testimonijs reip. Romanae consuetudo, & qualia eius instituta fuerint intelligere possumus, quibus nixa totius orbis terrarum imperio potita est. Quod quemadmodum acciderit singillatim demonstraturus, ante omnia qua ratione Italiam omnem quingentorum annorum interuallo nimium admodum reluctantem imperata facere coegerit aperiam, deinde quot colonias, municipia, & praefecturas, & quo tempore in ea fecerit, quae singulorum iura, & leges fuerint, ad hac quomodo ceteras prouincias bello acquisserit, atque quot in eas colonias deduxerit, legionesque constituerit; postremo quo tempore, & a quibus barbaris tantum imperium excisum fuerit ostendam, ita enim tertium hunc librum recte constitui posse iudicaui.

Quod Romanum imperium sub VII. regibus fuerit
Romulus rex

Cuius rei initium a Romulo rege primo, & tanti imperij auctore sumendum est. Is enim vrbe condita, parum agri Al-
band

bani in Latio ab auo Numitore rege, qui primo populo Romano sufficeret, impetrauit, Trāstiberim enim in Tuscia secundū Tiberim a monte Vaticano usque ad mare omnia sub Tuscorū Veientiū ditione erāt. Romuli ager in Latio, ut Strabo lib. v. docet, uix sex millibus passuum ab vrbe, qua longissime ab erat, se extendebat. Nam ab occidente Tiberi terminabatur; a septemtrione Aniene amne, vrbibusque Fidenis, Crustumeria, Antemnis, & Caenina; ab oriente Pedano, Tiburtino, Gabino, & Praenestino agris; a meridie mare uersus Tellenis, Politorio, Ficanaque, earumque agris finem habebat. Cuius rei ita Strabo meminit: Intra quintum igitur & sextum lapidem, sic enim milliaria designabantur, locus erat Festi appellatus, ubi Romani tunc terminus monstrabatur agri. Sacerdotes & hic, & alijs in locis perinde ac in finibus eadem die sacrificium absoluunt, quod Ambaruale uocant. Ficanā in Latio uia Ostensi ad lapidem XI. olim fuisse sic tradit Sex. Pompeius: Rudia saxa esse ad portum, qui sit secundum Tiberim ait Fabius Pictor, quem locum putat Labeo dici, ubi fuerit Ficana, uia Ostensi ad lapidem undecimum. Romulum uero agrum vaticanum usque ad mare de veientibus cepisse paulo post ex Dionysio ostendam. Is igitur primus fuit Romuli ager. Quem bello primo Sabino, Caenina, Antemnis, & Crustumeria, & post bello Latino Cameria, & Fidenis captis atque colonias Romanas deductis, agrique parte multatis, quam suis diuisit, in Latio auxit, ut Dionysius tradit. Ceterum quum Veientes, nobilissimi hi erant & potentissimi Etruriae populi, tertium bellum contra Romanos pro Fidenatium clade uindicanda praepararēt, legatis missis, postulabant, ut Romani Fidenis praesidium abducerent, & agrum ademptum restituerent antiquis dominis, quo non impetrato ualidum in agrū Romanum educunt exercitum. Qui a Romulo uicti & fugati &

ti & magna clade affecti, pacem a Romulo petierunt. Qui illam eis his conditionibus concessit. Vt agrum Tiberi contiguum, qui uocatur Septem pagi Romanis traderent, utque salinis abstinerent, quae sunt circa fluminis ostia. Et ad tollendam renouandi belli suspicionem, quinquaginta obsides adducerent, quas cum accepissent, in columnam inscripsit condiciones isti cum eis foederis. & cet. Ex Dionysij itaque auctoritate Romulum cognouimus ueterem agrum Romanum Transiberim, Anienem prope, & in Latio Cameriam uersus propagasse. Illud scitu dignum, fere semper ubi triumphos actos reperimus, ab eo quoque duce imperium auctum. Nam Romulum ter triumphasse constat, de Sabinis, Fidenatibus, & Veientibus. Quos omnes populos agri parte spoliatos didicimus.

Tullus Hostilius rex

Sic Tullus Hostilius Alba euersa, Albanisque in ciuitatem adscitis Albanum agrum Romano adiecit. Fidenates & Sabinos iterum rebellantes domuit, atque de ijs triumphauit. Idem rex bellum cum omnibus Latinis suscepit, qui xxx. urbium conuentu regebantur, in cuius apparatu moriens Ancum regni, & belli Latini heredem reliquit.

Ancus Marcius rex

Hic Politorium, Tellenas, Ficanam priscorum Latinorum vrbes cepit, & diruit, homines Romam transduxit, eorum agros Romano adiecit; Medulliam, quae a Romulo capta Romana colonia facta fuerat, atque ad Latinos defecerat, de nouo cepit. Fidenates, & Sabinos qui rebellauerant bis uicit, de ijsque triumphauit. Nec vrbs tantum sub Marcio rege creuit, sed etiam ager finesque, silua Maesia Veientibus, qui bellum mouerant uictis, adempta, tam in Tuscia, quam in Latio, Fi-

cana

cana diruta, imperium prolatum, & in ore Tiberis Ostia urbs condita, & salinae circa factae. Bellum Volsceis Veliternis primo indctum

L. Tarquinius Priscus rex

L. Tarquinius Priscus bellum primum cum Latinis gessit, & oppidum ibi Appiolas ui cepit, diruit, & incendit, eius agrum Romano adiunxit. Crustumariam, Medulliam, Fidenas & Cameriam Romanas colonias a Romulo factas, quae rebellauerant; Nomentum, Collatiam, Ficulneam ueterem, Corniculum, Scaptiam, a qua tribus nomen accepit, Pitulum, Tifata, Ameriolam Latinorum, & Sabinorum vrbes uicit, agrum Collatinum Sabinis ademitt, uniuersum postremo Latium ingentibus proelijs superatum, domuit. urbibusque omnibus nominis Latini in deditionem acceptis, foedereque cum ijs facto, eas suis legibus uiuere permisit. Sabinos, & Etruscos qui Latinis auxilio uenerant proelijs aliquot uictos fugauit, deque ijs duos triumphos egit. Cum plerisque Tuscis ciuitatibus foedus fecit

Ser. Tullius rex

Ser. Tullius regnum adeptus bellum uiginti annorum cum Etruscis, qui Veientibus, Tarquiniensibus, & Caerretanis auxilioribus, arma Romanis intulerant, gessit, ter de ijs triumphauit. Nouissime cum XII. Etruriae populis pace facta belli auctores ueientes, Tarquinienses, & Caerretanos agri parte multauit, ijsque qui Romam ad habitandum uenerant distribuit. Hic uniuersum agrum Romanum qui a Romulo usque ad sua tempora a ceteris regibus, Sabinis, Latinis, & Tuscis ademptus fuerat, in XVII. partes quas tribus appellauit diuisit, is ager Romanus postea appellatus est, de quo satis supra disputauimus

L. Tar

L. Tarquinius Superbus rex

L. Tarquinius Superbus post Tullium rex Sabinos uicit, de
ijs triumphauit. Cum Latinis foedus renouauit. Iustum bel-
lum primus Volschs intulit. Sueffamque Pometiam de ijs ui-
cepit, ac diruit, Gabios dolo Sexti filij in deditionem accepit.
In agro volscorum quos deuicerat colonias deduxit Signiam
& Circeios. Ardeam obsedit, in cuius obsidione, regno Bruti
opera, cum filijs exactus est. Sub regibus igitur VII annorum
CCXLIII. interuallo, ita Romanum propagatum impe-
rium est, quod primorum consulum anno non amplius quam
ad XVIII. ab vrbe lapidem, ut auctor est Sex. Rufus, quum
finitimae circum ciuitates praemerent, se extendit. Cuius ter-
mini ab oriente quidem Tibur Praeneste, agerque Albanus
erat; a meridie Ostia & mare; ab occidente ager vaticanus
Trāstiberim qui olim Veientū fuerat Septempagi appellatus;
a septemtrione uero Fidenae, Crustumeria, & Anio amnis.
Nam reliquae Latij, Tusciae, & Sabinorum vrbes quas a Ro-
manis regibus uictas animaduertimus, uel intra huius agri ter-
minos fuerunt, uel liberae suis legibus amicitia tantum, &
foederibus populo Romano coniunctae uiuebant, praeter Si-
gniam Circeiosque Romanas colonias, quae longissime ab vr-
be aberant. Atque hoc erat Romanorum quando reges pulsi
sunt imperium. Nunc reliquum est ut disseram quo tempore
post reges exactos libertateque parta, & quibus bellis, duci-
busque vrbes primo, deinde integrae prouinciae, & populi,
& postremo Italia omnis in populi Romani dictionem rea-
dacta sint

Qua ratione Italia omnis in populi Ro-
mani potestatem uenerit

Post reges exactos sub consulibus, inter quos nonnumquā
& dictatores fuerunt per trecentos. propemodum annos po-
pulus

populus Romanus cum finitimis Sabinis primum, Latinis, volsceis, Herniceis, Tuscis deinde, Campanis, Gallis, Samnitibus, umbris, Tarentineis, Lucaneis, Bruttijs, Sallentineis, Messapieis, Picentibus, & reliquis Italiae populis bella continua gessit. Quibus uictis centum posterioribus annis cum Siculis, Poenis, Sardis, Corsis, Gallis cispadanis, & transpadanis, Boijs scilicet & Coenomaneis, Insubribus, Liguribus quoque, Istris, & Iapudibus, & Salassis, gentibusque alpinis bellatum est. Qui omnes populi postea Italiae sub nomine redacti sunt. Quum Italia primo omnibus Arno & Rubicone terminaretur. Post reliquo terrarum orbi arma illata, ut singillatim exponam. Quorum bellorum tempora, & causas nunc breuissime apperiam

Aurunci, & Fidenates domiti

Primi post reges exactos Aurunci bello domiti in dictionem populi Romani uenerunt anno urbis CCLII. a Sp. Cassio & Opitre Virginio cos. Liuius libro II. auctore, Pometia eorum urbe capta, & funditus excisa, debellati. Hi autem uetustissimi Latij populi erant, ut Plinius lib. III. cap. V. tradit

Fidenates Romanam coloniam a Romulo deductam saepe uictos, postremo Mam. Aemilius Mamercinus dictator III. anno urbis CCCXXVIII. deleuit. De qua re ita scribit Liuius: Vni Fidenatium populo rebellare placuit, & tanquam nisi ab scelere bellum ordiri nefas esset, sicut legatorum antea, ita tunc nouorum colonorum caede imbutis armis, ueientibus sese coniungunt. Quum ergo Fidenates iterum rebellassent, seque ueientibus qui in armis erant coniunxissent, Fidenae sedes belli capta est, in eos dictator exercitu abducto, castra urbemque eorum cepit, atque diripuit, quumque exercitum uictorem opulentumque praeda triumphas Romam reduxisset, die XVI. se abdicauit

Veientes victi

Post diuturnum, uarium, & multiplex inter Romanos Veientesque bellum, Mam. Aemilius Mamercinus dictator III. anno CCCXXVIII. Veientium opes ita afflixerat, ut postero anno inducias in XX. annos petierint. Anno autem CCCXLVII. Quum (ut inquit Liuius) induciarum tempus exisset, Veientes a senatu impetrarunt, quia ipsi discordia intestina laborarent, ne res ab se repeterentur. In sequenti ergo anno bellum veiēs motum ob superbum responsum Veientis senatus, legatis Romanis res repetentibus datum. Id patres aegre passi, decreuere ut primo quoque tempore tribuni militum de bello Veientibus indicendo ad populum ferrent. Actum primum stipendio de publico militibus decreto, latum est. Ita insequenti anno qui fuit vrbs conditae CCCXLIX circum seßi primum vei sunt, atque inde per nouem annos uario euentu a tribunis militum res cum Veientibus gesta est, donec anno CCCLVIII. M. Furius Camillus dictator dictus, mag. equitum P. Scipionem cooptauit. Is Faliscis primum, ac Capenatibus fuis, & castris exutis, ad veios profectus, cuniculo in arcem hostium acto, urbem ipsam decimo eius belli anno cepit, ac maxima praeda potitus, Iunonis etiam stagnum, Romam delatum in Auentino extructo ibi templo, locauit; quum clarissimum de Veientibus in urbem triumphum equis albis uecto curru, inuexisset. Atque ita vrbs vei quae CCCL. annis Romanis negocium fecerat, capta est. Liuius Plutarchus, Diodorus, Valerius, & alij plerique auctores

Latini, & Campani in deditiōem accepti

Quum Praenestini Latini populi bellum Romanis intulissent, T. Quinctius Cincinnatus dictator, & A. Sempronius Atratinus magister equitum aduersus eos creati, ipsis ad Aliā fuis fugatisque, & Praeneste capta, triumphum de ijs dicta

tor nobilissimum egit. Oppidum foederatum fuit, & ei suis legibus uiuere concessum anno vr̄bis CCCLXXIIII

Galli Senones qui urbem incenderant, postquam a Camillo caesi sunt, reparatis uiribus multa cum Romanis uario euentu bella gessere. Ceterū quum Tiburtes Gallis se conuinxissent aliquoties uicti, & triumphati sunt. Postremo anno vr̄bis CD cum Tiburtibus a M Fabio Ambusto III. cos. ad deditio nem pugnatum, Sassula ex his vr̄bs capta, & gens uniuersa positis armis in fidem consulis uenit, qui etiam de his, auctore L. uio, triumphauit. Tiburtes ut Praenestini suis legibus uiuere permisi, foedusq; cum his ictum. Porro autē quum XV anno post, adiūctis Pedanis a Romanis rebellassent, L. Furius Camillus cos. ad Pedum cum iisdem maxime ualido exercitu, maiore mole, quamquam aequē prospero euentu pugnauit. Praesidijs inde dispositis per recepta oppida, Romam ad destinatum omnium consensu triumphum decessit. Ita L. uius

Anno vr̄bis CDXI. M. Valerio Coruo III. & A. Cornelio Cosso cos. Quum Campani bello a Samnitibus urgerentur, auxilio aduersus eos a senatu petito, quum id non impetrarent, urbem atq; agros populo Romano dediderunt, ob quam causam ea quae populi Romani facta essent defendi bello aduersus Samnites placuit. Campani post rebellionem Latinorum de qua mox dicam, diu in fide populi Romani permanserunt. Bello uero Punico secundo post acceptam cladem Cannensem, quum ad Hannibalem defecissent, quinquennio post a Q. Fulvio proconsule Capua recepta est, atque in Campanos acriter saecutum. Seruicia deinde Romanorum fuere Campani

Anno vr̄bis CDXIII. T. Manlio Torquato & P. Decio Mure cos. omne Latinū nomē hac ratione domitū est. Latini post L. Tarquinij Superbi regnum, a quo ingentibus pro-

lijs afflicti pacis conditiones, & foedera Romana petere coacti fuerant, in fide Romana usque ad annum vr̄bis CCLXIII permanserunt. (Praesertim quum a Tarquinio Superbo arctioribus amicitiae uinculis, sanctioribusque foederibus populo Romano coniuncti fuissent.) Quo anno Octauio Mamilius Tusculano Tarquinij Superbi regno Romano exacti genere duce, arma Romanis intulerunt. Quibus ab A. Postumio Albo dictatore ad lacum Regillum uictis, foedus & societas antiqua a Romanis reddita est. Qui in amicitia, & fide populi Romani annos amplius CL. permanserunt. Verum quum Campanis, Sidicineis, & Aurunceis adiunctis bellum Samnitibus foederatis populi Romani mouissent, atque a senatu Romam euocati, arma ponere iuberentur, feroci responso, quo alterum consulem e Latio fieri petierunt, bellum Romanum in se conuertere. Quos proelio ad ueserim fluiuium commisso uictos T. Manlius consul in deditione accepit, atq; de Latinis, Cāpaneis, Sidicineis, Aurunceisq; triūphauit. Nam eius collega P. Decius eo proelio se pro legionibus Romanis deuouerat. Post hoc bellum Latium omne biennij interuallo a Q. Publilio Philone dictatore, L. Furio Camillo, & C. Maenio cos. domitum, deinceps perpetua atque egregia in Romanos fide semper fuit. In quo aliquot coloniae deductae, aliquot municipia etiam partim cum suffragij iure, partim sine suffragio facta sunt, ut infra aperiam. Paulo post bellum Latium, & Campanum confectum, Ausones qui adhuc in armis erant Calibus eorum vrbe a M. Valerio Coruo capta domiti, in populi Romani ditionem uenerunt. Liuius

Volsci, Opici, Hernici, & Aequi subacti

Volsci, qui bellum cum Romanis sub L. Tarquinio Superbo inchoatum per ducentos prope annos incredibili pertinacia, et continuis motibus protraxerant, de quibus supra XII

u 2 triumpho

triumphi acti fuerunt, postremo anno vrbis CDXXV diu-
turno bello fessi, Priuerno capto, a consulibus L. Aemilio Ma-
mercino II. & C. Plautio Deciano domiti, & subacti in di-
tionem populi Romani uenerunt. Liuius

Q. Publilius Philo primus proconsul anno vrbis CD-
XXVIII. Palaepoli capta, Opicos subegit. Hi populi loca
ubi Cumae, Baiae, Putcoli, & Neapolis sunt coluerunt. Liuius

Hernicos cum quibus populus Romanus T. Sicinio, & C.
Aquillio cos. bellare coepit, uariaque cum ijs fortuna
pugnauit, tandem anno vrbis CDXLVIII. Q. Marcus
Tremulus cos. Anagnia capta, de bellauit. Liuius

Aequi quoque qui adiunctis Volscis multa bella cum popu-
lo Romano postreges exactos gesserunt, anno vrbis CDLII
a C. Iunio Bubulco Bruto dictatore non solum uicti & subacti
sunt, sed eorum etiam nomen ad internicionem usque prope
deletum est. Liuius

Sabini uicti

Imperio populi Romani Campaniam uersus prorogato, Sa-
lini, & Tusci finitimi in deditionem redelegendi supererant.
Quum huic rei fors occasionem praebeuit. Nam P. Cornelio
Rufino, & M. Curio Dentato cos. anno vrbis CDLXIII
Populus Romanus post Latinos, gentem Sabinorum aggressus
est; qui immemores factae sub T. Tatius affinitatis, populum
Romanum sub regibus, deinde eis exactis saepe lacefferant,
triumphatique potius quam uicti fuerant, & postremo quor-
dam contagio belli se Latinis adiunxerant. Eos M. Curius
Dentatus cos. intra eum tractum qua Nar ambit, fontesq; Velini
Hadriatico tenus mari igne ferroque uastauit. Qua uictoria
tantum hominum, tantum agrorum redactum in potesta-
tem, ut in utro plus esset ne ipse posset existimare qui uicerat.
Et Orosius: Cum Sabinis Curio Cons. bellum gestum est, ubi
quot

quot millia hominum interfecta, quot capta sint, ipse consul ostendit, qui quum in senatu magnitudinem acquisiti agri Sabini, & multitudinem capti populi referre uellet, numerum explicare non potuit. Et Frontinus libro I. M. Curius aduersus Sabinos, qui ingenti exercitu conscripto relictis finibus suis nostros occupauerant, occultis itineribus manum misit, quae desolatos agros eorum, uicosque per diuersa incendit. Sabini ad arcendam domesticam uastitatem recesserunt, Cuario contigit, & uacuo infestare hostium fines, & exercitum sine proelio auertere, sparsumque caedere. Ex quibus uerbis intellegimus Sabinos hoc anno omnino debellatos fuisse. Quod innuere uidetur Paterculus, qui hoc anno Sabinis ciuitatem datam sine suffragio scribit. Quare hoc anno in magistratu M. Curium ter triumphasse omnes auctores sunt, de Samnitibus, Sabinis, et de Lucanis: ijs aliquot annis post ciuitatem cum suffragio datam scribit Velleius

Galli Senones, & Picenum in dedicationem accepti

Multas Gallorum manus ut Insubres, Caenomanos, Boios, Gessatas, & nouissime Senonas, dulcedine frugum, maximeq; uini noua tum uoluptate captos, alpes transisse, agrosq; ab Etruscis ante cultos possidisse, & eam Italiae partem tenuisse, quae postea Gallia Cisalpina appellata est, accurate a Liuiio libro primo refertur. Ex quibus Insubres & Caenomanii Transpadum; Boii, Gessatae, & Senones Cispadum loca obtinuerunt. In his Senones aduenarum recentissimi eam partem Italiae Tuscis & umbris antiquis incolis eripuerunt, quae inter annes Rubiconem, & Aesim sita est, quorum praecipua ciuitas Sena fuit. Hi & urbem Romam captam incenderunt, & multa post id tempus adiunctis Tuscis, umbris, Latinis, & Samnitibus bella uario Marte, & periculosa gesserunt. De

his uictis post Camillum dictatorem T. Quinctius, C. Sulpicius, C. Poetelius, M. Popillius, Q. Fabius consules, & plerique alij Romanorum duces triumpharunt. Postremo anno urbis CDLXXI. omnes eorum reliquias in Etruria ad lacum Vadimonis P. Cornelius Dolabella deleuit (quem ob eam potissimum causam Maximi cognomen inuenisse opinor) ne quis extaret in ea gente, qui incensam a se Romam urbem gloriaretur. Ita ut hodie nulla Senonum uestigia supersint. Haec Florus. Senonibus caesis eorum provincia in ditionem Romanam uenit, quae mari, Tuscia & Umbria, amnibusque Rubicone & Aesini includebatur. Quo tempore etiam Italia quae Aesini fluium non excedebat ad Rubiconem usque extensa est, Senonumque regio ut inquit Strabo, Vmbriae attributa

Tusci debellati

Post Senones Tusci, cum quibus iam inde a Romuli tempore populus Romanus bellum gerere ceperat, perpetuoque temporum tractu gesserat, anno urbis CDLXXIIII. Vulturniensibus & Vulcentibus Etruscorum florentissimis populis uictis, per Ti. Coruncanium consulem Romano imperio adiecti sunt, atque ea parte imperium ad Arnum usque propagatum. Neque enim post id tempus cum Tuscis iustum bellum ullum gestum fuisse memoratur. Nam Vulturni a seruis oppressi. xv. anno post a M. Fulvio Flacco cos. in libertatem uendicati sunt. Iustum enim id bellum dici non potest, quod cum seruis, & non pro acquirendo, sed recuperando imperio gestum est

Samnites, Tarentini, Bruttii, &

Lucani subacti

Cum Samnitibus Campanorum causa populus Romanus primo bellum suscepit, quod triumphorum amplius xxx. annis

annis LXX. perdurauit. Sānitico bello uigēte, ijs contra Romanos Tarentini se coniunxerunt. Vnde bellū Tarentinū dictū. Quod unum quidem titulo & nomine, sed uictoria multiplex fuit. Hoc enim Lucanos, Apulos, Bruttios, Picentes, Sallentinos, & caput belli Tarentinos, idem totam Italiam, & cum istis omnibus Pyrrhū clarissimum Graeciae regem una ueluti ruina pariter inuoluit, ut uno tempore & Italiam consumaret, & transmarinos triumphos auspicaretur. Hoc bellum paucis uerbis refert Florus in epitoma libri XII. Quum a Tarētinis classis Romana direpta esset, II. viro qui praecrat classi occiso, legati ad eos a senatu, ut de ijs iniurijs quererentur missi, pulsati sunt; ob id bellum ijs indictum est. Samnites defecerunt. Aduersus eos & Lucanos, & Bruttios aliquot proelijs a C. Fabricio, Q. Marcio, Ti. Coruncanio, & L. Aemilio, C. Iunio, Q. Gurgite, M. Curio, L. Cornelio, & C. Canina bene pugnatum est. Pyrrhus Epirotarum rex, ut auxilium ferret Tarentinis in Italiam uenit. Curius Dentatus eos. Pyrrhum uicit, et Italia expulit. Postremo Tarentinis, Lucanis, Samnitibus, Bruttijsque a L. Papirio Cursore II. & Sp. Caruilio Maximo II. cos. uictis, pax data est. Quo anno bellum Samniticum et Tarentinum confectum est. Scribit enim Liuius libro XXI. III. Papirium & Caruiliū consules aduersus Samnites, Bruttiosque, & Lucanum cum Tarentino populum declaratos esse. De Tarento a Papirio Cursore capto mentionem facit Frontinus libro III. Papirium & Caruiliū consulem de ijs populis triumphasse fragmenta triumphalia Capitolina docent. Hac uictoria omnis fere Italia in populi Romani potestatem redacta est, uictis praesertim Tarentinis, Samnitibus, Bruttijs, Lucanis, & paulo ante quoque Etruscis, & Senonibus. Soli tantum Picentes, Sallentini, & umbri subigendi supererant. De triumpho

M. Curij de Pyrrho bello Tarentino acto sic scribit Florus :
Nec enim ullus pulchrior in urbem, aut speciosior triumphus
intrauit, quum ante hunc diem, nihil nisi pecora volscorum,
greges Sabinorum, carpenta Gallorum, fracta Samnitium
arma uidisset. Tum si captiuos aspiceres Molossi, Thessali,
Macedones, Bruttii, Apulus, atque Lucanus. Si pompas
aurum, signa, tabulae, Tarentinaeque deliciae, sed nihil libe-
tius populus Romanus aspexit, quam illas belluas, quas timue-
rat cum turribus suis, quae non sine sensu captiuitatis submis-
sis ceruicibus, uictores equos sequebantur

Picentes, Sallentini, & umbri domiti

Omnis Italia pacem habebat, quis enim domitis Terentia-
nis quid molire ausus esset? nisi quod ultro persequi socios ho-
stium placuit. Domiti deinde Picentes qui cum reliquis Italia-
cis rebellauerant, & caput gentis Asculum a consulibus P.
Sempronio, & Ap. Claudio

Sallentini Picentibus additi caputque regionis Brundisii
inchoato portu celebre a M. Atilio & L. Iulio cos. uexatum.
Quos anno sequenti D. Iunius, & N. Fabius in potestatem
redegerunt

Soli omnium Italicorum umbri relictii fuerunt, ad quos ar-
ma Romana non pertinuerant, qui quum rebellassent ab iisdem
consulibus a quibus Sallentini Sabinia capta, domiti sunt. At-
que demum anno urbis CDXXCVIII. Italia omnis a fre-
to Siculo ad Rubiconem, & Arnum, Tuscosque extremos Li-
guribus confines in populi Romani ditionem deuenit. Quae
omnis fere foederata sine magistratu Romano suis legibus li-
bere uiuere permissa est. Quae quamquam omnis foe-
derata esset, uarijs tamen conditionibus foedera adepti sunt.
Quidam enim municipia cum suffragij iure facti, quibusdam
ciuitas sine suffragio data, Latinis ius quodam quod ciuitati
proximum

proximum fuit permissum, in aliquibus coloniae Latinae, uel ciuium Romanorum deductae, quidam stipendarij, quidam uectigales, quidam omnino liberi relictifuerunt. Quae omnia accuratius paulo infra aperiam

Ceterum quum a Rubicone amne Polam Istriae usque, item a flumine Arno ad Varum amnem Italia postea per alpium radices prolata fuerit, quae ante prouinciae Ligures, Gallia, Veneti, Carni, Iapudes, & Istri fuerant, & omnes quae in ea, quae postea Italia appellata fuit, colonias, municipia, & praefecturae enumerare constituerim, conueniens esse existimaui ante singillatim demonstrare, qua nam ratione in potestatem populi Romani hae gentes uenerint, atque in prouinciarum formam redactae, postea Italiae attributi fuerint, deinde eas, quae in singulis coloniae fuerunt, digerere

Quo tempore Gallia Cisalpina prouincia facta fuerit

Bellum igitur Gallicum Cisalpinum initum est anno urbis DXXIX. C. Atilio, & L. Aemilio cos. Hoc lex C. Flaminij tribuni plebis excitauit, quam ille uel octauo, ut ait Polybius ante anno M. Lepido, & M. Poblicio cos. uel quinto, ut Cicero Q. Fabio Maximo II. & Sp. Caruilio cos. de agro Piceno, & Gallico, unde pulsi Senones a Dolabella fuerant, ueritim diuidendo, tulit. Nam quum reliqui Galli, ac maxime finitimi Boij Senonum casu perculsi rebus suis timerent, iniuncta cum Insubribus societate, Gallos eos, qui trans Alpes ad Rhodanum accolunt, atque a mercede qua ducti militant Gefatae dicuntur, aduocarunt. Itaque quum reges eorum Congolitanus, & Aneroeftus magnis inducti pecunijs cum ingentibus copijs, alpes in Italiam traiecissent, ac se cum Boijs & Insubribus coniunxissent (Veneti enim ac Caenomani a Romanis per legatos sollicitati quieuerant) peditum ad quinquaginta

ginta millia, equitum ad uiginti adducentes in Etruriam intru-
perunt, octauo, ut scribit Polybius post agri Piceni diuisionē
anno, L. Aemilio, C. Atilio cos. in quem etiam annum bellum
Gallicum Cisalpinum a M. Verrio Flacco in tabulis Capitoli-
nis collatum est. Romani autem Gallorum tumultu nuntiato
maximas, si quando unquam alias copias compararunt. Tota
etiam tum Italia enixe pro imperio Romano laborauit. Sum-
ma peditum Romanorum, ac sociorum fuit supra quingenta
millia, equitum supra sexaginta, auctore Polybio. Itaque Plin-
ius libro tertio L. Aemilio Paulo & C. Atilio Regulo cos.
inquit: Italia nuntiato Gallico tumultu sola sine externis ullis
auxilijs, atque etiam tunc sine Transpadanis equitum LX =
XX. millia, peditum DCC. armauit. Caenomanos autem
& Venetos transpadanos intelligit, qui ex Gallis soli pro Ro-
manis stabant. Quum harum igitur copiarum parte, L. Aemilius
consul Ariminum, ut Gallorum transitum impediret cō-
tendit, alteram praetor in Etruriam, quod C. Atilius cos. al-
ter iam in Sardiniam nauigaret, adduxit. Iam Clusium Galli
peruenerant, praetor ad Fesulas collatis signis fugatus in col-
lem editum se receperat, cuius quum obsidionem Galli para-
rent, Aemilius consul Apennino superato improviso aduenit,
is igitur Gallos cum praeda abeuntes ab una parte, ab altera
Atilius iam ex Sardinia reuocatus adorti, ita pugnarunt, ut
Gallorum quadraginta millia caeciderint, decem millia ce-
perint, Atilius in proelio, & rex Congolitanus occisus est. A-
neroestus semetipsum in fuga occidit. Aemilius uastato Boiorū
agro Romam triumphans redijt, ac Capitolium armis, & tor-
quibus Gallorum exornauit. ita Polybius, Florus, & Eutro-
pius. Anno sequenti ex re bene gesta Romani in spem adducti
Gallos Italia expellendi non quieuerunt. Q. enim Fuluium &
T. Manlium consules in Galliam cum legionibus miserūt, qui
proua-

prouinciam ingressi Boiorum gente deuicta, quum ad reliquos Gallos bellum transferrent imbrium ui, ac pestilentiae magnitudine deteriti sunt. Ita Polybius. Hos primum transpadum legiones Romanas duxisse tradit Oroscius. Altero anno C. Flaminius & P. Furius consules Insubres transpadum insigni uictoria deuicerunt. Quarto eius belli anno Insubres accisis opibus suis pacem petentes M. Claudius Marcellus, & Cn. Cornelius consules eductis repente aduersus eos copijs, ad arma capienda inuitos compulerunt. Marcellus Gallorum Gessatarum exercitum rege illorum Viridumaro interfecto fudit, fugauit, & cepit, Aerrae Gallorum oppidum occupauit. Ambo consules Mediolanum, quod Insubrum caput erat Gallis supremo proelio uictis, expugnarunt, quo facto Insubres desperatis rebus suis, se Romanis dederunt, atque ita bellum confectum est. Marcellus in urbem reuersus de Gallis Insubribus triumphauit, spolia opima regis interfecti tertius rettulit. Ita Polybius, Plutarchus, & Eutropius. Hoc bello confecto Cisalpinam Galliam prouinciam primum factam fuisse a Marcello ex eo liquet, quod coloniae plures annis proximis eo deductae sint, et Romanis consulibus Gallia deinceps prouincia in annum decerni solita. Hoc ipso tempore Veneti, & Caenomanii a legatis per Romanos sollicitati quieuerunt, eisque socijs, & foederatis Galli oppressi sunt. Bello Punico secundo confecto cum Insubribus, Comensibus, & Boijs rebellantes Coenomanos, aliquot duces Romani magnis cladibus affectos eos tandem in deditionem acceperunt, Galliamque omnem cisalpinam quietam habuerunt. Insubres Caenomanos, & Comenses Gallos transpadanos cum cispadanis saepe rebellantes L. Furius Purpureo praetor, & C. Cornelius Cethegus cos. uicerunt, & postremo M. Marcellus cos. eius qui primo Galliam prouinciam fecerat filius Castellis duodetriginta, in deditionem

deditionem acceptis, eos debellauit anno urbis DLVIII. Boios, hi Galli cispadani sunt, qui saepissime cum transpadanis iam uictis rebellauerant, ijdem duces ceciderunt, eosque de mum magnis cladibus afflictos P. Cornelius Scipio Nasica cos. domuit, anno DLXIII. deque ijs in magistratu triumphauit. Veneti diu in fide populi Romani permanserunt. Cum Carnis, Iapudibus, & Istris C. Claudius Pulcher consul anno urbis DLXXVII. bellum primo suscepit, quod Aetolis contra Romanos subsidia tulerant, cum ijs uario Marte pugnantum, eos postremo domuit & in populi Romani ditionem C. Sempronius Tuditanus cos. ut auctor est Plinius redegit, anno DCXXV. De ijsque triumphauit

Quo tempore Ligures domiti fuerint

Bello Punico primo uix finito, statim Ligures, Galli, & Ilyrii ad exercendam Romanam uirtutem noui hostes surrexerunt. L. Cornelio, & Q. Fulvio, anno urbis DXVII. Liguria primum arma illata sunt: quod bellum intra Italiam latrocinia Ligurum excitarunt. De quibus sic scribit Florus: Ligures imis alpium iugis adhaerentes inter Varum & Macram flumen implicitos dumis siluestribus, maior aliquando labor erat inuenire, quam uincere. Tutum locis & fuga durum, atque uelox genus, ex occasione magis latrocinia quam bella faciebat, itaque quum diu multumque eliderent, saltu, uijs latebris Salyes, Deceates, Oxybij transalpini, citra uero Vagienni, Statyelli, Casmonates, Eburiates, Veleates, Iagauni, tandem Fuluius latebras eorum igni sepsit. Significat autem Florus uictoriam, quam Q. Fuluius Flaccus ex his rettulit. Victi autem hoc primum anno a consulibus sunt, eorumque XXIII. millia interfecta, V. millia capta, & de ijs triumphatum. Eos deinde saepissime rebellantes plures Romani duces magnis cladibus per XXC. annos, ut Strabo, uel ut ego

obseruauit per CXXII. affecerunt, triumphum de ijs & finiti-
mis populis Vocontijs, Contrubeis, & Gatisceis supra XVIII
acti. Quos demum M. Aemilius Scaurus cos. anno D CXX-
XIX in ditionem accepit, latrocinia eorum coercuit, effe-
citque postremo ut publice permeantibus uia ad Stadiorum
XII. latitudinem laxaretur. Ac ut Strabo scribit, uniuersa
his fractis terrore incusso gubernandi formulas ijs Scaurus
imposuit. Hic est ille Scaurus qui consul, censor, & princeps
senatus fuit, atque de Liguribus & Gatisceis postremus om-
nium triumphauit, quique per Pisas & Lunam usque Sabaz-
tios, domitis Liguribus, uiam strauit Aemiliam, & hinc per
Derthonam. Salassos et gentes alpinas Ap. Claudius pulcher
cos. anno D CXI. bello uicit. Augustus postea Caesar ipsos non
quiescentes deleuit.

Italia ad Alpes producta, & in XI
regiones diuisa.

Atque hac ratione uniuersa quae nunc appellatur Italia
sexcentorum annorum interuallo Romanum iugum suscepit.
Quae quum ante a supero mari Aesi ab infero uero Macra
fluminibus terminaretur, uictis & deletis Gallis Senonibus,
usque ad Rubiconem processit. Is enim posterior terminus
Italiae fuit. Postremo triumuiui R. P. C. ne proconsul ullus
cum exercitu intra alpes esset Galliam omnem Cisalpinam Ita-
liae adiunxerunt, eamque usque ad alpium radices protulere.
Eiusque termini a mari supero Istri, oppidum Pola, fluiusq;
Arsia, ab infero, omnis Varus, qui a Liguribus Galliam Nar-
bonensem diuidit, facti. In mediterraneis uero alpium radices
eius fines esse uoluerunt. Quam Caesar Augustus rerum poti-
tus, quum Romani imperij nouam formam constitueret, in un-
decim regiones, ut libro tertio tradit Plinius distribuit. Qua-
rum prima Latium uetus, nouumque, & Campania fuit. II.

Picen-

Picentes III. Lucani, Bruttij, Sallentini, Apuli. IIII. Fren-
tani, Marrucini, Peligni, Marſi, Veſtini, Samnites, & Sa-
bini V. Picenum VI. Vmbri VII. Etruria. VIII. Gallia ci-
ſpadana. IX. Ligures. X. Venetia, Carni, Iapudes, Iſtria
que. XI. Gallia tranſpadana. In quibus regionibus quot co-
loniae, municipia, & praefecturae fuerint explicaturus, ut
apertius ſingularum iura, leges, & discrimina cognoſcantur,
ex antiquitatis obſervatione pauca ante ſubiungere placet de ci-
uitatis Romanae, Latij, & Italiae iure

De iure ciuitatis Romanae.

Præſantiſſimum Romuli inſtitutum, omnes ut principio
vidimus auctores fuiſſe referunt, quod uictas gentes, non ut
Athenienſes olim & Lacedemones pro alienigenis arcuiſſet,
ſed eas in populi Romani amicitiam, & ciuitatem ipſam etiã
adſciuerit uel Colonias Romanas deduxerit. Quod a ſequen-
tibus regibus, & conſulibus ſtudioſiſſime obſeruatum, tanti
imperij praecipua cauſa fuit. Porro autem quemadmodum
externae gentes uel uictae, uel ſponte in Romani popu-
li amicitiam, aut foedera, & ditionem admiſſae, uarij ge-
neris, ac conditionis pro earundem erga remp. meritis uel de-
meritis erant, ut aliae omnino liberae, aliae foederatae, aliae
ſtipendiariae, aliae fundi populi, aliae Latinae, aliae ciuitatē Ro-
manam adeptae fuiſſe reperiuntur, ita uarij generis fuiſſe
ciues Romanos obſeruauit, ita ut alij eſſent ciues Romani plē-
no iure, ideſt cum iure ſuffragij, alij ſine ſuffragio, alij muni-
cipes, alij coloni, alij ex praefecturis, alij uero ſine ciuitatis
iure nonnulla habuerint ciuitatis Romanae priuilegia.

De quibus omnibus uerba factururus a primo ciuis Romani
perfecto iure exordium ſumam. Nam qui ex nullo municipio,
ex nulla colonia, praefecturae, uel ex alia foederata ciuitate
erant, ſed uel in urbe, agrorum urbis ſuburbano nati, uel ex ſer-

uis Romanorum libertate, aut ex alijs gentibus externis speciali priuilegio in urbem uocati, & ciuitate donati essent, primum genus ciuis Romani constituebant. Ex his fuerunt, primi urbis cultores, eorum filij, & nepotes, post eos Sabini, qui sub T. Tatius, Tusci & Latini, qui sub Romulo, Albani & reliqui Latini, qui sub ceteris regibus, gens Claudia, & plerique alij populi, qui quum sub consulibus Romam commigrassent, & postremo omnium eorum serui, qui quum manumissi esset, ciuitatem Romanam cum suffragij iure adepti sunt. Hic autem ciuis Romanus, qui perfecto iure ciuis Romanus dicebatur, erat homo liber, serui enim ciues esse non poterant, qui comitijs curiatis in curia, centuriatis in centuria, & tributis in una XXXV. tribuum suffragium ferre posset. Inter multa enim horum ciuium Romanorum priuilegia illud supremum erat, ut essent in tribu, & centuria a censoribus relati, in qua & suffragium ferrent, & ijsdem suffragijs ad magistratus publicasque ceteras administrationes ac dignitates peruenirent, quod in Verrinas docet Asconius. Ceterum quum ius ciuitatis non una quadam in re consisteret, sed multis ac diuersis uelut praerogatiuis constaret, non omnibus omnia iura concedebantur, unde efficiebantur uariae conditionis ciues Romani. Ex his qui suffragij ius habebant, omnia etiam cetera priuilegia quae haec erant habebant. Ac primum quidem ciuibz Romanis post suffragij lationem, ius erat per leges Porciam & Semproniam, ut nec uirgis caedi nec uinculis coerceri, nec omnino capite plecti, nisi populi ipsius iudicio possent. Idcirco Cicero in Verrem: qui P. Gaium municipem Consanum uirgis caederat, exclamat, quum ait: Caedebatur uirgis in medio foro Messanae ciuis Romanus, o lex Porcia, legesque Semproniae & cet. De ijs enim qui ciues non essent nil ho-

rum cautum erat, poterantque a magistratibus non solum peregrini sed Latini etiam ipsi, quorum privilegia maxime ad ciuitatem Romanam accedebant, non consulto populo serui supplicio affici. Nam Salustius in Iugurthino, quem dam T. Turpilius Silanum commemorat, qui quum socium praefectus esset, tribunosque, et centuriones sub se haberet, condemnatus tamen, uerberatusque, capite poenas soluit. Nā is (inquit) ciuis ex Latio erat. Ceterum hoc privilegium ciuibz omnibus Romanis tam his qui cum suffragio ciuitatem habebant, quam his qui sine eo erant commune fuisse ex eo mihi persuadeo, quod et municipes sine suffragio in legione ut tradit Festus, merebant; qui autem in legione militabant uirgis caedi non poterant. Tertium ciuium Romanorum privilegium erat, quod solis ciuibz Romanis in legione Romana militare ius erat. Ideoq; soli ciues ad aerarium in beneficijs deferri ab Imperatoribus, et beneficiarij milites fieri poterant. Nam hoc fuisse proprium ciuium Romanorum eodem illo loco Cicero pro Archia ostēdit. Horū beneficiorū meminit et in epist. xx. lib. vi. epist. fam. Liberos porro in potestate habere propriū erat ius ciuis Romani, ut ait Iustinianus. 1. Inst. tt. de patria potestate. Erat postremo ius adoptionum, gentilitatis, et togae ferendae, quod proprium ciuium Romanorum erat. Atque haec omnia privilegia non nisi ciuibz Romanis communia erant tam ijs qui urbem incolet, quam municipibus, et colonijs ciuium Romanorum. Municipia uero quibus sine suffragio data ciuitas fuisset illo uno suffragij iure priuabantur in reliquis conueniebant. Sextum autem ius quod omnibus Romanis ciuibz commune fuit, erat ut soli testamento ciuis Romani hereditatem capere possent, neq; enim ullus peregrinus poterat hereditatem ciuis Romani adire; et testamenta fiebant Romanis ciuibz praesentibus.

bus. Quod Cicero ostendit pro Archia poeta, ubi probat Archiam se pro ciue gessisse hoc argumento, quod saepe adiisset hereditates ciuium Romanorum. Et pro Caecina: Aebutius Caecinae aduersarius, negat posse heredem Cefenniae esse Caecinam Volaterranum, quod ciuitas Volaterranis adempta esset a L. Sylla dictatore, ideoque ciuis Romanus non esset Caecina. Quum pro argumento accipiat Archiam se pro ciue gessisse quia saepe testamenta legibus Romanis fecisset. Huius iuris partem Romani ciues cum Latinis comunicabant. Nam quamquam Latini omnino heredes esse non possent, legati tamen institui ex hereditate poterant, ut paulo post ostendam. Ius etiam alienandi per nexum propriū fuisse ciuium Romanorum ex eo intelligi potest, quod omnes inter quos iuris huius solemnitas transigebatur ciues esse oportebat, ut ait Boetius in commentarijs Topicorum. Hoc priuilegium etiā Latinis cum ciuibus Romanis commune erat. Vtranque rem Cicero pro Caecina refert. Nam quum Aebutius Caecinae aduersarius negaret Caecinā Volaterranum ciuitate ijs adempta a L. Sulla, ciuem Romanum esse, & propterea hereditatem Cefenniae capere non potuisse, ei ita respondet Cicero. Sulla ipse ita tulit de ciuitate, ut non substulerit horum nexa, atq; hereditates. Iubet enim eodem iure esse quo fuerint Ariminenses, quos quis ignorat XII. coloniarum fuisse, atq; (non a populo Romano ut in uulgatis codicibus, sed a C. R. ut in antiquis manuscriptis, idest) a ciuibus Romanis hereditates capere potuisse. Quum autem ex XXX. colonijs quaedam Latinae, quaedam ciuium Romanorum uocentur, Liuius lib. XXIX. XII. colonias inobedientes Latinas appellat. Ex quibus uerbis illud intelligi potest. Latinos aliqua ratione ciuium Romanorum heredes esse potuisse, & comercia cum ciuibus Romanis per nexum habuisse. Quod idem res

x ferro

ferre uidetur Vlpianus titulo XIX. Instit. quū ait : Mancipatio locum habet inter ciues Romanos, et Latinos colonianos, Latinosq; Iunianos eosq; peregrinos, quibus cōmercium datum est. Commerciū est emendi uendendiq; inuicem ius Sub hoc priuilegio cōtinentur omnia cōmerciorū genera, ut nexa, stipulationes, mancipationes, sacramenti contentiones, in iure cessiones & alia, quibus perfecto iure possessio rei acquirerebatur, uel quibus iure ciuium Romanorum dominus fiebat. Ius igitur cōmercij quod olim inter ciues Romanos tantum erat Latinis quoq; communicatum erat. Vnde Liuius lib. VIII. Ceteris Latinis populis connubia cōmerciaque & consilia inter se adempta. Erat postremo ius connubiorum olim ciuibus Romanis proprium, quia tantum ciues cum ciuibus matrimonium contrahere poterant, ita ut si pater aut mater peregrini essent non legitimae erant nuptiae. Lex enim erat ut nuptiae tantum essent inter ciues Romanos, inter quos solos connubij ius erat. Filij ex eo matrimonio nati soli iusti sunt, & in potestate parentum, & hi succedunt parentibus. Hoc ius Latinis, & Campanis communicatum olim fuisse refert Liuius. Atque haec erant omnia ciuibus Romanis qui urbem, agrumue colebant priuilegia, quorū quaedam ijs tantū erant propria, quaedam cum municipijs et Latinis communia, ut abunde demonstraui.

De iure municipum cum suffragio

Parum uel nihil ab ijs ciuibus Romanis qui urbem agrumue incolerent differebat ciuium Romanorum alterum genus, qui in municipijs, quibus cum suffragij latione ciuitas data erat commorabantur. Hi enim omnibus ciuium Romanorum priuilegijs potiebantur, uno ut existimo excepto, quod in curias Romanas descripti non erant, atque ob eam causam Curiatilis comitijs, in quibus tamen parum momenti erat, excludantur.

debantur. Curiae enim tantum eorum qui urbem incolerent erant. Nam qui in municipijs uel colonijs ciues Romani habitabant, sua quaedam in suis urbibus sacra habebant, quae municipalia dicebantur, erantq; ijs perinde ac Romanis curiae. Quod uel inde apparet, quod Milo legitur ad prodendum flaminem Lanuuiū profectus fuisse, pridie quā Clodium occidit, nec erat necesse sua sacra eos relinquere, qui ciuitate donabantur, nisi in urbem migrarent. Nam quos sub regibus migrasse Romam reperimus ut Sabinos, Tuscos, Latinos, & Albanos eos simul per curias Romanas descriptos fuisse ex Dionysio aperte intelligitur. Qui uero ad urbem non migrabant, suis sacris uacare opus erat, quae (ut dixi) municipalia uocantur. De quibus sic scribit Festus: Municipalia sacra uocantur, quae ab initio habuerunt ante ciuitatem Romanam acceptam, quae obseruare eos uoluerunt pontifices, & eo more facere quod fecissent antiquitus. Ceterum quū ciuium Romanorum qui extra urbem habitarent duo genera fuerint idest, municipes, & coloni, quid utrunque fuerit ex Gellio demonstrare non alienum ab hoc instituto erit. Is. n. libro XVI. cap. XIII. sic ait. Muncipes sunt ciues Romani ex municipijs suo iure, & legibus suis utentes, muneris tantum cum populo Romano honorarij participes, a quo munere capeffendo appellati uidentur, nullis alijs necessitatibus, neque ulla populi Romani lege adstricti, quū nunquam populus eorum fundus factus esset. Sed coloniarum alia necessitudo est. Non. n. ueniunt extrinsecus in ciuitatem, nec suis radicibus nituntur, ut municipia, sed ex ciuitate quasi propagatae sunt, & iura institutaq; omnia populi Romani nō su arbitrij habent. Haec Gellius. Ita ut municipia cum ciuitatis quidem Romanae priuilegijs & iure, suas leges, suos magistratus, & sua tam publica quam priuata instituta retine-

x 2 nerent,

nerent, ut cuique municipio antiquitus mos erat. Coloniae uero alia ratione, ut post ostendam remp. gerebant

De municipiis sine suffragio

Municipiorum autem duo erant genera, quaedam quae omnia ciuitatis priuilegia habebant, praeter suffragij lationem, quaedam quae ciuitatem ipsam cum suffragio obtinuerant. Prius omniū qui municipes facti sunt, sine suffragij latione fuerunt. Hi fuerunt Caerites. Hoc illis (inquit Gellius) concessum ut ciuitatis Romanae honorem quidem caperent, sed negotijs tamen atq; oneribus uacarent, pro sacris bello Gallico receptis, custoditisq;. Hinc tabulae Caerites appellatae uersa uice, in quas censores referri iuebant quos notae causa suffragio priuabant. Idem tradit Asconius. De his municipijs loquens Sex. Pompeius ita scribit. Municipes erant, qui quum ex alijs ciuitatibus Romam uenissent (hoc est ut ego interpretor ciuitate donati essent) eis non licebat magistratū capere, sed tantum muneris partem. At Seruius aiebat initio fuisse qui ea conditione ciues Romani fuissent, ut semper remp. separatim a populo Romano haberent, qui aequae ciues Romani erant, & in legione merebant, sed dignitates nō capiebant. Municipium id genus hominum dicitur, qui quū Romam uenissent, neq; ciues Romani essent, participes tamen fuerunt omnium rerum ad munus fungendum, una cum Romanis ciuibus praeterquam de suffragio ferendo, aut magistratu capiendo. Quae autem eiusmodi municipia fuerint paulo post exponam. Hi omnia ciuitatis priuilegia praeter suffragij lationem, & magistratus capeffendi potestatem habebāt. Municipes uero cum suffragij iure, omnia priuilegia ciuium Romanorum urbem incolentium habebant praeter curias, in quas quemadmodum qui Romae habitabant, distributi non erant, ac per hoc curiatis comitijs exclusi. De municipibus

cipibus sic scribit Vlpianus libro I. I. Municipales aut natiuitas facit, aut manumissio, aut adoptio, & proprie quidem municipales appellantur muneris participes recepti in ciuitatem ut munera nobiscum facerent. Ceterum omnium municipiorum cum iure suffragij primum fuit Tasculum. Quae reliqua fuerint post aperiam

De iure coloniarum

Quae autem coloniae fuerint ex Gellio uidimus, quarum ut idem inquit conditio, quum magis quam municipiorum obnoxia, & minus libera esset, potior tamen & praestabilior existimabatur, propter amplitudinem maiestatemque populi Romani, cuius coloniae quasi effigies paruae erant, & simul quia obscura oblitterataque erant municipiorum iura, quibus uti per ignorantiam nequibant. Deducendarum uero coloniarum mos a Romulo institutus frequentissimus apud Romanos fuit. Nam hostibus lacescentibus uictis, agrique & regionis parte mulctatis, in agris de eis captis, quo imperium Romanum stabilirent, uel nouas vrbes condebant, uel in antiquitus conditas, ueteribus incolis ex ijs pulsis, nouos ex vrbe ciues per IIII. viros ad id creatos eo deducebant, quot quot agro capto colendo sufficere possent, quem nouis colonis diuidebant. Hi statim in coloniam deducti nouam administrandae reip. rationem Romanae more constituebant. Nam ut Romae erat populus & senatus, sic hi nouos colonos in decuriones & plebem diuidebant; decuriones senatus, plebs populi Romani imaginem referebant, ex decurionibus singulis annis duo uel quattuor uiri creabantur iuxta coloniae magnitudinem uel paruitatem, qui II. viri uel IIII. I. D. id est iuridicundo uocabantur. Hi consulum Romanorum speciem repraesentabant. Creabantur insuper Aedilis, qui uiarum, aedificiorum publicorum, annonae, & locandorum reddituum publicorum,

item quaestor qui aerarij publici curam habebat, atq; hi erant praecipui coloniae magistratus: in ceteris omnibus more, legibus, & institutis Romanis uiuebant. Quarum coloniarum duo genera erant ut tradit Asconius, quaedam ciuium Romanorum, & quaedam Latinae. Coloniae ciuium Romanorum praeter sacra omnia iura habebant quae ciues Romani obtinebant, quemadmodum & municipes cum suffragij iure. Coloniae uero Latinae erant quae ius Latij haberent. Quid autem ius Latij fuerit nunc exponam.

De iure Latij

Populus Romanus socijs nominis Latini, quod a Tiberis ostijs Circeios usq; se extendebat, antiquae cognationis iure multa tribuit priuilegia, quibus Latij continebatur, quorum antiquissimum fuit ut eo iure quod Latini a populo Romano habuissent, coloniae omnes uterentur, quae idcirco Latinae dictae sunt, quum colonias ciuium Romanorum deducere adhuc mos non esset, ad quarum postea discrimen quae deduci coeptae sunt, reliquae tam antiquae quam recentiores coloniae, quae ciuium Romanorum non essent, Latinae dictae sunt, Latij. n. ius proxime ad ciuitatem Romanam accedebat. Quod ut dixi multiplex fuit. Primo enim solis Latinis post ciues Romanos in comitijs, ferendis suffragijs si ab uno magistratum inuicem esset, nec ab alio prohibiti potestas erat. Qui quum in nulla tribu essent, sortitione opus erat, ut appareret in qua tribu suffragium ferrent. Hoc illis concessum fuisse in foedere, quod cum ijs ictum fuisse Cicero pro Balbo scribit Sp. Cassio et Postumo Cominio cos. anno urbis CCLXI. liquet. De quo foedere Dionysius libro. viii. ita loquentem Sp. Cassium introducit: Latinos Romanorum consanguineos, urbis tamen Romae dominationem, & gloriam iniquo semper animo ferentes in amicitiam adduxi, concessa eis ciuitatis administrandae parte

partē, ut iam non aduersam sibi Romam uocent sed patriam. Et paulo post Sp. Cassius quam plurimos potuit Latinorū & Hernicorum euocauit ad suffragium ferendum, qui frequentes conuenerunt ut propemodum plena peregrinis esset ciuitas, quo a virginio animaduerso, iussit per compita proclamari, ut omnes peregrini Roma exirent, dato ad id perexiguō tempore. Tum Cassius contra edicto iussit eos omnes in vrbe manere, quibus concessa erat ciuitatis administrandae pars, id est suffragij ferendi ius, donec lex perlata esset. Ex quibus Dionysii uerbis intelligi potest, foedere concessam Latinis communem & parem cum Romanis reip. gerendae curam. Ex Dionysii, & his Liuij libro. xxv. uerbis: Testulis datis tribuni populum summouerunt: stellaque allata est, ut sortirentur ubi Latini suffragium ferrent: primum colligo. Latinos cum Romanis ferendi suffragij potestatem habuisse. Neque .n. sortiendum esset, ubi Latini suffragium ferrent si omnino suffragio exclusi fuissent. Deinde id illis beneficio tantum, permissu & liberalitate eorum magistratuum qui haberent comitia, licuisse. Quod ex C. Gracchi historia confirmatur. In qua legimus socios Latinos, vrbe exire iussos, ne tum Romae essent, quando legibus Gracchi ferendis tribus in suffragium uocarentur. Quo pertinet illud Ciceronis pro Sextio: Nihil acerbius socij Latini ferre soliti sunt, quam id quod perraro accidit, ex urbe exire a consulibus iuberi. Neque enim edicto consules tollere poterant, quod legibus contra cautum esset. Itaque si per leges Latini ius habuissent suffragij, nec consules suis edictis illos suffragio priuare potuissent, nec Latinos legum praesidio munitos suo iure cedere passus esset C. Gracchus, ut contra quā legibus licitum esset suffragio priuarentur socij, quos ipse euocasset. Si ergo id contra leges factum non est, a C. Fannio cō-

sule ut edicto iuberet Latinos vrbe exire, ne legibus Gracchi ferendis adessent, necessario efficitur Latinos in comitijs non habuisse ius suffragij, qui tamen Romanorum magistratuum benignitate admitti solebant, id tribuētium societati antiquae, & consanguinitati Latinorum, qui tum forte Romae essent, quum haberentur comitia. Eos autem omnibus comitiorum generibus admitti solere, quum beneficij hoc esset, non iuris, quod Latini admitterentur ad suffragium, nulla uidetur causa, cur ceteris comitijs ea benignitas adstricta esset, praesertim quum Latinorum suffragium hoc modo in unam quandam tribum sorte contractum nullius prope momenti futurum esset, quum interim magno honori, id ducerent, quod suffragiū cum ciuibus dicerent. Quamquam uero non censerentur Romae Latini, sed in suis ciuitatibus, poterant tamen ad centurias se adiungere unius cuiusdam tribus cui sorte obtigissent, ut Latini in ea suffragium dicerent, ut cum primae classis centurijs hi suffragium ferrent, qui erant primi census apud Latinos, cum centurijs secundae classis, qui erant apud eos secundi census, & ita deinceps, aut uero in unam centuriam sorte ductam omnes Latini nulla habita ratione census coniici, quo modo in tributis comitijs in unam tribum coniicebantur. Sed quoniam hae probabiles potius coniecturae sunt, quam necessariae rationes, de his finem scribendi faciam. Antiquissimū igitur Latinorum ius erat, ut cum ciuibus Romanis ad suffragium ferendum admitterentur. Qui quoniam in nulla certa tribu erant, antequam ad suffragium tribus uocarentur sortitio fiebat in qua tribu suffragium dicturi essent. Alterum porro Latinorum ius erat, quod ciues Romani uiritim etiam fieri poterant: ciuitas enim eo iure alijs populis non patebat. Eam autem multis rationibus consequi poterant. Prima est cuius meminit Appianus libro II. bellorum ciuiliū: ubi ait:

Latinitatis

Latinitatis ius hoc fuisse, ut ciues Romani fierent, qui in Latinis colonijs magistratum gessissent. Quamquam ergo Romani ciues amitterent ciuitatem, si in Latinam coloniam nomina dedissent, ut docet Cicero pro Caecina, et pro domo sua: hoc tamen iure poterant in ciuitatem redire si magistratum in ea colonia Latina gessissent. Adijcit Cicero ibidem, quod qui ciues Romani in colonias Latinas proficiscebantur fieri non poterant Latini, qui non erāt auctores facti, nomenque dede-
rant. Alia ratio erat de qua mētionem facit Liuius libro XLII Lex socijs nominis Latini qui stirpem ex se domi relinquis-
sent, ac Romam ad habitandum uenissent, dabat ut ciues Romani fierent. Verba Liuij sunt haec: Mouerunt senatum & legationes socium nominis Latini, quae & censores & prio-
res consules fatigauerant, tandem in senatum introductae. Summa quaerelarum erat, ciues suos Romae censos plerosque Romam commigrasse, quod si permittatur per paucis lustris futurum, ut deserta oppida, deserti agri, nullum militem dare possent. Genera autem fraudis duo mutandae uiritim ciuitatis inducta erant. Lex socijs nominis Latini qui stirpem ex sese domi relinquerent, dabat ut ciues Romani fierent. Ea lege male utendo, alij socijs, alij populo Romano iniuriam faciebant. Nam & ne stirpem domi relinquerent liberos suos quibus quibus Romanis in eam conditionem ut manumitterē-
tur, mancipio dabant, libertinique ciues essent; & quibus stirpes deesset, quam relinquerent, ut ciues Romani fiebant. Postea his quoque imaginibus iuris spretis promiscue sine lege, sine stirpe in ciuitatem Romanam per migrationem, & censum transibant. Haec ne postea fierent petebant legati, & ut redire in ciuitates iuberent socios. Deinde ut lege caue-
rent, ne quis quem ciuitatis mutandae caussa seruum faceret, neue alienaret, & si quis ita ciuis Romanus factus esset, ci-
uis

uis non esset : haec impetrata a senatu . Tertia item ratio fuit per legem Seruiliam, qua Latinis ius erat ciuitatem assequi in locum eius quem accusando damnassent repetundarum. Hanc legem tulerat C. Seruilius Glaucia ut docet Asconius pro Scauro . Hac lege duo Latini Tiburtes apud Ciceronem pro Balbo ciuitatem adepti sunt, quum duos senatores Coelium, & Masonem accusassent, & damnassent repetundarum . Quod uero ea lege Latini assequerentur ciuitatem his uerbis eo loco ostendit Cicero . An accusatori maiores nostri maiora praemia, quam bellatori esse uoluerunt ? Quod si acerbissima lege Seruilia principes uiri ac grauissimi & sapientissimi ciues hanc Latinis id est foederatis uiam ad ciuitatem populi iussu patere passi sunt . Alias uero etiam leges fuisse, quibus Latinis praemij loco ciuitas proposita esset, paulo post idem Cicero indicat ijs uerbis : Num fundos igitur factos populos arbitramur, aut Seruilia lege, aut ceteris quibus Latinis hominibus erat propositum aliqua ex re praemium ciuitatis

Refertur ab Vlpiano in titulo IIII. quoddam libertorum genus, qui Latini Iuniani appellabantur Latij ius lege Iunia Norbana sub Augusto adepti, quos ciuitatem Romanam, & ius Quiritium multis modis adipisci posse scribit. In his erant, beneficio principis, liberis, iteratione, militia, naue, aedificio pistrino, & si ter mulier enixa fuerit. Hi dum uiuerent, quam se quasi pro ciuibus gererent, tamē ius testamenti facienda non habebant, & dominus eorum morientium haereditatem capiebat, nisi prius ius ciuitatis uel Quiritium adepti essent . Ius autem Quiritium idem fere quod ius ciuium Romanorum esse existimo, ab Augusto excogitatum, quo antiquos ciues Romanos & nobiles, a nouis ciuibus libertinis, & peregrinis discerneret, qui ciuitate donati, ius quidem ciuitatis Romanae habebant, sed non ius Quiritium, quod erat pau-

lo excellentius, puta, tanto tributo non grauari, eadem priuilegia habere, quae uetustissimi ciues urbem incolentes haberent. Nam post legem Iuliam qua Italiae omni ciuitas data est, & omnibus aequata suffragia, ut ciues Romani noui & inferioris gradus a uetustissimis priuilegijs, & dignitate discernerentur, his uocibus iure Quiritium, & ciuitate Romana, ab aliquo imperatorum distincti sunt. Ius ergo Quiritium erat aliquid dignius quam ciuitatem Romanam, nam quibusdam libertis ciuitatem Romanam apud Plinium in epistolis, a Traiano concedi legimus, ius uero Quiritium non. Item quibusdam ciuibus Romanis iam factis ius Quiritium addi. Quae tamen differentia ante Caesaris dictaturam non inueniri opinor, quum ciuis Romanus cum suffragio factus perfecto & optimo iure ciuis esset. Ceterum post Augusti tempora de his rebus uerba facere haud operae pretium esse existimo, quum ea omnia, ut reliqua urbis Romae instituta corrupta fuerint, & deformata. Atque haec sunt quae de iure Latij, populis & colonijs Latinis qui eodem iure utebantur inueni

De praefecturis

Erat & aliud ciuium genus, qui in Italiae praefecturis manebant, deteriori quam municipia & coloniae iure utentium, quorum discrimen a reliquis intelligetur, si quid essent praefecturae explicauero. Erant igitur praefecturae, oppida Italiae, in quibus qui habitabant nec suis legibus, ut municipes uiuebant, nec ullos de suo corpore magistratus creare poterant, ut coloni, sed a magistratibus Roma missis regebantur, ijs legibus quas Romanus magistratus dixisset, qui quoniam praefectus uocabatur, idcirco praefecturae dicebantur. Huius generis erat Capua post bellum Punicum secundum, ante coloniam eo a Caesare deductam, ut constat ex II. oratione in Rullum, et ex Liuiio libro XXVI. ubi ita de Capua scribit.

bit. De vrbe agroque reliqua consultatio fuit, quibusdam delendam censentibus urbem praeualidam, propinquam, inimicam. Ceterum praesens utilitas uicit. Nam propter agrum, quem omni fertilitate terrae satis constabat primum in Italia esse, urbs seruata est, ut esset aliqua aratorum sedes. Urbi frequentandae multitudo incolarum libertinorumque, et instutorum opificumque retenta. Ager omnis et tecta publica populi Romani facta. Ceterum habitari tantum, tanquam urbem Capuam, frequentarique placuit, nullum corpus ciuitatis, nec senatus, nec plebis concilium, nec magistratus esse. Sine consilio publico, sine imperio, multitudinem nullius rei inter se sociam ad consensum inhabilem fore. Praefectum ad iura reddenda Roma quot annis missuros. Quibus igitur oppidis Italiae huius generis praefecti Roma missi ius reddebant praefecturae dicebantur. De praefecturis sic scribit Sex. Pompeius: Praefecturae hae appellantur in Italia, in quibus et ius dicebatur, et nundinae agebantur, et erat quaedam earum respublica, neque tamen magistratus suos habebant. In quas legibus praefecti mittebantur quot annis qui ius dicerent. Quarum genera fuere duo, alterum in quas solebant ire praefecti decem populi suffragio creati, et erant haec oppida: Capua, Cumae, Casilinum, Vulturnum, Linternum, Puteoli, Acerrae, Sueffula, Atella, Calatia. Alterum in quas praetor urbanus quotannis in eas praefectos ex legibus mittebat, ut Fundi, Formiae, Cerae, Venafrum, Allifas, Priuernum, Anagnina, Frusino, Reate, Saturnia, Nursia, Arpinum, et alia complura. Praefecturae igitur deteriore quam coloniae conditione erant. Quae uero neque municipia, neque coloniae, neque praefecturae erant oppida, hae foederatae ciuitates uocabantur, ut Tibur, et Praeneste in Latio, Neapolis, et pleraeque aliae, quae suis legibus, et magistratibus uiuebant, diuersisque foederibus

foederibus aut sponſione, aut pactione, uario iurè amicitiam cum populo Romano contraxerant. Aliquae enim erant omnino liberae, aliquae ueſtigales, aliquae ſtipendiariae, aut plus uel minus grauatae, ut populo Romano uſum fuiſſet. Atque Italia omnis in horum ciuium & oppidorum genera ante legem Iuliam, & bellum Marſicum diuiſa fuit, nullum enim praeterea ſupererat ciuium uel oppidorum genus, quorum quaedam dicebantur fundi populi. Quod quidem nomen diſcriminis non eſt, quemadmodum liberorum & ſtipendiariorum, ſed hi fundi populi dicebantur, auctore Cicerone, qui quotieſcunque Romae lex aliqua fieret, quae de iure publico non eſſet, ſed de rebus priuatis, ut de teſtamenti, uel de mancipijs, eam ſuſcepiffent tanquam propriam, tuncque eius legis fundus populus dicebatur, perinde ac ſi diceretur. Is populus eam legem tanquam propriam ſuſcepit, hoc idem de municipijs dicit Gellius. Adijcit Cicero pro Balbo quod qui fundi populi facti non eſſent, ciuitatem non haberent, in qua re magna contentio Heraclienſium, & Metapontinorum fuit. Haec igitur omnia quae de Italiae municipijs, colonijs, praefecturis, & oppidis foederatis, itemque uarij generis & iuris ciuibus Romanis dixi, tantum ante bellum Marſicum, & legem Iuliam locum habent, qua quum Italiae omni ciuitas data fuiſſet; omnes pari iure in ciuitatem accepti ſunt. Hoc autem ex eo liquet quod omnes in comitijs centuriatis ius tempore Ciceronis haberent. Quod ipſe oſtendit in oratione poſt reditum ad Quirites, ubi de comitijs centuriatis quibus ab exilio reuocatus eſt loquens, ita ſcribit: Nullus in eorum redditu motus municipiorum, & coloniarum factus, at me in patriam ſuis decretis Italia cuncta reuocauit. Et pro Seſtio: Nullum erat Italiae municipium, nulla colonia, nulla praefectura, nulla Romae ſocietas, nullum collegium, aut concilium, aut aliquod

aliquod omnino commune consilium, quod tum non honorificentissime de mea salute decreuisset. Quod idem ex multis alijs eius locis pro Muraena, pro Sulla, & pro Plancio intelligi potest. Nam quod Tranquillus in Caesare scribit. Ipsum quaestura finita colonias Latinas de ciuitate petenda agitan-tes adijisse, de Transpadanis intelligi debet, quibus bello Mar-stico, quum Italiae omni usque ad Rubiconē & Arnum, Item Galliae Cispadanae ciuitas lege Iulia data esset, a Pompeio Strabone, ut in officio continerentur, ius Latij datum fuerat. Quibus postea Caesar dictator factus additis ut existimo Insubribus, Liguribus, Venetis & Carnis, id est uniuersae Galliae Transpadanae ciuitatem Romanam dedit. Quum uero a IIII viris Italia ad Varum, & Arsam fluuios Liguria & Istriae promota fuisset ijs omnibus ius ciuitatis etiam datum est. Quamquam porro municipia, coloniae, & praefecturae omnes aequo iure ciuitatem adeptae essent, saepeque deinde omnia haec nomina confundantur, quum quae fuerant coloniae, & praefecturae a Ciceronae praesertim, & alijs illorū temporum scriptoribus municipia appellentur, retinuerunt tamen uetustatis memoria antiqua nomina, & ueterem reip. rationem non mutarunt. Haec itaque sunt, quae breuissime de iure ciuitatis Romanae in uetustis auctoribus collegi

De colonijs

Quum abunde supra quot coloniarum genera, quae earundem iura, atque quod inter eas, municipia, & praefecturas discrimen fuerit demonstrauerim, nūc quo imperium Romanum, quod hoc libro describendum suscepi, illustrius quantum in me est & clarius reddam, res ipsa postulare uidetur, ut coloniarum omnium seriem, quae a Romulo rege usque ad Imperatorem Caesarem Vespasianum Augustum intra Italiā, ex S.C. uel populi iussu deductae fuerint digerā, ita enim quod
mibi

mihī ipſi conſtitui facile conſequi potero

I. colonia Caenina Aboriginum

Prima omnium colonia a Romulo facta eſt bello primo Sabino Caenina Graeci generis non ignobilis urbs. Trecenti eò deducti ciues coloni fuerunt. Anno ab vrbe condita IIII Dionyſius libro II

II. colonia Antemnae Aboriginum

Haec eodem anno quo Caenina bello primo Sabino finito colonia a Romulo deducta fuit. Vrbs fuerat Graecorum Aboriginum, qui Siculos expulerant, quemadmodum Caenina. Trecenti eò etiam ciues coloni deducti anno urbis conditae IIII. Dionyſius libro II

III. Colonia Crustumium Albanorum

Crustumium quae antea colonia Albanorum fuerat eodem bello uicta a Romulo Romana colonia facta fuit, anno urbis IIII. Dionyſius libro II. & III

IIII. colonia Medullia Latinorum

Medullia aliaeque vrbes Latinae audita Romuli uirtute ſe ipſae ei tradidere, ſuntq; hae coloniae Romanae factae anno urbis V. Dionyſius libro II. & libro III. Medullia olim colonia a Romulo deducta ad ſuos defecit ſub Tullo Hoſtilio rege

V. Colonia

Ex Dionyſio. Cum Medullia deducta anno urbis V

VI. Colonia Cameria Albanorum

Romulus & Tatiſus reges quā bello Camerinos uiciſſent, Cameriam, quae colonia Albanorum fuerat, coloniam Romanam deduxerunt, anno urbis conditae V

VII. colonia Fidenae Albanorum

Romulus Fidenatibus inſigni proelio ſuperatis, urbeque eorum capta Fidenas coloniam Romanam fecit Idibus Apr-

lis anno urbis XIII. duobus millibus & quingentis colonis eo deductis. Haec vrbs olim Albanorum colonia fuerat, deducta a maximo natu ex tribus fratribus Albanis, quorum alter Crustumeriam, alter Nomentum colonias fecerant. Dionysius libro II. & Plutarchus. Liuius uero libro IIII. A. Cornelio Cossio, T. Quinctio Penno cos. anno urbis CCCXXVI. Fidenis colonorum additus numerus, agerque ijs bello interemptorum assignatus. Biennio uero post, noui coloni a Fidenatibus occisi urbi excidium attulerunt

VIII. colonia Ostia

Anco Marcio rege silua Mestia Veientibus adempta, usque ad mare imperium prolatum, & in ore Tiberis Ostia colonia condita, Dionysius libris I. & III. Liuius libro I. Itē libro XXVII. Ea die hi populi in senatum uenerunt, Ostiensis, Alstensis, Antias, Anxuras, Minturnensis, Sinuessanus, & a supero mari Senensis. Quum uacationes suas quisque populus recitaret, nullius quum in Italia hostis esset, praeter Antiatem Ostiensemque uacatio obseruata est. Et earum Coloniarum iuniores iure iurando adacti, supra quadraginta non pernoctaturos se esse extra moenia suae coloniae, donec hostis in Italia esset. Idem libro XXXVI. Senatus decreuit uacationem rei naualis his colonis non esse. Ostia & Fregenae, & Castrum nouum, & Pyrgi, Antium, Tarracinae, Minturnae, & Sinnessa fuerunt. Florus ex Liuiio libro LXXIX Ostiam coloniam Marius expugnauit, & crudeliter diripuit. De hac quoque colonia mentionem faciunt Eutropius libro I. Plinius libro III. cap. v. & antiquus lapis ita

DECVRIONI SPLENDIDISSIMAE

COLONIAE OST

IX. colonia Latina Signia

Superbus Tarquinius colonias deduxit Signiam, & Circeios.

ceios. Illam casu dum milites castris hybernis retinet; Circeios ductus loci opportunitate. In qua Titum, in illa Sextum filios praefecit. Dionysius libro IIII. Et Liuius libro I. Tarquinius Superbus rex Signiam, Circeiosq; colonos misit praesidia vrbi futura, terra marique. Et libro II. Ap. Claudio, & P. Seruilio cos. anno vrbis CCLVIII. Signia colonia, quam rex Tarquinius deduxerat, suppleto numero colonorum iterum deducta est. Sex. Iulius Frontinus in libro de coloniis: Signia muro ducta colonia a militibus & III. viris munita. Iter populo non debetur. Ager eius militibus Augusteis in nominibus est adsignatus. Haec una ex XIX. coloniis bello Punico secundo populo Romano fidelibus fuit. Quum enim XXX. tum essent coloniae populi Romani, XII. ex his negauerunt esse unde milites pecuniamque darent. XIX. uero coloniae, milites ex formula paratos esse, & si pluribus opus esset plures daturus, & quicquid aliud imperaret uelletque populus Romanus enixe facturos pollicitae sunt. Ne nunc quidem post tot saecula sileantur fraudulentum laude sua, Signinini fuere, & Norbani, Saticulani, Brundisini, Fregellani, Lucerini, Venusini, Adriani, Firmani, & Ariminense, & ab altero mari Pontiani, Paestani, & Cossani; & mediterranei Beneuentani, Aesernini, Spoletani, Placentini, & Cremonenses. Harum coloniarum subsidio tum imperium populi Romani stetit: ita Liuius libro XXVII. De hac colonia Strabo libro V. & uetus haec inscriptio meminerrunt

L. VOLVMNIO. L. F. POMP. IVLIANO
SEVERO. IIII. VIRO. COL. SIGN
PATRONO. COLONIAE. SVAE
SENATVS. POPVLVSQ. SIGNINVS

x. colonia Latina Circei

Huius coloniae praeter supra citata auctorum loca meminerunt Cicero libro III. de natura deorum : Circem (inquit) coloni nostri Circeienses religione colunt. Dionysius libro VIII. ubi Coriolani exulis Romani facta contra Romanos describit. item Liuius libris II. XXVII. & XXIX. & Plutarchus in Coriolano. Hae autem sunt sub regibus deductae coloniae

xi. colonia Ecetrae

Ap. Claudio & P. Seruilio cos. Anno urbis CCLIX Volscis a Seruilio uictis in agrum de eis captum Ecetras colonos missos fuisse tradit libro VI. Dionysius, quos quum Aurunci pellere uoluissent, bellum Romanum in se conuerterunt

xii. colonia Velitrae

Bello Volscos anno sequenti, postquam Ecetrae colonia facta fuerat, A. Virginio T. Vetustio cos. Volscis deuictis Veliternus ager est ademptus, Velitras coloni ab urbe missi, & colonia deducta. Ita Liuius libro I. Idem, T. Geganio & P. Minucio cos. Velitris auxere numerum colonorum Romani. Et Dionysius libro VII. iisdem cos. iterum coloni missi III. viris creatis Velitras Volscorum urbem. Frontinus de coloniis. Velitrae oppidum lege Sempronia fuerat deductum, postea Claudius Caesar agrum eius limitibus Augusteis censitum militibus eum adsignari iussit

xiii. colonia Norba

T. Geganio P. Minucio cos. anno urbis CCLXII. Norbam in montes nouam coloniam, quae arx in Pomptino esset miserunt. Et Dionysius libro VII. Norbam deducta colonia Latinorum urbem non incelebrem. & Liuius iterum libro VII. Priuernates etiam Norbam atq; Setiam finitimas colonias

colonias Romanas incurstone subita depopulati sunt. Idem de ea libro XXVII. scribit

XIIII. colonia ciuium Romanorum Antium

Liuius libro III. Ti. Aemilio II. & Q. Fabio cos. anno vrbis CCXXCVI. Antium coloniam deduxere III. viri T. Quinctius, A. Virginus, & P. Furius. Idem A. CCXC. A. Postumio Albo Sp. Furio cos. colonia Antium suspecta ad Aequos transiisse. Et libro VIII. L. Furio Camillo C. Maenio cos. anno CDXVI. Antium noua colonia missa, cum eo ut Antiatis permitteretur, si & ipsi adscribi coloni uellent. Naues inde longe abactae, interditumque mari Antiati populo est, & ciuitas data. Haec omnium prima ex Latina, ciuium Romanorum colonia facta est. Frontinus: Antium populus deduxit, iter populo non debetur. Ager eius in lacineis est adsignatus. Tranquillus in Nerone cap. IX. Antium coloniā deduxit adscriptis ueteranis e praetorio, additisque per domicilij translationem ditissimis primipilariū, ubi & portum operis sumptuosissimi fecit. Hoc anno vrbis DCCCIII. Nerone IIII. & Cossio Cornelio cos. factum fuisse tradit libro XV. Tacitus, ubi ita eo anno ait: Veterani Terentū, & Antium adscripti: Plinius lib. III. cap. IIII. In Latio (inquit) quondam Aphrodisium, nunc Antium colonia. Florus ex Liuiio in epitoma libri XX. C. Marius Antium, Ariciam, & Lauinium colonias deuastauit. De ipsa colonia Liuius libris XXVI. & XXXVI. meminit

Colonia xv. Vitellia

Quo potissimum anno colonia in Aequos deducta fuerit Vitellia ab auctoribus non traditur. Ego eam domitis Aequis praesidij causa circa annum vrbis CCXCV. factam fuisse opinor, quo tempore, aliquot de uictis Aequis triumphum acti sunt. Huius coloniae Liuius libro V. L. Lucretio

2 2 Flauo

Plauo, & Ser. Sulpicio Camerino anno vrbis CCCLXI. ita meminit. Vitelliam coloniam Romanam in suo agro Aequi expugnant. Vitelliam etiam coloniam Tranquillus in Vitellio capite primo commemorat

Colonia XVI. Latina Ardea

M. Fabio Vibulano, Postumo Aebutio Cornicine cos. Anno vrbis CCCXII. S. C. factum, ut quoniam ciuitas Ardeatium intestino tumultu redacta ad paucos esset, coloni eo praesidij causa aduersus Volscos scriberentur. Hoc palam relatum in tabulas, ut plebem tribunosque falleret, iudicij rescindi consilium initum. Consenserant autem ut multo maiore parte Rutulorum colonorum, quam Romanorum scripta, nec ager ullus devideretur, nisi is qui interceptus iudicio infami erat, nec ulli prius Romano ibi, quam omnibus Rutulis diuisus esset, gleba ulla agri assignaretur. Sic ager ad Ardeates redijt. Triumviri ad coloniam Ardeam deducendam creati Agrippa Menenius, T. Cloelius Siculus, M. Aebutius Elua. ita Liuius libro IIII. Frontinus de colonijs, Ardea oppidum Imp. Hadrianus censuit. Iter populo non debetur, ager eius in lacineis est assignatus. Liuius libro XXVII. Q. Fabio Maximo. V. Q. Fulvio Flacco IIII. cos. XXX. (inquit) tum coloniae populi Romani erant. Ex his XII. quum omnium legationes Romae essent, negauerunt consulibus esse unde milites pecuniamque darent. Hae fuere Ardea, Nepes, Sutrium, Circeij, Alba, Carseoli, Sueffa, Sora, Setia, Cales, Narnia, Interamna. Easdem lib. XXX. Liuius colonias Latinas vocat, quas ob id punitas fuisse refert acerbioris delectu, & censu, tributoque stipendij nomine indicto

Colonia XVII. Lauici

Liuius libro IIII. Anno vrbis CCCXXXVI. senatus freuens censuit, coloniam Lauicos deducendam, coloni ab vrbe mille

be mille & quingenti missi, bina iugera acceperunt. Lauici op-
pidū in Latio Praeneste uersus erat, aquo uia Lauicana, quod
Cicero pro Planco municipium uocat. Hae uero sunt coloniae
omnes populi Romani deductae post reges exactos ante vr-
bem a Gallis Senonibus captam CXX. annorum interual-
lo, quas ut opinor Sex. Pompeius, priscas Latinas colo-
nias uocat, ut distinguerentur a nouis quae postea a populo de-
ductae sunt

Colonia XVIII. Satricum. C. R.

Liuius libro VI. Anno urbis CCCLXX. Largitor vo-
luntarius repente senatus factus Satricum coloniam duo mila-
lia ciuium Romanorum deduci iussit, bina iugera, & semis-
ses agri assignati. Haec colonia in Latio fuit, ut idem Li-
uius tradit

Colonia XIX. Latina Sutrium, alias
Iulia Sutrina

Paterculus libro I. Post septem annos quam Galli urbem
ceperunt (is fuit annus urbis CCCLXXI) Sutrium deducta
colonia est, & post annum Setia. Festus Sutrium municipium
sui iuris uocat. Frontinus: Colonia Sutrium ab oppidanis est
deducta ante limites, & cet. Plinius libro III. cap. V. In re-
gione VII. Tuscia coloniae Rusellana, Senensis, Sutrina. De
hac colonia Liuius libris XVII. & XXIX. & uetusta haec
epigrammata meminerunt

PONTIFICES. A. COLONIA
CONIVNC. IVLIA. SVTRINA

item

Q. FLAVIVS. Q. F. POLLINVS

PONT. COL. SVTRINAE

Colonia XX. Latina Setia, alias Setina

Haec Velleio auctore anno post Sutrium colonia facta est.

Frontinus. Setia muro ducta colonia, triumvirali lege est munita, iter populo debetur P. XXXV. Ager eius in absoluto ex occupatione a militibus tenebatur. De hac Liuius libris VII. XXVII. & XXIX. mentionem facit

Colonia XXI. Latina Nepet

Paterculus libro I. Post septem annos quam Galli urbem ceperunt, Sutrium deducta colonia est, & post annum Setina, nouemque interiectis annis Nepet, is igitur fuit anno urbis CCCXXCI. Frontinus de coloniis: Colonia Nepensis alias Nepis eadem lege seruatur, qua & ager Faliscorum. Nepet autem legendum esse ex Prisciano liquet. Hanc coloniam Liuius libris XXV. & XXIX commemorat, & Festus municipium sui iuris fuisse refert

Colonia XXII. Latina Cales Aufonum

Liuius libro VIII. M. Valerio Coruo III. & M. Atilio Regulo cos. Anno urbis CDXX. Ti. Veturius, Sp. Postumius cos. designati, rettulerunt de colonia Cales deducenda. Factoque S. C. ut duo millia quingenti homines eo scriberentur III. viros coloniae deducendae, agroque diuidendo creauerunt K. Duilium, T. Quinctium, & M. Fabium. Paterculus lib. I. Sp. Postumio, Veturio Caluino cos. Cales deducta colonia. De ea Liuius libris XXVI. & XXIX. scribit. Hanc coloniam Cicero in Rullum municipium uocat

Colonia XXIII. Anxur Tarracinae

Liuius libro VIII. L. Aemilio Mamercino, C. Plautio Deciano cos. anno urbis conditae CDXXV. Anxur trecenti in coloniam missi sunt, bina iugera agri acceperunt. Paterculus libro I. Insequentibus consulibus Sp. Postumio, & Philone Publilio censoribus Acerranis data ciuitas: & post triennium Tarracinas deducta colonia. De eadem Liuius libris XXVI. & XXXVI. & uetustae hae inscriptiones mentionem

tionem faciunt

ROMAE. ET. AVGVSTO. CAESARI
DIVI. F. COLONIA. ANXVR

item

TI. IVLIO. TI. F. STEL. PAETINO
BASSIANO. PATRONO. COLON

Colonia XXIII. Fregellae Volscorum

Liuius libro VIII. P. Plantio Procuro, P. Cornelio Scapula cos. anno vrbis CDXXVI. Fregellas, Signiorum is ager, deinde Volscorum fuerat, colonia deducta. De eadem libris XXVII. & XXIX. meminit

Colonia XXV. Luceria Samnitium

Liuius libro IX. M. Poetelio Libone, C. Salpicio Longo III. cos. Luceriam colonia deducta, duo millia & quingenti coloni missi: erat annus vrbis is CCCCXL. Paterculus libro I. eam decennio ante deductam fuisse scribit sic: Post triennium Tarracinas deducta colonia, interposito quadriennio Luceria. Fuit is annus vrbis CDXXIX. Plinius libro III. cap. II. Dauniorum praeter supradicta coloniae Luceria, Venusia. Polybius libro III. bello Punico secundo Hannibal Dauniam populatur, & in ea coloniam Romanam Luceriam. De eadem Liuius libris XXVII. & XXIX

Colonia XXVI. Latina Sueffa Aurunca

Liuius libro IX. L. Papirio Cursore V. C. Iunio Bubulco II. Cos. anno CDXLI Sueffa & Pontia coloniae deductae sunt: Sueffa Auruncorum fuerat. Paterculus libro I. Ac deinde interiecto triennio Sueffa Aurunca, & Saticula. Frontinus. Sueffa, quae & Aurunca dicitur muro ducta, lege Sempronia est deducta. Iter populo non debetur, ager eius pro-

parte limitibus intercessiuis, & in lacineis est adsignatus. Plinius libro III. cap. I. in regione prima Italiae ex descriptione Augusti coloniae Capua, Aquinum, Sueffa, Venafrum. Hanc coloniam Cicero in Rullum municipium uocat. De hac Liuius libris XXVII. & XXIX. & uetusta haec epigrammata meminerunt

IN. COLONIA. SVESSA
ET. ORDO. DECVRIONVM
ET. AVGVSTALIVM. ET
PLEBS. VNIVERSA

Colonia XXVII. Saticula

Paterculus libro I. Interposito quadriennio Luceria, ac deinde interiecto triennio Sueffa Aurunca, & Saticula. Anno urbis D DXLI. Sex Pompeius: in Sati in Samnio captum est, quò (postea coloniam) eam deduxerunt III. viri M. Valerius Coruus, Iunius Saeua, P. Fulvius Longus ex S. C. Kal. Ianuarijs L. Papirio cursore C. Iunio II cos. De eadem Liuius libro XXVII. & XXIX

Colonia XXVIII. Pontia

Haec eodem anno quo Sueffa, auctore Liuius, colonia deducta est. Qui ita ait: Sueffa & Pontia coloniae deductae sunt. Volsci Pontias insulam sitam in conspectu littoris sui incoluerunt. De eadem meminit libris XXVII

Colonia XXIX. Latina Interamna

Paterculus libro I. Interiecto triennio, Sueffa Aurunca, & Saticula, Interamnaque post biennium. Liuius libro X. Interamnam & Cassinum, ut deducerentur coloniae S. C. factum est. Sed triumuiros creauere, ac misere colonorum quattuor millia insequentes consules M. Valerius P. Decius: anno urbis CDLXLI. Idem libro x. L. Postumio Megalolo, M.

lo, M. Atilio Regulo cos. Samnites Interamnā coloniam Romanam, quae nūc Latina est occupare conati. Fuit enim & aliud oppidum Interamna in vmbria. De eadem Liuius libris xxvii. & xxix & uetus haec inscriptio meminerunt

P. TVRCIO. P. F. STEL. SEVERO
II. VIRO. CVRAT. REIP. INTERAMNAT
LIRIN. EORVMDEM. PATRONO. COL
CASSINATES

Colonia xxx. Casinum

Eodem anno quo Interamna, deducta colonia fuit Casinum, ut tradit Liuius: quam Cicero pro Planco municipium uocat De qua in uetustis hisce inscriptionibus mentio est

CVRATORI. REIPVBL
COL. CASSINATIVM

item

L. LVCCEIO. L. F. PAL. VMMIDIO
SECVND. DECVR. PATRONO. COL

Colonia xxxi. L. Sora

Liuius libro x. L. Genucio, Ser. Cornelio cos. anno vrbis CDLI. Soram atque Albam coloniae deductae. Sora agri volsci fuerat, sed possederant Samnites, eò quattuor millia hominum missa. Paterculus libro i. Decem deinde hoc munere anni uacauerunt. Tunc Sora atque Alba deductae coloniae. Frontinus de coloniis: Sora muro ducta colonia, deducta iussu Caesaris Augusti, iter populo debetur pedum xv. Ager eius limitibus Augusteis ueteranis est adsignatus. Plinius libro iii. cap. v. Regio ea a Tiberi prima Italiae seruatur ex inscriptione Augusti. Intus coloniae, Capua, Aquinum, Sueffa.

Suessa, venafrum, Sora, Theanum. De eadem Liuius libris XXVII. & XXIX. Soram Cicero pro Planco municipium nominat

Colonia xxxii. L. Alba

Liuius libro X. Sora & Alba coloniae deductae. Albae in Aequos sex millia colonorum scripta. Florus ex Liuiio in epitoma libri LXXII. Aesernia & Alba coloniae ab Italicis obsessae sunt, de eadem Liuius libris XXVII. & XXIX

Colonia xxxiii. L. Carseoli

Liuius libro X. M. Liuius Dentre, C. Aemilio cos. anno urbis CDLII. Marforū agrum ui tueri, in quem colonia Carseoli deducta erat, quattuor millibus hominum scriptis. Velleius libro I. Sora atque Alba deductae coloniae, & Carseoli post biennium. De eadem Liuius libris XXVII. & XXIX

Colonia xxxiiii. L. Narnia Nequinum

Liuius libro X. M. Fuluius Paetino, T. Manlio Torquato cos. aano urbis CDLV. Nequinum in deditionem populi Romani uenit, colonia eò aduersus umbros missa, a flumine Narnia appellata. Plutarchus in T. Quinctio. Colonias duxit ante consulatum Narniam, & Consam. De eadem libris XXVII. & XXIX

Colonia xxxv. Sinuessæ

Liuius libro X. Tum de praesidio regionis depopulatæ a Samnitibus agitari coeptum. Itaque placuit, ut duae coloniae circa Vestinum, & Falernum agrum deducerentur. Una ad ostium Liris fluij, quæ Minturnae appellata, altera in saltu Vestino, Falernū contingente agrum, ubi Synope dicitur Graeca urbs fuisse. Sinuessæ deinde ab colonis Romanis appellata. Tribunis plebis negocium datum est, ut plebiscito iuberetur P. Sempronius praetor triumuiros in ea loca colonis deducendis,

dis creare. Nec qui nomina darent facile inueniebantur, quia in stationem se prope perpetuam in festæ regionis nō in agros mitti rebantur. Hoc autem Ap. Claudio II. & L. Volumnio II. cos. factum est anno urbis CDLVIII. Eas uero non nisi anno sequenti deductas his uerbis refert Velleius. At Fabio V. & Decio Mure IIII. cos. quo anno Pyrrhus regnare coepit Sinuessam, Minturnasq; missi coloni. De Colonia Sinuessa Liuius lib. XXVII. & XXXVI

Colonia xxxvi. Minturnae

Haec Liuius & Velleio auctoribus, eodem anno quo Sinuessæ colonia deducta est. De qua sic scribit Frontinus: Minturnae muro ducta colonia, deducta a C. Caesare. Iter populo non debetur, eius ager pro parte in iugeribus est adsignatus, ceterum in absoluto est relictus. Plinius libro III. Colonia Minturnae Lyri amne diuisa, Glanico appellato, Oppidū Sinuessæ extremum in adiecto Latio. De hac colonia Cicero pro Plancio. Dionysius libro I. Liuius libris XXVII. & XXXVI. & Ptolomeus mentionem faciunt.

Colonia xxxvii. Venusia

Paterculus libro I. Sinuessam Minturnasque coloni missi. Post quadriennium Venusiam. Anno urbis CDLXIII. Liuius libro XXXI. P. Sulpicio Galba II. C. Aurelio Cotta cos Anno urbis DLIII. IIII Viri creati ad supplendū Venusinæ colonorum numerum, quod bello Hannibalis attenuatae uires eius coloniae essent, C. Terentius Varro, T. Quinctius Flamininus, P. Cornelius Cn. F. Scipio. Hi colonos Venusiam adscripserunt. Plinius libro III. Cap. XI. Dauniorum praeter supradictas colonia Venusia. De eadem Liuius libro XXVII

Colonia xxxviii. Sena

Florus ex Liuiio Coloniae deductae sunt Castrū, Sena, Hadria.

dria. Anno CD LXV. Hoc ego magis factū fuisse anno urbis CD LXXI. quo Senonibus a P. Dolabella ad internicionem caesis, hae in eorundem agris coloniae deductae sunt. Hanc autē in Senonum agro supero mari adiacente deductam fuisse sic ex Liuiο libro XXVII. intelligitur: C. Claudio Nerone, M. Liuiο Salinatore II cos. Colonos maritimos, qui sacra sanctā uacationem dicebantur habere, dare milites cogebant nullius obseruata. Ostiensis, Alstensis, Antias, Anxuras, Minturnēsis, Sinuessanus, & a supero mari Senensis. De colonia Senensi mentionem facit Tacitus libro XXI

Colonia. XXXIX. Hadria

Haec eodem anno quo Sena deducta colonia fuit auctore Liuiο, de qua idem etiam meminit libro XXVII

Colonia XL. Cossa, alias Consa

Paterculus libro I. Cossam & Paestum Fabio Dorfone, et Claudio Canina anno urbis CDXXCI. coloniae deductae. Florus ex Liuiο in epitoma libri XIII. coloniae deductae sunt Possidonia & Consa. Plinius libro III. cap. V. In regione VII. Etruriae ab eo tractu Umbria, portusq; Telamon, Cossa Volcientum a populo Romano deducta. Victi enim aliquot annis antea fuerant Volcientes, & Vulsinenses, a Ti. Cornelianio, de quibus etiam triumphauit. Liuius libro XXXIII. L. Furio Purpureone M. Claudio Marcello cos. Cossanis postulanti- bus ut sibi colonorum numerus augetetur, mille adscribi iussi, dum ne quis in eorum numero esset, qui post L. Cornelium, & Ti Sempronium cos. hostis fuisset. Plutarchus in T. Quinctio refert, eū adulescentē et Narniam et Cossam colonias deduxisse. Cossam Cicero in Verrem municipiū uocat. De eadem Liuius libro XXVII. Haec nostra aetate Orbetellum dicitur

Colonia. XLI. Paestus, alias Possidonia

Paestus

Paestus quae et Possidonia dicta est, eodem anno quo Cossa colonia deducta fuit, ut ex Velleio & Liuiio uidimus. De ea etiam ita scribit Liuius libro XXVII. Et ab altero mari Pontiani, Paestani, & Cossani. Strabo libro V. Picentes ex Hadria Romani colonos in Possidoniatem sinum deduxere, urbs Possidonia Paestus dicta est, in medio sinu collata ab Sybaritis, quos Lucani, Lucanos Romani expulere. Insalubris urbs ob amnem in paludes diffusum

Colonia. XLII. Ariminum

Florus ex Liuiio libro XV. Coloniae deductae Ariminum in Piceno, Beneuentum in Samnio. Paterculus libro I. P. Sempronio Sopho & Appio Caeci F. cos. anno CDXXXI. Ariminum & Beneuentum coloni missi. Strabo libro V. Ariminum umbrorum colonia, ut Rauenna, utraque Romanos habet inquilinos. Plinius libro III. cap. XV. Octaua regio determinatur Arimino, Pado, Apennino. In ora fluius Crustumium, Ariminum colonia, cum amnibus Arimino, & Aprusa. Fluius hinc Rubicon quondam finis Italiae. Eutropius libro II. P. Sempronio Sopho, & Ap. Claudio cos. Conditae a Romanis ciuitates Ariminum in Gallia, Beneuentum in Samnio. De eadem colonia Cicero pro Caecina, Liuius libros XXVII. & XXIX, & uetus hac inscriptio meminerunt

PATRONO. COL. AVG. ARIMIN

Colonia. XLIII. Beneuentum Concordia

Haec colonia eo anno quo Ariminum Liuiio, Velleio, & Eutropio auctoribus, deducta est. De qua sic scribit Frontinus in libro de coloniis. Beneuentum muro ducta colonia, Concordia dicta, deduxit Nero Claudius Caesar, iter populo non debetur, ager eius lege III. uirali ueteranis est adsignatus. Caudinum alias Caudium oppidum muro ductum iter populo

pulo debetur pedum L. A Caesare Augusto coloniae Beneuentanae cum territorio suo est adiudicatum. Ager eius ueteranis fuerat adsignatus, postea mensuratus limitibus, et censitus. Sex. Pompeius: Beneuentum (inquit) colonia quā deducere= tur, appellari coeptum est melioris ominis causa, namque eam urbem antea Graeci incolentes Maleuentum appellarūt. Et Plinius libro III. cap. XI. Cetera intus in secunda regione Hirpinorum: colonia una Beneuentum auspiciatius mutato nomine, quae quondam appellata Maleuentum. Polybius libro III. Hannibal Beneuentum coloniam diripuit. De eadem Liuius libris XXVII. & uetusta haec epigrammata meminerunt

IMP. CAESARI. AVGVSTO
ET. COLONIA I. BENEVENTANA I

Item

PATRONO. COLONIAE. BENEVENTANE

Colonia. XLIIII. Firmum

Hac eodem anno quo Castrum Velleio auctore initio primi belli Punici, deducta colonia est. De qua Liuius lib. XXVII. & uetus haec inscriptio meminerunt

T. APPATIO T. F. VEL. ALFINIO
PATRONO. COLONIAE.

Colonia XLV. Castrum Nouum

Florus ex Liuiio in epitoma libri XI. Coloniae deductae sunt Castrum, Sena, Hadria. Hoc autem factum est anno urbis CDLXV. Paterculus libro I. longe post deductam scribit: ait enim. Initio primi belli Punici Firmum & Castrum colonis occupata. Is annus urbis fuit CDXXCIX. Liuius libro XXXVI. Senatus decreuit uacationem rei naualis non esse

esse colonis maritimis. Ostia, Fregenae, Castrū nouum, Pyrgi. Vellei ut approbem sententiam potius quam Liuij facit, quod Tusci nondū uicti erant, ut in his coloniae adhuc deducerētur

Colonia XLVI. Aesernia

Velleius libro I. Initio primi belli Punici Firmum & Castrum colonis occupata, & post annum Aesernia. ergo anno urbis CDXCI. Florus ex Ltuio libro XVI. Colonia Aesernia deducta est. Frontinus de colonijs. Aesernia colonia deducta lege Iulia. Iter populo debetur pedum X. ager eius linitibus Augusteis est adsignatus. Florus in epitoma libri LXXII Aesernia, et Alba coloniae ab Italicis obsessae sunt. Idem libro LXXIII. Aesernia colonia cum M. Marcello in potestatem Samnitium uenit. De eadem Liuius libro XXVII

Colonia XLVII. Alsum

Paterculus libro I. post XXXII. annos Aesulū, & Alsum colonis occupata sunt. Liuius libro XXVII. Colonis maritimis uacatio obseruata non est. Ostiensis. Alstensis, Antias, Anxuras, Minturnensis, Sinuesanus, & Senensis

Colonia XLVIII. Aesulum

Haec auctore Velleio eodem anno quo Alsum colonia deducta est. fuit is annus urbis conditae DVII

Colonia XLIX. Fregenae

Florus ex Liuiio in epitoma libri XIX. Coloniae deductae sunt Fregenae, in agro Sallentino Brundisium. Paterculus libro I. Fregenas post biennium colonia deducta est. Liuius libro XXXVI. Senatus deuenit colonias maritimas uacationem rei naualis non habere Ostia, Fregenae, Castrum nouum, Pyrgi, & c.

Colonia L. Brundisium

Paterculus. Fregenae post biennium, proximoque anno Torquato Sempronioq; cos. Brundisium. Anno urbis DX.

Florus:

Florus : Colonidē deductae sunt Fregēnae, et in agro Sallentino Brundisium . De eadem Liuius libris XXVII . & XXIX

Colonia LI. Latina Spoletium

Florus in epitoma libri XX. Vmbriis uictis : Spoletium colonia deducta est. Paterculus libro I. Brundisium, et post triennium Spoletium coloniae deductae sunt. Quo anno Flor alium ludorum factum est initium . Liuius libro XXII . Hannibal interim recto itinere per umbriam, usque ad Spoletium uenit, inde repulsus, coniectans ex unius coloniae uiribus, quanta moles Romanae urbis esset . Et Cicero pro Balbo : Spoletinus T. Macrinus unus ex his, quos C. Marius ciuitate donasset dixit caussam ex colonia Latina, in primis firma & illustri . & paulo post, sed quum lege Appuleia coloniae non essent deductae, qua lege Saturninus C. Mario tulerat, ut in singulas colonias ternos ciues Romanos facere possit . De eadem Liuius libro XXVII. & haec inscriptio meminerunt

M. IVNIVS . M. F. HOR. FLAVOS
PATRONO. COL. L. D. D. D

Colonia LII. Vibo Valentia

Paterculus : Torquato, Sempronioque cos. Brundisium, & post triennium Spoletium, postq; biennium deducta Valentia . Anno urbis DXV. Liuius libro XXXV. de eiusdem coloniae restitutione (ut puto loquens) ita ait: L. Quinctio, Cn. Domitio cos. anno urbis DLXVII. Vibonem colonia deducta est ex S.C. plebisq; scito, tria millia et septingenti pedites ierunt CCC. equites, III. Viri deduxerunt eos Q. Naeuius, M. Minucius, M. Furius Crassipes, quina dena iugera agri data in singulos pedites sunt, duplex equitibus. Bruttiorum proxime fuerat ager, Bruttij ceperant de Graecis

Græcis. Strabo libro VI. Post Cosentiam Hipponium est Locorum aedificium, quod Brutijs eripuerunt Romani, & Vibonem Valentiam appellauerunt

Colonia LIII. Latina Placentia

Q. Asconius Pedianus in Pisonianam. In annalibus eorum qui Punicum bellum secundum scripserunt, tradi uideo Placentiam coloniam deductam prid. Kal. Ianuarij, Ti. Sempronio Longo, & P. Cornelio Scipione patre Africani cos. primo anno eius belli, Urbis DXXXVI. Sex millia hominum noui coloni deducti sunt, in quibus equites, deducendi fuit causa, ut opponeretur Gallis qui eam partem Italiae tenebant. Deduxerunt III. uiri P. Cornelius Asina, P. Papirius, Maso, & Cn. Pompeius, alias Cn. Cornelius Scipio. EAM QVE. COLONIAM. LIII. DEDUCTAM. ESSE. INVENIMVS. Deducta est autem LATINA. Florus libro XX. in epitoma: Coloniae deductae sunt in agro de Gallis capto Placentia, & Cremona. Paterculus libro I. Sub aduentu in Italiam Hannibalis Cremona atque Placentia deductae coloniae. Polybius libro III. Sic scribit: P. Scipione, Ti. Sempronio cos. Cremonam transpadum, & Placentiam citra Padum deduxere C. Lutatius uir consularis, alijsque duo praetorij III. Viri, quos Boij fugarunt, et Mutinam compulere, deducta sunt sex millia ciuium intra trigessimum diem adesse iussa. Plut. in Hannibale: Romani Placentiam Cremonaq; colonos deduxere. Plinius libro III. cap. xv. In octaua regione Italiae, coloniae Parma & Placentia. De eadem Liuius libro xxxi. & Tacitus libro xlix. mentionem faciunt. Hanc Cicero in Pisonem municipium, & Festus municipium sui iuris uocant

Colonia LIIII. Latina Cremona

Haec eodem anno quo Placentia Polybio, Liuius, Vellicio,

z

& Plus

& Plutarcho auctoribus deducta est. De qua sic scribit Cornelius Tacitus libro XIX. Hic exitus Cremonam habuit anno CCXXCVI. a primordio sui. Condita erat Ti. Sempronio, & Cornelio cos. ingruente in Italiam Hannibale, propugnaculum aduersus Gallos Transpadum agentes, & si qua alia uis per alpes irrueret. Igitur numero colonorum, oportunitate fluminum, ubere agri annexu, connubijsque gentium adoleuit, floruitque; bellis externis intacta, ciuilibus infelix. Liuius libro XXXI. Galli Placentiam inuaserant, & direpta vrbe traiecto Pado ad Cremonam diripiendam pergunt, uici nae vrbis audita clades, spacium colonis dedit ad claudendas portas. Duarum coloniarum alteram captam, alteram oppugnari. Idem libro XXXIII. Cremonensium, & Placentinorum colonorum turba, qui pileati sequebantur Cornelium Cethegum cōsulem triumphantem de Gallis Insubribus, & Coenomanensis. Et libro XXXVII. Cremona & Placentia colonis auētae. Plinius libro III. cap. XIX. In mediterraneo regionis X. Coloniae Cremona, Brixia Coenomanorū agro, venetorum Ateste. Ptolomeus libro III. C. I. Coenomanorum qui sub Venetia sunt, ciuitates Cremona colonia

Colonia LV. Puteoli ciuium Romanorum

Liuius libro XXXIII. P. Africano maiore II. & Ti. Sempronio cos. anno DLX. coloniae ciuium Romanorum deductae sunt Puteolos, Vulturnum, Linternum. Triceni homines in singulas. Paterculus libro I. Eodem temporum tractu quamquam apud quosdam ambigitur, Puteolos, Salernumque, atque Buxentum missi coloni. Rursum Liuius libro XXXIII. Puteolos, Salernumque, & Buxentum adscripti coloni; qui nomina dederant, quum ob id se pro ciuibus Romanis ferrent, senatus iudicauit, non esse eos ciues Romanos. Frontinus: Puteoli colonia Augusta, Augustus deduxit, iter

uno latere populo debetur P. XXX. Ager eius in iugeribus ueteranis, & tribunis legionarijs est adsignatus. Festus Puteolos unam ex his praefecturis aliquādo fuisse dicit, in quas praefecti populi Romani suffragijs creati mittebantur. Tacitus libro XIII. Vetus oppidum Puteoli ius coloniae, & cognomentum a Nerone adipiscitur. Strabo libro V. Puteoli Cumanorum emporium bello Hannibalis a Romanis incolis auctū, nomen accepit a puteis uel a putore, antea Dycearchia dicebatur. Huius coloniae haec uetusta epigrammata meminerūt

AB. COLONIA. DEDVCTA. ANNO. XC
N. FVFDIO. N. F. M. PVLLIO. DVO. VIR
P. RVTILIO. CN. MALLIO. COS
O P E R V M. L E X. II

item

AEDIL. COLON. PVTEOLANORVM

item

DEO. MAGNO. GENIO. COLONIAE
PVTEOLANORVM

Colonia LVI. Salernum ciuium Romanorum

Liuius libro XXXIII. P. Cornelio Scipione Africano II. Ti. Sempronio Longo cos. anno DLX. Coloniae ciuium Romanorum deductae sunt Puteolos, Vulturnum, Linternum triceni homines in singulas. Item Salernum, Buxentumque coloniae ciuium Romanorum deductae sunt, deduxere III. viri Ti. Sempronius Longus, qui tum cos. erat, M. Seruilius C. Minucius Thermus, ager diuisus est, qui Campanorum fuerat. Eadem Paterculus libro I. Strabo libro V. Romani Salernum custodiae gratia munierunt. De ea & Appianus libro I. bellorum ciuiliū

Colonia LVII. Buxentum C. R

Eodem anno quo Puteolos Salernumque, & Buxentum colonia deducta, ut Liuius, & Paterculus tradunt. De eadem Liuius libro XXXIX. Sp. Postumio Albino, Q. Marcio Philippo cos. anno urbis DLXVIII. Triumuiro ad colonos scribendos Sypontum mari supero, Buxentum infero desertas colonias ab T. Maenio Pr. urbis creati sunt L. Scribonius, M. Tuccius, Cn. Baebius Tamphilus

Colonia LVIII. Vulturnum C. R

Haec cum tribus superscriptis colonia deducta est. De qua Frontinus sic scribit: Vulturnum muro ducta colonia, iussu imp. Caesaris est deducta, iter populo debetur pedum XX. ager eius in nominibus uillarum, & possessorum est adsignatus. Varro libro III. de lingua Latina. Nam & colonia nostra Vulturnum, & deus Tiberinus. Haec colonia inter eas praefecturas a Festo refertur, in quas praefecti a populo Romano creati mittebantur

Colonia LIX. Linternum C. R

Et haec cum Vulturno & tribus reliquis, eodem anno colonia facta. De qua ita scribit Frontinus: Linternum muro ductum, colonia ab Augusto deducta, iter populo debetur P. CXX. Ager eius in iugeribus ueteranis est adsignatus. Haec eodem iure praefectura aliquando fuisse a Festo refertur, quo Vulturnum

Colonia LX. Sipontum C. R

Liuius libro XXCIII. Scipione Africano II. & Sempronio Longo cos. Sipontum, in agrum qui Hirpinorum fuerat, coloniam ciuium Romanorum III. viri D. Iunius Brutus, M. Baebius Tamphilus, & M. Heluius deduxerunt. Haec eodem Liuii auctore, deserta colonia cum Buxento restituta est

Colonia

Colonia LXI. Tempſa C. R

Liuius : Eodem anno quo Sipontum : Tempſam, item Crotonem ciuium Romanorum coloniae deductae ſunt . Tempſanus ager de Bruttijſ captus erat . Bruttij Graecos expulerant . Tempſam L. Cornelius Merula, & C. Saloniſ de-
duxerunt

Colonia LXII. Croton C. R

Liuius libro XXXIII. Africano II. & Longo cos. anno DLX. Tempſam & Crotonem ciuium Romanorum coloniae deductae . Crotonem Graeci habebant III. viri CN. Octauius, L. Aemilius Paullus, C. Plaetorius Crotonem deduxerunt

Colonia LXIII. Pyrgi

Haec eodem anno colonia deducta eſt quo ſuperiores , de qua ſic ſcribit libro XXXVI. *Liuius* : P. Scipione Naſica Ny. Acilio Glabrone cos. ſenatus decreuit colonias maritimas uacationem rei naualis non habere . Oſtia, Fregenae, Caſtrum nouum, Pyrgi, Antium, Tarracinae, Minturnae, Sinueſſaque

Colonia LXIII. Latina Bononia

Liuius libro XXXVII. M. Fuluiſ Nobiliore, & CN. Manlio Vulſone cos. anno DLXV. Ante diem III. Kal. Ianuarias, Bononiam Latina colonia, ex S. C. L. Valerius Flaccus, M. Atilius Serranus, L. Valerius Tappo III. viri deduxerunt . Tria millia hominum ſunt deducta, equitibus ſextuagena iugera, ceteris colonis quinquagena ſunt data. Ager captus de Gallis Boijs fuerat, Galli Tuſcos expulerāt . Paterculus libro I. CN. Manlio Vulſone, M. Fuluiſ Nobiliore cos. Bononia deducta colonia. Feſtus Bononiam municipium ſui iuris appellat. Plinius libro III. cap. XV. In regione VIII. quae determinatur Arimino, Pado, Apennino intus

coloniae Bononia Felsina uocitata, quum princeps Etruriae esset, Brixillum, Mutina, Parma, Placentia; Pomponius Mela libro II. cap. II. Urbium quae procul a mari habitantur opulentissimae sunt, ad sinistram Patauium Antenoris, Mutina, & Bononia Romanae coloniae

Colonia LXV. Pisaurum

Liuius libro XXXIX. P. Claudio Pulchro, L. Porcio Licino cos. anno DLXX. coloniae duae Pollentia in Picenum, Pisaurum in Gallicum agrum deductae sunt, sena iugera in singulos data, diuiserunt agros colonosque deduxerunt iidem III. viri Q. Fabius Labeo, M. & Q. Fuluij Flaccus, & Nobilior. Paterculus libro I. Quadriennium post Bononiam Pisaurum ac potentia coloniae deductae. Plutarchus in Antonio. Prodigia ante bellum Actiacum fuere. Pisaurum urbem non longe ab Hadria, in qua Antonius colonos deduxerat, hiatus terrae absortum periisse

Colonia LXVI. Potentia alias Pollentia

Haec eodem anno cum Pisauo colonia deducta est, ut Liuius & Velleius tradunt

Colonia LXVII. Mutina C. R

Liuius libro XXXIX. Q. Fabio Labeone, M. Claudio Marcello cos. anno DLXXI. Mutina & Parma coloniae Romanorum ciuium sunt deductae. Bina millia hominum in agro, qui proxime Botorum, ante Tuscorum fuerat. Octogena iugera Parmae, quina Mutinae acceperunt. Deduxerunt III. viri M. Aemilius Lepidus, T. Aebutius Carus, L. Quinctius Crispinus. De hac colonia Polybius libro III. Cicero Philippica VII. Plinius libro III. cap. XV. & Pomponius Mela libro II. cap. II. mentionem faciunt

Colonia LXVIII. Parma C. R

Haec eodem anno quo Mutina colonia facta est, ut paulo ante

ante uidimus

Colonia LXIX. Saturnia C. R

Liuius libro XXXIX. Q. Labeone, & M. Marcello
cos. Saturnia colonia ciuium Romanorum in agrum Caletra-
num est deducta, deduxerunt III. viri Q. Fabius Labeo, C.
Afranius Stellio, Ti. Sempronius Gracchus. Ptolomeus li-
bro III. cap. I. Tuscorum mediterraneae Saturnia colonia.
Hanc coloniã inter eas praefecturas Festus enumerat, in quas
praefecti quotannis a praetore vrbis mitti solebant

Colonia LXX. Latina Aquileia

Liuius libro XXXIX. Q. Labeone & M. Marcello
cos. illud agitabant in senatu, uti colonia Aquileia deducere-
tur, nec satis constabat, utrum Latinam an ciuium Romano-
rum deduci placeret. Postremo Latinam potius coloniam de-
ducendam patres censuerunt III. viri creati sunt P. Scipio
Nasica. C. Flaminius, L. Manlius Acidinus. Et libro XL.
P. Cornelio Cethego, M. Baebio Tamphilo cos. anno vrbis
DLXXIII. Aquileia colonia Latina in agro Gallorum est
deducta, Tria millia peditum quinquagena iugera, Centurio-
nes centena, centena quadragena equites acceperunt. III. viri
deduxerunt, qui supra. Velleius; Interiectoque triennio Aqi-
leia, & Grauiscae. Plinius libro III. cap. XVIII. In X. re-
gione Italiae Venetia Natiso cum Turro praefluentes Aquile-
iam coloniam, XII. milla passuum a mari sitam, Carnorum
haec regio. Strabo libro V. & Ptolemeus libro III. cap. I. eius
coloniae meminerunt

Colonia LXXI. Grauiscae

Liuius libro XL. P. Cornelio Cethego, M. Baebio Tama-
philo cos. Colonia Grauiscae deducta est in agrum Etruscum
de Tarquinienfibus quondam captum, quina iugera agri da-
ta III. viri deduxerunt C. Calpurnius Piso, P. Claudius Pul-

cher, & C. Terentius Ister. Eiusdem meminit Velleius, & Frontinus sic: Colonia Grauisca ab Augusto deduci iussa est, nam ager in absoluto tenebatur, postea imperator Ti. Caesar iugerationis modum seruandi caussa lapidibus immensis reip. loca adsignauit

Colonia LXXII. Latina Pisae

Liuius libro XL. A. Postumio Albino, C. Calpurnio Pisone cos. anno DLXXIII. Pisanis agrum pollicentibus quo Latina colonia deduceretur, gratiae ab senatu actae III. viri creati ad eam rem Q. Fabius Buteo, M. & P. Popillij Laenates. Ptolemeus libro III. eius coloniae meminit. Festus Pisae municipium sui iuris fuisse scribit

Colonia LXXIII. Luca C. R

Liuius libro XLI. C. Claudio Pulchro, Ti. Sempronio Graccho cos. anno vrbis DLXXVII. Lucam colonia, ∞ ∞ ciuium Romanorum sunt deducta. III. viri deduxerunt P. Aelius, L. Aegilius, Cn. Sicinius. Quinquagena & singula iugera & semisses agri in singulos dati sunt. De Ligure captus is ager erat. Etruscorum antequam Ligurum fuerat. Paterculus. Et post quadriennium Luca colonia deducta. Plinius libro III. cap. V. In regione VII. Primum Etruriae oppidum Luna portu nobile, colonia Luca a mari recedens, quam Festus municipium sui iuris uocat

Colonia LXXIII. Auximum

Paterculus libro I. Auximum missi coloni in Picenum ante triennium, quam Cassius censor a Lupercali in Palatium uersus Theatrum facere instituit, cui in demoliendo eximia ciuitatis seueritas, & cos. Caepio restitere. Fuit is annus vrbis DXCVII. Sex. Iulio Caesare, L. Aurelio Oreste cos. Huius coloniae multae antiquae inscriptiones meminere sic

ROMANVM
III. VIR. IN. COL. AVXIM'. BIS

729

Item

M. OPPIO . CAPITONI
PATRONO. COL. AVXIM

Colonia LXXV. Fabrateria

Paterculus libro I. Cassio Longino & Sextio Caluino
cos. anno vrbis DCXXX. Fabrateria colonia deducta est.
Frontinus de Colonijs: Fabrateria muro ducta. Iter populo
non debetur. Ager eius iure ordinario est diuisus

Colonia LXXVI. Scylacium

Paterculus libro I. Cassio Longino & Sextio Caluino cos.
anno DCXXX. Fabrateria deducta colonia est. Et post annũ
Scylacium, Mineruium, Traentum, Neptunia, Carthagoq; in
Africa prima extra Italiam colonia condita est. De Dertona
ambigitur

Colonia LXXVII. Mineruium

Eodem anno quo Scylacium auctore Velleio deducta colo-
nia anno vrbis DCXXXI Q. Caccilio Metello Balearico,
T. Quinctio Flaminino cos

Colonia LXXIII. Tarentum

Et haec cum Scylacio, & Mineruio colonia ut tradit Vel-
leius deducta est. De qua Plutarchus in Gracchis ita scribit
C. Gracchus tribunus plebis legem promulgauit ut Tarentũ,
& Capua coloniae deducerentur Drusus uero eius collega ut
XII. fierent, quod senatus probauit. Tacitus libro III. Ne-
rone III. & Cosso Cornelio cos. Veterani Tarentum, &
Antium adscripti. Non enim ut olim uniuersae legiones dedu-
cebantur cum tribunis & centurionibus, & suis cuiusque
ordinis militibus. Strabo libro VI. Tarentum (inquit)
Romanorum colonia

Colonia

Colonia LXXIX. Neptunia

Cum Scylacio, Mineruio, & Tarento colonia, auctore Velleio deducta anno vrbis DCXXXI

Colonia. LXXX. Iulia Dertona

Et haec circa haec tempora ut tradit Paterculus, colonia facta est; de qua Plinius libro III. cap. V. Ab altero Apennini latere ad Padum amnem Italiae ditissimum omnia nobis libus oppidis nitent. Liburna, Dertona colonia, Iria. Haec regio ex descriptione Augusti IX. est. Vetus lapis

ORIVNDO EX. ITALIA. IVL. DERTONA

Colonia LXXXI. Nola

Anno vrbis DCXXXI. Q. Balearico & T. Quintio Flaminio cos. quo C. Gracchus primum tribunatum gessit, XII. ut ait Plutarchus uel X. ut Appianus, lege Drusi tribuni plebis coloniae factae, in quarum singulas tria millia ciuium deducta, quibus deducendis ipse praesse noluit sed alios praefecit. Adiecit Florus ex Liuiio in epitoma libri LX. C. Gracchus tribunus plebis continuato in alterum annum tribunatu, legibus agrarijs latis effecit, ut complures coloniae in Italia deducerentur, & una in solo dirutae Carthaginis, quo idē ipse III. vir creatus coloniā deduxit. Idē refert Appianus libro I. bellorum ciuiliū. Quae autem fuerint ab auctoribus non produntur. Ego has fuisse opinor Scylacium, Mineruium, Tarentum, Neptuniam, Dertonam, quas Velleius scribit hoc anno deductas fuisse; item Nola, Ariciam, Lauinium, Abellinum, Ferentinum, Tarquinius, & extra Italiam Carthaginem. Nam has omnes urbes paulo post colonias fuisse legimus, nec quando deductae fuerint apparet. Quae quā ante haec tempora factae non sint, reliquum est ut eas hoc anno legibus Sempronia, et Liuiā deductas dicamus, quarū una fuit Nola. De qua scribit ex Liuiio Florus in epitoma libri LX.

III. L. Caesar consul male aduersus Samnites pugnavit. Nola colonia in potestatem Samnitium cum L. Postummio prouenit, qui interemptus est. Festus: Nola municipium sui iuris fuisse tradit. Frontinus de coloniis: Nola muro ducta colonia Augusta, Vespasianus Augustus deduxit, iter populo debetur P. CXX. ager eius militibus Sullanis fuerat adsignatus, postea intercisiuis mensuris colonis ut familiae est adsignatus. Plinius libro III. cap. v. Regio ea a Tiberi prima Italiae seruatur ex descriptione Augusti: intus coloniae Capua, Aquinũ, Sueſſa, Venafrum, Sora, Theanũ, Nola. Antiquu lapis

T. TETTIENVS. T. F. FELIX

PATRON. COL. NOLANAE

Item

L. SICINIO. L. F. SER. VALENTI
PATRONO. MVNICIPI. CVRAT
REIP. NOLANORVM. S. P. Q. NOLANVS
D. P.

Colonia XXCII. Aricia C. R

Florus ex Liuiο in epitoma libri xxx. Marius Antium, Ariciam, Lauinium colonias deuastauit. Aricia autem ex antiquo municipio colonia facta fuerat

Colonia XXCIII. Lauinium

Haec (ut puto) una ex XII. colonijs hoc anno deductis fuit, de qua bello Marſico meminit ex Liuiο Florus libro xxx

Colonia XXCIII. Abellinum

Abellinum (inquit Frontinus) muro ducta colonia lege Sempronia. Iter populo non debetur, ager eius ueteranis est adsignatus. Velleius libro II. de C. Sempronio Graccho loquẽs; C. Gracchus tribunatum ingressus longe maiora & acriora repetens, dabat ciuitatem omnibus Italis, extendebat eam paene usque ad alpes, diuidebat agros, uetabat quemquam ciuem plus

plus quingentis iugeribus habere, noua constituebat portoria, nouis colonijs replebat prouincias, iudicia a senatu transferebat ad equites, frumentum dare instituerat. Ex quibus uerbis intelligo Abellinum & reliquas colonias quas Frontinus lege Sempronia deductas scribit, ex his XII. fuisse, quae hoc anno ab ipso, et Druso tribunis plebis deductae sunt

Colonia XXCV. Ferentinum

Frontinus in libro de colonijs: Ferētinenſis colonia lege Sēpronia est adſignata, ſed quod ante limitibus centuriatis fuerat adſignata, poſtea deſiciētibus veteranis iuxta fidē poſſeſſionis eſt recēſita, numeris uncialibus termini ſunt conſtituti. Liuius libro XXXIII. Nouum ius eo anno a Frentinatibus tentatum, ut Latini qui in coloniā Romanā nomina dediffent ciues Romani eſſent. Sed hic de populis loquitur non de hac colonia

Colonia XXCVI. Tarquinij

Tarquinij colonia lege Sempronia eſt adſignata, cuius agri menſurā in trigono, varijs locis eſt contecta. Ita Frontinus de colonijs. Hāc coloniā Cicero pro Caecina municipiū appellat

Colonia XXCVII. Eporedia

Paterculus libro I. Narbo Marcius in Gallia M. Porcio, & Q. Marcio cos. anno vrbis DCXXXVI. deducta colonia eſt. Poſt tres et uiginti annos in Baciēnis Eporedia Mario VI. Valerioq; Flacco cos. anno vrbis DCLIII. Neq. facile memoriae mandauerim, quae niſi militaris colonia poſt hoc tēpus deducta ſit. Plinius libro III. cap. XVII. In regione XI. Trāſpadana Auguſta Praetoria iuxta geminas Alpium fauces Graſas at Poeninas, his Poenos, Graijs Herculē tranſiſſe memorant. Oppidū Eporedia ſibyllinis libris a populo Romano cōdi uſſū. Eporedicas Galli bonorū equorū domitores uocāt

Colonia XXCVIII. Alba Pompeia

Anno ab vrbe condita DCLXIII. L. Iulio Caefare, P. Rutii

Rutilio cos. qui primus belli Marisci fuit, quum lege Iulia Latinis, Tuscis, et vmbri primū ipso anno, deinde anno sequenti Cn. Pompeio Strabone, & L. Porcio Catone cos. Gallis cispadanis ciuitas data fuisset, Trāspadani indignati eorū rationem in iure ciuitatis Romanae habitam non fuisse, tumultuari coeperunt. Quibus tumultibus sedandis a senatu cura data est Pōpeio consuli. Is Gallis quidē cispadanis ciuitate donata, ut Trāspadanos quietaret, eos iure Latij honorauit, aliquotq; tam citra, quā ultra Padum colonias deduxit. Citra Padum quidem colonias Romanas, ultra uero Latinas eas fecit. In his quae cis Padum fuerunt, Alba Pompeia ut opinor colonia fuit ab ipso uocata, ut Laus Pompeia uls Padum. Neq; enim ullus praeter ea Pompeius in hisce regionibus quid gessisse legitur. An colonias uero cis Padum deduxerit ut uerissimile, ita obscurum est.

Colonia XXCIX. Augusta Verona

Pedianus in Pisonianā ita scribit, ubi de Placētia loquitur: Neq; illud dici potest sic eam coloniā esse deductā, quēadmodū post plures aetates Cn. Pōpeius Strabo pater Cn. Pompeij magni Transpadanas colonias deduxerat. Pōpeius enim nō nouis colonis eas cōstituit, sed ueteribus incolis manētibus ius dedit Latij, ut possēt habere ius, quod ceterae Latinae coloniae, idest ut gerēdi magistratus gratia, ciuitatē Romanā adipiscerētur. Porro duo genera earū coloniarū quae a populo Romano deductae sunt, fuerunt* itaq; aliae Latinorū essent* de se aut etc. Hic locus mutilus est ut apparet, quē ego sic restituerē: ut aliae ciuiū Romanorū, aliae Latinorū essent. Ex his Pediani uerbis illud, quod dixi, colligimus, deductis aliquot coloniis, ipsum Transpadanis ius Latij ciuitati Romanae proximū dedisse, postquam ciuitas reliquis Italicis populis (quos enumeravi) data esset a superioribus consulibus Iulio, & Rutilio. Porro autem inter Transpadanas Latinas colonias a Pompeio dedu-

Etas fuisse opinor (nullus enim de his aperte quod sciam scri-
 ptor tradit) Veronā & Ateste Venetorum, Brixia, & Coe-
 num Coenomanorum, Laudē Pompei Insubrum. Nam Ve-
 neti, quamquam eos nunquam legamus a Romanis uictos, uel
 subactos, aut triumphatos, ex quo enim in amicitiam & foe-
 dus Romanum, bello Gallico Cisalpino auctore Strabone, ue-
 nerunt, diu in populi Rom. amicitia libere egere, postea ta-
 men in consuetudinem parendi Romanis clementer prouocan-
 tibus, & ipsi uenerunt, omnibus praesertim circum finitimis
 nationibus, & gentibus, ut Insubribus, Coenomanis, Carnis,
 Iapudibus, Istris, & Boijs multis proelijs bello superatis, ac
 in ditionem populi Romani redactis. De his colonijs transpa-
 danis meminit Tranquillus in Caesare, ubi eas colonias Lati-
 nas uocat sic: Decedens ergo ante tempus colonias Latinas
 de petenda ciuitate agitantes adiit. Et ad audendum aliquid
 concitasset, nisi consules conscriptas in Ciliciam legiones pau-
 lister ob id ipsum retinuisent. Veronam uero unam ex his co-
 lonis Latinis Trāspadanis a Pompeio Strabone deductis fuisse
 se refert incertus auctor in Panegyrico ad Constantinum Im-
 peratorem sic: Pugnacissimo praefecto; ut quam coloniam
 Cn. Pompeius aliquando deduxerat, Pompeianus euerteret,
 o miserabilem Veronensem calamitatem. & &c. Tacitus
 libro XIX. Quaestum inde quae sedes bello legeretur, Ve-
 rona potior uisa patentibus circum campis ad pugnam eque-
 stre, qua preualebant, simul coloniam copijs ualidam au-
 ferre Vitellio in rem famamque uidebatur. Antiqua haec
 inscriptio Veronae eam coloniam Augustam uocat ita
 COLONIA AVGVSTA. VERONA, NOVA. GAL-
 LIENIANA. VALERIANO. II. ET. LVCILLO
 COSS. MVRI. VERONENSIVM. FABRICATI
 EX. DIE. III. NONARVM. APRILIVM. DEDI-
 CATI

CATI. PRID. NON. DECEMBRIS. IVBENTE
 SANCTISSIMO. GALLIENO. AVGVSTO. N. IN-
 SISTENTE. AVRELIO. MARCELLINO. V. P
 DVC. DVC. CVRANTE IVLIO. MARCELLINO
 Deducta igitur fuit Latina colonia Verona cū reliquis Trāspa-
 danis Cn. Pōpeio Strabone, et M. Porcio Catone cos. anno vr-
 bis conditae DCLXV. Cui postea, et reliquis colonijs Trāspa-
 danis C. Caesar dictator creatus ciuitatem Romanam dona-
 uit. Non piguit autem in patriae discriptione diutius im-
 morari

Colonia XC. Ateste Venetorum

Haec proculdubio una ex Trāspadanis colonijs fuit a Cn.
 Pompeio cum Verona & reliquis deducta, de qua scribit Pli-
 nius libro III. cap. XIX. In mediterraneo regionis X. Co-
 loniae Cremona, Brixia Coenomanorum agro, Venetorum
 autem Ateste

Colonia XCI. Brixia Coenomanorum

Haec & ipsa ab eodem Cn. Pompeio Strabone Latina co-
 lonia deducta est, atque postea cum reliquis colonijs Transpa-
 danis a C. Caesare dictatore ciuitate donata. De cuius magi-
 stratibus Questore, Aedili, IIII. viris uiri dicundo, IIII.
 viris quinquennialibus, VI. viris augustalibus multa mentio
 est in antiquis eius vrbis epigrammatibus, haud multo tem-
 pore ante effossis

Colonia XCII. Comum alias Nouocomum

Strabo libro V. Comum mediocris colonia erat, sed Pom-
 peius Strabo Magni pater colonos restituit; eā Rhēti uastaue-
 rant. C. Scipio tria millia hominum addidit, Caesar quinque
 millia, ex quibus quingenti Graeci ciuitate donati. Hi Nouum
 Comum uocauere. Appianus libro II. Bellorum ciuiliū
 Caesar Nouumcomum condidit in Alpibus, & qui illic magi-
 stratum

stratum gessissent ciues Romanos esse uoluit

Colonia XCIII. Laus Pompeia

Huius coloniae, quamquam nullus quod sciam uetustus auctor mentionem faciat, proculdubio tamen a Cn. Strabone Latina colonia et ipsa transpadum deducta est, a quo et cognomen accepit

Colonia XCIV. Arretium

Haec colonia ante Ciceronis tempora, et forte a Sulla militaris deducta fuit, de qua idem Cicero pro L. Muraena sic scribit: Catilinam circumfluente colonorum Arretinorum et Fesulanorum exercitu alacrem incedere. L. Florus libro LXXVII. L. Sulla ciuitatis statum ordinauit: exinde colonias deduxit. Frontinus: Arretium muro ducta colonia lege III. virali iter populo non debetur, ager eius limitibus est adsignatus. Et alibi. Colonia Arretina lege Augusta censita limitibus Gracchanis, qui recturas maritimas et montanas spectabant, postea per cardines decimano et duodecimano est adsignata, et numerus centuriarum manet. etc. Haec colonia in ueteri inscriptione municipium dicitur sic

L. AVSIMVS. L. F. PVB. FARRIANVS
C. C. MVNICIP. ARRETIN

Colonia XCV. Fesulae

Et haec ut existimo a L. Sulla dictatore colonia deducta est, de qua Cicero pro Muraena meminit. Quandoquidem ex Liuiio Florus eum in consulatu colonias deduxisse scribit

Colonia XCVI. Bouilla

Bouilla lege Sullana est circumdatum, iter populo non debetur, agrum eius ex occupatione milites ueterani tenuerunt in sortem. Frontinus. Hanc Cicero Philippica II. appellat municipium

Colonia

Oppidum muro ductum, lege Sullana est deducta, iter populo non debetur, ager eius ueteranis militibus Sullanis in iugeribus est adsignatus. Frontinus. Haec uetus praefectura, et municipium sine suffragij iure fuit

Colonia XCII. Pompei

De hac colonia Cicero pro Sulla sic mentionem facit: Disiunxit Pompeianos a colonis, ut hoc dissidio ac discensione facta, oppidum in sua potestate esset, & Pompeianos haberet quum ab hoc illa colonia deducta sit, & quum commoda colonorum a fortunis Pompeianorum P. R. fortuna diuiserit, ita carus utrisque est. Has autem quinque colonias a Sulla deductas fuisse opinor, quod is multas colonias militares fecisse tradatur, atque hae ante Ciceronis aetatem iam coloniae factae fuerint. Florus libro LXXVII. L. Sulla cos. colonias deduxit. Et libro XXXIX: Sulla Nolam in Samnio recepit. XLVII. legiones in agros captos deduxit, et eos ijs diuisit. Multisque municipijs, ut tradit Cicero pro Caecina, ciuitatem ademit

Colonia XCIIIX. Capua Iulia Felix

Paterculus: Caesar in consulatu (is eum gessit anno urbis DCXCV. cum M. Bibulo) legem tulit, ut ager Campanus plebei diuideretur, suatore legis Pompeio. Ita circiter XX. milia ciuium eo deducta, & ius his restitutum post annos circiter CLII. quam bello Punico a Romanis Capua in formam praefecturae redacta erat. Frontinus de colonijs. Capua muro ducta colonia Iulia Felix iussu Imp. Caesaris a XX. uiris est deducta. Iter populo debetur P. C. Ager eius lege Sullana fuerat adsignatus, postea Caesar Augustus in iugeribus militi pro merito diuidi iussit. Calatia oppidum muro ducta, iter populo debetur P. LX. Coloniae Capuensium cum territorio suo

a Sulla Felice adiudicata olim ob hostium pugnam. Cicero in Rullum II. Neque te P. Rulle omina illa M. Bruti atque auspicia a simili furore deterrent; nam et ipse qui deduxit, & qui magistratum Capuae ceperunt, & qui aliquam partem illius deductionis, honoris, muneris attigerunt, omnes acerbissimas impiorum poenas pertulerunt: idē. Quū uenissem Capuam coloniam deductam L. Considio, & Sex. Saltio, quem admodum ipsi loquebantur, praetoribus, nam quum ceteris in coloniis duumviri appellentur, hi se praetores appellari uolebant. Et paulo post: Huc isti decemviri quum numerum colonorum ex lege Rulli deduxerunt, centum decuriones, decem augures, sex pontifices constituerunt: quos illorum animos, quos impetus, quam ferociam esse putatis? Idem Philippica II. Consuluiſti me per litteras de Capua tu quidem, sed idem de Caſilino reſpondiſſem, poſſes ne ubi colonia eſſet, eò coloniam nouam inde ducere? negaui in ea coloniam quae eſſet auſpicato deductam, dum eſſet incolumis, coloniam nouam iure deduci, colonos nouos adſcribi poſſe reſcripſi. Plinius libro III. cap. v. Regio ea a Tiberi prima Italiae ſeruatur ex deſcriptione Auguſti. Intus coloniae Capua, a Capi dicta, Aquinum, & cet

Colonia Bouianum Vetus

Et haec a Caesare ut puto iam dictatore, deducta est (nullus enim deinceps ita in eis digerendis temporis ordo accuratus seruari poterit) De qua sic scribit Frontinus: Bouianum oppidum lege Iulia milites deduxerunt sine colonis, iter populo amplius non debetur quam P. x. Ager eius per centurias & scamna est adsignatus. Plinius libro III. cap. XII. In regione IIII. Italiae Samnitium, quos Sabellos & Graeci Saunitas dixere, colonia Bouianum uetus, & alterum cognomine Vndecumanorum

Colonia Veij

Veij colonia priusquam oppugnaretur. Ager eius militibus est assignatus ex lege Iulia. Postea deficientibus his ad urbanam ciuitatem adsociandos censuerat diuus Augustus, nam uarijs temporibus, & a diuis Imperatoribus agri sunt assignati. Frontinus in libro de colonijs

Colonia Aufidena

Aufidena muro ducta colonia iter populo debetur P. X. milites eam lege Iulia sine colonis deduxerunt

Colonia Casilinum

Cicero Philippica II. in M. Antonium. Deduxisti coloniam Casilinum, quod Caesar ante deduxerat, omni auspicio- rum iure turbato, Casilinum coloniam deduxisti, quo erat paucis annis ante deducta, ut uexillum uideres, & aratrum circumduceres, cuius quidē nomine portam Capuae paene perstrinxisti, ut florentis coloniae territorium minueretur. Haec auctore Festo uetus praefectura fuit

Colonia Calatia

Et haec a C. Caesare deducta fuit, ut ex his Velleij uerbis intelligitur libro II. ubi de Augusto loquitur sic: Primumq; a Calatia mox, Casilino ueteranos exciuit paternos, quorum exemplum sequuti alij breui in formam iusti coiere exercitus

Colonia Lanuuium

Lanuuium colonia ex municipio uetere facta est a C. Caesare dictatore, ut tradit Frontinus sic: Lanuuium muro ductum, colonia deducta a diuo Iulio. Ager eius in limitibus Augusteis pro parte est assignatus militibus ueteranis, & pro parte uirginum Vestalium lege Augustana fuit assignatus. Sed postea Imp. Hadrianus colonis suis agrum assignari iussit

Colonia Forum Iuli

Haec ut existimo a Caesare etiam deducta fuit, quod nomen ipsum declarat, de qua Ptolomeus libro III. cap. I. sic meminit; Carnorum mediterraneae coloniae, Forum Iulij, & cet

Colonia Iulia Hispella

Hanc quoque a Caesare deductam nomen ipsum indicat. Cuius uetus haec inscriptio meminit

C. ALFIVS. C. F. LEM . RVFVS

II. VIR. QVIN. COL. IVL. HISPELL

Haec etiam municipium dicitur, ut hic

GENIO. MVNICIPI. HISPEL. SACR

Colonia Pola, alias Pietas Iulia

Et hanc ex nomine a Caesare deductam opinor: de qua scribit Plinius libro tertio, cap. XIX. In decima regione oppida Istriae ciuium Romanorum Aegida, Parentium, colonia Pola, quae nunc Pietas Iulia, quondam a Colchis condita, abest a Tergeste centum millia passuum, mox oppidum Nesaei. Hae autem sunt omnes coloniae militares, quas à Caesare dictatore deductas, uel inuenerim, uel coniectura consequi potuerim

Colonia Aquinum

Nunc eas colonias adijciam, quas a triumuiris R. P. C. Lepido, Antonio, & Caesare deductas fuisse inuenerim. Quarum prima ordine alphabetico est Aquinum, de qua ita scribit Frontinus: Aquinum muro ducta Colonia, lege triumuirali deducta, iter populo debetur p. XXC. Ager eius perennis militibus est assignatus. Plinius libro tertio, cap. quinto. In regione prima Italiae coloniae Capua, Aquinum, Sueffa, &c. Tacitus libro decumoseptimo. Sub Othone: Sepostus per eos dies Cornelius Dolabella in coloniam Aquinatem. Haec colonia municipium uocatur a Cicerone in oratione pro Plancio. Nā

ante

ante coloniam a triumviris deductam, municipium lege (ut opinor) Iulia factum fuerat

Colonia Iunonia Falisca Etruscorum

Frontinus: Colonia Iunonia, quae appellatur Falisca a triumviris est adsignata, & modus iugerationis est datus, in qua limites intercisivi sunt, directi lege agraria. Plinius libro III. cap. v. in regione VII. Tuscia, intus coloniae Falisca Argis orta, ut auctor est Cato, quae cognominatur Etruscorum, Lucus Feroniae, & cet.

Colonia Florentia

Frontinus. Florentina colonia deducta a triumviris, adsignata lege Iulia centurijs Caesariana iugera CC. per cardines, & decumanos. Huius coloniae meminit Tacitus

Colonia Foedaturae

Colonia Foedaturae, ea lege qua ager Florentinus, in centurijs singulis iugera CC. termini lapidei, alij sextales, alij molares. Frontinus

Colonia Formiae

Frontinus: Formias oppidum triumviri sine colonis dederunt. Iter populo non debetur. Ager eius in absoluto resedit, pro parte in lacineis est adsignatus. Finitur terminis siliceis, & Tiburtinis. Haec ante vetus municipium, & praefectura fuit

Colonia Telesia

Telesia muro ducta colonia, a triumviris deducta. Iter populo debetur P. triginta. Ager eius limitibus Augusteis in nominibus est adsignatus. Frontinus

Colonia Tuder Fida

Tuder Fida colonia ea lege, qua & ager Florentinus in centurijs singulis iugera CC. Termini lapidei, alias saxei, alias molares. Frontinus. Et vetus lapis

I M P E R I V M
P R O . S A L V T E . C O L O N I A E
E T . O R D I N I S . D E C V R I O N V M
E T . P O P V L I . T V D E R T I S

Colonia Venafrum

Frontinus : Venafrum (inquit) oppidum triumviri deduxerunt sine colonis, iter populo debetur p. x x. Ager eius in lacineis limitibus intercessiuis est adsignatus, sed summa montium iure templi deae ab Augusto sunt concessa. *Plinius* libro III. cap. v. In regione prima Italiae, intus coloniae, Capua, Aquinum, Sueffa, Venafrum, Sora, &c. Venafrum uero una ex his antiquis praefecturis a Festo fuisse refertur, in quas praefectos quotannis praetor mittere solebat

Colonia Volaterrae

Volaterrae colonia lege III. iurali est adsignata in centurias singulas iugera ducenta, decimanis cardinibus est adsignata, quam omnes ueterani, in portionibus diuisam pro parte habuerunt. *Frontinus*

Colonia Vlubra

Vlubra oppidum a III. uiris erat deductum, postea a Druso Caesare exstructum, ager eius in omnibus est adsignatus: iter populo non debetur. *Frontinus*

Colonia Rhegium

Nunc colonias quas Augustus Caesar deduxit exponam, quarum forte prima fuit Rhegium, de qua *Strabo* libro V. scribit: Caesar Augustus fugato ex Sicilia Sex. Pompeio, quum desertam urbem Rhegium reperiisset, per multos ex classe eius ibidem fecit colonos. Haec in uetusta hac inscriptione municipium appellatur

TI. EFRVENVS. TI. F. SABINVS. TESTAMENTO
LEGAVIT. MVNICIPIBVS. RHEGINIS

Colonia Acerrae

Acerrae muro ducta colonia, diuus Augustus deduci iussit, iter populo debetur P. LXXX. Ager eius in iugeribus est adsignatus. Frontinus Haec colonia uetus municipium, et praefectura fuit

Colonia Alatrum

Alatrum muro ducta colonia, Augustus deduxit, iter populo non debetur, ager eius per centurias et strigas est adsignatus. Frontinus. Haec etiam municipium in antiquis inscriptionibus appellatur sic

C. IULIO. AVG. L. HELENO. EX. DECRETO
DECVR. MVNICIPI. ALETRINATIS. ET
POLLICITATIONE. SEVIR. ET. MVNICIPVM
ET. INCOL. OB. MERITA. EIVS

Colonia Atella

Frontinus: Atella muro ducta colonia, deducta ab Augusto. Iter populo debetur P. CXX. Ager eius in iugeribus est adsignatus. Atella uetus ante tum municipium, tum praefectura fuit

Colonia Augusta Taurinorum

Hanc cum Augusta praetoria Salassorum ab Augusto Caesare deductam existimo, quando ipse, auctore Strabone, egregia contra Salassos uictoria potitus eorum prope nomen deleuerit. De quibus sic libro III. cap. XVII. scribit Plinius In Transpadana regione XI. coloniae ab alpium radicibus Augusta Taurinorum antiqua Ligurum stirpe, inde nauigabili

Pado, dein Salassorū Augusta praetoria, iuxta geminas alpiū fauces Graias, atque Poeninas

Colonia Augusta Praetoria Salassorum

De hac praeter Pliniū meminit Ptolomeus libro III. cap. I. sic: Salassorum qui sub Insubribus sunt ciuitates, Augusta praetoria colonia

Colonia Bouianum Vndecumanorum

Huc undecimam legionem post bella ciuilia ab Augusto deductā coloniā fuisse innuere uidetur Plinius libro III. cap. III

Colonia Copiae, alias Thurii

Strabo libro VI. Thurios Tarentini euertere, Romani colonos paucos deduxere Copiasque coloniam appellauerunt. Hanc ab Augusto deductam opinor, post bellum Siculum

Colonia Cortona

Dionysius qui sub Augusto uixit: Croton colonia Romanorum, Cortona nuper appellata est. Haec in Tuscia erat

Colonia Cumae

Cumae muro ducta colonia, ab Augusto deducta, iter populo debetur pedes LXXX. Ager eius in iugeribus ueteranis pro merito est adsignatus iussu Claudii Caesaris. Frontinus. Vetus aliquando municipium, aliquando praefectura haec colonia fuit Festo & Liuiio auctoribus

Colonia Fanum Fortunae, alias Iulia Fanestris

Hanc Ab Augusto deductam nomen declarat, quando is Tranquillo auctore, duodetriginta colonias deduxerit. Plinius libro III. cap. XIIII: In regione sexta colonia Fanū Fortunae, Pisaurum. Pomponius Mela libro II. cap. II. A Pado ad Anconam, transiit Rauennam, Ariminum, Pisaurum, Fanestris colonia, flumen Metaurus, atque Aesis. Vetus lapis

L. OP-

ROMANVM
L.OPPIVS.SEX.F.L.N.BARBATVS
PROC. COL. FAN

745

item

II.VIR. Q. Q. CORP. DENDROPHOROR
COLON. FANESTRIS. D. D

item

Q. DIVINIUS. Q. F. APPIO
TABVLARIVS. CORPOR. DENDROPHOR
COL. IVL. FANESTRIS

Colonia Nuceria

Nuceria Constantina muro ducta colonia. Deducta iussu imp. Augusti, iter populo debetur P.LX. Ager eius limitibus Iulianis lege Augustana militibus est adsignatus, & alibi in absoluto resedit. Liuius libro XXVII. Nucerinos quaerentes ubi habitarent Nuceria deleta, Atellā, quia id maluerant, Atellanis Calatiam migrare iussis, transducti M. Marcello, & M. Laeuino cos. Ptolomeus libro III. cap. I. Vmbrorum qui sunt supra Tuscos Nuceria colonia, postea Picentinorum Nuceria colonia

Colonia Orientium

Orientium colonia lege Augusti censita est limitibus Gracchanis, qui recturas maritimas, & montanas spectant, postea per cardines decumanos, & duodecumanos adsignata est. Frontinus

Colonia Priuernum

Priuernum oppidum muro ductum coloniam militibus duxit imp. Caesar sine colonis. Iter populo debetur P.XXX. Ager eius pro parte cultus iugeribus est adsignatus. Ceterum in lacineis uel in absoluto remansit. Frontinus. Priuernum uetus municipium & praefectura ante fuit, auctore Festo

Colonia

Colonia Rauenna

Strabo libro v. Ariminum vmbroꝝ colonia, ut Rauenna, sed utraque Romanos habet inquilinos. Haec ab Augusto instituta est, quum classẽ in eius portu instruxit, quae Hadriatico sinu tuendo excubaret

Colonia Tergeste

Haec ut ex hac antiqua Tergestina inscriptione liquet IMP. CAESAR. COS. DESIG. TERT. III. VIR. R. P. C. ITER. MVRVM. TVRRESQVE. FECIT ab Augusto deducta est. De qua Plinius libro III. cap. xviii In x. regione Italiae, Tergestinus sinus, colonia Tergeste xxxiii. mille passuum ab Aquileia. Ptolomeus libro III. cap. i Istriae post flexum intimi Hadriatici sinus, Tergeste colonia

Colonia Theanum Sidicinum

Frontinus: Theanum quod & Sidicinum colonia deducta a Caesare Augusto, iter populo debetur P. xxv. Ager eius limitibus metricis omnibus est assignatus. Plinius libro III. cap. v. In regione prima Italiae, coloniae Capua, Aquinum, Suessa, Venafrum, Sora, Theanum Sidicinum, & Nola. Hae autem sunt coloniae quas pro constanti Augustum Caesarem deduxisse inueni. Sequuntur hae tres praeterea coloniae a Nerone Claudio, fratre, & Druso Caesare filio Tiberij imperatoris factae, de quibus scribit Frontinus

Colonia Atina

Atina muro ducta colonia; deduxit Nero Claudius, iter populo non debetur. Ager eius pro parte in lacineis, & strigis est assignatus. Frontinus

Colonia Anagnia

Haec ex municipio a Druso Caesare deducta colonia est. De qua ita scribit Frontinus: Anagnia muro ducta colonia
Drus

Drusſi Caesaris, populus dederat, iter populo non debetur, ager eius per strigas eſt adſignatus. Haec colonia municipiũ uetus, & praefectura ante fuerat

Colonia Calagna

Calagna muro ducta colonia iuſſu Drusſi Caesaris populus deduxit, iter populo non debetur, ager eius ueteranis eſt adſignatus. Frontinus de colonijs

Coloniae incerto tempore deductae

Colonia Abella

Abella municipiũ coloniae, uel familiae imp. Caesaris Veſpaſiani iuſſu acceperunt, poſtea in lacineis ager eius in iugeri- bus militi eſt adſignatus, iter populo debetur

Colonia Aefis

Huius coloniae non niſi in uetuiſtis his epigrammatibus me- tionem extare didici ſic

PATRONO. COL. AESIS

item

PATRONO. COL. AVXIM

ET. COL. AESIS

ET. MVNIC. NVMANAT

item

PLEBS. COLON. AESIS

Colonia Ancon alias Ancona

Plinius libro III. cap. XIII. Quarta regione Piceni Numana a Siculis condita. Ab eiſdem colonia Ancon appoſita promontorio Cnnero in ipſo ſelectentis ſe ore cubito. Vetus inſcriptio

DECVRIONES. ET. PLEBS

COLONIAE. ANCONITANORVM

Colonia

Colonia Apulesium

Huius coloniae tantum uetus hic lapis meminit

P. AELIO. P. F. PAPIR. MARCELLO
PATRONO. ET. DECVRIONI
COLONIAE. APVLESIVM

Colonia Asculum

*Plinius libro XIII. cap. XIII. In quinta regione Piceni
Cupra oppidum, castellum Firmanorum, & supra id colonia,
Asculum Piceni nobilissima. Asculum Cicero pro Sulla muni-
cipium uocat. Vetus epigramma*

DECVRIONES. ET. PLEBS
COLONIE. ASCVLANORVM

Colonia Aſta

Ptolomeus libro III. cap. I. In Liguria Aſta colonia

Colonia Brixillum

*Plinius libro XIII. cap. xv. In octaua regione coloniae
Bononia, Brixillum, Mutina. De hoc oppido plura scribit
Tacitus libris XVII. & XIX clade Othonis insigne*

Colonia Caedicia

*Vetus epigramma tantum quod sciam, hanc coloniam com-
memorat ita*

DVOVIR. MVLSVM. ET. CRVSTVM
COLONIS. SENVISSANIS. ET. CAEDICIANIS

Colonia Capis

*Capis coloniae pro aestimo vbertatis, & naturae locorū
sunt agri adsignati, nam termini in uarijs locis sunt positi.
Frontinus*

Colonia

Colonia Concordia

Plinius libro III. cap. XIII. In decima regione Venetia, colonia Concordia. Ptolomeus lib. III. cap. I. Carnorum mediterraneae coloniae, Forum Iulij, Concordia, Aquileia

Colonia Gabij

Lapis uetus extat Zagaroli, quod oppidum olim Gabios fuisse creditur sic exaratus: Hanc Cicero Philippica II. municipium uocat

CN. ARRIO. CN. F. PVB. AXIMIO

PATRNO. ORDIN. ET. COLON

Colonia Istonium

Huius coloniae mentio est in uetusta quadam, quam supra retuli, inscriptione

Colonia Laurolauinium

Laurolauinium lege & consecratione ueteri manet. Ager eius ab Imperatoribus Vespasiano Traiano, & Hadriano in lacineis est adsignatus, iter populo non debetur. Frontinus de colonijs

Colonia Lucus Feroniae

Plinius libro III. cap. V. In regione VII. intus coloniae Falisca Etruscorum, Lucus Feroniae, Rusellana, Senensis. Sutrina

Colonia Lupia

Vetus inscriptio PATRONO. COL. LVPIENSIVM

PATRONO. MVNICIPI

Colonia Neapolis

Vetusta epigrammata

PATRONO. COLONIAE. NEAPOLITANAE

item

GENIO. COLONIAE. NEAP

item

item

ORDO ET. POPVLVS. NEAPOLITANVS

item

S. P. Q. NEAPOLITANVS. DD
L. BAEBIO. L. F. GAL. COMINIO
PATRONO. COLONIAE

Colonia Pampia

Vetus inscriptio

CENAM. COLONIS
SENVISSANIS. ET. PAMPIIS

Colonia Praeneste

A Gellius libro XVI. cap. XIII. D. Hadrianus in oratione quam de Italicensibus, unde ipse ortus fuit, in senatu habuit, Praenestinos refert maximopere a Tiberio Imp. petisse, orasseque ut ex colonia in municipij statum redigerentur, idque illis Tiberium pro referenda gratia tribuisse, quod in eorum finibus sub ipso oppido, ex capitali morbo reualuisset. Festus Praeneste municipium sui iuris uocat. *Vetus inscriptio*

PATRONO. COLONIAE
PRAENESTINORVM

Colonia Regium Lepidi

Ptolomeus libro III. cap. I. In Gallia Togata Regium
Lepidi colonia

Colonia Rufellana

Plinius libro III. cap. V. huius coloniae in Tuscia mentionem facit

Colonia Saepinum

Saepinum oppidum muro ductum, colonia ab imp. Nerone Claudio est deducta, iter populo debetur P. L. ager eius in
Augu

Augusteis centurijs est adsignatus. Frontinus

Colonia Salpis

Huius coloniae meminit Frontinus in libro de colonijs: Salpis muro ducta colonia & cet

Colonia Sena

Plinius libro III. cap. v. In regione VII. Etruriae colonia Falisca, lucus Feroniae, Rusellana, Senensis, Sutrina

Colonia Senuisa

Antiqua inscriptio

DVOVIR. MVLSVM. ET. CRVSTVM

COLONIS. SENVISSANIS

ET. CAEDICIANIS

Item

CAENAM. COLONIS

SENVISSANIS. ET. PAMPIIS

Colonia Tolentinum

Tolentini vetus inscriptio haec adhuc extat

MAVORTI. ET. GENIO. COLONIAE

item

T. FLAMINIO

PONTIFICI. TOLENTIN

Tolentinatum in Piceno meminit Plinius libro III

Colonia Verulae

Verulae oppidum muro ductum, ager eius limitibus Gracchanis in nominibus est adsignatus; ab imp. Nerua colonis est redditus. Frontinus in libro de Colonijs

Atque haec sunt omnium coloniarum civium Romanorum, Latinarum, & militarium nomina, quas a Romulo usque ad imperij excidium deductas fuisse intra Italiam apud ueteres auctores, uel inscriptiones inuenerim. Quarum pars maior ordine

ordine temporum seruato, digesta est. Has uero posteriores, quarum tempora inuenire non potui, unâ ordine alphabetico subiunxi. Nunc quae antiqua municipia, uel praefecturae fuerint ante legem Iuliam, exponam

DE. MVNICIPIIS

Municipiorum (ut dixi) duo genera fuerunt, alterum quod ius ciuitatis sine suffragio habebat, alterum uero, cui cum suffragij latione ciuitas data est. Primi omnium municipes, & sine suffragij iure facti fuerunt Caerites, quibus pro sacris Romanis bello Gallico receptis, custoditisque concessum est ut ciuitatis Romanae honorem quidem caperent, sed negocijs tamen, atque oneribus uocarent, ut tradit Gellius libro XVI. cap. XIII. Hinc tabulae Caerites appellatae, in quas censor res referri iubebant, quos notae caussa suffragijs priuabant, ut Asconius in Verrineis prodidit. Caere autem municipium haud longe post urbem a Gallis captam, annumque urbis CCCLXIII. factum est

Municipium Caere

Caerites primos municipes & eos sine suffragij iure fuisse supra ex Asconio & Gellio demonstravi. Hoc municipiū inter eas praefecturas refert Festus in quas praetor urbanus praefectos creare solebat. Huic municipio ante legē Iuliā ciuitatem cum suffragio datam fuisse Festus aperte innuere uidetur quum illud eo iure quo Aricini fuerunt donatum scribat, & Aricinos ex Liuiο, ciues Romanos fuisse constet cum suffragij latione. Vetus lapis

IMP. CAESARI. DIVI. F. AVGVSTO
PONTIF. MAXIM. S. P. Q. CAERES

Item

L. VILLONIO. ASELO AVGVRI
CENS. MVNICIPES ET. INCOL

Item

Item

SOLI. SANCTISSIMO. C. AEMILIVS
C. F. SCAPT. PROCVLEIANVS
SECVNDVS. DECVRIO MVNICIP. CAER

Municipium Tusculum

Primum omnium municipium cum suffragij latio fuit Tusculum, cui quum (ut inquit Sex. Pompeius) primo sine suffragio ciuitas data esset, post aliquot annos pleno iure ciues Romani Tusculani facti sunt. Eius rei ita meminit libro VI. Liuius: Tantum fere uerborum a Tusculanis in senatu factum. Pacem in praesentia, nec ita multo post, ciuitatem impetrauerunt. Ab Tusculo legiones deductae. Hoc autem factum est anno urbis CCCLXXIII. Ciuitatem uero Romanam (ut opinor) sine suffragij iure eos adeptos fuisse quadriennio post refert idem Liuius. Incensos Latinos ea rabies impetus Tusculum tulit, ob iram quod deserto communi concilio Latinorum, non in societatem, modo Romanam, sed etiam in ciuitatem se dedissent. Hoc factum est anno urbis CCC=LXXVII. Tusculanos uero suffragij ius haud longe post primum cōsulē e plebe creatum ex his Imp. Claudij uerbis apud Tacitum intelligo. Plebeij (inquit) magistratus post patricios, Latini post plebeios, ceterarum Italiae gentium post Latinos. Neque enim aequum uidebatur plebem Romanam magistratibus capiendis exclusam, alienigenas uero admissos fuisse. Eos uero suffragij iure a populo donatos, in tribum Papiam, ut Liuius libro VIII. uel Popilliam, ut Valerius libro IX. cap. X. tradunt, a censoribus relatos fuisse constat. Adijcit libro VIII. Liuius post bellum Latinum, quo Latium omne domitum est. anno urbis CDXVI. L. Furio, C. Maenios. Tusculanis ciuitas seruata quam habebant, crimenque

Bb

rebellionis

rebellionis a publica fraude in paucos auctores uersū. Ex Tusculo celebres familiae quae Romae summos honores adeptae sunt prodierunt, Porcij, & Coruncanij ut Cicero, & Tacitus tradunt, quamquam Tacitus Coruncanios non Tusculo, sed Cameria oriundos scribat. De municipio Tusculo meminit Cicero pro Plancio

Municipium Lanuuium

Anno urbis conditae CD XVI. L. Furio Camillo C. Maenio cos. Reliquijs omnibus belli Latini extinctis, Latioque omni ab his cos. in deditiōem populi Romani accepto, Camillus de Latinis populis ad senatum rettulit. Patresque hortatus est, ut hostes uictos more maiorū pro ciuibz haberent, eosque in ciuitatem, quo illos in perpetuum fideles haberent, acciperent. Principes senatus relationem consulis de summa rerum laudare, sed quum aliorum alia causa esset, ita expediri posse consilium dicere, ut pro merito cuiusque statueretur, si de singulis nominatim referrent populis. Relatum igitur de singulis, decretumq; Lanuinis ciuitas data, sacraque sua reddita, cū eo ut aedes lucusque hospitae Iunonis cōmunis Lanuuiinis municipibus cum populo Romano esset. Sex Pompeius: Seruius filius aiebat: Municipis initio fuisse, qui ea conditione ciues Romani fuissent, ut semper Remp. separatim a populo Romano haberent (id est qui suis legibus uiuerent) Cumanos uidelicet, Acerranos, Atellanos, qui aequae ciues Romani erant, & in legione merebant. Municipium id genus hominum dicitur, qui quum Romam uenissent, neque ciues Romani essent, participes tamen fuerunt omnium rerum ad munus fungendum una cum Romanis ciuibz, praeterquam de suffragio ferendo, aut magistratu capiēdo, sicut fuerunt quondam Fundani, Formiani, Cumani, Acerrani, Lanuini, Tusculani, qui post aliquot annos ciues Romani effecti sunt. De Lanuino municipio

nicipio mentionem facit Cicero pro Muraena, quod postea a Caesare dictatore ex municipio colonia facta est

Municipium Aricia

Suggestit Liuius libro VIII. Aricini, Nomentanique, & Pedani, eodem iure quo Lanuini in ciuitatem accepti. Et vel leius libro I. Deinde interpositis duobus & triginta annis Aricini in ciuitatem recepti. Sex Pompeius: Alio modo municipium dicitur quum id genus hominum definitur, quorum ciuitas uniuersa in ciuitatem Romanam uenerunt, ut Aricini Caerites, Anagnini. Aricia postmodum ex municipio colonia facta est exolefcentibus (ut scribit Gellius) municipiorum iuribus, & priuilegijs. Eam enim Florus ex Liuiio in epitoma libri LXXX. coloniam uocat. Ceterum quum tam de municipiorum numero, quam de ijs qui cum suffragio ciuitatem adepti sunt, inter Liuium, Velleium, & Festum controuersa sit, ego hic Liuium sequi decreui, qui mea sententia, accuratius hanc rem tractauit. Ne uero Velleius & Festus, a Liuiio dissentiant quantum a me fieri poterit, operam dabo, atque eorum repugnantiā, si quae ulla tamen sit, tollere curabo. Quamquam non ignorem Festi locum ubi de municipijs loquitur corruptum esse, aliquotque uerba Festi ipsius, aliquot uero Epitomistae esse, quae inuicem inserta rem ipsa ualde obscuram reddunt. Ego tamen ex Festo non nisi municipiorum nomina excipere uolui, nam triplicem quam eorum distinctionem facit me satis non intelligere fateor. Ex Liuiio enim & Gellio aperte colligitur duo potissimum municipiorum genera, quem admodum ego initio dixi, tantum fuisse

Municipium Nomentum

Aricini (inquit Liuius libro VIII) Nomentani, Pedani, eodem iure quo Lanuini in ciuitatem accepti, anno urbis CDXVI. L. Furio, C. Maenio cos

Municipium Pedum

Pedani cum Nomentanis, & Aricinis, eodem iure quo Lanuini ciues Romani facti. Pedum autem Latij oppidum haud procul a Tibure fuit. Ceterum Lanuinos, Aricinos, Nomentanos, & Pedanos municipes hoc anno cum colonis Antiatibus ciuitate a populo Romano ex S. C. donatos censores, qui proxime creati sunt, Q. Publilius Philo, & Sp. Postumius in duas nouas tribus propter eos additas censuerunt Maeciam & Scaptiam. Quarum Maecia a castro Latij Maecio dicta est, de quo sic scribit libro VI. Liuius: Tertiam partem dictator Camillus ad Volscos duxit, nec procul ab Lauinio, ad Maecium (is locus dicitur) castra oppugnare est adortus. Scaptia uero a Latij vrbe Scaptia dicta est, de qua Plinius libro III. cap. v. meminit

Municipium Fundi

Eodem anno post bellum Latinum, L. Furio & C. Maenio cos. Fundanis Formianisque, quod per fines eorum tuta pacataque fuisset uia, ciuitas sine suffragio data. Ita libro VIII Liuius. Paterculus uero. Interiecto triennio Fundani & Formiani in ciuitatem recepti, eo ipso anno quo Alexandria condita est. Addit idem Liuius libro XXXIX. M. Valerio Messalla & C. Liuiio Salinatore cos. anno urbis DCLV. De Fundanis Formianisque municipibus, & Arpinatibus C. Valerius Tappo, tribunus plebis promulgauit, ut ijs suffragij latio, (nam antea sine suffragio habuerant ciuitatem) esset. Huic rogationi quattuor tribuni plebis, quia non ex auctoritate senatus ferretur, quum intercederent, edocti populi esse non senatus ius, suffragium quibus uellet impartiri, destiterunt incoepto. Rogatio perlata est ut Aemilia tribu Fundani, & Formiani, in Cornelia Arpinates ferrent, atque in his tribubus

bus tum primum ex Valerio plebiscito, a censoribus qui eo anno erant, T. Quinctio Flaminino, & M. Claudio Marcello censui sunt.

Municipium Formiae

Idem ius quod municipes Fundani, habuerunt etiam ius uicini Formiani. Longo tempore post Formiae a III. viris ex municipio colonia facta est. Municipia Fundos & Formias inter praefecturas eas refert Festus, in quas praetor urbanus singulis annis praefectos ab urbe mittebat.

Municipium Cumae

Liuius libro VIII. L. Furio C. Maenio cos. Campanis equitibus honoris causa, quia cum Latinis rebellare noluisent ciuitas sine suffragio data, Cumanos Sueffulanosque eiusdem iuris conditionisque cuius Capuam esse placuit. Et libro XXIII. De CCC. equitibus Campanis, qui in Sicilia cum fide stipendijs emeritis Romam uenerant, delatum ad populum ut ciues Romani essent, item uti municipes Cumani essent prius quam populus Campanus a populo Romano defecisset. Idem libro XL. Cumanis petentibus permissum, ut publice Latine loquerentur, & praeconibus Latine uendendi ius esset. Hoc municipium a Festo inter ea refertur, quibus postea ciuitas cum suffragio data est. Inter eas quoque praefecturas illud enumerat, in quas praefecti a populo mittebantur, quod postea Augustus Caesar coloniam militarem fecit. Cumus uetus lapis

P I L V M O . . . S A N C T I S S I M O
G E N I O . M V N I C I P I . S A C R V M
P . I V B E N T I V S . A N C H A R I V S . I I . V I R

Municipium Acerrae

Liuius libro VIII. Anno urbis CDXXII. A Cornelio

II & Cn. Domitio cos. Censui actus, nouique ciues cens, tribus propter eos additae Maecia, & Scaptia, addiderunt censores Q. Publilius Philo, Sp. Postumius. Romani facti Acerant, lege ab L. Papirio praetore lata, qua ciuitas sine suffragio data. Et Velleius: Insequentibusque consulibus a Sp. Postumio, & Philone Publilio censoribus Acerranis data ciuitas. Hoc municipium a Festo inter ea refertur, quibus primo sine suffragio, post cum suffragij iure ciuitas data est. De qua re nihil Lilius scribit. Hanc Festus inter eas praefecturas etiam enumerat, in quas a populo praefecti mittebantur. Quam uel ex praefectura, uel ex antiquo municipio Augustus postea coloniam deduxit

Municipium Priuernum

Victis Priuernatibus; ex auctoritate patrum latum ad populum est, ut Priuernatibus ciuitas daretur. Hoc factum est auctore Lilio libro VIII. anno urbis CDXXV. L. Aemilius Mamercinus II. C. Plautius Decianus cos. Hoc municipium inter eas praefecturas refert Festus, in quas praetor urbanus quotannis praefectos mittebat. Haec postea colonia facta est,

vetus Lapis

C. ARRIO. C. F. COR. CLEMENTI
CVRATORI. MVNIC. PRIVERNATIS

Item

PATRONO. MVNICIPI. CVRATORI
REIP. DECVRIONES. ET. VI. VIRI. AVG
MVNICIP. PRIVERN. D D

Municipium Anagnia

Lilius libro IX. anno urbis conditae CDXLVIII. Q. Marcio Tremulo, P. Cornelio Aruina cos. Hernicorum tribus populis Alatrinati, Verulano, Ferentinati, quia maluerunt,

runt, quam ciuitatem, suae leges redditae, connubiumque inter ipsos quod aliquandiu soli Hernicorum habuerunt permisum. Anagninis, quique arma Romanis intulerant ciuitas sine suffragij latione data, concilia connubiaque adempta, & magistratibus, praeterquam sacrorum curatione, interdictū. De municipio Anagnino meminit Cicero pro domo. An uero huic municipio ciuitas cum suffragio unquam data fuerit, ante legem Iulian, incompertum. Festus quum inquit: Alio modo municipium diffinitur id genus hominum esse, quorum ciuitas uniuersa in ciuitatem Romanam uenerunt, ut Aricini, Cerites, Anagnini; aperte significare uidetur, Caere, & Anagniam suffragij ius quemadmodum Aricinos habuisse. Qui etiam Anagniam inter praefecturas enumerat, in quas praetoris urbani auctoritate praefecti ibant. Frontinus uero eam a Druso Caesare coloniam deductam fuisse tradit, vetus lapis

M. RVBRIO. L. F. PROCVLO
PR. AED. Q. PONT. SALIO
MVNIC. ET. IN. COL

Municipium Arpinum

Liuius libro IX. L. Genucio, Ser. Cornelio cos. anno urbis CDLI. Arpinatibus Trebulanisque ciuitas data Vt autem sine suffragio intelligi debeat, idem facit, qui libro XXXIIX. refert Arpinatibus ciuitatem cum suffragio datam fuisse. De municipio Arpino meminit Cicero pro Plancio, & de claris oratoribus. Festus Arpinum inter eas praefecturas enumerat, in quas praetor urbanus singulis annis praefectos mittebat. Itemque inter ea municipia quae sui iuris erant. Atque haec sunt omnia municipia quibus ciuitatem cum suffragio datam fuisse apud Liuium inueni. Adijcit Velleius libro I. M. Curio, & Cornelio Rufino cos. anno urbis

CDLXIII Sabinis sine suffragio data ciuitas. Sempromio uero Sopho & Appio Caeci filio cos. anno urbis CDX=XCVI. suffragij ferendi ius Sabinis datum. Quod si hoc uerum est, Sabini primi fuerunt quibus integrae prouinciae ciuitas data sit, quod tamen creditu difficile est. Nam ijs post legem Iuliam cum Latinis, umbris, Tuscis, & Gallis Cispadanis datam fuisse existimo

Municipium Atella

Hoc municipium etiam a Festo refertur inter ea, quibus ciuitas postea cum suffragij iure data est. Et in libro decimo quarto, id unum ex his praefecturis scribit, in quas praefecti populi suffragijs creati, mittebantur. Vtrunque enim esse potest, ut primo municipium, post bello Punico secundo, cum reliquis quas supra enumeraui, praefectura facta sit. Illud Augustus, ut pleraque alia coloniam deduxit

Equites Campani

Liuius libro octauo. Equitibus Campanis honoris causa quia cum Latinis rebellare nolissent ciuitas sine suffragio data. Monumentoque ut esset, aeneam tabulam in aede Castoris, Romam fixerunt. Velleius: Sp. Postumio Veturio Caluino eos. Campanis data est ciuitas, partique Samnitium sine suffragio

Municipium Sueffula

Sueffulam & Trebulam, quāquam uetusta municipia, post omnia tamen collocaui, quod ijs ante legem Iuliam ciuitatem cum suffragio datam fuisse non inuenerim: quod eo honore, illa quae supra rettuli, affecta, uel aperte intelligatur, uel ex scriptorum uerbis eliciatur. De municipio porro Sueffula Liuius libro VIII. Bello Latino finito: Cumanos, Sueffulanosque eiusdem iuris, conditionisque cuius Capuam esse placuit. Hanc praefecturam refert Festus, ex his in qua populus Roma=

Romanus praefectos quotannis mittebat. Quod Sulla coloniam, ut supra uidimus militarem deduxit

Municipium Trebula

L. Genucio, Ser. Cornelio cos. Arpinatibus, Trebularisq; ciuitas data. ita Liuius libro decimo. Eam autem sine suffragio ijs concessam fuisse, ex eo patet, quod multo tempore post Liuius refert Arpinates cum suffragio ciuitatem adeptos fuisse, de Trebularis uero nullam mentionem facit

Alia quaedam municipia

Festus libro XI. Terti o municipium definitur, quum id genus hominum, qui ad ciuitatem Romanam ita uenerunt, ut municipia essent, ut sua cuiusque ciuitatis, & coloniae iura essent, ut Tiburtes, Praenestini, Pisani, Arpinates, Nolani, Bononienses, Placentini, Nepestini, Sutriti, Lucenses. Ex his Tibur & Praeneste, quae ciuitates foederatae Latinae erant, & Arpinum municipium suis legibus relictae sunt, Pisae, Nola, Bononia, Placentia, Nepes, Sutrium, Luca coloniae deductae

Memorantur a Cicerone municipia aliquot praeter ea, quae dixi, quae haud dubie post legem Iuliam facta sunt, ut Asculum in oratione pro Sulla, Aquinum, Labici, Gabij, Bouillae in secunda Philippica; Larinum in oratione pro Cluentio; Ameria, pro Sex. Roscio; Tarquinij pro Caecina, & quaedam alia

Tacitus quoq; libro XVII. municipia Transpadana, Mediolanum, Nouariam, Vercellas, & Eporediam nominat

In uetustis epigrammatibus municipiorum Italicorum Segusini, Interamnatis, Nabartis, Casuentinorum, Vindenatium, Oricolani, Surrentini, Rhegini, Tiburtis, Hidruntini, Saepinatibus, Sueffani, Fori Sempronij, Corani, Nolani, Aletrinatibus, Allifani, Amerini, Blerani, Arretini, Clusini, Tifernatis, Maeuani

ae, et Maeuaniolae, Capaenatis, Urbini, Sassinatis, Cassinatibus, Hispellibus, Foro Flaminii, Numanatis, Assinatis, & aliorum multorumque frequens mentio est. Atque haec hactenus de municipiis

De praefecturis

Quae & quot genera praefectarum essent supra docui. Illud tantum scitu dignum ex praefecturis quasdam fuisse, quae ius ciuitatis, & ferendi suffragii haberent, quasdam non, quae admodum de municipiis, & coloniis dixi. Sex Pompeius libro decimoquarto, duas & uiginti praefecturas enumerat, in his decem fuisse scribit, in quas praefecti populi suffragiis creati mittebantur, ut haec Capua, Cumae, Cassilinum, Vulturnum, Linternum, Puteoli, Acerrae, Suessula, Atellae, & Calatia, duodecim uero, in quas urbanus praetor pro suo arbitrio praefectos mittebat. Hae fuerunt Fundi, Formiae, Caere, Venafrum, Allife, Pruerum, Anagnina, Frusino, Reate, Saturnia, Nursia, & Arpinum. Quae fere omnes, aut ex coloniis, & municipiis praefecturae factae sunt, aut ex praefecturis, in colonias, & municipia redactae. Ex his Capua praefectura fuit a bello Punico secundo ad consulatum C. Caesaris, a quo colonia deducta est. Cumae, Acerrae, Suessula, Atella, Formiae, Pruerum, & Anagnina, tum municipia, tum coloniae: Fundi uero Caere, & Arpinum municipia tantum aliquando fuere; Cassilinum, Vulturnum, Linternum, Puteoli, & Saturnia coloniae. Calatia uero Venafrum, Allife, Frusino, Reate, et Nursia praefecturae, dum libertas, populi Romani stetit semper fuere. Nam quum post legem Iuliam, aequatis omnium suffragiis ciuitas Italiae omni data fuisset, municipiorum, coloniarum, & praefectarum iura obliterata sunt, nominaque haec confundi coepta, ut & colonia pro municipio, & municipium pro colonia, & praefectura, aliquando accepta sunt. Ci

cero enim Placētiam in L. Pisonem; Soram, & Casinum pro Plancio; Calenum in Rullum; Sueffam in ep. ad Atticum; Cosam in Verrem municipia uocat, quas colonias deductas fuisse ostendi. Ad haec praefecturae ipsae, & municipia, itemque ueteres coloniae, deductis militibus, coloniae omnes denuo a Sulla primum, deinde Caesare, triumuiris, & Augusto factae sunt, ut latius supra demonstraui. Praeter eas praefecturas, quas ex Festo digessi, Corae praefecturae Strabo libro quinto, Claudiae Plinius libro tertio, cap. quinto, Atinatis Cicero pro Plancio. Reatinae, idem de natura deorum mentionem faciunt

Cetera omnia (ut dixi) Italiae oppida, quae coloniae, municipia, & praefecturae non erant, foederatae ciuitates uocabantur, ut Tibur, Praeneste, Neapolis, & pleraque alia, hoc autē ante legem Iuliam, & bellum Marsicum intelligo, nam post ea tempora, omnes Italiae ciuitates, quibus ius suffragij datum erat, municipia appellari poterant. Atque hactenus de praefecturis

PROVINCIAE. POPVLI. ROMANI EXTRA. ITALIAM

Italia omni, accurate descripta, atque eiusdem colonijs, municipijs, & praefecturis enumeratis, nunc idem de alijs prouincijs faciundum esse uidetur, quas populus Romanus post Italiam in fidem acceptam, eius praecipue auxilio subiugauit. Quarum omnium Sicilia prima prouincia populi Romani statim post confectum bellum Punicum primum, hac ratione facta est

PRO-

Pro defensione Siculorum primum cum Poenis bellum susceptum est anno urbis CDXC. Ap. Claudio, & Q. Fulvio cos. Quod uario euentu per annos tres, & uiginti perductum est. Postremo A. Postumio, C. Lutatio cos. anno urbis DXII Romani reparata classe, quam aliquot annis ante naufragio amiserant, C. Lutatium consulem aduersus Poenos miserunt. Qui cum classe CCC. nauium in Sicilia transuectus est. Huic, quum iam Drepani portum, ceterasque quae circa Lilybaeum sunt stationes in potestatem redigisset, Anno classis praefectus ad Hamilcarem Poenorum ducem nauigans, cum CCC & ipse nauibus occurrit, summo commisso proelio ad Aegates insulam, res Romana superior fuit. Anno uictus nauem auertit, & dux fugae primus fuit. Aliquanta cum eo pars exercitus sui Africam petunt, alij Lilybaeum confugere. Naues Poenorum submersae quinquaginta, captae LXX. reliquae Hieronem refugerunt. Viui capti amplius decem millia hominum. Vel (ut Orofius tradit) Punicae naues captae sunt LXIII. CXXV. demersae XXII. millia hominum capta, caesa XIII. millia. Romanorum autem XIII. naues demersae sunt. Lutatius deinde ad Erycinam ciuitatem, quam Poeni tenebant uenit, ibique duo millia Carthaginiensium conferta pugna interfecit. Ita Polybius, Liuius, Florus, Eutropius, & Orofius. Anno uero sequenti Q. Lutatio, & A. Manlio cos. Victis ad Aegates insulam Carthaginiensibus pax his conditionibus data est: Poeni Sicilia, & omnibus insulis, quae inter Italianam & Africam sunt excedunt. Duo millia & CC. talenta in annos XX pedunt, in praesens mille. Captiuos Romanos sine pretio redunt. Vtriusque populi socij. apud utrumque populū, tuti sunt. Alterius socios neuter in amicitiam recipito. Neuter in alieno imperio imperato, neue milites conducito. Graues has leges

ges impositas Carthaginiensibus Hamilcar Poenorum imperator moerens accepit. Quare Poeni Sicilia & Sardinia excessere, & se uestigales, ac stipendiarios fieri passi sunt, anno eius belli uigesimo quarto in quo C. Lutatius pro consule, & Q. Valerius Falto propraetore celeberrimos de Penis egerunt triumphos. Eodem que anno bello Punico primo confecto Siciliam primam prouinciam populi Romani regno Hieronis Syracusani excepto fecit magna ex parte C. Catulus. Quod Cicero III. in Verrē refert, qui Siciliā, quod omnium exterarum nationum principē se ad amicitiam, fidēque populi Romani applicuisset, eam primam omnium prouinciam appellatam esse prodit. Aliquot uero annis post captis Syracusis uniuersam in populi Romani potestatem redactam M. Claudius Marcellus bello Punico secundo, aut certe qui ei successit M. Valerius Laeuinus prouinciam fecit. Nam de Marcello Velleius ita tradit: Primus in Siciliam traiecit exercitum cos. Claudius, & prouinciam eam, post annos ferme LII. captis Syracusis fecit Claudius Marcellus. Quam ob rem is Papirij Masonis exemplum sequutus in monte Albano triumphum de Siculis agit, urbemque ouans ingressus est, anno urbis DXLIII. Debellatum uero in Sicilia a Laeuino consule, potiusquam a Marcello, & Cicero in Verrem, & Liuius significant. Is anno urbis DXLIII. cum M. Marcello cos. creatus, occupatis in Sicilia Agrigento, & alijs Siciliae oppidis, Poenisque expulsis, omnino Siciliam debellauit. Itaque Cicero in Verrem, trium Siculorum bellorum confectores nominans ait: Qui M. Laeuino, aut P. Rupilio, aut N. Aquillio praetoribus in eam prouinciam successerunt. Vnde Sex. Rufus prima prouinciā (inquit) facta est Sicilia. Haec a praetoribus primo recta est, quorum primus fuit C. Flaminius creatus anno urbis DXXXVII. P. Valerio, M. Atilio cos. ut scribit Solinus. Postea ab

Augustus

Augusto (ut opinor) est commissa praesidibus, demum a consularibus administrata est. Quos Constantinus imperator constituit. Saepe enim in antiquis monumentis consularis Siciliae mentio est. Siculis ius Latij Caesar dictator, ciuitatem uero M. Antonius consul donauit, ut auctor est Cicero libro decimo quarto epistolarum ad Atticum. Haec in imperatoris occidentalis primum, deinde Gothorum regum, post imperatoris orientalis, usque ad Caroli magni tempora perdurauit, in quibus a Sarracenis occupata est. Quod quaraione factum fuerit post exponam

PROVINCIAE. SARDINIA. ET C O R S I C A

T. Manlio Torquato, C. Atilio Bulbo cos. anno urbis DXIX. Bellum cum Sardis initum. Carthaginenses enim, quum bellum reparare tentarent, Sardos qui ex conditione pacis Romanis parere debebāt ad bellum impulerunt. Quare quum auctoribus Poenis rebellassent, missus contra eos T. Manlius eos. ipsos deuicit, de iisque triumphauit. ita Eutropius, et Oroslus. Quod Liuius libro uigesimo primo sic commemorat; Sardinia inter motum Africae fraude Romanorum stipendio etiam superimposito intercepta. Et Velleius: Sardinia inter primū et secundū bellū Punicū ductu T. Manlij cos. certū recepit imperij iugum. Eam tamen non omnino a T. Manlio subactam fuisse indicant sequentes triumphi, nam anno sequenti Sp. Caruilius Maximus, et biennio post M. Pomponius Ma tho cōsules de Sardis triūpharunt, ut ex tabulis Capitolinis cōstat. Quum autem M. Pomponij ultimus actus sit de Sardis, hoc tempore triumphus, profecto Sardi ipsi a Pomponio consule pacati uidentur anno urbis DXXI. Hanc uero primam populi Romani provinciam hoc tempore factam esse missis

ad eam componendam decem legatis, quod in faciendis prouincijs postea obseruatum est quidam opinantur, nam Sicilia quamquam ante uicta fuerit, tamen non nisi Syracusis a Marcello captis in prouinciae formam tota redacta est. Biennio post C. Papirio, & M. Pōponio cos. bellū cum Corsis gestū est, ut ex uerbis epitomae libri XX. & triumpho C. Papirij Masonis consulis apparet, quem de Corsis primus in monte Albano Verrio Flacco, Plinio, Valerio, & Festo auctoribus egit. Corsicam igitur uicit, & prouinciam fecit C. Papirius Maso consul, qui quum bene gesta rep. in Corsica, triumphū a senatu non impetrasset, ipse de sua sententia in monte Albano triumphauit primus anno urbis DXXIII. Huius prouinciae & Sardiniae administratio primum iuncta fuit. Vtrasque enim insulas semper unus rexit praetor, quorum primus fuit M. Valerius. Nam Florus & Pomponius auctores sunt, anno urbis DXXVII. quattuor primum praetores factos fuisse, ut duo ex his Urbanus & peregrinus in urbe manerent, duos uero, ut in Siciliam, Sardiniamque nouas prouincias mitterentur. Hos uero fuisse M. Valerium, & C. Flaminium ostendit Solinus capite de Sicilia, quum inquit. Sardinia & Sicilia utraque insula in Romanam potestatem redacta iisdem temporibus prouincia facta est: cum eodem anno Sardiniam M. Valerius, alteram C. Flaminius praetores sortiti sunt. Sardiniae porro & Corsicae administrationem iunctam, atque eidē praetori traditam fuisse ex Ruso ostendi. Post Augusti tempora earundem administratione diuisa singulae a praesidibus rectae sunt. Sardi quum rebellassent a Ti. Graccho perdomiti sunt, totque captiuorum ab eo ducti, ut prouerbium fuerit celebratū Sardi uenales. Quum iterum Sardi rebellassent postremo a M. Metello domiti sunt, atque ab eo de eis triumphatum. Corsi quoque quum rebellassent a C. Cicereio praetore sub acti sunt

sunt. Qui quum triumphum non impetrasset in monte Alba
no triumphauit anno vrbis DXXCII. Eas Sarraceni Ro-
manis Imperatoribus eripuerunt, ab Hispanis nunc pos-
sidentur

HISPANIAE DVAE PROVINCIAE CITERIOR. ET. VLTERIOR

In Hispaniam primi omnium duxere exercitus cōtra Afros
Cn. & P. Scipiones belli Punici secundi initio. Qui octauo
eius belli anno a Poenis caesi sunt. Post eos eo P. Cornelius
Scipio Africanus maior missus, multa prospere gessit, pri-
musq; ibidem prouinciā fecit L. Veturio Q. Caecilio cos. an-
no vrbis DXLVIII. Qui Asdrubale & Magone acie ad
Baetulam urbem fugatis, atque inde ex tota Hispania pulsis,
uindicatisq; armis Hispanijs, in Africam profectus amicitiam
cum Syphace Masylorum rege iēto foedere, firmavit. Paulo
post rebellantes Hispaniae populos ad deditionem compulit,
foedereque cum Masinissa Masaesulorum rege, & Gaditanis
facto, prouincia L. Lenulo, & L. Manlio Acidino tradita,
Romam reuersus est. Hinc Marcellinus libro XXV. Hispani-
am primam continentis prouinciam factam esse scribit. Fa-
ctam autem hac uictoria Scipionis Liuius, & Rufus & alij
prodiderunt. Quae tamen non hoc anno sed anno DLVII.
ordinata postea fuit, tum quum praetores duo, qui in eam quot
annis mitterentur primum creati, atque ipsae terminatae His-
paniae sunt, auctore Liuius. Post Scipionem eam L. Corne-
lius Lentulus pro cos. obtinuit, qui rebus fertuer feliciterque
gestis, ouans urbem ingressus est, anno vrbis DLIII. Trien-
nio post C. Cornelio Cethego Q. Minucio cos. Hispaniae tum
primum terminatae sunt, atque in eas primum duo noui prae-
tores,

tores, qui ad quattuor additi fuerant, missi, C. Sempronius Tuditanus in citerionem, & M. Heluius Blaſio in ulteriore. Blaſio prouincia decedens ob res bene in Hispania cum Celtiberis gestas, urbem ouans iniuit. Verum quum tantum glisceret in Hispania bellum ut iam consulari, & duce, & exercitu opus esset, placuit patribus consules Hispaniam citeriorem sortiri, M. Cato consul sortitus est. Qui bello quod ab Emporijs orsus est, totam citeriorem Hispaniam, quae rebellauerat pacauit, atque pro consule ex ea triumphauit anno DLX post Catonis uictoriam Hispaniae uarie possessae, et ut ait Velleius, saepe amissae partibus: ita ut supra XXX. triumphis postea ex his relati memorentur. Certa ac stabilis esse populi Romani possessio, stipendiumque pendere non prius quam Augusto principe coeperunt. Qui quum Hispaniam omnem pacasset, eam constituit, atque in tres prouincias, Baeticam, Lusitaniam, & Tarraconensem, ut post ostendam, diuisit. Vnde ita scribit Sex. Rufus: Hispanis primum auxilium aduersus Afros per Scipionem tulimus. Rebellantes Lusitanos in Hispania per D. Brutum qui Callaicus appellatus est, obtinimus, & usque ad Gades & Oceanum peruenimus. De his Brutus anno urbis DCXVIII. pro cos. triumphauit. Post ad Hispanos tumultuantes D. Silanus missus, eos uicit anno urbis DCLIII. Celtiberi in Hispania saepe rebellabant sed misso minore Scipione cum excidio Numantiae subacti sunt. Omnes paene Hispaniae occasione belli Sertoriani per Q. Metellum Pium, & Cn. Pompeium in deditionem acceptae sunt, de iisque hi duces triumpharunt: postea prorogato imperio in quinquennium a Pompeio perdomitae sunt. Ad extremum quoque a Caesare Augusto Cantabri, et Astures qui freti montibus resistebant, deleti sunt. Liuius libro XXVIII. de Hispania loquens: Itaque (inquit) Romanis prima inita

provinciarum quae quidem continentis sunt, postrema omnium nostra demum aetate, ductu auspicioque Caesaris Augusti perdomita est. Et Velleius libro II. Hispaniae nunc ipsius Augusti provincia, nunc Agrippae, quem usque in tertium consulatum, & mox collegium tribuniciae potestatis amicitia principis euexerat, multo uarioque Marte pacatae, in quas provincias quum initio Scipione & Sempronio Longo cos. primo anno secundi belli Punici, Romani exercitus missi essent, ducibus P. & Cn. Scipionibus Africani patre & patruo, per annos CC. in his multo, mutuoque ita certatum est sanguine, ut amissis praetorijs, imperatorijsque exercitibus, saepe contumelia etiam non nunquam periculum Romano inferretur imperio. Illae enim provinciae Scipiones consumpserunt, illae contumelioso XX. annorum bello ducem Viriato maiores nostros exercuerunt, illae terrore Numantini belli populum Romanum concusserunt. In illis turpe Q. Pompeij foedus, turpiusque Mancini senatus cum ignominia dediti Imperatoris rescidit. Illa tot consulares, tot praetorios absumpsit duces, patrumque aetate in tantum Sertorium armis extulit, ut per quinquennium diudicari non potuerit, Hispanis Romanis ne in armis plus esset roboris, & uter populus alteri pariturus foret. Has igitur provincias tam diffusas, tam frequentes, tam feras ad eam pacem perduxit Caesar Augustus, in quae maximis bellis nunquam uacauerant, eae sub C. Antistio, ac deinde P. Silio legato, ceterisque postea etiam latrocinijs uacarent. & cet. Quum eam omnem (ut tradit Plinius in Scipione) Augustus in provinciae formam redegisset. Vniuersae Hispaniae (ut refert Plinius libro III cap. III.) Imperator Vespasianus Augustus iactatus procellis reip. Laetius tribuit, ciuitatem uero Antoninus Caracallus Seueri Augusti filius dedit

PROVINCIA. ASIA

L. Quinctio, & Cn. Domitio cos. anno vrbis DLXII.

Antiochus Magnus Syriae rex bellum Romanis intulit : regē mouere partim Thoas Aetoliae princeps, qui Aetolos populi Romani socios, haud satis dignis praemijs bello Macedonico confecto a Romanis affectos querebatur, partim Hannibal Poenus, qui in Africa uictus, & profugus, & pacis impatiens hostem populo Romano toto orbe quaerebat. Intulit autem nimia opum suarum fiducia adductus, specie Lysimachiae repetendae, quam a maioribus suis in Thracia conditam Romani possidebant, statimque Graeciam ac insulas eius occupauit. Primus aduersus eum missus est M. Acilius Glabrio cos. Durauit hoc bellum annos tres. Primo anno M. Glabrio cos. Antiochum bello uictum apud Thermopylas Graecia expulit, atque Aetolos diuicit. Altero anno L. Scipio Africani frater, quum in consulatu Asiam & bellum contra Antiochum regem obtinuisset, eò cum Africano fratre legato profectus, regem ipsum, Eumene Pergami rege adiuuante apud Sipylum montem ad Magneſtam acie uicit, ac bellum confecit, Asiaticusque appellatus est. Antiocho pacem petenti his conditionibus data est, ut Europa abstineret, Asiaque omni quae cis Taurum est decederet, pro impensis in bellum factis xv. millia talentorum Euboicorum traderet, mille talentū per XII. annos penderet. Eumeni cccc. talenta redderet. Cum Asiaticis autem ita pactum, ut cis Taurum montem quae intra regni Antiochi fines fuissent, Eumeni attribuerentur praeter Lyciam, Cariamque usque ad Maeandrum amnem, ea Rhodiorum essent. Liberae omnes ciuitates quae Attali stipendiariae fuissent, eadem Eumeni uectigal penderent; quae uecti-

gales Antiochi fuissent eae liberae atque immunes essent, Eumeni Phrygia utraque, & Mysia restituta. Triumphauit L. Scipio ex Asia, & rege Antiocho anno urbis DLXV. Post Eumenem, eam beneficio S. P. Q. R. possedit Attalus eius filius. Is anno urbis DCXXI sine liberis moriens populum Romanum regni reliquit heredem. Verum Aristonicus Eumenis filius non iusto matrimonio ex pellice natus, post mortem Attali uelut paternum regnum inuasit Asiam, Crassum Mucianum consulem aduersus se missum cepit, & occidit. Quam rem ita tradit Florus in epitoma libri LIX. Aristonicus regis Eumenis filius Asiam occupauit, quum testamento Attali regis legata populo Romano libera esse deberet, aduersus eum P. Licinius Crassus cos. profectus, proelio uictus, & interemptus est. Crasso in Asiam consul Perperna successit. Qui Aristonico acie uicto, captoque bellum confecit. Ante tamen mortuus quam Romam rediret, triumphare non potuit. Perpernae M. Aquilius consul successor fuit. Qui Asiatici belli reliquias finiuit. Cuius belli occasione Lydiam sedem antiquam regnorum Cariam, Ioniam, Mysiam, Hellespontum, ac Phrygiae partem in potestatem populi Romani deditioe uenisse, Rufus & Iornandes produnt. Phrygia uero ab Aquilio Mithradati regi Pontico pecunia accepta concessam, ipsum eo nomine Romae postulatū senatū Phrygiam liberam esse iussisse tradit Appianus, libro I. bellorum ciuiliū. Iustinus adiungit libro XXXVII. Phrygiam Mithradati patri, Ariarathis Cappadociae regis, qui in hoc bello caeciderat filijs, Lycosiam & Ciliciam datas. Ceterum more maiorum in constituenda Asia, eaque in prouinciae formam redigenda, cum M. Aquilio cos. decem legati missi sunt. Ita Strabo. Triumphauit post ex Asia M. Aquilius anno urbis DCXXVIII. Hanc rem breuissime ita tradit Velleius: Asiam L. Scipio Africani frater

frater eripuit Antiocho, sed beneficio S. P. Q. R. mox ab Attalis possessam regibus M. Perperna capto Aristonico fecit tributariam. Et Sex. Rufus: Asia societate Attali regis nota Romanis est. Eamque Attali testamento relictam hereditario iure posidemus. Ne quid tamen populus Romanus non uiribus partum haberet, armis per nos ab Antiocho rege Syrorum maxime est uendicata. Eademque occasione, Lydia sedes antiqua regnorum, Caria, Hellespontus, ac Phrygia in potestatem populi Romani iuncta deditioe uenerunt. Et Plinius libro XXXIII. Asia (inquit) primum deuicta, luxuriam misit in Italiam. Si quidem L. Scipio transtulit in triumpho argenti caelati pondo millia CCCCL. uasorum aureorum pondo millia centum, anno urbis DLXV. Eadem Asia domita multo etiam grauius afflixit mores, inutiliorque uictoria illa hereditas Attalo rege mortuo fuit. Tum enim haec emendi Romae in auctionibus regijs uerecundia exempta est, urbis anno DCXXVI. medijs LVI. annis erudita ciuitate amare & non solum admirari opulentiam externam, immenso & Achaicae uictoriae momento ad interpellendos mores, quae & ipsa hoc interuallo anno urbis DCVIII. Parthica signa, & tabulas pictas inuexit. Quam uero Asiae dispositionem fecerit Augustus, quum imperium constitueret infra aperiam. Haec prouincia modo a proconsulibus, modo a pro praetoribus administrata est

PROVINCIA AETOLIA

Quum Aetoli ab amicitia populi Romani defecissent, se Antiocho regi Syriae coniunxerunt. Qui bello Graeciae illato plures urbes occupauerat. Itaque aduersus eum M. Acilius Glabrio cōsul rege Philippo Macedonum adiuuante, apud

Thermopylas prospere pugnauit, eumque uictum Graecia expulit, atque Aetolos deuicit. Eos postremo non quiescentes M. Fuluius Nobilior consul Ambracia Aetolorum vrbe nobilissima capta, ad pacis conditiones petendas compulit. Pacis conditiones fuerunt hae: Imperium maiestatemque populi Romani gens Aetolorum sine dolo malo conseruato. Ne quæ exercitum qui aduersus socios amicosque eorum ducitur per fines suos transire sinito, neue ulla ope iuuato, hostes eosdem habeto, quos populus Romanus, armaque in eos ferto, bellumque pariter gerito, obsides XL. arbitrato consulis Romani dato, Cephallenia extra pacis leges esto. De pecuniae summa, quam perderent pensionibusque eius nihil ex eo, quod cum consule conuenerat mutatum. Fuluius postea Cephalleniam transgressus omnes ciuitates in deditionem sine proelio ullo accepit. Samij soli obsidione in potestatem uenerunt. Romanam Nobilior reuersus nobilissimum de Aetolis & Cephallenia triumphum egit anno DLXVII

GALLI. ASIATICI. VICTI

Eodem anno Cn. Manlius M. Nobilioris collega ad ordinandam Scipionis Asiatici prouinciam, & foedus cum Antiocho scribendum missus, quum Ephesum in Asiam traiecisset, bellum Gallis Asiaticis, quod eos Antiochum auxilijs iuuisse diceret, mouit; atque ad singula eorum oppida Attalo rege ducente, arma circumtulit, Pisidasque, Gallograecos, Tolistobogios, Teftosagas, & Trocinos, qui Breno duce in Asiam transferant, quum soli citra Taurum montem non parerent adortus, bello sine S. C. aut iussu populi suscepto, in potestatem adduxit, & de ijs triumphauit. Rufus: Gallograeciam (inquit) id est Galatiam, sunt enim ut nomen resonat ex Gal
lis

lis Galatae, quod Antiocho contra Romanos auxilium prae-
buisent, Cn. Manlius inuasit. Mummius pro consule Galatas
persequutus est, & confugientes partim in Olympum, partim
in Megaram, de arduis eos in plana detrussit, & uictos in per-
petuam pacem redegit. Postea Galatiam Deiotarus tetrar-
ches Romanis permittentibus tenuit: ad extremum sub Cae-
sare Augusto Galatia in formam prouinciae redacta est, eam
primus M. Lollius pro praetore administravit

MACEDONIA PROVINCIA

P. Sulpicio Galba, C. Aurelio Cotta cos. paucis post secū-
dam pacem Carthaginensibus datam mensibus, cum Philippo
Macedonum rege bellum initum, quod Philippicum siue Mace-
donicum primum dictum est. Vacuos enim pace Punica iam
Romanos, & infensos Philippo, quum ob infidam aduersus
Aetolos, aliosque regionis eiusdem socios pacem, tum ob au-
xilia cum pecunia nuper in Africam missa Hannibali Poenisq;
preces Atheniensium, quos agro peruastato in urbem Philip-
pus compulerat excitauerunt ad renouandum Philippo bel-
lum, quod decem ferme ante annis incoeptum, triennio prius
depositum erat, quum Aetoli & belli, & pacis causae fuise-
sent. Vt ergo cum Poenis pro Mamertinis socijs primum, de-
inde pro Saguntinis secundum bellum susceptum est, sic cum
Philippo pro Atheniensibus. Hoc bellum a P. Sulpicio cos.
inechoatum annos quattuor perdurauit. Nam T. Quinctius
Flamininus consul aduersus Philippum missus cum eo ad Ci-
noscephalas acie uicto debellauit. Quo tempore L. Quinctius
frater eius Acarnanes, Leucade vrbe quae caput est Acarna-
niae, expugnata, in deditionem accepit. Legati a rege Philip-
po interim uenerunt, qui quaecunque senatus censuisset id re-

gem facturum esse dixerunt. Decem legati more maiorum quorum ex confilio T. Quinctius imperator leges pacis Philippo daret, decreti. Qui anno urbis conditae D LVIII. ex decem legatorum sententia pacem Philippo, Graeciae omni libertatem dedit. Atque ita primum Macedonicum bellum confectum est. Porro autem quum Philippus aegre ferens se iussu Romanorum foedus ac pacem habere, Bastarnas sedibus suis exciussset, eorum auxilijs fretus secundum bellum Romanis clam comparauerat, in cuius belli apparatu mortuus est. Id a patre iam meditatum, ac comparatum Perses eius filius suscepit, quod Persicum & Macedonicum secundum uocatum est. Perses enim quum regnum suscepisset, quasi hereditario sibi a patre relicto aduersus Romanos bello, ingenti pecunia comparata, multa praeter foedera gessit. Quare bellum ei a S. P. Q. R. indictum est, quod aduersus foedus cum Philippo patre ictum, & secum post mortem eius renouatum, socijs populi Romani arma intulisset, quodque belli parandi aduersus populum Romanum consilia inisset, & arma, milites, classemque eius rei caussa comparasset. Hoc bellum P. Licinio Crasso C. Cassio Longino inchoatum, quadriennio post L. Aemilius Paullus II consul creatus III. Nonas Septembris collatis apud Pindam signis confecit Persen. n. xx. millibus peditum occisis, equitatu cum ipso rege integro fugiente, uicit, castris exiit, atque omnes Macedoniae urbes in ditionem XL. diebus accepit. Rex ab amicis desertus, postea apud templum Samothracum a Cn. Octauiο classis praefecto captus est. Paullus Macedoniam tunc prouinciam non fecit, sed tum ex sententia X. legatorum quos ad componendam Macedoniam senatus de more misit, Macedonas omnes liberos esse iussit, & ut suis legibus uiuerent, suas urbes, & agros haberent, magistratus annuos crearent permisit, ueteris etiam stipendij, quod regibus

bus pependerant, dimidia parte releuauit, alteram dimidiam populo Romano pendere iussit, leges Macedoniae dedit tantam cura, ut non hostibus uictis, sed socijs benemeritis dare uideretur. Inde in Epirum cum traiecisset oppidorum quae Persen iuuerant circa LXX. muros diruit, praedam uendidit, atque de ea summa militi numerauit. Inde Romam ueniens per triduum ex Macedonia de rege Perse triumphauit anno urbis conditae DXXCVII. Ceterum postremo hanc ob causam Q. Metellus Macedonicus Macedoniam anno urbis DCVII. prouinciã fecit. L. Marcio & M. Manilio cos. Andriscus qui Philippi nomine sumpto, se Persis Macedoniae regis filium ingenti assueuratione mentiebatur, contracto exercitu totam Macedoniam aut uoluntate incolentium, aut armis occupauit. Thessalia quum & illam inuadere armis atque occupare uellet, per Romanos legatos auxilijs Achaeorum defensa est. Aduersus eum Q. Caecilius Metellus praetor missus xxv. millibus hominum occisis eum uicit, & in potestatem redegit, Macedoniam recepit, unde & Macedonicus dictus est. Hoc bellum Macedonicum tertium uocatum est, quo confecto Macedonia in prouinciae formam redacta est, ut tradit Florus

ILLYRICVM. ET. DALMATIA

Illyrij & Liburni qui sub extremis alpium radicibus inter Arsiam Lycumque flumina agunt, longissimeque per totum maris Hadriatici littus effusi sunt, muliere Teuta regnante, populationibus non contenti, & rapinis quas in mari agebant, alterum quoque ex legatis Romanis, qui missi fuerant de acceptis iniurijs conquestum, occiderunt. Quare bellum ijs L. Postumio, & Cn. Fulvio cos. primum indictum est. Quos bre

ui cos. Apollonia capta debellarunt. Atque cum regina Teuta his conditionibus pax facta est, ut Teuta quotannis tributum penderet, ac omni fere Illyrio excederet, neque ei extra Lissum, nisi cum duobus iisque inermibus lembis nauigare liceret. Quieuerunt Illyrij, usque ad bellum Persicum, uel Macedonicum secundum. In quo quum Perseus ultimo belli discrimine a Romanis urgeretur, Gentium Illyriorum regem ad belli societatem magnae pacatione pecuniae per legatos attraxit. Aduersus quem L. Anicius Gallus praetor a Romanis missus, Illyricum omne gentis capite Scodra capta, intra triginta dies subegit, ac Gentium ipsum regem cepit. Illyriumque, & Dalmatiam eodem anno, quo Macedoniam Paullus, idem L. Anicius debellauit, & unam prouinciam fecit. Triumphauitque post Paullum aliquot diebus rege Illyriorum Gentio, cum fratre, coniuge, & liberis ante currum ducto. Quod bellum, ut (inquit Florus) ante finitum est, quam geri Romae nuntiaretur. Aduersus Dalmatas aliquot annis post rebellantes C. Marcus cos. primum parum prospere, postea feliciter pugnauit. Eandem uero gentem P. Scipio Nasica Corculum cos. anno DXCIX. Delminio urbe expugnata domuit, et de ijs triumphauit. Postremo eos etiam tumultuantes L. Caecilius Metellus Dalmaticus omnino subegit

AFRICA. PROVINCIA

In Africam pro defensione Siculorum Mamertinorum Romana primum transmissa sunt signa, primumque Punicum bellum XXIIII. annorum interuallo gestum. Iterum cum Poenis pro Saguntinorum defensione bellum XLX. annorum susceptum, quod a Poenis Hannibalis ductu gestum; eo uictum a Scipione Africano confectum est, paxque a P. Scipione

his conditionibus Carthaginensibus concessa est. Vt liberi suis legibus uiuerent, quas urbes, quosque agros, quibusque finibus ante bellum tenuissent tenerent. Perfugas, & fugitios, & captiuos omnes, & naues rostratas praeter decem triremes traderent, elephantosque quos haberent domitos, neque domarent alios. Bellum neque in Africa, neque extra Africam iniussu populi Romani gererent. Masinissae res redderēt, foedusque cum eo facerent. Decem millia talentū argenti descripta pensionibus aequis in annos L. soluerent, obsides centum arbitrato Scipionis darent. Ita Liuius, Appianus, & alij. Atque hac ratione secunda pax Punica fuit. Quae annis prope quinquaginta duobus perdurauit. Nam anno urbis D C V. L. Marcio, & M. Manilio cos. bellum tertium non solum Poenis indictum, sed etiam initum est, quod post intra quadriennium, Carthaginis ipsius excidio a P. Scipione Africano minore est terminatum. Belli caussae erant, quod contra foedus naues haberent, & extra fines exercitum duxissent, quodque socio populi Romani, & amico Masinissae arma intulissent, et quod filium eius Gulussam, qui cum legatis Romanis erat, in oppidum non recepissent. Bellum per quadriennium gestum est. Quod postremo Carthagine a P. Scipione expugnata DCC. anno quam erat condita, confectum est, urbem per decem, & septem dies arsisse omnes commemorant. Carthagine excisa Scipio uictoriae nuntium Romam misit, sacrificia, & ludos fecit, transfugas omnes bellicis obiecit, & praedam militibus omnem, praeter aurum, argentumque, & insignes statuas dispertiuit. Romae Scipionis uictoria cognita gaudium ingens ortum, sacrificia, supplicationes, & ludi dijs facti. Decem legati ex more in Africā missi, qui cum Scipione Africam prouinciam constituerent. His mandatum est, ut si quid superesset urbis disturarent, quae

cui-

ciuitates rebus Poenorum studuissent, eorum oppida diruerent, quae pro Romanis stetissent, praemijs agrisque donarent, quibus rebus perfectis, Scipio Romam rediens nobilissimum triumphum egit, argenti quater millia quadringenta, et septuaginta millia pondo tulisse, tradit Plinius libro XXXIII. Ita Carthagine, Africaque in potestatem redacta, Africani cognomen sibi, ut auus eius etiam fecerat, uendicauit. Hac uictoria Africae tributum impositum, & ut quotannis eo praetor mitteretur tradit Appianus. Velleius etiam, & Strabo ultimo Carthaginensium regionem tum in provinciae formam redactam tradunt. Rufus: Ter Africa rebellauit, ad extremum deleta per Africanum Scipionem Carthagine, provincia facta est. Africam autem provinciam intelligo regionem uniuersam, quam Carthaginenses possederant. Nam Numidia, & ipsa pars Africae non nisi Iugurtha uicto, item Mauritania mortuo Ptolemeo a C. Caligula, & Cyrenaica, quae liberae gentes in Africa erant, ab Augusto provinciae factae sunt. Africa provincia a praetoribus primum, deinde anno DCXXXVI. a consulibus, post Augusti tempora a proconsulibus, postremo a consularibus administrata est.

PROVINCIAE. ACHAIA. ET G R A E C I A

Scipione Africano minore, C. Liuius Drusus cos. anno urbis DCVI. Bellum in Achaia excitatum est, causam huius belli tradit in epitoma Florus, quod legati populi Romani ab Achaenis pulsati sunt. Corinthum missi erant, ut eas ciuitates quae sub ditione Philippi fuerant, ab Achaico concilio secernerent. Qua de re plenius Iustinus libro XXXIII. sic tradit: Quarentibus (inquit) Romanis causas belli aduersus Achaecos,

Achaeos, tunc solos ex uniuerſa Graecia nimis potentes, tempeſtiue fortuna, quaerelas Spartanorum obtulit, quorum agros Achaei propter mutuum odium populabantur. Spartanis a ſenatu reſponſum eſt, legatos ſe ad inſpiciendas reſ ſociorum, & ad iniuriam demendam in Graeciam miſſuros, ſed legatis occulta mandata data ſunt, ut corpus Achaeorum diſſoluerent, ſingulasque urbes proprii iuris facerent. Igitur legatis omnibus ciuitatis principibus euocatis Corinthum, decretum ſenatus recitant, quid conſilij habeant aperiunt: Expedire omnibus dicunt, ut ſingulae ciuitates leges ſuas, & ſua iura habeant, quod ubi omnibus innotuit, ueluti in furorē uerſi uniuerſum peregrinum populum trucidant, legatos quoque ipſos Romanos uiolaſſent, niſi audito tumultu, trepidi fu- giſſent. Florus Critolaum Achaeorum ducem dubium an manu, oratione certe legatos Romanos uiolaſſe ait. Pausanias Critolaum ducem ab ijs lectum, bellum contra Romanos ſuaſiſſe ſcribit. Pythiam item, qui Thebis magiſtratum gerebat, Boeotos ad arma, quod a Metello praetore Macedoniae magna pecunia mulctati fuerant, concitaſſe. Quibus rebus Romam nuntiatis, Romanos Achaeis bellum indixiſſe. Quod a Q. Metello Macedoniae praetore inchoatum, anno ſequenti L. Mummius conſul, qui Metello ſucceſſerat cum Corinthi excidio confecit. Florus. Cum Achaeis, qui in auxilium Boeotos, & Chalcidenſes habebant, Q. Caecilius Metellus ad Thermopylas bello confligit. Quibus uictis eorum dux Critolaus ueneno ſibi mortem conſciuit. In cuius locum Diaeus Achaiae motus primus auctor, ab Achaeis dux creatus, a L. Mumio conſule uictus eſt, qui omni Achaia in deditionem accepta, Corinthum ex S. C. diruit, quia ibi Romani legati uiolati eſſent. Thebae quoque, & Chalcis dirutae. Ipſe abſtinentiſſimum egit triumphum. Ita Florus. Corintho exciſa, L.

Mummi

Mummius omnibus Graecis arma ademit, & ex decem legatorum, quos senatus miserat sententia prouincia constituta est, tributum Graeciae impositum, concilia sublata, institutumque; ut eo quot annis praetor mitteretur, qui non Graeciae, sed Achaiae praefectus appellaretur, quod Graeciam Romani per Achaeos tum Graeciae principes, subegerunt. Hoc etiam bello Epirotas cum Achiuis, & Thessalis, & Macedonibus in prouinciae formam redactos produnt Iornandes, et Rufus ita: Graecis in nostram fidem confugientibus ad Achaiam accessimus. Athenienses aduersum Philippum Macedonum regem auxilium nostrum petierunt. Libera diu sub amicis nostris Achaia fuit, ad extremum legatis Romanorum apud Corinthum uiolatis, per L. Mummium cōsulem capta Corintho, Achaia omnis obtenta est. Epirotae, qui aliquando cum rege Pyrrho in Italiam uenire praesumpserant uicti, atque Thessali simul cum Achiuorum, & Macedonum regionibus nobis accesserunt. Atque ita eodem anno Macedonia, Africa, & Achaia tres prouinciae factae. Prouinciam tamen Macedonia postea cum Achaia coniunxit, eque duabus unam fecit rogatione perlata P. Clodius tribunus plebis, et utranque L. Pisoni, quasi praemium, quod in Cicerone eiiciendo consensisset, dedit administrandam

PROVINCIA : G A L L I A
N A R B O N E N S I S

M. Plautio Ypsaeo, & M. Fulvio Flacco cos. anno urbis DCXXIIX. primum cum Gallis trans alpes dimicatum est. Salyes populi huius auctores belli fuerunt, quum Massiliensium sociorum populi Romani fines inuasissent. Salybus accesserunt Aruerni, Ruteni, & Allobroges, quibus quadriennij spatium

tio subactis bellum finitum est, quod ab ijs Allobrogicum est
 appellatum, res aduersus eos prospere imperatores Romani
 gesserunt M. Fuluius Flaccus, anno urbis DCXXIX. C.
 Sextius Caluinus An. DCXXX. & DCXXXI. Cn. Do-
 mitius Ahenobarbus An. DCXXXII. & Q. Fabius Maxi-
 mus Aimiliani filius, qui postea Allobrogicus dictus est, anno
 DCXXXIII. Florus: Prima trans Alpes arma nostra sen-
 sere Salyes, quum de incursionibus eorum fidiſſima, atque ami-
 ciſſima ciuitas quaereretur Maſſilia. Allobroges deinde, et Ar-
 uerni, quum aduersus eos ſimiles Aeduorum querelae, opem
 & auxilium noſtri flagitarent. Et in epitoma LX. Fuluius
 Flaccus primus omnium tranſalpinos Ligures bello domuit,
 miſſus in auxilium Maſſilienſibus aduersus Salyos Gallos, qui
 fines Maſſilienſium populabantur. Marcellinus libro decimo-
 quinto: Gallorum regiones praecipuae, quae Italicis cōſines,
 primo tentatae per Fuluium, quaſſatae per Sextium, ad ultimū
 per Fabium Maximum domitae. Fuluius igitur Sextius, qui Sa-
 lyos deleuit, ſucceſſit. Sextio Ahenobarbus, qui Allobroges et
 Aruernos uicit, & de ijs triumphauit. Huic Q. Fabius Al-
 lobrogicus, qui Gallis Aruernis, Rutenis, & Allobrogibus
 ingenti proelio ſuperatis, & hoſtium rege Bituito capto, bellū
 conſecit, ut his uerbis tradit Florus: Q. Fabius Maximus con-
 ſul Paulli nepos aduersus Allobrogas, & Bituitum Aruernor-
 rum regem feliciter pugnauit. Ex Bituiti exercitu caeſa millia
 hominum CXX. Allobroges in deditionem accepti. Eadem re
 ferunt Strabo libro quarto, Oroſtus, Plinius libro ſeptimo.
 Appianus, Velleius, & Marcellinus. Addit Caefar libro primo
 de bello Gallico: Aruernos, & Rutenos a Fabio Maximo ſu-
 peratos, ijsque P. R. ignouiſſe, neque in prouinciam redegiſſe,
 neque ſtipendium impoſuiſſe. Galliam uero Narbonenſem hoc
 bello in prouinciae formam redactam, atque ut quotannis in
 eam,

eam, ut praetores mitterentur, institutum, & Pomponius de origine iuris referre uidetur, & ex sequentium annorum historia patet, tum maxime ex Critognati Aruerni apud Caesarem oratione libro septimo, quum ait: Quod si ea, quae in longinquis regionibus geruntur ignoratis, respicite finitimam Galliam, quae in prouinciam redacta, iure, & legibus commutatis, securibus subiecta, perpetua praemitur seruitute. Post Allobrogicum aliquot Romani duces, de iisdem Gallis, & praefertim Alpinis tumultuantibus, & uictis triumpharunt. Postremo eam C. Marius ab impetu Cimbrorum egregie defendit, atque Cimbris caesis, pacem & quietem eius conseruauit. C. Pontinius Allobroges tumultuantes compescuit. Quam postremo prouinciam, quum C. Caesar obtinuisset, uniuersam Galliam nouem annorum interuallo in P. R. ditionem redegit

INSVLAE . BALEARES V I C T A E

Q. Caecilio, & T. Quinctio cos. dum res cum Allobrogibus geruntur, bellum Balearicum exortum est. Cuius hanc causam exponit Florus: Baleares (inquit) insulae piratica ratione corruperant maria, ascendere etiam inconditas rates, & praeternauigantes subinde inopinato metu terruere. Sed quum uenientem ab alto Romanam classem prospexissent, praedam putantes ausi etiam occurrere, & primo impetu ingenti lapidum, saxorumque nimbo classem operuere, sed non diu, nam postquam cominus uentum est, expertique rostra et pila uenientia pecudum in more clamore sublato petierunt littora furga, dilapsique in proximos tumulos quaerendi fuerunt, ut rincerentur. Metelli Macedonici filij auspicio res gesta, Balea uici ei cognomen imposuit. Strabo libro tertiodecimo. Quum

ex Balearibus pauci quidam improbi, cum maris praedonibus conspirassent, uniuersos criminatus Metellus cognomento Balearicus inuasit, idemque colonias condidit. De his uictis et subactis triumphauit

P R O V I N C I A . T H R A C I A

M. Acilio Balbo C. Catone cos. anno urbis DCXL. Bellum cum Thracibus Macedoniae finitimis, quod non in proximam modo prouinciam Macedoniam incurrerent, sed Thessaliam, atque Dalmatiam, usque ad Hadriaticum mare praedando peruenissent. Contra quos primus consul missus est C. Cato cum praetore T. Didio. Consul male aduersus Thrakas, praetor bene pugnavit, & de ijs triumphauit. Hoc bellum multis annis continuatum est, de quo sic scribit Rufus: In Thracias Macedonici belli occasione transcursus est; saeuissimi omnium gentium Thraces fuerunt. In Thracum regionibus Scordisci habitauerunt pariter crudele, & callidum genus. Saepe per eos caesus est Romanus exercitus. T. Didius uagantes Thrakas repreßit, M. Liuius Drusus intra fines proprios continuit, M. Minucius Rufus in Hebri fluminis glacie uastauit, L. Sulla dictator Dardanos, atque alios Thracum populos Macedoniae incursantes proelio profligauit. Cn. Dolabella post Sullam contra Thraces res prospere gessit. Per Ap. Claudium proconsulem hi, qui Rhodopen, & Caucasum incolunt uicti sunt. Europae maritimas urbes ante Romana classis obtinuit. Dardanos, & Moesos Curio proconsul subegit, & primus Romanorum ducum ad Danubium usque peruenit. M. Lucullus per Thracias cum Bessis primus pugnavit, ipsamque caput gentium Thraciam uicit. Hemimontanos uicinos subegit, Olympiadam, quae nunc Philippopolis,

D d lis,

lis, & Muscadoniam, quae modo Hadrianopolis dicitur in ditionem nostram redegit, Caubilem cepit, supra Pontum positas ciuitates occupauit, Apolloniam, Galatiam, Parthenopolim, Tomos, Istrum, ad Danubium usque perueniens Romana Scythis arma monstrauit. Triumphauit uero procos. de Thracibus, Dardanis, & Bessis ex Macedonia

PROVINCIA . NUMIDIA

Anno urbis DCXLIII. P. Scipione L. Bestia cos. Bellum contra Iugurtham Numidarum regem a populo Romano susceptum est, quod fratres Hiempsalem, & Adherbalem agitatae regni cupiditate, contra senatus denuntiationem occidisset. Primus in Numidiam cum exercitu missus L. Calpurnius Bestia, qui captus regis pecunia pacem cum eo flagitiosam fecit, quae a senatu improbata est: post Bestiam Sp. Postumius res in Africa male gessit. Deinde Q. Metellus consul aduersus Iugurtham missus exercitu ad pristinam disciplinam reducto, duobus proelijs Iugurtham fudit, Thalam oppidum diripuit, uniuersam Numidiam uastauit, ac regem ipsum per Mauros & Getulos fugientem insequutus, re paene confecta successorem accepit C. Marium consulem. Ipse Romam triumphans ingressus est Numidici cognomine auctus. C. Marius consul transportatis in Africam copijs Iugurtham qui bellum reparauerat aliquot leuibus proelijs primo fudit, fugauit, & armis exiit. Eum postremo cum Boccho Mauritaniae rege quem bello socium adsciuerat uicit. Bocchus in desperationem uersus Iugurtham uiuum Romanis prodidit. A qui bus captus & in triumphum a C. Mario ductus, occisus est. Numidia quae eius regnum fuerat a C. Mario pro cos. anno DCXLIX. ex decem legatorum sententia prouinciae formam accepit,

accepit, atque in Africa duae provinciae factae sunt, Africa ubi erat Carthago, & Numidia. Hanc rem Sex. Rufus ita tradit: Numidia ab amicis regibus tenebatur, sed Iugurthae ob nequitos Adherbalem & Hiempsalem Micipsae regis filios bellum indictum est. Quo per Metellum consulem attrito, perque C. Marium capto in potestatem populi Romani Numidia uenit

PROVINCIA · CYRENEICA

Anno urbis DCLX. C. Coelio & L. Domitio cos. Ptolemaeus Cyrenarum rex cui cognomen Appioni fuit, mortuus heredem populum Romanum reliquit, & eius regni ciuitate senatus liberam esse iussit. Cyrene autem Africae regio est Aegypto contermina. De hac re ita scribit Rufus: Cyrenas quā ceteris ciuitatibus Libyae Pētapolis Ptolemaei antiquioris liberalitate suscepimus. Libyam supremo Appionis regis arbitrio sumus assequuti. Libera haec regio diu fuit. Postremo eam in provinciae formam redegit Augustus, Cretaeque administrationi coniunxit, ut Dio, & Strabo auctores sunt

PROVINCIA · CILICIA

Aduersus Cilices & Isauros, qui se piratis & maritimis praedonibus iunxerant, mareque omne, quod inter Cretam, atque Cyrenas, Piraeum, et Achaiā, sinumque Maliacū est latrocinij uexabant, P. Seruilius Vatia proconsul missus, eos Phaselide, Coryco, Olympo, Isauroque ipsa Ciliciae arce captis, subegit, atque Isauricus appellatus est. Hoc bello P. Seruilius Pamphiliā, Lyciam, Icariam, Isauriam, Phrygiae, & Ciliciae partem in provinciae formam redegit, (nam Cilicia

post Mithradatico bello tota fere a Pompeio in potestatem redacta est, primusq; omnium Romanorum ducum per Taurum duxit exercitum, ac limitem itineris fecit. Unde Rufus ita scribit: Cilices, & Isauros qui se piratis & praedonibus maritimis iunxerant Serulius proconsul ad praedonum bellum missus subegit, & uiam per Taurum montem primus instituit, Pamphiliam, Phrygiam, Icariam idem obtinuit, isque de Cilicibus & Isauris triumphauit, atque Isauricus cognominatus est. Triumphauit autem anno urbis DCXXX. De hoc bello multa Eutropius, Orosius, Florus ex Liuius, & Marcellinus libro XIIII. qui sic loquitur: Cilicia & Isauria prouinciae bello quodam piratico cateruis mixtae praedonum, a Serulio procos. sub iugum missae, factae sunt uectigales. Iustinus libro XL. Creta Ciliciaque piratico bello perdomitae in formam prouinciae rediguntur. Et Iornandes: Serulius proconsul bello piratico obtinuit Pamphiliam, Ciliciam; Pisidiā deuicit, fecitque prouincias

PROVINCIA BITHYNIA

Bithyniae rex Eumenes Romanorum socius, qui bello Macedonico secundo Romanis contra regem Persen subsidia tulit, filium Prusiam reliquit. Hic filium Nicomedem successorē regni habuit. Post quem alius Nicomedes Bithyniae rex fuit, amicitia Caesaris dictatoris notus, cognomine Philopator, Hic eodem tempore quo P. Serulius Isauros & Cilices domuit sine liberis moriens, ut antea Attalus Asiam, sic ipse Bithyniā populo Romano testamento reliquit. Cuius regnum in prouinciae formam redactum est, quae paulo post una cum Ponti parte in qua Mithradates regnauit, eo mortuo, una prouincia facta est, Bithyniaeque nomine appellata: utramque uero in prouin-

prouinciae formam redegit Cn. Pompeius Magnus proconsule Ponti rege Mithradate uicto, atque occiso. Altera porro Ponti pars Bosphorum uersus Pharnaci Mithradatis filio regi cessit. Bithynis & Ponticis Pompeius leges, & iura constituit; de quibus Plinius meminit ad Traianum

PROVINCIA. CRETA

Primus in Cretam insulam bello Antiocheno Romanum exercitum deportauit Q. Fabius Labeo praetor, rebusque in ea prospere gestis naualem triumphum egit, longo tempore post, quum Cretenses praedonibus piratisque se adiunxissent, atque Mithradati studuisse a P. R. instimulati essent, aduersus eos primo missus est M. Antonius III. viri pater, qui Creta, ubi parum prospere pugnauerat, mortuus est. Post quem iterum aduersus Cretenses missus est Q. Metellus consul, qui totam insulam igni ferroque uastauit. Gnossam, Lyctum, Eleuthram, Lappam & Cydoniam vrbes cepit, saeue in captiuos animaduertit, postremo uictis Lashene, & Panare Cydoniae ducibus uictor rediit, nec quicquam amplius de tam famosa uictoria quam Cretici cognomen reportauit. Domitis igitur Cretensibus, liberae in id tempus insulae leges dedit. Nam anno sequenti X. legatis a senatu missis creta in prouinciae formam redacta est. Vnde Velleius: Creta Metelli ductu longissimae libertatis fine mulctata est. Et Rufus: Creta per Metellum consulem prouincia facta est. Iustinus quoque libro XL. Creta & Cilicia bello piratico perdomitae, in prouinciae formam redactae sunt. Cretam postea cum Cyreneica unam prouinciam fecit Augustus

PROVINCIA . PONTVS

Pontus pars maior per Pompeium Magnum uicto Mithradate rege Ponti, prouinciae formam accepit. Nam altera pars sub Nerone, Ptolemaeo Ponti rege mortuo eandem fortunam est consequuta. Paphlagoniam Ponto finitimam prouinciam Pylaemenes rex amicus populi Romani ui tenuit, saepe a Mithradate pulsus ex regno, a Romanis est restitutus: quo mortuo postea Paphlagonia prouincia facta. Bello hoc Mithradatis ea Ciliciae pars quae nondum imperio Romano subiecta erat, item Asia quae ad Pergamum est, Pontus, Bithynia, Phrygia, finitima Mysia, Lycaonia, Pamphilia, Galatia, Lydia, Caria, Ionia, Hellepontus, Lycia, Icaria, Pistadia, Armenia minor, atque ipsa Graecia partim recuperatae, partim tunc primum in potestatem populi Romani redactae, ut tradit Appianus. Quarum prouinciarum dispositionem paulo post referam

PROVINCIA . SYRIA

Syria Pompeij Magni uirtute ultimo bello Mithradatico uicta leges accepit, prouinciarumque populi Romani numerum auxit. Cn. enim Pompeius aduersus Mithradatem Ponti regem, qui diuturno bello populum Romanum Sulla & Lucullo ducibus fatigauerat, quamquam ante a Lucullo fractum, missus, ipsum saepe uicit, & in ultimas, & incognitas terras fugauit. Aliquot proelijs Tigranem Armeniorum regem, quod Mithradati auxilia contra Romanos praestitisset uictum in deditionem accepit, eique Cappadociam, Ciliciae partem, Armeniam minorem, & Mesopotamiam, ac Syriam cum Phoeni-

ce &

ce, & Sophene, quas regum Syriae stirpe deficiente, uì intera-
ceperat, usque ad Euphratem ademit, pecuniam ingentem im-
perauit, regnumque Armeniae maioris ei tātum concessit. Al-
banorum, Colchorum, & Iberiae reges proelio uictos obsidi-
bus acceptis, dimisit liberos. Nouissime Mithradatem saepe
deuictum ueneno sibi mortem asciscere coegit. Qui deinde in
Syriam transgressus, Aretam Arabum regem qui Syros popu-
latus erat in deditionem accepit; in Palestinam profectus Iu-
daeos debellauit, urbem Hierosolymam cepit, atque Hyrcano
rege constituto in Pontum reuersus est, ubi urbibus in fidem
acceptis, in Asiam tralecit, quum Orientem omnem usque ad
Euphratem debellasset. Ex regionibus uictis Pontum, Bithy-
niam, & Phrygiam; Asiam cum Lydia, Caria, Ionia, Hellespō-
to, & Mysia; item Ciliciam; Syriam quoq; ac Mesopotamiā,
prouincias populi Romani quattuor, uel de nouo fecit, uel rea-
stituit. Regibus amicis & foederatis, ut Tigrani Armeniam
maiolem, Pharnaci Mithradatis filio Bosphorum, Ariobarza-
ni Cappadociam, Antiocho Comageno Seleuciam, Deiotaro
atque alijs tetrarchis cum Armenia minore Galatiam, & Ly-
caoniam, Pylaemeni Paphlagoniam, Aristarcho Colchidem,
Palestinam Hyrcano permisit. Rhodios, Pisidiam, & Lyciam
suis legibus liberas reliquit. Deinde in urbem reuersus ex
Asia, Ponto; Cilicia, Paphlagonia, Cappadocia, Syria, Scythis,
Iudaea, Albanis, Iberia, insula Creta, Basternis, Armenia, pi-
rateis, & regibus Mithradate, atque Tigrane nobilissimum
triumphum per biduum III. & prid. kal. Octobris egit, Anno
urbis DCXCIII. cuius triumphi titulus hic fuit: Cn. Pompe-
ius Magnus bello xxx. annorum confecto, fustis, fugatis,
occisis, in deditionem acceptis hominum uicies semel centenis
LXXXIII ∞. depressis aut captis nauibus DCCCLXVI
oppidis, castellis ∞ DXXXVIII. in fidē acceptis, terris a

Maeoti lacu ad Rubrū mare subactis, uotū merito Mineruae

PROVINCIA. CYPRVS

Insula Cyprus ultima stante Rep. in prouinciae formam more maiorum est redacta, misso in eam M. Catone quaestore, cum iure praetorio, lege P. Clodij tribuni plebis, Cn. Lentulo & L. Philippo cos. ut rege Ptolemaeo pulso, insulam prouinciam faceret, ac bona regis publicaret. Is in insulam quā nauigasset, per Canidium quem praemiseraat regi, qui sibi uim inferri non est passus, persuasit, ut sponte Cypro cederet, cuius morte percepta, quam rex ueneno hausto, ipse sibi Rhodi consciuerat, in Cyprum profectus, insula constituta regiam suppellectilem omnem, quae praeciosissima erat Romam cum magna senatus ac magistratuum occurrentium uoluptate ac plausu, per Tiberim deuexit. Qua de caussa senatus ei praeturae citra comitia decreuit, quem ille honorem repudiavit. Hanc rem ita memorat Rufus: Cyprus famosa diuitijs paupertatem populi Romani ut occuparet sollicitauit. Eam rex foederatus Ptolemaeus regebat, sed tanta fuit penuria aerarij Romani, & tam ingens fama opum Cypriarum, ut lege lata per P. Clodij tribunus plebis Cyprus confiscari iuberetur, quo accepto nuntio rex Cyprius uenenum sumpsit, quo uitam potius quam diuitias amitteret. Cato Cyprias opes nauibus deuexit, ita ut ius eius insulae auarius magis quam iustius Romanis sint assequuti. Et Velleius, Cyprus S. C. ministerio Catonis, regis morte facta prouincia est. Haec postea simul cum Cilicia tanquam una prouincia S. C. tradita est P. Lentulo proconsuli, quod haec uerba Ciceronis ad ipsum significant: Te posse perspicere qui Ciliciam Cyprumque teneas, quid efficere quid consequi possis. Postea quaestores in eam missi cum iure praeto-

praetorio, quod ab eodem Cicerone deducimus, qui ad C. Sextilium Rufum sic scribit: Tuae laudi conducere arbitror, quum primus in eam insulam quaestor ueneris, ea instruere quae sequantur alij

PROVINCIA GALLIA TRANSALPINA

Bellum Gallicum Transalpinum, quod Caesar per nouem annos gessit L. Pisone A. Gabinio cos. susceptum est, non Gallorum magis culpa quam Caesaris, qui gloriae cupidus omnē belli occasionem arripuit. Is enim in consulatu quem anno ante gesserat, Crasso & Pompeio & L. Pisone cos. suffragantibus Illyricum, ac Galliam citeriorem cum tribus legionibus a populo, ulteriorem cum legione una in quinquennium a senatu obtinuerat. Qui in provinciam profectus, efferis & fortissimis gentibus lacesitis, nouem annis quibus in imperio fuit omnem Galliam, quae a saltu Pyrenaeo alpibusq; & in monte Gebenna, fluminibus Rheno, ac Rhodano continetur, patetq; circuitu ad bis & tricies centum millia passuum, praeter socias, ac benemeritas ciuitates in prouinciae formam redegit, eique in singulos annos stipendij nomen imposuit. Germanos qui trans Rhenum incolunt, primus Romanorum fabricato ponte aggressus, maximis afficit cladibus. Aggressus est Britānos, ignotos antea, superatisque pecunias, & obsides imperauit. Velleius: Gallias primum Domitio, & Fabio nepote Paulli, qui Allobrogicus appellatus est intratas cum exercitu, magna mox clade nostra saepe, & adfectauimus, & admistimus, sed fulgentissimum C. Caesaris opus in his conspicitur, quippe eius ductu auspicijsque infractae paene idem quod totus terrarum orbis ignauum conferunt stipendium. Et Rufus

fus: Ceterum Caesar cum decem legionibus Gallias per annos nouem subegit, cum Gallis ultra Rhenum postius confligit, ab alpibus Britanniam usque transiit, decimo anno Gallias, & Britannias tributarias fecit

Hae itaq: sunt regiones omnes, populi, regna, & gentes, quae ab vrbe condita usque ad annum eiusdem vrbis DCCV. consulatumque L. Lentuli, & M. Marcelli, in quo Caesar dictator primum creatus, libertatem oppressit, in ditionem populi Romani uenerunt. Quarum triplex conditio fuit. Etenim aut liberi populi suis legibus uiuere permisi; aut regna amicis, & foederatis regibus concessa; aut prouinciae populi Romani fuerunt, in quas quotūnis uel proconsules, uel praetores mitterentur. Prouinciarum enim quaedam consulares quaedam praetoriae erant, idest, quaedam a proconsulibus, quaedam a propraetoribus regebantur. Verum ne quis erret, neutrum perpetuum fuit, non enim haec aut illa prouincia semper aut consularis, aut praetoria; sed ita nomen mutabat, ut uarie modo a consularibus, modo a praetoribus administrabatur. Quam potestatem non populus sed senatus habebat, ut quos uellet, in quas uellet mitteret administratione annua, quod lege Sempronia a C. Graccho tribuno plebis sancitum erat. Quam legem C. Caesar non obseruauit, cui prouinciae per quinquennium decretae sunt. Erat igitur eadem prouincia ex uoluntate senatus modo consularis, modo praetoria. Vt (exempli gratia) Macedonia, quam Cn. Dolabella, C. Curio, M. Lucullus, L. Torquatus, C. Antonius omnes consulares administrarunt, tum C. Octavius praetorius Augusti naturalis pater, rursus consularis L. Piso, & Pisone reuocato Q. Ancharius praetorius, idemque patet in ceteris. Nouissimis autem reip. temporibus paulo ante Pharsalicam pugnam, qua libertas populi Romani concidit,

dit, prouinciarum populi Romani administratio in xv. dioeceses diuisa erat, septē consulares, & octo praetorias: Quod ex Coelij epistola ad Ciceronem eo tempore scripta apparet, ubi sic scribit: Senatui placere in Ciliciam prouinciam, in que octo reliquas praetorias mitti. Regebantur porro octo prouinciae, quae in eo S. C. praetoriae uocantur a magistratibus octo praetorijs, Cypro excepta, quam quaestor, ut supra ostendi, cum iure praetorio administrabat. Verum postea inter praetorias numerata fuit. Prouinciae autem populi Romani, quas xv. fuisse ex ea Coelij epistola liquet, tum cōsulares, tum praetoriae, hae erant

Sardinia et Corsica prouinciae factae inter primum & secundum bellum Punicum a T. Manlio Torquato, & C. Papirio Masone

Sicilia, cuius partem prouinciam fecit bello Punico primo C. Lutatius Catulus, totam uero bello Punico secundo M. Valerius Laeuinus

Gallia Cisalpina prouincia facta a M. Claudio Marcello V. consule

Gallia Transalpina a Q. Fabio Maximo Allobrogico

Hispania citerior } Scipionis Africani uictoria prouincia factae
Hispania ulterior }

Illyricum, Dalmatia, Istri, & Liburni in prouinciae formam redacti uictoria L. Anicij Galli

Africa, & Numidia prouinciae factae a Scipione Africano minore, & C. Mario VII. cos

Macedonia, Achaia, Thracia, Graecia, Aetolia, Thessalia Boeotia, Acarnania, Epirus prouinciae factae Q. Metelli Macedonici, L. Mummiij Achaici, M. Terentij Luculli, & M. Fuluij Nobilioris uictorijs; omnes enim hae prouinciae lege P. Clodij ab eo qui Macedoniae praeerat, regebantur

Asta,

Asia, Lydia, Ionia, Caria, Hellespontus, Mysia, & Phrygiae pars, prouinciae factae M. Perpernae, & M. Aquillij uictorijs

Pontus, & Bithynia, & Propontidis pars, a Cn. Pompeio Magno prouinciae factae

Cilicia, Pamphiliae, Lycaoniae, & Phrygiae pars, uictorijs P. Seruilijs Isaurici, & Cn. Pompei Magni. Phrygiam in duas iurisdictiones dispartitam fuisse, ut una pars Ciliciae, altera tribuerentur Asiae, itemque Pamphiliae, & Lycaoniae partem sub regibus, partem sub Ciliciae procos. fuisse. Cicero & Dio auctores sunt

Suria omnis usque ad Euphratē, & Mesopotamiae pars in prouinciam a Cn. Pompeio Magno redactae

Creta insula Q. Metelli Cretici uictoria prouincia facta

Cyprus insula a M. Catone in prouinciae formam composita

Quod autem esset annuū uectigal, quod populus Romanus ex his omnibus prouincijs, tam ante, quam post bellum Mithradaticum capiebat, quantumque id Cn. Pompeius, primū, deinde libertate sublata sequentes Romani imperatores auxerint, usque ad Traiani Augusti principatum, sub quo imperiū Romanum, ad summum quod peruenire potuerit, auctum, sensim deinceps labare coepit, haud multo post, commodius ex instituto exponam

*Harum prouinciarum hae consulares
hoc tempore erant*

*Hispania citerior } a Cn. Pompeio pro cos. per le-
Hispania vltior } gatos administratae*

Gallia

Gallia Cisalpina	} quas unus C. Caesar procos. obtinebat
Gallia Transalpina	
Illyricum, & Dalmatia	
Cilicia &c. a M. Cicerone procos	} administratae
Suria &c. a M. Bibulo procos	

Hae vero VIII. praetoriae pro-
uinciae erant

Sicilia
Sardinia, & Corsica
Africa, & Numidia
Macedonia, Achaia, Graecia, &c
Asia, Lydia, Caria, Ionia, Mysia, &c
Pontus, & Bithynia
Creta insula
Cyprus insula

Hoc tempore socij, vel foederati reges
erant

Ptolemaeus Aegypti	} Ex Dione, Cice- rone, Rufo, & Strabone
Iuba Mauritaniae	
Pharnaces Bosphori, & Ponti	
Ariobarzanes Cappadociae	
Tigranes Armeniae maioris	
Antiochus Comagenae	
Deiotarus, & tres alij Armeniae minoris, Galatiae, & Pamphiliae	
Pylaemenes Paphlagoniae	
Aristarchus Colchidis	
Hircanus Iudaeae Palaestinae	

Hae

Liberi vero populi erant

Rhodij, Tranquillus in Vespasiano
 Cyreneici in Africa. Liuius, & Dio
 Pisidae & } in Asia. Cicero in epistolis ad At-
 Lycij } ticum

Haec porro est Romanae ditionis prouinciarum ab Hispania
 ulteriore extrema ad occidentem prouincia, usque ad Euphra-
 tem, qui terminus ad orientem imperij fuit, descriptio. Quod
 populi Romani extremo libertatis tempore imperium erat. In
 quas omnes prouincias ibant, uel consulares cum duodecim
 fascibus, uel praetorij cum sex, totidem utrique quot in urbe
 habebant: interdum etiam praetorios cum iure consulari, et
 duodecim fascibus senatus in prouincias mittebat, ut Q. Cice-
 ro in Asiam. De quo Tranquillus in Augusto: Extant (in-
 quit) Ciceronis epistolae, quibus Quintum fratrem parum
 secunda fama proconsulatum Asiae administrantem hortatur
 & monet, imitetur in promerendis socijs uicinum suum Octa-
 uium, ubi proconsulatum uocat hominis praetorij administra-
 tionem. Eadem ratione titulus est Q. Metello Celeri pro cos.
 in duabus epistolis. Qui tamen consulatum non gesserat, sed
 ex praetura in Galliam Cisalpinam profectus erat. Item alia
 bi: Cum prouinciam Asiam proconsulari imperio obtineres,
 & cet. de homine praetorio loquitur. Primis temporibus quā
 prouinciae tuendae armis essent, & in discrimine uersarentur
 exibant in eas inito statim magistratu consules, & praetores;
 uel ut quaeque cuique sorte obtigerat, uel etiam quandoque
 consulibus inter ipsos comparantibus, sic enim loquebantur
 quum inter eos de duabus consularibus prouincijs conuenisse-
 set,

set, nam inter praetores comparandi consuetudinem non fuisse opinor, quod si bellum produceretur, imperium in iisdem prouincijs proconsulibus, aut proprætoribus a senatu prorogabatur in annum, & aliquando in biennium. Donec C. Gracchus tribunus plebis Tiberij frater legem tulit, ut consulares prouinciæ quotannis per senatum decernerentur, & imperiũ consulare, non nisi annuum esset. Post constitutas uero quaestiones perpetuas, quod Cicero anno urbis DCV. factum fuisse tradit L. Marcio Censorino, M. Manilio cos. præturæ iurisdictionis forma paulo etiam mutata est, nam quum sex prætores essent, duo tantum urbanus & peregrinus in urbe manebant, reliqui quattuor inito magistratu statim in prouincias quas singulis fors dederat ibant, in quibus annũ præturæ explerent: post constitutas uero quaestiones perpetuas omnes deinceps sex prætores toto magistratus sui tempore in urbe retenti. Ex his duo more ueteri ius dicebant urbanus, & peregrinus, reliqui quattuor publica iudicia exercebant, de quibus non uidebatur extra ordinem quaerendum esse, ut repetundarum, ambitus, maiestatis, & peculatus. Postremo L. Sulla dictator aucto perpetuarum quaestionum numero, ut de falso, de periurio, & de iniurijs, & quattuor tantum prætores publicis iudijs præessent, duos alios prætores adiecit, ut ex Cicerone intelligitur, atque ita coeperunt octo prætores Romæ esse, quorum duo urbanus, & peregrinus priuatis potissimum iudijs, reliqui publicis quaestionibus præerant; annua præturæ in urbe administratione finita, tũ prætoribus in prouincias quas senatus prætorias esse decreuerat exhibant. Quorum administratio Cornelia lege tantum annua erat. L. enim Sulla dictator lege cauit, ne quis plus anno prouinciæ præesset, qui uiderit opinor in rep. diuturnis imperijs assuescere, tutum non esse. Itaque Galliarum decen-

nis illa Caesaris administratio libertatis exitium fuit. Huius legis meminit Cicero in epistola ad Appium. Post Sullam Caesar dictator legem tulit, ne praetoriae provinciae plusquam annum, nec plusquam biennium consulares obtinerentur, tulit autem hanc legem uicto Pompeio, quum ipse iam per decem annos Galliam contra C. Gracchi, & L. Sullae leges obtinisset, consequutus id quod nemo ante, & S.C. & lege. Legis uero, quae rectoribus prouinciarum imperium dabant, duae fuerunt. Curiata dabat imperium populus, ut Luius indicat libro nono, Cornelia senatus. Nam quum S.C. factum esset, ut prouincias magistratus sortirentur, aut compararent inter se, tum si ij uel sine lege curiata in prouincias proficiscerentur imperium habere dicebantur, donec in urbem reuertissent. Quod in epistola Ciceronis ad Lentulū intelligi potest. Quod autem in agraria II. scriptum est: Rem militarem sine curiata lege attingere non licere, id intelligi debet, de ijs magistratibus qui sumptu publico ibant in prouincias, quibus publica pecunia opus esset alendis militibus, belloque gerendo, his enim imperium dabatur lege curiata, quo rem militarem attingere possent, uerum quum bellum gerendum non esset, neque milites in prouinciam iam pacatam educendi, id solo S.C. fieri, & sine lege curiata in prouinciam ire poterāt. Hic autem status reip. & administrandarum prouinciarum ratio libertatis tempore, ante remp. a Caesare occupatam fuit. Nam ab Augusto Caesare post bella ciuilia confecta, reip. longe diuersa forma, ut mox referam, constituta est.

PROVINCIAE . A . CAESARE
DICTATORE.FACTAE

Bello ciuili ad ad Pharsalum gesto, in quo caesa optimatum
factione,

factione, Caesar qui uictoriam obtinuerat, rerum potitus est, ipse postea fugientem Pompeium Alexandriam est persequutus. Quem ut occisum depræhendit, cum Ptolemaeo Aegypti rege, a quo sibi quoque insidias tendi uidebat, bellum difficillimum gessit. Regnum Aegypti uictor Cleopatrae fratrique eius minori permisit, ueritus provinciam facere, ne quandoque uiolentiorum præsidem nacta, nouarum rerum materia esset. Ab Alexandria in Syriam, & inde in Pontum transijt, urgentibus de Pharnace nuntijs. Hic enim Mithradatis magni filius, quum a Pompeio bello Mithradatico Bosphori Cimerij rex constitutus esset, captato tempore quo Romani inter se armis contendebant, patrij recuperandi regni cupidus, Colchida & Armeniam, Cappadociae, & Ponti partem occupauit, Cn. Domitium Caluinum a Caesare ad eius opprimendos conatus missum, profligauit; qua uictoria ferox expugnata Amiso reliquam Ponti partem inuasit. Hunc Caesar intra quintum quam adfuerat diem, quattuor quibus in conspectum uenit horis, ad Zeliam una profligauit acie, qui cum in Bosphorũ profugeret, ab Asandro Bosphorani tumultus auctore occisus est, quo factum est, ut merito Caesar gloriatus sit, se ita cũ Pharnace pugnasse, ut eadem hora uenerit, uiderit, & uicerit. Atque hac uictoria Bosphorus, Ponti & Bithyniae prouincijs adiunctus est

MAVRITANIA. PROVINCIA

Mauritanias duas Sitifensem & Caesariensem Bocchus rex & populi Romani amicus, quo auctore Iugurtha Numidarum rex in potestatem Romanam uenerat, diu obtinuit. Boccho successit Iuba, qui bello ciuili quum se Pompeianis partibus addixisset, proelio a Caesare in Africa uictus, se ipse inter

B e

fecit.

fecit. Itaque subacta omni Africa, Mauritaniae quoque a Caesare prouincia factae sunt. Iubae filius Iuba alter admodum puer Romam a Caesare in triumphum est ductus. Is fuit qui postea scripsit historiam, quam saepe Plinius citat, singulari ingenio & doctrina praeditus, & Augusti liberalitate demum ad regnum paternum remissus. Is successorem Ptolemaeum ex Antonio et Cleopatrae filia natum habuit, quo a Caligula interfecto, Mauritania in duas est prouincias redacta, ut infra aperiam

PROVINCIAE. PANNONIA
MOESIA. ET. CET

L. Sempronio & L. Scribonio cos. anno urbis DCCXX uicto in Sicilia Sex. Pompeio, Lepido III. uirali potestate exuto, quum M. Antonius in Aegypto cum Cleopatra luxuriaretur, Caesar Octavianus qui occidentem tenebat, bellum in Illyrico quod Dalmaticum a Tranquillo, Illyricum in Fastis municipalibus Petri Appiani appellatur, adhuc adulescens gerere coepit, quod multis annis cum Noricis, Pannoniis, Rhetis, Illyriis, Dalmatis, Iapygibus, Liburnis, Tauriscis, Moesis, Thracibus, Vindelicis, Getis, Bastarnis, Germanis, & ceteris quae ad Danubium & Rhenum erant gentibus, partim suo, partim Agrippae, Vibij, Asinij Pollionis, M. Crassi, L. Pisonis, L. Lentuli, Neronis Drusi, & Ti. Caesaris ductu gestit. Harum gentium pleraeque bellorum ciuiliu tempore in Romanas prouincias incursiones fecerant. Quo bello domuit partim ductu, partim auspicijs suis Pannoniam, Dalmatiam, cum Illyrico omni, item Rhetias, & Vindelicos, Moesos, ac Thracas. Coercuit Dacorum & Sarmatarum incursiones, tribus eorum ducibus cum magnis copijs caesis, Germanos citra Albim fluum submouit, ex quibus Vbios et Sicambros dedentes

dedentes se transduxit in Galliam, atque in proximis Rheno agris collocavit. Alias item nationes male quietas ad obsequium redegit, nec ulli genti sine iustis & necessarijs causis bellum intulit. Ita Tranquillus. Florus libro CXXXII. C. Caesar in Illyrico Dalmatas domuit. Rufus uero: Alpes Rhetiae, Noricus, Pannoniae, Moesiae, & omnis ora Danubij, Pontus omnis, Armenia minor ab Augusto in provinciam reductae sunt. Item alibi: Dardanos & Moestos Curio pro cos. subegit, & primus Romanorum ducum ad Danubium, usque peruenit: sub Iulio & Octaviano Caesaribus per Alpes Iulias iter factum est. Alpibus omnibus uictis, Noricorum provinciae accesserunt. Bathone Pannoniorum rege subacto, in ditionem Romanorum Pannoniae uenerunt. Amantinis inter Sauum & Drauum prostratis, regio Sauensis, ac secutorum loca Pannoniorum obtenta sunt, Marcomani & Quadi de locis Valeriae quae sunt inter Danubium, & Drauum pulsi sunt, & limes inter barbaros & Romanos ab Augusto per Vindeliciam, Noricum, Pannoniam, & Moesiam est constitutus

PROVINCIA AEGYPTVS

Antonio et Cleopatra Aegyptiorum regina ad Actium proelio uictis, & interemptis, Aegyptum quam ad id tempus socij & foederati reges tenuerant, Caesar Augustus in provinciae formam redegit, quam ut feraciorem habilioremque annonae urbanae redderet, fossas omnes in quas Nilus exaestuatur oblimatas longa uetustate, militari opera deterfit. & Velleius: Augustus praeter Hispanias aliasque gentes quarum titulis forum eius praenitet, paene idem Aegypto stipendiaria facta, quantum pater eius ex Gallia in aerarium redditum contulit. Et Rufus: Aegyptus omnis sub amicis regibus fuerat,

sed uicta cum Antonio Cleopatra prouinciae formam Caesaris Augusti temporibus accepit, & primus apud Alexandria nos Cornelius Gallus administravit. Eam Caesar equitibus Romanis non senatoribus regendam tradidit, cuius praeses praefectus, & Iuridicus Aegypti appellabatur

PROVINCIAE. HISPANIAE ET ALPES

Post bellum Actiacum Antonio deuicto, Caesar Augustus Cantabricum bellum gessit, in quo partim ductu, partim auspicijs suis Cantabram, Asturicam, Aquitaniam, Salassos gentem alpinam, Alpes maritimas a Liguribus Comatis cultas, multis ferisque nationibus frequentes domuit, & prouincias Romanas fecit. Vnde Rufus: In Hispania ad extremum a Caesare Augusto Cantabri, & Astures, qui freti montibus imperij immunus adhuc resistebant, deleti sunt. Quo tempore quum ille conuentum Narbonae ageret, census a tribus Gallijs Aquitania, Lugdunensi, & Belgica, quas pater Caesar dictator subegerat actus. Velleius: Post bella ciuilia Dalmatia rebellis ad certam confessionem pacata est imperij, Alpes multis ferisque nationibus celebres perdomitae, Hispaniae nunc ipsius praesentia, nunc Agrippae multo uarioque Marte pacatae

AFRICA. DOMITA

Haec in Europa a Caesare gesta. In Africa autem tumultuatum magis quam bellatum. Caesar enim Musulamios, atque Getulas accolae Syrium, Cossio duce compescuit, unde illi Gestulici cognomen. Marmaridas atque Garamantas Furnio subigendos dedit. Ita Florus. Bellatum autem diu hoc tempore in

re in Africa fuisse, indicant T. Statilij Tauri, L. Autronij, L. Sempronij Atratinj, L. Cornelij Balbi ex Africa triumphj in tabulis Capitolinis exarati

PROVINCIAE. IN ORIEN-
TE. FACTAE

Tanta uirtutis & moderationis Augusti Caesaris fama fuit, ut is Indos etiam ac Scythas auditu modo cognitos pellexit ad amicitiam suam, populique Romani ultro per legatos petendam. Parthi quoque & Armeniam uendicanti facile cesserunt, & signa militaria quae M. Crasso, & M. Antonio ademerant reposcenti reddiderunt, obsidesque insuper obtulerunt, denique pluribus quondam de regno concertantibus, nō nisi ab ipso electum comprobauerūt. Velleius: Diuus Augustus praeter Hispanias, aliasque gentes, quarum titulis forum eius praenitet, paene idem facta Aegypto stipendiaria, quantum pater eius Gallia in aerarium redditū contulit. At Caesar quam certam Hispanis parendi confessionem extorserat, tam parem Illyrijs, Dalmatisque extorsit: Rhetiam autem, ac Vindelicos, & Noricos, Pannoniamque, & Scordiscos nouas imperio Romano subiunxit prouincias, et ut has armis, ita auctoritate Cappadociam fecit stipendiariam. & cet. Idem Augustus Pylaemene rege Paphlagoniam, item Aminata rege mortuis Galatiam, & Lycaoniam, Pamphiliamque ditionis regiae ad id tempus, item Pysidas quoque & Lycios liberas gentes in prouinciae formam redegit, ut auctor est Dio. Cyrenem quae antea libera fuerat, cum Creta prouincia coniunxit. His tot tantisque rebus gestis, imperio constituto, pace terra marique parata, Ianum geminum bis ante clausum, ipse tertius clausit. Rebus itaque sic compositis, omnibusque pro-

E c 3 uincijs

uincijs in certam formam reductis, Augustus cognominatus est, & mensis Sexilis in honorem eius est appellatus

PROVINCIAE. AB. AVGVSTO
A D D I T A E

Astures, & Cantabri in Hispania prouinciae Hispaniae additi

Aquitania Gallijs prouincia addita

Pannonia, Noricū, Vindelicia, Rhetia prouincia una

Moesia, Thracia, & Dardani prouincia una

Pamphilia, Lycaonia, Galatia, Pysidia, Lycia prouincia una

Armenia minor usque ad Euphratem Suriae addita

Aegyptus, & Arabiae pars prouincia una

Cyreneica Cretae prouinciae addita

Paphlagonia Bithyniae addita

Illyrici, & Dalmatiae pars Danubium uersus una prouincia facta

Getuli, & Garamantes Africae additi

Salasli, Alpes Maritimae, & gentes Alpinae prouincia una

*Hae autem sunt gentes quae ab Augusto uictae, uel re-
gibus mortuis, populi Romani prouinciae factae fuerunt,
quibus ceteris quae reip. tempore factae fuerant additis, in
duas partes eas omnes diuisit, ut aliae essent senatus populi-
que Romani, aliae Caesaris, quod cur fecerit, & quae se-
natus, uel Caesaris prouinciae fuerint, nunc exponam*

PROVINCIAE S. P. Q. R. ET
IMP. CAESARIS. AVG

Anno vrbs conditae DCCXXVII. imp. Caesare Augu-
sto VII. & M. Agrippa III. cos. Quum Caesar Augustus ex
S. P. Q. R. uoluntate imperium singulare, quod minus ante
legitimum uidebatur, sibi uni stabilisset, ut ipse popularis ui-
deretur, tyrannidisque suspicionem a se amoueret, nequa-
quam totius imperij curam sibi uni depoposcit, sed prouincia-
rum omnium populi Romani quas supra rettuli, administra-
tionem, una cum senatu & populo comunicauit, quae enim
pacatae erant, & imbelles, atque a terminis Romani impe-
rij longe aberant, militumque praesidijs non indigebant, po-
pulo tradidit. Eas uero prouincias, quae militaribus con-
pijs instructae essent, ut exercitus omnes in potestate sua ha-
beret, sibi retinuit administrandas, tanquam eas quoque pa-
caturus, pacatasque populo redditurus. Prouinciae autem
quas senatui populoq; Romano tradidit administrandas hae fue-
runt, sic noua diuisione, & administratione in XII. dioeceses
ab ipso distinctae

Africa, Numidia, & Lybia proconsularis

Asia cis Halim, & montem Taurum, in qua Lydia,
Ionia, Caria, Mysia, Phrygia; & Hellespontus
proconsularis

Hispania Baetica praetoria

Gallia Narbonensis praetoria

Sicilia praetoria

Sardinia, & Corsica praetoria

Illyricum, & Epiri pars praetoria

E6

4

Macedo,

Macedonia, & Graeciae pars praetoria
 Achaia, Thessalia, Boeotia, Acarnania, Epeirique
 pars praetoria
 Creta, Cyreneica, & Lybiae pars praetoria
 Cyprus praetoria
 Bithynia, Paphlagonia, Propōtidis, & Ponti pars prae

Hae porro fuerunt XII. prouinciae in quas S. P. Q. R. more ueteri suos rectores mittebat, quorum qui Africae & Asiae praeerant, hi semper proconsules appellati sunt, quamquam consulatum non gessissent; qui reliquis decem, praetores. Caesar uero suas prouincias ita diuisit, ut in quasdam mitteret legatos propraeioribus, hi proconsulum locum obtinebant, atque legionibus praeerant; in quasdam uero pro procuratores, qui pro praetoria dignitate eas prouincias in quibus tantum momenti non erat, administrarent. Ceterum omnes uno communi uocabulo rectores appellabantur. Caesaris autem prouinciae in XIII. dioeceses distinctae fuerunt hae

Hispania Lusitania
 Hispania Tarraconensis
 Gallia Aquitania
 Gallia Lugdunensis, alias Celtica
 Gallia Belgica, & Germania
 Pannonia, Noricum, Vindelicia, & Rhetia
 Moesia in qua Dardani, Thraces, & Daci
 Dalmatia, & Illyrici pars
 Alpes maritimae
 Cilicia, Isauria, & Lycaonia
 Galatia, Pamphylia, & Pysidia. Lycios enim liberos reliquit

Suria

Suria, Armenia minor, Mesopotamia, & oriens om-
nis usque ad Euphratem

Aegyptus, & Arabiae pars

Italia omnis a freto Siculo ad Alpes

Reges omnes socij & foederati, in his
erant praecipui

Iuba Mauritaniae

..... Hiberiae

..... Albanorum

Rhaemetalces Thracum

Herodes Palestinae Reges

Aretas Arabum

Antiochus Comagenae

Archelaus Cappadociae

Philopator Cilicum, & alii multi

Has omnes prouincias ualidissimis legionibus, quarum se-
riem mox enumerabo muniuit, atque in eas legatos suos, pro-
curatoresque mittebat. Vt autem omnem de se monarchiae
suspicionem eximeret, potestatem reip. constituendae, & ha-
rum prouinciarum ordinandarum in decennium tantum as-
sumpsit, hoc enim temporis spatio se remp. constituturum as-
firmavit, addens si citius res composuisset, citius etiam impe-
rium redditurum. Decennio transacto, quum adhuc res cõ-
positae non essent, tum in quinquennium, ac deinde in alterũ
quinquennium, post in decennium, post etiam in tertium de-
cennium, & petiit & impetrauit. Ita ut successione quin-
quenniorum, & decenniorum perpetuo imperium admini-
strauerit

De legionibus populi Romani

Quamdiu libera urbs Roma egit, atque a Senatu P. Q. R. belli duces eligebantur, fuere in armis semper Italiae populi, quibus Graecis & barbaris subactis, terrae sibi marisque imperium pepererunt. Neque enim ulla orbis terrarum pars, aut caeli tractus fuit, quò non vires suas Romanorum arma protulerint. Postea uero quam Caesar Augustus bellis ciuilibus confectis, rerum potitus est, & laborem Italicis omnibus ademit, & arma detraxit. Militum uero legiones multas legit, easque certis auctoramentis habuit mercenarias, quae Romanum a barbaris tuerentur imperium: tum fluuiorum magnitudine, atque fossarum, montibusque asperrimis, desertisque locis, atque imperijs circumseptos imperij limites communiuit. Ex his praecipuum robur Rhenum iuxta commune in Germanos, Gallosque subsidium octo legiones erant, in duos exercitus superiorem, inferioremque distinctae. Hispaniae recens perdomitae tribus habebantur, Africa per unam legionem, Aegyptus per duas tenebantur. De hinc initio a Syria, usque ad flumen Euphraten, quantum ingenti terrarum sinu ambitur quattuor legionibus coercitum. Thraciam, ripamque Danubij legiones septem tres in Pannonia, duae in Moesia, totidemque in Dalmatia locatae tuebantur: quae positu regionis a tergo illis, ac si repentinum auxilium Italia posceret, haud procul accirentur, quamquam insideret urbem proprius miles, tres urbanae, tres uigilum, nouem praetoriae cohortes, Etruria ferme, Umbriaque delectae, aut uetere Latio, & colonis antiquitus Romanis. Italiam utroque mari duae classes Misenum apud & Rauennam, proximumque Galliae litus rostratae naues praesidebant, quas Aetiaca uictoria ca
ptas

ptas Augustus in oppidum Foroiulienſe miſerat ualido cum remige. At apud idonea prouinciarum ſociae triremes, alaeq; & auxilia cohortum. ita Tacitus libro quarto. Quibus uerbis, quae fuerit imperij Romani forma ab Auguſto conſtituta intelligi poteſt. Porro autem quum Romanas legiones, quae imperio tuendo ab Auguſto, & ceteris imperatoribus inſtitutae ſunt, earundemque ſtationes enumerare decreuerim, non alienum ab hac tractatione erit, pauca quaedam de legione, eius partibus, inſtitutione, et uarietate diſputare. Legio igitur erat certorum militum manus, in quas populi Romani exercitus diuidi ſolebant, Varrone libro quarto de lingua Latina auctore, a delectu militum dicta, quod legerentur milites in delectu, id eſt milites legionis uiritim eligi ſolerent. Nonius Marcellus. Legionum, inquit, proprietatem a delectu militum, Varro libro tertio dictam interpretatur. Tū appellatus eſt delectus, & ab electione legio. Hanc primus omnium trium milliū militum fecit Romulus, quod ſingulae tribus Tatientium, Ramnium, et Lucerū millia ſingula militum mittebant. Qui omnibus praeerat rex, qui ſingulis millibus militum tribuni. Varro enim: Tribuni (inquit) militum dicti, quod terni ex tribus tribubus olim ad exercitum mittebantur. Legioni addita eſt trecentorum equitum turma, quae olim terma dicebatur, uerum E. in V. abiit, quod ter centum equites ex tribus tribubus fiebant: Turmae decuriones praeerant, ut legioni tribuni. Haec etiam Ala dicebatur, quod equites alarum uice pedites tegerent, nam in equitum ordinibus circum legiones, dextra, ſiniſtraque tanquā alae in auium corporibus locabatur, dicebatur iſ, qui alae praeerat praefectus. Romuli igitur prima legio non niſi trecentorum equitum, & trium milliū peditum fuit. Adijcit Plutarchus: Ipſum poſt Sabinos in ciuitatem acceptos legionem duplicaſſe, atque eam ſex mille peditum.

tum & sexcentorum equitum fecisse In qua re ipsum lapsum fuisse opinor; longo enim tempore post Romulum, C. Marius primus omnium legionē fecit sex millium peditum. ante enim non nisi quattuor, uel quinque millium fieri solere tradit Polybius. Romulum crediderim ego legionem ad quattuor millium hominum numerum auxisse, unde & quadrata dicta est, cuius usus fere semper, usque ad C. Marium Romae fuit, auctore Sex. Pompeio. Ceterum quum Romulus ipse, deinde ceteri reges, postremo consules legionum numerum auxissent, posterioribus tamen temporibus non plures quam quattuor legiones fieri solebant, quarum binas singuli consules, ad bellum profecturi fortiebantur. Hae singulae modo quaternum millium, & ducentorum peditum, modo quinque millium, si quando maius aliquod uidebatur periculum imminere. Trecentique equites in singulas legiones describebantur. Vnde Liuius libro tricesimo septimo: Romana acies unius prope formae fuit, & hominum, & armorum genere. Duae legiones Romanae, duas socium, & Latini nominis erant, quina millia, & quadragenos singula habebant. & c. Merere autem in legione nemo poterat, qui ciuis Romanus non esset, atque in unam quinq; classum a censoribus relatus; nam socij nominis Latini, extra legionem militabant, quorum subsidia auxilia uocabantur, capite censu uero, & reliqui tenuioris fortunae homines, militia immunes erant. Singulis legionibus, sex tribuni militum praerant populi suffragijs creati. Quod quando acciderit, nunc aperiā. Quum enim ab initio exercitus populi Romani, non nisi tria millia peditum haberet, tres tantum tribuni militum sufficebant, post auctis Romani imperij opibus, tribuni sex primum, & postea plures quam sex, & diuersi generis esse coeperunt. Nam (ut tradit Pedianus) actione II. in Verrem: Tribunorum militum duo erant genera, primum eorum, qui

Rufuli dicebantur, hi in exercitu creari solebant, & comitia-
torum, qui Romae comitijs designabantur. De utrisque Li-
uius libro septimo sic scribit: Et quum eo anno primum pla-
cuisset tribunos militum ad legiones suffragio fieri, (nam &
antea, sicut nunc, quos Rufulos uocant imperatores ipsi facie-
bant) T. Manius, qui postea Torquatus appellatus est, se-
cundum in sex locis tenuit. Ex quibus uerbis apparet Q. Sero-
ulio II. & L. Genucio II. eos anno urbis CCCXCII tribu-
nos militum, qui ad sex aucti fuerant, populi suffragijs creari
ad legiones coeptos. Deinde plura tribunorum militum gene-
ra fuisse, & eos non omnes populi suffragij creatos, & hi qui
creabantur, eo primum anno fieri coeptos. Post tribunorum
militum numerus auctus, XVI. que facti, C. Iunio Bubulco
III. Q. Aemilio Barbula II. cos. Quam rem Liuius libro no-
no, ita tradit: Et duo imperia eo anno dari coepta per popu-
lum, utraque ad rem militarem pertinentia; unum, ut tribuni
militum XVI. in quattuor legiones a populo crearentur, quae
antea perquam paucis suffragio populi relictis locis, dictato-
rum & consulum ferme fuerant beneficia; tulere eam roga-
tionem tribuni L. Atilius & C. Marcius; alterum, ut duumui-
ros nauales idem populus iuberet. Tribuni autem militum
populi suffragijs creati singuli mille uiris praeerant, quum tum
exercitus Romanus ex quattuor tantum legionibus, legio ue-
ro non nisi quattuor millium peditum esset. Post quum legio-
nes ipsae ad quinque millia, & amplius militum augeri coepis-
sent, uigintiquattuor tribuni a populo creari coepti, sexque
per singulas legiones distributi. Ex quibus quattuordecim an-
nua stipendia ad minus quinque; reliqui decem saltem decem
fecissent. Hic tribunorum militum numerus usque ad C. Marij
tempus permansit. Legiones porro ipsae (ut dixi) non nisi ex
ciuibus Romanis legebantur, qui aetate militari essent, ea es-
rat

rat a XVII. ad XLVII. annum. Hi XX. annua stipendia merere solebāt, equites uero decem. Omnibus autem, qui ad honores euehi uolebant militare ante opus erat. Urbanum namque magistratum nemini capere fas erat, priusquā decem annua stipendia perfecisset. Militum porro legionariorū quatuor genera erant. Iuniores enim uel tenuioris fortunae homines pilanos; his adultiores hastatos; aetate uero ac robore praestantes, principes; natu maximos triarios uocabant. De quibus Varro libro IIII. sic scribit. Hastati dicti, qui primi hastis pugnabant; pilani, qui pilis; principes, qui a principio gladijs; triarij, quod in acie tertio ordine extremis subsidio deponebantur. In unaquaque autem legione triarij DC. principes ∞ CC. totidem hastati, reliqui pilani uelitesue erant numero mille. Quod si maiore numero constaret legio, proportionem diuisionem faciebant, triarijs exceptis, quorū idem semper erat numerus. Horum, ut uarij ordinis erant, ita etiam uaria armorum genera. In ipsis porro legionibus singula militum genera uelutibus exceptis in tot centurias diuisa erant, singulis uero centurijs primarij centuriones praeerant. Hae in triarijs appellabantur primum pilum, secundum pilum, tertium pilum, & sic deinceps. In principibus primus princeps, secundus princeps, & cetera, in hastatis primus hastatus, secundus hastatus, ut in alijs. Duces uero centuriarum appellabantur primi pili centurio, primi principis centurio, & primi hastati centurio. Velut uero in has centurias pro rata parte distribuebantur. Hae centuriae erant plus, uel minus, quantus erat legionis numerus. Hinc in antiquis lapidibus saepe centurionum primi pili mentio est, item Cicero ad Brutum: Nasennius (inquit) octauum principem, idest octauam centuriam principum duxit, Metello Imperatore. Signa legionum erant, auctore Plinio, aquilae, lupi, minotauri, equi, aprique, quos

quorum simulachra longis hastis a signiferis portata singulos ordines anteibant. Paucis ante C. Marium annis sola aquila in aciem portari coepta erat, reliqua in castris relinquebantur, C. Marius secundo consulatu suo, reliquis signis in totum abdicatis, aquilam legionibus proprie dicauit. Idem Marius (ut tradit Sex. Pompeius) sex millium, & ducentorum hominum, primus conscripsit legionem, quum ante quattuor millium fuisset, unde etiam appellabatur quadrata. Quo tempore tunc primum nouam legionum diuisionem, quae postea in usu fuit factam fuisse existimo, quam tradit Vegetius. Legio enim in decem cohortes diuisa est, cohors autem erat proprie peditum manus, ut turma equitum, a cohortando dicta, quod tribunus eam, ut sequatur cohortari soleret, seu quod ipsa se mutuo frequenter ad pugnam hortaretur. Varro libro quarto de lingua Latina: Cohors dicta, quod ut in uilla, ex pluribus tectis coniungitur, ac quidam fit unum, sic haec ex manipulis copulatur cohors, quae in uilla dicta, quod circa eo loca pecus coerceretur. Legio uero in decem cohortes diuisa est a C. Mario primum, ut opinor, neque enim ante Marii tempora ulla cohortium in legione, neque apud Polybium, neque apud alios mentio est. Harum prima reliquas & numero militum, & dignitate antecedebat. Viros requirebat genere, litteris, animi magnitudinis praestantes, huic tribunus praeerat robore, moribus, & rei militaris scientia praeditus. Nam & reliquae cohortes, prout imperatori placebat a tribunis, siue praefectis regerantur. Prima cohors mille centum quinque peditibus, & equitibus loriceis centum quadraginta duobus constabat, ideoque cohors milliaria appellabatur. A prima cohorte auspiciari aciem mos erat. Haec aquilam praecipuum legionis signum, imperatorumque imagines custodiebat: Secunda cohors DLV. pedites, equites uero LXVI. tertia pedites, & equites, totum

totidem. Quarta cohors eundem peditum, & equitum nume-
 rum habebat, sed in tertia cohorte ualidiores milites consti-
 tuebantur, quia in media acie consistebat. Quinta eodem nu-
 mero strennuos milites desiderabat, quia sicut prima in dex-
 tro, ita quinta in sinistro cornu constituebantur. Quippe co-
 hortibus quinque primam aciem instruebant. Reliquae quinque
 cohortes eundem militum numerum habebant, quem secunda,
 sed robustiores etiam in sexta collocabantur, quia in secunda
 acie post aquilam locum sortiebatur. Octaua in secunda acie
 medium locum tenebat, decima in sinistro cornu consistebat,
 sic legio decem cohortibus firmabatur, habebatque peditum
 sex millia ducetos, & equitum septingentos triginta. Ut autē
 legio in decem cohortes, sic cohors in quinquaginta manipu-
 los, & manipulus rursus in uiginti quinque milites diuideba-
 tur. Hunc autem fuisse ordinem earum legionum, quae ad tu-
 telam Romani imperij, ab Augusto institutae sunt, ex Tacito
 aperte intelligitur. Quo tempore, is qui pluribus legionibus
 praecerat, legatus consularis saepissime a Tacito, in antiquis ue-
 ro epigrammatibus, legatus propraetore eius provinciae, in
 qua legiones erant, exempli causa, Moesiae, Dalmatiae, uel
 Germaniae, appellatur. Qui singulis legionibus praecerant, le-
 gati legionis; qui cohorti tribunus, uel praefectus; qui cētum
 militibus centurio; qui ducētis ducenarius; qui manipulis ma-
 nipularius, uocabantur. Vniuersi exercitus signum, uel uexil-
 lum ante Hadriani tempora imago Caesaris, uel Augusti dice-
 batur, postea uero Labarum uocitari coeptum est, legionis
 aquila, cohortium signa speciali quodam significato, manipu-
 lorum uexillum. Is qui locandis castris curam habebat praefe-
 ctus castrorum uocabatur, hi uero qui caedendorum lignorum
 ad palos faciendos, & ferramentorum curam habebant, prae-
 fecti dendrophororum, & fabrum talis legionis diceban-
 tur.

tur. Erant in una quaque legione praeter hos tubicines, euo-
catores, medici, & alij eiusmodi ministri, quorum uocabulorū
frequētissima mētio est in antiquis epigrammatibus, & in om-
ni Taciti historia. Instituendi, exauctorandi, locandi, mutan-
dique legiones, arbitrium, summumque ius penes Romanum
principem tantum erat. Is eas ex una prouincia in aliam, pro
ut necessitas exigebat migrare iubebat, exauctorabat, ex duobus
unam coniungebat, earundem rectores ipse unus consti-
tuebat. Hae legiones & nomina, & plura cognomina a ua-
rijs euentibus indita habuerunt. Ab ordine quo una quaeque
earum in aliquo loco primo constituta fuerat nomina sume-
bant, ut prima, secunda, tertia, decima, & uicesima; sic mili-
tes primani, secundani, tertiani, decimani, & uicesimani ap-
pellabantur. Et quoniam plerunq; usu uenit, ut duae uel tres
uarijs in locis constitutae omnes primae, uel secundae, uel ter-
tiae appellatae fuerint, (una quidem prima in Germania,
ex octo, quas supra dixi; altera uero prima ex septē in Panno-
nia, alia autē prima ex quattuor in Suria erat) cognominibus
inter se se distinguere coeperūt, ut una quidem esset prima Adi-
utrix, alia prima Minerua, alia uero prima Parthica, nam
haec cognomina ad imperatorum arbitrium plerumque sume-
re solebant; uel ab eorundem nominibus qui eas instituerunt,
ut Augusta, Claudiana, Galbiana, Flauia, Vlpia. Traiana,
Antoniniana; uel a prouincijs deuictis ut Parthica, Scythica,
Gallica, Arabica, Macedonica, Hispaniensis; uel a locis in qui-
bus primo institutae manserunt, ut Italica, Fretensis, Cyrenae-
ca, aut a nominibus Deorum quibus imperatores earundem
auctores addicti erant, ut Minerua, Apollinaris, Veneria; aut
postremo ab alijs euentibus ut Gemina, Adiutrix, Marcia, Vi-
ctrix, Ferrata, Fulminatrix, Alauda, Rapax, Primigenia,
& alia eiusmodi. Illud uero animaduersione dignum, propter

crebras & frequentes legionum mutationes, saepe earundem nomina confusa uideri, atque in eodem imperij limite aliquando duas uel tres legiones esse, quae primae, aut secundae uocentur. Nam quum primum institutae fuerunt, non nisi una prima, uel secunda, uel tertia, eodem in loco erat. ut uero eodem in loco plures primae, uel secundae legiones essent, frequēs earundem migratio caussa fuit. Primus autē omnium (ut dixi) Augustus Caesar pace populo Romano terra marique parta, imperij limites uersus barbaras nationes statuit flumina, aut montes, quae ualidissimis legionibus, quibus incursiones barbarorum in Romanas provincias prohiberet, muniuit. Horum praecipui amnes Rhenus, Danubius, & praerupti, asperissimi que montes a Septentrione, Euphrates ab oriente, Arabum, & Africae solitudines ab occidente, & meridie fuerunt. Quae autem, aut quot legiones, & quibus limitibus, ab Augusto primum factae, deinde aucto imperio a ceteris Romanis principibus additae fuerint, atque quibus nominibus, cognominibusque ornatae essent, ex Tacito potissimum, & Dionē, multisque antiquis epigrammatibus exceptas, exponam. Ab Augusto autem qui primus eiusmodi legiones instituit initium sumam

LEGIONES. XXV. A. CAESARE. AVGVSTO
per Romanum orbem constitutae

In Hispania legiones III

Legio III. Gallica

Legio VI. Ferrata R. F. C

Legio X. Fretensis

In Germania inferiore legiones IIII

Legio prima

Legio

Legio V. Macedonica

Legio XIX

Legio XX. Valeria uictrix

In Germania superiore legiones IIII

Legio II. Augusta

Legio XIII. Gemina pia fidelis

Legio XIII. Gemina Martia uictrix

Legio XVI.

In Dalmatia legiones II

Legio II. Adiutrix pia fidelis

Legio VII. Gemina pia felix

In Pannonia legiones III

Legio VIII Augusta

Legio IX. Hispaniensis

Legio XV. Apollinaris

In Moesia legiones II

Legio VII.

Legio XI.

In Syria legiones IIII

Legio III. Scythica

Legio VI. Vicitrix

Legio X. Gemina pia fidelis

Legio XII. Fulminatrix

In Aegypto legiones II

Legio III. Cyreneica

Legio XXII. Primigenia pia fidelis

In Africa legio una

Legio III. Augusta

Mari supero

Classis Rauennas

Mari Infero

Clasfis Misenas

Clasfis Aetiaca in Gallia Narbonensi, apud Forum Iulij

Romae

Cohortes urbanae III

Cohortes uigilum III

Cohortes praetoriae IX

PROVINCIA . CAPPADOCIA

Duae tantum sub Ti. Caesare prouinciae Romanae factae sunt Cappadocia Archelao in vrbe, & Comagene Antiocho regibus mortuis. De Cappadocia sic scribit Tranquillus cap. XXXVII. Reges infestos suspectosque comminationibus magis, & querelis quam ui repressit. Quosdam per blanditias, atque per promissa extractos, ad se non remisit, ut Marabodum Germanum, Rhascypolim Thracem, & Archelaum Cappadocem, cuius etiam regnum in prouinciae formam rediit. Rufus: Cappadoces primo societatem nostram sub Ariarathae rege per legatos petierunt, cuius deficiente stirpe lectus Ariobarzanes rex Cappadocum, qui a Mithradate pulsus, Romanorum armis est restitutus. Semper in auxilium Romanum fuere Cappadoces. Postremo iterum tertia deficiente prole sub imp. Caesare Augusto Archelaus fauente Antonio rex factus est, quem Tiberius imperio potitus Romam blande quum euocasset, non remisit, ibique diu detentus occubuit. Cuius regnum in prouinciae formam redactum est. Tacitus libro II C. Coelio L. Pomponio cos. Rex Archelaus quinquagesimum annum Cappadocia potiebatur inuisus Tiberio, quod eum Rhodi agentem, nullo officio coluisset. Nec id Archelaus per super-

superbiam omiserat, sed ab intimis Augusti monitus, quia flo-
rente C. Caesare, missoque ad res orientis, intuta Tiberij ami-
citia credebatur. Vt uersa Caesarum sobole, imperium ade-
ptus est, elicit Archelaum matris litteris, quae non dissimu-
latis filij offensionibus, clementiam offerebat, si ad precandū
ueniret, Ille ignarus doli, uel si intelligere crederetur uim me-
tuens, in urbem properat, exceptusque inuiti a principe, &
mox accusatus in senatu, non ob crimina quae fingeantur,
sed angore, simul fessus senio, & quia regibus aequa, ne dum
infima insolita sunt, finem uitae sponte an fato impleuit. Re-
gnum in prouinciam reductum est, fructibusque eius leuari
posse centesimae uestigal professus Caesar, ducentesimam in
posterum statuit. Idem paulo post: Ti. Caesare III Germanico II. cos. Cappadoces in formam prouinciae reducti, Q.
Veranium legatum acceperere, & quaedam ex regijs tributis
diminuta, quo mitius Romanum imperium speraretur. Postea
Vespasianus imperio potitus Cappadociae propter assiduos
barbarorum incursus, legiones addidit, consularemque recto-
rem imposuit pro equite Romano. Tranquillus

PROVINCIA. COMAGENE

C. Coelio L. Pomponio cos. Antiocho Comagenorum, &
Philopatore Cilicum regibus defunctis, turbabatur nationes,
plerisque Romanū alijs imperium regium cupientibus. Idē paulo post: Tiberio III Germanico Caesare II cos. Comagenis
Q. Seruaceus praepositus tū primū ad ius praetoris trāslatis.
Comagenem autem nō omnem prouinciam a Tiberio factam,
uel a sequentium aliquo principum ditioni regiae resitutam
indicat Tranquillus in Vespasiano, quum ait: Tarcheam, Ci-
liciam, & Comagenem ditionis regiae usque ad id tempus, in

prouinciæ formam redegit

PROVINCIAE. MAVRITANIAE
DVAE. TINGINTANA. ET
CAESARIENSIS

Quum C. Caligula Ptolemaeum regis Iubae filium conso-
brinum suum (erat enim & is M. Antonij e Selene filia ne-
pos) interfecisset, Muritaniam quae regnum eius fuerat in
prouinciæ formam redegit, atque in duas prouincias diuisit
Tingintanam, & Caesariensem, ut auctores sunt Tacitus, Pli-
nius libro v. cap. i. Dio libro LVIII. & in Caligula Tran-
quillus. Claudius postea imp. primus Romanorum principum
Mauritanis per Suetonium Paullinum bellum intulit, omni-
busque ijs regionibus usque ad Africae solitudines subactis,
multas in ijs colonias, quas mox referam deduxit

PROVINCIA. BRITANNIA

Ti. Claudius Caesar Augustus rerum potitus, quum expe-
ditionem unam, eamque modicam in Mauritanos suscepisset,
decretis sibi a senatu ornamentis triumphalibus, leuiorem ma-
iestate principis titulum ratus, uelletque iusti triumphus decus,
vnde acquireret Britanniam potissimum elegit, neque tenta-
tam ulli post Iulium Caesarem, & tunc tumultuantem ob non
redditos transfugas. Pedestri uero itinere Gessoriacum us-
que confecto, inde transmisit, ac sine ullo proelio, aut sangui-
ne, inter paucissimos dies parte insulae in deditionem accepta,
sexto quam profectus erat mense, Romam redijt, triumphas-
uitque magno apparatu. Tranquillus. In qua, quum eam in
prouinciæ formam redegisset, aliquotque eò colonias milita-
res

res deduxisset, tres legiones addidit propter barbarorum in extrema insulae parte commemorantium incursiones. Ex Plinio, & Dione libro LVIII. Tacitus uero in uita Iulij Agricolae: Primus omnium Romanorum (inquit) D. Iulius cum exercitu Britanniam ingressus, quamquam prospera pugna terruit incolas, ac littore potitus sit, potest uideri ostendisse posteris non tradidisse. Claudius auctor operis, transuectis legionibus auxilijsque, & assumpto in partem rerum Vespasiano, domitae gentes, capti reges, & monstratus fatis Vespasianus. Consularium primus A. Plantius praepositus, ac subinde Ostorius Scapula, uterque bello egregius, redactaque paulatim in formam prouinciae proxima pars Britanniae, additae insuper ueteranorum coloniae. Quaedam ciuitates Cogiduno regi donatae. Is ad nostram usque memoriam fidi-
 dissimus mansit, uetere, ac iam pridem recepta populi Romani consuetudine, ut haberet instrumenta seruitutis & reges

PROVINCIA. PONTVS

Nero Imperator augendi propagandique imperij, neque uoluntate ulla, neque spe motus unquam, etiam ex Britannia deducere exercitum cogitauit, nec nisi uerecundia, ne obtrectare parentis gloriae uideretur, destitit. Ponti modo regnum concedente Polemone, item Alpium defuncto Cottio in prouinciae formam redegit. Tranquillus

PROVINCIA ALPES. COTTIAE

Eutropius libro VII. cap. VI. Duo tantum regna sub Nerone prouinciae factae sunt, Pontus Polemoniacus concedente rege Polemone, & Alpes Cottiae rege defuncto. Idem in

Aureliani uita tradit Fl. Vopiscus . Alpibus ijs & maritimis
ius Latij dedit idem Nero ut tradit Tacitus libro XIII

Hae sunt prouinciae additae inter Augusti, & Vespasiani
principatum . Quibus explicatis, nunc quae aut quot le-
giones Ser. Galba Augusto II . & T. Vinio cos. primo impe-
rij Vespasiani anno erant exponam, multae enim & frequen-
tes legionum mutationes, post Augusti excessum ad haec usq;
tempora in Romano imperio factae fuerant . Quas breuissi-
mae ante ex Tacito potissimum exceptas aperiam

Mutationes legionum ab excessu Augusti ad
initium imperij Imperatoris Caesaris
Vespasiani Augusti

Legionis I. quae in Germania inferiore erat,
pars in Italiam uenit bello ciuili Vitelliano contra Othonem
primum, deinde Vespasianum; a quo quum uicta esset per Il-
lyricum dispersa est . Reliqua eius pars sub legionis I. . . .
nomine ex Gallijs a Vitellio suppleta remansit in Germania, in
castris apud Bonam . Ex Cornelio Tacuo libris I. XVII
& sequentibus

Legio II. Adiutrix quae in Germania erat, in Suriam a Nero
ne (ut opinor) translata est. De hac meminit Spartianus in
Hadriano ita : Quare a Traiano abductus a patria, & pro fi-
lio habitus, nec multo post decemuir stitutibus iudicandis da-
tus, atque inde tribunus secundae Adiutricis legionis creatus .

Vetus inscriptio Romae, ad S. Sebastianum

D . M

P. AELIO . MUCIANO

SPEC. LEG. II

ADIVT

VITALIANVS ET. VITALIS

AVVNCVLI

Legio

Legio II. Augusta, quae in Germania superiore ab Augusto constituta fuerat, in Britanniam a Claudio translata est. Eius vexillarij bello ciuili Vitellio adhaeserunt. Qui a Vespasiano uicti, per Illyricum dispersi sunt. Huius Dio meminit libro LV. ubi legiones ab Augusto institutas commemorat. Cuius, & multarum praeterea quas enumerabo legionum, mentio est in uetustis marmoreis inscriptionibus ita

L. ANNIO. FABIANO. III. VIRO . CAPITALI
TRIB. MIL. LEG. II. AVG. QVAEST. VRBAN

Legio III. Augusta in Africa Numidia ab Augusto collocata, exauctorata a Galba, a Vitellio restituta. De hac Dio libro LV. & Claudianus de bello Gildonico ita meminit.

Dictaque ab Augusto legio &c

Romae in musaeo Carpeni vetus inscriptio
C. SALLIO. MATERN. BVCINATORI . LEG . V
ALAVDAE. C. SALLIO. ARCINIO. CAESAR. N
TVBIC

C . SALLIO . SVESSVLA . N . PARIMION
CORNICVLAR

LEG. III. AVG. C. SALLIO. CAPONIO. CORNIC

Legio IIII. Cyreneica in Aegypto, quae est Arabiam uersus, ab Augusto addita, post in Iudaeam bello Iudaico a Vespasiano primo principatus anno transducta. De hac Dio mentionem facit

Tibure ad S. Paullum uetus lapis

C. POPILLIO. C. F. QVIR . CARO. PEDONI
COS. VII. VIRO. EPVLON. SODALI. HADRIANALI
TRIB. LATICLAVIO. LEG . III . CYRENEICAE

Legio IIII. Gallica, quae sub M. Antonio Parthos debellauit

rat, in Hispania ab Augusto locata est, post in Germaniam sub Claudio, deinde in Syriam a Nerone, postea in Armeniam ab eodem traducta, quo tempore Armenos duce Corbulone uicit; item in Suriam ab eodem, postea in Moesiam a Galba migrare iussa, quo tempore Sarmatas contudit; postremo in Italiam contra Vitellium pro Vespasiano bello ciuili uenit, quo uicto Capuae hymandi gratia locata. Vespasiano II. & Tito cos. incunte uere sequentis anni in Suriam remissa. De hac Dio libro LV. & Romae in hortis Carpensibus vetus inscriptio

D I S . M A N I B

C.FICTORIO.VASCVLARIO
FICTORIA.EPITVSA.MATRI
C.FICTORIO. C.F. ATTICO
Σ. LEG . III . GALLICAE
FRATRI.VIX. ANN. XXV
FICTORIA.C. F.ATTICILLA
PARENTIBVS.SVIS. FECIT

Legio IIII. Scythica, alias Macedonica ab Augusto in Syria lecta, in Germaniam superiorem a Claudio transportata, cuius pars quum in Italiam bello ciuili pro Vitellio contra Othonem, & Vespasianum uenisset, eandem fortunam habuit, quā prima Reliqua porro pars ex Gallijs suppleta in eadem Germania superiori relicta fuit. Hanc Spartianus in uita Seueri imp. commemorat

Vetus epigramma Tiferni in Tuscia
C. ANNIVS. C. F. POM . GALLVS
DOMO. ARRETIO. Σ. LEG. IIII. SCYTH
MILITAVIT. IN. PR. ANN. XVII
EVOC . AN . II
Σ. IN. LEG. IIII. SCYTH. AN. XVIII
VIXIT. AN. LX. MERV. AN. XXXVIII
H. S. P. ATIMETVS. L. EX. TEST. F. C

*Legio quinta Macedonica in Germania inferiore in castris
apud Vetera ab Augusto instituta, quae bello civili Vitelliano.
I . . . & IIII. Scythicae fortunam sequuta est. Ex Gallis
suppleta, in iisdem Veteribus remansit. Tacitus, & Dio li-
bro LV*

Firmi in Piceno uetus inscriptio

L . VOLCATIO . Q . F . V E L . PRIMO
TRIB . MIL . L E G . V . MACEDONICAE
IN. MOESIA. PRAEF. ALAE . I . PANNONIOR

*Legio VI. Ferrata R. F. C. in Hispania Galbam contra Nero-
nem imperatorem fecit. Ex Hispania a Domitiano Caesare, et
Muciano primo imperij Vespasiani anno contra Germanos re-
bellantes in Germaniam traducta. Tacitus, & Dio. De legione
Ferrata, aliquando ueterem inscriptionem uidi, quae ad manus
modo non est, in qua ita exaratum erat*

TRIB. MIL. LEG. VI. FER. R. F. C

*Legio VI. Victrix in Syria primum ab Augusto locata, haec
sub Nerone in Armeniam, deinde iterum in Syriam, demū bel-
lo civili Vitelliano a Muciano in Italiam contra Vitellium du-
cta, quo caeso in Germaniam missa, Batauos & Germanos,
qui rebellauerant, oppressit duce Domitiano*

Auximi uetus inscriptio

Q. PLOTIO. MAXIMO. COL. TREBELLIO
 PELIDIANO. EQVO. P. TRIB. LEG. II. TRAIAN
 FORT. TRIB. C O H. XXXII. VOLVNT
 TRIB. LEG. VI. VICTRICIS. PROC. A V G
 PRO. MAGISTRO. X X. HEREDITATIVM
 PRAEF. VEHICVLOR. Q. Q. ET. SVO. PONT
 COLLEG. CENT. AVXIMAT. OB. EXIMIVM
 IN. MVNICIPES. SVOS. AMOREM. L. D. D. D

Legio VII. . . . *postea a Claudio imp. Claudiana pia fe-
 lix & fidelis uocata ex Moesia, ubi eam Augustus locaue-
 rat, a Vespasiani ducibus contra Vitellium adducta, eo occiso
 ad sua hyberna remissa. Dio libro LV*

Via Ardeatina in antiqua basi

DIS. MANIBVS

C. ANTONI. C. F. OVF. AEGRIILLI. MIL. LEG
 VII. CLAVDIAE. PIAE. FELIC. ET. FIDELIS
 VIX. ANN. XXXIIX. M. VII. D. VIII
 M. AEGRIILLIVS. FRATRI. DVLCISSIMO. F. C

Legio VII. *Gemina pia felix. Ex Dalmatia a Nerone in Sy-
 riam traducta. Tacitus*

Vetus inscriptio Brixiae

P. STATIO. P. F. FAB. PAVLLO. POSTVMIO
 IVNIORI. X. VIRO. STLITIB. IVDIC. TRIB
 MILIT. LEG. VII. GEM. FELIC. VI. VIRO. EQVIT
 ROMANOR. Q. PROVINC. AFRIC. TRIB. PLEB
 PRAETOR. LEG. PRO. PR. PONT. ET. BITHYN
 PRO. COS. PROVINC. BAETICAE. TITVL. VSVS. D. D

Item

Item Fulginei vetus lapis

P. AELIO. P. F. PAPIR. MARCELLO . CENT
FRVM. SVB. PRINCIPE . PEREGRINOR
ADSTATO. ET. PRINCIPI. ET . PRIMIPILLO
LEG. VII. GEM. PIAE. FEL. ADLECTO. &c

Legio VIII. Augusta ex Pannonia in Moesiam a Claudio,
deinde in Italiam bello civili contra Vitellium ducta, quo ui-
cto ad sua hyberna remissa. De hac Dio, & Saepini in Samnio
uetus inscriptio sic meminit

L. NERATIO. C. F. VOL. PROCVLO . X . VIR
STLITIBVS. IVDICAN. TRIB. MILITVM. LEGION
VII. GEMINAE. FELIC. ET . LEG. VIII . AVG
QVAEST. AEDIL. PLEB. CEREAL. PRAET. LEG
LEG. XVI. FLAVIAE. FIDELITEM. MISSE. AB
IMP. ANTONINO . AVGVSTO. PIO . AD
DEDVCENDAS . VEXILLATIONES . IN
SYRIAM. OB . BELLVM. PARTHICVM. PRAEF
AERARI . MILITARIS . COS . MVNICIPES
SAEPINATES

Legio IX. Hispaniensis, ex Pannonia ubi eam Augustus loca-
uerat, a Tiberio in Africā bello Numidico migrari iussa, quo
confecto ad sua castra remissa, a Claudio uero in Britanniam
transportata. Cuius vexillarij bello civili Vitelliano a Vespa-
siani ducibus uicti, per Illyricū dispersi sunt. Tacitus. Huius le-
gionis mentionem fieri in uetusto epigrammate sic uidi

P . CORNELIO. LENTVLO
SCIPIONI . COS . PRAEF
AERARI . LEGATO . TI
CAESARIS. AVG. LEL. LEG
VIII. HISPAN. PONTIFICI
FETIALI. D. D

Legio X. Fretensis ex Hispania primo imperij Vespasiani anno in Germaniam contra rebelles Batauos traducta. Huius meminit Marcellinus in fine libri XVIII

Romae in vinea Carpenfi vetus lapis

A. ATINIO. A. F. PAL. PATERNO
 SCRIB. AEDIL. CVR. HON. VSVS. AB
 IMP. EQVO. PVBL. HONOR. PR. AEF. COH
 II. BRACAR. AVGVSTAN. TRIB. MIL
 LEG. X. FRETENS. A. DIVO. TRAIANO
 IN. EXPEDITION. PARTHICA. DONIS
 DONAT. PR. AEF. ALAE. VII. PHRYG
 CVR. KAL. FABR. ATERNOR. NOVOR
 ATINIA. A. F. FAUSTINA. PATRI
 OPTIMO. FECIT

Legio X. Gemina pia fidehs. Ex Syria sub Nerone in Arme-
 niam, iterumque in Syriam transportata, demum bello Iudaico
 in Iudaeam. Hanc Dio, ideo Geminam appellatam scribit,
 quod ex duabus legionibus una facta fuerit

Vetus lapis Brixiae

C. PONTIO. C. F. FAB. PELIGNO. TRIB. MIL
 LEG. X. GEM. Q. CVR. AT. LOCORVM. PVBLIC
 ITERVM. AEDILI. CVRVL. LEGATO. PRO. PR
 ITERVM. EX. S. C. ET. AVCTORITATE
 CAESARIS. D. D

Item in antiquae inscriptionis fragmento Romae
 apud Gentilem Delphinium

TRIB. MIL. LEG. I. ADIVTR. P. F
 ET. LEG. X. GEM. P.

Item Pisauri alia vetus inscriptio

C.LVXILIO.C.F. POMPT. SABINO . EGNATIO
PROCVLO.CVR.RER.PISAVR.ET . FANESTR
LEG.LEG. X.GEM. GORDIAN. CVR.REG

TRANSPAD.CVR &c

Legio XI. postea Claudiana pia fidelis dicta, ex Moesia in Dalmatiam sub Claudio, & ex Dalmatia bello civili Vitelliano pro Othone in Italiam contra Vitellium transducta. Othone victo suis castris reddita, occiso Vitellio iterum in Italiam venit, & paulo post ad sua hyberna remissa. Huius legionis meminit vetus hic lapis sic

GENIO.CENT

A. SERGIVS . A . F
SVLPICIVS.MIL. LEG
XI.CLAVD.PIAE.FIDEL
S . A . C . R

Haec auctore Dione una cum VII. legione Claudia ideò appellata est, quod Camillum Scribonianum qui bellum civile Claudio Imperatori intulerat primae deseruerint

Legio XII. Fulminatrix ab Augusto in Syria lecta, post bello Iudaico in Iudeam a Vespasiano principe traducta. Dio

Romae ad S. Alexium in Auentino

C. VETTIO . C. F. COL. NIGRO
DOMO . ANTIOCHIA , SYRIA
VETERANO. LEG.XII. FVLMINAT
MILIT. ANN. XXVI. VIX. AN LVII

Legio XIII. Gemina pia fidelis ex Germania superiore in Pannoniam, exinde bello civili Vitelliano in Italiam pro Othone contra Vitellium profecta, Othone victo, quum suis hybernis

hybernis reddita esset, iterum pro Vespasiano contra ipsum Vitellium in Italiam uenit, quo occiso Poetouionem ad sua castra remissa. De hac Dio mentionem facit libro LV

In uetusto fragmento Romae apud
Gentilem Delphinium

LEG. LEG. XIII. G. P. F. LEG. LEG. ...

Item Romae

HERCVLI. CONSERVATORI. PRO. SALVTE
L. RAGONII. L. F. PAP. VRINATII. LARTI
QVINTIAN. VIRI. CONS. SODAL. HADRIAN
LEG. LEG. XIII. GEM. DONAT. DONIS. MILIT.

Legio XIII. Gemina Martia uictrix ex Germania superiore a Claudio in Britanniam traducta (quum is Britanniam prouinciam fecit) cuius praecipue opera Britanniam in potestatem populi Romani redegerat. Quae quum a Nerone in Dalmatiam adducta esset, pro Othone in Italiam uenit, quo occiso a Vitellio in Britanniam remissa est. Postremo a Domitiano & Muciano ex Britannia euocata, Batavos & Germanos rebelles domuit, quibus uictis in Germania superiori locata. Tacitus, & Dio

In eodem fragmento apud Gentilem Delphinium

LEG. LEG. XIII. GEM
MARTIAE. VICTRICIS
SACERDOTI. TITIALI

Legio XV. Apollinaris ex Pannonia a Nerone in Syriam traducta, haud multo post ad bellum Iudaicum missa. Tacitus, Iosephus, & Dio

Vetus inscriptio Foro Sempronij
 L.MAESIO.L.F.POL.RVFO.PROC.AVG
 TRIB.MIL.LEG.XV . APOLLINARIS
 TRIB . COH . MIL. ITAL.VOLVNT
 QVAEST.IN.SYRIA.PRAEF. FABRVM

*Legio XVI ex Germania superiore in inferiorem
 a Claudio traducta, bello civili pro Vitellio contra Othonem,
 & Vespasianum stetit. Vitellio occiso primae : : : IIII
 Scythicae, & V. Macedonicae fortunam sequuta est, ut Ta-
 citus libris XIIII. & XIX. tradit*

*Legio XIX ex Germania inferiore in superio-
 rem a Claudio migrare iussa, iterum paulo post in inferiorem
 rediens castris Veteribus locata est. Videtur et ipsa in Italiam
 pro Vitellio uenisse, atque superioris legionis fortunam sequu-
 tam esse, ut refert Tacitus ibidem*

*Legio XX. Valeria uictrix ex Germania inferiore a Claudio
 in Britanniam transportata, cuius uexillarij bello civili uicti,
 a Vespasiano per Illyricum dispersi sunt. Tacitus*

Romae in domo Caesia uetus
 inscriptio

M.POMPEIO.M.F.ANI. ASPRO. 7. LEG
 XV . APOLLINAR . 7. COH. III.PR
 PRIMOP.LEG.III.CYR.PRAEF. CASTR
 LEG.XX.VICTR.ATIMETVS.LIBERTVS
 PVLLARIVS.FECIT.SIBI.ET. &c

Gg . . . Item

Item in ciuitate Castellana vetus lapis

Q. ALBIO. Q. F. HOR. ILLICI

7. LEG. XX. V. V

CORNICVLARIO. PR. PR

DONIS. DONATO. AB. DIVO

TRAIANO. AVGVSTO

TORQVIBVS. ARMILLIS

PHALERIS. BELLO. PARTHICO

Legio XXII. Primigenia Augusta pia fidelis in Aegypto ab Augusto constituta, quam postea Augustus Vespasianus in Iudaeam bello Iudaico migrare iussit. De hac Spartianus in Iuliano, et Tacitus mentionem faciunt

In Aequicolis uetus epigramma

C. VIBIO. Q. F. AIMILIA. VETENIO. EQVO

SEVERO. TRIB. SEMPR. PR. LEG

XXII. PRIM. AVG. P. F. SEMPRON

Item Romae in domo Caesia

P. COELIO. P. F. BALBINO. VIBVLLIO. PIO

X. VIRO. STLITIBVS. IVDIC. VI. VIRO. EQVIT

ROMAN. TVRM. QVINT. TR. MIL. LEG

XXII. PRIMIG. P. F. ADLECTO &c

Legiones inter Augusti obitum, & Vespasiani principatum ab imperatoribus additae, & earundem migrationes

Legiones IIII. additae a Claudio imp.

Primus oim post Augustum Claudius imp. Britannia uicta, eaq; in prouinciae formam redacta, IIII. nouas legiones ueteribus addidit, quum ob barbarorum incurssiones Britanniam Roma
nam

nam prouinciam trium legionum praesidio muniri necesse
fuiſſet

Harum prima fuit legio V. Claudia, quam in Moesia loca-
uit, haec poſtea a Nerone in Syriam, demum bello Iudaico in
Iudaeam traducta eſt

Fulginei uetus inſcriptio

CN. DOMITIO. SEX. F. AFRO. TITIO
MARCELLO. CVRINO . LVCANO
MIL. LEG. V. CLAVD. IIII. VIR. VIARVM
CVRANDARVM. PATRONO

Legionem quoque XV in Germania Claudius imp.
conſtituit : quae quum in Italiam contra Othonem, & Veſpa-
ſianum pro Vitellio ueniſſet, occiſo Vitellio primae
conditionem ſequuta eſt. Pars enim per Illyricum diſperſa,
pars in Germania remanſit, ex Gallis ſuppleta. Tacitus

Legio XIIII. Victrix in Germania ſuperiore a Claudio
lecta, quum & ipſa contra Veſpaſianum pro Vitellio bello
ciuili pugnaſſet, necato imperatore ſuo, uicta ſuis hybernis ob-
tumulutantes Batauos reddita eſt. Tacitus

Legio XXI. Rapax. Haec in Germania ſuperiore ab eo-
dem Claudio inſtituta eſt, quae bello ciuili Vitelliano, in Italia
quum ueniſſet, poſt Vitellij caedem a Muciano, & Domitia-
no ob Batauorum rebellionem ad ſua caſtra remiſſa eſt. Ex Ta-
cito libris XVII. XVIII. & XIX. Huius legionis mentionē
extare uidi in uetuiſto epigrammate, quod modo ad manus non
eſt

Legiones III. additae a Nerone imp

Legio I. Italica a Nerone imp. Dione auctore, facta eſt, atque
in Gallijs prope Lugdunum locata. Quae bello ciuili a Vitella-
lio in Italia ducta, quum uicta fuiſſet a Veſpaſiano per Illyricū
diſperſa eſt, uidetur tamen a poſterioribus principibus Roma

nis restituta

Vetus elogium Brixiae

C. MAESIO. C. F. PLACATIANO

X. VIRO. ST. LITIB. IVDIC

TRIB. MIL. LEG. I. ITALIC

Q. PROV. AFRIC. ALLECT. INTER

TRIBVN. AB. IMPERATORE

HADRIANO. ANTONINO. AVG. P

PRAETORI. PATRONO. D. D

Legio I. Classica Romae a Nerone instituta bello civili ab Othone in Galliam Narbonensem missa, postea uicto Vitellio in urbem reuocata, Vespasiani legionibus se cōiunxit. Tacitus libro XVII. & uetus inscriptio

*Legio Hispana a Nerone Romae facta, & a Galba exau-
torata. Tacitus libro decimosextimo*

Legiones a Galba imp. factae

*Legio I. Adiutrix uictrix pia fidelis a Galba, Tacito, & Dio-
ne auctoribus, instituta, Romae pro Othone contra Vitellium
stetit, Othone uicto a Vitellio in Hispaniā missa, inde bello Ger-
manico contra Batauos in Germaniam a Domitiano, & Ma-
ciano accita*

Romae apud Gentilem Delphinium
in fragmento

TRIB. MIL. LEG. I. ADIVTR. P. F

Item Fulginei in vetere elogio

T. AELIO. P. F. PAPIR. MARCELLO

ADLECTO. AD. MVNERA. PRAEF

LEG. VII. CLAVD. ET. PRIMAE

ADIVTRICIS. V. F. FLAMINI

Legio septima Galbiana in Pannonia a Galba constituta,
quae quum in Italiam bello ciuili pro Othone uenisset, eo mor-
tuo suis hybernis a Vitellio est reddita, iterum contra Vitel-
lium in Italia pro Vespasiano pugnauit, & eo occiso iterum
in Pannoniam est remissa. De hac praeter Tacitum libris XVI
XII. & XIX. meminit uetus inscriptio

Vespasius etiā imperator primo imperij anno legionem
unam fecit, quam II. (ut opinor) Flauiam uocauit, eamque in
Germaniam contra Batauos rebelles misit. Tacitus libro xx

Legiones xxxiii. populi Romani per orbem
Romanum Ser. Galba imp. Caesare Aug. II
& T. Viuios. locatae

In Hispania legiones duae

Legio VI. Ferrata R. F. C

Legio X. Fretensis

In Germania inferiore legiones IIII

Legio prima

Legio V. Claudiana

Legio XV

Legio XVI

In Germania superiore legiones IIII

Legio III. Scythica, alias Macedonica

Legio XII. Victrix

Legio XIX

Legio XXI. Rapax

In Dalmatia legiones duae

Legio XI. Claudiana pia fidelis

Legio XIII. Gemina Martia uictrix

Gg

2

Le

In Pannonia legiones duae

Legio VII. Galbiana

Legio XIII. Gemina pia fidelis

In Moesia legiones tres

Legio III. Gallica

Legio VII. Claudiana pia fidelis

Legio VIII. Augusta

In Syria legiones quattuor

Legio II. Adiutrix pia fidelis

Legio VI. Victrix

Legio VII. Gemina pia fidelis

Legio XII. Fulminatrix

In Iudaea legiones tres

Legio V. Macedonica

Legio X. Gemina pia fidelis

Legio XV. Apollinaris

In Aegypto legiones duae

Legio III. Cyreneica, alias Cureneica

Legio XXII. Primigenia pia fidelis

In Africa legio una

Legio III. Augusta

In Britannia legiones tres

Legio II. Augusta

Legio IX. Hispaniensis

Legio XX. Valeria victrix

In Gallia legio una

Legio I. Italica

In urbe legiones duae

Legio I. Classica

Legio I. Adiutrix pia fidelis

Quibus a Vespasiano addita est
Legio II. Flauia in Germania

In urbe

Cohortes vigilum tres
Cohortes urbanae IIII
Cohortes praetoriae XII

PROVINCIAE . FACTAE . A B
IMP. CAES. VESPASIANO
AVGVSTO

Imp. Vespasianus principatum adeptus, bello Iudaico confecto, more praecedentium Caesarum, imperij Romani iura augere studēs, Achaïam, Lyciam, Rhodum insulam, Byzantium ciuitatem nobilissimam in angusto Propontidis freto in Europa sitam, insulam Samum, quae ad haec usque tempora legibus suis uixerant, libertate adempta; item Tracheam, Ciliciam, & Comagenem ditionis regiae usque ad id tempus in prouinciarum formam redegit. ita Tranquillus cap. octauo. Comagenem autem a Ti. Caesare prouinciam factam regi Antiocho reddidit. rat C. Caesar Caligula imp. auctore Suetonio. De Rhodo ita scribit Sex. Rufus: Rhodijs, & insularum populis, primum infestissimis post fidelissimis Romani usi sunt. Ita Rhodus & insulae primum libere agebant, postea in consuetudinem parendi Romanis clementer prouocantibus perueniunt. Et sub Vespasiano imperatore prouincia facta est

LEGIONES. IN . CAPPADOCIA
ADDITAE

Imp. Vespasianus propter asiduos barbarorum incursus Cappadociae castra, & legiones duas addidit XII. Fulminatricem, & X V. Apollinarem, ut tradit Dio, consularēque rectorem imposuit, pro equite Romano. Tranquillus ita

Atque hac ratione limitū Romani imperij numerus auctus, de cēq; facti, idest Germaniae superioris & inferioris super Rhenum; Dalmatiae, Pannoniae, & Moesiae super Danubium; Britanniae, Cappadociae, Suriae, Aegypti, & Africae

PROVINCIAE. FACTAE. A. TRA-
IANO. IMPERATORE

Nullus Romanorum principum post Augustum, imperij Romani terminos magis propagavit quam Traianus, sub quo ingentia terrarum spatia imperio addita, maximae prouinciae factae, imperij ueteres limites prolati, nouae legiones constitutae, populi Romani uectigal auctum. Quum enim ueteres Romani imperij limites ab Augusto instituti, neque a reliquis imperatoribus mutati a Septentrione quidem essent Danubius, ab oriente uero Euphrates, ipse transdanubium Daciam, trans euphratē uero Armeniam, Mesopotamiam, et Assyriam prouincias Romanas fecit, Tigridem Romani imperij & Persarum limitem esse uoluit, quae omnia quo tempore, et ordine fecerit nunc exponam

PROVINCIA. TRANSDAN-
BIANA. DACIA

Daci qui trans Istrum sunt ingentibus cladibus populum Romanum sub eorum rege Decebal'o Domitiani principatu affecerant, Cppio Sabino consulari, & Cornelio Fusco praefecto cohortium praetorianarum, quibus belli summam Domitianus commiserat, oppressis. Quare Decebalus rex metu & ignominia Domitiani ferocior factus, Romanas prouincias finitimas Moesiam & Pannoniam Istro traiecto acriter uexare coepit. Interim occiso Domitiano, Traianus rei militaris peritissimus dux imperij successor, a sene Nerua, qui Domi-
tiano

tiano successerat, Caesarque appellatus est. Is post patris mortem imperium adeptus Dacicae ignominiae abolendae cupidus, bellum ex S. C. Dacis & regi Decebalo indixit. Quos multis proelijs attritos, ad extremum rege Decebalo occiso omnino debellavit, Daciamque eius regnum trans Danubium in solo barbarico primus omnium Romanorum provinciam fecit, quae in circuitu habuit decies centena millia passuum. Daci autem Getis contermini populi sunt montani, qui Daciam Pannoniae uicinam quam hodie Valachiam appellamus incolunt. De his Florus libro III. Daci (inquit) montibus inhaerent, Cotifonis regis imperio, quoties concretus in gelu Danubius iunxerat ripas in Pannoniam, & Moesiam decurrere solebant, & uicina populari. Visum est Caesari Augusto gentem aditu difficillimam submouere. Misso igitur Cornelio Læstulo tres eorum duces cum magnis copijs deleuit, ultra ulteriorem repulit ripam, citra praesidia constituit, satis uictoriae putans posse illos prohibere, sic hinc Dacia non uicta, sed sum mota, atque dilata est. Traianus inde Decebalum uicit, eius legatis seruilem in modum introductis pax duris conditionibus data. Iterum eum rebellantem oppressit, quo occiso Daciam provinciam fecit, thesauros regios subter uada Sargetiae fluminis inuenit, pontem lapideum uiginti pilarum super Danubium miri operis, maximeque memorabilis fecit, legiones duas nouae provinciae praesidio addidit, colonias aliquot in ea deduxit, imperij limites abrupta montium Sarmatas uersus constituit. Haec omnia accurate referuntur a Dione in uita Traiani imperatoris. Qui ita concludit: At Decebalus quum capta regia, uicina omnis regio in potestatem populi Romani uenisset, usque ad captiuitatem periclitatus mortem sibi consciiuit, cuius caput deinde Romam delatum est, ita Dacia iuris & ditionis Romanae facta est. Quam mox Traianus in provinciam

uinciam redegit, vrbes condidit, & colonos deduxit. Legion-
 nes autem suae in Dacia prouincialium praesidio additae sunt
 V. Macedonica & XIII. Gemina. Victoriae Traiani Da-
 cicae mentio est in eiusdem nummis ita DACIA. CA-
 PTA Item PROVINCIA. DACIA. AVGV-
 STI. Item GERMANIA. VICTA. Item
 GERMANIA. SVBACTA. Item tropaea
 quaedam cum inscriptione DE. SARMATIS
 ET. DE. GERMANIS

PROVINCIAE . TRANSEVPHRATEM

Prouinciae Armeniae duae, Meso-
 potamia, & Assyria

Per confinia Armeniarum primum sub L. Lucullo Ro-
 mana transtaurum signa transmissa sunt. Idem Lucullus Mi-
 thradatem regno Ponti exutum ad Armeniam persequutus
 est, Tigranem Armeniorum regem cum septem millibus cly-
 peatorum, & centum uiginti millibus sagittariorum, ipse cum
 decem & octo millibus Romanorum uicit, Tigranocertam
 maximam Armeniae ciuitatem expugnauit, Madenam opti-
 mam Armeniorum regionem obtinuit. Per Melethenam ad
 Mesopotamiam descendit. Nisibin cum fratre regis cepit,
 tendere in Parthos paratus successorem accepit Cn. Pompe-
 ium. Qui ad Mithradaticum bellum missus, Mithradatem in
 Armenia minore nocte aggressus proelio superauit, caesis duo-
 bus & quadraginta millibus hostium, castra eius inuasit. Mi-
 thradates in Bosphorū fugiens summa rerum desperatione se
 ipse interfecit. Pompeius auxiliatorem Mithradatis Tigranem
 Armeniorum regem persequutus est, ille se oblato dia-
 demate apud Artaxata dedit, receptae sunt ab eo Mesopota-
 mia.

Armenia, Syriae, & aliquanta pars Phoenicis, atque intra Armeniam regnare permissus est. Idem Pompeius Bosphoranis, & Colchis Aristarchum regem imposuit, cum Albanis conflavit, Orchodo Albanorum regi ter victo pacem dedit, Hiberniam cum Arsace rege in deditionem accepit, Sarracenos, et Arabes vicit, Iudaea capta Hierosolyma obtinuit, cum Parthis foedus fecit. Post Tigranem diu sub regibus Armenia fuit, ex quibus Tigranis successor Artavasdes ab Antonio occisus est. Post quem Artaxias, Tigranes alius, Artavasdes alius, Ariobarzanes, Vono Parthus, & Zeno Ponticus ab Augusto & Tiberio Caesaribus reges Armeniis impositi sunt. Armeniaque diu sub amicis regibus in Romanorum fide permansit. Nero quem turpissimum imperatorem Romana resp. passa est, amisit Armenias duas, rege ijs Tyridate a Parthis imposito. Ac sub regibus iterum Armenia usque ad Traiani tempora fuit. Qui Dacia victa expeditionem in Armenos, Parthos, Orientemque paravit belli praetextum faciens, quod Armeniorum rex diadema & cetera regni insignia, atque iura non ab se, sed a Parthorum rege, velut illi obnoxius sumpisset, re autem vera cupidine magis gloriae impulsus est. Qui simul ac Armeniae fines ingressus est, Armeniae regem & satrapas regionis obuios habuit, cum muneribus equum ducentes ita edoctum, ut Traianum anterioribus pedibus in modum supplicantis flexis, adoraret. Tum caussa cognita Parthamastri Armeniae regi sublato diademate regnum ademit. Quam imposito legato consulari Romanam provinciam fecit, limitem orientalis imperij ab Euphrate ad Tigrim amnem traxit, Hiberos post haec, Sauromatas, Bosphoranos, & Colchos in fidem Romanae ditionis accepit, Osroenorum loca occupavit, Carduenos, & Marcomedos obtinuit, Albanis regem dedit, omni deinceps belli molle in Parthos uersa, Nisibin

bin & Ecbatanas cepit, Parthicusque ob id a senatu appellatus est. Euphrate traiecto Adiabenos subegit, Arbela & Gavgamecia, in quorum campis olim Alexander debellauerat Darrum, ui cepit Antemustum opimam Persidis regionem, Seleuciamque, & Ctbesiphontem, Edessam ac Babylonem occupauit, & tenuit. Vsq̃ue ad Indiae fines primus post Alexandrũ accessit, in mari rubro classẽ instituit, qua Indiae fines uasteret. Armeniam omnem, Mesopotamiam, & Assyriam quae inter Tigridem & Euphratem sitae, irriguis amnibus instar Aegypti foecundantur cum his gentibus quae Madenam attingunt, tres Romanas prouincias fecit. Atque inter Romanos & Parthos imperij limitẽ fluiuium Tigrim esse uoluit. Parthis iam uictis defectionemque molientibus, apud Ctbesiphontem patentibus campis, coram Romanorum & Parthorum procerum multitudine, regem diademate imposito designauit Parthenaspatem, atque ita rebus orientalibus compositis in Arabiam profectus est. Ex Dione, Rufo, Eutropio, & Orosto Harum omnium rerum mentionem in Traiani nummis aureis, argenteis, aeneisque mentionem fieri animaduerti. Nam de Armenia & Mesopotamia prouincijs factis extat nummus sic inscriptus ARMENIAE. ET. MESOPOTAMIA. IN. P. P. R. REDACTAE. Item in a'io ARMENIA. SVBACTA. IMP. VI COS. VI. De regibus a Traiano uarijs nationibus datis alius nummus sic meminit REGNA. ADSIGNATA. De rege uero Parthis dato, & triumpho Parthico hos praeterea nummos Traiani sic inscriptos uidi REX. PARTHIS. DATVS. Item TRIUMPHVS. PARTHICVS. Quae autem regiones, aut quo in loco hae fuerint quas Traianus prouincias Romanas fecit, aperte libro 1 de bello Persico indicat Procopius: Regio (inquit) quae est
 Same

Samofatis iuxta Euphratem est, iam dudum Comagene nunc autem ex fluuij nomine Euphrantia uocata est. Quae autem intra utrunque fluuium existit, Mesopotamia ex argumento nominis dicitur. Cuius pars non solum hac appellatione, sed alijs quibusdam dicitur nominibus, ut ea quae ad Autidam pertinet ciuitatem, Armenia a nonnullis uocatur, Edessa uero cum ipse circa locis Osroene. Mesopotamia igitur ea regio est quae inter Euphratem & Tigrim amnes est sita, cuius praesidio cum eam in prouinciae formam Traianus primus redegit, set duas legiones addidit, duosque nouos imperij limites fecit Dacicum, & super Tigrim

PROVINCIA. ARABIA

Bello Parthico confecto, Traianus in Arabiam regressus, Agarenos rebellantes obtrivit, quumque magnam eius regionis partem occupasset, eam prouinciam Romanam, ut tradit Sex. Rufus, fecit. Ita enim ait: Sub imperatoribus Romano imperio accesserunt Pontus omnis, Armenia minor, oriens totus cum Mesopotamia; Assyriaque, & Arabia, cum Aegypto sub Romani imperij iura transiit. Item alibi: Agareni, & Iudaei in Palaestina a Cn. Pöpeio uicti sunt. Ad extremum sub Traiano principe regi maioris Armeniae diadema sublatum est, et per Traianum Armenia, Mesopotamia, Assyria, & Arabia prouinciae factae sunt, ac limes orientalis supra ripam Tigridis fluminis institutus. Arabiae prouinciae a Traiano factae mentio est in eiusdem uetusto nummo sic: ARABIA ADQVISITA. Eutropius uero: Arabiam (inquit) Traianus in prouinciae formam redegit. Eam prouinciam postea nouis gentibus uictis, & imperio Romano adiunctis nouam prouinciam fecit Seuerus imperator, bello Parthico confecto,

æto, quo Parthos, & Adiabenos, Arabesque interiores gradibus proelijs, & cladibus afflixit, ut tradunt Eutropius, & Rufus

De prouincijs orientalibus a Traiano imp. adquisitis

Hadrianus qui post Traianum imperium Romanum adeptus est, quum ut alijs multis, ita gloriæ Traiani inuideret, tres illas nobilissimas prouincias Armeniam, Mesopotamiam & Assyriam, illico nulla ductus necessitate, sed sponte sua Persis reddidit, quas Romano imperio, ut ostendi, Traianus adiunxerat, reuocatisque legionibus, inter Romanos & Persas ueterem imperij limitem Euphratem amnem esse uoluit. Idem de Dacia facere conatum amici deterruerunt, ne multi ciues Romani barbaris traderentur, propterea quod Traianus uicta Dacia, ex toto orbe Romano infinitas eo copias hominum transtulerat ad agros & urbes colendas. Dacia enim diuturno bello Decebalifuerat exhausta. Quidam huius rei hanc potissimum causam fuisse suspicati sunt, quod antiquis uatum responsis ferebatur, infaustum fore, ac infelix imperatori populi Romani, qui exercitus armatos trans Euphratem amnem, urbemque Ctesiphontem promouisset: exitium hoc fuisse M. Licinio Crasso, ipsumque Traianum proxime in Italiam cum Parthica uictoria non rediisse, Valerianum captum, Carum ictu fulminis absumptum, Iulianum postremo occisum. Ex quibus prouincijs Assyria & Armenia recuperatae sunt a L. vero, Seleucia urbe nobilissima cum D. millibus hominum, et Artaxatis harum prouinciarum primarijs urbibus captis, Capitolino, Eutropio, Rufo, & Iornande auctoribus. Mesopotamia uero quatter amissa est, & quatter recuperata,

ut

ut ait Rufus. Eam enim primo ab Hadriano relictam recepit cum Assyria, & Armenia L. Verus. Commodus iterum perdidit, recuperavit Seuerus; tertio a Persis Valeriano imperatore capto cum Armenia occupatam, tertius Romano imperio restituit Odenatus decurio Palmyrenus, Gallieni auspicijs. Quarto sub Caro deperditam, Diocletiani temporibus uictis prima congressione Romanis, secundo uero conflictu profligatis Persis superatoque rege Narseo, & uxore eius, ac filiabus captis, pace facta, Galerius Maximianus imperio restituit, Armeniaque omni etiam recepta, super ripam Tigridis imperij limes olim a Traiano constitutus, & ab Hadriano translatus, iterum est reformatus. Ad haec quinque tras Tigrim a Galerio Romanae provinciae factae Azarsauena, Mozena, Zabdicena, Rhenumena, & Carduena. Quas provincias postea ignominioso quidem sed necessario foedere, adiuncta Singarena, Nisibi, & Mesopotamiae superioris parte Iouianus Persis reddidit, ut paulo post exponam, & ita termini imperij occidentem uersus quarto mutati sunt

Haec autem sunt omnium provinciarum nomina quae a populo Romano ab vrbe condita usque ad imperij excidium in potestatem redacta sunt. Quas quanta potui diligentia ex antiquis scriptoribus collegi, quibus accurate degestis, nunc reliquum est ut earum legionum seriem, institutionem, & mutationes ex uetustis lapidibus, & Dione libro LV. potissimum referam, quae post Vespasiani imperium, uel institutae sunt, uel imperij limitibus locatae, atque ab ipso Vespasiano imperatore incipiens, quae ab alijs quoque Augustis additae sunt, persequar

Legio

Legiones populi Romani inter Vespasiani
& Alexandri Augustorum im-
peria additae

Legiones additae ab imp. Caesare Vespasiano Augusto

Legio II . . . in Germania. Tacitus libro xx. & xxi

Legio IIII. Flavia felix fidelis in Suria

*Huius legionis mentio est in hisce uetustis inscrip-
tionibus. Romae in hortis Carpenstibus*

D. M

C. ANNIO. VALENTI

VET. EX. NVM. FRVM

LEG. IIII. FL.

C. ANNIVS. HERACLA

FECIT. PATRONO. B. M

Item Pisauri

C. LVXILIO. C. F. POMPT. SABINO

EGNATIO. PROCVLO. CVR. RER.

PISAVR. ET. FANESTR. TRIB

LATICL. LEG. IIII. FLAV. PATRONO

COLONIARVM. PISAVR. ET. FANESTR

Paulo extra urbem Reatinam

SEX. TADIVS. SEX. F. VOL. LVSIVS

NEPOS. PAVLLINVS. TR. MIL. LEG

IIII. F. F. X. VIR. STLIT. IVDIC

Item Auximi in Piceno

C. OPPIO. C. F. VEL. BASSO P. P. P. C

PR. I. D. AVX. 7. LEG. IIII. FL. FEL

ET. LEG. II. TR. FORT. EVOK. AVG

Hanc legionem Dio libro LV. commemorat

Legia

Legio XVI. Flauia fidelis in

*De hac legione mentionem extare uidi in hac uetusta
inscriptione, Saepini in Samnio*

L. NERATIO. C. F. VOL. PROCVLO
X. VIRO. STLTITIBVS. IVDICANDIS
TRIB. MILIT. LEGION VII. GEMINAE
FELIC. ET. LEG. VIII. AVG. QVAEST. AEDIL
PLEB. CEREAL. PRAEF. LEG. LEG. XVI
FLAVIAE. FIDEL. ITEM. MISSE. AB. IMP
ANTONINO. AVG. PIO. AD. DEDVCEN
DAS. VEXILLATIONES. IN. SYRIAM. OB
BELLVM. PARTHICVM. PRAEF. AERARI
MILITARIS. COS. MVNICIPES. SAEPINATES

Legio I. Minervia pia fidelis in Germania inferiore
Addita a Domitiano Augusto

*Hanc legionem Spartianus in Hadriano, & uetus haec
Beneuentana inscriptio commemorat*

M. MARIO. M. F. STEL. TITIO
RVFINO. COS. LEG. LEG. I
MINER. P. F. CVR. COL
CLAVD. AVG. ARIPPINENSIVM
PRO. COS. PROV. SICILIAE. CVR
AMITERNOR. PRAEF. TR. PL. Q
PROV. MACED. SEVIR. TVRMAR
E Q. ROM. TRIB. LATI CL. LEG. I
ADI. P. F. III. VIRO. STLTITIB. IVDIC

Hb

Flauio

Legiones additae a Traiano imperatore
Legio II. Traiana fortis in Aegypto

Huius legionis Dio libro LV. & uetustae hae inscriptiones Auximates meminerunt

Q. PLOTIO. MAXIMO. COLLIN
TREBELLIO. PELLIDIAN. EQ. PVB
TRIB. LEG. II. TRAIAN. FORT
TRIB. COHORT. XXXII. VOLVNT
TRIB. LEG. VI. VICTRIC. et cet

Item ibidem

C. OPPIO. C. F. VEL. 'BASSO
OMNIBVS. OFFICIIS. IN. CALIGA
FVNCTO. CENTVRIONES. LEG
II. TRAIANAE. FORTIS. OPTIMO
ET. DIGNISSIMO

Legio xxx. Vlpia uictrix in Germania

*Huius legionis Marcellinus libro XIIIX. Dio libro LV
& uetustae hae inscriptiones mentionem faciunt*
Romae in uinea Reuerentiss. Card. Carpensiss.

D . . . M

T. FL. IOCVNDO. ER. LEG
xxx. VLP. FLAVI. FRVCT.
S. ET. VIC. ER. LEG. EIVSDEM
HERED. F. C

Romae apud Gentilem Delphinium
M. AEMILIO. M. F. NIGRO
ARA. MIL. FRVM. LEG. xxx. V. V

Legio

Legiones additae a M. Antonino Augusto

Legio II. Italica Diuit. in Norico

De hac legione Dio libro LV. & uetusta haec epigrammata meminerunt

D . M

FLORIO. BAVDIONI. VIRO. DVCENARIO
PROTECTORI. EX. ORDINARIO. LEG. II
ITAL. DIVIT. VIX. AN. XL. MIL. AN. XXV. VAE
VARIO. OPTIO. LEG. II. ITALICAE. DIVIT
PARENTI. KARISSIMO. M. F. C

Romae in aedibus Colotianis

AVR. SATVRNINO. EQ. COH. VIII. P. 7
VERISSIMI. QVI. MILITAVIT. IN. LEG. SE
CVNDA. ITALICA. TESSERARIVS. AN. VI
QVI. VIXIT. AN. XXVIII. AVR. OPTATIANVS
EQ. FRATRI. BENEMERENTI. POSVIT

Legio III. Italica in Rhetia

Huius meminerunt Dio, & uetustum hoc epigramma

CN. LAVDIVS. CN. F. FAL. THALLVS
MIL. COH. X. PR. 7. LIM I
ITEM. TESSERARIVS. IN. LEG. III
ITALICA. AN. VI. TRAIECTVS. IN
COH. XI. PR. 7. P. SATRI. Q. MIL
ANN. IIX. VIX. AN. LXII. H. F. S. C. A

Legiones additae a Seucro imperatore

Legio I. Parthica in Mesopotamia

*Hanc Dio libro LV. & Marcellinus libro
XX. commemorant*

op. 1

Hb 2 Legio.

Legio II. Parthica in Italia

*Hanc praeter Dionem libro LV. uetus quoque haec
Praenestina inscriptio profitetur*

DIIS. MANIBVS

L. IVNIUS. L. F. PONTINA. OCVLNIUS

MIL. LEG. II. PARTH. ANN. IIX

VIX. AN. XXXXVI. H. F. C

Legio III. Parthica in Mesopotamia

*Vt tradit libro LV. Dio, de qua uetus etiam hic lapis
Romae uia Ardentina mentionem facit*

L. AVRELIO. L. F. PAP. FAVORI

VETERAN. LEG. III. PARTHIC. P. F

ET. A. LOCIS. AEGRIS. CVST

LEG. EIVSDEM

*Nomina legionum, quae ex superioribus desunt, uel
sunt eadem cum his, mutatis nominibus, inter
Vespasianum, & Alexandrum Impp*

Legio I. ab Augusto

Legio I. Classica a Nerone

Legio II. a Vespasiano

Legio V. Claudiana a Claudio

Legio VII. Galbiana a Galba

Legio IX. Hispaniensis ab Aug.

Legio XV. a Claudio

Legio XVI. ab Augusto

Legio XVIII. Victrix a Claudio

Legio XIX. ab Augusto

Legio XXI. Rapax a Claudio

} additae

Legio

Nomina XXXIII. legionum populi Romani sub Imp.

Caesare M. Aurelio Alexandro Augusto

XIII. limitibus dispositarum

In Italia legio I

Legio II. Parthica

In Britannia legiones III

Legio II. Augusta in Britannia superiore

Legio VI. Victrix in Britannia inferiore

Legio XX. Valeria victrix in Britannia superiore

In Germania inferiore legiones IIII

Legio I. Minerua pia fidelis

Legio II. Adiutrix pia fidelis

Legio VII. Gemina pia fidelis

Legio XVI. Flavia fidelis

In Germania superiore legiones IIII

Legio X. Frentesis

Legio VIII. Augusta

Legio XXII. Primigenia pia fidelis

Legio XXX. Vlpia victrix

In Rhetia legio I

Legio III. Italica

In Norico legio I

Legio II. Italica

In Pannonia legiones III

Legio I. Adiutrix pia fidelis in Pannonia inferiore

Legio X. Gemina Gordiana pia fidelis in Pann. sup

Legio XIII. Gemina Martia victrix

In Moesia legiones III

Legio I. Italica in Moesia inferiore

Legio VII. Claudiana pia fidelis in Moesia super.

Hh 3 Legio

Legio XI. Claudiana pia fidelis in Moesia inferiore

In Dacia legiones II

Legio V. Macedonica

Legio XIII. Gemina pia fidelis

In Cappadocia legiones II

Legio XII. Fulminatrix

Legio XV. Apollinaris

In Mesopotamia legiones II

Legio I. Parthica

Legio III. Parthica

In Syria legiones IIII

Legio III. Gallica in Phoenice

Legio IIII. Scythica

Legio IIII. Flavia felix fidelis

Legio VI. Ferrata R. F. C. in Iudaea

In Aegypto legiones II

Legio II. Traiana fortis

Legio III. Cyreneica in Arabia

In Africa legio I

Legio III. Augusta in Numidia

In vrbe

Cohortes vigilum VII

Cohortes urbanae XIII

Cohortes praetoriae XII

Cohortium vigilum primae, secundae, & cetera usque ad VII. Item praetorianarum usque ad XII. & urbanarum usque ad XIII. in his antiquis epigrammatibus mentionem sic fieri animaduerti

R O M A N V M

853

In musaeo Carpenſi Romae

L. AVFVSTI. L. F. SVBVRA. RVFINI
CEN. COH. VII. VIGIL. ROM. & cet

Item Romae in aede D. Pudentianae

C. ACILIO. C. F. VOL. MARTIALI
VASIONE. VETER. EX. COH. XII. PR
MILITAVIT. ANNIS. XVII. VIXIT
ANNIS. LV. M. I. Q. DOMITIUS
ADIVTOR. HERES. CONSORTI. SVO
BENE. MER. FECIT. ET. SIBI

Romae in aedibus Bubalorum

M. ANTONI. M. F. FAB. PHOEBI
MIL. COH. XIV. VRBANA. 7. PERENNI
STIPENDIORVM. IIII. SECVTOR. TRIB
VIX. ANN. XX. M. V. D. XX. H. III
EPICTECTVS. ET. PHOEBE. PARENTES
INFELICISSIMI. FECERVNT

Classis Praetoria Misenas

Classis Praetoria Rauennas

*In his clasſibus aliquot cohortes conſcriptae erant, de qui-
bus etiam uetustae inſcriptiones mentionem faciunt*

Romae in Quirinali in hortis Reuerentiſſimi Carpenſis

D. M

MAGIA. IANVARIA. TATAE. SVO
BENEMERENTI. FECIT
C. ANTONIO. ANTARINO
MILITI. EX. CLASSE. PRAE
TORIA. MISENATIVM. VIX
ANN. XL. MIL. XXIV

Hb 4

Item

Item Romae in aedibus Laur. Vellei

D . M

T. FLAVI. VALENTIS. MIL
CLASS . PR. MISENIESIS
AGRADIESIS. VIX. ANN. XXVII
MIL. ANN. VI

De classe uero praetoria Rauennate Firmi in Piceno eius-
modi extat inscriptio

T. APPAEIO. T. F. VEL. ALFINIO
SECVNDO. PROC. AVG. XX. HERED
PROC. ALP. ATRECTIANAR. PRAEF
VEHICVL. SVB. PRAEF. CLASS
PRAET. RAVENN. PR. ALAE. I
AVG. THRAC. TRIB. COH. I. AELIAE
BRITTON. PRAEF. COH. IIII. GALLOR
PATRONO. COL

*Haec erant omnes populi Romani legiones, & cohortes
suis limitibus imperio tuendo, ita ut exposui, sub Alexandro
imp. distinctae, ut ex Dione, & uetustis epigrammatibus ac-
curate examinatis collegi. Quarum omnium nomina eo or-
dine quem subiiciam in fragmento columnae sub Palatii ra-
dicibus, uersus templum Pacis aliquot annis ante repertae,
ta exarata erant*

NOMINA. LEG

II. AVG	II. ADIVT	IIII. SCYTH
VI. VICTR	IIII. FLAV	XVI. FLAV
XX. VICTR	VII. CLAVD	VI. FERRA
VIII. AVG	I. ITALIC	X. FRETE
XXII. PRIM	V. MACED	III. CYREN
I. MINER	XI. CLAVD	II. TRAIAN
XXX. VLP	XIII. GEM	III. AVG
I. ADIVT	XII. FVLM	VII. GEM
X. GEM	XV. APOL	II. ITALIC
XIIII. GEM	III. GALLIC	III. ITALIC
I. PARTHIC	II. PARTHIC	III. PARTHIC

Dio qui sub Alexandro imp. uixit, libro LV. historiarum omnium fere harum populi Romani legionum, quae etiam suo tempore erant, nomina, auctores, limitesque in quibus commorabantur accurate enumerat. Ex quo praecipue eas ego quoque concinnaui. Is quum neget post Seuerum imperatorem, qui tres ultimas legiones Parthicas instituit, alias additas usque ad sua tempora fuisse, in eam ego deuenientiam, ut hae omnes legiones sub Alexandri potissimum imperio, sub quo ipse historiam suam conscripsit, fuerint. Post cuius tempora, plerasque harum uel exauctoratas, uel nomina mutasse, plerasque etiam uetera nomina retinuisse, quasdam in plures legiones distinctas fuisse, atque omnino harum seriem immutatam fuisse satis ex eo libro patet, cui Notitia utriusque imperij nomen inditum est. In quo diligenter inter cetera omnes illae legiones enumerantur quae post Alexandri tempora institutae a sequentibus imperatoribus fuerunt, de quibus ob eam potissimum causam amplius differere superuacaneum esse existimaui. Nam in eo libro ita accurate omnes traduntur ut
nihil

nihil diligentius fieri posse existimem . Ego porro , ne quid eorum quae huius libri constituendi causa collegi,omittam , earum omnium legionum nomina hic suggeram,quas ex uetustis tantum inscriptionibus collegi,quarum nulla praeterea aut ab auctoribus,aut a me supra facta mentio fuit , quum earum auctores,tempora, et limites ignorarim.Sunt autem hae

Legio II

Legio III. Felix

Legio III

Legio IIII. Gallica

Huius legionis mentio est in uetusto fragmento Romae
apud Gentilem Delphinium

. . . T. LEG. IIII . GALLICAE

PRAEF.COH. IIII. LINGONVM

Legio IIII. Italica

Alia etiam uetus inscriptio hanc legionem sic commemorat
TI.CLAUDIO.QVIR.FRONTINO
NICERATO.CL.FRONTINI.COS.F
X.VIR.STLIT.IVD.TRIB.LATICLAVIO
LEG.III.IITALICAE.QVAESTORI.PRO.PR
PROVINCIAE.ACHAI AE

Legio v

Legio v. B.

Legio v. Alauda pia felix. Haec a Caesare dictatore instituta est,auctore Tranquillo, de qua uetustū hoc epigramma Romae uia Cassia situm meminit

D I I S . MANIBVS . SACRVM
VLPIAE. PYRALLIDI.CONIVGI
ET.SIBI. HILARVS . AVG . LIB
TIBICIN . L E G . V . ALAVD
P. FEL.VIVVS.FECIT

Legio V. Augusta

Et huius legionis meminit hic lapis

ISIDI . SACRVM

SEX. POMPEIVS. SEX. L. SYRVS

MIL. LEG. V. AVG. V. S. L. M

Legio VII. . . .

Legio VIII.

Legio VIII. Antoniniana

Et de hac legione in antiqua hac inscriptione
mentionem extare vidi

GENIO . SANCTO

M. AVR . CL . POMPEIANVS

MIL. LEG. VIII. ANTONINIANAE

AVG. B. F . COS. K . IANVAR

Legio X. Augusta

De hac legione mentionem facit uetus
hic lapis

IOVI . VICTORI

K. AIMILIVS . K. F . QVIR

ARRINVS. MIL. LEG. X. AVG

S. P. P. D. D

Legio X. Vener

Legio XI

Legio XIII.

Legio XIII.

Legio XVI.

Legio XVII. Mil.

Legio XIX.

Legio XX. Hered

Legio XXII. Deiotariana

Hanc etiam legionem uetusta inscriptio
sic profitetur

L.BAEBIVS.L.F.GAL.IVNIANVS
PRAEF.FABR.PRAEF. COH. IIII
RHETORVM.TRIB.MIL. LEG
X X I I . DEIOTARIANAE
PRAEF. ALAE. ASTYRVM
P R A E F . VEHICVLORVM
IVRIDICVS.AEGYPTI

De quibusdam praeterea alis, & cohortibus, quarum
in uetustis inscriptionibus mentio est

*Post legiones, multae praeterea militum cohortes ab impe-
ratoribus institutae sunt ex uarijs gentibus, quae uel una cum
legionibus limitibus Romani imperij tuendis incubabant, uel
uarijs in locis collocatae in praesidijs erant. Harum praeci-
puae ex antiquis inscriptionibus a me collectae, haec erant*

Cohors I. Aelia Brittonum

Cohors I. Aquitanorum

Cohors I. Noricorum

Cohors II. Africanorum

Cohors II. Aquitanorum

Cohors II. Bracar

Cohors II. Clafs

Cohors II. Pannoniorum

Cohors II. Thracum

Cohors II. Thracum Syriaca Claudiana pia fidelis

Cohors III. Alpin

Cohors III. Aug. Thracum

Co-

Cohors III. Illyriorum
 Cohors IIII. Gallorum
 Cohors IIII. Lingonum
 Cohors IIII. Rhetorum
 Cohors VI. Thracum
 Cohors VII. Thracum
 Cohors VIII. Voluntariorum
 Cohors XV. Voluntariorum
 Cohors XXXII. Voluntariorum
 Erat & praefectus ripae Danubij

Alarum quoque in uetustis monumentis multa mentio est. Ala autem equitum manus erant legionū praesidio constitutae, ut supra ostendi, in his praecipuas fuisse animaduerti

Ala Astyrum
 Ala I. Aug. Thracum
 Ala Flauiana
 Ala Indiana
 Ala I. Pannoniorum
 Ala VII. Phrygum

DE. COLONIIS. EXTRA. ITALIAM

Prouincijs omnibus populi Romani, legionibusque per eas constitutis expositis, nunc superest, ut quo liber omni ex parte perfectus sit, eas etiam colonias breuissime referam, quae per omnes orbis Romani prouincias extra Italiam deductae sunt. Quarum seriem commodius tradere posse existimaui prouinciarum ordine seruato. Nam quum multae ex ijs incertos habuerint deductores, temporis rationem quemadmodum supra feci in his, quae intra Italiam factae fuerant, habere

re

re non potui. Prouinciarum igitur ordinem sequar, quarum
in hac mea digestione Britanniam primam statui

COLONIAE. POPVLI. ROMANI. EXTRA ITALIAM

In Britannia coloniae V

Colonia Camalodunum, de qua meminit Tacitus libro XII
colonia Diuana legio xx. Victrix, cuius meminit Ptolemaeus
colonia Eboracum legio VI. Victrix, de qua Ptolemaeus
colonia Londinum, de qua Tacitus libro XIII
colonia Victricensis, cuius mentio est in uetusta inscriptione

In Hispania Lusitania coloniae V

Colonia Augusta Emerita, hodie appellatur Merida, cuius &
quattuor sequentium meminit Plinius libro quarto, capite
XXII. De ea uero tantum Tacitus libro XVII. & Paul
lus in digestis mentionem faciunt
colonia Metallinensis, hodie Medellin. Plinius ibidem
colonia Norbensis Caesariana, alias Norba Caesarea, hodie
Alcantara. Plinius ibidem
colonia Pacensis, alias Pax Iulia, hodie Badaioz, Paullus in
digestis L. XV. VIII
colonia Scalabis, siue Praesidium Iulium, hodie Trugillo. Plin
nius, Ptolemaeus

In eadem prouincia erat municipium
Olisipo, alias Felicitas Iulia. Plinius ibidem

In Hispania Baetica coloniae VIII

Colonia Asta regia, cuius & septem sequentium meminit Plin
nius libro historiae naturalis III. cap. primo

colo

colonia Astigitana, siue Augusta firma, hodie Ezija

colonia Atubi, siue claritas Iulia. Plinius ibidem

colonia Corduba Patricia, hodie Cordona

colonia Hispalis Romulensis, hodie Seuiglia. Tacitus libro
decimo octauo

Col. immunis Ituci, siue Virtus Iulia. Plinius

colonia immunis Tucce, siue Augusta Gemella

colonia immunis Vrso, siue Gemina urbanorum. Plinius

In eadem prouincia erant municipia octo. Plin. ibidem.

In Hispania Tarraconensi coloniae XII

Colonia Acci, siue Accitana, hodie Guadix, cuius & XI. se-
quentium meminit Plinius hist. nat. libro tertio, cap. tertio

colonia Asturica, hodie Astorga

colonia Barcino, olim Fauentia, hodie Barcellona. Paullus

Colonia Caesarea Augusta immunis, olim Salduba, hodie Sar-
ragozza. Plinius ibidem

colonia Carthago noua, hodie Cartagena

colonia Celsa, hodie Xelsa

colonia Clunia, hodie Cruna. Ptolemaeus

colonia immunis Ilce, hodie Elche. Paullus

colonia Iulia Obrica Flauia. Plinius

colonia Salariensis. Plinius ibidem

colonia Tarraco, hodie Tarragona. Tacitus libro primo

colonia Valentia, hodie Valenza. Paullus. Florus lib. LV

In eadem prouincia erant municipia XIII. Plinius

Coloniae in Hispania extra harum numerum

Colonia Emporiae, hodie Empurias. Ex Liuiio

colonia Gracchuris. Ex Liuiio

colonia Italica. Ex Gellio libro XVI. cap. XIII

colonia

colonia Marcia, hodie Marchena. Ex antiqua bast

In Aquitania coloniae II

Colonia Ludunius sub Pyraenao. Ptolemaeus

colonia Ruscino sub Pyraenao. Tacitus

In Gallia Belgica coloniae VII

Colonia Agrippina Ubiorum. Vetus lapis, Plinius libro IIII
capite decimo septimo. Tacitus libro duodecimo. Paullus li-
bro digestorum quinquagesimo. XV. VIII. Antoninus
Pius in Itinerario

colonia Augusta Rauracorum, hodie Basilea. Vetus lapis, Pli-
nius ibidem

colonia Augusta Trevirorum. Vetus lapis

colonia Augusta Vlpia Traiana. Ptolemaeus, Antoninus

colonia Equestris. Plinius libro quarto, cap. decimo septimo

colonia Iuhonum. Vetus lapis, Tacitus libro tertio decimo

colonia Lutarburgium Tarbelliorum. Vetus lapis

In Gallia Lugdunensi coloniae II

Colonia Lugdunum. Vetus lapis, Plinius libro quarto, capite
decimo octavo. Tacitus

colonia Vienna. Tacitus, Paullus L. XV. XVIII

In Gallia Narbonensi coloniae XIII

Colonia Ancusio. Ptolemaeus

colonia Aquae Sextiae Salyorum Paterculus. Plinius libro
tertio, cap. quarto. Florus libro LXI. Ptolemaeus

colonia Arausio Secundanorum. Plinius ibidem

colonia Arelatae Sextanorum. Plinius ibidem. Ptolemaeus

colonia maritima Auanticorum. Ptolemaeus

colonia

- colonia Auenio. Ptolemaeus
 colonia Biterae Septumanorum. Plinius libro tertio, capi-
 te quarto
 colonia Cabillonum. Ptolemaeus
 colonia Narbo Martius Decumanorum. Cicero pro Fonteio,
 Idem in Bruto, Caesar in cōmentarijs, Paterculus libro se-
 cundo. Plinius libro tertio, cap. quarto. Ptolemaeus
 colonia Nemausum Arecomicorum. Strabo libro quarto,
 Ptolemaeus, antiquus nummus
 colonia Pacensis classica Forum Iulij Octavianorum. Plinius
 libro tertio cap. quarto. Tacitus libris II. & XIX
 colonia Tholosa. Ptolemaeus
 colonia Valentia. Ptolemaeus
 colonia Vienna Allobrogum. Tacitus

In Corsica Cyrno insula coloniae II

- Colonia Mariana deducta a C. Mario. Plinius libro tertio,
 capite sexto
 colonia Aleria deducta a Sulla dictatore. ibidem

In Sardinia insula coloniae II

- Colonia Turres Libysonis. Plinius libro tertio cap. septimo
 colonia Vestipolis. Ptolemaeus

In Sicilia insula coloniae V

- Colonia Catina, huius & quattuor sequentium meminit Pli-
 nius libro tertio, cap. octauo. De ea uero item Ptolemaeus
 colonia Syracusae. Plinius, Ptolemaeus
 colonia Taurominium ante Naxos dicta. Ptolemaeus
 colonia Thermae. Plinius
 colonia Tyndaris. Plinius ibidem

In Rhetia coloniae V

Colonia Augusta Quinctorum. Vetus lapis
 colonia Augusta Tiberij, hodie Reginoburg. Vetus lapis
 colonia Augusta Rhetorum. Vetus lapis
 colonia Constantia. Vetus lapis
 colonia Curia. Vetus lapis

In Vindelicia colonia I

Colonia Augusta Vindelicorum. Vetus lapis

In Norico coloniae VI

Colonia Aureliana Laureacensis
 colonia Carnutum
 colonia Celeia
 colonia Oulabis Aurelia Antoniniana
 colonia Sabaria deducta a Claudio imp. Plinius
 colonia Solvensis. Plinius lib. tertio cap. XXIII

} Vetus
 epigrama
 mata

In Pannonia coloniae V

Colonia Aemona. Plinius libro tertio capite XXV
 colonia Muris. Ptolemaeus
 colonia Poetouio. Tacitus lib. XIX. Vetus lapis
 colonia Siscia. Plinius libro tertio, cap. XXV
 colonia Syrmium. Vetus lapis

In Dacia coloniae quattuor

Colonia Apulum, hodie Alba Iulia. Vetus lapis
 Colonia Aquae uiuae. Vetus lapis
 colonia Perendanesiorum. Ptolemaeus
 colonia Ulpia Traiana Augusta Dacica Zarmis. Dio in Tra
 iano, Vetus lapis

In Thracia coloniae quattuor

Colonia Apros. Plinius libro tertio, cap. XI. Ptolemaeus
 colonia Deueltus. Ptolemaeus
 colonia Flauio polis. Plinius libro quarto, cap. XI
 colonia Philippi. Plinius ibidem, Vlpianus, Celsus Digestorum
 libro L. XV. VI

In Illurico colonia 1

Colonia Iadera. Ptolemaeus

In Liburnis coloniae quattuor

Colonia Aequum. Ptolemaeus
 colonia Epidaurum. Plinius libro quarto, cap. IX
 colonia Narona. ibidem Plinius
 colonia Salona deducta a Claudio imp. Ptolemaeus

In Epeiro coloniae duae

Colonia Buthrotum. Plinius libro quarto, cap. primo
 colonia Nicopolis ad Actium ab Augusto deducta. Plinius lib.
 quarto, cap. primo. Tacitus, & nummus argenteus

In Macedonia prouincia coloniae sex

Colonia Bullida. Ptolemaeus
 colonia Cassandria. Plinius libro quarto, cap. X. Vlpianus
 colonia Epidamnum, alias Dyrrhachiu. Plinius lib. tertio, cap
 XXIII. Vlpianus
 colonia Orestias. Plinius libro quarto, cap. X
 Colonia Pella. Plinius ibidem

In Graecia coloniae duae

Colonia Marcilaida. Antoninus Pius in Itinerario
colonia Megara in Attica. Plinius libro quarto, cap. septimo

In Achaia coloniae tres

Colonia Iulia Corinthus deducta ab Augusto. Festus, Nummus,
Plinius libro quarto, cap. quarto
colonia Dyme. Plinius libro quarto, cap. V
colonia Augusta Patrensis, deducta ab Augusto. Nummus,
Plinius ibidem
colonia Epiroptia insula in mari Aegaeo. Plinius libro quarto,
cap. duodecimo

In Asia coloniae Romanae XI

Colonia Synope in Ponto. Plinius lib. VI. cap. II. Vlpianus
colonia Apamena in Bithynia. Plin. lib. V. cap. XXXII. Vlp
colonia Ancyra in Galatia. Plinius lib. quinto, cap. XXXII
colonia Germa. Ptolemaeus
col. Caesarea Antiochia in Pisidia. Plin. lib. V. c. XXVII. Vlp
colonia Gremna in Pamphilia. Ptolemaeus
colonia Troas Antigonis Alexandria in Phrygia. Plinius lib.
quinto, cap. xxx. Vlpianus
colonia Parium, alias Pariana in Asia. Plinius lib. quinto, cap
XXXII. Vlpianus
colonia Adramyttium Aeolum in Asia. Plin. lib. V. cap. xxx
colonia Selinus, alias Traianopolis in Cilicia. Vlpianus
colonia Archelais Caesarea in Cappadocia, deducta a Claudio
imperatore. Plinius libro sexto, cap. tertio

In Suria coloniae XX

Colonia Antiochia ad Orontem Suriae Metropolis deducta
ab Antonino Caracallo imperatore. Vlpianus Digestorum
libro L. titulo XV

colonia Aemefena in Phoenice ded. a Caracallo. Vlpianus

colonia Aelia Capitolina in Iudaea Palaestina deducta ab Ha-
driano imperatore. Vlpianus ibidem

colonia Apulensis. Vlpianus ibidem

colonia Augusta Berythus Felix Iulia in Coelefuria Plin. lib. v.
capite uigesimo. Vlpian. L. XV. I. Nummus argenteus

colonia Turris Stratonis, alias Felix Augusta Caesarea Fla-
uia prima deducta a Vespasiano imperatore. Plin. lib. quinta
to, cap. tertiodécimo. Vlpianus

colonia Capitulum deducta a Tito Caesare imp. Vlpianus

colonia Damascus Metropolis. Nummus argenteus

colonia Hel Nummus argenteus

colonia Iul. Sert. Sac. Aug. Felix. Nummus

colonia Iulia Germanicia sacra Augusta Felix. Nummus

colonia Laodicia. Vlpianus

colonia Misena ab Antonino Caracallo deducta. Vlpianus

Colonia Naconensis. Vlpianus

colonia Palmyra a Caracallo imp. deducta. Vlpianus

colonia Paraniensis deducta a Seuerio imp. Vlpianus

colonia Ptolemais Phoenicia in Palaestina deducta ab imp. Cla-
udio. Plinius lib. V. cap. XIX. Vlpianus

colonia Sebastena deducta a Seuerio imp. Vlpianus

colonia Sydo in Phoenice ded. a Caracallo. Vlpianus

colonia Tyrus in Phoenice deducta a Seuerio. Vlpianus

colonia Zarme Tigetusa. Vlpianus L. xv. I

colonia Melitene in Armenia maiore. Ptolemaeus

colonia Nissibis iuxta Euphratem. Marcellin. libro XXV

colonia Sinis iuxta Euphratem. Ptolemaeus

colonia Heliopolis in Aegypto a Severo ded. Vlpianus

colonia Pharus Caesaris dictatoris in Aegypto. Plinius

colonia Bostra in Arabia. Nummus

colonia Indicia Cyrenensium deducta a Traiano. Vlpianus

In Africa coloniae LVII

In prouincia Caesariensi coloniae IX

Colonia Abilis. Ptolemaeus

colonia Babba Augusta Iulia campestris. Plinius libro quinto
cap. I. & Antoninus

colonia Banasa Valentia. Plinius ibidem

colonia Lixos a Claudio imp. deducta. Plinius ibidem

colonia Rusaddir. Antoninus in Itinerario

colonia Silda. Ptolemaeus

colonia Tingi, alias Traducta Iulia, deducta a Claudio imp.
Plinius ibidem

colonia Volubilis. Antoninus, & Ptolemaeus

colonia Tubil, alias Zili Augusta Constantia. Plinius ibidem,
Antoninus, & Ptolemaeus

In Mauritania Caesariensi coloniae XIX

Colonia Aquae calidae. Ptolemaeus

colonia Arsenaria. Ptolemaeus

colonia Bida. Ptolemaeus

colonia Carcenna Augusta legio II. Plinius lib. V. cap. II. An-
toninus, & Ptolemaeus

colonia Gilua. Antoninus in Itinerario

colonia Gunugi Augusti cohors praetoria. Plinius ibidem
 colonia Icosto deducta a Vespasiano. Antoninus. Ptolemaeus
 colonia Igilgi. Antoninus. Ptolemaeus
 colonia Iol Caesarea, Iubae regia a Claudio imp. deducta. Plin.
 ibidem, & Antoninus
 colonia Oppidoneum. Ptolemaeus
 colonia Quiza appellatur a Ptolemaeo, ab Antonino uero
 municipium
 colonia Rufazus Augusti. Plinius ibidem. Antoninus
 colonia Rusconiae Augusti. Plinius lib. quarto, cap. secundo.
 Antoninus in Itinerario, & Ptolemaeus
 colonia Ruscurium deducta a Claudio imperatore. Plinius ibi
 dem, Antoninus, & Ptolemaeus
 colonia Saldis Augusti. Plinius ibidem, Antoninus, & Ptolem
 colonia Siga appellatur a Ptolemaeo, ab Antonino uero muni
 cipium
 colonia Sitifi. Ptolemaeus, & Antoninus
 colonia Succabar Augusta. Plinius ibidem
 colonia Tipasa. Antoninus, Ptolemaeus

In eadem prouincia municipia vii. ex Antonino
 Munic. Bidil Munic. Cisi Munic. Coba
 Munic. Ionium Munic. Rufaxis Munic. Sana
 Municipium Tegauda

In Numidia coloniae septem
 Colonia Afrodium. Ptolemaeus
 colonia Cyrrha Sittianorum. Plinius libro quinto, cap. tertio.
 Antoninus in Itinerario
 colonia Hipporegius. Antoninus in Itinerario
 colonia Ruscade. Ptolemaeus

Colonia Sica . Plinius ibidem

Colonia, Simitu Antoninus

Colonia Tabracha . Ptolemaeus

Municipium Culli . Antoninus in itineraio

In prouincia valeria Byzacena coloniae VIII

Colonia Cuina . Ptolemaeus

Colonia Hadrumantum . Ptolemaeus, Antoninus

Colonia Lares . Antoninus, & Ptolemaeus

Colonia Ocea Antoninus

Colonia Sabrata . Ptolemaeus, Antoninus

Colonia Tacape . Ptolemaeus, Antoninus

Colonia Aelia Augusta Mercurialis Thaenitis, alias Thaenae

Antoninus. vetus inscriptio

Colonia Thebeste . Ptolemaeus *

Colonia Aelia Augusta Zama regia . Plinius libro v. cap.

IIII. Ptolemaeus, Vetust tabula aenea

Municipia Giti, & Pontegita. Antoninus

In Africa veteri coloniae V

Colonia Admedera . Antoninus

Colonia Carthago prima extra Italiam deducta'. Plinius
libro v. cap. v. Vlpianus, Paterculus, Florus, Appia-
nus, & alij

Colonia, Maxula . Plinius ibidem

Colonia Neapolis Plinius ibidem . Ptolemaeus

Colonia Utica Gellius libro XVI. cap. XIII

In Africa noua coloniae VIII

Colonia Culcua . Ptolemaeus

Colonia

Colonia Leptis magna. Ptolemaeus, Antoninus, Vlpianus

Colonia Thufdrum. Antoninus

Colonia Tiba. Ptolemaeus

Colonia Tuburnica. Ptolemaeus

Colonia Tuburbis. Ptolemaeus

Colonia Tynidrumum. Ptolemaeus

Colonia Utina. Ptolemaeus

DE VECTIGALIBVS

POPVLII ROMANI

Prouincijs, colonijs, & legionibus omnibus populi Romani expeditis, locus hic me admonet, ut quod paulo ante de uectigalibus imperij Romani me scripturum pollicitus sum, nunc afferam. Ante bellum igitur Mithradaticum, quod Cn. Pompeius gessit, in quo Romano imperio tres nouas prouincias, Bithyniam, Ciliciam omnem, & Syriam adiunxit, tribus et uectigalibus populum Romanum ex annuis earum quas commemorauit prouinciarum, quinque millia myriades drachmarum Atticarum cepisse, in Pompeij uita auctor est Plutarchus. Nam ante ea tempora quod annum uectigal reip. Romanae fuerit incertum est. Post bellum uero Mithradaticum ijs prouincijs per Cn. Pempeium Romano imperio adiunctis, annui redditus aucti, tribus millibus & quingentis myriadibus, atq; omnino factae octo millia, & quingentae myriades drachmarum Atticarum. Quam summam quo ad nostri temporis pecuniae usum facilius redigam, pauca quaedam de antiquorum tam apud Romanos, quam apud Graecos nummorum ratione disputabo, eaque in hac re tradenda afferam, quae ego Romae apud gentilem Delphinium, & ipse uidi, & manibus attrectauit. Ac primum quidem de Romanorum pecunia, post Graecorum, quantum ad rem propositam explicandam attinet,

attinet, differam. Apud Romanos tria erant praecipua nummorum argenteorum genera, idest denarius, quinarium, & sestertius. Denarius ab uno latere urbis Romae galeatum caput cum numeri nota X. habebat: Ita dictus quod pro decem assibus in solutionem cedebat, quoad perpetuis bellis exhausto aerario, placuit denarium sexdecim assibus permutari, quod contigit quum Hannibal perpetuos sexdecim annos totam Italiam crudelissime uexabat. Qui quamquam ex decem in sexdecim asses permutatus esset, antiquum tamē denarii nomen & notam X. retinuit. Qui quod ab alio latere bigas, & quadrigas circensium excusas haberet, bigatus, & quadrigatus dictus est. Pendebat autē argenti sui quas XXIII. sex denarii unciam conficiebant, ut tradit Priscianus, & ego ipse expertus sum. Denarii dimidium quinarium appellabant, nota V. insignitum, qui quum victoriae, quae in circo erat signum excusum haberet, etiam victoriatu appellatus. Quinarium autem dimidium sestertium uocabant, ualebat enim sestertius quartam denarii partem, qui alio nomine nummus dicebatur. Interdum utrunque coniungentes nummum sestertium dicebāt, dictus est autem sestertius, quasi semis tertius, eo quod in se continebat asses duos, & tertium dimidiatum, notabaturque apud ueteres per geminum II. & litteram S. quae prima est in dictione semis, interueniente linea transuersa, qua tres hae litterae coniungerentur ad hunc modum H-S. Veteris consuetudinis fuit, ut semis in compositione ante poneretur, ut semis quartus, semis quintus, semis tertius, unde sublati duabus litteris dictus est sestertius. Vt autem sestertium nummum ad nostratis pecuniae aestimationem reducā, dicam quod ego ipse mensurando ueteres sestertios, quinarios, & denarios obseruari. Diligentissime itaque collegi sestertium tantundem ualere, quantum apud Venetos ualet id nummi genus, quod grossum appellant,

appellant, idest quadrantes duodecim monetae Venetae, ita ut quinaris eiusdem monetae XXIII. quadrantibus, denarius uero octo & quadraginta aestimabitur. Monetae uero Romanae haud ita facile aequari potest, sed quum res ad paulo grandiore summam redigitur, pecunia Romana cum Veneta omnino conuenit. Romae sestertium tantundem ualere ego diligentissima trutina examinaui, quantum quadrantes fere quattuordecim, idest ut uocant baiocos tres & semis, ita ut quattuordecim fere bacocis denarius antiquus aestimari possit. Ideo autem fere dixi, quia non omnino ad quattuordecim baiocorum summam denarius ascendit, sed unus quadrans, uel paulo plus eximendum esset. Quod tamen quum ad paulo grandiore summam perueneris, parum officit. Quae omnia ut facilius ab omnibus intelligantur, totius rei breuem hanc descriptionem subiiciam

Monetae Romanae

Sestertij quattuor	valent	baic. XIII
H-S octo	valent	baioc. XXVIII
H-S decem	valent	baioc. XXXIII
H-S viginti	valent	baioc. LXVI
H-S triginta	valent	baioc. centum
H-S XXXIII	valent	baioc. CX
Sestertij C	valent	scutos aureos coronatos 3
H-S 200		△ 6
H-S 300		△ 9
H-S 400		△ 12
H-S 500		△ 15
H-S 600		△ 18
H-S 700		△ 21
H-S 800		△ 24

H-S 900	valent	△ 27
H-S mille	valent	△ 30
2000		60
3000		90
4000		120
5000		150
H-S decem millia	valent	△ 300
20. millia		600
30. millia		900
40. millia		1200
H-S 50. millia	valent	△ 1500
H-S 100. millia	valent	△ 3000
H-S 200. millia	valent	△ 6000
300. millia		9000
400. millia		12. millia
500. millia		15. millia
H-S decies centena millia		△ 30. millia
H-S Vicies		60. millia
H-S Tricies		90. millia
quadragies		120. millia
quingagies		150. millia
H-S centies decies centena mil.		△ 300. millia
Ducenties		600. millia
Trecenties		900. millia
Quadringenties		12. centena millia
H-S Quingenties		△ 15. centena millia
H-S Millies decies centena millia	valent	trices centena
millia scutorum aureorum, idest, ut nunc dicitur,		
tres auri milliones		
H-S bis millies		6. milliones
H-S Ter millies		9. milliones

H-S millies decies	
centena millia	30. milliones
H-S Vicies millies	60. milliones
H-S tricies millies	90. milliones
H-S quinquagies millies	150. milliones

Sestertijs igitur in masculino genere omnem, quāquam magnam summam, ueteres expediebant. Erat enim & sestertium in neutro genere, & in plurali numero sestertia, quae singula ualebant mille nummos sestertios. Habetque sestertium in neutro genere, eandem proportionem ad libram Romanam, quae & mina, & pondo dicitur, quam habet nummus sestertius ad assem, hoc est ad libram aeris grauis; continent enim singula sestertia in se libram Romanam, & semissem; singulae autem librae drachmas, uel denarios centum, hoc est sestertios quadringentos, idest, duodecim aureos nostratis monetae, duae itaque librae, & dimidia, ut clarum est, ualebant sestertios nummos mille, idque uno nomine sestertium dicebant, in neutro genere, decem ergo sestertia ualebant decē millia nummorum sestertiorum, quod si hunc numerum per aduerbium extuleris ad hunc modum decies sestertium, iam reddideris hanc summam centuplo maiorem, idem enim est dicere decies sestertium, quod decies centena millia nummorum sestertiorum, ut in exemplo a me relato intelligi potest, ex quo tanquam fonte omnes ueterum nummorum summae hauriri possunt, eaeque nostrati pecuniae commodari

De drachma uero illud est ante omnia animaduersione dignum Graecos scriptores quotiescunque drachmarum mentionem faciunt, semper drachmas Atticas intelligere quas quidem quum de rebus Romanis loquuntur, denariorum loco accipere solent, non quod drachma Attica tantum idem omni

no ualeret quod denarius sed quia nullum nummi genus Graeci habuere, quod denario Romano magis cōuenire posset. Nā quum denarius Romanus penderet argenti siliquas XXIIII. duo de uiginti siliquae drachmam conficiebant: tres itaque denarij pendebant drachmas quattuor, octo drachmae unciam conficiebant, uncia sex denarijs constat, auctore Prisciano, si igitur denarius Romanus ualebat ut dixi XLVIII. quadrantes uenetos, drachma Attica non nisi XLII. aestimabitur. Budaeus uero in libro de Assse, ostendit drachmam Atticam, & denarium Romanum eiusdem fuisse ponderis, & pretij. Quod & ipsum non obscure indicare uidetur Plinius libro XXI. cap. ultimo: Drachma (inquit) Attica denarij argentei habet pondus, eademque sex obolos pendere efficit & c. Vt ut autem id sit, illud satis manifestum est, Graecos scriptores & praesertim Plutarchum, ubi de rebus Romanis loquuntur, pro drachma Attica Romanum denarium intelligere. Si Romanus uero denarius tantundem ualet ac XLVIII. quadrantes ueneti, uel XIIII. baioci Romanae monetae, una drachmarum idest denariorum myrias, colliget XL. millia nummum, hoc est ut ex mea summa intelligi potest, mille ducentos aureos coronatos. Decem uero myriades ualebunt duodecim millia coronatos aureos. Centum myriades centum uiginti millia aureos; mille myriades duodecies centena millia aureorum, idest ut uocant, auri millionem unum, & ducenta millia aureorum. Quinque igitur millia myriades, quae summa uestigalium Romanorum erat ante bellum Mithradaticum a Cn. Pompeio confectum, ut auctor est Plutarchus, sex auri milliones erant. Bello Mithradatico confecto, uestigalia populi Romani tribus millibus & quingentis myriadibus, ut idem Plutarchus refert, Cn. Pompeius auxit, idest quattuor auri millionibus, & ducentis millibus aureorum. Quae summa prior

ri addita, decem milliones, et ducenta millia aureorum reddet. Haec summa erat uestigaliorum et reddituum populi Romani ante tres Gallias a Caesare domitas, et praelium Pharsalicum, hoc est extremo libertatis tempore. Quo uestigalia ipsa non nisi quinque ex centum reddebant. Nouissima igitur reddituum, et uestigaliorum populi Romani annua summa ante libertatem oppressam ex xv. quas supra commemoravi, prouincijs excepta, erat decem millionum, et ducentorum millia aureorum ad computationem nostratis monetae redacta

Ceterum post bella ciuilia, Aegypto stipendiaria facta, esse su a tribus Gallijs exacto, multis prouincijs, ut supra exposui Romano imperio ab Augusto additis, aliquot populis liberis uestigalibus factis, ad xv. ut opinor, auri milliones annui populi Romani redditus aucti, quod quamquam nusquam quod sciam aperte intelligatur, id tamen aliquot coniecturis ex scriptorum uerbis elicui. Scribit Paterculus tantundem paene reddituum redegissee Augustum ex Aegypto capta, quantum Caesar dictator ex tribus Gallijs. Ex Aegypto autem duos auri milliones eum saltem exegisse, ex eo existimo, quod tantundem Syriae impositum est. Ex his omnibus Ti. Caesar principatus sui tempore H-S uicies septies millies, id est **xxci**. auri milliones praeter ordinarios sumptus collectos, moriens reliquit, cuius rei ita meminit Tranquillus in Caligula: Ac ne singula enumerem, immensas opes, totumque illud Ti. Caesaris uicies septies millies sestertium non toto uertente anno absumpsit. Vespasianus quoque, ut idem Tranquillus tradit, quem non contentus omissa sub Galba uestigalia reuocasse, noua et grauiora addidisse, auxisse tributa prouincijs, nonnullis autem duplicasse, negotiationes quoque uel priuato pudendas exerceret, professus est initio statim principatus, quadringenties millies H-S opus esse, ut respublica stare posset, id est millionum auri

centum

centum viginti. Appianus quoque in prooemio libri primi bellorum civilium Romani imperij, quae suo tempore erat, (vixit autem Romae sub Hadriano imperatore) potentiam & copias describens ita ait: Nostris autem temporibus, & quidem solis Romanis copiae ingentes adsunt peditum ducenta, equitum quadraginta millia, elephantorum bellicorum trecentorum numerus. Curruum praeterea ad proelia instructorum duo millia, ac armorum in supplementum trecenta millia. Et haec quidem terrestribus copiis. Maritimis uero minorum nauium duo millia, triremium a sexcuplis in quinqueremes mille quingentarum classis, instrumentorum quoque navalium, numerus bis totidem. Ad haec naues partim auroproras partim puppes exornatae, quas thalamegos appellant, ad belli populi quibus iidem imperatores ueluti consueuere, octuaginta. Pecuniarum praeterea in thesauris Aegyptiorum talentorum quattuor et septuaginta millia. Tanti apparatus ac rei militaris summam ab ipsis in unum cumulatam, atque relictam, ex ipsis imperij breuiariis cognosci facile potest. ita Appianus Alexandrinus. In quibus uerbis quum omnia clara & manifesta sint, praeter talentorum Aegyptiorum summam, eam nunc explicabo, & ad nostratis pecuniae rationem redigam. Sex. Pompeius: Talentorum non unum genus (inquit). Atticum est sex millium denarium. Rhodium & cistophorum quattuor millium quingentorum. Alexandrinum (quod idem cum Aegypto est) duo decim millium. Neapolitanum sex millium, Syracusanum trium millium denarium. Rheginum victoriati. Si igitur talentum Aegyptium est XII. millium denarium Romanorum, octo & quadraginta millia nummum sestertiorum, id est nostratis pecuniae mille quadringentis quadraginta aureis, talentum Aegyptium aestimabitur, ita ut quinque talenta Aegyptia, septem millibus & ducentis; decem, quattuordecim millibus

libus, & quadringentis; centum talenta, centum quadraginta quattuor millibus aureorum; mille uero, unum auri millionem, quadringentos, & quadraginta millia aureos ualebūt. Septuaginta autem quattuor millia talenta Aegyptia erūt unus & nonaginta auri milliones, centum & sexaginta millia aurei coronati, qui thesaurus erat imperij tempore Hadriani imperatoris, sub quo Appianus ipse Alexandrinus historiā Romanam conscripsit

Romani imperij diuisio ab Hadriano
imperatore facta

Quattuor omnino in uniuerso Romano imperio fuere nouae reip. formae auctores. Quorum primus Romulus, secundus Augustus, tertius Hadrianus, & quartus Constantinus imperator fuit. Quam porro rempublicam Romulus, & Augustus constituerint, satis supra demonstraui. Hadrianus primus post Augustum nouam reip. formam fecit. Quod breuissime his uerbis Sex. Aurelius Victor tetigit: Officia sane publica, & Palatina, nec non militiae, in eam formam Hadrianus statuit, quae paucis per Constantinum immutatis, hodie perseverant. Eam autem demonstraturus operae pretium visum est ante, totius imperij Romani breuissimam descriptionem suggerere, quā in prooemio librorum bellorum ciuiliū Appianus Alexandrinus, qui sub eo uixit, affert; ita enim ait; Romanā historiam scribere instituens, necessarium mihi in primis existimaui terminos ponere, quibus nationibus imperent Romani. Ab Herculis igitur columnis in id mare, quod ad illas denuo circumque nauigatur, insulae, littora, populi omnes Romano parent imperio. Horum primi in dextra Maurusij quicunque circa mare, omnisque altera Lybicorum natio usque ad Carthaginem. His superiores Nomadae, quos Ro-

mani Numidas appellant, & regionem Numidiam. Altera autem Lybica natio, quae Syrtes, ac Cyrenem usque incolit, & Cyrene ipsa, & Marmaridae, Hammonique, & qui paludem Mariam tenent; Alexandria, Aegyptus uniuersa ad Aethiopes orientales usque a Romanis reguntur. Per Nilum autem nauiganti ad Pelusium usque per mare, uertentique nauigationem, & colustranti littora Syriaca, occurrit Palaestina, & supra ipsam pars Arabum, finitimique Palaestinis. Phoenices supra mare, & Phoenicibus uteriores Coelesyrij ad Euphratem usque fluuium pertinentes. A mari superius Palmyreni sunt, eorumque harenae supra Euphratem. Ciliaces Syris propinqui, & Cappadoces Cilicum finitimi, Armeniorumque pars, quam Armeniam minorem uocant. Apud Euxinum Pontum omnia maritima Romanis parent. Syri quidam & Cilices ad mare prospectant, Armeni autem & Cappadoces inter Ponticas gentes habitant. Per mediterranea uero ad Armeniam maiorem Romani non imperant ex tributo admodum, uerum ipsorum regum auctores sunt. A Cappadocia & Cilicia in Ioniam descendenti, magna adest Cheronneus, cuius a dextra Euxinus pontus, Propontis, & Hellepontus, Aegeumque mare, a laeua Pamphilium & Aegyptium pelagus. Ambo enim maria Cheronnesum faciunt. Insunt & Aegyptium mare prospectantes Pamphili, & Lycij, & post ipsos Cares usque ad Ioniam. Qui autem super Euxinum pontum, Propontidem, & Hellepontum, Galatae, Bithyni, Mysi, Phrygesque, in mediterraneis Pisidae, & Lycij, quibus omnibus imperant Romani. Vltius uero transcentes alijs circa pontum imperant gentibus, & Moesis qui in Europa sunt, ac Thracibus quicunque circa Euxinum incolunt loca. Ab Ioniam autem est maris Aegaei & Ionij sinus, ac Siculum, Tuscumque pelagus, usque ad Herculeas columnas. Haec longitudo
ab

ab Ionia ad Oceanum. Et in hac iterum nauigatione tot Romanis subactae nationes, Graecia omnis, Thessalia, Macedones, Thraces, Illyrij, Pannonij, & ipsa Italia omnium gentium domina, quae ab Ionio, & Tusco mari circumdata ad Gallos usque extenditur. Omnis etiam Gallorum gens, quorum pars ad mare, pars ad Oceanum Septentrionale respicit, & pars prope amnem Rhenum incolit. Hispania omnis super Hesperium & Borealem Oceanum ad Herculeas finiens colūnas. Atque hae sunt gentes quae mari alluuntur a Romanis possessae, nunc mediterraneas eorum iuris regiones, imperijque terminos exponam. Maurusiorum pars est quae ad Aethiopes occidentales spectat, ac calidiorem ferisque horrentem Libiā usque; ad orientales Aethiopes pertinet, qui Romani imperij in Africa terminus est. In Asia autem Euphrates fluuius, & Caucasus mons, maiorisque Armeniae principium, Colchi ad Euxinum pontum habitantes, huiusque maris reliqua fines sunt Romanae ditionis. In Europa fluuij duo Rhenus & Danubius Romanis fines imponunt. Quorum Rhenus in oceanum Germanicum septentrionalem, Danubius in Euxinum pontum influit. Ultra progressi nonnullis Gallorum qui supra Rhenum habitant gentibus, & ijs qui trans Danubium sunt, quos Dacos uocant Romani imperant. Omnes praeterea insulae quae in mediterraneo sunt, ut Cyprus, Creta, Rhodus, Lesbos, Euboea, Sicilia, Sardinia, Corsica, & aliae omnes Romanae ditionis sunt. In Oceano praeterea Septentrionali Britanniae insulae maximam partem Romanam prouinciam fecerunt, nam altera parte non indigent, quum nec utilis ijs esse possit, & infrugifera sit. Harum tantarum innumerarumque nationum quum tanta sit magnitudo, Italiam tamen magno labore, ac uix quingentis annis stabilem sibi reddidere, quum medio interim tempore regibus usi, per reliquum his

exactis, nullos deinceps reges admittere uoluerunt, sed libertate sibi uendicata, praeter quingentos illos quos dixi annos, ducentis praeterea sub annuis imperijs fuerunt, quo tempore rerum principatum adepti, externam omnem oppressere potentiam, quum uniuerfas sibi nationes subegissent. C. Caesar optimatibus bello uictis, imperio suscepto, reipublicae quidem nomen seruauit, re autem ipsa principem & rerum dominum se omnibus praestitit. Estque in hanc usque aetatem eadem potestas sub uno principe, quos imperatores non reges uocant, uetere iusturando astricti, se neminem Romae regnare passuros, sed eos imperatores uetere ducum nomine uocauerunt, qui re ipsa uere reges sunt. A quo ad aetatem usque mea anni ducenti acti sunt, quo tempore potissimum Romana res floruit, progressusque ad maiora uidetur adaugeri, omnibus populis in pace constitutis, amplissima summaque felicitate. Ac nonnullas ex prioribus nationibus ijdem imperatores in principatu subegere, deficientesque restituere, integritate consilij, terrae marique dominantes, potiusque augere dignitatem cupiunt, quam inter barbaros propagare imperium, gentem inopem, & minimae utilitatis. Quorum ego nonnullos Romae uidi ob id missos, quo se suaque Romanis dederent, neque imperatorem admittentem, quos ut inutiles sponte recusabat; plurimis etiam nationibus quarum infinita paene est multitudo Romani reges statuunt, quum nihil ijs ad imperium indigeant. Ex nonnullis praeterea qui eorum imperio parent, plus detrimenti capiunt quam utilitatis. Quos quamquam in utiles quum reijcere pudeat, imperium omne magnis legionum copijs, praesidijsque circumquaque uallantes, tantum terrae, tantumque maris, quasi fundum quendam seruant, ac continent. Nullum quippe in praesentem diem tam paruo tempore, in tantum creuit ac surrexit imperium. Nam neque Assyrio-

rum,

rum, aut Medorum, neque Persarum, uel Macedonū, aut Graecorum imperia cum eo comparanda sunt. Eorum enim imperiorum magnitudo, nec ad dimidium Romanae potentiae, ut opinor, attigit. Qui imperij terminos orientem occidentemque sibi fecerunt, marique imperent uniuerso. Quorum magnitudo ac felicitas, maturitate consilij, temporisque diuturnitatis adauctae, uirtute, patientia, & tolerantia eos super omnes gentes extulere. Non enim prosperis rebus intumuerūt, quoad stabilem uictoriam sunt adepti, nec aduersis unquam animo fracti sunt, quum una die in proelio militum aliquando XX. aliquando XL. aliquando etiam quinquaginta millia amiserunt. Vrbe etiam eodem tempore bello, peste, & fame, seditioneque intestina uexata, nunquam ab animi magnitudine constantiaque desciuere, donec per septingentos annos, uarijs bellis, periculis, & seditionibus conflictati, ad eam postremo imperij maiestatem saluberrimis consilijs euecti sunt, quam nunc tenent. Haec autem Appiani propemodum uerba sunt. Cuius imperij descriptio in Hadriani potissimum principatum incidit. Qui omnium quas enumeravi, nationum ac prouinciarum nouam quandam diuisionem fecit, imperiumque disposuit longe diuersa ratione ab ea quam Augustus constituerat. Quā prouinciarum diuisionē, nouamque imperij constitutionem ex Sex. praecipue Rufo, hoc loco suggeram, atque ante omnia ab Italia rerū domina initium sumam. Quae in XVII. dioeceses, siue administrationes distincta est. Quibus qui praerant alii qui consulares, aliqui correctores, aliqui praesides uocabantur. Consulares VIII. correctores II. praesides uero VII. fuerunt. Qui uero hi fuerint, paulo post exponam

Noua imperii populi Romani diuifio, prouin-
ciarumque omnium in plures dioeceses
distinctio ab imp. Caefare Traiano
Hadriano Augusto facta

*Prouinciae uel dioeceses in Italia, & tribus
eius insulis XVII*

I	Venetia, & Histria	} Hae octo dioeceses habebant consu- lares
II	Aemilia	
III	Liguria	
IIII	Flaminia, & Picenum	
V	Tuscia, & Vmbria	
VI	Picenum suburbicariū	
VII	Campania	
VIII	Sicilia Insula	
I	Apulia, & Calabria	} Hae duae habebant correctores
II	Samnium, & Bruttij	
I	Alpes Cottiae	} He septē dioeceses habebant praesides
II	Rhetia prima	
III	Rhetia secunda	
IV	Samnium	
V	Valeria	
VI	Insula Sardinia	
VII	Insula Corfica	

In Hispania prouinciae sex

- I Prouincia Tarraconensis praesidialis
- II prouincia Carthaginensis praesidialis
- III prouincia Lusitania consularis
- IIII prouincia Callaecia praesidialis

- V prouincia Baetica, consularis
 VI prouincia Transfretensis in Africa, quae Tingintania Mauritania appellatur, praefidialis

In Gallijs, Aquitania, & Britannia prouinciae XVIII

- I Prouincia Alpes maritimae
 II prouincia Massiliensis, cuius metropolis est Massilia
 III prouincia Ambianensis, cuius metropolis est Ambianum
 IV prouincia Viennensis, cuius metropolis est Vienna
 V prouincia Narbonensis, cuius metropolis est Narbo Martius
 VI prouincia Nouempopulonia
 VII prouincia Aquitania prima, cuius metropolis est Biturigum
 VIII prouincia Aquitania secunda, cuius metropolis est Burdegala
 IX prouincia Alpes Cottiae
 X prouincia Maxima Sequanorum
 XI prouincia Germania prima
 XII prouincia Germania secunda
 XIII prouincia Belgica prima, cuius metropolis est Treueris
 XIV prouincia Belgica secunda, cuius metropolis est vrbs Remorum
 XV prouincia Lugdunensis prima, cuius metropolis est Lugdunum
 XVI prouincia Lugdunensis secunda, cuius metropolis est Rothomagum

XVII prou. Britannia prima maxima Caesariensis

XVIII prouincia Britannia secunda

In Illyrico prouinciae XVII

I Prouincia Noricorum prima

II prouincia Noricorum secunda

III prouincia Pannonia prima

IIII prouincia Pannonia secunda

V prouincia Valeria

VI prouincia Sauia

VII prouincia Dalmatia

VIII prouincia Moesia

IX prouincia Dacia prima

X prouincia Dacia secunda

XI prouincia Macedonia

XII prouincia Thessalonica

XIII prouincia Achaia

XIIII prouincia Epeirus prima

XV prouincia Epeirus secunda

XVI prouincia Praeualitana

XVII prouincia Creta insula

prouinciae VII
in ditone Ma-
cedonica

In Thracia prouinciae VI

I Prouincia Thracia

II prouincia Haemimontium

III prouincia Moesia inferior

IV prouincia Scythonia

V prouincia Rhodope

VI prouincia Byzantium

In Africa prouinciae VI

Prouincia Africa, cuius metropolis est Carthago
proconsularis

prouincia Numidia consularis

prouincia

prouincia Byzacium consularis
 prouincia Tripolitana praesidialis
 prouincia Mauritania Sitifensis praesidialis
 prouincia Mauritania Caesariensis praesidialis
Astae diuiso deest

OMNIVM RECENTISSIMA. RO-
 MANI IMPERII. DIVISIO. AB
 IMP. CAESARE. FL. CONSTANTINO
 MAX. AVGVSTO. FACTA

Nouissimus omnium Romanorum principum imperij formam, administrandi rationem, iura, & statum mutauit imp. Constantinus, quod & Zosimus secundo historiarum libro tradit, & ex omni historia patet, egoque accurate in libro de comitijs imperij demonstraui. Totum enim orbem Romanum denuo diuist, nouas dioeceseum, uel prouinciarum distinctiones fecit, nouos magistratus excogitauit, nouam urbem Romae aemulā condidit Cōstantinopolim, quam orientalis imperij caput esse uoluit, ut Romam occidentalis. Nam imperium omne Romanum suprema diuisione in duas partes secuit, Orientale & Occidentale. Prouinciae omnes transmarinae orientales ab angusto Propontidis freto ad Nili usque ostia, & Aegyptum, qua Africae continua est, Illyricus quoque Epeirus, Achaia, Graecia, Thesalia, Macedonia, Thracia, Creta, Cyprus, Dacia omnis, & Moesia, ceteraeque eius tractus prouinciae imperio orientali, urbiue Constantinopoli in plures dioeceses distinctae, attributae. Hispania, Britannia, Galliae, & Noricum, Pannoniae, & ceterae Germaniae prouinciae, Dalmatia, Africa omnis, & Italia urbis Romae, & occidentalis imperij ditioni relictae. Vt autē urbem a se conditam in omnibus antiquae Romae aequalem redderet, duos
 ad

ad minus imperatores esse procurauit, quorum alter in occidente, alter in oriente rerum potirentur, senatum quoque diuisti, quum enim uniuerso orbi Romano ciuitas diu ante ab Antonino Caracallo imp. data fuisset, senatores omnes lecti ex occidentalis imperij prouincijs Romae remanserunt, ex orientalis uero Constantinopoli. Eadem etiam de consulibus ratio fuit, quorum alterum Constantinopoli designari mos erat. Urbis deinde praefectus ut Romae, ita etiam Constantinopoli factus est. Nullum postremo priuilegium, seu dignitas, aut immunitas Roma habuit, quae non eadem ratione Constantinopoli etiam communicata non fuerint. Atque haec de Constantinopoli, nunc de magistratibus nouis dicamus. Post exauctoratos milites praetorianos, & castrum praetorium Romae excisum, Constantinus imperator, uniuersum orbem Romanum in quattuor dioeceses siue administrationes diuisti, idest Italiam, Gallias, Illyricum, & orientem, atque his omnibus prouincijs quattuor rectores dedit, quos praefectos praetorio, uetere quidem & usitato uocabulo, sed noua administratione, uocauit. Quorum primus praefectus praetorio Italiae dicebatur, hic Italiam omnem, & Africam, cum Illyrici parte regebat; alter uero praefectus praetorio Galliarum appellatus, Hispaniam, Gallias, Britanniam, & Germaniam sub sui iuris administratione habebat. Atque hi duo praefecti praetorio occidentalis imperij erant, atque imperatori occidentis, post quem primi erant, parebant. In orientali uero imperio praefectus praetorio Illyrici, reliquas omnes Europae prouincias Romani iuris administrabat; praefectus praetorio orientis Asiae omni eadem auctoritate praeeerat. Atque hi duo primum post imperatorem in oriente locum obtinebant in suis unusquisque administrationibus: sub his quattuor praefectis praetorio omnes magistratus Romani erant, varijs nominibus appellati,

appellati, dignitatibusque, & administrationibus distincti, qui
tam prouincijs, quam rei militari praeerant. Quae omnia
nunc accurate describam initio ab occidentalis imperij magi-
stratibus, dignitatibusq; tam ciuilibus quam militaribus facto
MAGISTRATVVM. ET. PROVINCIARVM

IMPERII. OCCIDENTALIS.

DESCRIPTIO

Imperator Caesar Augustus

Consul occidentalis

Praefectus praetorio Italiae

Praefectus praetorio Galliarum

Praefectus urbis Romae

Magister peditum in praesenti. Sub huius dispositione erant
sex comites rei militaris. Duces militum duodecim. Legio-
nes Palatinae XII. Auxilia Palatina LXV. Legiones co-
mitatenses XVIII. omnes classes, id est Veneta, Rauēnae,
Comēsis, Misēnae, Viēnēsis, Bracara, Massiliēsis, Ararica,
Anderetiana cum earum praefectis, tribuni omnes cohor-
tium, & militum praefecti per occidentem

Magister equitum in praesenti. Sub huius dispositione erant ue-
xillationes Palatinae, & comitatenses omnes in occidente

Magister equitum per Gallias

Praepositus sacri cubiculi

Magister officiorum

Quaestor sacri palatii

Comes sacrarum largitionum

Comes rerum priuatarum

Comes domesticorum equitum

Comes domesticorum peditum

Primicerius sacri cubiculi

Primicerius notariorum

Castrensis sacri palatii

Magister scriniorum

Magistri memoriae, epistolarum, & libellorum

Proconsul Africae, cuius Vicarij sex

Vicarius urbis Romae Italiae

Africae Hispaniarum

Septem prouinciarum Britanniarum

Comites rei militaris sex

Comes Italiae Africae Tingitaniae

Tractus Argentoratensis Britanniarum

Littoris Saxonici per Britannias

Duces limitum duodecim

Dux limitis Mauritaniae Caesariensis

Dux limitis Tripolitani

Pannoniae primae, & Norici ripensis

Pannoniae secundae, & Valeriae ripensis

Rhetiae primae, & secundae

Dux Sequanicae

Dux Tractus Armoricani

Dux Tractus Neruicani

Dux Belgicae secundae

Dux Germaniae primae

Dux Britanniae

Dux Moguntiacensis

Consulares xx

Consularis Pannoniae

consularis Venetiae, & Histriae

consularis Aemiliae

consularis Liguria

consularis Flaminiae, & Piceni annonarij

} In Italia octo

consularis Tusciae, & Vmbriae

consularis Piceni suburbicarij

consularis Campaniae

consularis Siciliae insulae

consularis Byzacij

consularis Numidiae

consularis Baeticae

consularis Lusitaniae

consularis Callaeciae

consularis Viennensis

consularis Lugdunensis primae

consularis Germaniae primae

consularis Germaniae secundae

consularis Belgicae primae

consularis Belgicae secundae

} In Africa II

} In Hispania III

} In Gallia VI

Correctores III

Corrector Apuliae, & Calabriae

corrector Lucaniae, & Bruttiorum

corrector Sauriae in Pannonia

Praefides xxxi

Praefes Dalmatarum

praefes Pannoniae primae

praefes Norici mediterranei

praefes Norici ripensis

praefes Alpium Cottiarum

praefes Rhetiae primae

praefes Rhetiae secundae

praefes Samnij

praefes Valeriae

} In Illyrico IIII

} In Italia VII

Præses insulae Sardiniae	}	In Africa II
præses insulae Corsicae		
Præses Mauritaniae Sitifensis	}	In Hispania III
præses Tripolitanae		
præses Tarraconensis	}	In Gallijs XI
præses Carthaginiensis		
præses Tingitaniae	}	In Gallijs XI
præses Insularum Balearium		
præses Alpium maritimarum	}	In Gallijs XI
præses Alpium Poeninarū, & Graiarum		
præses Maximae Sequanorum	}	In Gallijs XI
præses Aquitaniae primae		
præses Aquitaniae secundae :	}	In Gallijs XI
præses Nouempopolanae		
præses Narbonensis primae	}	In Gallijs XI
præses Narbonensis secundae		
præses Lugdunensis tertiae	}	In Gallijs XI
præses Lugdunensis Senonicae		
præses Britanniae primae	}	In Britannia III
præses Britanniae secundae		
præses Britanniae Flaviae Caesaricensis	}	In Britannia III

PROVINCIAE . QVAE . ERANT . S V B
DISPOSITIONE . PRAEFECTI

PRAETORIO . ITALIAE

Italia, Illyricum, Africa, & earundem tam civiles, quam
militares magistratus

In Italia prouinciae octo

Prouincia Venetia, & Histria	}	Consulares sub Vicario Italiae
prouincia Aemilia		
prouincia Liguria		
prouincia Flaminia, et Picenū annonariū		

proz

prouincia Tusciae, & Vmbria	
prouincia Picenum suburbicarium	} Consulares sub
prouincia Campaniae	
prouincia Siciliae	} Vicario urbis Romae
prouincia Apuliae, & Calabriae	
prouincia Lucaniae, & Bruttiorum	} Correctoriales sub Vic. Urbis Romae
prouincia Alpium Cottiarum	
prouincia Rhetia prima	} Praesidiales sub Vicario Italiae
prouincia Rhetia secunda	
prouincia Samnium	} Praesidiales sub Vicario urbis
prouincia Valeria	
prouincia Sardinia	
prouincia Corsica	

In Illyrico prouinciae VI

prouincia Pannoniae secundae consularis
 prouincia Sauriae correctorialis
 prouincia Dalmatarum praesidialis
 prouincia Pannoniae primae praesid
 prouincia Norici mediterranei praesid
 prouincia Norici ripensis praesidialis

In Africa prouinciae VI

Africa ubi erat Carthago proconsularis
 prouincia Byzacena consularis
 prouincia Mauritania Sitifensis praesid
 prouincia Mauritania Caesariensis praesid
 prouincia Tripolitana praesidialis

} Sub Vicario A-
fricae

PROVINCIAE . QVAE . ERANT . S V B
DISPOSITIONE . PRAELECTI
PRAETORIO.GALLIARVM

*Hispania, Galliae, Britannia, & ipsarum tam ciuiles quam
militares magistratus*

In Hispania prouinciae VII

*Prouincia Baetica consularis
prouincia Lusitania consularis
prouincia Callaecia consularis
prouincia Tarraconensis praesidialis
prouincia Carthaginensis praesid
prouincia Tingitania praesid
prouincia Baleares insulae praesidialis*

Sub Vicario

In Gallijs prouinciae XVII

*Prouincia Viennensis consularis
prouincia Lugdunensis prima consularis
prouincia Germania prima consularis
prouincia Germania secunda consularis
prouincia Belgica prima consularis
prouincia Belgica secunda consularis
prouincia Alpes maritimae
prouincia Alpes Poeninae & Graiae
prouincia Maxima Sequanorum
prouincia Aquitania prima
prouincia Aquitania secunda
prouincia Nouempulana
prouincia Narbonensis prima*

Sub dispositione
Vicarij septem
prouinciarum

Reliquae XI.
praesidiales

Prouincia Narbonensis secunda	} praesidiales
prouincia Lugdunensis secunda	
prouincia Lugdunensis Turonica	
prouincia Lugdunensis Senonica	

In Britannia prouinciae V

Prouincia Maxima Caesariensis consularis	} Sub Vicario Britanniarũ
prouincia Valentia consularis	
prouincia Britannia prima praesidialis	
prouincia Britannia secunda praesidialis	
prouincia Flauia Caesariensis praesidialis	}

SVB.DISPOSITIONE.PRAEFECTI.VRBIS
ROMAE . ERANT

Praefectus annonae
 Praefectus Vigilum
 Comes formarum
 Comes riparum alvei Tiberis, & cloacarum urbis
 Comes portus
 Magister census.
 Rationalis uinorum
 Tribunus fori Suarii
 Consularis aquarum
 Curator operum maximorum
 Curator operum publicorum
 Curator statuarum
 Curator horreorum Galbianoꝝ
 Centenarius Portus
 Tribunus rerum nitentium
 Tribunus uoluptatum

L

MAGI

MAGISTRATVVM. ET. PROVINCIARVM
I M P E R I I . O R I E N T A L I S
D E S C R I P T I O

Imp. Caesar Augustus

Consul orientalis

Praefectus praetorio orientis

Praefectus praetorio Illyrici

Praefectus urbis Constantinopolis

Magister militum in praesenti. Sub cuius dispositione erāt uexillationes Palatinae V. Comitatus VII. Legiones Palatinae VI. Auxilia Palatina XVIII

Magister equitum in praesenti. Sub cuius dispositione erant uexillationes Palatinae VI. Comitatus VI. Legiones Palatinae VI. Auxilia Palatina XVII

Magister equitum, & peditum per orientem. Sub quo erant uexillationes Comitatus decem. Legiones Comitatus IX. & pseudocomitatus X

Magister equitum & peditum per Thracias. Sub quo erant uexillationes Palatinae tres, Comitatus quattuor, & legiones Comitatus XXI

Magister equitum & peditum per Illyricum. Sub quo erant uexillationes Comitatus II. Legio Palatina I. Auxilia Palatina VI. Legiones Comitatus octo. Pseudocomitatus nouem

Praepositus sacri cubiculi

Magister officiorum

Quaestor sacri palatii

Comes sacrarum largitionum

Comes rerum priuatarum diuinae domus

Comes domesticorum peditum

Comes domesticorum equitum

Primicerius sacri cubiculi

Primicerius notariorum

Castrensis sacri palatii

Magistri scriniorum, memoriae, epistolarum, & libellorum

Graecorum

Proconsul Asiae

Proconsul Achaiae

Comes orientis

Praefectus Augustalis

Vicarius dioeceseos Asiae

Vicarius dioeceseos Ponticae

Vicarius dioeceseos Thraciarum

Vicarius dioeceseos Macedoniae

Comes rei militaris Aegypti

Comes rei militaris Isauriae

Duces limitum XIII

Dux Libyae

Dux Thebaidos

Dux Phoenices

Dux Euphratensis

Dux Syriae Palaestinae

Dux Osrohenae

Dux Mesopotamiae

Dux Arabiae

Dux Armeniae

Dux Moesiae secundae

Dux Scythiae

} per Aegyptum

} per Orientem VI

} per Thracias

L1 2 per

Dux Daciae ripensis
Dux Moesia primae

} per Illyricum

Consulares xv

Consularis Palaestinae
consularis Phoenices
consularis Suriae
consularis Ciliciae
consularis Cypri
consularis Pamphiliae
consularis Hellefonti
consularis Lydiae
consularis Galatiae
consularis Bithyniae
consularis Europae
consularis Thraciae
consularis Cretae
consularis Macedoniae
consularis Daciae mediterraneae

} per Orientem v
} Per dioecesim
Astanam III
} Per Pöticam II
} per Thracias II
} per Illyricū III

Praefides prouinciarum XL

Praefes Lybiae superioris
praefes Lybiae inferioris
praefes Thebaidos
praefes Aegypti
praefes Arcadiae
praefes Palaestinae Salutaris
praefes Palaestinae secundae
praefes Phoenices Libani
praefes Euphratenensis
praefes Syriae Salutaris

} per Aegyptū v
} per Orientem
octo

per

Præses Ofrohenae	
præses Mesopotamianae	
præses Ciliciae secundae	
præses Pisidiae	
præses Lycæoniae	
præses Phrygiae Pacatianae	
præses Phrygiae Salutaris	} per Aſianā dioce ſim ſeptem
præses Lyciae	
præses Cariae	
præses inſularum	
præses Honoriados	
præses Cappadociae primae	
præses Cappadociae ſecundae	
præses Hellenoponti	} per Ponticā ccto
præses Ponti Polemoniaci	
præses Armeniae primae	
præses Armeniae ſecundae	
præses Armeniae Salutaris	
præses Haemi montis	
præses Rhodopes	
præses Moesia ſecundae	} per Thracias III
præses Scythiae	
præses Theſſaliae	
præses Epeiri ueteris	
præses Epeiri nouae	
præses Daciae ripenſis	} per Illyricum VIII
præses Moesia primae	
præses Praevalitanae	
præses Dardaniae	
præses Macedoniae Salutaris	

Corrector Augustanae

Corrector Paphlagoniae

PROVINCIAE . QVAE . ERANT . S V B
DISPOSITIONE . PRAEFECTI
PRAETORIO. ORIENTIS

Dioeceses Oriens, Aegyptus, Aflana, Pontica, Thracia cum
suis magistratibus ciuilibus, & militaribus

In oriente prouinciae XV

prouincia Palaestina consularis
Prouincia Phoenices consularis
prouincia Syria consularis
prouincia Cilicia consularis
prouincia Cyprus consularis
prouincia Arabia sub duce
prouincia Isauria, & reliquae prae-
sidiales
prouincia Palaestina salutaris
prouincia Palaestina secunda
prouincia Phoenix Libani
prouincia Euphratensis
prouincia Suria Salutaris
prouincia Osroena
prouincia Mesopotamia
prouincia Cilicia secunda

Sub comite O-
rientis

Sub comite orie-
tis

In Aegypto prouinciae VI

Prouincia Lybia superior

prouincia Lybia inferior

prouincia Thebais

prouincia Aegyptus

prouincia Arcadica

prouincia Augustanica correctorialis

quinque praesidiales sub praefecto Augustali

In Asia prouinciae X

Prouincia Pamphilia consularis

prouincia Hellepontus cons. sub procos

prouincia Lydia consularis

prouincia Pisidia, & reliquae praesidial

prouincia Lycania

prouincia Phrygia Pacatiana

prouincia Phrygia Salutaris

prouincia Lycia

prouincia Caria

prouincia Rhodus, & insulae sub procos

Sub proconsule duae, Vicario vero Asiae reliquae octo

In Ponto prouinciae XI

prouincia Paphlagonia correctorialis

prouincia Galatia consularis

prouincia Bithynia consularis

prou. Honorias, et reliquae praesidial

prouincia Cappadocia prima

prouincia Cappadocia secunda

prouincia Pontus Polemoniacus

prouincia Hellenopontus

Sub Vicario Ponticae

prouincia Armenia prima
 prouincia Armenia secunda
 prouincia Galatia Salutaris

} Sub Vicario Põticae

In Thracia prouinciae VI

prouincia Europa consularis

prouincia Thracia consularis

prou. Haemus mons, et reliquae praesidiales

prouincia Rhodopes

prouincia Moesia secunda

prouincia Scythia

} Sub Vicario
 Thraciarum

PROVINCIAE. QVAE. ERANT. SVB
 DISPOSITIONE. PRAEFECTI
 PRAETORIO. ILLVRICI

Dioeceses Macedonia & Dacia, cum earumdem magistratibus, tam ciuilibus quam militaribus

In Macedonia prouinciae VI

prouincia Achaia proconsularis

prouincia Macedonia consularis

prouincia Creta consularis

prouincia Thessalia, & reliquae praesidiales

prouincia Epeirus noua

prouincia Macedoniae Salutaris pars,

} Sub proconsule
 Sub Vicario
 Macedoniae
 reliquae omnes V

In Dacia prouinciae V

prouincia Dacia mediterranea consularis

prouincia Dacia ripensis praesidialis

prouincia Moesia prima praesidialis

prouincia Dardania praesidialis

} Sub Vicario
 Macedoniae

prou.

prou. Praeualitana, et pars Macedoniae salutaris praesidialis

Haec est nouissima imperij, & magistratuum Romanorum distinctio ab imp. Constantino facta. Cui postea quum sequentes principes aliquid addidisset, uel detraxissent, eam paulo uariarunt, quamquam totius rei summa in hanc rationem conseruata sit usque ad obitum Theodosij imperatoris, et imperij excidium, quod qua ratione, quo tempore, & a quibus barbaris factum fuerit, paulo post accurate exponam.

DE. PARTHORVM. IMPERIO

Quum soli omnium orientalium Parthi Romanam uim non timuerint solum, sed saepe fregerint etiam, unique ab omni Romanorum subiectione suum per multa saecula imperium integrum conseruarint, nunc Romani imperij rebus expeditis, qui nam ipsi, uel quod eorum imperium fuerit, exponere potissimum constitui, quod ijs reges aliquando a Romanis imperatoribus datos, inter praecipua imperij gesta celebrentur, qui aliquando intestinis discordijs, & domesticis seditionibus attriti, a Romanis paene debellati, parū absuit quin cū oriente toto in Romanorum uenerint ditionem. Post Parthos Persarum qui ijs successerunt, imperium, & postremo Sarrazenorum uim, qui Persarum imperio fracto, rerum in oriente potiti sunt, exponam: ita enim totius orbis terrarum gesta breuissime descripta cognosci poterunt, liberque omni ex parte absolutus in publicum prodibit. Parthi igitur penes quos uelut diuisione orbis cum Romanis facta, orientis imperium erat eo tempore, quo Romani toto occidente potiti, cum ijs de summa rerum decertabant, Scytharum exules fuere. Hoc etiam ipsorum uocabulo manifestatur, nam Scythico sermone Parthi

Parthi exules dicuntur. Hi Assyriorum & Medorum temporibus, qui primi Asiae imperio potiti sunt, inter orientales populos obscurissimi fuere. Postea quoque cum imperium orientis a Medis ad Persas traslatum est, ueluti uulgus sine nomine praeda uictorum fuere. Postremo Macedonibus triumphato oriente seruiuerunt, ut cuius mirum uideatur, ad tantā eos felicitatem per uirtutem prouectos, ut imperent gentibus. sub quarum imperio ueluti seruale uulgus fuere. Post mortem Alexandri magni quum inter successores eius orientis regna diuerrentur, nullo Macedonum dignante Parthorum imperium Satagenori externo socio traditur. Hi postea seductis Macedonibus in bellum ciuile cum ceteris superioris Asiae populis Eumenem sequuti sunt, quo uicto ad Antigonom transfere, post hunc a Seleuco Nicanore, ac mox ab Antiocho & successoribus eius possessi, ab Antiochi pronepote Seleuco primum defecere, primo Punico bello, C. Atilio Regulo II. L. Manlio Vulsone Longo II. cos. anno urbis conditae D IIII. Cuius defectionis impunitatem illis duorum fratrum regum Seleuci & Antiochi discordia dedit, qui dum sibi inuicem eripere regnum uolunt, persequi defectores omiserunt. Defectionis auctor fuit A R S A C E S quidam, uir sicut incertae originis, ita uirtutis expertae, hic solitus latrocinij & rapto uiuere, accepta opinione Seleucum in Asia uictum, solutus regis metu cum praedonum manu Parthos ingressus, praefectum eorum Andragoram oppressit, sublatoque eo imperium gentis inuasit. Non magno deinde tempore post Hyrcanorum etiam regnum occupauit, cum Theodoto mille urbium Bactrianorum rege foedus, ac pacem fecit, Seleucū regē cōtra defectores uenientem proelio uicit, & fugauit. Quem diem Parthi ueluti solemnem & initium libertatis obseruabant. Reuocato in Asiam Seleuco, regnum Parthicum formauit, milites legit, ca-

stella

stella muniuit, ciuitates firmavit, Urbemque maximam Clarā nomine in monte Thabroteno condidit. Sic Arsaces quaesito simul constitutoque regno, non minus memorabilis Parthis, quam Persis Cyrus, Macedonibus Alexander, Romanis Romulus, matura senectute decessit. Cuius memoriae hunc honorem Parthi tribuerunt, ut omnes exinde reges suos Arsaces nomine nuncuparent, sicut Romani Caesares, Augustosque principes suos cognominarūt. Huius filius, & successor regni ARSACES & ipse nomine aduersus Antiochum Seleuci filium centum millibus peditum, & x x. millibus equitum instructum mira uirtute pugnavit. Ad postremum in societate eius adsumptus est. Tertius Parthis rex PAMPACIVS fuit ARSACIS & ipse cognomine ornatus, qui quū XII imperij anno decessisset, duos filios Mithradatem atque Pharnacem reliquit. Quorum maior PHARNACES more gentis heres regni, Mardos ualidam gentem bello domuit. Post quem quintus Parthorū rex fuit frater MITHRADATES testamento a Pharnace relictus. Hic Medos, & Elimos subegit, imperiumque Parthorum, a monte Caucaso multis populis in ditionem redactis, usque ad flumen Euphratem protulit. Post cuius mortem, sextus Parthorū rex PHRAHARTES eius filius constitutus est. Hic primus regum Parthorum amicitiam Romanam per legatos a L. Sulla Felice pro cos. tum bellum Mithradaticum in Asia gerente, petijt, & impetrauit. Quo in bello cum Scythis gesto occiso ARTABANVS patruus eius rex VII. substitutus est. Cui MITHRADATES filius successit, a rerum gestarum magnitudine Magnus cognominatus. Multa enim bella cum finitimis magna uirtute gessit, multosque populos Parthico regno addidit, sed & quum Scythis aliquoties prospere dimicauit, ultorque parentum iniuriae fuit. Bellum Armentis intulit. Post quod propter

pter crudelitatem a senatu Parthico regno pulsus, frater eius
ORODES imperio potius est. Hic bella cū Romanis gessit,
 Crassumque imperatorem cum filio, & omni fere Romano
 exercitu deiecit. Huius filius **Pacorus** missus ad pers. quendas
 Romani belli reliquias, magnis rebus in Syria gestis in pa-
 triam patri suspectus reuocatus, quo absente exercitus **Par-**
thorum in Syria relictus à **C. Cassio** quaestore **Crassi** cum om-
 nibus ducibus caesus est. Bellis civilibus Romanis **Parthi** **Pō-**
peio contra **Caesarem**, item **Bruto** & **Cassio** aduersus **Augu-**
stum & **Antonium** auxilia misere. Post belli finem rursum
Pacoro duce, & **Labieno**, qui **Pompeianarum** partium fue-
 rat, & bello uictus ad **Parthos** transfugerat **Syriam** inrupe-
 runt, ac totam occupauere provinciam. Quos **P. Ventidius**
Bassus Romanus dux proelio commisso ad internicionem usq;
Pacoro, & **Labieno** occisis cecidit, nec ullo bello **Parthi** ma-
 ius unquam uulnus acceperunt. Illud cognitu dignum **Pacorū**
Orodis regis filium, eo potissimum die interfectum fuisse, quo
 antea **Crassus** uictus fuerat, ne aliquando Romani ducis mors
 inulta relinqueretur. Non longe post id proelium, quo **Par-**
thorū uires concidere, **Orodes** rex a filio **Phraharte** per sum-
 mum scelus occisus est, regnum eius ui inuasit **PHRAHAR-**
TES. Huic **M. Antonius III.** vir propter auxilium aduer-
 sus se & **Caesarem** latum, bellum cum **xvi.** ualidissimis le-
 gionibus intulit, sed grauitur multis proelijs, fame, pestilentia,
 tempestatibusque uexatus, ex **Parthia** magna exercitus par-
 te amissa, refugit. Hac uictoria **Phrahartes** insolentior fa-
 ctus, quum multa crudeliter ageret, in exilium a **Parthis** pelli-
 tur, regnumq; eius **Tyridati** cuidam traditur. **Phrahartes** **Scy-**
tharū praesidio adiutus, **Tyridate** fugato regnū recuperauit.
 Cui quum **Augustus Caesar** bello **Hispano** confecto, metum in-
 iecisset, se bellum **Parthis** inferre uelle, tunc tota **Parthia** ca-
 ptini

ptiui ex Craſſiano, ſiue Antonij exercitu collecti, ſignaꝑ; cum
his militaria crepta, Auguſto remiſſa, ſed & filij nepotesꝑue
Phrahartis obſides Auguſto dati, plusꝑue Caefar magnitudi-
ne nominis ſui fecit, quam armis alius imperator facere po-
tuiſſet. Poſt Phrahartem XII. Parthorum rex fuit eius fi-
lius PHARHARTES appellatus, poſt quẽ ORODES
rex fuit. Quo occiſo, legati Parthorum in urbem propen-
rant, qui Vononem uetuſtiſſimum liberorum Phrahartis ad re-
gnum paternum accirent, quem olim Phrahartes pater Augu-
ſto obſidem dederat. Is a Ti. Caefare rerum potiente miſſus,
haud multo poſt regno ui exactus, Artabanum ſucceſſorem ac-
cepit. Vononi uicto Armenia rege tunc uacua profugiũ fuit.
ARTABANVS autem regno potitus multas popularium in-
ſidias paſſus eſt. Quum enim bellum cum Romanis ſuſcep-
ſet, his potiſſimum adiuuantibus, auctore Vitellio Suriae lega-
to a Tyridate regij Arſacidarum ſanguinis bello petitus, regno
pulſus eſt. TYRIDATES XVI. Parthorum rex factus,
haud multo poſt ab Artabano Hyrcanorum & Caramanoriũ
praefidijs adiuto regno mulctatus, in Suriam ad Romanos fu-
git, Artabanus regnum Parthicum recepit, quod quum Sinna-
cis proditione iterum perdidiffet, tertio etiam paulo poſt cae-
ſo Sinnace recuperauit. Ad extremum multis fortunae procel-
lis exagitatus, cum uxore, & filio a fratre Gotharze interfe-
ctus eſt. GOTHARZES XVIII. Parthicum imperium
tenuit. Hunc etiam more gentis fratris Bardanis inſidiae fa-
tigauerunt, a quo regno exactus, paulo poſt, Bardane inter-
fecto reſtitutus eſt. Hic cum Meherdate a Claudio imp. ad
Parthicum regnum obtinendum miſſo pugnavit, quem proelio
uictum, captumꝑue, auribus praecifis incolumẽ ſeruauit. Quo
deinde morbo decedente, in regnum accitus eſt XX. VONO-
NES Medis tum praefidens. Nulla huic proſpera aut aduer-
ſa

safuere, breui & inglorio imperio perfunctus, regnum Parthorum filio **VOLOGESI** reliquit, qui rerum gestarum magnitudine in Romanis annalibus notissimus est. Hic enim diuturnum aduersus populum Romanum bellum gessit, & nō solum par uerum etiam aliquando uictor fuit. Ipse Armeniam Romanis Nerone imperante ademit, duas Romanas legiones sub iugum misit, extremo Romani nominis dedecore. Eius gesta Cornelius Tacitus libris XIII. XIII. & XV. accurate describit. Postremo rerum gestarum gloria illustris iam senex decessit Vologese filio regni Parthici successore relicto. Cuius regis gesta apud omnes annalium memorias interciderunt. Post eum rex Parthorum **XXI. CHOSDROES** fuit. Cui quum Traianus imp. bellum intulisset, Armeniam primū, deinde Mesopotamiam omnem, & Assyriam ademit: ipsum uero proelio uictum fugauit, atque sine summo regis imperio Parthi aliquot annis fuerunt. Verum Parthis ad defectionem spectantibus, Traianus regem **xxv. constituit Parthenspatem**, quo pulso Chosdroes auitum recepit imperium. Post quem Vologeses filius regnum Parthicum diu tenuit. Cū hoc Marcus & L. Verus Romani principes multa bella gessere, eique Assyriam & Armeniam ab Hadriano relictas eripuerunt. Post Vologesem nouissimus omniū Arsacidarum Parthorum imperium tenuit **ARTABANVS**. Qui cum Romanis Seuero, Antonino Caracallo, & Macrino imperantibus multa bella uario Marte gessit. Quem postremo Alexandro Romanis imperante Artaxerxes Persa triplici proelio uictum, non solum Parthorum regno, sed uita etiam priuauit. Imperijque orientis summam a Parthis iterum ad Persas transtulit, anno a primo Arsace **CCCCLXXIII**. Artaxerxes orientis regno potitus, se regem Magnum primus appellauit, duplicique diademate utens, orientis imperium Persis restituit,

Tunc

Tunc Parthi Persarum, ut paulo ante Persae Parthorum mā
cipia fuere. Quare deinceps non amplius in antiquis histori-
cis legimus Romanos cū Parthis, sed cum Persis bella gessisse

DE. IMPERIO. PERSICO

Persae orientis populi nobilissimi fuere, Cyro & Cambyse
regibus celebrati, qui a Macedonibus Alexandro rege orien-
tis imperio deiecti, sub eius successorum primū, deinde Partho-
rū imperio diu fuere. Postremo anno urbis C ∞ LXXVII.
Alexandro Romanis imperante, Artaxerxes quidam Persa
quamquam obscuro loco inter ipsos natus, ingentis tamen ani-
mi, & spiritus uir, ueterem Persarum gloriam instauraturus
Persarum gentibus ad rebellionem sollicitatis, a magno Par-
thorum rege Artabano defecit. Artabanum ad seditionem se-
dandam ingentibus copijs instructum uenientem, triplici proe-
lio uictum regno & uita exiit. Orientisque imperio Persas
iterum imposuit. Quibus rerum successibus elatus, subigere
uicinos barbaros, qui imperium eius detrectabant incredibili
uirtute, & celeritate, ac sibi uestigales facere coepit; omni-
bus orientis populis qui sub Parthorum imperio quōdam fue-
rant, in deditiōem acceptis, neque iam amplius intra fluuium
Tigrim tenere sese, sed superatis ripis ac Romani finibus im-
perij, excurrere per Mesopotamiam, Syriaeque minitari, om-
nemque Europae oppositam continentem, quae mari Aegaeo
fretoque Propontidis terminatur, Asiaeque nomen habet,
ceu ueterem Persarum possessionem sibi uendicare, quod iam
inde a Cyro, qui primus imperium a Medis in Persas transtu-
lit, ad Darium usque extremum Persarum regem, a Persarum
Satrapis Asia omnis gubernaretur. Quare sui muneris esse
curare tunc iactitabat, ut uetus, atque integrum imperium
Persis

Persis restitueretur. Vt igitur Arsaces Parthorum, ita hic
 Persarum regnum instaurauit. Qui multis rebus bello prae-
 clare gestis, initi regni anno xv. cedens imperium pacatum
 filio Saponi reliquit. Hic Romanis paene exicialis fuit. Qui-
 bus in Mesopotamia ingenti proelio profligatis, & Mesopo-
 tamiam eis eripuit, & imperatorem ipsorum Valerianum ui-
 uum cepit. Post Saporem Ormisda annum I. & Varara-
 nes II. annos xvi. & Vararanes III. cognomine Seganes-
 na menses quattuor Persarum imperium tenuere. Post hos
 annis octo Persarum rex VII. regnauit N A R S E S, quo à
 Galerio proelio uicto, Mesopotamia, Armenia, & quin-
 que Transigrim prouinciae bello receptae sunt. Post Nar-
 sem Misdates annis viii. & Saporess II. annis lxx. in Per-
 sis regnarunt. Cum hoc Sapore Constantinus Magnus, Cō-
 stantius, & Iulianus imperatores Romani continua bella gef-
 serunt. Cum hoc reddita Nisibi & Mesopotamiae parte, tur-
 pe foedus fecit Iouianus Augustus imperij quā gloriae cu-
 pidior. Post longaeuum Saporem, Artaxerses II. annis liii.
 Sapor III. annis v. Vararanes IIII. cognomento Cermasat
 annis undecim, Isdigerdes annis xxi. in Persis regnarunt.
 Isdigerdem Persarum regem moriens Arcadius imp. tutorem
 infantis filij Theodosij iunioris testamento reliquit. Post eum
 xliii. Persarum rex fuit Vararanes V. qui annis uiginti, ia-
 tem Vararanes VI. qui annis xvii. post Perozes, qui annis
 uiginti tres, Valēs deinde, qui annis quattuor, & Cauades Pe-
 rozis filius, qui annis xli. regnauit. Hunc Cauadem quum
 Zambases quidam regno eiecisset, ipseque annos quattuor re-
 gnasset, a Cauade regno & uita priuatus est. Cū Cauade Per-
 sarum rege ea bella auspicijs Iustiniani imperatoris gessit Beli-
 sarius, quae a Procopio in libris de bello Persico describun-
 tur. Post Cauadem Persarum xx. rex fuit Chosdroes, qui an-

nos XLVIII. regnavit. Chosdroi successit filius Ormisda, cui anno imperij decimo mortuo, successit filius Cauades iunior. Hic regni initio Vararanis insidijs regno exactus, Tiberij Mauricij Romani imperatoris ope, caeso Tyranno Vararane regnum paternum recuperavit, annisq; XXXIX. regnavit. Qui quum Mauricij imperatoris amicissimus esset, eo a Phoca occiso, bellum Romanis intulit, iisque Syriam omnem ademit. Phoca occiso Heraclius contra Persas profectus bello septem annorum eos uicit, Syriam recepit, ueteres imperij limites super Euphratem restituit, Chosdroen captum occidit, dominicae crucis partem, quam Chosdroes Hierosolymis expugnatis substulerat, reportavit, unde exaltationis S. Crucis dies festus institutus est. Occiso Chosdroe, & rebus Persicis compositis, ex auctoritate Heraclij Persarum XXXIII rex factus est filius eius Syrrhois, cum quo Romanus imperator pacem & foedus fecit. Extincto intra annum Syrrhoi successit Adefir, qui regnavit mensibus VII. post quem Sarabras mensibus II. deinde XXVII. Vararanes mensibus VII. Post quem nouissimus Persarum rex fuit Ormisda, quo anno regni nono, a Sarracenis duce Haomaro regno pulso, regnum Persarum in oriente defecit, anno a primo Artaxerxe CCCCXIII. Christiani uero natalis DCXXXIX Quo tempore rerum orientalium summa penes Sarracenos esse coepit. Quorum Mahometh Arabas primus rex & propheta fuit, secundus Eubocaras, tertius Haomar, quo rege Sarraceni Arabia egressi, Aegyptum, Syriam omnem usque ad Antiochiam, & Euphratem Romanis primum ademerunt, post bello in Persas conuerso, eos bello Romano attritos, deuicerunt, Persarumque toto oriente celebratum imperium sibi ipsis, religione mutata uedicarunt. Quod ad nostra usque tempora in signi rerum gestarum gloria adhuc subcorum rege Psophi possident

PARTHORVM. REGVM. EPILOGVS

- I Arfaces primus Parthorū rex, creatus anno vrbis cō-
ditae DIIII. regnauit annos XXXVIII
- II Arfaces II. regnauit annos XXXVI
- III Pampacius Arfaces regnauit annos XI
- IV Phrabartes Arfaces regnauit annos XVII
- V Muhradates Arfaces regnauit annos XXXII
- VI Phrabartes II. regnauit annos XXIIX
- VII Artabanus regnauit annum I
- VIII Muhradates II. regnauit annos IIII
- IX Orodes regnauit annos XIIX
- X Phrabartes III. regnauit annos XI
- XI Tyridates regnauit annum I
Phrabartes IIII. iterum regnauit annos XXX
- XII Phrabartes IIII. regnauit annos II
- XIII Orodes II. regnauit annos II
- XIV Vonones regnauit annos V
- XV Artabanus regnauit annos XIX
- XVI Tyridates II. regnauit annum I
Artabanus iterum regnauit annos VII
- XVII Sinnaces regnauit annum I
Artabanus tertio regnauit annum I
- XIIX Gotarzes, & Bardanes una regnarunt annum I
- XIX Bardanes solus regnauit menses IIII
Gotarzes solus regnauit annos II
- XX Vonones II. regnauit annum I
- XXI Vologeses regnauit annos XXXIIII
- XXII Vologeses II. regnauit annos XXI
- XXIII Chosdroes regnauit annos V

XXIV Imp. Caesar Traianus Augustus regnavit annos III

XXV Parthenaspates regnavit annos IIII

Chosdroes iterum regnavit annos XXXIIII

XXVI Vologeses III. regnavit annos XL

XXVII Artabanus II. regnavit annos XXXIIII

REGVM. PERSARVM. EPILOGVS

Anni Christi Artabano ab Artaxerfe Persa caeso, Parthorum regnum in oriente finitum est anno urbis conditae C ∞ LXXIIX. Christi uero CCXXVI. Quo anno primus in Persis regnare coepit

226 I Artaxerses magnus, qui regnavit annos XIII
mensēs X

240 II Saporess regnavit annos XXXI

272 III Ormisda regnavit annum 1. dies X

273 IV Vararanes regnavit annos V

278 V Vararanes II. regnavit annos XVI

294 VI Vararanes III. Seganesna regnavit mensēs IIII

294 VII Narses regnavit annos VII. mensēs IX

302 VIII Misdates regnavit annos VII. mensēs IX

310 IX Saporess II. regnavit annos LXX

380 X Artaxerses II. regnavit annos IIII

384 XI Saporess III. regnavit annos V

389 XII Vararanes IIII. Cermasat regnavit annos XI

400 XIII Isdigerdes regnavit annos XXI

421 XIIII Vararanes V. regnavit annos XX

441 XV Vararanes VI. regnavit annos XVII. men-
ses IIII

458 XVI Perozes regnavit annos XXIII

516

IMPERIVM

- 482 XVII Valens regnavit annos IIII
 485 XIIIX Cauades Perozis F. regnavit annos XI
 497 XIX Zambases regnavit annos IIII
 501 Cauades iterum regnavit annos XXX
 531 XX Chosdroes Cauadis filius regnavit an. XLVIII
 579 XXI Ormisda II. regnavit annos X
 589 XXII Chosdroes II. regnavit menses III
 589 XXIII Vararanes VII. regnavit annum I
 590 Chosdroes II. iterū regnavit annos XXXVIII
 628 XXIV Syrrhois regnavit annum I
 629 XXV Adefir regnavit menses VII
 629 XXVI Sarabarzas regnavit menses II
 630 XXVII Vararanes VIII. regnavit menses VII
 631 XXIIIX Ormisda III. regnavit annos IX

Anno Domini DCXXXIX. exacto Persarum re
 ge Ormisda ab Haomaro tertio Sarracenorum
 Amyra, orientis regnum ad Sarracenos translatum
 est. Quorum primus fuit Mahometh

REGES. SARRACENORVM ARABVM

Anno Domini DCXXI

- 621 I Mahometh Abdallae F. Abdalmutalis nepos
 Arabs pseudopropheta Sarracenis leges dedit,
 a quo anni Arabum computantur, Is regna-
 vit annos XI
 532 II Eubokara Abdallae F. Odmen N. regnavit an-
 nos II. menses VI. dies XIII
 634 III Haomar Albata F. Alphail N. regnavit annos
 XI menses VI. Hic Aegyptum, Suriam, & Me-
 sopotamiā

Sopotamiā cum Armenia Romanis ademit, Persarū regnū excidit, orientisque imperiū ad Saracenos trāstulit, quorum ipse primus rex fuit

646 IIII Huthman Alpnen filius, Alaci N. regnavit annos X

Post Huthman schisma fuit in Arabum imperio, in Perside enim & Arabia regnavit

656 V Halim filius Abitalif, annos IIII. menses IX

656 VI Moaxias uero Cephan F. regnavit in Aegypto & Suria an XXIIII

660 VII Albatem Halim filius regnavit in Perside menses V. dies XXII

661 Quo mortuo Moaxias omnia obtinuit, quem annum Sarraceni Alema idest congregationis uocant

680 VIII Hirid F. Moaxiae regnavit annos III

683 IX Muthar regnavit annos VI. in Perside

683 X Abdellas regnavit in Aegypto et Arabia ānos II

683 XI Murhuā F. Moaxiae regnavit in Suria mēses IX

684 XII Abimelech F. Murhuam regnavit in Syria anno XXI. menses VI

690 Abimelech solus tyrānis occisus regnavit annos xv. menses VI

705 XIII Vhalid F. Abimelech regnavit annos IX

704 XIV Sulehimam F. Vhalid regnavit annos III

717 XV Ahomar II F. Vhalid regnavit annos III

720 XVI Hirid II. F. Haomari regnavit annos IIII

724 XVII Hisam F. Haomari regnavit annos XV III

743 XIIII Vhalid II. F. Hisam regnavit annos II

745 XIX Murhuan II. F. Hisam regnavit annos VI

750 XX Mahometh II. Abubalas F. Echin regnavit an. v

- 755 XXI Abdellas F. Echm regnavit annos XXI
 776 XXII Abdellas II. Mahometh Madi F. Abdellae regnavit annos IX
 785 XXIII Mofes Madi F. regnavit annum I
 786 XXIII Aaron Madi F. regnavit annos XXIII
 809 XXV Mahometh III. Aaron filius regnavit an. IIII
 813 XXVI Abdellas III. filius Aaron regnavit ann. VII
 820 Post Abdellam III. in quattuor tetrarchas imperium Arabum Sarracenorum diuisum est: nam in Perside, Mesopotamia, Suria, & Aegypto quattuor reges per uim creati, eam monarchiam quae annos prope ducentos perdurauerat, conuulserunt. Ex Theophane Isauro, Anastasso Bibliothecario, & Sigeberto excepta

Qua ratione Romanum imperium excisum sit

Dacia prouincia amissa

Romanam potentiam usque ad Traiani principatum semper auctam, eiusque imperij terminos sub ipso principe longissime propagatos fuisse, supra demonstraui. Post quem imperij Romani limites ab Hadriano mutatos, a sequentibus uero Augustis restitutos etiam uidimus. Nec unquam prouincia ulla uel ui, uel sponte amissa, quae non magno etiam cum foenore recuperata fuerit. Primum omnium sub Gallieno, quem ignauissimum & perditissimum imperatorem Romana respublica passa est, prouinciae non amplius receptae, amissae sunt. Nam eo imperante Dacia transdanubiana a Scythis occupata est, Romanoque imperio erepta, quam quum paene recuperasset qui ei successit Aurelianus, desperans teneri posse, omnem Daciam transdanubium, sublato exercitu prouincialibus reliquit, abductosque ex ea populos in Moesia collo-

collocauit, appellauitq; suā Daciam, quae duas Moestas diuide-
ret: ita Vopiscus in Aureliano. Prima autem & secunda Da-
cia dictae, quod a duobus praesidibus regerentur, qua ratione
Moesta, Armenia, Germania, Belgica, Lugdunensis, & om-
nes fere prouinciae diuisae erant. Vnde Iornandes in annali-
bus: Aurelianus (inquit) imperator euocatis ex Dacia legio-
nibus, in Moesta collocauit, ibique aliquam partem Daciam
mediterraneam, Daciamque ripensem constituit, & Darda-
niam iunxit. Et Rufus: Sub Gallieno imperatore Dacia amissa
est, & per Aurelianium translatis exinde Romanis, duae
Daciae in regionibus Maesiae, & Dardaniae factae sunt

Prouinciae Transtigrim, Nisibis
& Mesopotamia amissae

Constantio imperatore Magni Constantini filio mortuo,
Iulianus qui ex Caesare Augustus in Gallijs ab exercitu appel-
latus fuerat, redacta ad se unum orbis terrarum administra-
tione, gloriae nimis cupidus, in Persas expeditionem parauit.
Persarum fines Euphrate traiecto ingressus, Assyriam popu-
latus est, multa oppida partim ui, partim deditioe cepit, apud
Cthesiphontem castra statiuā aliquandiu habuit. Hanc ade-
ptus uictoriam, a militibus de reditu admonitus, non obtem-
perauit, sed exustis nauibus, a transfuga quodam in insidias
deductus, quum eum hinc inde Persae urgerent, e castris iam
positis arrepto tantum clypeo, inconsultius procurrit. Vbi
dum nititur ordines ad proelium componere, ab ignoto ho-
stium equite conto per ilia traiectus est. Inter effusionem ni-
mij sanguinis, quum suorum ordines, quamquam faucius in-
staurasset, labore & uulnere debilitatus, medio sequentis no-
ctis defecit. Eo mortuo Iouianus primicerius domesticorum
genitus patre Varroniano incola agri Singidoniensis, e pro-

uincia Pannonia, qui tunc modestius militabat, ad obtinendū imperium consensu exercitus, proelio quidem superioris, sed morte imperatoris confusus, electus est, commendatione patris quam sua notior. Quum commeatu deficiente, exercitus inopia laboraret, & uia in reditu prolixior immineret, res omnes turbatae essent, Persaeque crebris excursibus, nūc a fronte, nunc a tergo, mediorumq; latera incurstantes, agmina morarentur, consumptis aliquot diebus, & uno atq; altero proelio uictus, tanta reuerentia Romani nominis fuit, ut a Persis iam uictoribus de pace primus sermo haberetur, conditionibus (quod nunquam antea acciderat) Romano imperio duris impostis. Cupidior enim imperij, quam gloriae Iouianus, & imperio adhuc rudis, pacem cum Sapore Persarum rege necessariam quidem, sed ignobilem in xxx. annos fecit, redditis quinque Transstigitanis prouincijs, quas Galerius Persarum uictor fecerat, cum castellis quindecim cis Tigrim, Nisibi & Singara urbibus, & parte Mesopotamiae. Quod ante eum, ex quo Romanum imperium conditum erat, nunquam acciderat. Hanc rem ita tradit Agathius libro III. Nisibis ciuitas quae Romanorum fuit, in Persarum ditionem peruenit, Iouiano imperatore eam tradente. Is nanque in ipsis mediterraneis Persarum locis, eorundem ditionis & iuris Iulia no repente deperdito, per milites imperator mox declaratus est. Et quoniam sibi nuper delatum imperium fuerat, perturbatis, ut par erat, iam rebus, & in hostili praecipue, haud quamquam in praesentia poterat lentius ut decuisset, res ipsas dissonere, praesertim abscedere cupidus, ne in aliena mora diutius traheret sed ad sua, imperij aemulum uerens, quam primum rediret, ignominiose & turpiter cum Persis pacem fecit, ijs conditionibus quibus in id tempus iacturam non medium Romanam respublica fecit; & nouis quibusdam terminis

nis Romanum retraxit imperium, idque quum porrectius esset, & ultra fuisset antea propagatum stolide nimis intercidit. Hanc eandem rem Rufus, Eutropius, Orosius, Iornandes, & omnium accuratissime Marcellinus libro x x v. qui ei bello interfuerat, referunt. Tunc autem imperij termini ab oriente super Euphratem iterum reformati sunt. Quos ipsos D. Augustinus libro IIII. de ciuitate dei suo tempore fuisse sexaginta paene annis post, scriptum reliquit. Orientalis imperij limites a Iouiano ignominioso foedere statutos, diu permanserunt, non enim ante Phocae imperatoris tempora mutati sunt, quum egregie orientis imperatores Romani imperij Persas uersus fines semper tutati sint. In occidente uero longe diuersam, & acerbiores fortunam Romanum imperium, quam nunc exponam, passus est

OCCIDENTALIS . IMPERII EXCIDIVM

Saepe exposui praecipuam imperij casus causam fuisse, nouam illam quam Constantinus imperator fecit imperij constitutionem, qua auctore Zosimo, Rheni, & Danubij ripas XV. legionum praesidio spoliavit, & quod unum firmissimum ac stabile erat, quum in duo diuississet infirmum, & imbecille reddidit. Quamuis non inficias eam, imperium ipsum malis institutis in praeceps labens, eorum qui post Theodosium fuerunt imperatorum fatali ignauia, & socordia omnino corruisse, ut non minus in eo perdendo laborasse uideantur, quam ueteres illi duces in eius magnitudine asserenda. Quid enim Romano imperio perniciosius accidere potuit Honorio, & Valentiniano III. imperatoribus? Sub quorum principatibus uix quinquaginta annorum intervallo, id concidit & euersum est, in quo

quo acquirendo, mille fere annorum praestantissimorum du-
cum labores & uigiliae consumptae erant. Omnium malorum
& ruinae ab eius regionis populis initium ortum est, qui Rhe-
no, & Danubio Romani imperij claustris olim firmissimis cla-
udebantur. Hi fuerunt Getae, id est Gothi in Visigothos, &
Ostrogothos distincti, Hunni, Alani, Vandali, Franci, Burgun-
diones, Heruli, Longobardi, & multi alij, qui regiones frigida-
das & incultas obtinentes, in eam aliquando excrescebant
multitudinem, ut natale solum saepe relinquere coacti, ad no-
uas querendas sedes flumina Danubium, & Rhenum transie-
runt. Hinc Cimbri, Teutones, Ambrones, Daci, Getae, Scythae
quum saepe exissent, Romanum imperium etiam ante Constanti-
ni tempora acriter uexauerunt. Quorum uim quum Augus-
tus providentissimus princeps praesensisset, eam ualidissimis
legionibus super amnium ripas collocatis reprimere posse ex-
istimauit. Cuius institutis asequentibus Romanis principibus
conseruatis, & auctis, imperium Romanum integrum, atque
a barbarorum furore illaesum custoditum est. Verum legio-
nibus a fluminibus tanquam foribus a portis remotis, quum
legionum timore amoto, barbari in Romanas provincias in-
ruere coepissent, ijs acriter Romani aliquot imperatores res-
titerunt. Quorum nouissimus Theodosius imperator fuit. Hic
barbaros Valentis imperatoris caede, & magna Romano no-
mini clade illata audaciores factos, ingentibus praelijs obtri-
uit, atque intra suos terminos coercuit. Quo mortuo quum
filios Arcadium & Honorium pueros adhuc tanti imperij suc-
cessores, tresque his tutores Gildonem, Rufinum, & Stilico-
nem praestantissimos rei militaris duces reliquisset, haud ita
multo post, ob eas quas refferam causas, imperium quod ad
ea tempora integrum perductum fuerat, corruiere coepit, bar-
baris non prohibitis solum, sed ultro etiam dolis, & proditio-

ne aut euocatis, aut in Romanas prouincias intruentibus non compressis

VRBS. ROMA. A. GOTHIS. PRIMVM

C A P T A

Septentrionalis regio quanto magis ab aestu solis remota est, & magnis frigoribus uexata, tanto salubrior corporibus hominum, & propagandis conseruandisque gentibus est comodior, perinde ac econtra, meridies omnis, quo Solis est feruori propinquior, eo morbis & infirmitatibus est magis obnoxius, & hominibus educandis minus aptior. Hinc factum est, ut tot gentium manus ijs in regionibus ortae sint, quae Rheno & Danubio fluminibus continentur. Ex quibus multae & innumerabiles gentes saepe egressae, quae non solum Asiam, sed Europam & Africam afflixere, praesertim quum terras asperas, incultas, & infrugiferas colerent, quare ijs saepe necesse erat diuisione facta patrias regiones relinquere, & ad nouas quaerendas sedes commigrare. Hinc hi barbari egressi, qui Romanum imperium exciderunt. Quorum praecipui fuere antiquis temporibus Scythae, & Getae, recentioribus uero Gothi appellati, quorum qui orientales regiones tenebant Ostrogothi, qui occiduas Visigothi uocati. Praeter eos fuerunt omnium saeuissimi Hunni, Vandali, & Alani, Franci, Burgundiones, Gepidae, Heruli, & Longobardi. Primi omnium Gothi, quos cum alijs barbaris flumina transire ausos Constantinus imperator primum, dein Iulianus Caesar, tum Valentinianus magnis affecerant cladibus, atque intra suos fines continuerant, sub Valente bellum cum Romanis diu intermissum hanc ob causam repararunt. Haud multo tempore ante Valentis imperatoris obitum, Gothi trans Istrum constituti,

ti, bello ciuili ob agrorum fines exorto inter se conflictabantur. Eorum parti alterae Fritigernus Arrianae religionis, alteri uero Athanaricus adhuc gentilis praeerant. Quum Athanarici factio praeualuisset, Fritigernus auxilia ab imp. Valente petijt. Valens statim Thraciarum ducibus imperauit, ut Fritigerno contra Athanaricum praesto essent, qui a Romanis cum sua Gothorum factione uictus, his postremo conditionibus ex Imperatoris Valentis auctoritate pacem cum Fritigerno fecit, ut uterque eas regiones obtinerent, ipseque orientalem partem, Fritigernus uero occidentalem agrorum, quos trans Istrum habebant possiderent: hinc Ostrogothorum & Visigothorum, hoc est orientalium & occidentalium Gothorum nomen ortum. Visigothi post haec a bello quieti, pacem cum Romanis habebant. Haud multo post ciuiles Gothorum seditiones sedatas Hunni diu in proprijs, & inaccessis claustris montibus, repentina rabie & furore perciti, palude Meotide egressi, relicto patrio solo, Gothis bellum intulerunt, in quo Ostrogothis uestigialibus factis, Visigothorum quos aliquot proelijs uicerant, & patrijs sedibus, agrisque eiecerant, trans danubianas regiones sibi ipsis uendicauere. Visigothi natali solo ab Hunnis pulsi, Danubio traiecto, a Valente sine ulla foederis pactione, & armorum depositione intra imperij Romani limites suscepti sunt. Qui eis Thraciae partem ad habitandum concessit, arbitratus se eorum opera in reliquis barbaris oppugnandis usurum. Gothi per auaritiam Maximi Thraciarum ducis, fame ad rebellandum coacti, Thraciae finibus non contenti, ut erant animo & moribus inmites uicinas sibi regiones, & urbes populari coeperunt, qui a Valente admoniti, quum nec a rapinis quiescere uellent, nec de his quae contra imperatorem gesserant, satis facere, bellum ijs Valens indixit. Superatis autem prima congressione Romanis, Gothi per om-

nem Thraciam diffusi sunt. Imp. Valens exercitu, aduersus eos educto, lacrimabile in Thracia bellum gessit, in quo ad primum Gothorum impetum perturbatis Romanorum equitibus, Romanae legiones equitum praesidio denudatae, & a Gothis cinctae, usque ad internicionem caesae sunt. Valens imp. quum sagitta saucius fugeret, & ob dolorem nimium saepe equo laberetur, ad cuiusdam uillulae casam deportatus est. Vbi superuenientibus Gothis, domo incensa, uiuus quoque crematus est anno imperij XIII. uitae L. Contigit haec clades, qua nulla post Cannensem Romano nomini exitiabilior fuit VI. Idus Augusti, anno Christi CCCLXXVIII. Valente VI. & Valentiniano iuniore II. Augg. cons. Occiso Valente Theodosius dux rei militaris peritissimus a Gratiano occidentali imperatore Augustus appellatus, atque orientali imperio praepositus est. Gothi interim Valentis caede superbiores facti, omnem Thraciam igni, ferroque uastarunt, Constantinopolim aggressi, eam aliquot mensibus obsederunt. Hunni quoque, qui Visigothos expulerant, & cum ijs Ostrogothi, & Alani audita Romanorum clade, traiecto Istro Pannoniam, Moesiam, & Daciam deuastabant. Theodosius imperio orientali suscepto, summa felicitate, multis atque ingentibus proelijs Gothos uicit, & e Thracia eiecit. Alanos, & Hunnos bello aggressus fregit, eisque trans Istrum effugatis, Romanas provincias omnes liberauit. Postremo ne paruam Romani exercitus manum assidujs bellis consumeret, pacem cum Athanarico rege Visigothorum fecit, eumque Constantinopolim euocauit, ubi quum XV. die postquam aduenerat obijisset, Gothorum uniuerfa gens rege defuncto, Theodosio ipso, Romanoque imperio se dediderunt, quorum opera duobus asperrimis bellis ciuilibus Maximi, & Eugenij, item in multis externis usus est. Theodosio mortuo, cuius metu omnes barbarae nationes in-

tra suos quaeque fines quieuerant, Visigothi, qui quindecim fere annis sine rege Romanis seruierant, puerorum imperatorum aetatem negligentes, contra foedus regem sibi elegerunt Halaricum, qui strenue sub Theodosio inter Gothos militauerat. Iniuriam imperio factam dissimulare coactus est imp. Honorius, nam Hunni & Alani audita Theodosij morte, Istro iterum traiecto Pannoniam, Moesiam, & finitimas regiones occupauerant. Pace enim cum Halarico rege facta, magister militiae ab imperatore creatus est, atq; contra Hunnos missus. Quibus a Gothis intra Pannoniae fines compulsis, quum in Italiam uictor reuersus esset, sedes sibi, agrosque ab imperatore petijt, tot pro Romani imperij dignitate tuenda laborum praemium. Honorius timore Gothorum perterritus, Gallias his concessit, quas paulo ante Vandali, Sueui & Alani clam a Stilicone inuitati, occupauerant. Qui quum in Gallias ire pergeret, & ad portanda itineris necessaria apud Pollentiam resedisset, Stilico in perniciem Romani nominis Gothi nihil suspicantibus, die sancto Paschali bellum intulit, non ut extingueret, quod in manu eius erat, sed ut lacefferet. Quibus tumultuantibus rerum nouandarum materiam haberet. Sed antequam coepta perficeret, Honorij iussu, quum eius insidias cognouisset, occisus est. Gothi uero Stiliconis perfidia exagitati, coeptum in Gallias iter deserentes, Romam citato gressu contendunt, urbem IX. Kal. Septembris capiunt, incendunt, & populantur, Varrone & Tertullo cos. Anno Christi CD=XI. imperatorem per ludibrium Atallum quendam senatorem creant. Vrbe egressi Campaniam, Lucanos, Bruttios, & magnam Graeciam ferro, incendijs, & rapinis acerbè uexarunt. Mortuo uero apud Consentiam Halarico, Athaulphus rex in eius locum constitutus, in urbem reuersus, quae superfuerant locustarum more Gothi abradunt, Galliam Placidiam sororem imp.

imp. Honorij urbe abductam Athaulphus uxorem duxit. Atque in Gallias Halarico olim destinatas ab Honorio sedes profectus est. Quae uero bella in Gallijs primum deinde in Hispanijs Visigothi contra Vandalos, & Alanos gesserint, & quo modo postremo Franci, & Burgundiones Gallias, Visigothi Hispanias, Vandali Africam, & Ostrogothi Italiam occupauerint, paulo post exponam

PANNONIA. NORICVM. RHETIA. MOESIA
THRACIARVM. ET. ILLVRICI. PARS
AB. HVNNIS. OCCVPATAE

Theodosio imp. mortuo, eiusque uirtutis metu amoto, Romanum imperium undique partim ui, partim ducum Romanorum perfidia uexatum, & attritum est. Tunc enim gens omnium saeuissima Hunnorum, quam Theodosius per Pannoniam se diffundentem deuicerat, et transdanubium eiecerat, iterum Istro traiecto Pannoniam omnem, Daciam, Moesiam, Noricum, Rhetias, Illyrici & Thraciae partem sub eius rege Balamber occupauit, quas prouincias diu ante a Caesare Augusto Romano imperio adiunctas, quum eas Hunni inuasissent diu possederunt. Huius gentis reges fuerunt Supthar, Rusila, Bleda, & gentium orbisque flagellum Atila, qui Romano imperio sub Valentiniano tertio ingentes intulit calamitates, urbes excidit, prouincias deuastauit, & omnia igni ferroque consumpsit, Thracias & Illyricum saeuissima populatione uexauit, omnia praeter Perinthum & Hadrianopolim cepit. Macedoniam post haec, Moesiam, Achaiam, Graeciam omnem populatus est. Non contentus his prouincijs quas maiores sui Romano imperio eripuerant, fortissimarum gentium quas debellauerat praesidio fretus, animum ad occupandum totum occidentis imperium intendit. In Gallias primo transgressus

gressus memorabili proelio in campis Catalaunicis ab Aetio patricio adiuuantibus Meroueo Francorum, & Theoderico Visigothorum regibus uictus, in Pannoniam reddere coactus est, reparatis uiribus, quum expeditionem in Italiam edixisset, & Aquileia capta, & diruta, Venetiam omnem deuastasset, dum ultra progredi pararet, obuium habuit Leonem papā pro pace a Valentiniano imperatore missum, cuius precibus exoratus, relicta Italia in Pannoniam reuersus est. Vbi dum iterum in Italiam redire pararet, morte repentina decessit. Post cuius obitum Hunnorum imperium, quod toti orbi formidabile erat, paulatim labefactari cepit, quum Ostrogothi, Gepidae, Heruli, Marcomani, Toringi, Sueui, Quadi, Rugi, et Septentrionales alij populi ab eo defecissent. Quibus rerū tumultibus Hunni ab Ostrogothis uicti, Pannonia & finitimis regionibus, quas Romanis antiquitus ereptas longo tempore tenuerant eiectioni sunt, & in Scythiam fugati. Pannoniam & Hunnorum regiones Ostrogothi primum, mox Longobardi, deinde Hunni a Lōgobardis uocati, iterū usq; ad Caroli magni tempora tenuerunt: quibus, quum ab Vngaris Septentrionalibus populis bello petiti essent, omnes fere ad nihilum redacti sunt, Pannoniaque & antiquae Hunnorum sedes ab Vngaribus sunt occupatae. Qui rege sibi creato ad nostra usque tempora Pannoniam possedere, in quibus a Turcis eius maiori parte spoliati sunt

GALLIAE . AMISSAE

Theodosio imperatore uita functo, a quo tempore imperij Romani exitium inchoatū, ueluti rapidissimo torrente in praecipitium tractum est, quum eius filij adhuc pueri essent, barbari a Theodosio domiti undique lacefcerent, dissentiones ciuiles de

repente ad omnium miseriarum cumulum exortae sunt. Certamen enim inter tres tutores de rerum administratione ortum, eò tandem processit, ut Gildoni & Rufino proditoris, & secretorum cum barbaris foederum, quae contra imperium iniierant, reis occisis, solus superfuerit omnium pessimus, & callidissimus, Romanique imperij exitio natus Stilico. Qui contra affinitatis & amicitiae ius (erat enim Honorij imp. socer) quum Honorio genero insidias astruere, filioque suo imperium parare studeret, Romanis copijs & fidei diffidens, Hunnos ante omnes, Vandalos, Sueuos, Alanos, Burgundiones, et alios immanes barbaros, in Romanas prouincias clam euocauit, euocatos fouit, & quum eos delere posset, conseruauit; quorum beneficio, & praesidio, Honorio occiso, imperium filio compararet. Ipse post Theodosij mortem Hunnos in Pannoniam euocauit, ipse Gothis rebellare, & ut Halaricū regem crearent persuasit, eum saepe conclusum incolumen dimisit, illum ut contra Honorium insurgeret impulit, & postea nihil tale suspicantem, quum ad Gallias ab Honorio sibi destinatas pergeret, ultro laceßiuit, unde irati barbari Romam populati sunt. Ipse Rhadagaisum Scytham cū ducentis millibus hominū in Italiam acciuit, qui postea in montibus Fesulanis conclusus, uictus & occisus est. Ipse postremo Vandalos, Sueuos, Alanos, & Burgundiones immanissimos barbaros, ut Gallias inuaderent clam sollicitauit. Qui cum ingenti multitudine Arcadio VI. & Probo coss. anno Christi CCCCVI. Rheno traiecto prid. Kal. Ianuarias Gallias Croscō duce ingressi essent, omnia ferro, flammis, ui, & rapinis subuerterunt, episcopos plurimos, & alios sacerdotes occiderunt, & nihil relictum est, quod non impietate defoedarint. Dum haec in Gallijs geruntur, Halarichus Gothorum rex ab expeditione Hunnica reuersus Gallias Vandalorum furori expositas, ab imperatore

Honorio obtinuit, uerum iniurijs Stiliconis laceſſitus, Galliarū expeditione omiſſa, Italiam omnem urbe capta uaſtauit. Huius ſucceſſor Athaulphus Gallicanam militiam aggreſſus, Vandalos, & Sueuos magnis proelijs uiſtos, ex Gallijs elecit. Qui in Hiſpaniam migrantes, eam omnem obtinuerunt. Poſt Athaulphum Viſigothorum rex in Gallijs fuit Sigericus, poſt quem Vallia, hic pace cum Honorio imperatore facta, Galliam omnem Romanis reſtituit, Aquitania tantum, in qua Gothi habitarent obtenta. Rebus Galliarum ita cōpoſitis, haud multo poſt Hunni Atila rege, qui occidentis imperium affectabat, Gallias hoſtiliter ingreſſi, omnia deuabaſant. Galliarum praefidio Aetius miſſus adiuuante Theoderico Viſigothorum, & Meroueo Francorum regibus, Atilam memorabili proelio in campis Catalaunicis uicit, atque eo fugato Gallias omnes liberauit. Non longe poſt Aetius patricius, cuius uirtute occidentis imperium haecenus conſeruatum fuerat, a Valentiniano imperatore occiſus eſt, cum cuius morte etiam imperium concidit. Nam eius caede cognita, barbari qui eius uirtutem ueriti, intra ſuos fines quieuerant, undique excitari coeperunt. Si quidem Hunni reparatis uiribus Italiam inuaſerunt, Franci & Burgundiones Gallias, quae Rhenum uerſus ſunt, Gothi eas Galliarum partes, quae Aquitaniae propinquae erant occuparunt, atque ita Romanorum breui in Gallijs defecit imperium. Mortuo Valentiniano, quum Romani imperij dignitas, ita defeciſſet, ut omnia in barbarorum poteſtate iam eſſent, Gothi & Frāci cum Burgundionibus bello inter ſe decertare coeperunt. Gothi a Francis ex Gallia exacti Hiſpanias occuparunt. Vandali qui a Gothis ex Hiſpania electi in Africam traſſerant, Carthagine capta, Africam Romanis eripuerunt. Franci & Burgundiones Gallias in deditiōem redactas diuiſerūt, ut Burgundiones propinquas Rheno regiones tenerent, Fran

ci uero interiorem Galliam, quam barbarorum nouissimi ad nostra usque tempora possident. Obtinuerunt uero Gallias omnes pacifice Franci sub eorum regibus Childerico, & Clodoueo, circa annum Christi CDLXXX

HISPANIAE. A . VANDALIS. SVEVIS. ET GOTHIS. OCCVPATAE

Vandali, Sueui, & Alani a Stilicone in Gallias euocati, Rheno traiecto, eas paene omnes occuparunt; in quibus dum more immaniū barbarorum debacharentur a Gothis Ataulpho, & Vallia regibus ab Honorio imperatore ad liberandas Gallias missis, Gallijs exacti transito Piraeneo, Honorio VIII. & Theodosio III. Augg. cos. anno Christi CDX. Hispaniam Romanis ereptam multis annis obtinuerunt. Quum Gothi, qui Galliam incolebant a Francis bello urgerentur, Gothi in Vandalos uersa uice bellum mouent, Franci Gothos ex Gallijs, Gothi Vandalos, & Alanos ex Hispania eiecerūt. Sueuos uero ad internicionem cecidere. Quo tempore Vandali, & Alani a Bonifacio, qui pro imperatore Africae praeerat in Africam euocati, Hispanias Gothis possidendas reliquerunt, Gothi Hispaniam Romanis praesidijs omnino expulsi, quum sui iuris fecissent, ea sub ipsorum regibus longo tempore potiti sunt. A Sarracenis Arabibus, qui Africam occupauerant, ingenti bello profligati, rege Roderico occiso, Hispaniam fere omnem, quam Arabes occuparunt, amiserūt. Gothi, qui bello superfuerant, quum in Asturum, Cantabrorum, & Gallaecorum montibus se se munissent, paulatim amissas regiones, urbes, & castella recuperare coeperunt, & postremo quum Sarracenorum res in Baetica Hispania se contraxissent, omnemque Hispaniam Gothi recuperassent, ijs ea

tiam à Catholico Ferdinando rege uictis, atque omni Hispania expulſis, uniuerſa regio antiquis dominis eſt reſtituta

AFRICA . A : VANDALIS OCCVPATA

Valentiniano imperante, Africam Bonifacius pro Romano imperatore obtinebat, qui inimicorum calumnijs apud imperatorem exagitatus, quum eius iram uereretur, uitaeque ſuae partim aperta ui, partim proditione inſidiari cognouiſſet, Vandalos, & Alanos, qui tunc in Hispanijs cum Gothiſ bello decertabāt, uno aut altero proelio uictos, ex Hispanijs in Africam uocauit, ut eam prouinciam pacifice, & ſine repugnantia obtinerent. Barbari a Bonifacio inuitati ſub eorum regibus Guntharico, & Geſerico mediterraneo freto traiecto, Hierio, & Ardaburio coſſ. anno Chriſti CDXXVII. Africae pratem primum, cum imperatoris conſenſu, deinde Carthagine capta, omnem inuaſerunt, atque Romano imperio eripuerunt. Africae occupatione non contenti piraticam in mari exercentes, Siciliam, Sardiniam, Corſicam, & Italiam ipſam latrocinijs & praedis uexarunt, urbemque ipſam captam omnibus ornamentis, quae XIII. dierum interuallo auferre potuerunt, expoliauerunt. Africam Vandali annos plus minus LXXXVII. obtinuerunt, uſque ad Juſtiniani imperatoris tempora, a quo quum Vandalis bellum illatum eſſet, capto rege eorum Gilimere, & Vandalis ad internicionem caeſis, Africa omnis imperio orientali reſtituta eſt, fuitque Africa ſub imperatorum orientis iure, uſque ad Leontii imperium, quo tempore ab Arabibus Sarracenis Romano imperio erepta, ab eis ad noſtra uſque tempora in plures regulos diſtincta poſſeſſa eſt

BRITANNIA. AMISSA

Post Theodosij imperatoris mortem, quum occidens omnis bellis barbaricis quateretur, multi in Britannia ex Romana ipsa militia tyrannidem arripuerunt, atque bellis potius intestinis, quam externis insula conflictata est, usque ad Aetij orbem, cuius praesidio Romano imperio adhuc conseruata fuerat. Eo occiso, quum occidentis imperium a uariis barbarorum gentibus hinc inde uexatum esset, communium malorum Britannici expertes esse non potuerunt. Nam ipsa Romana prouincia, quae in ea insula erat a Pictis, Scotis, Anglis, et Saxonibus populis, qui littora Germanici Oceani incolebant, occupata est ipsius Valentiniani imperatoris principatu. Fuitque primo sub quattuor uel quinque regibus Britannia, quot enim gentes fuerunt, quae eam diripuerunt, tot etiam reges erant. Processu temporis in duo redacta est regna insula omnis. Nam is qui antiquae Romanorum prouinciae praeeat Anglorum rex, qui antiquis barbaris Scotorum appellatur

ITALIA. A. BARBARIS . GOTHIS
OCCUPATA

Valentiniano imperatore occiso, quum Alani, & Vandali Africam; Visigothi Hispaniam; Franci, & Burgundiones Gallias; Hunni reliquas occidentalis imperij prouincias obtinerent, sola in Romanorum principum potestate reliqua erat Italia. In qua, in rerum confusione, & tumultu intra xx. annorum interuallum, decem imperatores fuerunt, uarijs & ipsi bellis, & seditionibus a barbaris conflictati, & occisi. Quo tempore Hunnorum & Atilae uniuersae Italiae rabie imminente,

Romani Scythas, Alanos, & Gothicas quasdam nationes in Italiam sui praesidio euocatas, in societatem adsciuerant. Unde ab Halarico, Antalaeque Gothorum tunc ducibus ingentia sunt mala perpeſſi, barbarorum praeserim florentibus in Italia rebus. Nam Romanorum adeo principum ea tempeſtate defecerat dignitas, ut sub decente ſocietatis, & ſoederis nomine, a peregrinis & barbaris uim paſſi, ita uiolarentur, ut impudenter ac nefarie ad pleraque cogerentur inuiti, & non obtemperantes a barbaris necarentur, quum illi aequum iam ducerent omnibus Italiae agris, ut ſibi concederetur, quorum tertiam antea partem Auguſtuli tunc imperantis patrem Oreſtem iuſſerant impertiri. Nam Valentiniano imperatore occiſo Maximus, Auitus, Maiorianus, Seuerus, Anthemius, Olybrius, Glicerius, Nepos, & poſt hunc Auguſtus occidentis imperium tenuere. Auguſtum Romani idcirco Auguſtulum uocabant, quia puer admodum imperium ſuſceperat, quod atque Oreſtes pater, uir quidem ſapientiſſimus gubernabat. Quum Oreſtes tertiae agrorum partis, quam Gothi poſcebant con-ceſſionem ſe facturum eſſe omnino negaſſet, a Gothis interfectus eſt. Quo tempore Odouacer quidam natione Herulus, inter Italicos milites Oreſtis quondam armiger erat, qui Gothiſ omnia pro eorum arbitrio ſe executurum obtulit, ſi Romanorum principem ſe conſtituerent. Hac ratione quum ſibi tyrannidem compiraſſet, Auguſtulo ipſo imperatore ſine offenſione alia ulla permiſſo, in priuati hominis morem uitam ut duceret, ac tertia Italici agri parte barbaris contributa, ad decimum annum tyrannidem ſtabiluit.

Per idem tēpus Oſtrogothi, qui paulo ante poſt Atilae mortē cui ſeruierant, Iſtro tractu imperatoris permiſſu Thracia incolebant, aduerſus Romanos orientales Theoderico duce, uiro tunc quidem Zenonis Byzantij imperantis beneficio pa-

tricio & consulari, arma substulerant. Imperator Zeno qui optime disponere praesentia percallebat, Theodericum potius ut Italiam peteret monet, & Odouacre tyranno eiecto, Italiae principatum sibi Ostrogothisque pararet; illi id longe plurimum conducturum affirmans, praestanti ac senatorio uiro, ut Tyranno deuicto, Romanis & Italicis ceteris imperitaret, quam secum ut imperatore inconsideratius uelit armis decernere, ac tantum inire dubiae belli fortunae discrimen. Theodericus imperatoris persuasione, & consilio delectatus, e Thracia Italiam uersus iter cum uniuerso Ostrogothorum populo suscepit. Quum in Italiam uenisset, Odouacrem triplici proelio uictum, postremo interfecit. Tum omnibus sibi conciliatis, Gothorum solus & Italicorum imperium tenuit, Romani tamen imperatoris nec insignia quidem, nec nomen sibi desumpsit, sed quoad uixit rex appellatus est. Qui quum XXXIII. armis regnasset, uitam finiuit, Athalarico nepote regni Italici herede relicto. Quo mortuo res Gothorum in Italia ad Theodahatum redacta est. Qui regno potitus Amalasuntham Theoderici filiam a qua rex factus fuerat, interfecit. Cum hoc bellum suscepit Iustinianus Augustus, quod Gothicum Italicum uocatum est, annis XIX. continuatum, a Belisario, & Narse praestantissimis ducibus gestum. Bello confecto, & Gothi Italia omni exactis, ipsa cum insulis Sicilia, Sardinia, & Corsica, imperio orientali attributa est, atque in uictoriae praemium Narsi ab imperatore administranda concessa. Qui Romanorum procerum inuidia exagitatus, a quibus apud Iustinum imp. accusatus fuerat, quum ex Italia reuocatus esset, contumelijs Sophiae Augustae irritatus, Longobardos qui tunc cum Hunnis Pannoniam incolebant, quorum praecipue auxilio Gothos Italia expulerat, in Italiam euocauit, & non longe post mortuus est. Longobar

di Italiam ingressi, eā fere omnem occuparunt, Graeci imperatoris praesidijs pulsī. Vrbs sola supererat Roma in ditionē a Longobardis redigenda, quo toti Italiae imperitarēt, quam quum acriter urgerent, nec ab orientis imperatoribus praesidium aliquod speraretur, Romani pontifices ad Francorum longe lateque per totam Europam patentēs opes confugere, qui Carolo Magno rege Italiam ingressi, Longobardis proelio uictis, & eorum rege Desiderio capto, Longobardorum regnum exciderunt, quo tempore Italia fere omnis in Francorū ditionem peruenit. Quae uero post ea tempora Italiae conditio fuerit, ex meo de comitijs imperij libro cognosci poterit. Sicilia, Sardinia, et Corsica insulae, quae adhuc in orientalis imperatoris ditione permāserant, haud multo post a Saracenis totum orbem uexantibus, Africa omni ab ijs in potestatem redacta, occupatae sunt. Siciliam ex eorum manu Nortmanni; Sardiniam, & Corsicam Hispani eripuerunt. Quae omnia ex multis nostrorum temporum historijs facile intelligi possunt. Atque hoc est totius occidentalis imperij excidium: nunc idem de orientali demonstrare conabor

ORIENTIS. IMPERII. CASVS

Mesopotamia, Armenia, Syria, & Aegyptus amissae

Res Romana in oriente usque ad Tiberij Mauricij imperiū incolumis māsit. Is quum Chosdroen Persarum regē seditionibus intestinis regno exactum restituisset, firmissimam cum Persis pacem fecit. Mauricio a Phoca occiso, Persarum rex eius caedem ulturus, fracto foedere in Romanas prouincias excursiones fecit, Euphrateque transgresso Mesopotamiae reliquum, Armeniam minorem, & Suriam Romanis ademit. Interim occiso tyranno Phoca, quum Heraclius qui ei successerat

ferat bellum aduersus Persas suscepisset, illis multis proelijs bello septem annorum uictis, Romanas omnes prouincias, quas Persae inuaserāt, recepit. Persarum fines ingressus multa oppida & vrbes occupauit, Persas omnino attriuit, regeq; Chosdroe interfecto, filio eius Adhestir regnum sub certis conditionibus concessit. Hoc bello ita Romanorum & Persarū uires attritae sunt, ut utriusque imperij ruina haud longe post sequuta sit. Nā statim pace inter Romanos & Persas facta, Sarraceni Arabiae populi duce Mahometh pseudopropheta, quum tumultuari coepissent, quicquid Romani in Arabia possidebant, eis ademerunt, Bostraque colonia deuastata, in Syriā & Aegyptum praedas agere, & finitimas regiones quae Romanis parebant uexare coeperunt. Post Mahometh Eubocharas qui ei successit, breuitate imperij haud multa egisse memoratur, in ipso belli initio quod Romanis inferre parauerat, occisus est. Tertius Arabum princeps Haomar fuit, qui bellum ab Eubokara comparatum suscipiens, cum infinita Arabum multitudine Aegyptum primo intrauit, quam Alexandria capta Romanis ademuit, mox Syriam omnem, & Palestinam peruagatus Hierosolymis, Damasco, & magna Antiochia in potestatem reductis, Romanis aliquot proelijs fustis, omnes Romanas prouincias in deditionem accepit, quae ab Aegypto, & Nili ostijs, ad Antiochiam usque Syriae, proximamque Ciliciam terminantur: in his Palestina, & Phoenices fuere. In interioribus uero regionibus ad Euphratem usque, ut Armeniā, Mesopotamiam, ceteraque omnia si quae tunc eō Romani possidebant, Edessa metropoli capta, ui eis eripuit, quum Romanorum uires recentissimo Persico bello attenuatae, Sarracenorum potentiae impares essent. Romano imperio ita aliquot prouincijs truncato, Sarraceni bellum Persis intulerūt, quorum tunc rex erat Ormisda, quo ab his aliquot proelijs uicto,

uicto, Persarum omne imperium occupauere, orientemq; omnem quem Assyrii primum, deinde Medi, post Persae, ad haec Macedones, mox Parthi, iterum Persae occupauerat, nouissime his impio mulctatis Sarraceni duce Haomaro obtinuerunt. Memorabilis admodum apud Arabes Haomar fuit, ab ijs non minus celebratus, quam a Romanis Caesar, a Macedonibus Alexander, & a Persis Cyrus. Tanti enim imperij conditor fuit, infinitas gentes bello domuit, duo potentissima imperia laesciuit, alterum ex ijs funditus excidit, alterum magna imperij parte priuauit, quae omnia hoc uno magis admirabilia redduntur, quod intra sex annorum spatium, tot tantaque gestit, quae cuiusuis praeterea praestantissimi ducum uitam omnem fatigare potuissent. Aegyptus autem & Suria a Sarracenis occupatae sunt Annis Christi DCXXXV. DCXXXVI. & DCXXXIIIX. Heraclio Romanis imperante. Imperium orientis penes Sarracenos annos paene CCCXX. fuit. Nam circa annum Christi ∞ LXX. a Turcis bello uicti, his conditionibus ipsis imperij summam reliquerunt, ut Mahomet sectam relicta idolatria susciperent, Sarracenorumque sacris initiarentur; quod a gente barbara & dominandi auarissima haud difficulter impetratum est. Atque ita quum Turcae Sarracenorum superstitionem suscepissent, eis cedentibus Orientis imperium ad se postremo transtulerunt

CYPRVS. RHODVS. ET. CRETA
INSVLAE. A. SARRACENIS
OCCVPATAE

Post Haomarum dux Arabum fuit Othmen, quo rege Sarraceni Africae Cyreneicae partem, quae Aegypto contermina est inuasere, mox ingenti classe comparata, duce Mahuia Cyprum

prum insulam Romanis ademerūt Anno Christi DCXLIX
 Ab iisdem haud multo tempore post Creta, & Rhodus
 occupatae. Ex quibus Cyprum ab imperatoribus Graecis re-
 cuperatam Reges Hierosolymorum Latini a Salhadino Palae-
 stina pulsi, sub regni nomine eam multis annis tenuerūt, donec
 mortuo sine mascula prole nouissimo eorum rege, insula vene-
 tis cecit. Cretam item a Basilio Graeco imperatore receptā,
 Veneti sorte obtinuerunt, quū ipsi cū Francis orientis impe-
 rium Comnenis imperatoribus exactis, sibi uendicauere. Rho-
 dum milites Hospitalarij ceperunt, multisque annis summa cū
 rerum gestarum gloria, & felicitate obtinuerant. Qui quū
 Turcis infinita inferrent damna, a Solimano Turcarum imp.
 bello cum ingēti apparatu petiti, proditione magis quam ui, im-
 perio insulae exacti sunt, eaque a Turcis haecenus possidetur

ASIA. MINOR. AMISSA

Post Suriae, Phoenicis, Palaestinae, Aegypti, Mesopota-
 miae, & Armeniae amissionem, Sarraceni proximae Ciliciae,
 Cappadociae, & reliquis minoris Asiae prouincijs inhiare
 coeperunt. Quamquam autem varijs bellis multae Graeco-
 rum ciuitates eorum prouincijs finitimae amissae, multae etiā
 recuperatae, Arabum tamen uis superior semper uisa est. Hi
 paulatim serpendo, latiusque eorum uirus diffundendo, sen-
 sim Cappadociam, Ciliciam, & Galatiam Graecis imperatori-
 bus longo tempore ademerunt. Eorum uero uis in dies semper
 aucta est, donec imperium orientis penes Arabes Sarracenos
 fuit. Quibus a Turcis bello superatis, & in seruitutem reda-
 ctis, ut ad noua imperia fere semper usu uenit, quae qui obti-
 nent, initio sibi famam, & gloriam comparare student, Tur-
 cae sub eorum primo rege Selduch bellum Graecis intulerunt.

Constan-

Constantinopoli tum imperium obtenebat Romanis cognomine Diogenes. Qui ingenti comparato exercitu in Asia Turcis occurrit. Proelio commisso Graecorum exercitus a Turcis ad internicionem fere caesus est, Imperator captus, & tunc Asia omnis, idest Pontus, & Bithynia, Phrygia, Lydia, Caria, Lycia, Pamphilia, Lycania, Pisidia, & reliquae omnes transmarinae prouinciae, quae sub Graecorum imperio adhuc reliquae fuerant a Turcis occupatae. Contigit Christiano nomini funestissima clades VIII. Kal. Octobris, anno Christi ∞ LXXXI. Asiae maiorem partem a Turcis possessam, aliquot annis post sacra militia, quae toto occidente collecta in Palestinam profecta est, recuperauit, eamque ex foedere usque ad Antiochiam Syriae Constantinopolitano imperatori restituit, circa Annum Christi ∞ C. Quam Graecis iterum Turcae sub Othomano, Orcane, Amurate, Paizate, Mahomete, & ceteris Othomanicae gentis regibus cū omni imperio orientis eripuerunt

RELIQVAE. EVROPAE. PROVINCIAE DEPERDITAE

Istriam, Dalmatiam, Illyricum, & Epeirum, quae mari alluuntur Veneti Graecis imperatoribus paulatim, harum uero regionum partem Venetis Turcae postea ademerunt. Ipsarum autem regionum mediterranea uersus Drauum & Sarrum, Istrumque flumina Hunni primum, mox receptas Hungari inuasunt, Moesiam & Thraciae partem Pannoniam uersus Bulgari, et Turcae sub imperatoribus Comnenis occupare. Macedonia, Achaia, Graecia, & reliqua Thraciae pars in qua Constantinopolis sita est, cum orientis imperio concidere, quam quam eas prouincias & saepe amiserint, & saepe

saepe etiam Graeci imperatores recupauerint. Orientis imperium quod a magno Constantino Augusto fundatum, insigni rerum gestarum gloria mille & amplius annos perdurauerat, Constantinopoli IIII. Kal. Iunii, anni ∞ CCCLIII. capta, occiso Constantino xv. Palacologo imperatore Mahometes Turcarum rex ui occupauit. Hic praeter Constantinopolim, Trapezuntem in Ponto cepit. XII. regna Christianis ademit, CC. vrbes occupauit, Chalcin armis, Scodram deditione Venetis abstulit, bello maritimo Capham expugnauit, Italiae Hidrunte capta arma intulit, Peloponnesum & alias orientalis imperij in Europa prouincias obtinuit, & si quid ueteris illius Romani imperij reliquum fuerat, omnino extinxit. Cuius uestigia successores eius Balazetes, Selymus, & Solimanus sequuti, maximas Christianis clades intulerunt. Ita igitur quanta maxime breuitate potui imperij Romani excidium, prouinciarumque omnium amissionem singillatim exposui, quae omnia quo facilius memoriter mandentur, breuem omnium quae dixi epilogum suggeram

IMPERII. ROMANI. PROVINCIAE QVOQVE. TEMPORE. AMISSAE

Italia ab Ostrogothis occupata, ijs exactis a Longobardis primum, deinde a Francis sub rege Carolo magno Sicilia, Sardinia, & Corsica ab Ostrogothis; ab imp. oriētalibus receptae, a Sarracenis obtentae. Quibus Siciliam Nortmanni

Corsicam & Sardiniam Hispani eripuerunt
Britanniam Scoti, Picti, Angli & Saxones inuasere
Hispaniam Vandali & Alani, ijs pulsus Visigothi primum, deinde Sarraceni, mox Sarracenis exactis, iterum Visigothi

thi obtinuerunt
 Gallias Vandali, & Alani primum; ijs eiectis Visigothi, post
 quos Franci, & Burgundiones
 Dacia Transdanubium ab Aureliano imperatore relicta fuit
 Pannonia, Moesia, Noricum, & Rhetia ab Hunnis, Ostro
 gothis, Longobardis, & Hungaris occupatae
 Illyricum, et Dalmatia ab Hunnis, receptae ab imp. post a ve
 netis, Hungaris, & Turcis
 Thracia a Gothis, Hunnis, Bulgaribus, & Turcis
 Macedonia, Graecia, & cet. a Turcis cum imperij excidio
 Africa ab Alanis, & Vandalis, recuperatae ab imperatore,
 a Sarracenis occupata
 Insula Cyprus a Sarracenis, recepta ab imp. a regibus, deinde
 a Venetis obtenta
 Insula Creta a Sarracenis; recuperata ab imp. a Venetis
 occupata
 Insula Rodus a Sarracenis; recuperata a militibus Hospita
 lis, a Turcis per uim occupata
 Prouinciae Transligranae, & Mesopotamiae pars a Persis
 Aegyptus, Syria, Phoenices, Palestina, Armenia, Mesopota
 miae reliqua pars a Sarracenis primum, deinde a Turcis
 Asla minor omnis a Turcis obtenta, recuperata a Gallis, iterum
 a Turcis occupata
 Reliquae maris mediterranei insulae fere omnes a Sarracenis
 occupatae fuerant, multae ex his a Christianis receptae, de
 nuo a Turcis obtentae sunt

IMPERATORES. ROMANI

Quum ego saepe multorum Romanorum principum in hi
 sce meis commentarijs mentionem fecerim, qui uel nouas pro
 uincias

uincias acq̃uifierint, uel amiser̃t, aut amissas recuperauerint,
res postremo desiderare uidetur, ut quemadmodum de regibus
Parthorum, Persarum, & Sarracenorum feci, ita etiam Ro-
manorum principum seriem hic subiiciam, ut quo tempore
unusquisque eorum uel quo ordine res ab ipsis gestae fuerint,
facilius intelligatur

- Anni C. Iulius Caesar dictator imperauit annis IIII
Xpi Imp. Caesar Augustus imperauit annis LVI
15 Ti. Iulius Caesar Augustus imperauit annis XXIII
38 C. Iulius Caesar Augustus Caligula annis IIII
42 Ti. Claudius Caesar Augustus annis XIII
55 Nero Claudius Caesar Augustus annis XIII
69 Ser. Sulpicius Galba imp. Caes. Aug. mens. VII
70 Imp. M. Saluius Otho Caesar Aug. menses III
70 A Vitellius imp. Augustus imperauit menses VIII
70 Imp. Caesar Vespasianus Augustus annis x
80 Imp. T. Caesar Vespasianus Augustus annis II
82 Imp. Caesar Fl. Domitianus Augustus annis xv
97 Imp. Nerua Caesar Augustus annos II
99 Imp. Caes. Nerua Traianus Augustus annos xx
118 Imp. Caesar Traianus Hadrianus Aug. an. xxi
139 Imp. Caesar T. Ailius Hadrianus Antoninus Pius Aug.
imperauit annos xxiii
162 Imp. Caesar M. Aurelius Antoninus Aug. annos xix
162 Imp. Caesar L. Aurelius verus Aug. annos ix
181 Imp. Caes. M. Aurelius Commodus Aug. an. xiii
194 Imp. Caes. P. Heluius Pertinax Augustus mens. iii
194 Imp. Caesar M. Didius Iulianus Aug. mens. ii
194 Imp. Caesar L. Septimius Seuerus Augustus an. xviii
212 Imp. Caes. M. Aurelius Antoninus Caracallus Augu-
stus imperauit annos VI

imp.

- 218 Imp. Caes. M. Opelius Macrinus Augustus annum I
 219 Imp. Caesar M. Aurelius Antoninus Alagabalus Augustus imperavit annos III
 223 Imp. Caes. M. Aurelius Alexander Augustus an. XIII
 236 Imp. Caes. C. Iulius Maximinus Augustus annos III
 238 Imp. Caesar D. Coelius Balbinus Augustus annum I
 238 Imp. Caesar M. Clodius Maximus Pupienus Aug. an. I
 239 Imp. Caes. M. Antonius Gordianus Aug. ann. VI
 245 Imp. Caes. M. Iulius Philippus Augustus annos V
 250 Imp. Caes. Cn. Messius Decius Augustus an. II
 252 Imp. Caes. C. Vibius Trebonianus Gallus Aug. an. II
 252 Imp. Caes. C. Vibius Hostilianus Augustus an. II
 254 Imp. Caes. P. Licinius Valerianus Augustus an. VI
 254 Imp. Caesar P. Licinius Gallienus Augustus an. XV
 269 Imp. Caes. Fl. Claudius Augustus annos II
 271 Imp. Caes. L. Domitius Aurelianus Augustus annos V
 276 Imp. Caesar M. Flavius Tacitus Augustus menses VI
 277 Imp. Caes. M. Aurelius Probus Augustus annos V
 282 Imp. Caes. M. Aurelius Carus Augustus annos II
 283 Imp. Caesar M. Aurelius Carinus Augustus annos II
 283 Imp. Caesar M. Aurelius Numerianus Aug. annum I
 284 Imp. Caes. C. Valerius Diocletianus Aug. annos XX
 286 Imp. Caes. M. Aurelius Maximianus Aug. ann. XVIII
 304 Imp. Caes. Fl. Valerius Constantius Augustus ann. II
 304 Imp. Caes. C. Galerius Maximianus Aug. annos VIII
 306 Imp. Caes. Fl. Valerius Constantinus Maximus Augustus imperavit annos XXXI
 337 Imp. Caes. Fl. Iulius Constantius Augustus an. XXV
 337 Imp. Caes. Fl. Valerius Constans Aug. annos XIII
 361 Imp. Caes. Fl. Claudius Iulianus Augustus annos II
 362 Imp. Caes. Fl. Iovianus Augustus mens. VIII

IMP. ROMANI. OCCIDENTALES

- 364 Imp. Caesar Fl. Valentinianus Augustus an. XII
 375 Imp. Caesar Fl. Gratianus Augustus an. VIII
 383 Imp. Caesar Fl. Valentinianus Iunior Aug. an. IX
 392 Imp. Caesar Fl. Theodosius Augustus an. II
 395 Imp. Caesar Fl. Honorius Augustus an. XXIX
 424 Imp. Caesar Fl. Ioannes Augustus an. I
 425 Imp. Caes. Fl. Placidius Valentinianus Aug. an. XXX
 455 Imp. Caesar Fl. Maximus Aug. mens. III
 456 Imp. Caesar Fl. Auitus Augustus mens. X
 457 Imp. Caesar Fl. Valerius Maiorianus Aug. an. IIII
 461 Imp. Caesar Fl. Vibius Seuerus Augustus ann. IIII
 467 Imp. Caesar Fl. Anthemius Augustus an. V
 473 Imp. Caesar Fl. Anicius Olybrius Aug. menses IIII
 474 Imp. Caesar Fl. Glicerius Augustus annum I
 474 Imp. Caesar Fl. Iulius Nepos Aug. annum I
 475 Imp. Caesar Fl. Momyllus Augustus menses X
 476 Hoc, quum ab Odouacre coactus esset, abdicante, imperium occidentale populi Romani defecit, Gothis Italiam & urbem sub regio nomine obtinentibus. Fuitque in occidente interregnum annorum CCCXXV. usque ad Caroli Magni Francorum regis imperium.

Post Augustum Momyllum cognomine Augustulum, Italiae reges fuerunt Odouacer, Theodericus, Athalaricus, Theodatus, Vitiges, Araricus, Hildebrandus, Totilas, & Theias. Quo bello uicto, & Gothis pulsus, Italia imperio orientis attributa est. Quam quum Longobardi occupassent, Francorum armis ducentesimo anno post in libertatem uendicata est.

O. I M.

IMPERATORES. ROMANI ORIENTALES

- 364 Imp. Caesar Fl. Valens Augustus annos XIII
 379 Imp. Caesar Fl. Theodosius Augustus annos XVI
 395 Imp. Caesar Fl. Arcadius Augustus an. XIII
 408 Imp. Caesar Fl. Theodosius Iunior Augustus an. XLII
 350 Imp. Caesar Fl. Marcianus Augustus an. VI
 457 Imp. Caesar Fl. Leo Augustus an. XVII
 474 Imp. Caesar Fl. Zeno Augustus an. XVII
 491 Imp. Caesar Fl. Anastasius Augustus an. XXVII
 518 Imp. Caesar Fl. Iustinus Augustus annos IX
 527 Imp. Caes. Fl. Iustinianus Magnus Aug. an. XXXIX
 565 Imp. Caesar Fl. Iustinus Iunior Augustus an. XI
 576 Imp. Caes. Fl. Tiberius Constantinus Aug. annos VII
 583 Imp. Caesar Fl. Mauricius Augustus annos XX
 603 Imp. Caesar Fl. Phocas Augustus annos VIII
 611 Imp. Caesar Fl. Heraclius Augustus annos XXX
 641 Imp. Caes. Fl. Constans Iunior Augustus an. XXVII
 669 Imp. Caesar Fl. Constantinus Augustus an. XVII
 686 Imp. Caes. Fl. Iustinianus Iunior Augustus an. X
 696 Imp. Caes. Fl. Leontius Augustus an. III
 699 Imp. Caes. Fl. Tiberius Habesmarus Augustus an. VII
 706 Imp. Caesar Fl. Iustinianus Iunior Aug. iterum an. VI
 712 Imp. Caesar Fl. Philippicus Bardanes Aug. an. III
 715 Imp. Caesar Fl. Artemius Anastasius Aug. an. I
 716 Imp. Caes. Fl. Theodosius Adramytenus Aug. mens. VII
 717 Imp. Caesar Fl. Leo Cono Augustus an. XXIII
 741 Imp. Caes. Fl. Constantinus Copronymus Aug. an. XXXV
 775 Imp. Caesar Fl. Leo III. Augustus an. V
 780 Imp. Caes. Fl. Constantinus Porphyrogenitus Aug. an. X

Ceteros orientis imperatores ideo omisi, quod ad eorum
quae scripsi cognitionem haec ipsorum series sufficiat, quod
si quis reliquos cognoscere uoluerit, qui tam in oriente quā
in occidēte usq; ad nostra tempora fuerunt, is fastos nostros,
eorumque commentarium consulat

F I N I S

De

DE. IIS. QVORVM. PRAECIPVE

opera in his commentarijs scri-
bendis vsus sum



ON sum ignarus , quin
haec omnia, quae tribus his
commētariorum libris cō-
plexus sum, potuerint mul-
to elegantiore dicendi ra-
tione pro eorum dignitate tractari, ego
enim exiguam meam in dicendo faculta-
tem satis perspicio , quippe qui nullum
unquam in hac arte , quae uniuersam
hominis aetatem occupare potest , me
tempus posuisse sciam. Illud autem om-
nes intelligant uelim, me in indigāda re-
rum veritate, eaque hominibus demon-
stranda, quantum in me fuit elaborasse,
qua in re nulli me animi aut corporis la-
bori pepercisse profiteor; quod idcirco
scripsi, quia intelligo nonnullos fortasse
futuros, qui ea , quae ego diuturno stu-
dio

dio vndique conquisiui, atque sine ullis
uerborum ornamentis tradidi, sibi ipsis
meo nomine suppresso uedicabūt, cū ea
pro sua dicēdi facultate se ornatius, aut
illustrius tractaturos esse non diffidant:
quod si unquam euenerit diligentem le-
ctorem oratum uelim, ut ab utro res, ab
utro verba effluxerint accuratius confi-
deret, atque meritas utrique sui laboris
gratias habeat. Antiquitatis enim & ce-
terarum disciplinarum cognitio, nō ver-
borum splendore, sed rerum gestarum
ueritate continetur; quod si quis ad res
ipsas a se inuentas orationis etiam elegā-
tiam addicere poterit, is nimirum singu-
laris, ac prope diuinus homo iudicā-
dus erit. Ego quam potui in hoc opere fidē,
ac diligentiam praestiti, in quo conficiē-
do, multis antiquarum inscriptionum,
multis omnium ueterum scriptorum te-
stimonijs usus sum, quorum praecipui,
praeter Varronem, Ciceronem, Dio-

O o 3 nyfium

nyfium, Liuium, Valerium, Paterculū,
Solinum, Strabonem, Plinium, Plutar-
chum, Tacitum, Tranquillum, Appia-
num, Dionem, Festum, Ouidium, Zo-
simum, Eutropium, Prosperum, & Pro-
copium, ob argumenti similitudinē fue-
runt L. Annaeus Florus T. Liuij abbre-
uiator, Sex. Rufus, P. Victor, & incerti
auctoris liber, cui vtriusque imperij no-
titia nomen est

Ex recentioribus uero **ANTONII**
AVGVSTINI . EPISCOPI
ALLIFANI. in primis opera, & cō-
filio cum in toto opere, tū praecipue in
secundo & tertio libro, ubi de tribubus,
colonijs, municipijs, & eorundem iure
disputaui, multū adiutus sum, nihil enim
paene de his rebus scripsi, quod non cū
eo cōtulerim; qui incredibili humanita-
te de his omnibus rebus, de quibus dubi-
tabam, & acutissime respondit, & gra-
uissime disputauit, ita ut illi uni non mi-
nus

nus quam mihi hunc laborem acceptum
referre antiquitatis studiosi debent
Post eum CAROLVS. SIGONIVS
MVTINENSIS, cuius de laudi-
bus alio loco pluribus scripsi, maxima
mihi ad secundum etiam & tertium li-
brum adiumenta subministravit, hunc
enim unum ut ingenio singulari, & in to-
ta Romana antiquitate, scientia, ac iudi-
cio prope incredibili praeditum, sic exi-
mia humanitate ornatum ex ijs qui non
Romae habitent, esse cognoui. Is igitur
cum forte eodem tempore, quo ego
hunc librum Venetijs excudebam uete-
ra ciuium Romanorum, atque priscorū
Italicorum iura, in ijs libris quos de an-
tiquo ciuium Romanorum, & Italiae
iure inscripsit, literis ac memoriae com-
mendaret, praeclara mihi saepe sua con-
silia communicauit, quibus, ut nihil ad
veterem illustrandam Italiam aptius ef-
se iudicaui, sic ea saepe ad has institu-

tionem meas Romani imperij conscri-
bendas adhibui

PETRI GRVCCHII RHOTO-
MAGENSIS GALLI viri doctissi-
mi, & Romanae antiquitatis peritissimi
libro quoque de comitijs vsus sum; in
quo vniuersam veterum comitiorum ra-
tionem accuratissime explicuit. Ei mul-
tum Galliam, quae est natale solum, sed
plus Italiam, & urbem Romam debere
existimo, a quo elegantibus, & eruditio-
ne plenis commentarijs, hoc nostro tem-
pore multum decoris, & in rebus obscu-
rissimis splendoris acceperunt

Quum ad propositi mihi operis finem tandem peruenerim Caesar Auguste, quod dum honestissimo ocio ab optimo, & grauissimo viro ALEXANDRO FARNESIO Cardinale amplissimo patrono meo, mihi liberalissime concesso fruor, absolui; nūc reliquum est, vt quod initio precatus sum, iterum Maieitati tuae suggeram, vt laborem hunc meum, Augusto numine suo comprobet, meq; inter eorum numerū esse intelligat, qui eam, eiusque incredibiles virtutes obseruant, colunt, & venerantur

F I N I S

Libro secundo, pagina 350. Vbi de flamine Virbia-
li verba feci, me eius mentionem fieri in vetusta
inſcriptione inueniſſe ſcripſi, quam quia tunc ad
manus non erat, in libri fine me adiecturum pol-
licitus ſum, eſt autem haec, quam ad me ex vrbe mi-
ſit Antoninus Auguſtinus epiſcopus Allifanus

.....
P R A E F . I V V E N
E Q V O . P V B L I C O
A D L E C T O . I N . V . D E C V R
O R N A T O . M I L I T I A E
P R A E F . C O H . A F R I C A E
F L A M I N I . V I R B I A L I
A V G V R I . A E D I L I
A V G V S T A L I . Q Q . I V V E N V M

Libro secundo , pagina 544 . tribui
Camilliae hoc adde epigramma Mu-
tinae in uetusto saxo exaratum

P. VETTIO . P . F . CAM
SABINO . E . Q . P
III . VIR . AED . POT
ET . MAG . MAN . RAVEN
CORNELIA . MAXIMINA
MARITO . INCOMPARAB
ET . SIBI . VIVA . POSVIT

Pagina 550. libro secundo, post epigramma C N
SERGIO. in tribu. VOT. hoc etiam, quod Pla
centiae adhuc in Aede D. Paulli extat, adde

V . F

L . BETVCIVS . L . F
VOT. TENAX


L . BETVCIO . L . F
RVFO . PATRI


CINTVLLIAE . L . F
MAXIMAE. MATRI

C . BETVCIO . L . F
SALVIO . PATRVO

L . BETVCIO . L . F
A V O







81.150

119

